



Deuxu Rybe Tyyriti

Karajá New Testament

Contents

MATEU	1
MARKU	51
LUKA	77
JOAÕ	122
AÕHEBO ROTỸỸNYRE	156
ROMA-Ò	204
1 ORITXI-Ò	225
2 ORITXI-Ò	243
ALATXIA-Ò	256
EFESU-Ò	262
FILIPÍ-Ò	268
ÒLÒSÒ-Ò	273
1 TESALONIA-Ò	277
2 TESALONIA-Ò	281
1 TXIMÒTXI-Ò	284
2 TXIMÒTXI-Ò	289
TXITU-Ò	293
FILEMO-Ò	296
HEBREU-Ò	297
Txiau	312
1 PEDRO	317
2 PEDRO	323
1 JUAÕ	326
2 JUAÕ	331
3 JUAÕ	332
JUDAS	333
APOCALIPSE	335



Deuxu Rybe Tyyriti

New Testament in Karajá (BR:kpj:Karajá)

Language: Karajá

Provided by: Wycliffe Bible Translators, Inc.

This print-on-demand edition of Scripture is produced and provided at cost by the Digital Bible Society in partnership with the Bible League of Canada, Open Doors International, and other missions and translation agencies. To order additional copies of this or other Bibles, please visit www.dbs.org (USA), www.bibleleague.ca (Canada), and www.opendoors.org (Europe).

Copyright and Permission to Copy

Copyright © 2011 Wycliffe Bible Translators, Inc.

Copyright © 2011 Wycliffe Bible Translators, Inc. Scripture text used by permission.

PDF, ePub, and MOBI Bible covers and design are copyrighted 2017 by the Digital Bible Society (www.dbs.org).

PDF generated on 2017-08-24 from source files dated 2017-08-24.

55257b19-6e3b-569a-998c-f1598a49eade

ISBN: 978-1-5313-0349-5

Mateu

Deuxu Rybe Wihikÿ Tÿmyra, Mateu Tyyritidÿÿdu

1 Kaheka Jesuisi Kristu labiehekÿ rare. Juhuu tahe Abraõ heka Davi labiehekÿ rare. Iribi tahe Davi heka Jesuisi Kristu labiehekÿ rare.

²Ibutumy ilabiebohonimymy arelyykre. Juhuu tybynimymy arelyykre idi iriõrenimymy: Abraõ, Ijai, Ijaõ, ³Juda, Peresi, (Peresi seriõre tahe Zera inire. Isereny tahe Tamara inire.) Esraõ, ⁴Araõ, Aminadabe, Nasaõ, Salmaõ, ⁵Boasi, (Raabe, Boasise rare.) Obede, Rute, Ijese, Kie.

⁶Davi hãwyy heka Uria hãwyy juhUU raremyhÿ. Iribi Davi-wana roire. Salomaõ iriõre rare. Tii heka Roaboaõ tyby rare. ⁷Idi Abia reare. ⁸Idi Asa, Josafa, Joraõ, ⁹Uzia, Jõtaõ, Aka, Ezekia, ¹⁰Ezekia, Manase, Amo, ¹¹Josia, Jekonia, taseriõre-wana.

¹²Babilonia-ribi rohonyreu tahe tiiboho reare, Jekonia riõre wahe: Salatieli (Tii Babilonia-ki reare.) Zorobabe, ¹³Abiude, Eliaki, Azo, ¹⁴Sadõki, Aki, Eliude, ¹⁵Eliaza, Matÿ, Ijaõ, ¹⁶Ijaõ tahe Jyje tyby rare, Jyje tahe Marie hãbu. Jesuisi tahe Kristu Deuxu deõdÿÿna rare.

¹⁷Kia labiehekÿ sõwe tahe 14my rare, Abraõ-ribi Davi-õ wahe. Tule labieboho 14my rasõwerenyre Davi-ribi Babilonia hãwã-õ ridyreny ixideewimymy aõkõ rõte-õ. Ixyby 14my rasõwerenyre. Iribi tahe Jesuisi reare.

¹⁸Kawese heka Jesuisi Kristu reare. Juhuu Marie Jyje-wana roikremymy rare. Tii ijadõmaule tahe Deuxu Tyytybytyhy ribõtõnyre. ¹⁹Jyje hãbu õbiti rare. Tai tahe riixãwididÿÿnykemy rõhõtinyre. Kia õmo-õ rarybeõlere tuu. ²⁰Kiau ÿju tamymy rarybere tarasina-ki: —Jyje, Davi riõre riõre. Ahãwyy, Marie, biteõnyõke.

Tuu bexihãwyyynykre. Iriõre dori Deuxu Tyytybytyhy riõre rare. ²¹Jesuisimymy raninykre. Kiani tahe irybereny rare: tarasadu. Ibutumymy iny dori iõraruna-ribi ritakre.

²²Iwese Deuxu rybe ihetxiu rarybere wese tahe tii wiji riwinyre. Kia wese ihetxiu rybe rare:

²³—Ijadõma rabõtõnykre. Iriõreni heka Emanueli rarekre.

Kiani tahe irybe-ki kia rare: Deuxu iny-wana ratxireri.

²⁴Iribi tahe Jyje dexixade tarasina-ribi. Iwese Inynyryrenymy tuu tamymy rarybere wesemymy heka tii riwinyre. Tii-wana ratxiõre. Tii aõhe risÿnyõre. ²⁵Uladu reare xiery tii aõhe rira. Tamymy niõ riwahinyre, Jesuisi wahe.

2 Belẽ hãwã-ki Jesuisi reare, Judeia bede-ki wahe. Iõlõ Herodi iõlõmy raremyhÿ. Iu reareu, Hãbu Erytyhy mahãdu taina tÿmyramymy robirenyre. Tai tahe iõlõ mahãduõ doidenyde biura-ribi Jerusalẽ hãwã-õ. ²Tiiboho rÿÿraxirenyre: —Iule judeu mahãdu iõlõ aõbo kaki reare. Jiarÿboho itainamymy rabirenyre tahe nadoidenyde riwowdydynyrenykemy. Kaiboho teerytenyde aõbo titxibo ratxireri?

³Tahe inyõ Herodiko relyyrenyde. Herodi kia roholareu sõwemymy riõtiniyde. Tule ibutumymy Jerusalẽ hãwã mahãdu riõtiniyrenyde. ⁴Tahe Herodi ibutumymy dinodu mahãdu ributunymy: Xiwena wahidÿÿdu dinodu, bede ywina tyyriti erydu mahãdu tule. Tahe tamymy rÿÿraxire: —Titxibo Kristu reakemymy timybo tyyriti-ki rõritidÿÿmymy roire? ⁵Tiiboho tamymy rarybere: —Judeia bede-ki, Belẽ hãwã-ki wahe. Kia tahe ihetxiu rybedu riritinyre.

⁶—Kai Belẽ hãwã mahãdu. Judeia bede hãwãõ. Kai hãwã yja iny rõhõtinyre. Tahe inatyhy aõkõ rare. Kai hãwã nihikÿre. Aribi dori din-

oduō ròhònykre. Wamahādu iòlòmy ronykre. Idinodumy rarekre, judeu mahādu dinodu wahe.

⁷ Tahe Herodi heka biura mahādu ributunyre ibutumy iny-ribi wasimy. Tamy rȳraxire: —Tiutxubo taina ròhònyre? Tahe rirawyònyre.

⁸ Tamyreny rarybere: —Kaiboho boibenyeke Belē hāwā-ò. Idi tahe uladu-ki mahabenykre. Iu wadee manarybebedenykre. Jiarȳ tule tamy arakre ariwowydnykremy. ⁹ Biura Hābu Erytyhy mahādu roholarenyre. Tahe roirenre. Ryki ixityre tainamy robirenre. Uladu tyrehekȳle ritoosònyre. ¹⁰ Iu tahe sòwemy reysarenre. ¹¹ Hetò-ò rehemyrenre. Tahe ralorenre. Uladu rare Marie-wana. Tahe tatiowotimy reserenyre riwowydnykemy. Isaurenre riraynyre tamy riwahinykremy: womati tȳrȳrȳhȳkȳ, hee aderòna, aderònatyhy wana. ¹² Idi tahe Biura Hābu Erytyhy mahādu rarasinre. Deuxu tamy rarybere: —Kaiboho Herodi-ò bòðsebenyòke. Tai tahe rywixira-di tasubedereny-ò ròðserenyre.

¹³ Biura mahādu tahe ròirenre rahudi tahe Inynyrȳ ȳju nade Jyje-ò rybemy, irasina-ki tamy rarybere: —Ariòre, ise-wana bidyke Egito bede-ò. Herodi dori uladu rubudȳȳmy ratxireri. Ade tiu ararybekreule kaò bòðððseke. ¹⁴ Tai Jyjeboho rummy rahenyrenre Egito bede-ò. ¹⁵ Herodi rubusȳtybymy tahe dððsedenyde. Tii riwinyre iwese ihetxiu tyyrity rarybere wese, Deuxu rybedu rybe wahe:

—Wariòre Egito bede-ribi nadidyde. ¹⁶ Herodi reburere. Biura Hābu Erytyhy mahādu dori tii riitxenanyre. Tai ibutumy uladu rirubunyre Belē hāwā-ki, tule ijò iòhò hāwā-ki. Ibutumy howȳtòdu rirubunyre inataò beðra ijòðikeki tahe rirubunyòre. Tai Jesuisci rirubunykemy risȳnyre, iwese tii rareu

Biura Hābu Erytyhy mahādu tamy rarybere. ¹⁷ Kiamy ta rȳire iwese Deuxu rybedu rarybere wese, Jeremia wahe:

¹⁸ —Rama hāwā-ribi ibru-ò iny roholamȳhȳre. Rakeli rare. Tii robumȳhȳre. Ibutumy iriòre ituere. Tai robumȳhȳre. Inyò riteysanyòtyhy iriòre rurureki.

¹⁹ Herodi tahe rurureu, Inynyrȳ ȳju heka Jyje rasina-ki tamy nade. ²⁰ Tamy rarybere: —Bòðsebenyeke judeu bede-ò. Uladu ise-wana bidyke. Kia rirubunykemy risȳnymȳhȳre tahe, rurure.

²¹ Tahe Jyjeboho ròirenre judeu bede-ò. ²² Akelau tahe Herodi riòre ronyre iòlòmy, tyby deròwymy. Tai kowa-ò Jyje ròirenre sȳmy. Rasina-ki rybeò rieryre Kalileia-ò ròirenre. Tai tahe ròirenre kowa-ò. ²³ Nazare hāwā-ki rasȳnyrenre. Kia tahe riwinyre iwese Inynyrȳ rybedu ihetxiu rarybere wese: —Nazare ludu tii rarekre.

3 Kiau Judeia bederahy-ki Joaò Sebedȳȳdu heka iny-ò rarybemyhȳre: ² —Deuxu Iòlòna bededȳȳnana iòhòmy ratxireri. Aðraruna-ribi biixāwibenyeke, bexirāhike! ³ Joaòmȳ heka Isaia ihetxiu riritinyre kawese:

Inyò bederahy-ki ryrireri: —Inynyrȳ dee ryòbiti biwinyke. Biwinyke ryò tamy kanakemy. ⁴ Joaò kamelo radetyy ityy rare. Iròduty iwereysanare. Seihikȳle bidi-wana irȳsȳna rare. ⁵ Ibutumy iny tamy ròirenre irybe-ò roholakemy iòhò hāwā-ribi, Jerusalē, Judeia, Jordaò bero-ribi wahe. ⁶ Tamy òrarunamy relyyrenre rabadewomy tamy relyyrenre. Tai tahe Joaò heka bero Jordaò-ki tii riratȳsebenyre. ⁷ Fariseu mahādu, saduseu mahādu doide tamy riratȳsebenykemy. Kiau Joaò tamyreny rarybere: —Hemylala mahādu! Deuxu aòhòkȳmydȳȳnana-ribi mahenybenyòtyhy. Aòhe inatyhy?

⁸ Juhuu aōwiihikŷ widŷŷna biwinybeny. Tai tahe iny rierykre kaiboho aōraru-ribi inatyhymy texihutenyete. ⁹ Fariseu mahādu, kaiboho tahōtintenyete: Abraō heka inylabiehekŷreny rare. Rikirāhīōtyhy. Deuxu-ō kia aō aōkō rare. Tamy wikeki mana-ribi Deuxu heka Abraō riōkōreō riwinykre. ¹⁰ Woma tahe òwōru-ribi iōhōmy rŷira. Òwōru bederaty wiwihikŷ ihoōkeki, kedeseke. Rasōkre. Woma heka Deuxu aōhōkŷmydŷŷnana wese rare. ¹¹ Jiarŷ bedi araratisebedŷŷnyra aōraruna-ribi texirāhīteki. Jesuisi tahe Deuxu Tyytybytyhy-di ròratisebedŷŷkre heōty-wana riratysebenykre. Tii waratyre awityhymy ratxireri. Jiarŷ riwaixŷrunymy watxireri iwa ariwykeki. ¹² Tii maixōmo risykre. Maixōmo ributunyre tahyna-ò. Irŷnysi heōty-di riworonykre. Heōty itueōna heka rare.

¹³ Idi tahe Kalileia bede-ribi Jesuisi nade bero Jordaō-ò. Tii Joaō-ò nade riratysebenykre. ¹⁴ Joaō aōkōmy rarybere: —Jiarŷ tahe aō aōkō rare. Kai biwaratysebenyke. ¹⁵ Jesuisi tahe tamy rarybere: —Deuxu deewina heka kia rare. Rikiwinykre. Tahe Joaō riratisesebedŷŷre. ¹⁶ Ròratisebenymy rahudi tahe Jesuisi ròtuōra. Biuwetyy rarayre Jesuisi tahe bòtōnimy robire, itxi dobehede, Deuxu Tyytybytyhy wahe. Rybeō biu-ribi narybede: ¹⁷ —Kia heka Wariōre rare. Jiarŷ heka sōwemy tukure. Idi wadeysareri.

4 Idi tahe Deuxu Tyytybytyhy heka Jesuisi ridyre bederahy-ò. Tai Satanasi riurihikemy tamy rehemynyre. ² Jesuisi heka 40 txumy, 40 rumy heka aō rirŷŷōhyhy bede idi rŷire. Sōwemy heka rama risamy tai raremyhŷ. ³ Taile Sa-

tanasi tamy nade. Tahe iurihiximy tamy rarybere:

—Kai inatyhy Deuxu Riōre ahāte wana heka mana-di orotxumy biwitxi-ranymy biwinyke ahinamy.

⁴ Tahe Jesuisi dirawyōnyde: Deuxu Ritidŷŷna-ki kiamy roire: —Iny heka orotxudile aōkō irumy rŷirakre. Ibutumy Deuxu rybedile iny irumy rŷirakre. ⁵ Idi Satanasi heka Jesuisi ridyre Jerusalē hāwā-ò. Templo heto ratyre tahe ritidire.

⁶ Tahe tamy rarybere:

—Kai inatyhy Deuxu Riōre ahāte wana heka katyre-ribi ixi-di behukre bede-ò. Buruōtyhy heka besekeki. Deuxu taŷju kiditeōnykre aramykemy. Bede-ò aōkō beseke.

Ijō tyyriti rarybere:

—Deuxu araywinykre taŷju-di. Tii ŷju kiditeōnykre tebò-di ariijekemy. Awa ritōmonyōtyhy manatyre-ki.

⁷ Jesuisi rirawyōnyre: —Tyyriti tule rarybere:

—Deuxu uritere biurihiōke.

⁸ Iribi Diabo heka Jesuisi ridyre hāwālōō-ò. Tamy ibutumy bede iōlōna riteōsinyre. ⁹ Tahe tamy Satanasi rarybere: —Beseke atiwotimiy tahe biwawowydynykeki, adee kia ibutumy iōlōna wiwihikŷ ariwahinykre.

¹⁰ —Make Satanasi, Jesuisi rarybere: —Tyyriti rarybere:

—Deuxu-ò sohojile deālāna, wowydyna biwahinyke. Tiile bityhynykre. Deōdu tamy sohojile mabeke.

¹¹ Satanasi tahe Jesuisi-ribi rexitare. ŷju mahādu rehemynyre iyrubudŷŷmy.

¹² Joaō òludu heka ròtenawo-ki ritidira. Kia Jesuisi roholareu, Kalileia bede-ò ròsere. ¹³ Nazare-ribi rare Kafanaō hāwā-ki rasŷnykre rare. Tii aho-ki iōhōre, Kalileia aho wahe. Zebulō bede, Natali bede tahe inatxi hāwā ibiōwa rare. ¹⁴ Kia tahe Isaia Tyyriti rarybere wese:

¹⁵—Zebulō bedē, Natali bedē, Jordaō bero kowawe-ribi ijā-ò. Ahohokȳry-ki. Kai judeukōdu mahādu bedē rare, Kalileia wahe.

¹⁶Iny kowasȳ mahādu bedē lurus-ki rasȳnymyhȳre. Tahe tiiboho loosōnahakȳmy robirenyre. Bedē lurusȳ mahādu-ki tahe Deuxu loosōna ritoosōnyre.

¹⁷Iribi tahe Jesuisi ritelenyre Deuxu rybe ritȳnnynekemy. Tii rarybere: —Aòraruna-ribi bexirāhike. Deuxu Iòlōna bededȳnnana dori iòhòmy ratxireri.

¹⁸Kalileia aho ijāti-ki Jesuisi rariamy ratximyhȳ. Tahe inatxi waxidu seriòremy robire, Simaō Pedro, tule Andre ijōre. Rià-di utura rimymyhȳreny.

¹⁹Jesuisi tamyreny rarybere: —Bodoike wahemy. Iny wadee bimykre. Iwese araerynanykremy bimykre. ²⁰Aòwesele tahe тариà ririrenyre. Jesuisi-wana roirenyre. ²¹Roirenyre tahe inatxi ijō seriòre-ki Jesuisi robire. Txiau ijōni rare. Joaō ijōre. Tiiboho Zebedeu riòre roire. Tiiboho talawo-ki ronyrenyri rià riywinyrenymy. Jesuisi tamyreny rarybere: —Wahemy bòdòike. ²²Tai tahe tybyreny ririrenyre. Jesuisi hemy ròirenyre.

²³Ibutumy Kalileia bedey-ki Jesuisi rariamyhȳre. Tii judeu dohodȳnna heto-ki rarybemyhȳre. Deuxu Iòlōnamy ritȳnnynymyhȳre, Rybe Wihikȳ Tȳmyra wahe. Sòwemy webinadu mahādu riteytenyri. ²⁴Jesuisimy iny relyyre ibutumy hāwā hāwā-ki Siria bedē ibutumy. Tai tahe sòwemy webinadu mahādu didydenyde tamy, iny tȳtybybina-di, iny iumy imyremyrehēkȳ wahe. Jesuisi ibutumy iny riteytenyri. ²⁵Iny sòwehekȳ riheludunyri, Kalileia bedē-ribi, Debòwiò hāwā-ribi, Jerusalē-ribi, Judeia bedē-ribi, tule Jordaō bero kowa-ribi.

5¹⁻²Jesuisi inymy sòwemy robireu, raòwònyre hāwālò ratya-ò, lerydȳnna mahādu tamy doidenyde. Taile rierynadȳnnymy ronymyhȳre. ³Deuxuko-ki iny ibinamy rȳimyhȳre. Kia iny tuu rexierymyhȳre, teysatyhy rare. Tii deysana sòwemy tai ratximyhȳre, Deuxu Iòlōna heka ihòròrenymy rarekre.

⁴Robumy rȳirakeki teysamy heka rȳirakre. Ibedewona wiòhedȳnna rybe-di heka tamy kanakre.

⁵Kia inytyhy-di widee ratxireri, tii heka teysahyymy ratximyhȳre. Ibutumy heka iny ihòròlehekȳle rȳirakre. Bedē heka ihòròmy rarekre teysamy rarekre.

⁶Inyò-ò òbitinamy lobiximy rurukeki tahe teysamy rarekre. Deuxu tamy òbitina riwahinykre.

⁷Inyò ruxetòena-di ratxireri. Deuxu heka tamy ruxetòena-di rarekre.

⁸Inyò irayky òbitimy ratxikeki tii heka teysamy rarekre. Tii dori Deuxumy robikre.

⁹Inyò ywina-di wiwana rȳirake teysamy rarekre. Ywinaò-di rarekré, teysamy rarekre. Tii dori rarinikre: Deuxu riòremy.

¹⁰Inyò aòhòkȳmy dȳnnana reuròkeki, tii dori òbitimy rurukeki, tii tulesȳ teysamy rarekre. Deuxu Iòlōna dori ihòròmy rarekre. ¹¹⁻¹²Inyò umyreny relyykeki uritere hekȳle. Ruirybe-di umyreny relyykeki, aòhòkȳmydȳnnana adee riwahinykre wana, tai tahe beysakre. Awimy mohòtinykre. Kai dori biu-ò mahenykre. Tai tahe beysakre kai awimy nohòtykre. Uritere nohòti rosarenyòmy. Kia wese tule Deuxu rybemy rybedu aòhòkȳmy rotȳnyre. ¹³Kaiboho heka saawesemy atximahātenyri, jyyra wesemy wahe bedē mahādu iny-ò, kai dori kiamy bedē mahādu tewiòhenanyte. Auri tahe urihimyò

biõnonykeki tahe aurihixina heka urihimýðlemy releke. Kaa jyyra urile idi adehu rýikre iny ityre rariakremy. Awiðhedýýna biõnonykeki tahe aõma aõkõ beleke. ¹⁴⁻¹⁵Kai loosõna wesemy atximahâte kabede mahädu iny-ð. Håwåð håwåð ratyy-ki roikeki, tiu heka rexiwððtyhy itýnyhy roimyhýke. Loosõnað iny ritoosõnykeki, tule heka tiu heka hyna rawoð-ki roiðtyhy roosõmy. Aõma roosõnanymyhýre ibutu heto jurajuramy heka ibutu ritxuxanymyhýre. Aõma tamana-ki rýimyhýreki wahe. ¹⁶Kaiboho tule amahädureny awiwihiikýmy robikeki tahe Deuxu-ð wowydyna riwahinykre.

¹⁷Jiarý heka anaðde bede ywina tuededýýmy. Anade aõ Deuxu dee rybedu tuededýýmy aõkõ heka anade. Anade ibutumy aõmybo rarybere widýýmy. Timybo rarybere wese heka ibutumy tuu rotýýnymy rarekre. ¹⁸Inatyhmy adeereny ararybekre bede ywina tyryitiy-ribi tiu ijõ iððtyhy ijõ sohoji ritiwedena yreð reseðhykre. Ibutumy roikre aõhebo rotýýnymyhýreð bede konanako-txi. ¹⁹Inyõ tõhõti urihimýð bede ywina rosakeki rexide-lenymyhýre iny ribedeerynyðkemy iny ritohonyðmyhýkemy. Håbu tahe iyjamy Deuxuko-ð rarekre, Deuxuko-txi. Inyõ rityhynymyhýre irybe iny rybedeerynymyhýre. Tii tahe Deuxu Iðlõna-ð nihikýmy rarekre. ²⁰Kaiboho aõma fariseu mahädu-ribi awityhmy ixi-di mohõtinybenykeki. Tiu heka Deuxu Iðlõna-ð arðterenyðmy. Kaiboho heka awi toite aõma fariseu mahädu judeu mahädu wedu ratyre heka awi boibeke. Kia aõkõkeki tahe malðbenyðtyhy.

²¹Ihetxiu bede ywina Tyyriti kawesemy rare:

—Kai inyõ birubunykeki heka iðwynamy iny akanarubunyke. Kia heka bede ywina heka rare.

²²Tahe warybe urihimýð iwitxira bede ywina-ribi. Kai inyõ-ð maraykynykeki. Tai tahe brebunahaký-ki tate. Abiðwa-ð bininikeki itxýtemy. Tamy kai marybekeki: —Kai aõki awiðre. Tai tahe akýnadykre heka aõma ywisidýýduko-ð araðwynykre. Inyõ-ð kai makyaranynyekeki kai brebuna-ki texilòrõmy tate. Kai inyõ deramy mabekeki uriteremy nodu tamy marybekeki, tai brebuna-ki tate. Inyõ ðsýny aradykre wisidýýdu mahädu-ð. Inydee ratyhmy mabeke wana aõkõ raremy marybekeki, heðty kõnana bede-ð make lau brebuna-ki tate. Iðhårure kai heðty bede-ð makemy. ²³Kaki aõma nieru xiwena wahidýýna-ð behemynykeki inyõ-wana aõhe widee botýýnykeki õhõti rosaðlemy ahâte wana. ²⁴Deuxu heka axiwenatewahinyðhyymyhýte aõma xiwena bire-ki heka birike. Tahe biijeke aseriðre juhuu. Aõma wana biðbitinybenyke widee marybebenyke. Iribi tahe tamy bedehemynyke xiwena wahidýýna-ð wahe tadevenymy atximahâte wana håbuð-ð. ²⁵Aõma tai tahe iðraru-ki aðludumy relera wana. Tamy behemynyke aõma timybo tii-wana widi biywinykemy timybo adeve biðwynykemy tamy heka bitobiny ðrale heka aõma rieryke urenana. Aradyhemy aõma ywisidýýna ube-ð, idi ywisidýýna mahädu, idi soldado. Tai tahe bitobinyke bede rierykemy. ²⁶Inatyhy heka adee ararybekre røtenawo-ki malðkeki. Tiu heka aðlòkõmy aõma iðwy mahumy adi røhõtinykre. Idi mohõtinyke xiery heka bõhðnyke.

²⁷Juhuu ihetxiu heka kaweselemy Tyyriti-ki rarybere:

—Õtaõmy!

(Bede ywina tyryiti-ki wahe.) Kawesemy heka jiarý rebedeerynywåhare.

²⁸Õtamy røhõtinykeki håwyy-ð

retehekeki òtamy rexinohòtinyeki. Tai heka tii òta òraru riwinymhÿre. Iwese iwitxira hāwyy-wana roireri yrubule taheka òta òraru riwinymhÿre. ²⁹Arueò òraruna-txi araatykeki, bitake. Awityhymy biu-ki malòke kawesekile heka awire, Deuxusÿ-ò malòke wahe. Arue wiòmy tahe awiòmy biu-txi arue yremy heòty bede-ò make tahe ibinatyhyre. ³⁰Tule eraò bitake iurelemy era-di make biu-txi. Aumy ibutuhukÿlemy heòty bede-ò rakehārele tahe awiøre. ³¹Bede ywina heka kawesemy ròhònyre iny-ò juhūu wahe:

—Inyò tahāwyy ixi-ribi riteònykeki rixāwididÿnyra tamy tyritiò riritinymhÿre. ³²Iwitxira rybe-di jiarÿ arukile tahe hābu tahāwyy riartyra. Inyò uritere òta òtana òraru-ki ixi-ribi tahāwyy riteònymhÿre. Tai tahe hāwyy roimyhÿre hābu witxira hābuò-wana. Tai tahe òta òtadumy kia hāwyy rininire. Adÿÿwe òraru-ò riteònyre tahāwyy riteònyre uritere òhyynaòle. Tai tahe tii adÿÿwe òrarunaòle heka riteònyre. Taile heka hāwyy hābu witxiramy heka roimyhÿre ahābuò tahāwyy uritere hyynaòle riteònymhÿre mahādu hābu heka. Tii heka tule òtadumy relemyhÿre hāwyy òta òtaduò heka roireki wahe.

³³Juhūu heka ihetxiu kia wesemy Deuxu tamyreny kia rarybere:

—Taholatenyte kiamy Deuxu heka uritere ruiòmy atximahābenyke Deuxu-ò biwinybenykemy marybemy bimyekeki biwinybenyke.

³⁴Tahe jiarÿ heka kiamy adeereny ararybekre. Aòwidÿÿmy ixi-di no-hòtirenòmy ryberenòmy iwidÿÿmy. Ixinohòtidÿÿmy ryberenòmy ariwinykre biwawiòhenanyke wana biu-ribi wawiòhenanykre wana. Uritere heka tuu ryberenòmykre

kia wesemy biubrò-ki aòkò biu dori Deuxu rynana rare. ³⁵Kiamy uritere rybeòmy bedembrò-ki aòkò aò biwinykemy aòmy mabekemy. Bede dori Deuxu idi ratximyhÿre rare. Deuxu waa elehyna dori bede rare. Jerusalē hāwābrò-ki tule aòkò, tii dori Iòlòtyhy hāwā rare. ³⁶Tule arade-di widÿÿmy uritere dori rybeòmy kai dori awitxiranyòtyhy arade iura-ò ilyby-ò urile araykywydynakile tuu ratxike. ³⁷Aòma araykywydynakile heka tuu riwitxiranykemy idi tahòtinymhÿte. Kiamy heka tarybemahāte iwidÿÿnamy teuremy tarybemhÿte: —Kohe, kiale ariwinykremy marybeke ada aòkòre, ariwinyòtyhymy aòbo. Kiamy marybekeki iratylemy kohe, aòkòre myÿ aòbo. Sòwemy marybekeki tahe aòbina binahakÿle heka ròhònykre.

³⁸Ihetxiu bede ywina ròhònyre.

Inyò witxira rueò ribinadÿÿnykeki, iny witxira tule iwesele riwinyke. Kia widÿÿdu rue heka ribinadÿÿnyke. Rue heka wilemy raòwynyre rueòwilemy. Juhu tasÿ ÿjuòlemy raòwynyre. Jiarÿ tahe rebedeerynyre kawesemy.

³⁹Inyò aòbinamy adee riwinykeki, aò aòkò tamy biwinyke. Inyò aòsÿny rihetenyekeki, tule iwyò-di beake rehetenykemy. ⁴⁰Uritere aòludu-ò ixiòwydÿÿòmy. Aòma ijò atyy ritakeki heka tule tamy arahana biwahinyke. Inyò sohoji urixinamy adee ixidinymy reake wana. Inatximy heka tii-wana beake. ⁴¹Inyò ixitòedÿÿmy aò aribi riwykeki tamy biwahinyke tule inyò aribi aò huòtemy riwyke wana. ⁴²Abròrò itue-di tamy òkeseòmyke iwòde-ki ihuòtemy biwahinyke.

⁴³Ihetxiu heka taholatenyte kawesemy:

—Kai heka aò hāwā ludu mahādu luumy heka madònymhÿke.

Aòludumy aki ratxike wana tukumy atxike teramy atximahàke. ⁴⁴⁻⁴⁶ Tahe iwitxiramy ararybekre. Aòludu heka arabedeerynyke. Tukumy mabekemy inyō aòhòk̄myd̄ȳnana rot̄ȳnyreri wana tamy rexitòenyke. Kia wese-ki heka inytyby riòremy mabeke, Deuxu riòremy wahe. Tii dori juu riòlòd̄ȳnymyhyre inybina tyre-ki wahe. Tule iny wiwihik̄y tule-ki aōma biu heka tule riteònymyhyre. Aōma iny òbitikòdu mahādu tule-ò. Tule òbiti mahādu tule riteònymyhyre. Aōma tukumy ahāte sohoji ratximyhyre sohojile kai itukukeki. Kia heka awi aòkō rare ibutumy òraru mahādu heka tule riwinyremyhyre kia wese. Aōma urile rybed̄ȳ azry mahādu, Aseriòre mahādu. ⁴⁷ Tules̄y kia aōma aòkō rare aōma tule heka judeukòdu mahādu dori tule riwinyke, tii Deuxu rierykōre. ⁴⁸ Òbitityhymy kaiboho boibeke. Aōma jiar̄y heka arabedeerynyrenyneri biu-ki inytybyreny ratximyhyre dori òbitityhy rare.

6 Wahisid̄ȳna wiwihik̄y kai hāburu-ki iwahisid̄ȳōmy iny-ò. Kai itxerenaōnamy biwahinymyhȳ. Aòkōkeki tiu inytybyreny-ribi bitaōtyhy aōwy awahisid̄ȳna.

²⁻⁴ Kai biwahinykeu iny adee aōmybo rurumyhyreó. Uritere ibutumy iny itxerenamy iwahid̄ȳōmyhȳ. Inyō-ò òbiti mahādumy riwis̄ynmyhyre mahādu, kia wesemy heka tii riwinymyhyre heka. Dohod̄ȳmy heto-ki tuu riwinymyhyre kia wesemy tule ibutumy hāwāhāk̄y ruetyawetyamy tuu riwinyrerimy ih̄y. Inatyhy dori adee rarybereri: —Aōma wahisid̄ȳnatyhymy heka adee rarybereri: —Wahisid̄ȳnaō ixidee ritamyhyre. Aōbo Deuxu wahisid̄ȳnaō heka adee riwahinyōtyhy. Tai heka Deuxu wahisid̄ȳnatyhy riwahinyōtyhy tamyreny. Iny-ò aō biwahinykeki,

abiòatyhy-ò belyyōke. Wasilemy tamyreny awiòhed̄ȳna biwahinyke. Iny tybyreny dori ibutumy aōna aōna ròtena rieryre aōwahisid̄ȳna adee kidiwahinykre.

⁵ Iwese budu mahādu riwinymyhyre wese uritere iwid̄ȳōmyke. Kia wesemy aòkō heka bexitòenyke. Ibuturu-ò rexitòenymyhyre dohod̄ȳna hetowo-ki heka lamamy rexitòenymyhyre. Hāwāy-ki dori rexitòenymyhyre ibutu itxerenakemy. Inatyhymy heka adee rarybere: —Atarasana ibutumy ritare. ⁶ Inatyhy dori ritare.

—Bexitòenykeu malòke aheto jurawo-ò. Ixi-di biijòtòbònyke. Ierykōnamy boo ratximyhyreò heka bexitòenymy myike. Ibutumy heka boo aōbo wasimy iny riwinyriwinymyhyremy robimyhyre. Tai-ki tahe bede ywina wihik̄y heka adee kidiwahinykre. ⁷ Tule rexitòenymyhyreu uritere irehemy idi lamaōmy uritere ixityre ixityremy tamy ixitòed̄ȳōmy wiwesewesehyyle. Judeukòdu mahādu dori kawesemy riwinymyhyre. Kiamy heka raraykywydynanymyhyre aōma rexitòenyre ehehek̄ykeki heka roholatyhykemy rohòtinymyhyrenyre uritere wid̄ȳōmy iwese tii riwinymyhyre wesemy. ⁸ Inytybyreny dori rierymyhyre aōmybo iny raraykynymyhyré. Inyboho heka rexitòenymyhyreu rierymyhyre aōmybo inyboho rurumyhyrenyre. Iny sōwemy rarybemyhyrele aòkō heka tii roholamymyhyre. Aōmybo iny rurumyhyrenyre, heka bexitòenymyhyre. Kia wese:

⁹ Wahareny, biu-ki atximahāte. Anityhy iny ibutumy rityhynkemy idi rierykemy watxireri.

¹⁰ Aiòlòna heka wymy kanake. Iny adeewile riwinykemy iwese biu-ki relemyhÿre wese.

¹¹ Wadeereny txuò txuò rÿsÿna bidiwahinyke.

¹² Waòrarunareny òhòti-ribi bitosadÿÿnyke. Iwese jiarÿ inyò òraruna wanohòti iribi aritosadÿÿnymyhÿre wese.

¹³ Isiratyhy urihixina-ribi heka biwayrubunye, òraruna-txi reseke lau. Aòna aòna bina-ò bidiwaijebenye. Iòlòna, rurur, loosòna heka ahòròhyy rare. Kie.

¹⁴⁻¹⁵ —Inyò ariixāwidinykeki iaòbina-ribi. Tule inytybyreny riwaiixāwididÿÿnyke. Deuxu iòraruna-ribi riixāwididÿÿnyke. Beinareheke wana.

¹⁶ Uritere aòsÿny bedeòtiidÿÿòmy iwese budu mahādu rÿira wesemy. Tai heka byreòmy iny-di txuu rÿimyhÿremy widi retehemyhÿre. Wiji òhòtirenny reake. Heka raòwynyra inarehena irarenny. ¹⁷ Tai narehereheu tainarehenyeteu. Atarina-di ahātemy beake aòsÿny bisuhòke. ¹⁸ Inywitxira heka anaeryòtyhy kai tenarehemy atxiteri. Inytybyreny sohojile heka rierymyhÿre. Inyò tuu robiòtyhy. Tii tahe ibutummy aòna aònamy robimny wasimny rÿiramy. Iribi tahe tii araòwynyrennyke.

¹⁹ Aòna aòna butudÿÿòmy tyy, nieru, aòna aòna wiwihikÿ butudÿÿòmy kabede-ki. Txudòera dori ibutummy kabede-ki tuu roroxike aòna aònamy. Aòma rararÿÿnyke iaòmydÿÿna ibutummy rararÿÿnyke rahuke. Wasidu tany ralòke. Iaòmydÿÿna-ò sòweò wyremny rasinyke iaòmydÿÿna-di. ²⁰ Kaki ibutudÿÿlemy heka biu-ò bibutunye. Tai heka txudòera aò riròòtyhy tule rararyòtyhy. Tule wasidu aòkò rare. ²¹ Titxibo aòmydÿÿnana ratxireri iwesele taheka

arayky ratximyhÿre. Biu-ki aòbo ada bede-ki aòbo. Aòma bede-ki araykywydyna ratxireri wana heka kakile taraykywydynanyte. Biu-ki araykywydyna ratxireri wana heka biu-ki heka arayky aòmydÿÿna butuna raykywydyna ratximyhÿre.

²² Arue heka loosòna wesemy rare. Aumny dee itÿnykeki heka aumny ibutummy loosòna-di tÿximny rarekre.

²³ Aumny ibinakeki tahe bede loro-ki matxike. Aumny bede lorohokÿ-ki ratxikeki ibinatyhymny matxike aòma butunale-di inny ròhòtinnykeki heka tiu Deuxu inny riwiòhenyòtyhy. Deòdumny heka releòtyhy. ²⁴ Inatxi wedu-ki dori innyò rityynyòtyhy. Tule heka tii roholamnyhÿre ijò-ribi tahe tòhòti rosamnyhÿre. Innyò Deuxu deòdumny releòtyhy tii aòna aòna butunadile ròhòtinnyhÿreki. ²⁵ Tai heka tuu rarybereri adeereny. Uritere nohòtiyreòmy arÿsÿnamny tule atymny, idi matykynykemy. Aumny dori rÿsÿna ratyre aònityhymny ratximyhÿre. Tule aumny tyky ratyre aònimny ratximyhÿre.

²⁶ Nawii-di inihe betehebenyke. Tiiboho heka aòòworumny aòkò ròbròmyhÿrennyre. Aramny heka aòma tarÿsÿna wydumny bederahymny tarÿsÿna riyrubunyòhyymnyhÿre heto nihikÿ-ò. Deuxu biu-ki ratximyhÿré heka nawii riyrubunymnyhÿre irÿsÿna tany riwahinymnyhÿre. Kaiboho tahe iratyretyhy toite, Deuxu-ki wahe. ²⁷ Sòwetyhymny maraykywydynanykeki aòbohe, arumny aòbo arirarehemy mariake. Aòkòre. ²⁸ Uritere nohòtiyreòmyke atymny. Betehemnyhÿ inihe noijasa-di. Aòma tiiboho heka raaòmysÿdÿÿòhykymnyhÿre. Tai tyky wihikÿ-di rexityynyke. Tyy ixidee riwinyòtyhy. Ihāre tahe Deuxu rityynywihikÿre heka tyy wihikÿ tany riwahinyreri. ²⁹ Salomaò heka itykynihikÿra. Ihāre tahe ityky heka

awityhy aōkō rare. Noijasa heka iratyre ityky wityhyre. ³⁰Deuxu heka noijasa ritykynymyh̄yre aōma noijasa heka wijilemy idi ih̄yre. Biurasōmy tahe ixāwilemy reamyh̄yre, risōra. Tii heka tyky adee kidiwahinykre. Nohōtiyreōmy tahe. Tii dori adee kidiwahinykre tykyō. Aityhyna dori ibutetyhyre heka. ³¹Tahe raykyōmy nohōtiōmy titxiribibo ar̄ys̄yna bidiwykré, atyky amona. ³²Tyhyd̄ȳdukōdu mahādu heka kiaōle heka riōhōtid̄ȳnymyh̄yre. Inytybyreny heka rierymyh̄yre aōmybo tarumahāte. Ibutumy heka araerymyh̄yre aōmybo taruterimahāte. ³³Tii Deuxu aōma d̄ȳnnana sohojidile. Manaykynykeki heka tii ibutumy adee riwahinykre. ³⁴Uritere nohōtiyreōmy aōbo biurasō kia aōmyd̄ȳnnana-ō. R̄yire dori sōwemy wiji biaōmys̄ȳd̄ynanykremy biwinykré. Iwixiramy bidiwinykre iwixira aōmyd̄ȳnnanaō.

7 Iny wixira wixira-di ywisid̄ȳōkeki. Aywisid̄ȳna wesemy heka Deuxu ruxetōena-di ywisid̄ȳmy araywinykre. ²Iny teywinyamahāte wesemy heka Deuxu araywinykre. ³Kai heka òwōru nihik̄yereō arue-ki ijōdikeki, aōherekibo bederarasi sōmo-di inywixira rue-ribi bitakemy atxiteri. ⁴Tai heka kai bobiōtyhy itarasa-ki wahe. Arue-ki dori òwōruere ijōdireki heka bobiōtyhy. Òwōru ere dori aōraruna sōwemy r̄yire wesemy heka atximahāte. ⁵Kai texibōnyteri. Aōraruna-ribi juhuu bexiōbitinykre. Idi tahe aseriōre òraruna-ki biwiōhenanykre. Aōraruny-di rierymy idi òbitimy betehekre iōraruna-ribi iixitarasad̄ȳmy biwiōhenanykemy.

⁶Inyō heka utura rati mana wiwihik̄y-di rehuōtyhy aōma ix̄ni herina-txi. Ix̄ni dori ityre rariake tahe riōnonyke adee heka kanakemy wahe. Iwese tule heka ijōrōsa-ō

biwahinyd̄ȳōmyke. Rybewiwihik̄y hābu òrarudutyhy-ō iwahisid̄ȳōmyke.

⁷⁻⁹Rexitōenykeki tahe bitake kia. Biekeki tahe tai mahake. Bihetenykeki heka iny adee riraynyke ijōtōbōna. Inyō heka Tyby-ō r̄ys̄ynaōmy rexitōenykeki, mana heka tyby tamy riwahinyōtyhy. ¹⁰Uturaōmy rexitōenykeki tahe hemylala binahak̄y tamy tiu riwahinyōtyhy. ¹¹Kai aōna aōna wiwihik̄y biwahinyke heka teerymyh̄yte auladu-ō wahe, hābu òrarudu hārele wahe. Aōbo heka tule Deuxu inytybyreny inydeereny riwahinyke aōna aōnaō wihik̄yō. Rexitōenykeki tahe tamy ariwahinyke. Inytybyreny heka tamy riwahinyke. Iwese iny wixira teyrubunymahāte wesele heka iny araywiny ixi-di tahōtynmahāte wese. ¹²Tule kai aōwiwi inyō ixidee aōhebo rot̄ȳnymyh̄ykemy taruteri, kiaweselemy tamy bot̄ȳnymahāke. Kia heka Moisesi bede ywina tyriti-ki roire. Kiale Deuxumy rybedu mahādu ribedeerynyre.

¹³Biu bede wiwihik̄y kia ryj̄ijōh̄ȳt̄ȳdile malokre. Heōty ijō bederyijō heka nihik̄y rare. Iny kia ryhyk̄y irumy rakre heka isirare iny ibute kowa ralore. ¹⁴Irumy nonona ijō tahe ih̄ȳt̄yre. Ryy heka ih̄ȳt̄yre heka ibutere iny ryh̄ȳt̄ȳ-di ròtedu timy bede eryd̄ȳkōdu-ō.

¹⁵Bexiijebenyke kia mahādu lau Deuxu rybe rybedu mahādu tyhymy aōkō lau wahe. Budoeni wese ratximyh̄yre inytyhy wesemy. Tawo-ki tahe inatyhy rare ahola debore wesemy heka ratximyh̄yre. ¹⁶Teeryte wesemy ibederaty-ō betehkeki. Hede-ō heka uvamy figomy tule tiu iratyōna. Iaōmyd̄ȳna-ō bierybenyke tibo roiré. ¹⁷⁻¹⁸Tii heka bierybenyke aōhebo rot̄ȳnyre wana teerytenyte. Tii heka riitxenanyōtyhy kia aōma matyty matynimy heka tiu biitxenanyōtyhy.

Tule betehekeki, bierybenyke aōwesele heka òwòruò bierybenyke. Aōma bederatyō bir̄s̄ȳkeki tiu heka bederaty wihik̄yō ar̄s̄ȳōna òwòru raty-ò, bederatybinahak̄y tule rier̄ykre. ¹⁹ Òwòruò bederaty wihik̄y my ratatynyōkeki heka hemy raðròròke rokoke. ²⁰⁻²¹ Kia weselemy heka iny teerytenyte. Aōhebo iny rot̄ȳnyke wahe. Tai tahe terytenyte heka, tetehtenyterikile wahe. Òbiti mahādu wesemy rarybemyh̄ȳre. Tahe òbitimy aōkōre ih̄ȳre. Sōwemy heka iny tawedumy riwaninire. Ihārele tahe biu-ò ralòðtyhy. Deuxu tyhyd̄ȳdule tahe ralokre. Ywisid̄ȳnatxu heka kawesemy wadee rarybekre. ²² Sōwemy iny wahe: —Wanyr̄y, Wanyr̄y, jiar̄y hewa iny iwitxira sōwemy aij̄y rarybemy rare wahe. Tule heka tytybybina reteðnomy rarewāhā. Tule deytena wiwihik̄y heka ani-di rewiny myh̄ȳre. ²³ Tai tahe jiar̄y tamy ararybekre heka: —Kōrehe, kaiboho aō wamahādumy aōkō atximahāte. Umy reerykōre. Waribi bexitake. Aðraruna dori sōwere.

²⁴ Kawesemy heka iny bede eryna ratximy h̄ȳre. Warybe-ò roholamy h̄ȳreu heka aōwesele riywinomy rityhynomy h̄ȳre. Kia hābu hetowid̄ȳdu wesemy heka rare. Iheto heka manatyre-ki riwinyre. Tii heka ibedeery sōwemy ih̄ȳre. ²⁵ Biu heka beðra heka rariamy h̄ȳre. Iu tahe biu rejuxunomy h̄ȳre, yhy rebonyre. Tahe tiu reseðtyhy manatyre-ki dori riwinyre. ²⁶ Warybe ijohonadu tahe iwitxiramy ih̄ȳre. Hābu itx̄yte tahe warybe-ribi aōwesele tōhōtireny rosamy reamy h̄ȳre. Kaiboho aōbedeeryhyk̄y aōkōre roire. Tii heka iwese hābu ȳnarakile heto riwinomy h̄ȳ wese rare. ²⁷ Biu risebenykeu, beðra rareareu, yhy rebonyreu tahe iheto reseke, ibutumy iōre, rahura.

²⁸⁻²⁹ Ibutumy heka Jesuisi rybe erysyd̄ȳna-ò bede riòtiinyre. Tii heka hābu erysyd̄ȳdu wesemy tii ribedeery myh̄ȳre. Aō judeu wedu wesemy aōkō ribedeery nyre.

8 Tiu hāwālò-ribi dobehedeu, sōwemy heka iny ihemy doidemyde webinadu, tybina heka tamy nade. ² Wowydyna rybe-di heka tamy rarybere: —Adee wikeki heka kai biwateytenyke. Jesuisi diraw̄ȳnyde: ³ —Wadee awire, arateytenyke. Tahe tamy tebò ritytere tamy reerim̄y. Itybinana riteytenyre. ⁴ Tahe Jesuisi tamy rarybere: —Boholakre, iny-ò uritere rybeðmy.

Kai tahe makre xiwena wahid̄ȳdu-ò xiwenaō biwahinykre. Idi tahe Moisesi bede ywina raryberewesemy xiwenaō biwahinykre. Kai tahe iny rier̄ykeky heka yteny ratximy h̄ȳre.

⁵ Jesuisi Kafanaō hāwā-ò rehemynyreu heka hābu soldado weduō tamy rehemynyre. Tii tahe Jesuisi-ò rexitðenyre: ⁶ —Wadeòdu biteytenyke raterenomy ratxireri waheto-ki. Sōwemy aōhōkōmy rot̄ȳnyreri. Ibinatyhymy roireri rexisiranomy raratykōhykylemy. ⁷ Tai tahe Jesuisi tamy rarybere: —Rakakre, tai ariteyteynykre. ⁸ Idi soldado wedu rariwyðnyre: —Aōkōre, Kai hābu wiwihik̄y tate. Jiar̄y tahe hābu aō aōkōmy jiar̄y watxiwāhāre. Waheto-ò manalòðtyhy. Karibile marybekre tamy taile taile tahe wadeòdu reytekre. ⁹ Jiar̄y dori reyryre. Jiar̄y heka tule hābu weduōmy watxiwāhāre. Soldado heka sōwemy riwatyhynomy h̄ȳre. Iny sohoji-ò aōma rakremy rarybemy h̄ȳré heka, ramomy h̄ȳre. Tule ijō dee rarybemy h̄ȳre: —Manake, tai tahe namy h̄ȳde. Ijō dee rarybemy h̄ȳre wana: —Kai biwinyke, idi riwinomy h̄ȳre. ¹⁰⁻¹¹ Tai tahe Jesuisi ribedeòtiid̄ȳnyre irybe-ki wahe. Tahe rarybere eryd̄ȳna

mahādu-ò: —Judeu mahāduy-ki tai rahaõre ijō-ki kahābu wesemy inatyhynana sōwereki. Sōwemy heka judeukōdu mahādu rityynykre kia weselemy. Ijō txu aō wiji aōkō heka riroxirenyke: Abraō, Ijai, Ijað-wana biu-ki heka riroxirenyke bedede ludu iny mahādu-wana.¹² Judeu mahāduō rōirenyōkre tamy. Tule kaibohoō tahe aōhetykrebo. Ijō mahādu dori bedede lorohokỹ-txi resekre. Taiki tahe iryname rurykre aōkōmydỹnana-ò.¹³ Taita Jesuisi soldado dinodu-ò rarybere: —Makre, timybo wiji tahōtinymy tetyhynye wesemy heka rarekre. Iurele teòdu reytere.

¹⁴ Iribi tahe Jesuisi Pedro heto-ò ralòre. Iriòre lahi heka aōma rubuna nihikỹ roimyhỹ.¹⁵ Tahe Jesuisi rimyre tebò-di tamy rerire. Idi tahe irubuna iribi ròhònyre. Tai tahe tii ronyre. Ronymy tahe rỹsỹna riwinymyhỹ tamyreny.¹⁶ Txiorotyhymy inyò didyde aōma tyytybybina nihikỹ-di ratximyhỹ. Iu Jesuisi sohoji rybeōmy rarybereu tahe aōwesele iribi ròhònyre. Kia webinadu didyde, tule reytere.¹⁷ Iwese ihetxiu Isaia ryberiti rarybere wesemy heka tule riwinyre:

Jesuisi riwinyre. Kiamy wahe. Wabinanareny waribireny riwyre. Inatyhyre.

¹⁸ Iny sōwemy ributunyre. Tai tahe taerydỹna mahādu-ò tii rarybere: —Rokoirenyhe kanawe-ribi ijā-ò.¹⁹ Tai judeu mahādu, bedede ywina bederydỹduō tamy rarybere: —Awana arakre titxi-ibo makreu heka ahekile anakre.²⁰ Tahe Jesuisi dirawyònyde tamy heka rarybereri: —Ijòrò heka ihāloo dire, ibỹtỹ dire, nawii bỹtỹ isỹ dire. Tahe jiarỹ, Deuxu Riòre Hābutyhyhykỹ wahe, wahetoõre, waherinaõre.²¹ Ka ijō iheludu mahāduō tamy rarybere: —Wanyrỹ, waha heka rurura. Tai heka juhuu arituunykre.²² Tamy rarybere: —Manake,

wijile biwaheludunykre. Rubuōmy rỹira, rubu mahādu heka rituunykemy idi ratxireri.

²³ Jesuisi hāworo-ki ronyre tahe reurore. Ieryredỹna mahādu riheludunyrenyre kia lawokile.

²⁴ Ahobetya-ki tahe yhy debore nihikỹ tamyreny rehemynyre. Tahe òbò nihikỹmy resemhyre. Uritereribile yhyhykỹ bee riòbònyra hāwò rilỹmynye iòhòtyhyre. Jesuisi tahe ròròmy roimyhỹ iu.²⁵ Tai tahe ierydỹna mahādu heka riixixadỹnyre. Tamy raryberenyre: —Biwayrubunykre, Wanyrỹ. Aōkōkeki, rukururenkyre.

²⁶ Jesuisi tamyreny rarybere: —Aòherekibo kaiboho taberutenyteri? Aityhyna sōwe aōkō atxitenyteri. Jesuisi tahe rỹimy reare. Yhy debure-ò, òbò-ò rarybere: —Biyryke, bedede binahakỹ. Tahe aōwesele ibutumy riyrira.²⁷ Ierydỹna mahādu urile ribedeòtiinyre. Tiiboho raryberenyre: —Aòhābubo tii ihỹre. Òbò, tahe yhy-wana tamy roholare. Iwese tii rarybere wese rityhynye. Irybemynale riwinyre.

²⁸ Kalileia aho ijō weribi ijana-ò ritehemynyre. Kowa bedede heka Kadara inire. Tule hābu inatxi heka tyytybybina-di tai rasỹnyrenyre wabedewo-ki. Kiary-ki tahe ibutumy iny ruberure. Iribi tahe ròhònymy reare.

²⁹ Aōwesele heka rryrmy roirenyre Jesuisi-ò rarybekremy: —Aōwe wadireny tate, Deuxu Riòre? Kai aōbina binahakỹmy wahòròdỹỹomykre.

³⁰ Tahe kowa-ki ixỹni juramy riroximy rỹimyhỹ.³¹ Tyytybybina tahe Jesuisi-ò rexitòenyre: —Biwatòenybenykeki, ixỹni jurawomy aralorenkyemy biwateònyke.

³² Tahe Jesuisi rarybere: —Bòibenyeke hābuwo-ribi. Tahe ròirenyre ixỹniwo-ò. Ixỹni jura tahe ibutumy rejuxunyre ijòtira-ribi. Berawo-txi tahe rabòròròre.³³ Ixỹni-di

itxeredu mahādu tahe hāwā-ò roirenyre ijyymy. ³⁴Kia hāwā ludu mahādu tahe roirenyre Jesuisi-ò itxeremy. Tai tahe tamy rarybere ibede-ribi rōhōnykemy.

9 Riberereny aōma hāwō nihikȳro-ò reurōrenykremy kanawe-ribi ijā-ò. Tai tahe Jesuisi tahāwā-ò rehemynyre.

²Tai tahe didydenyde weryrybōō byre-di idi betyky-di ramyremyrenymy roimyhȳre. Tahe hābu mahādu inatyhna Jesuisi rieryreu heka hābu dee rarybere: —Waexi, beysake, aōraruna dori reixāwididyȳnyra.

³Tai tahe ritidyȳna bederydyȳdu mahādu retehereri. Ixideele heka rarybemahā: —Kia heka ibinamy Deuxumy rarybereri. ⁴Iky Jesuisi rieryre tahe tamyreny rarybere: —Kai aōbo ibinamy waki tahateri arayky-ki.

⁵Timybo heka kaiboho tahōtinyteri. Aōma iōraruna ariixāwidinyke aōbo ada iumy ariteytenyke aōbo? Aōbohe isiratyhyre wadee tahōtinyte wahe. ⁶Deuxu-ribi waruru dire. Kabede-ki heka òraruna ariixāwididyȳnyke jiarȳ heka Deuxu Riōre Hābu tyhyhykȳ rareki wahe. Tamy rarybekre: —Myike, abyre bimykre ta mariakre asȳ-ò. ⁷Tai tahe hābu aōwelese rȳimy reare. Tahe taheto-ò rare. ⁸Tahe bede inysōwetyhy heka ribedeōtididyȳnyre. Deuxu heka wowydyna riwahinyre. Tii iny-ò ruu riwahinyreki wahe.

⁹Jesuisi iribi rariamy rare. Tai tahe tii Mateu-wana heka witxi reare ryki: —Jiarȳ heka nieru butudȳȳna heto-ki ranymahā. Jiarȳ rebutunymahā aōma inyōwydyȳȳna heka rebutunymyhȳre. Iu Jesuisi wadee rarybere: —Manake waerydyȳȳnaōmy heka beleke. Tai tahe jiarȳ tii-wana heka rare aōwelese heka ihemy rare.

¹⁰Tai jiarȳ retobinyre kanakemy waheto-ò. Waheto-ki riroxikemy taerydyȳȳna mahādu-wana. Tai tahe sōwemy heka iny waery mahādu

dōidenyde, òrarudu nihikȳ mahādu wahe. ¹¹Tule heka fariseu mahāduō tai ratximyhȳ. Tahe Jesuisi erydyȳȳna mahāduō kiaō-ò heka rarybere: —Aōherekibo Jesuisi òrarudu nihikȳ mahādu-wana riroxireri? ¹²⁻¹³Tai Jesuisi roholarehe tamy rarybere: —Aōma òhotibedu heka, webinadu mahādulemy aōnityhymy rarumahāre. Òhotibedu-ò kanakemy. Binadu mahādu-ò tahe tiu araraiōwyōtyhy aōma òbiti widȳȳdu mahāduōle heka anade. Warurumy rurumyhȳle mahādu ariwiōhenanykemy anade. Aō awihikȳmy ixi-di rōhōtinyreriò aōkō wahe. Deuxu Ryberiti-ki tahe kaweselemy roire:

Ixiwe heka wadee awiōre aruxetōena wadee awire.

Kaiboho bierybenyke aōbo katyryiti rare.

¹⁴Tahe Jesuisi-ò rarybere Joaō erna mahādu: —Aōherekibo Joaō Sebedeȳȳdu kia erydyȳȳna mahādu renarehemyhȳre rexitōenykreu. Fariseu mahādu erydyȳȳna heka tule heka renarehemyhȳre. Ihārele taheka aōherekibo abedeerydyȳȳna mahādu heka tiu iwesemy riwinymyhȳre. Aōherekibo ka. ¹⁵Taita Jesuisi dirawyōnyde: —Iu iny inyhāwyymy roimyhȳreu heka iny reysamyhȳre. Aōma kia weryrybō hāwy kialiina heka teysamy ratxirerimy ihȳre. Tiu rirubunyōhymyhȳre teti-ò. Tahe aōutxumy tahe weryrybō hāwyymy heridu heka inyō ritakremy ratximyhȳre. Iu tahe renarehekre heka.

¹⁶Uritere inyō deratyby ritōbōnyōtyhy tytyȳmyra-di. Inyō itōbōna tȳmyra-di ritōbōnykeki, raykake heka iura ranihikȳke. Aōma iwesele rare aōma vīi tȳmyra irōduty tȳmyrahakȳle ritidikre. Aōma itȳmyra-ò heka irōduty itȳmyrahakȳle raykake.

¹⁷Aōhe tiu vīi tȳmyra irōduty

tyby-ò rihynyötyhy. Inyö kia wesemy riwinykeki taheka raykake heka rejuxunykre irube. Ihyna heka rabinake. Vĩ wihikỹ taheka aõma iròduty tỹmyra hyynawo-ki ka awimy rỹike.

¹⁸Iu dohodỹdu hetoõ bede erydỹduõ heka Jesuisi-ò nade tariõre rurureki wahe. Tai ta Jesuisimy reäläre tamy heka rarybere: —Aõma wariõre rarurura wahirari wahe. Kai waheto-ò manake wariõre ruru-ribi biixixanykremy. ¹⁹Tahe Jesuisi taerydỹna mahädu-wana roirenre tii wana wahe. ²⁰⁻²¹Tahe hāwyy rōhōtinyre heka: —Jikarỹ heka ityky reroti-kò karirikrekule karekyteke.

Tii dori ihālubu rihyōhy raremyhỹre waò inatxi reurò beòramy. Iòhòmy iribi reare. Ireroti wereysanakile rimymy resere. ²²Taita Jesuisi ròðemy reare. Tuu robire tamy rỹraxire: —Lerỹ, awi heka rare. Aityhyna heka arateyteynyre. Inatyhymy teyteta. Tai tahe hāwyy aõwesele reytemy reare. ²³Idi tahe aõwesele rehemynymy reare. Judeu wiuna bedeerydỹdu heto-ò rehemynyre. Tai heka hāwyy sōwemy robumy rỹimyhỹ rubura-ki rawiunymy rỹimyhỹ. ²⁴Tai tahe Jesuisi tamyreny rarybereri: —Bõibenyke hewahe. Hirarihiỹ heka ruruōhyky roireri. Urile heka rōrōmy roireri. Tahe iny rutxueny. ²⁵Tai iny sōwemy rōhōnyre iribi. Tahe Jesuisi ralõre titxibo hirarihiỹ roireriò. Debò-ki rimyre tahe riteyteny. Rexixare ixyby. ²⁶Ibutu bede bedemyhe inina-ò roholare. Kia deytana riwinyraò.

²⁷Tahe hābu ruetà inatxi Jesuisi riheludunyre heka. Kia hetoy-ribi wahe. Tamy heka raryberenye: —Kai heka iòlò Davi riokore tate. Tai tahe ruxetòena-di biwawotøenyke. ²⁸Idi tahe Jesuisi taheto-ò ralore tai rasỹnymy ratximyhỹ. Iny mahādu ihewomy rare tahe ralõre. Tamy rarybere:

—Inatyhymy aõbo tetyhynyteny, ixyby arāitxeredỹnykeò. Tiiboho raryberenye: —Kohe Wanyrỹ, retyhynyre. ²⁹Jesuisi rarybere: —Ainytyhynadireki arue tabita. Aõwesele robirenre. ³⁰⁻³¹Jesuisi heka rarybere tarurumy tamyreny uritere ijyōmykremy. Tai tahe aõma ròirenre ibutuko relyreny.

³²Idita tako-ò rexidorunymy reareki tasỹ kia hābu-õ-txi reare tyytybybina-di ratximyhỹ. ³³Tahe Jesuisi-ò didydenye hābu irybeõna kia tyytybybina òraru-ki wahe. Jesuisi tuu òlòdỹnyre iribi. Iule tahe hābu aõwesele heka rarybere iroo-ki. Kia iny ibutumy ribedeòtiidỹnyre. Timy heka rarybeõhyre iko-ki juhūu raremyhỹ. Tuu rabiõhe iwesedỹnadumy. ³⁴Idi tahe fariseu mahādu rarybere: —Tyytybybina-di ratximyhỹ. Tai heka tyytybybinahakỹ reteònymyhỹ iny-ribi. Ihārele heka Satanasi-di ihỹre. Tyytybybinatyhy wedu heka ratximyhỹ.

³⁵⁻³⁶Idi tahe ibutumy hāwā hāwā-di Jesuisi rariamy rare ròbedeerydỹmy. Judeu mahādu dohodỹna heto-ki relymyhỹ, Rybewihikỹmy. Tai Iòlòna kia ritỹnynymy tuu relymy. Ibutumy iny bina bina kia heka riteyteny. Iny nade ihewo-ribi. Sōwemy heka iny aõna aõna bina binahakỹ riwinymyhỹ idi rỹimyhỹ. Titxibo rakre heka rieryōhykymyhỹ ta aõna aõna òraru-ki idinoduõreki wahe. Tai tahe Jesuisi riwotøenymyhỹ ibutumy tiiboho dori budoeni wese ratximyhỹ, itxeredu ihoõreki. ³⁷Tai tahe taerydỹnana mahādu-ò Jesuisi rarybereri: —Iny heka maixōmo sōwehekỹ rỹira wese heka iny ratximyhỹ. Aõma ibutelemy heka arixidu rỹira. ³⁸Bexitøenyke Deuxu-ò. Tii heka bederomy maixōmo rỹira wedu rare. Bexitøenyke tamy aõbo maixōmo

arixidu-ò kiditeònykemy. Irybe-di heka raaòmysydjykre ibedero-ki. Ibutu bedero-ki heka idi raaòmysydjykre.

10 Ributunyre Jesuisi aõma tawa-ò inatxi reurò kia bede erydjyña mahādu. Tamy heka ruru riwahinyre. Aõma tytybybina riteònykemy. Tule tamy riwahinyre ibutu binana deytana heka riwahinyre tamy.

² Kia heka tadeòdjyñmahādurenynimy ararybekre. Juhuu heka Simaõ Pedro. Juhuu heka Simaõ inire, ihewomy tahe Pedromy naninide. Andre ijõ. Tii heka Pedro seriðre rare. Txiau, Joaõ-wana heka Zebedeu riðre rare: ³ Filipi tasj ijõ rare. Idi tahe Bartolomeu ijõre. Tome ijõre. Mateu ijõre, jiarj wahe. Jiarj nieru tarasaduõ rare, imposto tarasadu wahe. Ijõ Txiau tasj Afeu riðre rare. Tadeu ijõre. ⁴ Simaõ ijõre. Tii Kana bede luduõ rare. Judasi Isariò ijõre. Tii heka Jesuisi tyhedjyñdu rare.

⁵ Jesuisi taerydjyña mahādu waòinatxi reruòmy riteònyre. Tamyreny rarybere: —Judeukõdu mahādu-ò aõkõkre reteònyre. Aõma Samaria mahādu hāwā heka ralòõhyymyhjre.

⁶ Kaiboho heka bõibenyeke judeu mahādu-ò sohojile. Tiiboho Israeli riokore mahāduõ ihjre. Aõma budoeni reòsamyhjre mahadu wesemy tiiboho ratximyhjrenyre. ⁷ Aõma tamy marybekenyeke: —Deuxu Iòlõna biu-ki heka aõwesele kedehemynykemy ihjre.

⁸ Webinadu mahādu heka biteytenyeke. Aõma iny rubu-wana witxi beakeki, biixiadjyñnyeke rubu-ribi. Tykybina yjy yjhykjy-ribi iny biteytenyeke. Tytybybina inywo-ribi biteònyke. Iwese aõ tetate wese iòwykõ heka ijõ-ò biwahinymahāke, iòwykõ wahe.

⁹ Uritere nieru wydjyõmy, womati tjyryhjyñkie nieru aõkõ, prata womati nieru aõkõ, cobre womati nieru aõkõ wahe. ¹⁰ Aõma anieru hyna nihikjy wydjyõmy, awa ijõ wydjyõmy, ijõ

dera wydjyõmy. Aõma òwòru arirana wiòhedjyña wydjyõmy. Aòmysydjyñdu taòwy riwykre. Kia òbitire. ¹¹ Hetoõ malòke. Kia heka arayrubunykre. Adee riwahinykre ibutumy aõmybo rarumyhjre. Iu hāwā-ò malokreu, hābu ityhydjyñdu mahāduõ biijekre. Taihyy bonykrehy tahe iwitxira hāwā-ò iribihyymy makre. ¹² Iu hetoõ-ò malòkeu Deuxu ywina tamy marybekre, Deuxu deysanamy wahe. ¹³ Kai awimy ityhydjyñdu hetomy rjike wana, biwahinyke aalàna tamyreny. Kai òbitimy aõkõ atxiteri wana tahe uritere tamy Deuxu deysanamy tamy wahidjyñmy. ¹⁴ Aõma tii arybe-ò roholakõeki, kai hāwā-ribi bexitake taheto-ribi wahe. Tahe iribi bõhònykeu tahe awabrybyxi biubjtynymy bõhònyke. Tii tahe tamyreny rioimyhjre. Aõma tamyreny ibinatyhykre. ¹⁵ Inatyhymy heka adee ararybekre. Sodoma hāwā mahādu, Komora hāwā mahādu inatyhymy heka ibinare tamyreny tahe isiraõkre aõhòkjyñmy djyñnana wahe. Aõma kia hāwā arybe-ò raholara heka kia ratyre heka tamy isiraõkre. Kia hāwā tahe aõnityhymy aõhòkjyñmy rotjyñnykre. Ywisidjyña txu heka rjekreu wahe.

¹⁶ Iwese budoeni ijòrò aholay-ki rjike wese heka kaiboho boibekre. Hemylala erydjyña wesemy heka maraykynykre. Idi tahe sòwemy aõma ywina-di maraykynybenyeke bõtòwesena-di. ¹⁷⁻¹⁸ Uritere inatyhy heka aramykre araròtenykre dohodjyña hetowo-ò adi ralokre. Waðraru-ki heka bede dinodu mahādu heka araywisidjyñnake. Judeukõdu mahāduko Rybewihikjy Tjymyra rarybekre. Tiiboho arahātenykre. ¹⁹ Aõ heka belyyke ikoreny ibutumy roholakemy. Aramykeu heka uritere nohòtiòmyke aõmybo marybekremy ywisidjyña-ki wahe. Bede heka

ariwahinykre rybe ibededȳnana. Rybeōmyke, urile rybeōmyke. ²⁰Kai ixiwanale aōkō marybeke. Aōma Deuxu Tytybytyhy arāwiōhenanymyhyreny. ²¹Inyō heka taseriōre rityhenykre. Tybyō tule tariōre rityhenykre. Aōma iriōre tas̄y tyby-ō iky reakre idi rirubunykre. ²²Ihyy ibyrymy heka aluu aōkōkre waōraru-ki. Ibutumy iny deramy rarehyke waōraru-ki: Inyō tule ōbitimy rarekreki, ikonanatxu-u, Deuxu Iōlōna-ō ralokre. ²³Tahe anatakre. Aōma hāwāhāk̄yō-ki atxikeki mahenykre ijō hāwā-ō. Ihewoludu ikonana hāwā hāwāhāk̄y-ribi behemynyke-ribi tahe adōdōsekre. Judeu hāwāhāk̄yō-ō behemynykrekoūle tahe adōdōsekre, jiar̄y Hābutyhyhyk̄y wahe.

²⁴⁻²⁵Aōma bederydȳdu mahādu tahe aōma ierydȳna mahādu ratyre rare. Tule iweddu deōdu ratyre heka ih̄yre. Iwesereny tahe boibebenykre. Tahe awedu tate. Inyō tahe riwarinimyh̄yre Satanasi, Belisibu wahe raremy. Tahe iwesele heka iny araninikre waweselemy, ibinatyhyre wahe. ²⁶⁻²⁸Jiar̄y adee wiji relyreri. Biurasōmy heka tuu bedelyykre ibutu ijohonanamy adeereny relyreri. Wasimy wijirumy adeereny relyre. Biurasōmy tahe ibutu ijohonanamy tuu belyybenykre. Uritere ilau brebuōmy. Aōbo wasimy r̄yire heka ibutumy rat̄ynykre. Uritere ilau brebuōmyke. Adeelekre rirubunykre atytyby ta rirubunyōtyhy. Iruruōre dori atytyby rirubunyk̄e. Deuxule tahe bityhynyke. Tii dorihe iruru-di heka rare. Tii bedeluru-txi heka atytyby bedeluru heōty-txi heka adi rehuke. Bityhynyke idile maraykynyke. Hābu lau brebuōmy hābu aōbina bina riwinyhyh̄yre lau brebuōmy. ²⁹Nawiiō iny riwinyhyh̄yre womati nieru iyja-di, iōwy riōre iny heka riwinyhyh̄yre. Ibutumy heka Deuxu nawii rieryre sohoji sohojimy. Tiu heka

Deuxu rieryh̄yhyh̄yre nawii sōmo rurumyh̄yre heka tiu rierirykōmy idi reteheōtyhy. Kiawese aōbo tahōtinymahāte. Aōkōre, inatyhymy idi retehemyh̄yre. Ijō rurumyh̄yre heka tuu robimyh̄yre. Aōma Deuxu heka anaerymyh̄yre nawii sōmo ratyre heka aumy rierimyh̄y. ³⁰Ara erymy heka aōma arati-ki tiwesebo radeti r̄yimyh̄yre heka rierimyh̄yre. ³¹Breburenymyhyh̄yre, kaiboho dori nawii ratyre Deuxu-ō toite. ³²⁻³³Kai marybeke: —Jiar̄y rityhynyre dori tahe umy arelyyke. Jiar̄y heka umy ararybeke inynr̄y dee biu-ki wahe. Iny sōwehek̄y-ki riwatxiōnykeki tule aratxiōnyke jiar̄y Wahako-ō. Jiar̄y heka suō anade.

³⁴Aō ywina wydumy aōkōre heka anade. Jiar̄y heka ywina aōkōre diwyde. Bedejeijeidȳmy anade iribi wadee wou r̄yikremy. Hābu heka tybe ōludumy rarekre.

³⁵Tule hāwyy tadi ōludumy arisynykre. Tule iriokorese tariōrelahi ōludumy arisynykre. Aōma inyō ōludu heka tas̄y mahādu ōludumy rarekre.

³⁶Boluu adireny boreny heka boibekre. Kia luumy heka boibekre. Tai tahe iratyremy boibekre aōkōkeki tahe waluuōkeki tahe wahōrō mahādumy aōkō boibeke.

³⁷⁻³⁹Kaweselemy boibeōkeki. Tai tahe kai wahōrō mahādumy aōkōhe mabekre. Aōma biyrurubunutyhykeki tahe kai ihārele aōkre. Aōma kai waōraru-ki aōhōk̄my bot̄ȳnykeki wadee waaōmys̄dȳ ōraru-ki inyō anarubunyekeki aōhe adee rut̄ȳnykeki. Tai tahe aumy rōhōnykre inyō tas̄y-ō aradykeki iwese tii tas̄y-ō riwadyra wesele heka aradykre.

⁴⁰Tii riwadyra wana Deuxu heka ridymyh̄yre riwateōnyreki wahe.

⁴¹Deuxu rybeduō bidybenykeki. Tii Deuxu-ō arāwahinykre. Deuxu adee

uriiõno kadiwahinykre. Adeereny kidiwahinykre. Wahisidỹña ritakre wese heka tule kai bitakre. Adeereny ararybekre. Deuxu hõrõ mahādu heka bimymahābenyke. Aheto-ò bidybenyke hābuwi ihỹrenyre. Tiiboho dori wese uriiõno ritarenykre wesele kaiboho bitabenyke. ⁴²Kai uladu-ò bemonao biwahinykeki bedi imonamy. Tai tahe kanakre inatyhymy adee ao kidiwahinykre. Kai waòraru-ki ityhydỹdu-ò bee biwahinykeki, inatyhymy heka aòwy adee kanakre.

11 Jesuisi heka rexihure aõma taerydỹña mahādu waòinatxi bedeerydỹña-ribi. Kia bede ywina tamyreny riwahinyre. Rexihureu tahe rare ròhõnyre iribi hāwā-di. Aõma rybe ritỹnydỹmy rakremy hāwā hāwā-ò.

²Idi tahe ròtenywokile heka iu Joaõ roimyhỹ. Aõbo Jesuisi tahe iu aõna aõna wiwihikỹ ritxienymyhỹreu heka Joaõ tamy roholare. Ròtenywo-ki roimyhỹ-ribi. Idi tahe Joaõ taerydỹña mahādu riteõnyre Jesuisi-ò dỹraxyimỹ: ³—Kohe, anaraòdenyde tate. Aõma Deuxu deòdỹña wahe kanakre aõbo ihewo-ribi. Ariraòrenykre aõbo urihimyo. ⁴Tai Jesuisi rirawõnyre: —Aõma bõðsebenyke ixbyyle Joaõ-ò. Belyybenykre ikò aõna aõna wiwihikỹ rewinyre arureny-ki tule tabite wamyreny. ⁵Aõma iruetāhākỹ heka. Reruedỹnyny rare wahe. Itiere tasỹ retinywāhāre dinoduhukỹ ity reytemyhỹre. Aõma ijõ Rybewihikỹ Tỹmyra roholaõhyymyhỹre tasỹ tule reijohonadỹnyre. Aõma rubu tule rubu-ribi reixixadỹnyre. Rybewihikỹ Tỹmyramy heka retỹnydỹnyre ibutu iny-ò wahe, iny aõkõ mahādu-ò wahe. Tule Joaõ-ò marybebenyke kaweselemy wahe. ⁶Maratyhybenykeki, beysabenyke.

⁷Iribi ròhõnyreu tahe Jesuisi heka rarybere Joaõ bededỹñnanamy.

Aõmybo wahe Joaõ-di ròhõtynyrenyre aõmy tuu bedi nohõtynyrenyre tamy itxereny bederahy ròrenyreki wahe. Otxirarade wese yhy-ki tahõtinyteri. ⁸⁻⁹Ada aõma hābu urimynodutyhymy aõbo idi ròhõtynyrenyre. Aõma butòre wesemy idi ròhõtynyrenyre. Ada iwitxiramy aõbo idi tahõtinytenyte hābu tywihikỹdiremy idi rahõtinytenyte. Iòlò taheto wihikỹ-ki ratximyhỹre. Aõkõre, kia iny heka ao Deuxu rybeduõmybo tahõtinytenyte. Inatyhy tii kia rare. ¹⁰Iratyre heka tii rare. Aõma dori Tyyriti-ki rarybemyhỹre:

—Tii heka wako-ki kadehemynykremy ratximyhỹre, wamy relyykemy, wary riywinymyhỹre.

¹¹⁻¹⁴Inatyhy heka rare. Tii heka ibutu hābu ratyre ratximyhỹre. Ihārele tahe heka Deuxu Iòlõna-ki heka ijõ iny iratyre ratximyhỹre. Hābu binahakỹ heka Deuxu Iòlõna-ò raaõbinanymyhỹre. Joaõ rexidelenyre rybe itỹnydỹmy rexidelenyreuhyle heka ritelemy ralore. Tule wiji nalõmyhỹde sówemy. Iu Joaõ rehemynykõle heka tuu rarybemyhỹre ibutu Deuxu rybedu mahādu heka tuu rarybemy raremyhỹ. Tule Moisesi bede ywina kia rarybere. Tii Eliasi wesele ihỹre. Tetyhynytenyte aõbo. Iwese Deuxu rarybereri wesemy heka tii nade. ¹⁵Inyõ ierysmy rurukeki, roholake wiji. Aõmybo ararybekre kainymy tiwesebo rỹimyhỹremy. ¹⁶Tiiboho heka iwese weryry uladu risinymyhỹre wesemy ihỹrenyre. Kiamy heka tiinamahādu-ò rarybemyhỹre: ¹⁷—Jiarỹboho heka aõma wiunawihikỹ-di rawinymyhỹrenyre. Idi tahe teysatenyõhyymāhātenyte. Tahe wiuna bederarysyna-di heka rawiunymyhỹrenyre. Ta bedewoõhyymahātenyteri. ¹⁸Joaõ Sebedỹdu heka riroxiõre. Vĩimy riõõre. Inywesereny tai tarybetenyte:

—Tii raitx̄temy ih̄yre. Tyytybybina-di ih̄yre. ¹⁹—Jiar̄y Deuxu Riòre heka rehemynyre Hābutyhyh̄yk̄y wahe. Jiar̄y reroximyh̄yre. Reōmyh̄yre tahe kiaboho heka waluu aōkō heka toite. Urile heka wamy tarybemyh̄yteny wabyre nihik̄yremy wabemomohōk̄yremy. Aōma òrarudu kia liinatyhy heka jiar̄y rare. Aō ikōkōlemy heka taraykynymyh̄yteny ih̄ārele taheka òbitilemy ixi-di tanohōtimyh̄yteny.

²⁰ Jesuisi heka sōwemy aōwiwihik̄my riwinymy raremy. Ih̄ārele heka imahādu rityhynyōhyymyh̄yre heka. Kia Jesuisi heka rarybere kia hāwā mahādumy. ^{21–22} Orasi hāwā aō heka adee binatyhymy kanakre amahādu-ò wahe. Besaida hāwā mahādu, kaiboho aōna aōna wiwihik̄my tabiteny a hāwāreny-ki. Tiu heka ixi-txi òhōtiren y reaōhykymyh̄yre. Jiar̄y aōma Tiro hāwā-ki Sidō hāwā-ki aōna aōna wiwihik̄y ariwinyre wana inihe heka ixi-txi tōhōtiren y reare iniheka saumy tyky rexit̄yynyre tule brybysi ixityreren y heka rexihumy. Sidō hāwā Tiro hāwā heka urihim̄yò adeeren y isirakre. ^{23–24} Kafanaō hāwā mahādu! Kaiboho heka tule ixit̄xiren y òhōtiren y reaōhykyre. Aōma kaiboho heka awiren y ixidiren y tahoōtinymahāteny, awityhyremy. Kaiboho heka òhōtenamy bekoabenkyre bedebina heōtyhyk̄y-ò dori besebenkyre. Sōwemy dori aōwiwihik̄my kaiboho tabiteny. Deysana wiwihik̄y-di wahe. Tiu heka ixi-txi òhōtiren y reaōhykymy aòraruren y-txi. Aō wiwihik̄y Sodoma hāwā-ki rewinyre wana wahe. Tiu heka rabinaōhyyre inihe heka wiji-ò. Aōkō bot̄ȳybenkyre aōma Sodoma hāwā ratyre heka aōhōk̄my bot̄ȳybenkyre, Deuxu ywisid̄ȳnatxu.

²⁵ Tahe Jesuisi rexit̄ōnenyre Deuxu-ò: —Waha, biu bede-wana iwedū atximahāte. Kai uladu-ò aōna aōna

tet̄ynnyte. Tewōmahāte heka kia ibedeeryhyk̄y lau heka tewōmahāte. Kai ixi-di bedeeryhyk̄my rōhōtinymyh̄yre lau wahe. ²⁶ Tii heka adeewinare. ²⁷ Ibutumy heka Waha wadee riwahinyre tii heka riwaeryre. Jiar̄y tule tii reeryre. Aōma ixidee wikeki inydee ariteòsinyke. Timybo Waha rare. ²⁸ Elehyd̄ȳmy buruke aōbo? Manake wadee. Jiar̄y heka araelehynkyre. ²⁹ Walōtityreherina ixidee bitidibenkyre. Tai tahe wawana maaōmys̄d̄ȳbenkyre. Arabederynkyre heka ywina-di. Ari-tidiōtyhy heka aō utxiehek̄y atyreren y. Elehyna adeeren y ariwahinykre awo araykyren y-ò. ³⁰ Aaōmys̄d̄ȳna adeeren y rewahinymyh̄yre isiraōre heka. Iutxiemy aōkō rare.

12 Sabado txuu, judeu elehynatxu Jesuisi rariamy ròiren yre maixō-moni oworu-ki. Tahe rekoaren yre aōma maixōmoni oworuro-di heka irenyre. Kia heka tahe Jesuisi taeryd̄ȳna mahādu heka riarimyh̄yre aōma riyren ykremy rama rahuraki. ² Iu-ki tahe fariseu mahādu ò retehemy ratximyh̄yre. Tiiboho tahe rarybere kia Jesuisi-ò rarybere: —Kia hewa brebuna rare aōma sabadotxu riwinymyh̄yr̄e: —Aōherekibo aeryd̄ȳna mahādu iu riwinyrereri. ³ Tahe Jesuisi tamy r̄ȳraxire aōma iyyymy iko-ren y relyyre iwese Davi riwinyre wesemy heka riwinyrereri ramy rahureu. ⁴ Davi riki heka ralòre Deuxu dohod̄ȳna hetowo-ò heka ralore. Tai tahe rir̄s̄ymyh̄y kia aōma xiwena-ki heka riymy. Kia orotxu heka aōma xiwena-ò hid̄ȳna mahāduòle r̄ymy. Tahe ih̄ārele heka riyren yre heka. Tai-joi mahādu-ò riwahinyre. ⁵ Kia wesemy aōma tariakōte bede ywina tyriti-ki wahe. Aōma xiwena wahid̄ȳdu heka rityynyōhyymyh̄yre. Aōma sabadotxu kia wahisid̄ȳna. Xiwena bede ywina wahe. Iu dohod̄ȳna hetowo-ki ratximyh̄y. Tii heka sabadotxu bede ywina ri-

tyhynyōhyymyhyre. Tahe heka aōbina bina riwinyrenyōhyymyhyre. Kia tahe heka tule heka bede ywina tyryiti heka ritidỹyna roire. Idi tariatenyōte. ⁶Inatyhymy heka adee ararybekre. Inyō kaki ratxikeki jiarỹ heka kaki heka inyō ratximyhyre aōma dohodỹynahakỹ heto-ki wahe. Dohodỹydu mahādu ratyre heka watximahāre jiarỹ wahe. ⁷Kiamy heka ritidỹyna rỹimhyhyre. Jiarỹ heka xiwena luure ihāre tahe sōwemy heka iratyre ruxetōena luure. Jiarỹ aōma xiwena luure ihāre tahe iratyre heka aōma ruxetōena luure sỹ. Kaiboho terytenyte wana. Aōma heka ibinamy tarybehynhyte inyō teōsamy ratxikeō. Aōma aō riwinyrenyōhyymyhyre. Kiamy wahe. ⁸Jiarỹ dori Deuxu Riōre Hābu watximyhyre. Jiarỹ tule aōma sabadotxu wedu wāhāre.

⁹Tai tahe Jesuisi nade heka ixyby aōma tohodỹynareny heto-ō. Ralōre heka sabadotxu. ¹⁰Hābuō ratximyhyre debō binare. Debō rayjayja ihỹmyhyre. Tahe fariseu mahādu heka Jesuisi-di mynamy ratximyhyre. Aō rybebinamy rarybeke ōraru-ki rymykemy. Tai tahe rỹraxire Jesuisi-ō: —Timyrebohe brebuna aōbo sabadotxu deytedỹy ada aōkōre aōbo. ¹¹Tai ta Jesuisi rirariwōnyre: —Kaweselemy rōkōhōtinyrenyke. Kai heka aōmy abudoeni sohojilere. Sabadotxu heka reseke hālooro-txi aribi. Timybo mohōtinyke aōma bitake hālooro-ribi. Inatyhyre aōbo. Sabadotxu hārele bitake. Kohe, inatyhyra. ¹²Hābu heka budoeni ratyre heka iōwy rare. Aōma sabadotxu aōwaxinyre heka reyteke. ¹³Tai hābu-ō rarybere Jesuisi: —Ebō biditytyke. Debō ritytyra ta wiwesele debō relere awimy. ¹⁴Fariseu mahādu heka wii ributunyre, iribi rōhōrenyreu wahe. Widee raryberenyre: —Aōma timybo rikisỹnyrenykre rikimyrenykre rikirubunyrenykre.

¹⁵Tahe Jesuisi rierymyhỹ kiamy rarybermyhyreny heka roholamyhỹ. Tahe Jesuisi rierymy heka. Iribi irehemy ratximyhyreny hārele, rierymy heka. Iribi tahe rexitare heka hāwā-ribi wahe. Idi heka ihemy heka rare riheludunyre. Sōwemy heka webinadu ihemy rare. Ibutumy riteytenyre. ¹⁶Teytey-dỹyna mahādu-ō rarybere: —Uritere itỹnydỹōmykremy tuu ijoyōmykremy inyko-ō. ¹⁷Ihexiu Isaia tyryiti-ki heka kawesemy rỹimhyhyre. Tii heka Deuxu rybeduō rare.

¹⁸—Kaheka Wadeōdu rare. Tuure heka jiarỹ, tii heka retare. Rehixinyre. Tii heka deysana wadee riwahinymyhyre Tatytybytyhytamy ariwahinykre. Ywisidỹyna txuu heka ibutuko-ō relyykre.

¹⁹Tii heka rryōtyhy rebureōtyhy heka inyō-wana widee. Tiu heka inyō roholaōtyhy irybe dee. Ryki heka inyō irybe-ō roholaōtyhy.

²⁰Aōma bōtōreō irybōhōmy roikeki. Tii raōrōōtyhy. Txuheōtyjurā loosōna urihimyōkeki heka tiu ruriōtyhy eleti-di. Tii ritakre iaōbinana, inatyhynaō binana wahe.

²¹Ibutumy heka irarōsōna iribi ritakre.

²²Hābu rybeō ruetāō heka iny didydenyde Jesuisi-ō wahe ralōmyhỹreki wahe. Tii tytybybina iwo-ō ralōmyhỹreki wahe. Jesuisi tytybybina riteōnyre. Tai irue heka awimy relere rarybere. ²³Ibutu iny sōwe heka heka ribedeōtiidỹnyre. Widee tahe raryberenyre: —Ka heka Davi riore riōre ōsana rare, Deuxu deōdỹyna wahe. ²⁴Tahe fariseu mahādu-ō roholare. Tahe rarybere Jesuisimy: —Tii inatyhymy tytybybina riteōnymyhyre inywo-ribi. Aōma tytybybina wedu ruru-di heka riteōnymyhyre. Belisibu ruru-di wahe. ²⁵Jesuisi heka rieryre iraykyreny. Tai tahe tamy rarybere: —Ijoymy heka tamy rarybere. Iōlōna

mahādu wiribi ibutumy rexihitxinykeki tahe rexihukre ibutumy wiribireny. Tahe hāwā mahādu taijoiy-ribi rexihitxinykeki, awi aōkō rare tai wahe. ²⁶Wiribi rexihitxinyke wana. Tule awi aōkō rare tai wahe. Aōma Satanasi rexideōnykeki tahe tayreny-ribi rexitake. ²⁷Belisibu ruru-di tyytybybina ariteōnyke wana aōdibohe aheludu mahādu riteōnykemy ratximyh̄yre. Tiiboho heka aywisid̄ȳdurenymy ratximyh̄yre. ²⁸Jiar̄y Tyytybytyhy ruru-di ariteōnykeki heka kaiboho arurunareny Deuxu-ribi nade. Iōlōna adeereny rehemynreri. ²⁹Inyō heka hābu rurutere hetowo-txi ralōōtyhy wasim̄y wahe. Tai rawasinymy ratximyh̄ykeki tahe urile juhuu hābu ritaataake. Idi tahe iheto-ribi aōdibo rawasinymy. ³⁰Inyō wabiōwam̄y aōkō ih̄yre wana heka, waōludu rare. Inyō wawana ibutumy ratxiōmyh̄yre wana tahe raybātām̄yh̄yre. ³¹Inatyhymy jiar̄y adee anarybekre. Ibutu òraruna kanaixāwidid̄ȳke. Hābu aōtxile aōbina bina rarybemyh̄yre. Sohojile taruxāwid̄ȳōtyhy. Aōtxile inyō aōbina binam̄y Deuxu Tyytybytyhy rarybekeki. Tii aōraru rataōtyhy. Kia heka òraruna tiehyymy rarekemy ih̄yre. ³²Hābutyhyhyk̄y heka Deuxu riōremy aōbina binam̄y iny rarybekeki, wam̄y wahe, tii tahe ixāwidina dire. Deuxu Tyytybytyhyhymy rarybekeki, tii tahe iixāwidinyōhyre. Tiehyy kia òraruna-di rareke. ³³Jesuisi rawesenanyre iny òwōru wese rare. Òwōru awim̄y r̄yike wana, tai heka iratywihik̄yō-ki iny rahake. Ruru rasunymyh̄yre raruburerim̄y ih̄yre. Kia tas̄y iratywim̄y aōkō r̄yike ibinam̄y. Aōma òwōru iny rierymyh̄yre aōbo iribi iraty dejuxunymyh̄yde òraru-ki iny rierymyh̄yre, awire. ³⁴⁻³⁵Kaiboho heka hemylala mahādu wesem̄y atximyh̄ytenyte. Kaiboho

heka abinatyhymy ahātenyte. Timybo heka kaiboho aōwiwihik̄ymy marybebenyke. Arayky aōbina bina hak̄ylemy tōhōtinyteri wana. Tai taheka ary tuu rōhōnyke ary tuu rarybeke. Aōma hābu wihik̄yō ratxiremyh̄yre wana aōnana wiwihik̄yle tarayky-ki riyrubunymyh̄yre. Tii heka rarybemyh̄yre. Hābu bina tahe tarayky-ribi ibinalemy rarybemyh̄yre. ³⁶Ibutumy aōmybo iny rarybemyh̄yre heka ywisid̄ȳna txu tuu rarybemyh̄yre rierymy timykibo tuu rarybere wahe. ³⁷Òrarukibo rarybere: —Arybe òraru-ki heka ywisid̄ȳna-ki atxiteri. Bitakemy aōbo ada aōkōre aōbo.

³⁸Bedeeryd̄ȳdu mahādumy heka fariseu mahāduō tam̄y rarybereri: —Eryd̄ȳdu, wadeereny biteōsinyke awiwihik̄yō. ³⁹Jesuisi dirawyōnyde: —Iny kamahādu heka ibinatyhy rare aō awiwihik̄y rexitōdenymyh̄yre. Abina binale wahe. Aō wihik̄yle bobiōtyhy. Tahe sohoji aōwiwihik̄yōmy heka mohōtinyke. Jonasi wid̄ȳna wahe. ⁴⁰Jonasi Deuxu rybeduō wid̄ȳna wahe. Tii inataō txu inataō rumy uturahak̄y wona-ki ih̄ymyh̄wesem̄y. Iwese Deuxu Riōre Hābutyhyhyk̄y bede-ki rarekemyh̄y wesem̄y inataō txumy inataō rumy. ⁴¹Ninive hāwā mahādu heka roholarenymy tōhōtiren̄y reare. Iu Jonasi rybe rit̄nydȳyreu wahe. Tahe inyō kaiboho tam̄y taholatenyte. Sōwemy heka iny Jonasi ratyrem̄y ih̄yre. Ih̄yrele kaiboho ixitxiren̄y òhōtiren̄y reaōre. Ninive tamahādu tahe ibinany adeereny rarybekre. Ywisid̄ȳnatxu wahe. ⁴²Iōlō Hāwyyō heka ibōō irehe-ribi nade. Aōma Salomaō bede eryd̄ȳna-ò roholakemy. Kaiboho heka inyō-ò taholatenyte. Salomaō ratyre heka sōwe inihik̄y ih̄yre. Ihārele ta ixitxi nohōtiren̄y reaōre. Ywisid̄ȳnatxu heka Iōlō hāwyy ibinanam̄y k̄ynarybekre

umyreny wahe. Ywisidÿÿnatxu.⁴³ Aōma tytybybina hābu-ribi rōhōnykreu tahe elehydÿÿna riijekre. Aōma bedebinana tōteehekÿ tahe tuu reakre. Ihÿre tahe tai rahaōhykre elehyina-ki wahe.⁴⁴ Tai tahe ixidee rybekre: —Arōðekre kÿhe. Iribi ranywÿhÿreò anakre. Tai tahe kia hābu-ki rahara. Tyrahakÿmy iwo-ki iruxeramy.⁴⁵ Tai tahe ijō-txi reare. Debò inatxi reurò tytybybina-txi iratyre tyhy wahe ibinare. Tai tahe ridyke tahābu-ki rasÿnyrenykemy. Kia hābu heka iwese juhu raremyhÿre ratyre ibinamy ratximyhÿre. Kaiboho heka kia tytybybina wese atximyhÿtenyte.

⁴⁶ Jesuisi tahe ijō-ò rarybere ijō ijoi-ò, tai tahe ise rehemynyre, iseriðreboho-wana. Sōwemy iny mahādu-ò heka rarybere.⁴⁷ Inyō tamy rarybere: —Inyō heka arāijereri adi ahelÿÿna. Kie heka rehemynyre adee rarybekemy adi ratxireri.⁴⁸ Jesuisi dirawyònyde: —Mota heka nadireri, mota heka waseriðrereri? ⁴⁹ Tai tahe tebòhe riteðsiriteòsinyre taerydÿÿna mahāduò-ò. Ka heka nadi rare. Ka heka waseriðrere. Ka ijō heka waseriðre.⁵⁰ Wahadeewi riwinymyhÿreki tahe, tii heka nadi rare. Waseriðre rare. Waha dori biu-ki ratximyhÿre.

13 Itxu taheka Jesuisi rare heto-ribi Kalileia aho ijā-ò. Tahe tai ronyre. Tahe rexiterenyre Jesuisi iny ribedeernymy.² Tai ibututyhymy heka iny wirotyre. Tai tahe Jesuisi rexitareny urihimyo hāworo-ò ronony rexitarenyre. Iny sōwehekÿ mahādu tahe aho ijākile heka roholamy rÿimyhÿre.³ Tii heka relyymyhÿre aōma ijyyò relyre: —Aōna aōna wese ijyy rawesenanyre. Hābu alòbòròmy rara. Tii heka alòbòròna dehudu rare.⁴ Ijō heka idi rehumyhÿu heka ijō ryro-txi resere. Nawii heka riròmyhÿre riore heka.⁵⁻⁶ Ijō tahe

rejuxunyre aōma manarutysu-txi. Tii tahe raumynyre aōwesele. Iraruxiòlemy heka rÿimyhÿ suu ibutureki. Idi bedetòtee rimoeðÿÿnyre. Idi tahe rurure.⁷ Òwòrudÿÿ resere edey-txi. Idi ta ruhunyre edewanale. Idi tahe ede riòdesedÿÿnymyhÿre. Tai heka raratynyòlemyhÿre.⁸ Ijō tahe resere suwitxirawihikÿ-txi. Tai tahe sōwemy raratynyre. Sohoji òwòruty-ribi tahe 30my raratynyre iraty wahe. Ijō 60my raratynyre iribi. Ijō ta 100my raratynyre.⁹ Tahe Jesuisi heka rarybere: —Kia bohولاتyhymy bonyke. Òhōtirenidyeki bohولاتbenyke.

¹⁰ Tai tahe ierydÿÿna mahādu Jesuisi ritÿÿraxinyre: —Aōherekibo kai ijyy-di biernanykemy atxiteri, rawesenanyre wahe.¹¹ Tai tahe dirawyònyde: —Kaiboho aōmybo Deuxu reernanyre kaiboho bierybenyke. Ijō mahādu tiu ijyy rieryòtyhy. Kaiboho dori Deuxu Òlòna teerytenyte.¹² Hābuò iaòdikeki ijō heka iratyre tamy ariwahinyke. Tai tahe sōwemy tamy rauhenyke. Tahe hābu ihoòkeki ibutelemy ijòdikeki heka kiale iribi ibutumy aritakre.¹³ Reteheymy ihāre tahe robiòhyymyhÿreny tahe ririòhyymyhÿre. Tai heka ijyy-di reernanyomy watxireri.¹⁴ Iwese Isaia tyriti-ki roire wese heka tiiboho ihÿrenyre:

—Roholamyhÿre, roholamyhÿre ihāre tahe rieryòhyymyhÿre. Reteheymy ihāre tahe tiu robiòhykymyhÿre.

¹⁵ —Irayky tererenyreki wahe rieryòre heka. Òhōtirenny heka ritòbònymyhÿre ta ijohonana-ribi. Tarue ribrenymyhÿre robike lau. Tahe wadee ròðseòtyhy. Aòkòre heka ariteytenykemy idi watximyhÿre. Tibo heka terarenny aòkòre.

¹⁶ Jesuisi ijō relyymyhÿre tamynyre: —Kaiboho heka eysamy atxitenyteri.

Kaiboho heka bobibenyke tahe biery-benyke. Aōmybo kaiboho tabitenyteri heka, taholatenyteri wahe. ¹⁷ Ihetxiu mahādu, hỹyna mahādu wahe, tuu lobiximy riwisỹnymyhỹre. Aōma aōwobo kaiboho taholamyhỹtenyteò heka roholakemy riwisỹnymyhỹre tahe roholaōhyymyhỹre. ¹⁸ Tahe boholake heka adee aritỹnynyke aōbo ijyy rare. ¹⁹ Òwòruty ryo-txi resemyhỹre heka iny ijoireny wesemy ihỹre. Ijohona tuuwesemy wahe. Tibo roholamyreny ihỹre tahe rieryōhyymyreny. Aōma Satanasi heka nade tai tahe warybe heka iribireny ritamyhỹre. ²⁰ Ijō manarutysu-txi resemyhỹ mahādu tahe ijō ijohonadu wesemy heka roire. Tiiboho heka deysana-di roholamyhỹreny. ^{21–22} Tai tahe urihimyòle rityhynmyhỹreny aōhōkỹmy dỹynana kanakeu tahe aōwesele riatyke ririmy reake. Kia edey-txi resera tasỹ aōma ijō ijohonadu mahādu wesemy heka rare. Tiiboho heka aōma 1000 nierule aōnityhymy idi rōhōtinymyhỹreny nierudile. Tai tahe rexibedewonymyhỹreny. Tiu heka Deuxu aōmydỹyna riwinyōhyymyhỹre, Deuxu Rybe riwiòhenanyreny. ²³ Kia suwitxira wihikỹ-txi resera wana tahe iwitxira ijohonadu mahādu wesemy heka rare. Tiiboho heka roholamyhỹreny rityhynmyhỹre sōwemy Deuxu dee roholamyhỹreny heka. Ijō 100my wesemy raratynyre. Ijō 60my raratynyre ijō 30my raratynyre. Iny sohoji sohojiò heka Deuxu-ò aō riwinyrerimy ihỹre.

²⁴ Idi tahe iwitxira ijyymy relyyre Jesuisi tamynyre: —Deuxu Iòlòna heka kia wesemy ihỹre. Oworudu heka aōma alòbòròna wihikỹò ritòbrònymyhỹre taoworuro-ò. ^{25–28} Tahe iòluduò rummy heka tamy nade. Tahe iu ibutummy iny rōrōmyhỹreu, asibinaty-di tamy rehure. Tai tahe alòbòròna asibina-wana

ruhunyre kia aōma ede wana wimy urilemy. Taiki tahe kia aōma oworudu kia aōmysỹdỹdu mahādu. Tuu heka ijyy-di nade tuu ijyymy. Idinodu rarybere: —Aōma waòludu heka kia riwinyre wadee. Idi oworudu narybede: —Aōhebohe arotỹnyrenykre? Ta idile aōbohe arisiherenykre araxirenyre. Tai tahe rirawyònyre: ^{29–30} —Aōkøre wahe, kia ibutummy alòbòròna rirarutxinykre. Ixinamy heka ratybiennykre tii-wana wiurilemy kia maixōmo arixina bededỹynamy bede relerekeu tahe iribi raarike. Ararybekre heka tamy kia aōma oworu-di raaōmysỹdỹkreò. Juhu delemy asi arisykre. Tahe ritoonykre. Idi tahe maixōmo heka riarikre kia maixōmo hetowo-ò riyrubunykre.

³¹ Tahe Jesuisi ijō ijyy witxiramy relyymyhỹre: —Aōma Deuxu Iòlòna heka aōma alòbòròna sōmo sōmo wesemy ratximyhỹre. ³² Aōma raumynyneri heka aōma òwòru iyjatyhymy ibutummy òwòruty-ribi rariwesele relemyhỹre. Taiki tahe kia nawiile tuu rỹtỹnymyhỹre kia òwòru-ò.

³³ Uri paò uri ixiòlòdỹyna heka Deuxu Iòlòna wesemy heka kia ihỹre. Hāwyy heka paò riwinymyhỹreu, riurinymyhỹreu tahe ibutummy raubỹtỹmyhỹre kia ibemy.

³⁴ Tai tahe rexìlònymyhỹre Jesuisi heka sōwemy tuu relyymy raremyhỹ. Iu iny ribedeernymy raremyhỹ. Tiemy heka Jesuisi relyyhy raremyhỹ iu ròbedeerydỹmy raremyhỹ. ³⁵ Deuxu rybedu dori ihetxiu rarybere:

—Jiarỹ ijyy-di rebedeernymyhỹre. Aōma tuu relyymyhỹre heka ierykōna rare. Tiuhe rieryōhyymyhỹre. Iu bede rexideelenyrauhyyle.

³⁶ Idi tahe Jesuisi rexitare iny sōwey-ribi rexitare. Hetoò-ò heka ralore. Tai tahe aōmybohe wakoreny inihe bedelyyke. Aòludu inybo

aras̄nyremy. Kia ijyy heka aōma hābu ede-di rehure ioworu-ò, taòludu oworu-ò. Kia inihe wadee bit̄nynyke aōbo rare wahe. Kia ijyy telyyté. ³⁷Tai tahe Jesuisi tii dirawyònyde: —Kia hābu alòbòròna wihik̄y ribòrònyre heka Deuxu Riòre Hābutyhyhyk̄y, rare wahe. ³⁸⁻³⁹Ioworu heka ibutu bede heka roimyh̄y wesemy roimyh̄y. Aōma alòbòròna wihik̄y heka ityhyd̄ydu iwese r̄yirawesemy r̄yira. Asi tahe kia ityhyd̄ydu mahādu wesemy heka ih̄y. Aōma kia iòludumy rarybereri tahe kia Satanasile heka ih̄y. Kia iyresynamy rarybereri aōbo bedekonana heka tuu rininimy heka tuu rarybereri. Kia ŷju heka iyresydumyh̄y tuu rarybereri. Kia rimykre ede riorokremy rarybereri heka aōma ityhyd̄ydu mahādu heka tuu rininimy rarybereri. ⁴⁰Ritakre heka rihitxinykre. Heòty bedehek̄y heka idi rehukre risòkre iu wahe. Iwesele taheka bedekonana heka rarakre. ⁴¹Deuxu Riòre, Hābutyhyhyk̄y heka aōma ŷju riteònykre ibutu iny ributunykremy. Ityhyd̄ydu mahādu ijō iny òraruna-txi rityhed̄ydu mahādu heka ibutumy ributunykre widee. Ibutumy aōbina bina wid̄ydu wahe.

⁴²Idi tii rihukre. Tai tahe ryrykre aōk̄my rot̄ȳnykre tai. Robumyh̄y taju. ⁴³Kiau aōma

Deuxu hōrō mahādu tahe Waha Iòlòmy rononymh̄y kie ronykre. Tiiboho loosòny wesemy heka ritoosònanykre txuu loosòna wesemy.

Ōhōtirenidyeki ibutumy heka bohohabenyke.

⁴⁴Deuxu Iòlòna tahe nieru wesemy ratximyh̄y. Aōma nieru heka hynaō-ki rahara nieru-di t̄ximy aōma surawo-ki idi hābu ixby riwore. Tai tahe tii reysatyhymy ròsere. Kia ibutumy

taaōmyd̄ȳna-di heka rohonyre. Kia bedero riwykremy.

⁴⁵⁻⁴⁶Ijō tahe tule Deuxu Iòlòna wesemy ka ratximyh̄y. Iwese ixiura wydydu ih̄y wesemy heka Deuxu Iòlòna ih̄y. Iwydydu heka iijese iijesemy riwumyh̄y. Aōwi riererimy riererimy heka tai rahamyh̄y iruxera-ki tii tahe riwumyh̄y. Kiau tahe tai rahare aō òwyhyk̄y-ki heka rahare. Tii idi tahe rohonyre ibutumy taaōmyd̄ȳna-di idi tahe kia iwydymy idi ratxireriò riwyre.

⁴⁷Riàò wese heka tule Deuxu òlòna ih̄y. Aōma rià-di iny rehumyh̄y wana heka ibutumy utura rimumyh̄y. ⁴⁸Kia aōma idi tahe idi raix̄nymyh̄y riarimyh̄y iky-ribi. Aōma awi-di awihe riarirerimy iky-ribi. Ibinare rihitxiny iribi. ⁴⁹Kia bedekonana tahe iweselemy heka rarekre. Kia aōma ŷju heka riarikre awi heka ibinau-ribi riarikre. ⁵⁰Rehukre heòty bedebinak̄y-ò wahe. Tai ki tahe rirajuamyh̄y ta aōhōk̄my rot̄ȳnymyh̄y. Txuu rikyinyamyh̄y

⁵¹Tahe Jesuisi tamy r̄ȳraxire: —Kiamy ibutumy teerymyh̄ytenyte? Tiiboho riraòwònyreny: —Kohe, reerymyh̄yreny. ⁵²Idi Jesuisi rarybere: —Inyō bede ywina bedeeryd̄ȳna heka rityhynyre, waheludu rarekre wahe. Tii tahe iwese hābu butud̄ȳdumy ratximyh̄y wese heka ronumyh̄y. Tii heka ibutud̄ȳna heto-ribi ritamyh̄y, tas̄y mahādu-ò riwahinykemy. Aō tyby aō t̄myra. Ibutumy heka ritamyh̄y.

⁵³Tahe iribi Jesuisi rexitareu, ⁵⁴tahe tahāwā-ò ròsere. Judeu dohod̄ȳna heto-ki ribedeerynyre. Tahe ibutumy ribedeòtiid̄ȳnyre. Tiribibo heka tii bedeeryna rierymyh̄y: —Timyrekibohe aōwiwihik̄y rierymyh̄y. Tii k̄ny heka aōma òwòru besed̄ȳwid̄ȳdu riòre heka rare. ⁵⁵Jyje riòre wahe. Marie heka tule rare ise wahe. Txiau, Simaō, Jyje, Judasi-wana iseriòre ih̄y tule wahe

inatyhy? ⁵⁶—Iseriòre hāwyy heka tule kaki rasŷnymyhyre inatyhy. Timyrak-ibohe aōna aōna ikōkō rierymyhyre. ⁵⁷Tahe rityhynyōhyymyhyre heka tai wahe. Jesuisi tamyreny rarybere: —Deuxu Riðre Hābutyhyhykŷ heka tiu tauludu wijirana hāwā-ki inyō rityhynyōtyhy rybeduō ihetomy ijirana-ki. ⁵⁸Tai tahe aōna aōna wiwihikŷ heka tai riwinyōhyyre, rityhynyōmyhyreki.

14 Kia bedeu tahe Herodi, Kalileia iòlò, Jesuisini-ò roholare. Aōikōkō heka riwinymyhyre. ²My heka rarybere teòdu mahādu-ò: —Kia Joaō Sebedŷŷdule aōbohe rubu-ribi riixixadŷŷnyre. Tai tahe tii aōikōkō riwinymyhyre. ³Herodi tahe juhuu Joaō rōtenawo-ki riteònyre. Tii taseriðre hāwyy òraru-ki kia wesemy riwinyre, Herodia òraru-ki wahe. Herodia heka Filipi hāwyy rare. ⁴Juhuu Joaō Herodi-ò rarybere: —Awi aōkō rare. Kai dori aseriðre hāwyy-wana atxiteri. Uritere heriōmyke. ⁵Tai tahe Herodi heka Joaō rubudŷŷmy riwisŷnyre. Urile ruberumy judeu mahādu lau. Tamyreny Deuxu rybeduōmy rŷiramy Joaō Sebedŷŷdu rare. ⁶Herodi kai beòramy bede reareu tahe worana bedehesi ritxienyreny. Herodia riðre ijadōma heka iko-ò resemmyhyre. Iixe-ki tahe awimy Herodi rahare, Ijadōma luure wahe. ⁷Tii tahe tamy rarybere kanakemy. Aōmybo wadee bexitòenykre. Inatyhymy adee ibutumy ariwahinykre. ⁸Tai ise ijadōma-ò rarybere: —Aōma bexitòenykre: Sebedŷkŷdu ratilemy tamy bexitòenykre. Tai tahe ijadōma tamy rexitòenyre: —Wadeke bidiwyke Joaō Sebedŷkŷdu rati, pratoro-ki. ⁹Tai tahe iòlòhe rabadewore. Ibutu ijohonaru-ò dori tuu rarybere ijadōma-ò. Tahe ibutumy riwinyke rŷire. ¹⁰Tahe ihārele iòlò heka soldadoō riteònyre rōtenawo-ò kia Joaō rati

resymy. ¹¹Inyō diwyde pratoro-ki. Ijadōma-ò heka riwahinyre. Tahe tii tadi-ò idi rare. Riwahinyre. ¹²Idi tahe Joaō erydŷŷna mahādu dioryde iumy, riwykremy, rituunykremy. Iribi tahe roirenyre Jesuisiko relyyre.

¹³Kia roholareu tahe Jesuisi rōhònyre ixisohojilemy bederahu-txi. Hāwò-di rexitaranyre rare. Iny sōwemy bedede-di rōirenyre ihemy titxibo iru-ki rakemy. ¹⁴Rehemynyreu tahe iny sōwehekŷmy Jesuisi robire. Tai tahe Jesuisi riwotðenyre. Ibutumy riteytenyrene webinadu mahādu. ¹⁵Tahe ratxioronyre. Tahe ierydŷŷna mahādu tamy nade. Tamy rarybere: —Txuu ratxioronyra. Bederahy-ki dori atxiteri. Iny tahe biteònykre hāwā-ò tai rŷŷna ixidee riwykemy. ¹⁶Tahe Jesuisi rirawyònyre: —Aōkōre, ariteònyōtyhy jiarŷ. Kaibohole tahe aō tamy bidiwahinybedenyke. ¹⁷Jiarŷboho kŷny diwatxiònyreri iruyre orotxu-di, utura inatxire. ¹⁸Tai tahe Jesuisi narybede: —Bidiwahiny wadee. ¹⁹Jesuisi tahe ibutumy iny asityre-ki ronykemy risŷnyre. Orotxu inaubiōwa, utura inatxi rŷire, utura-wana rimyre tahe ritehere biu-txi àlana Deuxu-ò riwahinyre. Idi tahe paō riyreyrenymyhyre teòdu mahādu-ò riwahinyre. Idi rare iny sōwehekŷ-ò. ²⁰Ibutumy iny riroxirenyre ihāre rihydyre. Kia iuhe-di ierydŷŷna mahādu 12 weriri ritŷxinyre. ²¹Hābumy 5000 òsana rŷimmyhyre. Ihāre tahe uladu-di rariaōhyyre hāwyyboho-di.

²²Tahe Jesuisi taerydŷŷna mahādu riteònyre aho kanawe-ribi ijà-ò reuròrenykemy hāwò-di. Jesuisi tahe rarire iny sōwehekŷ mahādu rirybedŷŷmy. ²³Jesuisi heka iny tahetoreny-ò riteònyremy rahudi tahe tii raòwònyre hāwālò ratyy-ò ixitòedŷŷmy. Taihyyle idi bederoronyre ixi sohojijhyyle. ²⁴Kiaule

hāwò ahotya-ki rare. Òbò nihikÿy-txi ixinalemy ratximyhÿre. Tiò tiò òbò riwelòrò riwelòròmÿ idi rehumyhÿ. Yhy deade txura-ribi. ²⁵Rudile tahe Jesuisi biura-di heka rare taerydÿÿna mahādu-ò, beratyredile heka rare. ²⁶Iu Jesuisile betyredile tamÿ rarau tahe, tiiboho heka ruberurenÿre. Rirajuarenÿre: —Worÿsÿ òsana inydee rareri. ²⁷Tai tahe Jesuisi rarybere: —Aworeny bitamadÿÿnybenÿke. Jiarÿle watxireri. ²⁸Tahe Pedro rarybere: —Wanyrÿ, inatyhymÿ kai atxiteriwana heka wadee manyarybeke betyre-ki arariakemy. ²⁹Tahe Jesuisi tamÿ rarybere: —Manake wahe. Aōwesele tahe Pedro hāwò-ribi ròhònymÿ reare, Jesuisi-ò rakemy. Betyre-ki rariare. ³⁰Yhylemÿ tahe robure. Tii urile ruberure. Tai ijarahakÿlemÿ riwisÿnyra berahatxi-ò. Tai tahe Pedro rarybere: —Biwatakewa Wanyrÿ. ³¹Tahe Jesuisi rimÿre: —Ainatyhynakÿny ibutelemÿ atxiteri. Aōherekibo heka tiwatyhynyōteri. ³²Idi hāworo-ò wiwana rorukurenÿre. Yhy ruhure. ³³Ierydÿÿna mahādu Jesuisimÿ reālāre. Inatyhymÿ heka kai Deuxu Riòretyhy tate.

³⁴Tai tahe reuròrenÿre Kenesare bede-ò. ³⁵Ibutumÿ iny kowa Jesuisi rieryrenÿre. Ti ibutumÿ webinadu mahādu-ò relyrenÿre Jesuisimÿ. Tahe hāwā ikòkò-ribi ritelenymÿ didydenÿde. ³⁶Tahe Jesuisi-ò rarybere. Ixinamÿ watyky-ò rerike, awimÿ relerenÿkemy. Ibutumÿ tamÿ rerire heka reytere.

15 Jerusalē hāwā-ribi bede ywina bede erydÿÿna mahāduō dehemynyde Jesuisi-wana rarybekemy. Tiiboho-wana tule fariseu mahāduō dehemynyde. Tiiboho heka Jesuisi-ò rÿÿraxirenÿre: ²—Aōherekibo aerydÿÿna mahādu tebòrenÿ risuhòkòreri roxiko-ki. Inydeereny kia bede ywina rare. Aōherekibo

rityhynyōreri ihetxiu lahi rybe. ³Jesuisi rirawÿònÿre ÿÿraxina-di: —Aōherekibo kaiboho Deuxu rybe tetyhynyōteri kaiboho lahirybele tetyhynytenÿte. ⁴Deuxu bede ywina kawesemÿ rarybere:

—Boo adi-wana ibutumÿ heka bityhynybenÿke. Inÿò rybebina tadi-ò tyby-ò rarybekeki. Tii tahe ruruke, tuu bede ywina rybe wahe.

⁵Kaiboho tahe kawesemÿ tebedeerynytemÿ tewitxiranyte: Inÿò tadimÿ tybymÿ rarybekeki Wanieru Deuxu-ò wahisidÿÿnamÿ. ⁶Tai tahe inieru-ei tyby tadi-wana riwiòhenanyōre kia bede ywina witxira tewinymahāte. Deuxu bede ywina rityhynyōreki. ⁷Kaiboho itxerenadu mahādu atxitenÿteri. Isaia inatyhymÿ umÿ rarybereu:

⁸—Kia mahādu wadee rybe-di riwadeālānanyrenÿre. Wowydyna wadee riwahinymÿhÿrenÿre. Inatyhymÿ aōkō heka kai tarybemahāte. Arayky dori Deuxu-ribi irehemÿ ratximyhÿre. Teertythyōlemÿ heka atximahāte.

⁹Iwowydyna heka wadee aō aōkō rare. Wabede ywina ribedeerynyōtyhy. Texibedeerynymahātenÿte abede ywinarenÿdile.

¹⁰Jesuísí rexidelenymÿ ribedeerynÿre: —Boholabenÿ warybe-ò. ¹¹Brebuna roxina-di biroxibenÿkeki, aō adeerenÿ ibinaōtyhy aō aryrenymÿ ralòmÿhÿre aōkō heka ibinare. Ryrìbi ròhòmÿhÿre heka ibinare, arybe wahe. ¹²Tai tahe Jesuisi erydÿÿna mahādu Jesuisiko rarybere: —Fariseu mahādu kÿny tamÿ awiōre kia wiji tuu tarybeta wahe. ¹³Tahe Jesuisi rarybere: —Aōhere aōkō rare. Timÿre aōkō rare. Ixinamÿ tuu raryberenÿre. Iorutere-di nohòtirenÿōmÿ. Kia fariseu bedeerÿna lòbòròna wese rare. Waha ribòrònÿōre. Ibutumÿ waha ribòrònÿōre surìbi mahādu ritakre. ¹⁴Inatxi hābu ruetà

widee ryò ritÿnynymyhÿre wese. Hāwāry-ribi wiwanale hāloo-txi resekre. Tiiboho ixinamy biribenyke. ¹⁵ Tahe Pedro Jesuisi-ò rÿÿraxire: —Wakoreny inihe biditynynyke, roxina brebuna ijyy wahe. ¹⁶ Kaiboho ibutu wese atxitenyteri. Teeryòtenyte. ¹⁷ Ibutumy iny aò rirÿsÿmyhÿre weryri-di ramyhÿre tahe ròhònymyhÿre. ¹⁸ Tahe inyò rybebinamy rarybemyhÿre. Tii iwo ibinare, irayky ibutumy ibinare tai wahe. ¹⁹ Raykywydyna binahakÿ-ribi heka òtaòtana, rubuna, wasina, ruina ujòmo inyry-ribi ròhònymyhÿre. ²⁰ Kia aòmydÿÿnana iny risurisumyhÿre, inydee ibinare. Tahe roxinako-ki iny tebò risuhòmymhÿré, kia tahe aò aòkò rare, ibina aòkò rare.

²¹ Iribi tahe kia-ribi ròhònyreu tahe Jesuisi rare irehetytymy Tiro hāwā-ò Sidò hāwā-ò. ²² Kana bedede hāwyyò tamy nade. Tahe tamy rexitòenyre: —Wahī, Davi riòkòre, biwaruxetoènyke hewa. Waritxòre heka tykytyby bina-di iwoku-ki ratximyhÿre. Anohòkÿmy heka idi rotÿkÿnymyhÿre. ²³ Tahe Jesuisi aòmy rarybeòhyre tamy. Taerydÿÿna mahādu tahe rarybere: —Biteònyke hewa. Inyboho dori riixiranyrenyteri. ²⁴ Jesuisi tahe rarybere: —Jiarÿ Deuxu riwateònyre judeu mahāduòle, tabudoeni mahādu iòre mahādu wese wahe. ²⁵ Hāwyy ixityre nade. Tatiowotimy resere. TAhe ixityre tamy rarybere: —Biwawikòhenanyke hewa, Wahī. ²⁶ Jesuisi rirawyònyre: —Awìòhedÿÿna kia wese rare aòma hābuò tariòre-ribi rÿsÿna riwyya tahe idi rehura ijòròsaòle. Kiawese rarekre, jiarÿ arawìòhenanykeki. ²⁷ Hāwyy rarybere: —Inatyhy rare. Kuladu-ribi ano rÿsÿna resemyhÿre bedede-txi, tiki tahe itxòròsa ritxòre idi riwymy reakamy riròmymhÿre. ²⁸ Inatyhymy Jesuisi rirawyònyre: —Kai ainatyhyna

sòwere. Adee ariwinykre aòmybo textitòenyteri. Iule iriòre reytemy rare.

²⁹ Tahe Jesuisi ròdsere ixityre Kalileia ahohokÿ-ò. Raòwònymy rare hāwālò-ò. Iratytyre ronyre. ³⁰ Sòwemy heka iny webinadu didyde: itiere mahādu, iruetà mahādu, irybeò mahādu, aò ikòkò heka bina bina bina witxira witxira idi rare. Jesuisiko-ò heka ritidirenyreki ibutumy riteytenyre. ³¹ Iny ruetà rÿira mahādu itxeretyhymy riwinyre. Rarybekòmy rÿira mahādu, rarybemy rÿimyhÿ teysamy. Itiere rÿira mahādu, rariamy rÿimyhÿ. Tai ibutumy iny ribedeòtiidÿÿnyre heka tahe judeu mahādu Deuxu-ò wowydyna riwahinyre.

³² Jesuisi rarybere taerydÿÿna mahādu-ò kanakemy. Tahe tamyreny rarybere: —Jiarÿ kÿny rewotòenyteri kainy mahādu rÿireridi. Inataò txumy bedede riera waki. Aò heka ihokòre rirÿsÿrenykemy. Iòwedÿÿkòlemy ariteònykeki heka ijò reseke ryrowetyakile. Rama riatyke. ³³ Tai tahe ierydÿÿna mahādu rarybere: —Inyboho bederahy-ki, titxibo heka rÿsÿna arimykre iny sòwehekÿ-ò ariwahinyrenykemy?

³⁴ Tahe Jesuisi tamyreny ritÿÿraxinyre: —Tiwesebo roxina-di atxitenyteri. Tahe rirawyònyre: —Debò inatxi reurò orotxu sòmo sòmomy idi watxireri utura deyre ijò rare. ³⁵ Jesuisi rarybere ibutumy iny ronykemy. ³⁶ Tahe tíí rexitòenyre Deuxumy reàlàre. Orotxu, utura-wana riereerenyre tahe taerydÿÿna mahādu-ò riwahinyre idi rakremy. ³⁷ Ibutumy riroxire heka kia iny sòwehekÿ ta rihydyre. Tabyre rahudi tahe riarire ierydÿÿna mahādu. Tai tahe rahure tÿxihiikÿlemy. Debò inatxi reurò weririmy heka ritÿxinyrenyre. ³⁸ Tahe 4000 hābumy riòwenyre, kia txuu wahe. Uladu, hāwyy-di rariaòhyre. ³⁹ TAhe Jesuisi

iny-ò rarybere tasỹ-ò ròòsekemy ixyby. Iribi tahe Jesuisi hāwò-di reuròmy rare Magadā hāwā-ò.

16 Fariseu mahādu saduseu mahādu nade Jesuisi-ò iurihixidỹmy riitxenanyrenykemy: —Aòbedeerydỹnabo heka biu-ki iribi rexitòenyre. Biwateòsinyke heka aòwiwihikỹ-di biu-ò jiarỹboho arieyrenyke, kai inatyhy tate wahe. ²Idi tahe Jesuisi rarybere: —Kaiboho heka awirenyre biuwetyky erysy-ki. Jesuisi rarybere: —Kia rybe tarybemahe. Txiorotxumy heka biuwetyy isòhòkỹra-ki, biurasòmý tahe awimy txu kedeakre. ³Biurasou ibede lyby lybimy txu-di kedeakeki tahe biu ròahyhyhy bede txu rariakre. Myhe tarybemahe. Kaiboho heka iwitxira aòhebo rotỹnykre heka teerytenykòlemahātenyte. ⁴Iny kamahādu heka ibutumy ibina binare. Tiu heka rityhynyòhyymhỹrenyre. Rexitòenymhỹrenyre heka biu-ò rityhynykemy. Tahe riwahinyòtyhy heka aòma bedeerynaò. Kia Jonasi-ò bedeeryna rareòle tahe tamy rakre heka. Tahe Jesuisi rexitamy rare iribireny.

⁵Idi tahe aho weribijà-ò reuròenyreu tahe, tòhòtirený rosare tarỹsýnarený-ribi. ⁶Jesuisi tamy rarybere: —Fariseu mahādu, saduseu mahādu iurina-ò bexiebenyke. ⁷Ierydỹna mahādu tahe widee rarybere: —Tii kia rarybere iny orotxu diwyòdeki. ⁸Jesuisi roholare aòmybo raryberenyre tahe tamyrený rarybere: —Aityhynarený urihimýòre. Aòherekibo orotxumy jiarỹ rarybererimý tahòtinytenyte? ⁹Tiu kaiboho bierybenyòtyhy. Iruyre orotxumy remyre. Idi 5000 hābumy reòwenyre. Ihāre tahe weriri txỹxi tỹxihikỹlemy rỹimyhỹre rauhenyre. Itxi aòbo òhòtirený reakòmyhỹre.

¹⁰Ixityreu tasỹ 4000my reòwenyre, debò inatxi reurò orotxu-di. Ixiyrubule rauhenyre. ¹¹Jiarỹ orotxumy rarybeòre. Fariseu mahādu, saduseu mahādu urina-ribi bexiebenyke. ¹²Tai ierydỹna mahādu rieryrenyre aòmybo rarybemyhỹmy Jesuisi heka fariseu saduseu bedeerydỹnamy rarybereri.

¹³Idi tahe Sesaria Filipi hāwā iòhòmý rehemynyre. Jesuisi rỹraxisre taerydỹna mahādu-ò: —Iny wamy rarybereri. Mobo heka jiarỹ raremy heka wadi rỹreri. Jiarỹ Hābutyhyhykỹ rare, Deuxu Riòre wahe. ¹⁴Ijò kyny rarybemy rỹreri: —Kai riki heka Joaò Sebedỹdu atxiteri. Ijò riki Elia atxiterimý adi rỹreri. Ijò tahe Jeremiamy adi rỹreri. Ijò heka Deuxu rybeduò riki heka atxiterimý adi rỹreri. ¹⁵Tai tahe Jesuisi rỹraxisre taerydỹna mahādu-ò: —Mowexe watxirerimý wexe wadi tahòtinytenyteri. ¹⁶Simaò Pedro heka rarybere: —Kai Kristu atxiteri Deuxu deòdỹna heka tate. Kai heka Deuxu Riòre tate. ^{17–18}Tahe Jesuisi rirawýònyre Pedro-ò: —Inatyhymý Pedro tate, Waha, biu-ki Mana ani rare. Boholake, ratximyhỹrele kia adee riteòsinyre. Iny aòkò kia adee riteòsinyre. Wadohodỹna mahādu kia mana tyre-ò ariwinykre. Rubu dori heka tiu ituedeòna. ¹⁹Waiòlòna rayna heka adee ariwahinykre. Kabede-ki aòwidỹ adee binakeki tule biu-ki ariijònykre. Aòtxiletixibo aòwidỹmy burukre tasỹ biu-ki tule adee ariwinykre. ²⁰Jiarỹ inatyhymý Deuxu deòdỹna rare. Tuu ijyyrenyòmyke.

²¹Iribi tahe Jesuisi itỹny relymy taerydỹna mahādu-ò. Rurukremý heka relyre: —Arakre heka Jerusalē-ò. Tai heka matuari mahādu, ònosòna bedeeryna mahādu, xiwena wahidỹdu mahādu-wana riwarubunykre. Inataò txu-di tahe ixyby rubu-ribi adexiakre. ²²Idi tahe Pedro heka

Jesuisi ridyre ijō erydŷŷna-ribi tahe tamy rarybere: —Aōkōre, Wanyrŷ, tiu heka tiiboho ararubunyrenyōtyhy. ²³ Tahe Jesuisi rarybere Pedro-ō: —Waribi bexihitxinyke. Kai heka Satanasi weselemy atximahāte. Iwese kai taraykynymahāte heka aō Deuxu deewinamy aōkō tuu tahōtinymahāte hābudeewile rare. ²⁴ Idi tahe Jesuisi rarybere taerydŷŷna mahādu-ō: —Inyō wawananamy rurukeki, ixi-ribi heka tōhōti rosake. Nomy rurukeki heka taitxèò rimyke idi tahe wahemy kanake. ²⁵ Inyō wahemy rariakemy ixi-di rōhōtinhyyke wana heka irumy inonana irehemy ixi-di ratxikeki heka tii ihārele ruruke. Inyō taumy riōnonykeki waōraru-ki tai tahe tii ròtake. ²⁶ Inyō heka ibutumy aōna aōna bedeki ributunyekeki. Tahe ihārele heka tii ruruke. Tule umytuedeōna riōnonyre. Aō tarasana tamy aō aōkō rare. Iny iruna riōwynyōhyymhŷre, ixiyby tamy kanake wahe. ²⁷ Jiarŷ, Deuxu Riōre, Hābutyhyhykŷ dori kanakre wana aōwesele. Taŷju loosōna-ki tii kanake. Iny ibutumy ariōwynyke bibutunymy aōbo iny riwinymhŷré heka aōwi-wihikŷ aōbina bina.

²⁸ Iu jiarŷ, Deuxu Riōre, Hābutyhyhykŷ, kanakeu tahe inyō kaibohoō tuu robikre, lōlōmy kanakreu.

17 Reare heka debò sohoji reurò txumy. Tahe Jesuisi ridyre Pedro, Txiau, Joaō-wana. Joaō tahe Txiau seriōre rare. Tahe raōwōnyre tiiboho-wana hāwālò ratōdōhōkŷ ratyy-ō. Inyō heka tii wana raōhyyre. ² Ikoreny-ki tahe Jesuisi rexiwitxiranyre. Iōsana heka roosōre. Txuwesehekŷle relere iōsana heka ratŷrŷrŷnyre. Ityky tasŷ rauranyhŷkŷre. Tahe roosōna itoosōnadihikŷre. ³ Iu tahe tuu robire Moisesi rubu, Elia rubu, Jesuisi-wana widee rarybemyhŷreny. ⁴ Tahe Pedro tamy rarybere: —Awire,

Wanyrŷ, kawese watxirenryeri kaki. Adee wikeki hetomy ariwinynenyke ijō adeekre, ijō ta Moisesiōkre, ijō Eliaōkre. ⁵ Iu Pedro rarybereriule tahe biuwetyky urahakŷ relere. Iyribile rybeō narybede: —Kia heka Wariōre waluu heka rare. Boholabeny irybe-ō. ⁶ Idi tahe ierydŷŷna tamy roholareu, tahe ruberure. Tahe reserenyre iōsanareny bede-ō. ⁷ Jesuisi tamyreny nade: —Brebrenyōmyke hewa bodorukubedenyke heka. ⁸ Reteherenyre tahe Jesuisi sohojile tai rŷire.

⁹ Iribi tahe diberenydenyde hāwālò ratyy-ribi, Jesuisi narybede: —Uritere waijyyōmyke inyko wiji tuu tabitimy. Iu jiarŷ, Deuxu Riōre Hābutyhyhykŷ, rubu-ribi riixixanykreu tahe tuu belyyke. ¹⁰ Tahe ierydŷŷna mahādu Jesuisi-ō rŷŷraxire: —Aōherekibo tarybetenyteri —Elia juhuu kanakemy ako-ō juhuu kanakemy. ¹¹ Jesuisi rirawyōnyre: —Inatyhy rare tii juhuu kanakre. Ibutumy heka bede riywinykre. ¹² Tule ararybekre kiamy: —Elia nade tahe ihārele heka iny rieryōhyyre. Aōhōkŷmy risŷnyre. Iwese Elia aōhōkŷmy risŷnyre wesele tahe Deuxu Riōre Hābu heka aōhōkŷmy risynykre, jiarŷ wahe. ¹³ Tai tahe Jesuisi erydŷŷna mahādu rieryrenyre aōmybo Eliamy tii raryberemy Joaō Sebedŷŷdule tahe Jesuisi rarybere.

¹⁴ Iribi tahe dōdsedenyde iny sōwemy riraōmy rŷimyhŷre. Hābu-ō nade Jesusiko-ō tatiowomy resere: ¹⁵ —Wanyrŷ, ruxetōdena wariōre-di biwahinyke. Irayky awimy aōkō ratximyhŷre. Bera-txi resemyhŷre. Heōtyru-txi resemyhŷre. Ibutumy aōna aōna riwinryerimy ihŷre. ¹⁶ Aerydŷŷna mahādu-ō heka adidyde tahe tiu riteytenyōtyhy. ¹⁷ Jesuisi rirawyōnyre tamyreny: —Kaiboho isira mahādu atxitenyteri. Aō heka inatyhyna heka akireny ijōkōre. Tiwese bede dŷŷnana

bohe araòludunyrenykre. Bedese inihe bididy uladu wadee. ¹⁸ Tahe Jesuisi rarybere kia uladuwo-ki ratximyh̃yò: —Iribi wa bohonyke! Tahe uladu reytemy reare.

¹⁹ Idi ieryd̃ỹna mahādu Jesuisiòle rarybere: —Aòherekibohe jiar̃yboho tyytybybina iribi reteònykòreri? ²⁰ Aòmareki kiehe ainatyhyna ibutetyhyreki òwòrutu sòmowesele ainatyhyna dikeki heka kai aòwiwihik̃y biwinyke. Kai hāwālòò-ò marybeke: —Iribi bexitake! Tai tahe hāwālò rexitake iwitxira suò. Aò aòk̃ò adee isirake, ainatyhyna direki wahe. ²¹ Kia tyytyby bina iwitxira rare. Isiratyhyre heka. Kaiboho bexitòenybenykeki, binarehebenykeki, ixiery tyytybybina biteònybenyke.

²²⁻²³ Kalileia bedeki Jesuisi taeryd̃ỹna mahādu-wana ributunyre. Tai Jesuisi rarybere tamy: —Jiar̃y, Deuxu Riòre Hābu, rare. Tai inyò riwahinykre hābubinaò-ò warubud̃ỹmy. Inataò txu-di tahe rubu-ribi adexixakre. Tai tahe ieryd̃ỹna mahādu rabadewo nihik̃yre.

²⁴ Iu tiiboho heka Kafanaò hāwā-ò ritehemynyreu, inyò Pedro-ò nade. Tii dohod̃ỹna òwy butud̃ỹdu rare. Tahe rarybere: —Awedu aòbohe tii rexiòwinykekò. ²⁵ Pedro rirawyònyre: —Tii riòwynymyh̃yre. Tai tahe Pedro rakemy reare. Iu Pedro tuu Jesuisi-ò rarybekemy hetowo-ò raloreu, Jesuisi juhuu rarybere: —Moribibo iòlò rexitòenymyh̃yre òwyd̃ỹnamy. Mynydu mahādu-ribi aòbo ada ta taijoiribile aòbohe rotamyh̃yre. ²⁶ Pedro tahe rirawyònyre: —Mynydu mahāduòle rexitòenymyh̃yre. —Inatyhy rare, Jesuisi rarybere. Iijoi mahādu òsana riòwynyòhykymyh̃yre. Jesuisi rarybere: —Ihāre tahe ròkòòwyd̃ỹkre. ²⁷ Òbitimy rakaòwònyrenykre. Kia Templo heto òwymy. Ibinamy kia

iny-ò ariwinyòtyhy. Kai heka makre ahohok̃y-ò awaxi-di behukre. Juhu utura kanakrele heka bidimykre. Idi iry biraynykre. Tai nieruò-ki mahake. Iribi biditamy tahe makre iny òwyd̃ỹmy.

18 Iule tahe Jesuisi eryd̃ỹna mahādu tamy rehemynyre r̃ỹraxire: —Mobohe Deuxu Iòlòna-ki nihik̃ymy rarekre. ² Jesuisi heka ratximyh̃y uladuò ibire-ki. ³ Idi tamy rarybere: —Kai uladu weseleòmy mabeòkeki, Deuxu Iòlòna-ò malòbenyòtyhy ⁴ Uladu wese maraykynybenykeki heka, tii tahe Deuxu Iòlòna-ki inatyhymy r̃ỹrakre. ⁵ Kai waòraru-ki uladu kawesemy biwiòhenanykeki tiwawiòhenanymahāte ⁶ Kai uladuò òraruna-txi resekemy ris̃ỹnykeki, kai abinatyhymy atximahāte. Inyò òy ritakamy reroti-di aratakemy heka inyò adi rehuke bera-txi. Tii tahe awityhyre adee.

⁷ Sòwemy heka aòna aòna r̃ỹra wary-ribi iny riatykemy. Tii adee ibinatyhyre. Tiiemy heka tuhy rarekre. Inydee heka ibinakre heka. Wary-ribi riòlòd̃ỹnymyh̃yre heka tamy ibinakre. ⁸ Ebò òraru-ki tahe wainatyhyry-ribi bexitakeki, ebò biòròmy idi behuke. Awityhyre heka adee Deuxu Iòlòna-ò malòkre sohoji ebòdile. Inatxi ebò-di heòty bedebina-ò malòkeki, awiòre heka. ⁹ Tule arue sohoji òraru-ki kia òrarunamy beseke lau, urile bitake idi behuke. Arue wiò-di heòty bedebina-ò malòheny arue-di wiòle. Biu bedewihik̃y-ò malòke tahe awire heka arueyremy. ¹⁰ Iny nihik̃y ityhy iny yja mahādu heka tuuòre. Uritere heka iweserenyòmy atxibenyke kaiboho bexiiebenyke tamy. Iny aòk̃ò mahādu dori tii ĩyju dire heka. Ĩyjureny heka Deuxuko tii ibutumy relyymyh̃yre turenny. Idi òhòtirenny-ribi bosabenyoòke. ¹¹ Jiar̃y Hābutyhyhyk̃y rare, Deuxu Riòre wahe.

Ityhydÿÿdukōdu mahādu ibutumy aritakemy anade. ¹²Rakawesenanykre heka kaijyy wesemy. Rakarybekre heka kahābu 100 budoeni ijōdire wesemy. Sohoji heka iōre iy-ribi. Kia hābu idi itxeredu tahe iy-ribi iōre rakre ijesemy. Iuhe tahe hāwālō-ki riroximy ririre. ¹³Tai rahakre wana heka teysamy ratxikre. Kia sohoji òrarukile reysakre. ¹⁴Iwesetyhylemy taheka inyō iōōthyh Waha-ribi. Tamy dori kia ibinare.

¹⁵Inyō adee rexiòrarunyekeki tahe tamy makre rybemy. Uritere inywitxirako-txi rybeōmy tuu. Tahe tamyhyylemy marybeke. Aityhydÿÿdu seriòre heka arybe-ò roholakeki, tahe ixi-txi tōhōti reake wana, ixi dee ibinamy rōhōtinyra wana, tai tahe kai ixyby tii-wana ityhydÿÿdu seriòre biòwamy beleke. ¹⁶Aōhe wana tahe arybe-ò roholaōhykre, tahe ixityre make inyō wana rexibiòwanymy.

Iny inatximy ixihe-ki bidyke. Tii tahe arybe-ò ijohonaduke inatyhy raremy arybera-txi resekre wahe. Iu dohodÿÿna-ki rarybekreu, tai tasÿ tii rarybeke teòsamy aōkō ratximyhÿrelemy rarybeke. ¹⁷Tii irybereny-ò roholaōkeki, tai tahe dohodÿÿna mahādu-ò belyyke. Tii irybereny-ò roholaōkeki, tai tahe biteōnyke. Tii iwese òrarudu mahādu heka adee rarekre, bede dinodu-ò nieru wydydu wese wahe. ¹⁸Iwese kaiboho waityhydÿÿdu mahādu kabede-ki rōhōtinyre wesele, tule araykywesetyhyle Deuxu biu-ki rōhōtinykre. Aōbo adee kabede-ki aōwidÿÿ ibinare ada awire heka tule biu-ki ibinamy rarekre, awimy rarekre. Arybe riwitxiranyōthyh kowa biu bede-ki. ¹⁹Iwitxiraōmy adeereny ararybekre: —Ijō titxibo inatxi ada inataō ityhydÿÿdu seriòre wiweselemy raraykynkre.

Waha-ò rexitōenymyhÿreki iwese rexitōenyre wesele heka tamy riwinykre biu-ki. ²⁰Titxibo waniòraru-ki inatxi, inataō wii ributunykre heka, jiarÿ taile watxireri.

²¹Tahe Pedro rÿÿraxire Jesuisi-ò: —Bede erydÿÿdu! Waityhydÿÿdu seriòre heka wadee rexiòrarunyekeki, tiwesebo sōwe ariixāwididÿÿnykre ixi-ribi debò inatxi reurò, my aōbo?

²²Jesuisi rirawyōnyre: —Aōkōre, debòinatximy aōkōre, 490 wesemy wahe. Ixityre ixityre biixāwidÿÿnykre.

²³Deuxu Iòlōna kawesemy rare: —Iòlòò heka teòdu mahādu kia contamy robikemy idi ratxireri. Tiwesebo inieru-di rasiranyre wesemy wahe.

²⁴Sohoji teòdu juhuu dehemynyde. Sōwemy heka tevedÿÿna ratximyhÿre, 1000,000 womati tÿrÿrÿhÿkÿ nieru wahe.

²⁵Inieruōre heka iòwydÿÿna wahe. Idi rohonykemy heka iwedu riteōnyre deòdu mahādu wesemy. Tariòre-wana tahāwyw-wana ibutumy deòdumy roirekemy. Aōbo tai rÿimyhÿ heka ibutumy idi rohonyre.

²⁶Tai kia deòdu heka tatiowotimy resere kia iòlòko-txi: —Waiòlòreny, txiōinihe biwaraōkre ariòwynykre ibutumy.

²⁷Tai tahe iòlò riwotōenyre aōma ixinahykylemy ritusanyre.

²⁸Tai tahe kia hābu he rare kia urihimyò tamy radevenymyhÿò heka rexinohōtidÿÿnyre. Tai tahe hābu lòtikile rimyre. Rierenymy resere ribòtòrartytxnyre: —Bidiwaòwynykre kÿnyhe wijityhyle. ²⁹Tai tahe tatiowomy resere, rarybere: —Txiokre inihe ariòwynykre ibutulemy. ³⁰Tai tahe rirutyre ròtenawo-ò idi riòtenyrene. Riwotōenyreōhyre.

³¹Itxeredu mahādu heka rabadewore tai tahe ibutumy relyyre iòlòko. ³²Tai tahe ixityre tamy rarariòwyre tamy rarybere: —Aōherewe, deòdu binahakÿ, jiarÿ

araixāwididỹnyre ibutumy inatyhy? Kai dori ixitòedỹna wadee tewinyta. ³³Aòherekibohe aleina kia adee nadevenymyhỹde kia teixāwidinyòta, iwese jiarỹ araixāwidinyre wese. ³⁴Tai tahe tii rimyre reburere itere iòlò, tai imynomy riteònyre rotenawo-ò riòwynykre xiery riòlòdỹnykremy. Tai aòhòkỹmy rotỹnyymyhỹre. ³⁵Jesuisi rexihura narybede: —Kiawesele heka adeereny rarekre. Ityhydỹdu seriòre taseriòre riixāwidinyòkeki heka iwesele heka waha adi riwisỹnykre.

19 Jesuisi ibedeerydỹna-ribi rexihureu, Kalileia bede-ribi ròhònyre. Bero Jordaò weribijà-ò reurore, Judeia hāwā bede kanawe-ribi ijà-ò rehemynyre. ²Tai tahe sòwemy iny webinadu mahādu rỹire. Idi tahe ihemy rare. Ibutumy riteytenyre. ³Fariseu mahādu imynomy idi riwisỹnymyhỹre aòbinamy rarybekeki rimykeny. Tai tahe tamy dỹraxyimy namyhỹde aòsirahakỹmybo: —Iny bede ywinareny tahāwyy riteònymyhỹre urirybelemy, wiribi resekeny. ⁴Jesuisi dirawyònyde: —Ritidỹnamy aòbo tariaòmyhỹte idi? —Deuxu ibutu widỹdu heka juhū hābu hāwyy-wana riwinyre.

⁵Idi tahe rarybere: —Hābu heka tybyboho-wana tadiboho-wana wiribi rexihitxinyymyhỹre tai tahe tahāwyywanale wii ributunomy rỹira.

⁶Inatxi heka sohoji weselemy rarekre, hābu tahāwyy-wana. Deuxu heka hābu tahāwyy-wana ributunyre, inyò heka tiu rihitxinyòtyhy. ⁷Tahe ijòmy fariseu mahādu ritỹraxyinyre: —Aòherekibo Moisesi kawesemy juhū rarybere:

—Hābu tahāwyy riteònykeki juhū urile tyriti tamy riwahinyke riteònykekoki.

⁸Tahe Jesuisi kawesemy rarybere: —Kaiboho heka ieryna urihimyòlereki

aò isirareki heka kia riwinyre. Juhū tahe kawese aòkò rỹire. ⁹Aòmale tahe ixinamy riteònyke ixi-ribi òta òtadule heka aòwaxiny tuu riteònyre ixi-ribi. ¹⁰Tai tahe ierydỹna mahādu rarybere Jesuisi-ò: —Tahe kiawesekeki heka uritere heriòmy hāwyyòmy, hābuòmy. ¹¹Jesuisi tahe dirawyònyde: —Kaa bede eryna heka aò ibutuhukỹ-ò aòkò tureri aòma Deuxu bede eryna tamy riwahinyymyhỹreòle heka tureri. ¹²Aòtxi-ki tahe tuu hābuò rỹira hāwyymy heridumy aòkò rỹira. Ijò hābuò tahe tiemy tunodumy rỹirerimy ihỹre. Iwitxira hābu-ò rexiwahinomy rỹireriki heka tuu rỹirerimy ihỹre. Ijò tahe tuu rỹirerimy ihỹre aòma Deuxu aòmỹsỹdỹna òraru-ki wahe. Kaa rybe tahe inyò tahe rityhynykeki tii inatyhymy rityhynyke.

¹³Inyò didyde uladuò Jesuisi-ò tamy rexitòenykeny tebò iraty tyre-ki roirerilemy. Ierydỹna mahādu tahe uritere iixiradỹòmyke. ¹⁴Tahe Jesuisi rarybere: —Ixinamy kanamyhỹke uladu wadee. Uritere itynysỹrenyòmy. Uladu wesemy dori Deuxu iòlòna ròtedu mahādu ratximyhỹre. ¹⁵Jesuisi tahe iratytyre tebò ritidire tamy rexitòenyre. Idi tahe Jesuisi rare.

¹⁶Aòu tahe hābuò Jesuisi-ò nade: —Erydỹdu, aòhebo arotỹnykre. Aòma, timykibo umytuedeòna aritakemy wahe. Aòwidỹ wiwihikỹbo ariwinykeny. ¹⁷Jesuisi rarybere: —Aòherekibo wadee aòwiwihikỹmy widỹ tỹraxyiteri? Iny sohojile awi rare, Deuxule wahe. Kai bede ywina ibutumy bityhynyke, umytuedeòna hakỹ-ò molokre. ¹⁸Aòbedeywinabo arityhynykre? Tahe Jesuisi rirawyònyre: —Rubudỹòmy, Òta òta widỹòmy, wasiòmy, ruiòmy,

¹⁹Adi boo-wana bityhynyke, iwese ixiluure wese heka abireludu mahādu luuke.

²⁰Hābu rarybere: —Kia heka aōu aōu jiarỹ retyhynre. Aōijōmybo arotỹnykre? ²¹Jesuisi rirawyōnyre: —Kai òbitimy mabekekile aōmydỹna-di ibutumy. Kia idi bohonyke òwy tahe biwahinyke urimynodu mahādu-ò. Tai sōwemy aōna aōna biu-ki ahōrōmykre. Iribi tahe biwaheludunyke. ²²Iu hābu kia roholareu tahe rabadewonihikỹre nieru sōwereki heka rabadewore.

²³Tai tahe Jesuisi taerydỹna mahādu ribedeerynyre: —Isiratyhyre heka biu bede-ò ralòke aōma ityhy nihikỹkeki. ²⁴Isirare heka aōma kamelo tyy rurena òtumy ralòke heka isirare, inatyhy? Tai tahe aōma ityhy mahādu ralòke tarasanamy reake heka isirare. ²⁵Jesuisi erydỹna mahādu ribedeòtiinyre kai-ò roholareu. Tai tahe rōhōtinyre: —Aōkōre isiratyhyre tuu ròte. Inyō tarasanamy reaōtyhy. ²⁶Jesuisi tamyreny retehere tahe rarybere: —Inatyhy rare hābu-ò isirare. Deuxu dee tahe isiraōle rare. ²⁷Tai tahe Pedro rarybere: —Jiarỹboho ibutumy aōmydỹnareny adiridenyde. Araheludunymy watxiwāhāre. Aōma ritarenykre? ²⁸Jesuisi tahe dirawyōnyde: —Kiamy heka adee ararybekre. Jiarỹ Deuxu Riðre Hābu tyhyhykỹ wahe. Kaiboho heka tule borukubenyke aiðlōnaryna-ki iu ibutumy ratỹmyrakreu. Kaiboho iny sohoji sohojimy judeu ijoio biywisidỹnanybenykre, waijoi waòinatxi reurò mahāduō wahe. ²⁹Inyō kia ibutumy aōbo waðraru-ki ririmyhỹre iwese taheto ririmyhỹre waðraru-ki, taseriðre, tadi, tyby, uladu, taoworu, ririmyhỹre. Kia sohoji sohoji-ribi heka aō sohoji sohoji òwymy 100 ritakre. Tule umytuedeòna ijōmy ritakre. ³⁰Inyō nihikỹmy ityhymy ratxirerimy ihỹre, tii iyjalemy relekre, aōma aōkō tai relekre. Tule iyja nihikỹmy relekre. Sōwemy urimynodu

kaki rỹirerimy ihỹre tahe biu-ki inihikỹmy rarekre.

20 Jesuisi tasỹ riteòsinyreri ijyyò timyrebo Deuxu Iòlòna. Hābu aōmysdỹdỹdu heka oworu widỹmy heka riteranymy tamy rarybemyhỹre: ²—Aōmamy araðwynykre, sohoji prata womati nieru, iwese ibutumy raðwynymyhỹre wese, sohoji txuðwy wahe. Tai tahe tii raaōmysdỹdỹre uva oworu-di raaōmysdỹdỹmyhỹ. ³⁻⁴Idi tahe tii reare 9 horau tule, txutyeyu tule, titxibo iaōmysdỹdỹna rỹireri titxibo hābu teaōmysdỹdỹmyhỹò. Tahe tuu robire urile ratximyhỹmyhe idi retehemyhỹ. Tai tahe tamy rarybere: —Maaōmysdỹdỹke hewa, waoworu-ki. Ikonana txu heka òbitihyky araðwynykemy adi watxireri. ⁵Tiiboho raaōmysdỹdỹre tule. Txutyeyu tasỹ ixiryubule ijō riteranyre aōma iwese kia juhuu ijō-ò rarybera wesele. ⁶Txuinyòbira-ò ijō rimyre, tule ijō txiorotxure. ⁷Iruyre hora-ò ijō tasỹ riteònyre. ⁸Tahe txiorotxumy rōhōnyra tahe kia iòwydỹdỹdu tamy rryre. ⁹Tahe 1 womati nieru tamy riwahinyre, sohoji hora raaōmysdỹdỹre mahādu wahe. ¹⁰Tahe txusohojimy raaōmysdỹdỹre tahe iratyre rōtakremy ixi-di rōhōtinyre. Tahe tule riðwynyra iwese ijō riðwynyra weselemy, 1 womati nieru, sohoji sohoji wahe. ¹¹Tai tahe rimyre nieru urile tamy rexibinanymy rarybere: ¹²—Kowa heka sohoji horale raaōmysdỹdỹhārele heka 1 teðwynyta. Jiarỹ boho tahe txuhyy raaōmysdỹdỹra, bede tòtee-ki wahe. ¹³Tahe iwedu rarybere: —Wabiòwa, adeereny rarybera. Wiji 1 womati nieru ariwahinykremy heka inatyhy? Tuheka adeereny rewahinyre. Aribi rawasinyora. ¹⁴Boibenykre heka ibutumy araðwynyreri. Wiwesetyhylemy heka araðwynyrenyreri, iwese rarybere wese. ¹⁵Hora sohojilemy

raaōmys̄d̄ȳrað sohojimy wanieru ariōwynykre inatyhy. Tamy wanieru ariwahinykemy ixideewimy, aōhe inatyhy? Aōherekibo tebureteri? Jiar̄y urihimyò raaōmys̄d̄ȳrað wawiremy tarybetenyteri wahe. ¹⁶ Jesuisi tahe rexihere kia rybe-di, kiamykre bede: —Ikoludu heka ihewoludu-ò resekre. Ihewoludu tas̄y iko-ò resekre.

¹⁷ Tai tahe Jesuisi ròwōnyre Jerusalē hāwā-ò. Iny-ribi tawað inatxi reurð mahādu rihitxinyre. Tamy relyyre timybo aōhebo rot̄ȳnykremy Jerusalē hāwā-ki: ¹⁸ —Jiar̄y, Hābutyhyhyk̄y adee ararybekre: —Inyō riwawahinykre aōma-ò Xiwena wahid̄ȳdu wedu mahādu-ò. Tule diwatyhenykre judeu wedu mahādu-ò. Tahe riwarubunykre heka tiiboho wamy rarybekre ijō iny-ò. ¹⁹ Tii heka riwamykre tahe riwawahinykre Roma iòlò-ò, judeukōdu mahādu iòlò wahe. Ibinatyhymy aōhebo riwas̄nymy riwahetenyre. Itxeð nihik̄y-ò riwatamad̄ȳnykre. Tahe txu inatað-di rubu-ribi areixixanykre.

²⁰ Zebedeu riðrese Jesuisi-ò nade. Tatiowotimy resere tahe rexitōenyre aōmybo Jesuisi-ò tariðre-wana nade. ²¹ Jesuisi tamy rarybere: —Aōbo rare hāwyy rarybere: —Waritxōre inatxi hābu rare. Tikiboho k̄nyhe, aikòlōnykuna rynana-ki ronykre awana. Ijō aruruna-txi, ijō ahywe-txi wahe, kai aikòlòkuna-kò malokreku wahe. ²² Jesuisi heka iriðre-ò rarybere: —Kaiboho aōmybo texitōenyteri teerykōleter. Kai Txiau, kai Joað, teerytenyte aōbo aōhebo wadi rot̄ȳnykre arurukre dori jiar̄y kaiboho tulekre? Tiiboho dirawyònyde: —Tulekre. ²³ Tahe Jesuisi rarybere: —Inatyhy rare kaiboho tule aōhōk̄my bot̄ȳnybenykre. Tahe moba warora-txi ada waruruna weribi rynana-txi ronykre. Jiar̄y reerykōre. Wahale heka rieryre. Tiile tamy riywinyre. ²⁴ Idi

tahe debōwið ieryd̄ȳna mahādu kia rieryre aōmybo Txiaiku Joaðboho rexitōenyrenyrá. Tai tahe tiiboho rakyarananyrenyre. ²⁵ Tahe Jesuisi ibutumy taeryd̄ȳna mahādu tamy kanakemy rarybere: —Iny iòlò iruru dire. Ibutumy dinodu tahe kia weselere —taijoi mahādu riteðnymyh̄re. Teòdu mahādu riteðnymyh̄re. ²⁶ Tahe aō tuukre aōkō heka rare ayreny-ki. Inyō dinodumy ixidikre heka deòdumy rarekre. ²⁷ Kia iny nihik̄my ixi-di rexinohōtynryeri tas̄y aō aōkō tii rarekre. ²⁸ Iwese jiar̄y riwinyre wesemy heka rarekre. Hābutyhyhyk̄y aō dinodumy aōkō anade. Iwese deòdu r̄yira wesemy heka nade waumy riwahinykremy rubu-ò kabede-ki. Tai sōwemy iny ritakre.

²⁹ Iu Ijerið hāwā-ribi ròirenyreu, tahe sōwemy iny riheludunyre. ³⁰ Inatxi iruetāmy heka ronmyh̄y iu Jesuisi ibire-di rareu. Tiiboho roholarenyre kia Jesuisi raremy. Rexitōenyre rryre Jesuisi-ò: —Davi riokore, wadee hewa ruxetōena biwahinyke. ³¹ Tai tahe iðhōmy iny iribi r̄yimyh̄y rarybere: —Txioke inihe, biyryke! Ixityre rryre tarurutyhy: —Inynyr̄y Davi riokore, Biwawotōenyke hewa. ³² Jesuisi tamy rarybere: —Aōwexe adeereny ariwinykre. ³³ —Wanyr̄y, Kai wa bidiwaruenykre warue biraynykremy. ³⁴ Tahe Jesuisi riwotōenyre iruebymy reare tebð-di. Aōwesele tahe ruðmy reare. Tai tahe Jesuisihe riheludunyre.

21 Jesuisiboho tahe rehe mynyrenyre Jerusalē hāwā iðhōmy. Betabaji hāwā-ò heka rehemynyre. Kia Oliveira hāwālð-ribi irehemy aōkō ih̄re. Tahe Jesuisi inatxi iny riteðnyre hāwā-ò, taeryd̄ȳna mahādu wahe. Tamy rarybere: ² —Juhu hāwā dele-ò malokreule aōma bobikre, jumenta tariðre-wana. Tahe bitaanalawekre ta bididykre kað.

³Inyō aratỹ̄raxyinykre wana, tai tahe kiamy bisỹnykre aōma: —Wawedu hewa idi ratxikemy rōhōtynyre. Tai ki tahe ahemy kiditeōnykre. ⁴Kia ihetxiu ritidỹ̄na tuheka relem̄y roim̄yh̄y. Kamy rarybere: ⁵—Marybeke heka Jerusalē hāwā-ò:

—Deuxu lōlōna heka kanakre adeereny wahe. Tii inihikỹ wesemy aōkō kedehemynymy, jumenta tyre-ki heka kedehemynykre.

⁶Tahe ierydỹ̄na mahādu riwinyre iwese Jesuisi rarybere weselemy.

⁷Didyde tahe jumenta tariōre-wana. Ihetyreny jumenta tyre ritidire. Jesuisi ityre ronyre tahe idi rare. ⁸Tahe inyō sōwemy-ribi tahetyreny-di rehumyhȳre iryko-txi idi rariakemy ityre-di. Ijō tasỹ hereru-di iryko-txi rehure iryube hetymy ityre-di rariakemy. ⁹Sōwemy tai iny rirajuamy rỹim̄yh̄y iko-ò, ihewo-ò:

—Ilōlō Davi riokore heka sōwemy iny wowydina tamy iny riwahinyreri. Tii Deuxu Riōre Hābu rare. Deuxu deysana heka tamy biwahinyke!

¹⁰Jesuisi hāwāy-ki rehemynyreu, ibutumy iny ribedeōtiidỹ̄nyre: —Mohābuwe kia ralōreri Jerusalē hāwā-ki wahe? ¹¹Tai tahe iny mahādu rarybere: —Aōkōre, kia Deuxu rybeduō rare. Jesuisi inire Kalileia bede-ribi Nazare hāwā-ribi dehemynyde.

¹²Tahe ralore Deuxu dohodỹ̄na heto-ò. Tai kia aōna aōna-di rohonryeri heka riteōnyre. Kia aōma nieru wiurōna iōwōruwebese tahe riatyre. Kia aōma bōtōe dohodỹ̄du ryna ibutumy ritxiwire riatyre. ¹³Tahe Jesuisi rarybere: —Deuxu Tyyriti rarybere:

—Dohodỹ̄na heto heka waha heto rare, ixitōedỹ̄na heto rare.

—Kaiboho heka inywasidu mahādu-di tetỹxinytenyta. ¹⁴Sōwemy iny itiere, iruetā, nade Jesuisi-ò dohodỹ̄na heto-ò. Jesuisi taile riteytenyre. ¹⁵Tahe

xiwena wahidỹ̄du wedu tuu robire. Tule judeu bede ywina bede eryna mahādu robireu tahe, aōma uladu templo-ki ryrymy rỹim̄yh̄y aōma: —Davi riokore heka Deuxudeewina rare. Tai tahe kia rybe-ò reburerenyre.

¹⁶Tiiboho tahe raryberenyre Jesuisi-ò: —Kai aōbo taholate aōbo rarybereri. Jesuisi rirawyōnyre: —Kohe, raholare. Kaiboho teeryōtenyte:

—Uladu dori wowydina tamy riwahinykre. Tiu aōbo tariatenyōhyymahāte kia Tyyriti-ki.

¹⁷Tahe Jesuisi iribi rōhōnyre Betỹna hāwā-ò. Taile tahe ruu idi rỹire.

¹⁸Biurasō txumy tahe tii dōdsede Jerusalē-ò. Tahe rama risare iu.

¹⁹Òwōruō tai rỹire. Tai tahe diaride figoraty-ò. Tahe iratyōre, txirule rỹire. Tai Jesuisi rarybere òwōru-ò: —Tiu heka kai maratynyōtyhy aōwesele tahe irade rairuxỹrure.

²⁰Tai tahe ierydỹ̄na mahādu heka ribedeōtiidỹ̄nyre: —Timykibo heka aōwesele rairumyrom̄y reareri. ²¹Tahe Jesuisi tamy rarybere: —Kai ainatyhyna ijōdikeki heka iwesele biwinyke. Iratyre biwinyke. Kaiboho heka bitxiōnyōkeki kaa hāwālō-ò dori marybekre kiamy: —Iribi bexitake tahe aho-ò boikre. Tai hāwālō-ò aōwesele heka ahoro-ò roikre. ²²Aōtxile kai bexitōenykre heka adee ijō rỹikre. Bityhynytyhykeki, tahe ibutumy bitake.

²³Tai Jesuisi dehemynyde Deuxu dohodỹ̄na heto-ò. Tai tahe rōbedeerydỹ̄my ratximyhȳ. Tahe xiwena wahidỹ̄du mahādu, tule judeu bede ywina erydỹ̄na mahādu tule tamy dỹ̄raxyim̄y nade. Tai tahe Jesuisi-ò rỹ̄raxyire: —Morurudibo heka kai aōmydỹ̄nana tewinymahāte? Mobo heka arateranyre kia biwinykemy. ²⁴Tai tahe Jesuisi tamy rarybere: —Kai aōbo mȳraxyikeki wadee tai ako tuu arelyykre. Kai dỹ̄raxyinaōmy

bidiwatŷnynykeki tahe, adee tuu arelyykre. ²⁵—Joaõ Sebedŷŷdu heka morurudibo nade morybekibo tuu tadiwinymahâte wesemy. Morybekibo Joaõ iny risebenymyhyre. Deuxu Rybe-ki aõbo ada iny rybe-ki aõbo. Tai tahe widee rarybe raryberenyre: —Aõma Deuxu Rybe-ki tuu rõsebedŷŷmyhyre. Mykeki rakarybenykre taheka: —Aõherekibo tetyhynytenyõte myle tii risŷnykre. ²⁶Aõmamy rikisŷnyrenykeki: —Iny rybekile tii tahe nade. Myŷ rikisŷnyrenykeki tasŷ kia ijoi inydeereny rakyarananyke. Joaõ Sebedŷŷdu dori ibutumy iny rityhynyrenyre moma tii Deuxu deõduõ ratximyhyre heka. Rakarybenyõkre tahe. ²⁷Tai tahe Jesuisi-ò raryberenyre: —Aõkõre, reeryrenyõre heka irawyòdŷŷ titxiribibo iruru nade. Tahe Jesuisi rirawyònyre: —Tule jiarŷ ŷŷraxina adeereny aritŷnynyrenyõtyhy. ²⁸Ijõ Jesuisi relyre: —Timybo maraykynybenykre ka ijyymy arelyykre. Hãbuõ heka inatximy iriõre raremyhy. Tariõre dela-ò rarybere: —Dàà, maaõmysŷdŷŷkre waoworu-ki, wiji wahe. ²⁹Tahe tamy dirawyònyde: —Waha, araõkre hewa. Ihãrele tahe tawo rirahõrere rakremy. Tahe rare. ³⁰Idi tahe tyby rarybere helŷŷna-ò: —Kai tule makre waaõmysŷdŷŷna biwinykremy: —Dei wahe, arakre araaõmysŷdŷŷkre. Ihãrele tahe tii raõhyre. ³¹Adeereny inihe araŷraxikre. —Tibohe weryrybò aõma tybyrybe rityhynyre? Tai tahe dirawyònyde: —Juduludule irybe rityhynyre. Tai tahe Jesuisi tamy rarybere: —Iny òrarudu tyhy heka wydena-wana ralòkre biu bedè ròtena-ò. Ihãrele tahe kaiboho birònybenyõtyhy. ³²Joaõ Sebedŷŷdu dori adeereny rarybere. Ihãrele tahe kaiboho ixitxireny aõrarureny-txi õhõtireny reakemy Deuxu bityhynykemy. Kaiboho heka

teramy tekoamahâte tahe sõwemy òrarudu mahãdu wydena mahãdu rityhynyrenyre. Kaiboho tuu tabitenyte ihãrele teerytenykoete.

³³Ijõ ijyymy arelyykre:

—Hãbuõ heka uva oworuhukŷle ritòbrònyre. Tahe òtityna riwinyre. Tai tahe utà riwinyre yrubudŷŷdu mahãdu itxerenamy.

Tai tahe rihuòtere oworu wahe hãbu mahãdu-ò. Tii tahe rabetetŷnyny rare taheto-ribi. ³⁴Iu uva bederaty kia siredenamy bedè reareu, riherehe txuramy ixidee ritxuakemy wahe.

³⁵Tai tahe huòtedu mahãdumy heka teòdu mahãdulemy raòhòtere. Ijõ tahe rirubunyre ijõ manadile tamy rehunanymy rŷimyhŷ. ³⁶Iribi tasŷ teòdu mahãduò didyde sõwetyhymy juhuna ludu ratyre. Tahe ixbyble tuu raòhòtere juhuu iwese tuu rotŷŷnyra wesele.

³⁷Tahe iwedytyhy ròhòtinyre: —Aõma wariòrele kòri ariteònykre. Tai tahe wariòre rityhynykre heka. Tahe tariòre diteònyde. ³⁸Tahe huòtedu mahãdu weryrybòmy robireu, tahe wideereny rarybere: —Kaa heka iwedu riòrele rare. Aõma iwedu rurukreu iaõna aõna, ioworu heka ixideereny rikimynyrenykre.

³⁹Tahe rirubunyrenyre iumy-di rehurennyre oworuro-ribi. ⁴⁰Tahe Jesuisi rarybere: —Adeereny araŷraxikre aõbo iwedu tamyreny riwinykre huòtedu mahãdu-ò iu tii rehemynykreu wahe. Timybohe tii riwinykre? ⁴¹Tiiboho dirawyònydenyde: —Kia rirubunykre ibutumy hãbu bina. Inywitxira-ò huòtenamy ele elemy wijuramy riatykre-ò riwahinykre. ⁴²Tahe Jesuisi tamy rŷŷraxire: —Kaiboho aõbo Ryberiti-di tariaõletenyteri:

—Mana-di heka heto widŷŷdu rehumyhyre kia manale heto hàtxi-ki ritidimy roimyhŷre. Jiarŷ kia mana wese rare. Inynyryŷ Deuxu kia ri-

wahinyre. Tai awi heka rare. Ijō ri-wiōhenanyre, mana wahe.

⁴³Tahe Jesuisi tamyreny rarybere: —Tule jiar̄y adeereny ararybekre: —Deuxu Iòlōna heka aribi ritakre. Tahe inywitxira-ò aribi riwahinykre. Inyō txura wylemy riwahinykre Deuxu-ò. ⁴⁴Kia iny mana tyre resemyh̄kre heka tii heka wiòrōmy ixòdumy rare. Mana inytyre resekeki tas̄y iny risurusurunya. ⁴⁵Inyō roholakeki kia aōbo aōma xiwena wahid̄ȳdu mahādu roholamy r̄imyh̄y tule fariseu mahādu. Tule rexierymyh̄yreny tiiboho Jesuisi turenlye rarybereri heka rierymyh̄yreny. ⁴⁶Tai heka tii mahādu rymyky idi riwis̄nymy h̄y tahe iny sōwehek̄y lau ruberumy h̄yreny. Iny mahādu dori idi rōhōtiny tii Deuxu rybeduō ratximy h̄yremy.

22 Jesuisi heka rexideleny ijjymy relyykre: ²—Timybo Deuxu Iòlōna rare ijjymy heka relyykre. —Iòlō heka tariòre herinamy worana bedehesi riywinyre. ³Iaōmyd̄ȳnana rōrarukōmy r̄yidi tahe teòdu mahādu iòrysmy roire. Rexihumy r̄yireriki iaōmyd̄ȳnana, kanakremy wahe. Tahe òrysna noderamy reare. ⁴Ijō riteònyre teòduō iny ritobinykre. Aōhere tahaka, wabroreni k̄nyhe rerubunyre heka. Ibutumy heka waaōmyd̄ȳna rehumy r̄yireri. Tahe kedeā kedeake heka kòdòidenyke heka. ⁵Tahe timy heka irybe rityhnyrenyōhyre. Iny sohoji sohoji tatyresy-di ijohona-ò, ijō taaōmys̄d̄ȳna-ò rea reare, ijō taoworu-ò reare. ⁶Ijō lobid̄ȳna reburere teòdu mahādu dee. Tii teòdu dee heka rawobinare. Ijō aōbina bina heka ritxienyre ijō rirubunyre dori. ⁷Tai tahe iòlò reburere lobid̄ȳna mahādumy bina bina raòhòted̄ȳnyre, rirubunyre. Ihāwā ritoonyre. ⁸Tai iòlò rarybere teòduboho-ò: —Waworana bedehesi rexihumy r̄yireri

ibutumy. Kia iny mahādu ijoi juhuu retobinyra heka aō ibina heka roire. Urile riòmysanymy h̄yreny. ⁹Tai tahe ibutumy boibenykre hāwā-ò ibutumy iny-txi bekoabenybekre heka bitobinybenybekre ibutumy waworana bedehesina-ò kedeā kedeakremy. ¹⁰Tai tahe didyde iny wiwihik̄y, iny ityhy iny bina mahādu. Hetowo tahe rit̄yxire t̄ymyra mahādu-di. ¹¹Tahe iòlò ralore hetowo-ò kia iny mahādu dee rybemy. Tahe tii robire hābuōmy kia worana bedehesi kia tykyōmy ratxirerimy. ¹²Tai tahe tamy iòlò rarybere: —Waliiny, aōherekiwe worana bedehesi kia tyky-di aōkō atxiteri? Kia tahe hābu rybeōmy riijere. ¹³Tai tahe iòlò aōma rarybere teòdu mahādu-ò: —Bimybenyke kaa hābu. Waa bitaataabenyke imy behubenye tahe idi diòlòd̄ȳmy idi rehukre luruhuk̄y-ò. Tai Aōhōk̄my d̄ȳnana-ki tai txuraruti rikyikyiny. Tai rahinykre. ¹⁴Tai tahe Jesuisi rarybere: —Sōwemy iny heka kidirahukre tahe ibutemy kanaarikre.

¹⁵Tai tahe fariseu mahādu rōhōnyre wii rotyre. Aōbinamy Jesuisi rarybekeule heka rymyky idi r̄ymy h̄y. ¹⁶Kia aōma fariseu ijoiō heka riteònyre Jesuisi-ò. Tule Herodi ijoi mahādu riteònyre. R̄ȳraxire Jesuisi-ò: —Eryd̄ȳdu, kai heka hābuwi tate, hābu òbiti. Kai heka tòbedeeryd̄ȳmahāte Deuxu deewinamy. Awire aōbo ariòwynyrenykre Roma hāwā mahādu dinodu-ò. ¹⁷Kai heka ixinamy aōma adee iny rarybererimy ih̄y. Timybo iny raraykynrerimy ih̄y. Iny bedeywinareny aōbohe ixinamy nieru aōna aōna òwyd̄ȳnamy rōhōnyke aōbohe awire? ¹⁸Tai Jesuisi heka rierymy h̄y aōma awimy aōkō tai rahareri heka rexierymy h̄y: —Kaiboho òbitimy aōkō toite. Aōherekibo heka kai biwaitxenanybenyky wamynymy

wadi atxitenyteri? ¹⁹Timybohe nieru-ki rakaharenkre aōna aōna òwydỹnamy. Biditeòsinyke kia-ò arierykre. Tai tahe tamy riteòsinyre womati nieruò. ²⁰Tahe Jesuisi ritỹraxyre: —Motyytybybo koa rỹire. Monibo ityre-ki koa roire? ²¹Tai tahe rirawyònyre: —Roma hāwā iòlònile tai roire. Tai tahe Jesuisi rarybere: —Tibo Roma hāwā iòlò nierubo heka tamy biwahinykre. Tibo Deuxu nierule tasỹ tamy biwahinykre. ²²Tai tahe urile ribedeòtiidỹnyre. Tai ririrenyre ròirenyre.

²³Tahe kia txule saduseu mahāduò heka dòidenyde Jesuisi-ò. Rityhynyòhyymhỹre kia aōma rubu-bibi ixixana heka rityhynyòhyymhỹre, saduseu mahādu wahe. ²⁴Tamy rarybere: —Erydỹdu, Moisesi tyriti heka kawesemy ribedeerynyre:

—Aōma hābумы hāwyy heridumy roi-keki aōbohe timykibo hāwyy uladu-di ratxikeki. Hābuò iriòrekò-di ruru-keki tai tahe iseriòre heka iriòrese tyby-wana roi-ke. Tai heka kia hābu rubuweleu, kia deròwumy heka uladu ritybienyke.

²⁵Aōu heka debò inatxi seriòremy kaki rasỹnomy raremyhỹ. Telareny heka roire hāwyy tahe iriòrekòlemy rurure. Tahe ihāwyytybyhe kia iseriòrewanale roire. ²⁶Ihelỹna sỹ tule rurure. Kia heka ibutumy debò inatxi reurò tii-wana roi-hyyre iriòrekòule.

²⁷Tahe hāwyy heka tule rurure. ²⁸Tai tahe kia ruru-ribi rexixakreu tahe, tiwexe ihābukre? Ibutumy dorihe tii-wana heka roilehekỹlera. ²⁹Tai tahe Jesuisi rirawyònyre: —Kaiboho teeryteny-kolemahāteny-tye timybo Tyyriti-ki roimyhỹre. Deuxu ruru tule teeryòte. ³⁰Tiu iny rubu-ribi rexixakreu iwitxiramy rexixakre. Ýju wesemy ronykre. Timy heka hābумы hāwyy roiothy. ³¹Kaiboho

heka tetyhynytenyòhyymahāteny-tye rubu-ribi ixixana. Idi heka tari-atenyòhyymahāteny-tye timybo Deuxu rarybere? ³²Kiamy heka rarybere: —Jiarỹ heka Abraò Deuxu rare. Ijai Deuxu rare. Ijaò Deuxu jiarỹ rare. Tii heka iru mahādu Deuxu heka tii ihỹre rubu mahādu Deuxu aòkò wahe. ³³Iu iny sòwe ribedeerynyre, tahe urile iny ribedeòtiidỹnyre.

³⁴Fariseu mahādu doidenyde Jesuisi-ò wii rotyreny. Roholareki wahe aōma saduceu mahādu ribedeòtiidỹnyrenykeki. ³⁵Bede

ywina erydỹna mahāduò rỹraxire heka aōmybo Jesuisi-ò. Tii rymykeky heka idi riwisỹnomy kia rybebinaōmy rirawyònykeki rymykeky. ³⁶Tahe rỹraxire: —Erydỹdu, tibohe aōbo bede ywina kia-ribi aōnityhymhewe bedeòtiidỹnamy ratximyhỹre.

Wakoreny inihe tuu bedelyyke. Tibo kidiòtiidỹnamy ihỹre. ³⁷Tahe Jesuisi dirawyònyde: —Iny Deuxureny iny iòlòreny luuke heka. Ibutumy awo-ribi heka iluuke, ibutumy aruruna-ribi, ibutumy arayky-ribi luuke heka. ³⁸Tii heka inatyhy bedeòtiidỹna tyhymy ratximyhỹre ibutu bede ywina-ribi.

³⁹Ijò ihelỹna tahe iwele heka rare: Iwele ixiluure wese heka ibutu luuke.

⁴⁰Ibutumy Moisesi bede ywina heka juhū rare. Tule Deuxu rybedu mahādu erydỹna heka iribile rare. Kia bede ywina inatxi-ribi heka ibutumy iny bede eryna ròhònyre. Kia inatxi bityhynomy bohonykeki iuhe heka tetyhynmahāte.

⁴¹Iu fariseu mahādu iweroramy rỹimyhỹde tahe rỹraxire Jesuisi tamy:

⁴²—Mobo Deuxu deòdỹnamy ihỹre, Kristu wahe? Moriòrebo tii ihỹre. Tai tahe tiiboho rirawyònyreny: —Moma Davi riokore òsana. Tahe ijò Jesuisi rỹraxire: ⁴³—Tai tahe aòherekibo Davi heka Wanyrỹmy rininire Deuxu Tyytybytyhy irybe riwiòhenanyre

wahe. Davi dori kawesemy rarybere:
⁴⁴Deuxu wawedu-ò rarybere.

—Bodonyke warurunawe-ribi, jiarĩ
 heka aòludu mahādu-di arawo-txi.

⁴⁵Davi tawedumy Kristu rininirehāre,
 timykibo Kristu iriokore riokorekre.

⁴⁶Tahe inyō heka Jesuisi ri-
 rawyònyōhyre. Tai tahe ruberumyhyre
 tamy rỹraxike lau.

23 Jesuisi heka iny sōwe nihikỹ
 ribedeernymyhyr taerydỹna
 mahādu-wana. Tii rarybere: ²—Judeu
 bedeerydỹdu mahādu heka Moisesi
 bede ywina bede erydỹna mahāduō
 rare. fariseu mahādu tule bede
 ywina riwinymyhyrenyre. ³Iwese
 ribedeernyre wese tahe bityhynkre.
 Uritere iwese tii riwinymyhyre wese
 uritere iwidỹōmy. Aōwidỹmy
 rarybemyhyrenyrehāre tahe aōwitxira
 heka riwinymyhyrenyre. ⁴Tiiboho
 heka atyreneny riòdòynihikỹmy-
 hyre bede ywina. Ihāre tahe
 rityhynrenyōhyymahārenyre. ⁵Aōma
 òbitimy ratxike sỹny heka iny tamy
 roholamhyre ixi-di ratxirerimy
 ihỹre. Aōma walabu riòreō heka
 rỹimhyre axiò-ki bede ywina heka
 ritidimy roimhyre ityky ijeti retydyna
 bede ywina-txi tōhōti reakemy tuu
 riwinynrenyre. Sōwemy heka iretydyna
 riwinynrenyre. ⁶Ronymyhyreu heka
 ikoòhòkỹle ronymyhyre, worana
 bedehesina rỹi-wana wahe. Dohodỹna
 heto-ki heka tule ronmyhyre, iko-ò tuu
 rexisỹnymyhyr. ⁷Hāwāy-ki iny tamy
 ryrymyhyre: —Waerydỹdu, Habimy,
 kia tahe irybe-ki bede erydỹdu rare.
 Tii tahe tamyreny awire. ⁸Tai tahe
 Jesuisi tamyreny rarybere: —Kaiboho
 heka uritere Habimy inyō adeereny
 irykōmy ihỹke. Deuxu sohojile bede
 erydỹdu heka rare. Ibutumy kaiboho
 seriòre wesemy atximahātenyte.
⁹Kasu-ki taheka inyō heka tiu wahamy
 inyō widee rarybeōtyhy Deuxu biu-ki

ratximyhyrele tuu bininibenye heka.

¹⁰Uritere Wawedu myỹ inyō kia
 nidỹōmy. Deuxu deòdỹnale heka
 awedu ratximyhyre Mesia wahe.

¹¹Anihikỹmy ixi-di mohòtynykeki
 tahe, kia iny biwiòhenanyke. ¹²Kia
 ityhy rare ixi-di rōhòtinymyhyre,

tii heka ihewo-ribi rabadewokre.
 Ihewo-ribi tahe aōma aòkō relekre.

Kia iaòkōmy ixi-di rōhòtinkyre tahe
 nihikỹmy heka relekre. ¹³Belàhaxe!

Kaiboho itxenadỹyluku. Ibina adeereny
 kanakre, kai bede erydỹna mahādu,

fariseu mahādu. Kaiboho uritere iny
 ròtedỹrenyōmy Deuxu Iòlòna-ò.

Kaiboho birònybenyōtyhy tule iny
 ròtedỹ-ò biebenyke. Kaiboho bex-

isỹnybenyke òbitinamy. ¹⁴Aixitòedỹna
 rehereheki wahe hāwā ube-ki. Kaiboho

urile iny teitxenanyamahātenyte.
 Aōma wytese urimynodu heka

iheto-ribi teteònymahātenyte
 kaiboho heka abinarenyre. Tai

heka kaiboho yla aòkō aòhòkỹmy
 botỹnybenyke. ¹⁵Belàhaxe! Kaiboho

ibutumy iny aratyhynrenykemy
 ixi-di tahòtinymahātenyte. Tai

heka iny tesỹnymahātenyte
 òrarudutyhymy wahe ixiratyre heka

teijiradỹnymahātenyte. Aòraru-ki
 heka aòhòkỹmy botỹnybenyke.

Iny-di atxikemy heka tahòtinymahāte.
¹⁶Kaiboho ruetà mahādu wesemy

kai ahāte. Kaiboho heka kia wesemy
 tebedeernytenyte. Inyō heka Deuxu

bede eryna heto riwawiòhenanykeki
 heka aōna aōna ariwinynkre. Myỹ

marybebenykeki, heka aō aòkō heka
 rare. Deuxu dohodỹna heto womati

tỹrỹrỹhỹkỹ-di marybekeki heka, tii
 heka rityhynhyy. Ibutumy heka kia

bede ywina òta òta tewinymahātenyte.
¹⁷Kaiboho heka bede erydỹdu

bede erytyhykō mahādu atxitenyteri
 dohodỹna heto kia-ò ralòkeki.

Aōbo bedeòtiidỹna tyhyre womati

tÿrÿrÿhÿkÿ aõbo ada dohodÿÿna hetole aõbo teeryõte, Deuxu Dohodÿÿna heto wahe. ¹⁸ Kaiboho tule tebedeerynÿte kawesemy. Inyõ tarybe inatyhy-di rarybekeki, tai heka kia xiwena wahidÿÿna-di rarybekeki, tai tahe tii rityhynyõkeki, awira. Tahe tii xiwena wahidÿÿna tyre-ki rarybekeki tahe, tii õbitimy heka rarybeke. ¹⁹ Kaiboho ruetà mahädu wese, kaiboho heka erydÿÿnakõdu mahädumy toite. Aõbo awityhyre? Xiwena wahidÿÿna aõbo ada ityre-ki wahidÿÿna roimyhÿre aõbo? ²⁰ Wahisidÿÿna heka wiwesele rare. Aõma xiwena tyre-ki roire wana tule wiwesele rare. Aõma xiwena tyre-ki roiõre wana wahe heka aõ aõkõ rare. Xiwena utàle heka rierymyhÿre inatyhy rare. Myheka kai mararybekeki heka tai tahe kai heka xiwena utàlemy tarybeteri. Ibutumy iny ityre-ki rÿire bohomy tule heka tai tuu tarybeteri. ²¹ Deuxu dohodÿÿna heto òraru-ki kai koityhyxemy marybekeki heka tai heka kai dohodÿÿna hetomy tarybeteri häre tahe Deuxu iwo-ki ratxirerilemy tuu tarybeteri. ²² Bui òraru-ki ka koityhyxenyteri marybekeki, Deuxusÿmy tarybeteri. Tii dori tarynana-ki ronyreri. ²³ —Belàhàxe! fariseu mahädu! Kaiboho heka itxenadÿÿdu mahäduõ toite. Tule bedede ywina bedede erydÿÿdu mahädu. Adereny heka ibinamy ratxikre. Arÿsÿna uri juraõ heka kai Deuxu-ò tewahinyte, hortelä, erva-doce, cominho wahe. Kaiboho heka aõninihikÿ tetyhynytenyõhyymahätenyete. Iwese õbitina, ruxetõena, inatyhyna kia-ribi heka õhõti losamyhÿre ibutumy. Aõmydÿÿna jura wahisidÿÿna heka awi rare. Tahe tule uritere õhõti losaõmyke aõwitxira-ribi wahe. Aõbo bedeõtiidÿÿnare bedede ywina-ki. Kaiboho heka bedede erydÿÿdu toite häre tahe teerytenyõte. ²⁴ Belàhàxe!

Kai hābuõ wese rare. Tiiboho imona berareny-ribi ohoruxõmo riarimahäre. Ihärele tahe tiiboho irõdu nihikÿ rirÿsÿmyhÿre. Iwesele kaiboho tule terÿsÿmyhÿtenyete. ²⁵ —Belàhàxe fariseu mahädu, bedede ywina bedede erydÿÿna mahädu. Amona deoreny tesuhõmahätenyete iwe. Iwo tahe ka isuhukÿlemy rÿimyhÿre. Itxenadÿÿna rÿire. Aõma aumy weselemy heka kia ratximyhÿre. Aõma aumy heka webòròsityy tyrare heka. Araykywo-ki tahe ibutu itxenadÿÿ heka tai rÿimyhÿre. ²⁶ Belàhàxe fariseu mahädu! Kaiboho taruetà mahädu. Kai mona hynawo bisuhõke heka biõtinyke. Aõma bisuhõke ihÿre tahe arayky bityranykre. Tahe ibutumy heka aumy ryranykre. ^{27–28} —Belàhàxe fariseu mahädu! Kaiboho heka koityhyxenyteri. Rubu heto wiwihikÿ ixideereny tewinymahätenyete. Kaiboho heka iwesetyhylemy toite. Aõma webòròsitylydu heka iruxeramy idi toite. Aõma aworeny-ki tahe aõma iny rubu idi röhòkÿdileka atxitenyteri mahätenyete. Ibutumy aõbina bina awo-ki arayky-ki idi atxiteri mahätenyete. Aumyreny-ki heka tykywihikÿ texitykyny mahätenyete. Aõma hābu wihikÿwesemy. Hābu õbitimy matxibenyke myheka iny adi röhõtirenkyemy heka tuu texitykynmahätenyete. Araykywo-ki tahe arimyrenywo-ki tahe ibutu itxenadÿÿna-di heka toite, òrarudu mahädu toite. ²⁹ Belàhàxe! Tai heka kaiboho Deuxu rybedu mahäduõ rirubunyre. Kaa nohõti ijaranamy tuu tewinymahätenyete. Awabederenywo-ki heka noijasa ruxerahakÿle tetidite. ³⁰ Kaiboho heka tarybemahätenyete. —Tiu wahareny riwinyre wese heka ariwinyrenyõtyhy. ³¹ Kiamy tarybeteu heka hābu bina riðremy texininite. Bowesele toite. Iriðre

toite. ³²Iwese juhuu ibinamy riwinyre wese heka iwesetyhyle aōhebo tatŷŷnymahātenyte. ³³Iwese hemylala deborehekŷ wesemy heka kaiboho atximahātenyte. Boreny tule iweselere. Timybo heka kaiboho heōty bede-ribi mahenybenyke? Kaiboho heōty bede-ō boibenyke. ³⁴Adeereny ariteōnykre aōma Deuxu rybeduō hābu erydu, tyyriti erydu wahe. Kaiboho bidirubunybedenykre. Ohodŷŷna heto-ki ijō bidihetenybedenykre awaru hetena-ō-di. Itxeōtyre-ki ijō bidirubunybedenykre. Ijō heka biheludumykre hāwā hāwā-ō tamy ibinamy riwinykremy. Aōhōkŷmy dŷŷnana heka tamy biwahinybenykre ijō hāwā-ō rakreu. ³⁵⁻³⁶Kia heka hābu ibutumy rurure tyby òraru-ki wahe. Dohodŷŷna hetowokile rirubunyrenyte. Kaiboho Abeli juhuu terubunytenyte ikonana tahe Zacaria, Barakia riðre wahe. Òbitityhy juratya-ki heka tuu tewinytenyte. Wijinabòdu mahādu tai aōhōkŷmy rotŷŷnykre. Ibutumy ibinamy kai atyre-ō kedeseke. ³⁷Jesuisi ikonana tahe rarybere: —Jerusalē hāwā mahādu, kaiboho heka terubunytenyte Deuxu rybemy rybedu mahādu. Jiarŷ heka aramykemy adi rewisŷnyreri wariðre wesemy tahe waderarenyte kaiboho. Iwese hānieō iriðre ridyre wese idewo-ki. ³⁸Aheto heka ixisohojilemy rŷimyhŷre. ³⁹Kaheka ararybekre adeereny: —Wamy heka bobiōtyhy ixityre. Kai heka Deuxu deōdŷŷna bidykreule wamy bobikre. Iu rarybereu, Deuxu deysanamy, wamy bobikre.

24 Iu Jesuisi ròhònyreu dohodŷŷna-ribi, ierydŷŷna mahādu tamy rarybere dohodŷŷna heto itxeremy ròikemy, eleri-ō wahe. Tai tahe Jesuisi dirawyònyde: ²—Inatyhy rare, awi heka rare. Urile tahe kidiixāwididŷŷnykre heka. Timy heka

manaō wityre-ki roiōhyykre. Ibutumy bede-ō idi rehukre. ³Iribi tahe Jesuisi rehemynyre Oliveira hāwālò-ō heka ronyre. Tai tahe erydŷŷna mahādu tii ritŷŷraxinyre iny sōwe-ribi: —Tiubohe ibutumy kedeixixāwididŷŷnykre. Tiuboho ibutumy bede konanadŷŷnamy reakre. Timybohe rikieriynykre kai bedehemynyke aōma bede ibutumy rexihukre. ⁴Tahe Jesuisi tamy rarybere: —Uritere inyō aitenadŷŷnykre. ⁵Sōwemyhe iny itxenadŷŷnamy rŷirakre. Jiarŷ Kristu rare, Deuxu deōdŷŷna heka jiarŷ rare, myheka adee kanarybekre. ⁶Kaiboho heka boholamy mabekre iny aōbina ròhònymyhŷkre: boholamahākre. Ihāre tahe iny rarybekre aōma: —Karibi heka aōbina urihimyo ròhònykre. Myhe rarybemahākre. Ihārele tahe kòdòðseōkre aōma ikonana urihimyo. Ibutumy heka kia wesemy relekre. ⁷Aōma kia wesemy heka bede roimyhŷ rarekre aōbo iny witxira witxira heka ibutumy iòlòna heka riteranymyhŷkre. Aōbinamy. Tai heka raaōbinanymy rŷirakre. Aōma rama ijara reakre. Bede ibutumy ramytatakre hāwā-ō-ki. ⁸Kia heka iwese hāwyu uladu dese wesemy robumyhŷre wese tukre. ⁹Adeereny heka aōhōkŷmydŷŷnana tiiboho riwahinykre aōma wani òraru-ki wahe. Ijō kaibohoō heka ararubunyrenyte. ¹⁰Sōwemy heka iny riatymyhŷkre wary-ribi heka riatymy ririmyhŷkre. Wii rityhenymyhŷkre. Widee rakyarananymyhŷkre. ¹¹Rybebina rybeduō heka sōwemy kedehemynykre tahe kia heka sōwemy iny riitxenanymyhŷkre. ¹²Iu heka òraru nihikŷ iu ròhònykremy roimyhŷre. Sōwemy heka luuna-di rŷiramyhŷ katahe wiji ixāwikre heka ihomy aōkō relekre. ¹³Kia idi hyy rŷirakre ikonana-ō. Tii mahādu tahe tarasanamy reakremy rŷira. ¹⁴Ibutumyhe kia

iny-ò rybe tŷnydŷŷnami reakremy rŷira, Deuxu Rybewihikŷ Tŷmyra wahe. Ibutu iny witxira witxira heka roholakre rybe wihikŷ-ò. Kia rahudi hikŷle heka taheka kedehemynykre heka ikonana.¹⁵ Aòbinahakŷ tyhybohe ibinatyhy rŷikre. Tii heka rŷikre heka aoma Deuxu ubetyre-ki, Deuxu isŷ-ki, kiaweselemy heka rŷikre. Bieryke aòbo kia rare. Bieryke aòbo kia rare Danieli heka Deuxu rybeduò ihetxiu kiamy heka rarybere:

¹⁶—Judeia mahàdu bede-ribi tahe kia bihenybenyke. Ibutumy heka bòibenynykre hāwālò bede-ò biòturònykre.

¹⁷—Kia bededŷŷnanau heka tiu aò bimyòtyhy ahetowo-ribi. Tiiemy heka ròhònyhykyle rakre aòwesele wahe.

¹⁸Iu bedero raaòmŷŷdŷŷkrey heka tiu kòdòdòeòtyhy tatyky itxemy.

¹⁹Tule aoma hāwyy bòtòmŷ rŷira kia bedeu aòhòkŷmy rotŷŷnykremy rŷira. Kia tohouā-di ratxireri tahe tamy isirakre heka itybiedŷŷ idi rakeò heka isirakre.²⁰ Bedejutytykòkemy heka bexitòenyke ahenahenykeu. Tule sabado txu aòkòkemy bexitòenyke.

²¹Tiu heka aòhòkŷmy dŷŷnanami iny rotŷŷnyòhyymyhyre kaa aòhòkŷmy dŷŷnana nihikŷmy. Tule tiu tuu robiòhyymyhyre.²² Kia Deuxu irokorehemynykre wana heka ibutumy iny ituekre. Kaa urihimyòlekrey wana tahe kai Deuxu hōrō mahādule tuukre.

²³—Aoma Mesia heka kowa-ò rehemynyra, Deuxu deòdŷŷna wahe. Ihāre tahe kai heka inyò adee rarybekeki tahe tetyhynyòhyte heka.

²⁴Kia iu kedehemynykreu tahe aò Kristu tyhy aòkò heka rarekre. Aoma rybedu itxenadŷŷdu heka tule aona aona wiwihikŷ riwinykre. Aoma ityhydŷŷdu dori riitxenanykemy idi riwiŷŷnykre:²⁵ Boholake, juhūu

dori adee relyyreri ibutumy aòhebo rotŷŷnykre.²⁶—Aoma arateòwarinyre dori tuu. Kia Mesia, Deuxu Deòdŷŷna heka ròdsereri. Beteheke bederahy-ki, tule hetowo-ki. Iu tahe timy heka tamy itxeremy raòtyhy inatyhy aòkòreki.²⁷ Iu jiarŷ Deuxu Riòre Hābutyhyhykŷ arehemynykreu ibutumy heka rierykre loosòna delaana wesele heka wadehemynyna heka rarekre biu ibutumy ritŷŷxinykre.²⁸ Iwese aò rubu roimyhŷre, rara heka tamy rabutumyhŷre. Kaiboho rierykre iu rehemynykreu.²⁹ Iu kia bede dŷŷnanami reakrey tahe txulyby heka kòdòhònykre. Ahādu tule rybinykre. Taina tule ixewesehekŷle kanakre. Ibutumy ramytatakre biu-ki.³⁰ Tule tahe kia wadehemynynami iny robikre. Sòwemy heka hinana ibrunana bede bedemy rŷirakre. Ibutumy heka iny robikre wadehemynynami biuwetyky-ki, jiarŷ dori, Deuxu Riòre, Hābutyhyhykŷ rare. Loosòna ruruna sòwekreu, tahe arehemynykre.³¹ Tule wajuròna-di, ŷju aditeònykre iu, ajuròna wodŷŷhŷkŷ-di. Tahe ibutumy wahōrō mahādu he ixidee aributunykre bede bede-ribi, ibutu rehetyhy-ribi wahe.³² Jesuisi tule relyyre: —Ijyyòmŷ heka ako arelyykre. Kai heka ibede erylami bimykrey. Iu kia figueira òwòru hābu wiji tybiehekŷ. Kia aoma iruru tŷmyra rurunymyhŷré. Tule aoma txirubò tŷmyra ròhònykre. Tiu tahe bierykre. Kai iòhòra bohe wyra. Myhe tamy besekrey.³³ Iwesetyhyle taheka kai heka bierykre. Aoma wadehemynyna ròhòny relekre wahe aòbitikrey wadehemynyna iu, aòhòkŷmydŷŷnana wahe.³⁴ Tiu kia bededŷŷnanaule heka bedekònyra rexihukrey.³⁵ Biu heka bede-wana ituekre warybe tahe aou aou heka rŷihyymy rarekre.³⁶ Inyò heka rieryòhyymyhyre. Tiubo txuu ruu kai konany rŷimyhŷre wahe ŷju

dori tiu rieryōhyymyhyre. Aōma, jiarỹ Deuxu Riōre dori rieryōre. Aōma Waha Deuxule tahe rierymyhyre. ³⁷Noe bededỹynana wesemy heka rỹimyhỹkre iny risinykre kia bedeu. ³⁸Ibutumy heka worana bedehesi rỹikre kiau. Lisisō tahe rỹikre. Herina lisina aōma hāwyymy herina. ³⁹Tahe Noe bededỹynana wesemy heka reakre. Iu heka beōra rariare. Tahe rityyhynyōhyyre tiiboho. Tahe heka raōwōnyre rariare ibutumy ituere. Iwesele tii heka rarekre heka, wadehemynyna Deuxu Riōre Hābutyhyhykỹ wahe. ⁴⁰Inatxi hābu heka oworu-ki raaōmysỹdỹỹkre. Ijō heka rakre dynamy reakre. Ijō tahe rarikre. ⁴¹Tule inatxi hāwyy heka raaōmysỹdỹỹkre heto-ki ratxikre mai risyrenykre. Ijō heka dynamy reakre ijō heka rarikre. ⁴²Tai heka iny rexiywinymy rỹimyhỹkemy rybe roimyhỹre awedureny kanakreki. Tiubo rehemynykre, teeryōte. ⁴³Aōma hābuō kanakeki heka tiu aōma hābuō itxeredumy ronykeki heka, tiu hābuō iribi rawasinyōtyhy. ⁴⁴Bexiywinymy heka wadehemynyna biijemy bonyke, jiarỹ Deuxu Riōre Hābutyhyhykỹ wahe. ⁴⁵Ijō Jesuisi relyyre: —Inyō tadinodu deōdutyhymy ratxikeki, tii aōmysỹdỹyna riwinyhyy ronymyhỹke tamy. Itheto riywinyhyyke. Teōdu mahādu txuō txuōlemy riwinyamahāke. ⁴⁶Kia riwinykeki, deysamy rarekre teōdu rehemynykreu. ⁴⁷Inatyhymy ararybekre: —Kia deōdu tadinodu aōmydỹynana ibutumy idi riwinykre, riyrubunykre. Tii ibutu wedu rarekre. ⁴⁸⁻⁴⁹Ibinamy tahe tii rōhōtinykeki, kiawesemy riwinykre: Deōdumy raōhōtemyhỹ, lisilemy ronymyhỹ, riroximyhỹ momodu mahādu-wana riōmyhỹ. Tii ixidee rarybekre: —Wawedu kedehemynyōtyhy, aōtxile ariwinykre. ⁵⁰Iu rehemynyōkremy rōhōtinyreu, iwedu kiaule rehemynykre.

⁵¹Tai tahe raōhōtebinakre. Heōty bede-ō riteōnykre, Iwese itxena mahādu tii riteōnykre wese. Kia-ō rahinykre, robukre, txuraruti rikyikyinyumy aōhōkỹmy dỹynana òraru-ki.

25 Jesuisi ijō relyyre: —Kia txu heka Deuxu Iòlōna ka ijyy wesemy rarekre. Debōwiō ijadōma heka hābumy herina riraōmyhỹrenyre. Iny sohoji sohoji heka toosōna riwyre iximynamyna. ²⁻⁴Iruyrela tahe tōhōti reare aōma adỹỹ-di ritỹxinykemy. Ihony tahe tōhōti rosare iruyre wasỹ, ijō tule ihyna-ki riwykemy. ⁵Weryrybō rehemynyōre, tai tahe ijadōma mahādu ele rihynymy rỹimyhỹ themynyna riiraōmyhỹrenyre. Iny sohoji sohoji heka toosōna riwyre iximynamyna. ⁶Tai tahe rarybera: —Tỹmyra mahādu-ō wahe rehemynyre. Birybenybenyke ruwetya. ⁷Tai tahe ijadōma mahādu he rituranymy rỹimyhỹre. Toosō itỹntytyhymy rookemy. ⁸Kia ijō tahe tōhōti rosare mahādu tahe uritere riijere. Itoodỹỹmy idi riwisỹnymyhỹ. Aōma widee he rexitōenyre: —Urihimykō inihe wahōrō-kō biditxiwike karihukōtekre. ⁹Tai tahe kialemy risỹnyre: —Anokōre wadehunale dokuri rỹire. Bikōryke tahe ijō itxe tahe. Maa. ¹⁰Idi tahe rōireny iōbradỹỹmy. Tai titxi tai rohonymyhỹreō. Iōrysmy iōbradỹỹmy rōirenyra rookile tahe dehemynyde kia tỹmyra mahādu wahe. Tahe rironyrenyre ibutumy riroxikemy. Riratōbōnyrenyre. ¹¹Tai tahe kia iruyre ijadōma iōbradỹỹmy rare tahe dehemynyde: —Wahĩ, itxōtōbōna wadeke bidiraknybedenyke! ¹²Tai tahe kialemy rirawyōnyre: —Jiarỹ umyreny reeryōre. Kie riki ijyy. ¹³Tahe Jesuisi rarybere: —Tai kaiboho bexiywinymy ahābenyke wadehemynyna biijebeny. Teertyenykōte dori tiubo adōōsekre.

¹⁴Tii ijō rarybere: —Ijō ijyymy adeereny arabedeerynykre timybo Deuxu lōlōna raremy. Inyō heka rakemy ratximyh̄yre ijō bede-ō rat̄yinykemy. Tii tahe taaōmys̄d̄ȳnana ririre teōdu mahādu-ki. ¹⁵Tanieru tahe tamy riwahinyre timykibo isiraōmy nieru ritamyh̄yre myheka tamy riwahinyre. Ijō-ō 5000 riwahinyre. Ijō-ō 2000 riwahinyre. Ijō-ō 1000 riwahinyre. Idi tahe tii rare tabede t̄yinyamy. ¹⁶Kia iruyre ritara heka aōna aōna riōbranymyh̄yre. Diwymyh̄yre tas̄y idi rohonyrerimy ih̄yre. Tai wylemy heka inieru rabuture. Ijō ixityre iruyremy ritxienyre iratyretyhy. ¹⁷Kia ijō inatximy tamy riwahinyre tas̄y tulere aōwesele raaōmys̄d̄ȳhre ta rōtare tule ijō inatximy ixityre. ¹⁸Kia sohojimy tamy riwahinyre tahe urile riyrubunyre inieru hāloole riare tamy tahe riyrubunykemy heka riare. ¹⁹Sōwemy rabeded̄ȳnana-ribi tahe iwedureny dehemynyde. Tahe tamyreny rarariōwyre takōtareny riōbitinykemy. ²⁰Iruyre riwyre heka debōwiō diwyde: —Beteheiny wawedu ijō iruyre anieru tyre rebutunyre. ²¹Tahe tawedu sōwemy riwowydynyre iaōmys̄d̄ȳna wiwihik̄my rōhōnyraki wahe. Kiamy heka tamy rarybere: —Ōbitimy idi taaōmys̄d̄ȳteki heka. Sōwemy heka adee ariwahinykre riywinykemy. Aōwaxinyhe bitelenykre aōmys̄d̄ȳna. Kai heka wawana beysanihik̄kre. ²²Idi tahe kia inatximy rōtaré s̄y dehemynyde: —Beteheke, inatxi tas̄y inaubiōwa ixityre adee rewinyra. ²³Tahe iwedu rarybere: —Awityhymyhe taaōmys̄d̄ȳta! Kai heka deōdu wihik̄y tate. Kai ibutedile sōwemy tewinyte tahe sōwemy ixityre adee ariwahinykre riwahinykemy. Kai heka wawana beysanihik̄kre. ²⁴Kia sohojimy tamy riwahinyre tahe rarybemyhe retximyh̄y: —Kai

heka hābu nieru tarasaery heka tate. Aō taaōmys̄d̄ȳteri-ribi aōkō heka nieru tetamahāte. ²⁵Tai heka jiar̄y raberumahā alau watxireri. Tai heka rewore iny lau. Tahe tii sohojidile ratxireri. ²⁶Iwedu rarybere: —Kai heka eoruxerere, awi aōkō heka tate! Inyō tehuōtekōta heka idi urihimyō ityre rōtakelemy wahe. Kai tiwaeryte wahe. ²⁷Aōherekibo banco-ki aōkō tetidite. Kia huōteōwy wanieru-ribi ritarerimy ih̄yre. ²⁸Bitabohe kia nieru-di atxitere, tahe kia debōwiō ritaraō wahe biwahinykre. ²⁹Kia ōbitimy raaōmys̄d̄ȳra heka sōwetyhymy rōtake. Kia ōbitimy raaōmys̄d̄ȳōmyh̄yre kia heka rōōnod̄ȳkre. ³⁰Kia deōdu bimbybenyke. Tii dorihe ibinatyhyre inihe bede luruhuk̄y-ō idi behubenykre. Tai heka tii aōhōk̄my rot̄ȳnykre rahinykre.

³¹Jesuisi tahe ikonana rarybere: —Iu jiar̄y, Deuxu Riōre Hābutyhyh̄y, arehemynykreu heka Waiōlōnary-ō aronykre. Arehemynykre wāyju mahādu-wana. ³²Ibutumy heka bede iny mahādu wako-ki ributunykrey. Iwese budoeni itxeredu heka tabudoeni, buddē-wana wiribi rihitxinymyh̄yre wese heka bede iny mahādu wiribi arihitxinykre. ³³Wabudoeni heka warurunawe-ribi aris̄yinykre. Buddē tahe wahywe-ribi arihitxinykre. ³⁴Idi tahe waruruna ludu-ō ararybere: —Manake hewa, beysabenyke. Waha lōlōna-ō rokonykre. Myheka tamy ararybekre. Juhuu bedeu ihetxiu heka ywimy adireny kia r̄ymyh̄yre. ³⁵Rama tahe riwasanyreu r̄ys̄na wadee tewahinytenynte. Iu bemy rarureu, wadee tewahinytenynte. Jiar̄y heka tori rare as̄y-ō tiwadytenynte. ³⁶Jiar̄y heka watykyhoho aōkōu, kaibohole wadee tewahinytenynte. Binamy r̄ymy rarewāhā, waroramy tadōitenynte rōtenawo-ō. ³⁷Tai tahe ōbiti mahādu

rarybekre: —Wanyrÿ, tiu taheka ramamy heka wadeereny teate —Adee rewahinyrenyre? Tiubo heka bemy tarumy tatemahā adee rewahinyrenyre?³⁸ Tiubo heka kai torimy tatemahā idi wahetoreny-ò aradyrenyre. Tiubo atykyōmy tatemahā-di, tyky adee rewahinyrenyre.³⁹ Tiubo ròtena-ki tÿimy tatemahā-ò ada webinadumy tatemahā-ò, aroramy ròirenyre. Wanohōti atxi reaōhyymyhyre.⁴⁰ Tai Jesuisi rarybere: —Jiarÿ, lòlò, tamy ararybekre: —Iu kaiboho waityhydyÿdu seriòre mahādureny-ò waòraru-ki tewinymy toitemahāu, wadeele tuu tewinytenyte.⁴¹ Idi tahe kia wahywenawe-ribi ludu tamy ararybekre: —Boibenyke karibi kaiboho heka abinarenyre heòty bede-ò ihyymy boibenykre ixi-di ariteònykre. Diabo tatytybybinasÿ-ò idi boibenykre. Deuxu isÿ tamy riwinyre.⁴² Tiu rama riwasareu rÿsÿna kaiboho wadee tewahinytenyōhyyte. Iu bemy rarureu heka ijō wadee tewahinytenyōhyyte.⁴³ Torimy rarewahāu, tiu tiwatobinytenyōhyyte. Tykyō wadee tewahinytenyōhyyte. Binamy rāimy rarewāhā ròtenawo-ki wororana webinadumy tahe tòiōhyyte.⁴⁴ Tai tahe kiamy rarybekre: —Wanyrÿ, tiubohe tuu rewinyrenykrē. Wanohōti heka reaōhyymyhyre aramamy rubuna-txi, abemy rubuna-txi, torimy tatemahāu, atyykōmy tatemahāu, ròtenawo-ki webinadumy tatemahāu wahe.⁴⁵ Tahe jiarÿ lòlò tamy ararybekre: —Kaiboho heka waityhydyÿdu seriòreò tewiòhenanyōmahātenyte tai heka tiwawiòhenanytenyōte.⁴⁶ Tahe Jesuisi ikonanamy rarybere: —Tai tahe tii tiuhyymy rakre heòty bede-ò, aōhōkÿmydyÿnana-ò. Òbiti mahādu heka umytuedeòna-ò rakre.

26 Kia taijyy rahudi tahe Jesuisi taerymahādu-ò rarybere:

²—Ixityre inatxi txu-di tasÿ aōma Pascoa worana bedehesimy rÿikre. Kaiboho tahe kia teerytenyte. Iu iny riwatyhenykre Deuxu Rìòre Hābu wahe. Irahu-di tahe itxeònihikÿ-ò riwatamadÿÿnykre.³ Tahe aōwesele heka xiwena wahidÿÿdu wedu mahādu ributunyre heka judeu wedu mahādu-wana wahe. Kaifa heto wii rotyre. Xiwena wahidÿÿdu mahādu wedu wahe.⁴ Wiwana heka raryberenyre: —Timybohe Jesuisi aōhebo rakisÿnyrenykre aōma teburemy ijiranakōnahakÿle. Timybo rakisiraōnyrenykre, rikimynyrenykre, rikirubunyrenykre. Urile iny tuu rierykrē.⁵ Pascoa worana bedehesi rÿireu tahe aōkōlemy idi rÿire. Kia worana bedehesiko-ki iny raaōbinanykeki dori ibutuhukÿlemy heka raaōbinanyke.

⁶ Jesuisi heka rare Betÿnia hāwā-ò hābu tykybinaō-wana heka isÿ-ò rare, Simaō heto-ò wahe.⁷ Iu iheto-ki riroximyhyre tahe hāwyyō tamy rare aderòna lÿnyrehkÿō-di manaurahyna-ki. Tai tahe Jesuisi tyre ritxiwire, iratityre.⁸ Ierydyÿna mahādu heka urihimyo heka rebure rìòre iòraru-ki.⁹ Iòwy nihikÿtyhyre dorihe. Tai heka tanieru uriterehekÿle rahuraki heka tai rawobinamy. Idi rohonykewile heka rare aōma iòwy tahe iny aōkō mahādu-ò riwahinykewihikÿle tii rōhōtynyre.¹⁰ Tahe Jesuisi rierytyhymy aōmybo tuu raryberenyrenyrimy: —Aōherekibo kaiboho ibinamy tarybetenyteri hāwyy-ò. Aōwidÿÿnana wihikÿ wadee riwinyreri.¹¹ Aōma kaiboho heka urimynodu mahādu-wana ihyymy boibekre. Ibutulemy awanarenyre jiarÿ watxiwāhāde.¹² Tii heka wahāloodÿÿna riwaywinyra aderòna watyre ritxiwireu. Kia tahe wadee riwinyre.¹³ Boholake, iny itxi tōhōti reahyy rÿirakre iòraru-ki. Rybewihikÿ

Tȳmyramy ritȳnydȳmyhȳkre heka rierymyȳkre bede bedemy wahe.

¹⁴Iribi tahe Judasi Isariò, tii waò inatxi reuròò rare, tii heka ròhònyre ierydȳna mahāduy-ribi. Tahe rare xiwena wahidȳdu mahādu wedu-ò. Tahe tamy rarybere: ¹⁵—Adeereny Jesuisi ariwahikre wana heka tiwesebo biwaòwynybenykre? Kiamy tahe 30 prata womati nieru myhe tamy riwahinyre. ¹⁶Judasi kia ribile rarunymy raremyhȳ dohodȳnaömy Jesuisi tamy riwahinykremy. ¹⁷Pascoa worana bedehesi rȳireule rexideleny, Paò iuridȳkò, kia txu rȳimyhȳ wahe. Jesuisi erydȳna mahādu tai ritȳraxyre: —Titxiwexe rikirȳsȳkre Pascoa worana bedehesi jiarȳboho dori ariwinyrenykemy? ¹⁸Tahe Jesuisi rirawònyre: —Hābuò hāwāhākȳ-ki ratximyhȳre tii riwaeryre. Tahe tamy marybekre: —Wawedu kȳny rarybereri aōma aheto-ki heka Pascoa worana bedehesina rirȳsȳkremy taerydȳna mahādu-wana. Ibodedȳna dori iòhòre riki. ¹⁹Tai tahe taerydȳna mahādu kia riwinyre idi kowa worana bedehesi rȳsȳna riywinyre.

²⁰Bedesömy tahe tai riroximy rorukumyhȳreny, taerydȳna waò inatxi reurò mahādu-wana wahe. ²¹Aōma inyò heka riwatyhenykremy ratximyhȳre. Jesuisi heka tuu rarybere: ²²—Mowexe tii rarekre. Tiiboho rabadewomy roire, tai tahe widee rarybere: —Jiarȳ kōaòboka. ²³Tahe Jesuisi rarybere: —Kia wawana pratoro tebò rearerile taheka tiikre. ²⁴Iwese Deuxu Tyyriti-ki Rybe roire wese heka arurukremy jiarȳ Deuxu Riòre Hābutyhyhykȳ watxiwāhāre. Kia hābu riwatyhenykre tahe tamy heka ibinatyhykre. Ratybienykōre wana inihe awityhyre. ²⁵Tai tahe Judasi ityhedȳdu rarybere: —Erydȳdu, jiarȳ aòbohe rare? Tahe Jesuisi tamy

rarybere: —Kaityhy wahe tate. Kaile tarybeta.

²⁶Tai tahe Jesuisi orotxu sohojiò rimyre ibutumy riroxireu, tahe riyreyrenymyhȳre tahe inysohoji sohoji-ò riwahinyre. Tai tahe tamy Jesuisi rarybere: —Kia biybenyke heka. Waumy wese heka kia ratxireri. ²⁷⁻²⁸Idi vī monahynaò rimymy rexitðenyre Deuxu-ò. Idi tahe tamy riwahinyre iribi sohoji sohoji riörenykemy. —Biörenyke kaa dori wahālubu wesemy ratxireri. Tai sōwemy iny biu-ò rahenykre Deuxu dee. Ibutumy òraruna ixāwididȳmy heka tuu ròhònyra. Wahālubu heka Deuxu, iny-wana wii riwoàxinykre rare. ²⁹Tahe boholake warybe-ò. Awanareny heka ixityre vī monamy ariòòtyhy. Kia Waha Iòlòna-ò dehemyrynahykyle tahe awanareny ixiby tuu ariòkre.

³⁰Idi tahe wiuò rawiunyrenyre idi tahe Oliveira hāwālò-ò ròirenyre.

³¹Jesuisi tamyreny rarybere: —Wijiru heka ibutumy kaiboho biwaribenykre. Tyyriti-ki heka roire kiawesemy: Budoeni-di itxeredu rirubunykre.

Ibutumy budoeni raubȳtȳkre bede bedemy.

³²—Waixixana kȳnyikreu tahe Kalileia bede-ki awanareny aratxikre. ³³Pedro tahe rarybere: —Ibutumy ararirenykre wana tahe jiarȳ aòkōre. Ararirenyötyhy.

³⁴Tai Jesuisi heka Pedro-ò rarybere: —Kai heka hānie dele robukòdile biwatxiò-ribi bexihukre, inataömy wahe. Tuu wijiru rarekre. ³⁵Pedro dirawònyde: —Aòkōre wa, arurukre heka tahe urile aratxiònyötyhy. Tule ibutumy ijò ierydȳna tule Pedro wesele rarybere.

³⁶Tahe Jesuisi ridyrenyre bederaty oworuò-ò, aōma Kesemani ninadu-ò ridyre: —Kakile bonykre arakre dori ixitðedȳmy kowa-ò. ³⁷Tahe Jesuisi heka Pedro ridyre ixi-wana. Tule Zebedeu riòre wiwana ridyreny.

Tahe Jesuisi rabedeòtiidÿÿre aòhòkÿmy rotÿÿnyre bededeòtiidÿÿ òrarukile. ³⁸Tii tahe tamy rarybere: —Kaki wawanale atxibekre. Watytyby heka tÿxihikÿlemy bededeòtiidÿÿ-di ratxireri. Waki bexiebekre. ³⁹Urile tahe tako-ò rariareu tahe resere bede-ò. Jesuisi tahe tyby-ò rarybere: —Waha, rubu mona waribi bitake adeewikeki. Aòkòkeki tahe ariòkre, arurukre adeewilemy aòhebo arotÿÿnykre. ⁴⁰Idi tahe dòðsede kia ierydÿÿna inataò tai ròròmyhÿò heka ixyby dòðsemy nade. Jesuisi rarybere: —Pedro! Kai heka timy sohoji horamy adi bede rÿiòtyhy wawana. ⁴¹Bexixaruhy atxibeke bexitòenymy. Aòkòkeki tahe òraruna kanamykre. Kai heka òbitimy matxikemy tahòtinymahâte. Aumy tahe ibinare heka arurukòre wahe. ⁴²Ixityre rare rexitòenykemy. Tahe Jesuisi rarybere: —Waha, adeewinale ariwinykre. Aòhòkÿmydÿÿnana monamy heka ariòkre. Kia mona waribi bitaòkeki ihàrele heka arurukre. ⁴³Tai dòðsede tai ròròmyhÿrenyòle heka nade. Tiiboho ixixamy rÿiòhyre. ⁴⁴Tahe ròðsere ixybyle ikonanamy. Iweselemy rexitòenrye tyby-ò. ⁴⁵⁻⁴⁶Idi tahe dòðsede taerydÿÿna mahàdu-ò rarybere: —Bexielehnybeny. Watyhedÿÿdu naderi. Rexihumyhe rare. Hābubina mahàdu rehemynyre. Jiarÿ Deuxu Riòre Hābutyhyhykÿ, wahe. Bexixabeny, rakakre watyhedÿÿdu dori rehemynyri.

⁴⁷Tahe Judasi dehemynyde waòinatxi reuròò wahe. Jesuisi rarybereu, tii nade sòwemy hābu-di mayrehe-di, òhòte-di tònori-di widotyde. Judeu mahàdu wedu tahe iteòdÿÿdure xiwena wahidÿÿdu wedu wana wahe. ⁴⁸Juhuu Judasi tamyreny bede riywinyre. Kamy rexirybenymy: —Iòsÿny-ò aruwokrele heka tiikre. Tiile bimibenykre. ⁴⁹Tahe Judasi rarybere: —Rareri, Wawedu.

Iòsÿny-ò ruwore. ⁵⁰Tahe Jesuisi rarybere Judasi-ò: —Iò, aòwaxiny aòbo biwinykre iwidÿÿmy tateri. Tahe Jesuisi imahàdu rimyre. Ritaataare. ⁵¹Tahe Jesuisi mahàduò mayrehe-di rimymy resere. Tai hābuò-ò reare. Tai tahe tòhòtile rikòròmy idi reare, xiwena wahidÿÿdu wedu deòduò wahe. ⁵²Tahe Jesuisi tamy rarybere. Aòkòre amayrehe birutyke irasirahanawomy. Kia dori inyò maydese rimymy resekre heka tule rurukre maydeselemy. ⁵³Karibi ixitarasamy arurukeki dori wahaòle ararybekre. Tai tahe waha sòwemy ÿju kiditeònyke, 12 aòbinadu ijoi mahàdu wahe. Kia teeryòtenyete. ⁵⁴Ihàrele tahe ibutumy tuu bededÿÿnana relekre iwese ritidÿÿna-ki roimyhÿre wese. ⁵⁵Tahe Jesuisi rÿÿraxire tamyreny: —Aòbo jiarÿ raremy wadi tahòtinytenyteri. Wasidu aòbo. Kai dori waòrysmy themynyte maydese-di, tònori-di. Aòherekibo wahe. Jiarÿ heka arabedeerynyreny txeò txeòlemy wahe Deuxu dohodÿÿna heto-ki. Aòherekibo taile tiwamytenykòte kowa watxiwāhāure. ⁵⁶Kia ibutumy Deuxu Ritidÿÿna-ki roimyhÿre. Tai tahe tuu bededÿÿnana relekre iwese Deuxu rybedu mahàdu rarybere. Ibutumy aòna aònamy rotÿÿnymy raremyhÿ. Tai tahe taryberahu-di. Ibutumy iery mahàdu iribi tahe robÿtÿre.

⁵⁷Tiiboho heka Jesuisi ridyreny Kaifa heto-ò, xiwena wahidÿÿdu wedu wahe. Tai ibutumy judeu mahàdu wedu ributunyre bede ywina erydu mahàdu tule wahe. ⁵⁸Pedro irehetyty-ribi riheludunyre. Iheto ube-ki tahe ronyre yrubu dÿÿdu-wana. Tahe rehere aòhebo rotÿÿnykre. ⁵⁹Xiwenā dinodu mahàdu tahe ributunyre Jesuisimy raruikremy heka riijemy. Aòma rirubunykre òbirele heka tuu rarybemyhÿ. ⁶⁰Tahe inyò-ki heka rahaòhyre turybedu wahe.

Iny sōwemy tahe relyyre. Ihārele rirubunyōhyyre. Iroona-ribi tahe inatxi hābu dehemynyde. ⁶¹Tai tahe kiamyhe tuu relyyre: —Aōma Jesuisi rarybere: —Aōwesele heka Deuxu dohodỹyna heto ariatymy idi areake. Inataō txudi tasỹ ixityre aditamadỹyke, ibutumy adiwinylke. ⁶²Tai tahe xiwena dinodu heka Jesuisi-ō ryyraxire: —Aōbo marybekre kia umy ijyy rohonyreriki? ⁶³Jesuisi tahe rybeōlemy ronyre roholare. Ixityre tamy rỹyraxire: —Kai heka inatyhy tyhymy Deuxu Riðemy kai atximahāte. Mesia aōbohe kai tate? Deuxu riwaeryre inatyhymy rarybereri. ⁶⁴Jesuisi dirawyðnyde tamy: —Kaile kia tarybete. Ibutumy iny-ð ararybekre: —Kaiboho ibutumy bobibenylkre Deuxu Riðre Hābutyhyhykỹmy, jiarỹle wahe. Tii heka Deuxu rurunawe-ribi heka ronykre. Iribi tahe kanakre biuwetyky-ki. Jiarỹle wahe tiire.

⁶⁵Tai tahe xiwena dinodu tatyky riykare. Reburere kie: —Aōhere tahaka. Deuxumy heka ibinatyhylyemy tarybemahāte. Ijō iny-ð aroholaōkre, rexihura! ⁶⁶Ibutumy kaiboho irybe-ð taholatenyteri, inatyhy? Aōbo rikiwinykre tii ibinatyhyre dori, rikirubunyrenylkre tahe. ⁶⁷Tahe iðsỹny-ð rarybexinyre. Rihetenylre. ⁶⁸Tamy ihetedỹydu rarybere: —Marybeke Kristu, mobo arahetenylra inihe.

⁶⁹Pedro tahe ube-ki ronymyhy. Tahe ijadōma heka deōduō tamy rehemynyre: —Kai anōbo Jesuisi Kalileia ludu-wana atximahā. Kumymy rabire. ⁷⁰Iny ibutuko Pedro rarybere: —Aōkōre, aōmybo arybe reeryōhykyreri. ⁷¹Tai tahe rare ijō-ð. Ijō ijadōma deōduō rarybere kamahāduko: —Inatyhymy heka tiki Jesuisi Nazareludu mahāduno tiki rare. ⁷²Ixityrele Pedro ritxiōnyre: —Reerykōre wahe hābu. Tiu heka rabiōwāhare. Inatyhy rare. ⁷³Idi hābuō

heka narybede tamy: —Inatyhy rare. Kakỹny irybe weselemy tarybeteri, Kalileia rybe wahe. ⁷⁴Tahe Pedro rarybere: —Jiarỹ reerykōreri, tuu heka rabiōwāhare. Deuxu riwaeryre inatyhymy rarybereri. Iule taheka hānie hābu robumy reare. ⁷⁵Tahe Pedro tōhōti itxi reare. Jesuisi rarybere weselemy heka tii riwinyra. Ritxiōnyre. Tai tahe Pedro rōhōnymy reare heka rahinyhyyre.

27 Ijō biurasō ruidile tahe rỹire. Xiwena wahidỹydu wedu ributunylre judeu mahādu wedu-wana. Timywexe aōhe rikisỹnyrenylkre. Rikirubunyrenylkemy heka idi watxiwāhare. ²Roma dinodu-ð òsana rikidyrenylkre. Tahe tiiboho Jesuisi ritaataare idi ridyrenylre tamy, Pilato-ð.

³Judasī heka rieryre. Tai tahe tii rabadewonihikỹre rityhenylreki wahe. Tai tahe raraykynyre tawo-ð raðhòrere. Tahe nieru òkesedỹỹmy idi rōhōtinyre. Tahe nieru diwyde, 30 prata womati nieru tahe riòkesedỹỹnykremy judeu wedu mahādu-ð, Xiwena wahidỹydu mahādu-ð. ⁴Tahe Judasī rarybere: —Ixāwirahe, jiarỹ raðrarunylra hābu òbitityhymy ratximyhyrele retyhenylre heka. Tahe judeu mahādu dinodu rarybere: —Jiarỹboho, kia aō aōkō rare. ⁵Tahe Judasī nieru-di bedetyrele rihure. Tahe rōhōnyre iribi. Tahe rare. Rerotihiikỹ-di rexibòtòtaare. Rexirubunylre. ⁶Tai tahe xiwena wahidỹydu wedu riwyre nieru bede-ribi: —Aōwexe kanieru rikiwinyrenylkre? Dohodỹyna hetowo-ð rikirutyrenylke heka aōkōre. Aōma dori rare rubuðwymy iwahidỹỹ heka rare. ⁷Urile suōle rikiwyrenylkre idi. Tai tamy wabede rikiwinyrenylkre. Aōma tori kaki rurukreu tahe rikitoonyrenylkre tamyle wahe. Tai tahe tiiboho riwyrenylre aōma butxi widỹyna subede heka riwinyrenylre. Kia heka inire

sunì wahe. ⁸Kia bedero tahe rininire aõma Hålubu Bederomy heka rininire. Wiji tule ini rare. ⁹⁻¹⁰Iwese Jeremia tyyriti-ki roire wesele heka tii riwinyre: Tahe 30 —Womati nieruõ-di heka bedero riwyre butxiwidÿÿdu-ribi. Iwese kai riwateõnyre wese. Kia iõwy rare judeu mahãdu-ò tamy riwahinyre wahe. Txiõdÿÿna õwy wahe.

¹¹ Jesuisi heka Pilato, bede dinodusÿ-ki ratximyhÿ. Pilato tahe tamy rÿÿraxire: —Kai aõbo judeu mahãdu iòlò atxiteri? Jesuisi dirawyònyde: —Kai tuu tarybeta. ¹²Xiwenahidÿÿdu wedu heka tamy rarybere: —Jesuisi rirawyònyõhyre. Judeu mahãdu wedu-ò tule rirawyònyõre. ¹³Pilato tahe tamy rarybere: —Kai aõbohe rybe-ò taholate. ¹⁴Tule tamy Jesuisi dirawyònyõhyde. Byy! Urile Pilato ribedeòtiidÿÿnyre. ¹⁵Pascoa worana bedehesi bededÿÿnana tikiemy tuure. Ròtenawo-ribi heka sohoji beòra beòrahÿyle ixinamy inyõ rexideònymyhÿ, insõwe rybe òraru-ki wahe. ¹⁶Kia beòra tahe hàbu ibinatytyre ròtenawo-ki rÿire. Baraba inire. Ibutumy iny tuu rieryre. ¹⁷Aõma Pascoa worana bedehesi rÿireu ibutumy iny ributunyre. Tahe Pilato ritÿÿraxinyre: —Tibohe ixinamy ariteònykre Jesuisi Kristu aõbo ada Baraba aõbo? ¹⁸Tahe iny heka ibutumy urile Jesuisi Kristu luure heka. Tai tahe judeu dohodÿÿdu wedu mahãdu tahe aõkõ tamy waritimy rityhenyrenyre. Pilato kia rieryre. ¹⁹Iu tabede ywina dohodÿÿna-ki Pilato rÿireu, ihãwy tamy tyyriti riwahinyre. Kawese heka rarybere aõma: —Ixinamy Jesuisi bitekònykre. Anobinatytymybo dokuri rarasino txu wadi reakareri. Jikarÿ anohòkÿmy dÿkÿnana sõwemy ratÿkÿnyre Jesuisi kòraru-ki wahe. ²⁰Iny sõwehekÿ-ò heka xiwenahidÿÿdu mahãdu wedu

rarybere: —Kaiboho mararybebenyke: —Baraba ixinamy biteònykre. Tiiboho dirawyònyde: —Jesuisi birubunykre. ²¹Iribi Pilato rarybere: —Tiwexe ixinamy ariteònykre? Tiiboho dirawyònyde: —Baraba biteònykre. ²²Pilato tahe rÿÿraxire: —Aõhebo tahe arotÿÿnykre Jesuisi-di, Kristu-di? —Itxeò nihikÿ-ki bitamadÿÿnykre. Birubunykre. ²³Pilato tamy rÿÿraxire: —Aõbinahakÿ aõbo riwinyraki? Tai tahe ibutumy iny rirajuamy rÿimyhÿ: —Birubunykre kia bitamadÿÿnykre. ²⁴Pilato iny sõwe-di aõ riwinyõhyre aõbinatyhy òsana ròhònykremy idi ròhòtynyre, tai tahe inyõ rarybere: —Bee kidiwykremy baciario-ki. Tahe tebò risuhore iny sõwehekÿko-ki. Tamy rarybere: —Jiarÿ kÿny waòraru-ki aõkõ heka rurukre. Kaiboho heka irubudÿÿ erydumyhe boibekre. ²⁵Tahe ibutumy iny rarybere: —Awire, inyboho heka irubudÿÿdu erydumy rokoirekre, tule wariòrereny òraru-ki wahe ihålubu rejuxunykre. Soldado ridyre itxeò nihikÿ-ò ritamadÿÿnykremy rirubunykremy. ²⁶Tai tahe Pilato heka Baraba riteònyre ixinalemy. Iribi tahe Jesuisimy raòhòtere.

²⁷Pilato soldado mahãdu urile idi juhu risinyre, soldado tyamy ritidire. Pilato heto-ò ridyre. ²⁸Ityky iribi ritare tahe aõma tykysò-di ritidire heka juhu rihetynyre. ²⁹Iòdÿÿmy tahe idi ede lòrilòrihikÿ irati-ò ridekremy. Òwòruò tebò-ò ritidire. Tai iko-ò resere tatiowotimy. Raryberenyre: —Awire, kai judeu Iòlòthy. ³⁰Ityre rarybexinyre. Òwòru rimyre tahe iratimy tuu raòhòtere. ³¹Iribi ritarenyrenyre ihòrò itykyle ixityre rirutyre ityre-ki. Idi tahe ryò ròirenyre.

³²Iu ròhònyreu, hàbuò Sireni bedeluduò-wana witxi reare. Tamyhe rarybere Jesuisi itxeò riwykemy.

³³ Tahe Kòkòta hāwālò-ò rehemynyre. Aōma, rubu ratityby wesemy heka rare. Tai tahe Kòkòtamy heka rininimyh̄renyre.

³⁴ Tii vīi riurinyre bee ihyra-wana, idi tahe Jesuisi-ò kia riwahinyre.

Iurihi-di teramy reare.

³⁵ Tahe itxeò nihik̄y-ki ritamad̄ȳnyre. Irahu-di tahe

ityy heka ritxuatxuarenyre wimy rarudeòsanyre tibo iwydydukemy.

³⁶ Idi tahe retehemy rorukumyh̄renyre.

³⁷ Irati tyre-ki tahe ritid̄ȳnaò roire:

—Kia Heka Jesuisi Rare, judeu Iòlò Mahādu.

³⁸ Tule wasidu brebunahak̄y tii-wana ritamad̄ȳnyrenyre itxeò hòk̄y-ki, ijō iruru-ribi, ijō ihywe-ribi. ³⁹ Iny ibire-di reamyh̄y idi risinymh̄y kamy rexirybenymy: ⁴⁰ —Kai inihe bexitake, kai Deuxu Riòre tateki. Bodobeheke itxeò nihik̄y-ribi. ⁴¹ Kai heka arurudiremy iximy tarybemahāte. Dohod̄ȳna biatykemy heka iximy tarybete tahe inataōtxu-di heka biwinykemy tarybeta. Tule xiwena wahid̄ȳdu wedu mahādu idi risinyre. Tii tahe rarybere: ⁴² —Tii heka iny iwitxira witxira aōbina bina-ribi ritamyh̄re ihāre tahe taaōbina bina-ribi rexitaōtyhy. Tii heka aō judeu mahādu iòlò aōkō rare. Myheka tuu rarybemyh̄y. Kia itxeòhòk̄y-ribi kedexibersed̄ȳnykekile tahe rikityhynrenyre inatyhymy. ⁴³ Tii heka iximy rarybemyh̄re Deuxu Riòre raremy, Deuxu rityhynymh̄yremy. Reketeherenykre inihe aōbo Deuxu riwiòhenanykremy wahe. ⁴⁴ Wasidu mahādu kia itxeò nihik̄y r̄yire iwesele heka tamy rarybere.

⁴⁵ Txutyeyu tahe bede luruhuk̄y bede reare, txioro tirehehek̄yule bede kamy reare. ⁴⁶ Kiaule tahe bede rat̄nyre Jesuisi iu rryyre:

—Eli Eli Lema Sabatani.

Kiamyhe rarybere:

—WaDeuxu, WaDeuxu, aōherekibo waribi òhōti rosare?

⁴⁷ Tai tahe iny sōwe mahādu irybe-ò doholade. Ijō kiamy narybede:

—Eliasi-ò hòwa rryreri. ⁴⁸ Kia ele elemy riwinyre noseò. Idi tahe vīō rirymy tamy idi riteònyre. Teòrehemy riwinyre bemy rimonykremy. ⁴⁹ Ijōhe raryberenyre: —Txiokre inihe inatyhymy aōbo reketeherenykre inatyhymy aōbo Eliasi iwiòhenad̄ȳmy kanakremy aōbo inihe. ⁵⁰ Jesuisi ixityre rirajuare. Rurure. ⁵¹ Kia dohod̄ȳna heto-ki heka ixiwòtenaò r̄ymyh̄re ierykōna. Tahe urile idi ixiwanale ruamy reare iratyre-ribi bede-ò. Suuhe ramytatare. Mana rabòhòbòhònyre.

⁵² Wabede hālooò heka riraynyre. Deuxu hōrō mahādu sōwemy rubu-ribi riixixanyre. ⁵³ Wabede-ribi ròhònyrenyre. Iu Jesuisi rubu-ribi riixixareu tahe Jerusalē-ò ròirenyre.

Tai tahe sōwemyhe iny tuu robire.

⁵⁴ Tai heka soldado dinoduò ratximyh̄y idi retehemy. Tule soldado mahāduò tii-wana ratximyh̄re. Ibutumy tuu robirenyre. Tai tahe tabrebu-ribi narybedenyde: —Tii inatyhymy Deuxu Riòre heka rare. ⁵⁵ Hāwyō tule retehemy ratximyh̄re irehe-ribi idi. Aōma hāwyō Jesuisi riwiòhenanymy raremyh̄y heka idi retehemyh̄re. Tiiboho Kalileia bede-ribi doide.

⁵⁶ Marie Madalena, Marie Txiause Jyrese, Zebedeu riòrese tule tai ratximyh̄y.

⁵⁷ Bedesòmy Jyje rehemynyre. Tii ityhy heka rare Arimatea hāwā luduò ratximyh̄re. Tii Jesuisi tyhyd̄ȳduò ratximyh̄y. ⁵⁸ Tai Jesuisi umy rexitònyre Pilato-ribi. Tai tahe Pilato rarybere: —Tamy biwahinykre. ⁵⁹⁻⁶⁰ Tahe Jyje linho tyky rirahananymy. Tai tahe aōma wabede t̄ymyrahak̄y riamy roireriò

heka rituunykremy idi rara. Idi mana nihikÿ ritidire txiò. Idi ròirenyre.⁶¹ Marie Madalena ijò Marie-wana taile rethemym ronyre wabede-ki.

⁶²Ijò txu tahe fariseu mahädu wedu tule xiwena wahidÿÿdu wedu heka Pilato-ò sexta feira rahudi tahe, judeu mahädu elehyna txu wahe ituere.⁶³—Jesuisi irumy raremyhÿu tii rarybere: —Rubu-ribi heka ariixixanykre inataò txu-di.

⁶⁴Ruimy rare tahe ihärele tahe biyrubunye iwabede. Aòkòkre-wana tahe ierydÿÿna mahädu heka iumy riwykre. Tai tahe rarybere: —Tii rexiixixanyre. Tai tahe ibutu rityhynykre iruina. Kia ibinatyhymy rarekre.⁶⁵Tai tahe Pilato riteònyre soldado mahäduò txiò-ki. Tamy rarybere: —Awimy biyrubunye!⁶⁶Kia bedede ernaò heka tamy ritidire. Txiò-ribi resekreule heka rieryrenykre. Tahe soldado mahädu riyrubunymyhyre.

28 Ijò txu rudile tahe Marie Madalena, Marieò-wana rare ihäloona-ò itxeremy, domingo, nobiutxu wahe.²Aòwesele tahe iu suu ramytatare. Wanyrÿ ÿju heka dobehede biu-ribi iu. Tahe häloo ijò-ribi mana ritamy ityre ronyre.³Iòsÿny heka urile ritoosònyhÿkyre. Ityky tasÿ iurahakÿre.⁴Idi itxeredu mahädu heka aòma ruberunihikÿrenyire. Urile röhötiberemy reserenyire.⁵ÿju rarybere häwyy-ò: —Uritere berebuòmyrenyke. Kai aòbo Jesuisi teijeteri, inatyhy? Aòma itxèò ritamadÿÿnyrenyire wahe. Reeryre kia.⁶Aòkòre kaki aòkò heka ratxireri. Tii dori rubu-ribi rexiixixanyre iwese tii iximy rarybere wese wahe. Beteheke inihe iherina tyby-ò tai juhu roimyhÿò.⁷Make karibi ele elemy ierydÿÿnako belyykre tii rubu-ribi rexiixixanyraki. Tii heka rara Kalileia-ò tamy wirotyreriò.

Matahe, relyyra dorihe adeereny.⁸Tai tahe rakòrunyrenyire, häwyyboho. Ruberumy ròirenyre tasÿ reysamy ròirenyre. Ierydÿÿna mahädu-ò heka riijemyhÿre aòma ÿju rybemy ikoreny relyykemy.⁹Iu rakòrunyrenyraule tahe wii reòbnyra. Jesuisiwanale heka itxi rekoare. Idi tamy rehemynyre iòhòmy. Iwa rimyrenyire tahe riwowydnyire. Jesuisi tamy rarybere: —Toiteri aòbo!¹⁰Uritere breburenyòmyke. Boibeny tahe iyyymy waityhydÿÿdu mahädu seriòre-ò heka Kalileia-ò aròirenykemy. Tai tiiboho-wana wii areòbnyrenykre.

¹¹Tai tahe tiiboho ròirenyre. Kiaule tahe wabede soldado itxeredu rehemynyre xiwena wahidÿÿdu wedu-ò wahe. Tahe ibutumy relyyre iko.¹²Tai tahe nieruò riwahinyre ruiòmy relyykemy.¹³Tamyreny raryberenyire: —Ierydÿÿna mahädu heka ridyra watÿireny reòbylemy.¹⁴Tai tahe bedede dinodu rierykreu heka aò adee beleòtyhy aòbinahakÿò.¹⁵Tai tahe nieru sòwemy riwyrenymy tahe tuu ròirenyre ruimy. Wiji dori tuu iyy rÿira. Ibutumy judeu mahädu kia rybe-ò rityhynymyhyre.

¹⁶Idi tahe ierydÿÿna mahädu ròirenyre Kalileia-ò. Tiobo Jesuisi riteònyrenyremy juhutyhy.¹⁷Jesuisimy robirenyreu tahe tiiboho bedede reserenyire tahe riwowydnyrenyire. Ijò mahäduò riseònylemy idi röhötinymyhyre.¹⁸Tai tahe Jesuisi iòhòtyhymy tamyreny relere kiamy tamy rarybere: —Waruruna heka ibutu ratyire ratximyhÿre kabede-ki tule, biu-ki tule.¹⁹Tai kaiboho waha deòdumy boibenye ibutumy iny bedede bedede mahädu-ò, bedede konananahakÿ mahädu-ò ihyy behemynybenyke. Waityhydÿÿdumy heka bitxienybenyke. Wahanimy, tule Deuxu Riòrenimy, tule Deuxu Tyytyby-

tyhynimy, tahe bòratisebedỹnybenyke
wadeòdurenymy, Waha, Ityytybytyhy,
Iriòre kaboho deròwymy wahe.
²⁰Ibutumy aõbo wabede ywina adee

rewahinyredi bibedeerykre. Uritere
nohõti losarenỹomy awanarenỹhy
dori ararekre bededỹnanahyy
rekehemynykre.

Marku

Deuxu Rybe Wihikỹ Tỹmyra, Marku Tyyritidỹđđu

1 Kaki heka Rybe Wihikỹ juhu kaki roire. Ka Rybe Wihikỹ Jesuisi Kristumy heka rarybereri. [Tii heka Deuxu Riðre rare.] ² Myheka Isaia tyyriti-ki kia rybe rỹire:

Deuxu rarybere: —Boholake, waõwàdàdu ariteònykre akomy. Tii ary riwinykre.

³ Tii rryrmyhỹ bederahy-ki: —Kai biwinykre rywihikỹ Wanyrỹ dee. Òbiti tamy biwinyke.

⁴ Joaõ Sebedỹđđu bederahy-txi taile ihỹmyhỹ rybe tyyriti ritỹnynymyhỹ. Tii sebenaõmy riðbitinymyhỹ. Kia riwinykemy ixi-txi tõhõtĩ reakemy taðraru-txi kia Deuxu ritakemy.

⁵ Ibutumy Judeia bedede ludu mahàdu Jerusalē hāwā mahàdu-wana rare bederahy-ò. Taðrarumy relyymy rahudi tahe, Joaõ risebenyre bero Jordaõ-ò. ⁶ Joaõ rexitỹnyre kamelo rade tyy-di, tule iròdutyy wereysana iwetya-ki roimyhỹre. Irỹsỹna raremyhỹ, seihikỹle bidi-wana. ⁷ Joaõ rybe tyyriti ritỹnynyđđỹmy rarybemyhỹ: —Jiarỹ aõ aõkõ rare, waruru-di aõkõ. Inyõ wahewomy kanakre tahe iruru waruru ratyredỹđđnadu rare. Waratyre awityhyke. Jiarỹ riwaixỹrunymy watxireri iwataana ese-ki. ⁸ Jiarỹ bedi arāsebenyre. Tii heka Deuxu Tyytybytyhy-di arāsebenykre.

⁹ Kiatxu Jesuisi nade Nazare Kalileia bedede ludu-ribi. Joaõ tii risebenyre Jordaõ bero-ò. ¹⁰ Tii bera-ribi dotuodeu biuwetyky rarayre. Deuxu Tyytybytyhy heka bõtòe wese tamy dobehede. ¹¹ Deuxu rybe-ò roholare biu-ribi: —Kai heka Wariðre waluu tate. Adi wadeysawihikỹreri.

¹² Aõwesele Deuxu Tyytybytyhy heka Jesuisi riteònyre bederahy-ò. ¹³ Tii bederahy-ki 40 txumy bedede idi rỹire. Satanasi aõhòkỹmy risỹnymy Jesuisi raremyhỹ. Iròdu deborehekỹ tai rỹiramyhỹ. Ýjurenỹ iyubudỹđỹmy rehemynyre.

¹⁴ Joaõ rare ròtenawo-ò, idita Jesuisi Rybe Wihikỹ ritỹnynykre dehemynyde Kalileia-ò. Jesuisi heka Rybe Wihikỹ ritỹnynyđđỹre: —Deuxu Iðlòna bedede-ò wahe. ¹⁵ Jesuisi rarybera: —Bededỹđđnanahe bedede reara. Deuxu Iðlòna bedede iðhòra. Kaiboho ixi-txi òhõtĩreny reake aðrarurenỹ-txi bityhynybenyke Deuxu Rybe Wihikỹ.

¹⁶ Jesuisi aho ijàti-ki rariamy ihỹmyhỹ. Tii robira tuurenỹ taseriðre-wana ihỹmyhỹ-ò, Simaõ Pedro, Andre-wana. Tiiboho rehumy ihỹmyhỹreny rià-di. Tiiboho heka waxidu roire. ¹⁷ Jesuisi rarybera tamyreny: —Kaiboho bodoibedenyke wahemy. Tai tahe araerynanyrenykre iny rimykeny utura temyta wese.

¹⁸ Tahe aõwesele rià ririrenỹre. Roire Jesuisi-wana. ¹⁹ Iko roire Joaõ, Txiau, taseriðre-wana. Tiiboho heka Zebedeu riðre roire. Tiiboho hāworo-ki ratximyhỹreny rià riywinymyhỹreny. ²⁰ Jesuisi tamyreny rarybera: —Wahemy bòdòike. Tahe aõwesele tybyreny ririrenỹre teòdu-wana. Tahe tiiboho roire Jesuisi-wana ieryđđđnany roirekeny.

²¹ Tiiboho rirònyreny Kafanaõ hāwā-ò. Judeu mahàdu aõmysỹđđỹna txu aõkõ. Jesuisi ralore judeu mahàdu dohodỹđđna heto-ò eryđđỹmy. ²² Kowa mahàdu urile bedede riðtiinyre irybe-ki. Tii heka irurutyhy-di rierynanyre, ieryđđđđu mahàdu wese aõkõ rohodỹđđnanymyhỹre. ²³ Kia bedede heka hābu tyytybybina-di ratximyhỹre dohodỹđđna heto-ki. Tyytybybina hābuwo-ribi rarybere: ²⁴ —Aõhebo

wadi botŷŷnykre Jesuisi Nazare ludu. Biwahubenykre aõbo? Jiarŷ araeryre mobo kai tatehe, kai heka hãbuõtyhy inatyhy Deuxu-ribi kai tate. ²⁵ Jesuisi tarurumy rarybere: —Kai rybeõmyke. Iribi bõhõnyke tyytybybina. ²⁶ Tyytybybina hãbu riatyre riworŷsŷworŷsŷnylemy. Tyytybybina ryryre rybe iteremy, idi rõhõnyre. ²⁷ Ibutumy iny ribedeõtiinyre. Ritŷŷraxinyre ijõ: —Aõwexe ratxireri, aõerydŷŷnatŷmyrabo ratxireri. Tii riteõnyre tyytybybina. Tyytybybina Jesuisi rityhynyre. ²⁸ Ityhynina Kalileia bedede bedemy reare.

²⁹ Tahe dohodŷŷna heto-ribi rõhõnyrenyrene. Jesuisi, Txiau, Joaõ-wana roirenyre Simaõ, Andreboho heto-õ. ³⁰ Simaõ riõre lahi roimyhŷ rubunamy. Tahe aõwesele tuu relyyre Jesusiko. ³¹ Jesuisi rimyre tebõ-ki, tahe, aõwesele irubuna ixãwira. Idi tahe hãwyy tamyreny bedede redere.

³² Txu ralõmy rahudi, ibutumy tamy didydenyde inybina bina. Tule iny tyytybybina tamy didydenyde. ³³ Ibutumy iny hãwã ludu iheto ijõ wirotyre. ³⁴ Tii ibutumy binana õta õta riywinyre. Sõwemy tyytybybina riõlõdŷŷnyre. Tyytybybina Jesuisi rierymyhŷre. Tai tahe Jesuisi ri-ijõnyre tyytybybina rarybekeõ.

³⁵ Rudile Jesuisi rare bederahy-txi rexitõenykremy. ³⁶ Simaõ, ijõ mahãdu-wana Jesuisi ijesetyhymy roire. ³⁷ Tiiboho Jesuisi raharennyre. Tamy rarybere: —Ibutumy iny arãijereri. ³⁸ Jesuisi tamyreny rarybere: —Rokoikehe rekexinoranyrenyke hãwã witxira-õ. Jiarŷ tamyreny rybe tyriti aritŷnynykremy. Iurenana tahe jiarŷ anade. ³⁹ Jesuisi rare ibutumy Kalileia bedede-õ. Tyytybybina iny-ribi riteõnyre. Tule dohodŷŷna heto-ki tii rybe tyriti ritŷnynyre.

⁴⁰ Hãbu tyybina mahãduõ Jesuisi-õ nade. Tii tatiowotimy resere Jesusiko-õ.

Take Jesuisi-õ hãbu rarybere: —Adee awikeki tahe, biwateytenyke. ⁴¹ Jesuisi juhu urile riwotõenyre. Tii hãbu ritorunyre. Tahe rarybere: —Wadee awire, atyy awimyy relekre. ⁴² Tahe aõwesele ittybina reytera. ⁴³ Jesuisi hãbu riteõnyre. Rarybere: —Kai tahe inyõdee rybeõmykre. ⁴⁴ Kai bexiteõsinykre Deuxu aõmysŷdŷŷdu-õ. Iwese Moisesi rõerynadŷŷnyre wese, kai bexiteõsinykre. Kia heka inydee deõsinamy riteõsinyre. Kia iny rieryke timybo teytemy atximahãtemy. ⁴⁵ Tahe hãbu rare ibutumy inyko relyyra. Kia heka Jesuisi tahe uritere hãwãhãkŷõ-õ ralõõhyre. Tahe bederahykile rarire. Ibutumy iny tamy rare ibutumy bedede-ribi.

2 Tiutxuõmybo Jesuisi dõõsede Kafanaõ-õ. Idi tahe rybe reare rehemynymy ratximyhŷ heto-ki. ² Tahe iny, aõriõre aõkõ, tamy wirotyre heto ijõ-õ. Tahe Jesuisi relyymyhŷ Deuxu rybemy. ³ Hãbu inaubiõwa heka hãbubina-di tamy detyydenyde. Kia hãbu rawõronyre taumy-ki. ⁴ Jesuisi-õ rehemynyõhykylere iny sõwereki. Tahe raõwõnyrenyrene idi heto ratyytyre-õ. Hetotyre riraynyrenyrene tahe reru-di diberesedŷŷnydenyde byretyre-ki Jesusiko-õ. ⁵ Jesuisi rieryre hãbu rityhynyrenyrene, tai rarybere hãbubina-õ: —Waexi aõraru-ribi araitararasadŷŷnyre. ⁶ Bede ywina erydŷŷ mahãdu rorukurenryreri, ixideele rarybemy rŷimyhŷre: ⁷ —Aõherekibo hãbu kiawese rarybereri. Tii iõwe õwelemy rarybereri. Deuxu dee aõbina binalemy rarybereri. Mobo tahe õraru-ribi iny ritake. Deuxule õraru-ribi iny ritake. ⁸ Jesuisile roholãõlere ihãrele rieryre aõmybo raryberenyre. Tai tahe Jesuisi tamyreny rarybere: —Aõherekibo kiawese tarybetenyteri. ⁹ Tibohe isiraõtyhyre, tuu ararybeke: —Aõraru-ribi anaixitararasadŷŷnyre

ada myike, abyre bimyke, mariake. ¹⁰Kaiboho bierykemy Deuxu Riðre Hābutyhyhykȳ irurudire iny òraru-ribi iny ritakemy. ¹¹Tahe hābubina-ò rarybere: —Boholake, myike, abyre bimyke tahe makre aheto-ò. ¹²Tahe hābu rȳire, tabyre rimymy tahe rare ibutumy inyru-ò. Ibutumy bede riðtiinyre tahe reālāre Deuxumy. Ibutumy rarybere: —Tiu heka aōmy kawese rabiōhyymyhȳre.

¹³Jesuisi rare ahohokȳ ijā-ò. Ibutumy tamy doide. Tii iny ribedeerynyre. ¹⁴Levi, Afeu riðre, ronymyhȳ nierumynydu hetowo-ki. Jesuisi ibire-di rareò, tii robira. Jesuisi heka Levi-ò rarybere: —Waijoimy mynake. Tahe rȳimy reare Jesuisi ijoi-ò ralore.

¹⁵Jesuisi taerydȳȳna-wana rorukure Levi hetowo-ki. Tule nierumynydu mahāduō ronymyhȳre òrarudu-wana. Ibutumy riroximyhȳrenyrene. Sōwemy heka kia iny mahādu Jesuisi riheludunyrenyrene. ¹⁶Bede ywina erydȳȳ mahādu, lahi rybe-di erydȳȳna mahādu tuu robirenyra. Idi raryberenyrene Jesuisi erydȳȳna mahādu-ò —Aōherekibo tii riroxireri òrarudu-wana, nierumynydu-wana. ¹⁷Jesuisi roholareu, tamyreny rarybere: —Iny ibinaōkeki tahe luahidu tamy kanaōtyhy. Tahe iny ibinakeki, tamy kanake bina-ò. Òbiti mahādu itxemy aōkō anade. Tahe òrarudu mahādu itxemy anade.

¹⁸Joaō erydȳȳna mahādu, lahi rybe-di erydȳȳdu mahādu-wana byreōhyky txuu tutyhyle rȳimyhȳrenyrene. Tahe roire Jesuisi dȳȳraxidȳȳmy. Inyō Jesuisi ritȳȳraxinyrene: —Aōherekibo Joaō erydȳȳna mahādu byreōmy rȳiōmyhȳre. ¹⁹Jesuisi rirawyònyrene: —Heriduō, itxeredu-wana ratxireriu, byreōmy rȳiōtyhy tutyhylemy. ²⁰Tiutxulemybo tahe heridu iribi kanatakre, tai tahe byreōmy kȳnyikre tutyhylemy.

²¹Moheka tyytȳmyra dōbōna ritidikre tyytyby-ò. Idi inatyhymy dōbōna rayjakre tahe tyytyby sōwemy raykake. ²²Moheka òteti bederatyruke tȳmyra rihynymyhȳre iròdutyȳ walabuutybywo-ò. Idi tahe raberyrònymyhȳreu, urile iròdutyȳ walabuu raykake tahe irube rejujake. Tule iròdutyȳ walabuu ribinadȳȳnymyhȳre. Irubetȳmyra awire heka iròdutyȳ walabuu tȳmyrarokile.

²³Judeu elehydȳȳnarenen txu Jesuisiboho ririranyymyhȳrenyrene maixōmo wesena oworumy, tai ierydȳȳna riðròmymhȳrenyrene riroxirenykemy. ²⁴Tahe lahi rybe-di erydȳȳdu mahādu rarybere Jesuisi-ò: —Aōherekibo aerydȳȳna mahādu riwinyreri aōwidȳȳna aōkō karare sabado txu. ²⁵Tahe Jesuisi tamy rarybere: —Kaiboho aōbo teriranyōletenyta tyyriti-di. Iwese Daviboho-wana aōhebo rotȳȳnyreri aōmy rekoarenymahāu, rama rahumyhȳrenyu. ²⁶Tii ralore hetotyhy-ò. Tai tahe orotxu sira ybina riyre, tule tamahādu-ò riwahinyrene. Kia tahe Deuxu deòdule rirȳsȳmyhȳre. Kia Davi aōhebo rotȳȳnyrene Abiata heka Deuxu deòdu wedurau. ²⁷Jesuisi tamyreny rarybere: —Sabado txu heka rawidȳȳre inydee, iny tahe rawidȳȳōre sabado txu dee. ²⁸Deuxu Riðre Hābutyhyhykȳ tahe sabado txu wedu rare.

3Ixityre Jesuisi ralore dohodȳȳna hetowo-ò. Hābu debò binahakȳō tai ratximyhȳ. ²Lahi rybe-di erydȳȳdu mahādu Jesuisi retehemyhȳrenyrene. Jesuisi sabado txuule riteytenykeki, tiiboho rarybekemy aōbinabinakibo raharenykemy Jesuisi. ³Jesuisi heka hābubina-ò rarybere: —Manake. ⁴Tahe Jesuisi ijō mahādu-ò rarybere: —Aōwihikȳwidȳȳ awire ada aōbinalemy widȳȳ awire. Tibohe awire, itarasa-ki aōbo ada rubu-ki aōbo.

Hābu mahādu urile riyyre. ⁵ Jesuisi tamyreny retehere raōbinamy. Tii heka iaōna aōna riwotōenyrenymyhy. Jesuisi hābu debò bina-ò rarybera: —Ebò biterenyke. Tai tebò riterenyreu, aōwesele awimy relere. ⁶ Lahi rybe-di erydŷŷdu mahādu rara Iòlò Herodi mahādu-ò. Tiiboho raryberenyre timybo tahe Jesuisi rirubunyrenyke. ⁷ Jesuisi rexitare taerydŷŷna mahādu wana aho-ò. Tahe sōwemy iny Judeia mahādu, Kalileia mahādu riheludunyre. ⁸ Ibutumy aōna aōna roholare Jesuisi riwinyreò. Tahe sōwemy tamy nade: Jerusalē hāwā mahādu, Idumeia hāwā mahādu. Iny Jordaō bero ijā-ribi tule nade. Tule iny Tiro hāwā, Sidō beà hāwā-ribi iòhòmy tamy nade. ⁹ Tahe Jesuisi taery mahādu-ò rarybere: —Walawò bidiwykre. Iny sōwemy dori rehemynyri. Kidiwawotōmonykre òsana. ¹⁰ Ibutumy bina mahādu ibymy tebò reareri ixideytedŷŷmy. Urile iny sōwemy riwinyre dori. ¹¹ Tyytybybina Jesuisi reteherenyreu, urile iko-txi resere ryyri: —Kai Deuxu Riòre Tate. ¹² Tai tahe Jesuisi rarybere tyytybybina-ò, uritere iteòsidŷŷomykemy.

¹³ Tii raòwònyre bederatòomy. Tahe taerydŷŷna-ò ryyre tibo tamy reòbykemy. Tahe tamy nade. ¹⁴ Tahe ierydŷŷna waòinatxi reuròmy rarunyre tii-wana rarekemy, rybe ritŷnynydyŷkemy. ¹⁵ Tule iruru-di rarekemy inybina riteytenykemy. Tule irurudikemy tyytybybina riteònykemy. ¹⁶ Kie ierydŷŷnanirenyre: Simaō, (tii tahe Jesuisi ijōni riwahinyre, Pedromy) ¹⁷ Txiau ijō, tii Zebedeu riòre rare. Kia seriòre Jesuisi rininirenyre, Boanejimy, inireny. Kia heka irybereny rare, Biumytxy riòrereny. ¹⁸ Ijō heka Andre, Filipi, Bartolomeu, Mateu, Tome, Tadeu, Txiau. (Kia Txiau heka Afeu riòre rare.) Ijō Simaō iwitxira,

(tii brebuōmy rybe-ki, tasubedeluudu wahe.) ¹⁹ Judasi Isariò ijōre, kia heka Jesuisi riwahinyre iòludu-ò.

²⁰ Tahe Jesuisi nalode taheto-ò. Ixityre iny sōwemy tamy nade. Tai tahe Jesuisi taerydŷŷna-wana riroxiòhyre. ²¹ Idi tahe Jesuisi leinareny itxŷtesana roholarenyre, riòryrenyre. Tiiboho raryberenyre: —Jesuisi itxŷte iòhòlere. ²² Bede ywina erydŷŷ mahādu doide Jerusalē-ribi rarybemyhyrenyre: —Belisibu idi ratximyhyre. Tyytyby wedu ruru-di tyytybybina iny-ribi riteònyri. ²³ Jesuisi inyko ijyymy relyre: —Timy taheka Satanasi rexiteònykre Satanasi. ²⁴ Iòlòna wiribi rexihitxinykeki tahe, rexihukre ibutumy wiludu. ²⁵ Tahe sŷro luduò wiribi rahitxikeki, rŷiòtyhy. ²⁶ Satanasi rŷikeki reburemy, tii ixidòbitile rexirubunye. ²⁷ Inyō heka hābu rurutere hetowo-txi ralòòtyhy. Tai rawasinykeki, urile iny ritaataake. Urile hābu rataataakeki, iròòbomy iny rawasinyke. ²⁸ Inatyhy jiarŷ adee ararybereri, ibutumy òraru heka kanaixāwidinykre hābu dee aòtxile aòbina binamy rarybemyhyre. ²⁹ Kia inyō aòtxile aòbina binamy Deuxu Tyytybytyhymy rarybekeki, tiu heka iòraru rataòtyhy. Kia òraru riwinyre tièhyymy rarekemy. ³⁰ Jesuisimy kiamy narybedenye: —Tii heka tyytybybina dire.

³¹ Tadi tahelŷŷna-wana nade. Tahe ahanakile ritamanyre. Tamy riteònyrenyre iòrysmy. ³² Iny sōwemy iwerora-di ronyre. Tahe Jesuisise-ò rarybere: —Adi aseriòre-wana ahanakile nyide, araijereri. ³³ Jesuisi rarybere: —Mowe nadi rare, waseriòreboho rare. ³⁴ Juhu urile idi retehereri iwerora-ki. Tahe rarybere: —Betehekere, kaiboho ibutumy kaki nadiwesere, waseriòre wese toite.

³⁵ Inyō aōna aōna riwinymyhykeki,

Deuxu dee awira. Kia heka nadi, waseriöre roire.

4 Jesuisi ròðsera ahobero ijà-ò iny dohodŷŷmy. Sòwemy iny wirotyre. Tai Jesuisi ronyre hāworo-ò tahe rexitaryne ahoro-ò. Aho ijà-ò iny wirotyre ijohonamy. ²Tii aōna aōna sòwemy roerydŷŷnanyre ijyytyhydile. Kaa ijyymy tii relyyre: ³—Boholake, alòbòròna-di dehudu rara alòbòrònamy. ⁴Alòbòròna-di rehumyhyū, ijò ryro-txi resere. Tahe nawiixòmo rirore. ⁵Ijò rejujure manarutàsü-txi. Tahe aōwesele raumynyre iraruxiòlemy su dori ibutere. ⁶Irauxiòreki, bede tòtee alòbòròna rimoenyre idi rurura. ⁷Ijò oworuty resere edehu-txi idi ruhunyre edewanale. Tai tahe ede-ò riòdesenyre tai ratatynyòlere. ⁸Ijò resere su witxira wihikŷ-txi. Kia tahe raumynyre. Tahe sohoji oworutyò 30my iraty ratatynyre. Ijò oworuty 60my ratatynyre. Ijò tahe 100my ratatynyre. ⁹Tii rarybera: —Kaiboho aōbo òhòtidirenyre, inatyhymy warybe-ò boholake. Adeewikeki, bierybenyke.

¹⁰Iny robŷtŷreu, ijò rarilere ierydŷŷna mahādu-wana. Tiiboho rŷŷraxire Jesuisi-ò: —Aòhekemybo telyyta ijyymy. ¹¹Jesuisi tamyreny rarybera: —Deuxu Iòlòna rybemy Deuxu araerynanykre. Kia heka tuu teeryòmahāte. Kowaboho-ò jiarŷ urile ijyymy relyyra. ¹²Tai tahe kia wesele relyyra.

Iny retehemyhŷkemy tahe robiòhyymyhyre. Roholamyhyre ta, rieryòhyymyhyre. Tai tahe ralòkemy aòkò, taðraru riixāwididŷŷnakemy aòkò.

¹³Tii tamy rarybere: —Kaiboho aōbo teeryòhyyletenyteri ijyy. Ihāre tahe timykibo bierybenyke ijyy ibutumy.

¹⁴Aloborodu rehumyhy alòbòròna-di. Kia oworuty heka rybe wese rare.

¹⁵Oworuty ryijāti ludu heka iwese

urijohonadu wese heka rare. Rybe-ò roholarenyre, Satanasi nade rybe iwo-ribi ritakremy. ¹⁶Manarutàsü ludu iwese iny reysamy roholarereri.

¹⁷Iny urihimyòle rarorehenymyhyre iraruxi sòweòreki. Idihe rasirara irybe. Tule iny ralahatxinamyreki, ihyye tahe riixāwidinyra. ¹⁸Ede rawo ludu iwese iny witxira roholarereri. ¹⁹Tiiboho taaòmydŷŷnadile ròhòtinymyhyre. Sòwemy nieru-di ratxikemy rexinohòtinymyhyre ta nieru riitxenanymyhyre. Ijò aōna aōnadile rexinohòtinymyhyre. Kia aōna aōna rybe rirarutxinymyhyre. Tai tahe rybe ratatynyòmyhyre. ²⁰Suwihikŷ ludu iwese iny witxira roholarereri. Kia inatyhymy rŷŷireri heka ratatynyre alòbòròna ratatynyre wese. Ijò ratatynyre 30my, ijò tahe 60my ratatynyre. Ijò tahe 100my ratatynyre.

²¹Tii rarybera tamyreny-ò: —Uritere loosòna ideòmyke butxi worawo-txi ada herina raworawo-ò-txi aōbo. Loosòna bidekre bedewiò-ò. ²²Inyò iwòteòmy aōna aōna tiiehyyemy. Tiutxulemybo ratŷnykemy ihŷre. Iwòteòmy atximahābenyke aōu bodobikemy atximahātenyete. ²³Kaiboho aōbo òhòtidirenyre, inatyhymy boholake. ²⁴Tahe Jesuisi tamyreny rarybera: —Kaiboho inatyhymy boholabeny tamy taholamahātenyete. Urihixina iwese teòteri wesele, kai biwykre. Ihāre tahe biwykre ijò teòta-ribi ritamy. ²⁵Hābuò ijòdikeki tamyle rawahidŷŷke, tahe hābuò ijòòkeki iribi ratatyyke.

²⁶Jesuisi relyyra kia ijyymy: —Deuxu Iòlòna kia ijyy wese rare. Hābu rehumyhyre alòbòròna-di suò.

²⁷Hābu rumy ròròmyhyre txulemy rexixamyhyre. Tii rieryòlemyhyre timybo alòbòròna ratybienymyhyre.

²⁸Suu ixi dee sohojile ratatymyra. Juhuu iòle ramyhyre. Idi tahe ratatynymyhyre, ihewonau, tahe,

iraty rasònymyhỹre. ²⁹ Bederaty rasònymyhỹreu, iyresydu riteònymyhỹre. Mayrabu-di riòròkemy bederatysò butudỹ̃na dori rexihumyhỹre.

³⁰ Tii rarybera, Deuxu Iòlòna wexe aòwesere. Aò-ò wexe rikioirenykre. Tiwexe ijyy kawesere. ³¹ Kia heka mostardaty wesere. Tii heka iylatyhymy ratximyhỹre kabede-ki. ³² Tahe tii raumynymyhỹre wana, ireitòbòròdỹ̃raty re rururunymyhỹre. Tahe nawii tamyle rasỹnymyhỹre. Iubòròrò rawolemy taheto riwinyre.

³³ Tahe Jesuisi Deuxu rybemy riernanymyhỹre. Kia ijyy wese sòwemy ijyy riernanymyhỹre. Kialemy iny-ò Jesuisi relymyhỹ ibutumy tamy reny ritynynymyhỹreki. ³⁴ Kia-ò riòbitinyòlere ijyyò. Tahe iny-ribi irehemy taerydỹ̃na-ò riòbitinyre.

³⁵ Iu txu txiorolemy Jesuisi rarybere taerydỹ̃na-ò: —Rikiòhòrenenyke kowa weribi ijà-ò. ³⁶ Sòwemy iny rarire aho ijà-ki. Tahe taerydỹ̃na tamy ralore. Roire hāwò-di. Tahe ijò hāwò idi ratximyhỹre. ³⁷ Tahe bede binahakỹ rexideleny re yhymy. Tahe òbò hāwò rihātenymyhỹ tai ritỹmynykemy riteleny re. ³⁸ Tai tahe Jesuisi ròròmy roimyhỹ tòro-ki irati tarahynatyre-ki. Tai tahe riixixanyre. Ijò rarybere: —Waerydỹ̃du, adeeche awimy aòbo iny ituerenykre. ³⁹ Rexixamy Jesuisi. Tii yhy riixāwididỹ̃nyre. Tii ahohokỹ-ò rarybere: —Biyyre! Tai bede ruhuwihikỹre. ⁴⁰ Tamyreny rarybere: —Aòherekibo kaiboho taberutenyteri? Deuxu aòbo tetyhynyòmahātenyte?

⁴¹ Tai tahe tiiboho bede riòtiinyrenyra. Tahe widee raryberenyre: —Mowexe tuu yhy ahohokỹ-wana irybe riwinyke.

5 Ritehemynyreny re ijò berohokỹ weribi ijàna-ò. Kowa heka ibutumy hāwāhākỹ Kadarena inirenyre. ² Jesuisi hāworo-ribi resereu, hābu tyytybybina-di robire ròhònyreri

wabede-ribi. ³ Kia heka tiemy rasỹnymy raremyhỹ wabede-ki. Katahe wiji moheka womati reroti-di rataataaòtyhy. ⁴ Aòdorihe òhòore tebò iwa rataataare womati reroti-di. Tiemy heka rimoenymyhỹ. Teòruty ludu tawararu ludu tule ritòtynymyhỹre iyresymy. Moheka iruruòre iny erydỹ̃my. ⁵ Txuu ruu-wana heka tii rasỹnyre wabedewo-ki. Tii rariamyhỹre bederatòdòmy. Tule rirajuamy tai rexihāteny re mana-di. ⁶ Tai tahe Jesuisimy robireu, tii raijaranyre Jesuisi-ò. Resere tatiowotimy Jesuisiko-ò. ⁷⁻⁸ Jesuisi tyytybybina-ò rarybere: —Iribi bòhònyke. Tahe tyytybybina rarybera: —Aòwe wadi tate. Kai, Jesuisi, ibutumy inyò dee inyatyre tate. Kai Deuxu Riòre tate. Lāhāmy lāhā, uritere aòbina binahakỹ wahòròdỹ̃òmykre.

⁹ Jesuisi ritỹ̃raxinyre: —Mobohe anire. Tyytybybina rirawònyre: —Wanireny sòwetyhyre wasòwerenyreki. ¹⁰ Urile karibi wateòdỹ̃renyòmykre. ¹¹ Tahe kowa-ki ixỹni juramy riroximy rỹimyhỹ bederatòò-ki. ¹² Ibutumy tyytybybina rexitòdenyreny re: —Biwateònybenyke ixỹni jurawomy aralòrenykemy. ¹³ Tahe Jesuisi riteònyre. Tyytybybina aòwesele ròhònyre tahe ixỹniwomy ralore. Ixỹni jura tahe raòruny re rejuxuny re ijòtira-ribi. Berawo-txi tahe rabòròròre ahohokỹ-ki. Inatxi mil ixỹni rabòròròre. ¹⁴ Ixỹni-di itxeredu reare ijyy my ibutumy hāwā hāwāmy relyreny re. Tahe iny dirahude tamy itxeremy. ¹⁵ Tiiboho Jesuisi-ò doideu, tuu robirenyra hābu tyytybybina-di raremyhỹ. Tii rexitynymy ronymyhỹre. Tii heka òbitimy ròhòtinymyhỹre. Tai iny mahādu rabedeòtiidỹ̃nyre. ¹⁶ Tiiboho tuu robireny re, ijò-ò relyreny re ixỹni ijyy my, timybo aòhebo rotỹ̃nyre my hābu tyytybybina-di ratximyhỹre. Tule

relyyrenyire timybo rotỹnyire ixĩni jura.
¹⁷ Iny rexitødenyre Jesuisi-ò rexitakremy isuren-ribi. ¹⁸ Jesuisi hāworo-ò ralore. Tahe hābu tytybybina-di ratximyhĩre, rexitødenyre Jesuisi-wana rakemy.
¹⁹ Tahe Jesuisi idy derare. Tamy rarybera: —Mahe asỹ-ò, aijoi-ò belyyke aōna aōna Deuxu adee riwinyremy, iwese tii araruxetødenymyhĩre wese.
²⁰ Tahe hābu rare Debòwið hāwāreny-ò. Ibutumy Jesuisi aōna aōnamy ixidee riwinyremy relyyre. Ibutumy iny ribedeòtiidỹnyymyhĩre.

²¹ Ixityre Jesuisi rare ahohokỹ weribi ijā-ò. Ixidee iny sōwemy ributunyre. Tii heka ihỹmyhỹ ahohokỹ ijā-ki. ²² Tahe dehemynyde tamy dohodỹña heto we-duò. Ijairu inire. Tii Jesuisi robireu, re-sere tatiowotimy iko-txi. ²³ Ijairu rarybere Jesuisi-ò: —Wariðre irubu iòhòty-hylemy roireri. Kai manakre tamy ebò bitidikremy. Tai awimy relekre, ruuòtyhy. ²⁴ Tahe Jesuisi tii-wana rare. Iny sōwemy tule rare iòhòkile tamy rỹire.

²⁵ Kia heka hāwyyò binamy ramyhĩre. Ihālubu rejuxunymy raremyhỹ. Beðra waðinatxi reuròmý rejuxunymyhĩre, rihuòhy raremyhỹ.
²⁶ Tii aòhòkỹmy rotỹnyymyhĩre sōwemy òhotibedu mahādu-di. Tahe awimy rotỹòlemyhĩre. Urile tanieru ibutumy rahure òhotibedu mahādu-ki. Awimy releòlemy, ire bede-ò resere.
²⁷ Tahe roholare Jesuisi nina-ò tahe iòhò-ki nade inyy-ki. Idi ihewo-ribi rimyra ityynora-ki. ²⁸ Hāwyy ixidee rarybemyhĩre: —Krile itykynora-ki karimyekei, karekyteke. ²⁹ Tahe aòwesele ihālubu ijera ixāwire. Ixidee awimy rōhòtynyre. ³⁰ Jesuisi rieryre iruru iribi rōhònyremy, tai rarybere: —Mobo watyynora rimyra. ³¹ Tahe ierydỹña raryberenyra aòherekibo tuu tarybeta ibutumy taheka iny abirelemy rỹireri. ³² Jesuisi retehemyhĩre urile mobo rarekemy. ³³ Hāwyy rierymyhỹ

aòhebo rotỹnyire. Tii ruberumy Jesuisiko-ò resere relyykemy iko.
³⁴ Jesuisi rarybera: —Lerỹ, atyhydỹña kỹnyhe aratara. Mahe, kai dori texiwyinyta.

³⁵ Tii rarybemyhỹò, dohodỹña wedu deòdu rehemynyrenyri. Tiiboho raryberenyra: —Wawedu, Ijairu, ariðre rurumy roireri. Aòmybo tahe Erydỹdu-di atxiteri. ³⁶ Jesuisi kia-ò roholara tahe rarybera dohodỹña wedu-ò: —Brebuòmý, urile bityhynykre.
³⁷ Jesuisi-wana roire, Pedro, ijò Txiau, ijò Joaò. Joaò heka Txiau seriðre rare. Kaòle heka reòbyre tii-wana rakemy. ³⁸ Dohodỹña wedu heto-ò dehemynydeu, ixiyjadỹñ-ò roholara, roburerið, rirajuarerið. ³⁹ Jesuisi ralore tahe rarybera: —Aòherekibo tabutenyteri. Hiraririkỹ rurumy aòkò roireri. Tii urile rōrōreri. ⁴⁰ Juhu urile tai rutxuenyrenyra Jesuisi-ki. Tahe Jesuisi ibutumy iny riòlòdỹnyra hetowo-ribi. Tahe ise, tybyle, ixidee rimyrenyra ratxirenkyemy. Tahe tamy rirònyrenyre tai hiraririkỹ roimyhỹò. ⁴¹ Jesuisi hiraririkỹ debò rimyre tahe rarybera: —Talita kumi. (Katahe iwitxira rybemy rarybera. Kiamyri heka, mynyikemy.)
⁴² Aòwesele hiraririkỹ rỹimy reara. Tahe rariara aòmýreki iwyrwa waðinatxi reuròmý iwyramy. Tahe urile bede riðtiinyrenyre. ⁴³ Jesuisi riteranyre moò rierydỹkemy aòkò. Jesuisi tule rarybere: —Rỹsỹna tamy biwahinykre.

6 Jesuisi dexitade kowa bede-ribi. Tahe tauladu tybiena hāwā-ò dehemynyde. Taerydỹña mahādu riheludunyre. ² Sabado txumy rierynanyre dohodỹña heto-ki. Sōwemy iny roholamy rỹimyhỹ bede riðtiinymy. Tahe rarybere: —Tiribibo kia hābu aōna aōna bede rieryre. Aòbedeeryhykỹbo ratximyhĩre. Timyta heka bedeòby riwinyre. ³ Kia aòbohe

aōwidŷŷdule ratxireri, Marie riòrele. Tiiboho aōbohe Txiau, Jyje, Judasi, Simaō, seriòrebohole ratxirenryeri. Terŷboho aōbohe tule kakile ratxireri. Ibutumy iny heka Jesusi derarenrye. Irybe rityhynyōre. ⁴Jesuisi rarybere tamyreny: —Deuxu rybedŷŷdu heka tyhydŷŷna ritaōlekre tahāwāreny-ribi, taijoi-ribi, tasŷ-ribi. ⁵Tahe Jesusi kowa-ki bedeōby riwinyōlere. Urile tebō ritidire inybina bina tyre, taile riteytenrye. ⁶Jesuisi urile bede idireny riōtiinyre rityhynyōlemyhŷrenyeki. Tahe Jesusi reurore hāwā hāwā-di erydŷŷmy.

⁷Tii ixidee ributunrye tawaōinatxi erydŷŷna mahādu. Tii riteōnrye inatxi inatxi iubŷtŷnrye. Tamyreny taruru-ribi riwahinyre tyytybybina deōdŷŷki. ⁸Jesuisi tuu rarybere: —Urile biwykre adebōna. Uritere orotxu aōkō, nieruhyna aōkō, nieru wereysanawo-ki aōkō, iwydysyrenyōmykre. ⁹Uritere waubehetyōmy noōmykre. Uritere inatximy wirawomy tyy-di ixitydydŷŷōmykre.

¹⁰Hāwā-txi malōkeki, tiemy taile bonykre tiubedemybo iribihyule bōhōnykre.

¹¹Titxi behemynybenykeki, uritere iny erarenymy reakeki, roholaōkeki, txiōrare, urileta awareny bitōtynrye bede erynamy. ¹²Tahe tiiboho roire. Rybe ritŷnydyŷmyhŷre iny ixidee rexirahirenryemy. ¹³Tyytybybina irehemmy iny-ribi ririradŷŷnykemy. Sōwemy inybina tyre òlŷre ritxiwire. Tai tahe riteytenrye.

¹⁴Kia heka iòlò Herodi roholara. Jesusini dori erynatyhymy raremyhŷ. Tahe ijōboho rarybemyhŷreny: —Joaō Sebedŷŷdu rexixara rubu-ribi. Ijō rarybemyhŷreny: —Eliale ratxireri.

¹⁵Ijō rarybera: —Deuxu rybedŷŷdu ratxireri. Deuxu rybedŷŷduō wese heka ratxireri. ¹⁶Herodi roholareu aōbo Jesusi riwinyreu, rarybera: —Kia

hābu Joaō ratxireri. Kia heka irati reorore heka rare. ¹⁷Kia heka iòlò Herodi riteōnrye imynamy. Idi tahe ritisanrye rōtenawo-ò. Taseriōre hāwyy òraru-ki kia riwinyre. Filipi iseriōreni rare. Iseriōre hāwyyini Herodia rare. Herodi, Herodia-wana roire iseriōre riōrese-wana. ¹⁸Juhuule Joaō rarybere Herodi-ò: —Kai aōkōre aseriōre hāwyy-di mabeōtyhy. ¹⁹Herodia tamy iky reamyhŷ rirubunryemy ratximyhŷ tahe aōkōhylyre. ²⁰Herodi tahe Joaō rityhinyre. Tii rierymyhŷre Joaō hābu wihikŷō ratximyhŷ. Tai riyrubunrye rōtenawo-ki. Herodi Joaō roholareu, urile bede riōtiinyre urile roholawihikŷre. ²¹Kia txuu ibeōra reare Herodi lisina berenamy riwinyre. Tahe ibutumy hāwā dinodu, soldado wedu mahādu, tule ibutumy hābu ninihikŷ Kalileia mahādu-ribi rihuòtere. ²²Ijadōma ralore resere, Herodia riòre. Herodi, iny huòtedu mahādu-wana tamyreny awire. Iòlò ijadōma-ò rarybera: —Aōtxile aōma wadee bexitōenyke, adee ariwahinykre. ²³Inatyhymy adee ararybekre. Waaōna aōna iweeremy bexitōenykeki, adee ariwahinykre. ²⁴Ijadōma tadi ritŷŷraxinyre aōmybo tahe tamy rexitōenykre. Ise rarybera: —Joaō Sebedŷŷkŷdu rati kai bexitōenykre. ²⁵Tahe ijadōma ròdsere iòlò-ò. Tahe ijadōma rarybera: —Joaō Sebedŷŷkŷdu rati kai biwahinykre hyna tyre-ki. ²⁶Iòlò sōwemy rabadewore irybe-ki. Rexitxiōnyōlere iny dori sōwemy ibire-ki. ²⁷Iòlò soldado rariare Joaō rati òrysymy. Tahe irati riorore rōtena-ki. ²⁸Tahe irati diwyde besetyre-ki. Ijadōma-ò riwahinyre, tahe ijadōma tadi-ò riwahinyre. ²⁹Joaō erydŷŷna rieryreu tahe, nade iumy òrysymy. Tahe iumy riwyre wabede-ò.

³⁰Jesuisi erydŷŷna mahādu ròdsereenyre Jesusi-ò. Tahe relyyrenrya

ibutumy aōmydŷŷnana tule ibutumy rierynanymyhŷre. ³¹ Jesuisi tamy rarybere: —Inyboho sohojile rokoireny bederahy-txi ixielehydŷŷmy. Tii dori rarybera tamy heka byrena iōhōtyhyōlere tamy roxina raðhōlere. Iny sōwemy tamy wii reutydynyleri. ³² Tahe tiiboho sohojile hāwō-di roire bederahy-txi inyō-ð. ³³ Iny sōwemy tuu robira rōhōnyrerimy. Tahe iny ibutumy hāwā hāwā ludu raijaranyre tōrōsōna-ð. Tiibohole juhu rehemynyre iko-ki. ³⁴ Jesuisi rororeu, tahe inymy sōwemy robire, riraðerirō. Jesuisi tamy ratðenymyhyre. Tiiboho dori iwese budoeni idi itxereduōmy rŷireri wesemy. ³⁵ Txuu raloreu, ierydŷŷna mahādu Jesuisi-ð roire. Tiiboho rarybere: —Ka kŷnyhe bederahy roire txuuke rexihura. ³⁶ Kai tahe iny biteðnykre hāwā hāwā mahādu-ð rŷŷna ixideereny ōbradŷŷmy. ³⁷ Jesuisi tamyreny rarybera: —Kaiboho tamy rŷŷna biwahinykre. Tahe raryberenyre: —Timybo tahe inyboho 200 prata womati nieru-di orotxu rikiōbranyrenykre. Timy wexe tamyreny rŷŷna rikiwahinyrenykre. Jesuisi tamyreny rarybera: ³⁸ —Tiwese orotxu bohe rŷire. Maa tamy itxeremy. Idi tahe rieryrenyre, rarybera: —orotxu iruyre, utura inatxi. ³⁹ Idi tahe Jesuisi iny rabðrðhōkŷ asityre rorukukremy. ⁴⁰ Idi tahe iny rabðrðhōkŷ wii rirareare, ijō sīwētamy, ijō 100my. ⁴¹ Jesuisi orotxu utura-wana rimyre tahe rethehere biu-ð Deuxu-ð rexitðenyre. Idi tahe orotxu reðrðrðrē. Riwahinyre taerydŷŷna mahādu-ð riwykremy iny-ð. Tule utura inatxi wirarea riwahinyre iny mahādu dee. ⁴² Ibutumy iny riroxire. Rihydymy rŷimyhŷ. ⁴³ Idi tahe ritŷxinyre waðinatxi reurð weririmy orotxu yre yre utura-wana rauhenyredi. ⁴⁴ Kia heka rerŷŷre 5000 inymy rŷŷna-di.

⁴⁵ Juhu Jesuisi riteðnyre taerydŷŷna mahādu ixiko-ð kanaijōwe-ribi ijā-ð, Besaida hāwā-ð. Tii tahe ririre iny riteðnykremy. ⁴⁶ Tahe riteðnyreu, tii rare ixitðedŷŷmy bede ratððhōkŷ-ð. ⁴⁷ Txioro bedesou hāwō ahotya-ki ratximyhŷre. Jesuisi suki ratximyhŷre ixisohojile. ⁴⁸ Tahe yhy rebðonymhŷ iutedereny-ribi. Hāwō rariaōlemyhŷ. Tahe Jesuisi tuu robire txu ijera iōhō-di. Tahe betyredile tamyreny rariare. Jesuisi iratyreneny wese rariakre. ⁴⁹ Tahe tuu robireu, betyre-di rariarerirō, tiiboho uniŷŷna rōhōtinyrenyre, rirajuarenyre. ⁵⁰ Tahe ibutumy tuu robira ibutumy ruberurenyre. Jesuisi aōwesele rarybere: —Utile beysabeny, breburenymy. Jiarŷle watxireri. ⁵¹ Tii ralore tamyreny hāworo-ð. Yhy urile ixāwire. Ierydŷŷnaboho bede riðtiinyrenyre. ⁵² Tiiboho ruberurenyre, orotxu bedeðbyna dori rierykōrenyre.

⁵³ Tiiboho riðhōrenyre, ritehemynyre Kenesare-ð. Kia-ki hāwō ritisarenrya. ⁵⁴ Tahe hāworo-ribi rōtuðerriu, ibutumy iny Jesuisi rierya. ⁵⁵ Juhu raðrunyrenyre bina bina mahādu òrysmy. Idi tahe didydenyde roholarenyre titxibo tai Jesuisi ratximyhŷð. ⁵⁶ Tii raloreu iny hāwā-ð aōbo ada hāwāhākŷ-ð aōbo ada bedero-ð aōbo, tiemy iny bina bina mahādu iryko-txi ritidire. Tai tamy rexitðenihikŷre tamy debò reakemy ityynora-ð. Ibutumy tamy debò reareu, tahe riteytenyre.

7 Jesuisi-ð ributunyre fariseu mahādu lahi rybe-di erydŷŷdu mahādu wahe. Tule bede ywina erydŷŷ mahāduributunyre. Jerusalē-ribi ritehemynyleri. ²⁻⁵ Jesuisi erydŷŷna mahādu tebò risuhðomy riroxireri. Fariseu mahādu, Bede ywina erydŷŷ mahādu-wana Jesuisi-ð ritŷŷraxyrenyre: —Aōherekibo aerydŷŷna tebò risuhðomy riroximy-

hÿrenyre. Aõherekibo ihetxiu bede ywidÿÿnana rityhynyõreri. Lahi rybe-di erydÿÿdu mahãdu judeu mahãdu-wana ihetxiu iwidÿÿnana riwinymyhyrenyre. Tii heka tebò tiu suròduõmy riroxiõmyhyre. Tiiboho aõna aõna wydyna heto-ribi dððsemahãdeu, tiu heka røhõðile riroxiõmyhyre. Sõwemy iwidÿÿnarenen rityhynymyhyre. Bemona butxi, womati bese-wana risuhõrenyre. ⁶ Jesuisi tamy dirawyònyde: —Isaia juhuule rarybere tiwesebo kaiboho toite. Kaiboho itxenadÿÿdu toite. Riritinymy rÿire:

—Kaiboho riwawowydynymyhyre tary-di. Tahe awo-ribi waluuõlemyhyre.

⁷ Kaiboho riwawowydynyre tahe watxi nohõti ijeraõlerenymy. Kai teery-nanyteri erydÿÿna-di iny nohõti-ribi namyhÿdeðle.

⁸ Kai Deuxu erydÿÿna tyhydÿÿõmy. Iny erydÿÿnale tetyhynytenyte. ⁹ Tii tamyreny rarybera: —Kaiboho aõbo ijõ bihõrõnybenyleke, biaõmysÿnybenyke. Deuxu rybe bede ywina kaiboho tetyhynyõlemyhytenyte. Arybe bede ywinale tetyhynyõlemyhytenyte.

¹⁰ Moisesi rarybera:

—Kaiboho biytyhynybenyke adirybe-ò, tybyrybe-ò. Inyõ tadimy tybymy iehehemy rarybekeki, aõtaxiny ruruke.

¹¹ Kaiboho teerynanyteri hãbuõ-ò tadi tybywana-ò rarybekemy: —Wanieru waribi bitaõke. Ariwahiny dori Deuxu-ò. Wanieru heka korbÿ rare. (Korbÿ heka uri wahidÿÿna rare, iwitxira rybe wahe.) ¹² Jesuisi rarybehymy rare: —Kiawese rierynany raremyhÿ, kaiboho uritere hãbuõ tadiboho-ò aõmydÿÿõmy rarekemy. ¹³ Kawese ityhydÿÿrenyõmy Deuxu rybe, aerydÿÿna òraru-ki. Sõwemy aõna aõna kawese tatÿÿnytenyte. ¹⁴ Tahe Jesuisi ixityre rarybera inysõwe-ò:

—Bodoholabenyke, ibutumy biery-benykemy. ¹⁵ Aõbo iny-ò ralõmyhyre, kia tahe iny risunyõlemyhyre, inywo-ribi tahe namyhÿde kia tahe iny risunymyhyre. ¹⁶ Inyõ bierybenykeki, boholaibenyke. ¹⁷ Tahe iny-ribi røhõnyreu, heto-ò raloreu, ierydÿÿna mahãdu tahe tamy rÿÿraxire ijyymy. ¹⁸ Tii tamyreny rarybere: —Kaiboho tule aõbo teeryõmahãtenyte. Aõbo iny-ò ralõmyhyre, kia iny risÿnyõlemyhyre. ¹⁹ Tawotyhy-ò dori ralõõlemyhyre. Urile weryri-ò ralõmyhyre idi umy-ribi røhõnymyhyre. (Ibutumy rÿsÿna tahe awire riki.) ²⁰ Tule rarybere: —Aõbo iny-ribi namyhÿde, kia risurisunymyhyre. ²¹ Inywo-ribi tahe røhõnymyhyre ibutumy nohõtinana binahakÿ. Kia heka rare nohõtinana binahakÿ: òta òtalemy, wasilemy, rubudÿÿlemy, ijõ hãbu riðrese ridymy, ²² ibutumy aõna aõna wedu iny ratyrekemy, binamy røhõtinymyhyre, ruilemy, aõbina binaõle, itxeredu, aõbina binalemy rybedu, tule itxÿtelemy. ²³ Kia heka ibutumy bina bina inywo-ribi namyhÿde. Kia heka iny rexisunymyhyre.

²⁴ Jesuisi rexitare. Tahe r re Tiro hãwãreny-ò, Sidõ beà hãwã hãwã-ò. Tahe tii ralore hetowo-txi tahe moõ rierykõdi ixidire hetowo-txi. Ralðrau tahe, rexiwõke aõkõ. ²⁵ Jesuisi tyhynina-ò hãwy roholare, tahe tamy nade, tatiowotimy resere. Iriðre-riki tyytybybina dire. ²⁶ Kia heka hãwy Grego mahãdu rare. Ilahinanire heka Siru Senisia. Tii Jesuisi-ò rÿÿraxire tyytybybina iriðre-ribi deòdÿÿmy. ²⁷ Tahe Jesuisi tamy rarybere: —Txioiny, juhu inihe uladu mahãdu riroxikre. Wadee awiõre uladu-ribi rÿsÿna ritake ijòrða-ò. ²⁸ Hãwy rirawyònyra: —Inatyhy rare, Wãhĩ. Kurile rÿsÿna kyre kyre rejujumahãre. Kòwòruku bese-ribi, kuladu-ribi.

Kiamy heka itxoòròsa rirakuximyhÿre.
²⁹ Tahe Jesuisi tamy rarybera: —Kia rybe òraru-ki heka kaa tarybeta tytybybina ariòre-ribi rohonyra. Kia bòòsekre aheto-ò. ³⁰ Hāwyy taheto-ki rehemynyreu, iriòre-ki rahara byretyre-ki roire. Hāwyy rieryre tytybybina iribi ròhònyre.

³¹ Tai tahe Jesuisi ixityre rexitare Tiro hāwāreny-ribi, Sidò beà hāwā reny-ò rara Kalileia aho-ò. Tii raremyhÿu, Debòwìd hāwā hāwā reny ririre.
³² Tahe tamy didydenyde hābuò nohòtityò. Tii roholaòlemyhÿre. Tule awimy rarybeòhyylemyhÿre. Tahe rexitòenyrenyra Jesuisi-ò, tebò ityre ritidikemy. ³³ Jesuisi tii ritare inysòwehekÿ-ribi tahe tebò ritidire tòhòti-ò. Tahe rarybexinyre tahe idi tòròtòbymy reare. ³⁴ Tahe Jesuisi tarue ruwyre biu-txi, ele-di reare. Tahe rarybere: —Ebata. (Kia heka rybe riwiuròsòdÿÿmy rare, —Biraynyke.)
³⁵ Aòwesele tòhòti riraynyre. Tòròtò riykoikonyre. Tii aòwesele awimy rarybere. ³⁶ Jesuisi rarybere: —Uritere iny-ò ijyyòmykremy. Ihārele tahe ibutumy kiamy iny-ò relyymyhÿre. ³⁷ Idi bede riòtiinyrenyre. Tahe raryberenyre: —Ibutumy tii riteytenymyhÿre. Tii nohòtity aòwesele roholamyhÿre. Hābu rybeò aòwesele rirybedÿÿnymyhÿre.

8 Kia txuu ixityre iny sòwemy ributunyre. Kiau tule aòrÿsÿnamy ijòòhyllere. Jesuisi taerydÿÿna mahādu ixidee ributunyre. Tahe tamyreny rarybere: ² —Jiarÿ inysòwe re-wotòenyre. Tiiboho txuu inatā waki rÿireri byreòlemy. ³ Jiarÿ byreòlemy ariteònyrenykeki, ryrowetyakile reserenykre iòderawyrinymy. Tule, iny sòwemy irehe-ribi nade. ⁴ Ierydÿÿna tamy dirawyònyde: —Timytaka inyboho tamyreny orotxu rikiwahinyrenykre kabederahy-ki. ⁵ Tii ritÿÿraxinyre: —Tiwesebo

orotxu kai ijòdire. Tiiboho rarybere: —Debò inatxi reuròmy. ⁶ Jesuisi iny sòwemy risÿdÿÿnykremy sutyre-ò. Tii orotxu debòinatxi reuròmy rimyra. Tii rexitòenyreu tahe riorore. Tahe riwahinyre taerydÿÿna mahādu-ò riwykemy iny sòwe-ò. ⁷ Tule utura ibutemy rÿimyhÿ. Tahe rexitòenymy rahudi tahe taerydÿÿna-ò rarybere: —Kaa tule biwybenyke iny sòwe-ò. ⁸ Tiiboho riroxirenyremy tahe rihydymy ratximyhÿ. Iyre yre rauhenyre riwyrenyre weriri debò inatxi reuròmy riwyrenyre rÿÿximy. ⁹ Inaubiòwa mil iny iòhòmy rÿimyhÿ. Tahe Jesuisi rexideòwarinyre iny sòwe-ò. ¹⁰ Tii ralore hāworo-ò taerydÿÿna-wana. Tiiboho roire Damanuta hāwāreny-ò.

¹¹ Lahi rybe-di erydÿÿdu mahādu nade fariseu mahādu wahe. Tiiboho tamy nade rybe òbitidÿÿmy. Tiiboho rÿÿraxirenyra bede erydÿÿnaò kiditeòsinykremy. Lahi rybe mahādu rierykemy tii inatyhy rare urenana. ¹² Tii raelewesenanyre tawo-ki rarybere: —Aòherekibo kaa iny mahādu rÿÿraximyhÿre bede erydÿÿnamy. Inatyhymy jiarÿ ararybekre: —Bede erydÿÿna heka tamy rawahidÿÿòtyhy. ¹³ Tahe idi Jesuisi rexitare. Hāworo-ò ralore. Idi rohorere kanawe-ribi ijà-ò.

¹⁴ Ierydÿÿnaboho tahe tòhòti rosare orotxu wydysy-ribi. Sohojityhyle heka orotxu roimyhÿ hāworo-ki. ¹⁵ Jesuisi tamy ribedeerynyre: —Beteheiny, biyrubuny, lahi rybe mahādu, Herodi mahādu-wana wirÿsÿna uri-ribi. ¹⁶ Jesuisi erydÿÿna mahādu ixideele rarybere: —Aòherekibo Jesuisi kia rarybereri. Inyboho iorotxurenyòreriki òsana. ¹⁷ Jesuisi heka rieryra tahe rarybera: —Aòherekibo raryberemy orotxu ijòòremy. Kaiboho aòbo teerytenyòte. Kaiboho aòbo arawoxierynyrenyòre.

¹⁸ Kaiboho aōbo arueōrenyire. Tabiōletenyteri. Kaiboho aōbo itxi ōhōtirenny reaōlereri.

¹⁹ Jiar̄y 5000my iny-ò orotxu reareareu, tiwesebo weririmy orotxu yre yre-di rit̄xinyire. Tahe tiiboho rirawyōnyre: —Waōinatxi reurò weririmy. ²⁰ Tahe debòinatxi reurò orotxumy reòròra 4000 inmy, tiwesebo weriri orotxu yre yre-di rit̄xinyire. Tiiboho rirawyōnyre: —Debòinatxi reuròmy. ²¹ Tahe tamyrenny rarybere: —Timyrekibo tahe teertyenyōte.

²² Dehemynde Besaida hāwā-ò. Tahe hābu ruetà-di tamy didydenyde. Rexitōenyrennyre tamy debò reakemy.

²³ Jesuisi tebòmny rimyre tahe ridyre hāwā-ribi bederahy-ò. Iruetyre rarybexinyre. Tebòmny tamy reare. Tahe rit̄ȳraxinyre: —Aōmybo aōbo tabiteri. ²⁴ Hābu tahe biu-txi tarue riukora, tahe rarybera: —Hābumy rabira, òwòru wese r̄yireriò, rariareri. ²⁵ Ixityrele Jesuisi tebò reare irue-ò. Hābu heka irue reyteramy òbitilemy retehereri. Robire irehetyhy-ò it̄nyhyk̄ȳlemy. ²⁶ Tahe Jesuisi riteōnyre is̄y-ò urile ihāwā-ribi ròdseōmykre.

²⁷ Jesuisi taeryd̄ȳna mahādu-wana ròhōnyrennyre Sesaria Filipi hāwāreny-ò. Ryki taeryd̄ȳnarenny-ò rit̄ȳraxinyre: —Mowe hābureny wamy raryberenyra jiar̄y raremy. ²⁸ Tiiboho rirawyōnyra: —Joaō Sebed̄ȳdu riki, ijō Eliasi riki, ijō riki Deuxu rybed̄ȳduò. ²⁹ Tahe Jesuisi tamyrenny rit̄ȳraxinyra: —Kaiboho, mobo tarybetenyte jiar̄y raremy. Tahe Pedro rirawyōnyre: —Kai Kristu atximahāte. ³⁰ Tii raraybinihik̄ȳmy ixi-ki rarybera: —Inyko wamy ijyōmykre.

³¹ Jesuisi rexiranyre eryd̄ȳmy: —Deuxu Riòre Hābutyhyhyk̄ȳ heka aōna aōnamy aōhōk̄ȳmy rot̄ȳnynihik̄ȳkre. Matuari mahādu heka ixideramy ryanakre. Tule Deuxu aōmys̄d̄ȳdu wedu, Bede ywina

eryd̄ȳ mahādu ixideramy ryanakre. Jesuisi kudurukre idi tahe txu inataō r̄yidi kedexixakre rubu-ribi. ³² Idi tahe iòrurehek̄ȳlemy tamy rarybere. Pedro iny-ribi Jesuisi ritare, tahe tamy rarybere: —Kawese rybeōmyreke. ³³ Jesuisi ròdsemy reare, retehemyh̄y taeryd̄ȳna-ò tahe Pedro-ò rarybere: —Bexitake wako-ribi Satanasi. Kai dori Deuxu ijoi aōkō atximahāte. Kai hābu ijoi tate. ³⁴ Jesuisi ributunyre iny sōwehek̄ȳ, taeryd̄ȳna-wana tahe rarybere: —Inyō wahemy kanakeki, ixideele rexirah̄ike, tahe taitxèò rimyke riwaheludunykemy. ³⁵ Mobo taumy tarasamy rurukeki, riononykre. Tahe aōtxile iny waluukeki, Rybewihik̄ȳ luukeki, taumy wadee riononykeki, kia heka taumy ritakre. ³⁶ Aōbo tahe awire, ibutumy aōna aōna bitake tai aumy biononyke. ³⁷ Aōbo tahe iny riwahinykre taumy wydyna òkesena aōbo. ³⁸ Kai wijinabòdu òrarudu mahādu rare, òta òtadu rare. Aōtxile iny walau warybe lau raix̄yrukeki, tule Deuxu Riòre Hābutyhyhyk̄ȳ ilau kanaix̄yrukre tii nadeu j̄juwihik̄ȳ-di boo wowydyna-ò.

9 Tii tamyrenny rarybere: —Inatyhymy adeereny ararybekre. Ijōō kaki ratximyh̄yre ruruōtyhy Deuxu Iòlònu taruru-di kedehemyntykreu.

² Tahe debò sohoji txuu r̄yidi, Pedro, Txiau, Joaō-wana Jesuisi ridyre. Tiiboho sohojile bederatdò-ò roire. Jesuisi tamyrenny rexiwitxiranyre. ³ Ity heka urile rabòtòranyre. Iurahak̄ȳmy relere suròna ratyre heka rauranymy ritoosònyre. ⁴ Tahe tamyrenny dexit̄nynyde Eliasi, Moisesi-wana tahe rarybemyh̄yre Jesuisi-wana. ⁵ Pedro rarybere Jesuisi-ò: —Wawedu, awityhymy inihe kaki ratxirenyreri tahe rikiwinyrennykre inataō hetomy, ijō adee, ijō Moisesi-ò, ijō Eliasi-ò. ⁶ Pedro rieryōlemyh̄yre aōmybo rarybekemy

ruberumyhýremy. ⁷Nonoe dobehede iubòròna bedede ritòbònyre. Tahe rarybere reare rybeuni iy-ribi: —Kia heka wariòre waluu rare. Kaiboho tamy bohòlabenyke. ⁸Tiiboho reteherenyre tahe inyò robiòlerenyre. Jesusilemy robirenyre.

⁹Dobehedeu tahe inydee Jesuisi rarybere: —Uritere inyò-ò tuu ijyòmykre aòmybo tobitemy. Uritere Deuxu Riòre Hābutyhyhyk̄y rubu-ribi rexixareu, tai tahe tuu belyybenyke. ¹⁰Kia rybe wasimy riworenyre. Ixideerenyle wii ritýraxyrenyrene: —Aòmybo rarybereri, rubu-ribi rexixamy nade. ¹¹Tiiboho tamy rýraxyrenyrene: —Aòherekibo bedede ywina erydýy mahādu rarybere Eliasi juhu kanakremy. ¹²Tii rirawyònyre: —Inatyhymy, Eliasi juhu nade. Ibutumy aòna aòna riywinykremy. Tewesebo raritinanymy rýreri: —Deuxu Riòre Hābutyhyhyk̄y aòna aònamy aòhòk̄my rotýraxyrenyrene. Tahe tii inydee awiòhykre. ¹³Adeereny ararybekre: —Eliasi nade. Tule iny ixideewilemy tamy riwinyrenyrene. Kaheka iaòmydýyñana riritinanymy rýre.

¹⁴⁻¹⁵Jesuisi dehemynydeu taerydýyñana mahādu-ò, tahe robire iny sòwehek̄my tahe bedede ywina erydýy mahādu taerydýyñana-wana ritxiònymyhýre. Tahe Jesusimy robireu, tahe tiiboho riumysaònyrenyrene. Raòrunyrenyrene irybedýymy. ¹⁶Tamy rýraxyrene: —Aòmybo tamyreny tatýraxynteri. ¹⁷Inyò rirawyònyre: —Erydýydu, wariòre adee redyreri. Tii tytybybina rybeòhòk̄-di ratxireri. ¹⁸Tytybybina rimyre tahe riatyrene bedede-ò. Idi tahe urile txuu riyiyinyrene. Tahe tii rubureriwesele roire. Aerydýyñana-ò jiarý rarybera tytybybina riteranykremy, tahe tiiboho iruruòhyymyhý. ¹⁹Jesuisi tamyreny

rarybere: —Tiwesebededýyñanabo wijinabòdu ityhyòlemy rýra. Tiwesebededýyñanabo awanarenymy ariijekemy. Wadee uladu bididyke. ²⁰Tahe didydenyde Jesuisi-ò. Jesusimy robireu tahe tytybybina urile raitxýteitxýtenymy resere. Idi tahe urile bedeki rara òhòremy raratymyhý rybexi irywomy ròhònymyhý. ²¹Jesuisi rýraxyrene uladutyby-ò tiubedemybo taheka kaa binana tamy dehemynyde. Tii rarybere: —Uladuylale idi ròrarunyrene. ²²Tiwese wese aòkò idi rehure bera-ò, heòty-ò rahukemy. Aò biwinykeki, jiarýboho biwawiòhenanyke wijile. Kai biwaruxetòdenybenyke. ²³Jesuisi rarybere: —Kai bityhinykeki, ibutumy aòna aòna rýimyhýre. ²⁴Aòwesele uladutyby ryrere idi tahe rarybere: —Jiarý retyhinyrene, biwiòhenanyke aòbo rauhenyrene. ²⁵Jesuisi iny sòwemy robire wii rotyrerimy, tahe riteranyrene tytybybina-ò: —Kai tytyby rybeò tule roholaò iribi bòhònykre, tiu ixityrene malòótyhy. ²⁶Tytybybina ryrere. Uladu ritxýtenyrene idi tahe ròhònyrene. Uladu rubuwesele roire herimy. Tahe iny sòwemy rarybere: —Tii rurura. ²⁷Jesuisi rimyre tebò ritamadýyñnyremy tahe uladu rýre lamamy. ²⁸Heto ralorenyreu ierydýyñana mahādu tamy rýraxyrenyrene: —Aòherekibo jiarýboho tytybybina riteònyòrenyrene. ²⁹Tamyreny rarybere: —Kaiboho bexitòdenybenykeki byreòna-di bonybenykeki, kiawesele heka ròhònykre.

³⁰Iribi ròhònyreneu, Kalileia lowysy-di roirenyrene. Jesuisi heka inyerydýyñderamyhý tai ratximyhýki. ³¹Taerydýyñana mahādu Jesuisi riernanyymyhýre. Jesuisi tamyreny rarybere: —Deuxu Riòre Hābutyhyhyk̄y heka rawahidýykre hāburenyò-ò. Tii hābureny rirubunykre. Idi tahe txu

inataō txuu r̄yidi tahe kedexixakre rubu-ribi. ³²Tiiboho rierykōlere tahe ruberurenire t̄ȳraxid̄ȳki.

³³Idi tahe rehemynire Kafanaō-ò. Ralore heto-ò. Jesuisi tamyreny r̄ȳraxire: —Aōmywe widee tarybetenyteri ryro-ki. ³⁴Tiiboho urile roholarenire rybeōlemy. Ryro-ki dori rarybemyh̄y mowexe wiribi aōnīm̄y rōhōnykre. ³⁵Tahe Jesuisi ronyrenyredi, Jesuisi taeryd̄ȳna mahādu ributunire eryd̄ȳmy: —Inyō juhuludumy rarekemy ratxikeki, tai heka tii ihewoludukre. Tule tii reakre ibutumy deòdumy. ³⁶Tahe Jesuisi uladuō rimyre ris̄nyre iubetya-txi tahe taeryd̄ȳna-ò rarybere: ³⁷—Moō uladu kawese wadee riwiòhenanykeki, riwawiòhenanyre. Moō riwawiòhenanykeki, tule wateòd̄ȳdule riwiòhenanyre.

³⁸Joaō tamy rarybere: —Eryd̄ȳdu, jiar̄yboho tuu rabirenira inyō tyytybybina-di ani-ò rehureriò. Tahe iny mahādureny aōkō rare. Tahe jiar̄yboho tamy reijōnyrenire iny mahādureny dori aōkō rare. ³⁹Tahe Jesuisi rarybere: —Bijōnybenyōkre. Inyō wani-di bedeōby riwinykeki, wanīm̄y heka ibinamy rarybeōtyhy. ⁴⁰Iny òluduōkeki, tii heka iny ijoi rare. ⁴¹Inyō beō adeereny waninamy riwahinykre-wana, kai waeryd̄ȳna dori tate, inatyhymy adee ararybekre. Tii tawahid̄ȳna ritakre. ⁴²Inyō kaa uladu ityhyd̄ȳdu riatykre òraruna-txi, kia heka tamy awire tòti-ki myna ritaamy idi bera-txi rehure. ⁴³Ebòle araatykeki òraruna-txi, juhuule adee awire ebò biòròke. Kia heka awityhykre iny welytyle ralokre biu-ò, tahe awiòtyhykre heòtytòteehek̄y-ò ralòkeki debò inatxi-di. ⁴⁴[Tai mohō ruuòtyhy. Heòty ruuòtyhy.] ⁴⁵Awa araatykeki òraruna-txi, juhuule adee awire awa biòròke kia awire iny rariake awa sohojilemy, awiøre

heka heòtytòteehek̄y-ò ralokre awa inatxi-di. ⁴⁶[Tai mohō ruuòtyhy. Heòty ruuòtyhy.] ⁴⁷Arue araatykeki òraruna-txi, bitake idi behuke juhuule adee awire arue sohoji-di Deuxu lòlò biu-ò ralokre, tahe awiøre heòtytòteehek̄y-ò ralokre arue inatxi-di. ⁴⁸Tai mohō ruuòtyhy. Heòty ruuòtyhy. ⁴⁹Ibutumy iny heka heòty-di rijyyranykre. ⁵⁰Jyyra heka awire, saa wahe. Urile taruru riononykeki, tiwesebo tar̄ys̄na uri ixybyle tawo-ki bitidikre. Kaiboho ibutumy widee eysarenylere.

10 Jesuisi iribi rexitare. Tahe rare Judeia bede bede-ò, tule Jor-daō kanawe-ribi ijà-ò. Iny sōwemy tamy ributunire, tahe tiiboho Jesuisi rierynanyre. Tii reòarim̄y tuu ratximyhyre.

²Tamy lahi rybe-di eryd̄ȳdu mahādu dehemyndenyde irutaad̄ȳrenymy. Tahe tamy r̄ȳraxinyre: —Hābu aōbo tahāwȳy ririleke, awire aōbo ibinare aōbo. ³Tahe Jesuisi tamyreny rirawyònyre: —Aōrybe bede ywina-di Moisesi riernanyre. ⁴Tahe tiiboho Jesuisi-ò dirawyòndenyde: —Tii riernanyre iny tahāwȳy ririkemy. Urile juhuu hāwȳy bede eryd̄ȳna rybe tyyriti riwinykemy, idi tahe tahāwȳy ririkemy. ⁵Jesuisi tamyreny rarybere: —Òhòtitxyre dori Moisesi kia rybe bede ywina adee riwahinyre. ⁶Juhu bedeu Deuxu

riwinyre hābu, hāwȳy-wana.

⁷Iurenana tahe hābu tadibohos̄y-ribi rōhōnymyhyre tai roimyyhyre hāwȳy-wana.

⁸Hābu inatyhy hāwȳy-wana roimyyhyreu, sohoji tyhylemy radenymyhyre.

Iny inatxi inmy aōkō r̄ymyyhyre, sohoji tyhylemy r̄ymyyhyre. ⁹Hābu hāwȳy-wana Deuxu ributunyre, iny iwitxira wiribi ritòhòrarienyòtyhy. ¹⁰Hetowo-ki tahe ieryd̄ȳna

ritÿÿraxinyre kia rybe-ki. ¹¹ Jesuisi tamyreny rarybere: —Aõtxile hãbuõ tahãwyy ririkeki tahe ijõ-wana roikeki, kia heka õtadu rare. ¹² Hãwyy tahãbu ririkeki tahe ijõ hãbu-wana roikeki, kia heka wedena rare.

¹³ Tiiboho tamy didydenyde uladu tamy debò reakemy. Tahe ierydÿÿna ri-ononymy rarybere tamy idyrenyõmykre.

¹⁴ Jesuisi kiamy robireu, rikyaranyre rarybere: —Txio, kididyke uladu wadee. Uladu wese dori Deuxu Iòlõna rare.

¹⁵ Inatyhymy ararybekre: —Moõ heka uladuwesemy Deuxu Iòlõna ralòõkeki, kia heka Deuxu Iòlõna-ò ralòõtyhy.

¹⁶ Tahe Jesuisi rexiranyre uladu manamy taaxio-ò rimyre. Tahe tebò iratyytyre ritidimy tamyreny rarybewihikÿre.

¹⁷ Tahe Jesuisi rydi raloreu, hãbuõ tamy reare. Tahe hãbu iko-txi resere tatiowotimy. Rarybere: —Erydÿÿdu wihikÿ, aõwexe ariwinykre biu-ò hena aritakremy tiiehyymy umywhikÿ-di ararekremy. ¹⁸ Jesuisi tamy rarybere: —Aõherekibo wihikÿmy wadee tarybeta. Hãbu awiõre. Deuxu sohojile tahe awire. ¹⁹ Bede ywina kai teeryte: rubudÿÿõmykemy, tule õta õtaõmykemy, wasiõmykemy, tule ruiõmykemy, iny wii itxenadÿÿõmykemy, adi bityhynykemy, boo tule. ²⁰ Hãbu tamy rarybere: —Erydÿÿdu, kia bede ywina rewinyhyllere, uladuule wijji-ò. ²¹ Jesuisi tamy retehere tuu reõarire tahe rarybere: —Kai sohoji aõmydÿÿnale aki nasiranyde. Kai makre, ibutumy aõna aõna-di bòhònykre, idi tahe idi biwahinykre iny aõkõ mahãdu-ò. Kia tahe aõmydÿÿnadikre biu-txi. Tahe manakre biwaheludunykre. ²² Kia rybe-ki heka hãbu rabadewore. Rexitare ibedewomy urile iaõna aõna sòwetyhyreki.

²³ Jesuisi retehemy iwerura-di tahe rarybera taerydÿÿna-ò: —Kia iny iaõna

aõna sòwemy rÿireri, tamy Deuxu Iòlõna-ò ralòke isirare. ²⁴ Ierydÿÿna mahãdu bede ribedeòtiinyrenyrybe-ki. Jesuisi ixityre rarybere: —Waexiboho, isiratyhy rare Deuxu Iòlõna-ò ralòkemy. ²⁵ Kamelo

tyyorenawo-di ralòkemy isirakeki, kia-ribi isiratyhyre iny iaõna aõnadikreki ralòke Deuxu Iòlõna-ò. ²⁶ Tiiboho bede ratiinyre sòwemy. Widee rarybere: —Mobo tahe iõraru-ribi iny ritakre.

²⁷ Jesuisi iwerora-di retehere tahe rarybera: —Inatyhymy kòãõboka hãbu-ò isiratyhyre. Deuxu-ò tahe ibutumy aõna aõna isiraõre. ²⁸ Pedro rexiranyre rarybere: —Boholake,

jiarÿboho ibutumy rerirenyra arahe-ludunykremy. ²⁹ Jesuisi rarybere tamy: —Inatyhymy adeereny ararybekre. Moõ walukeki, rybewihikÿ luukeki,

kia heka ririkre: heto, taseriõre, tyby tadi-wana, tariõre, tabede, ibutumy ririkre. ³⁰ Wijile itarasamy rarekre: 100 sÿmy, 100 seriõre, 100 tybyboho,

100 tadiboho, 100 tariõreboho, 100 tabede. Iny tamy rarybebinanykre tule. Ijõ bede kanakre tahe taumy tÿmyra-di tiiemy rarekre. ³¹ Tahe sòwere juhu ludu ihewomy ròhònykre. Ihewo ludu ijõ iko-ò ròhònykre.

³² Tiiboho rydi raòwònyrenyryre Jerusalē hãwã-ò. Jesuisi heka rare ikorenymy. Ierydÿÿna mahãdu bede ribedeòtiinyre. Tiiboho Jesuisi riheludunymy ihewo-ribi. Tahe Jesuisi reraòmyhÿ idi rare waòinatxi reurò taerydÿÿna mahãdu-wana. Tii relyyre ixityre aõbo ixidee kÿnyikremy. ³³ Boholabenyke inyboho roirenyreri Jerusalē-ò. Kowa, jiarÿ

Deuxu Riõre Hãbutyhyhykÿ, inyõ riwawahinykre Deuxu aõmysÿdÿÿdu mahãdu wedu-ò, bede ywina erydÿÿ mahãdu-ò. Kia warubudÿÿmy

riwawahinykre tori-ò. ³⁴ Tiiboho kidiwalahikre. Watyre kanarybexinykre.

Òhòte-di kidiwahātenykre. Idi tahe kidiwarubunykre inataō txu-di. Tahe rubu-ribi adexixakre.

³⁵ Joaō, ijō Txiau, wii Zebedeu riòre, tamy nade. Tahe rarybere: —Erydỹydu, kai aōma aō wadeereny biwahinykre.

³⁶ Jesuisi rarybere: —Aōbohe jiarỹ adeereny ariwahinykre. ³⁷ Tahe tamy rarybere: —Kai, aiòlōnasỹ-ò kedeheminykre,

aruruwe-ribi aronykre, waseriòre ahywewe-ribi ronykre. ³⁸ Tahe Jesuisi rarybere: —Kaiboho teeryòlemahāte aōmybo textitōnyteri.

Kaiboho aōbohe wabemona-di biōbenyke idi Jerusalē-ò adiōkremy wahāredi. Kaiboho aōbohe wasebena-di mohōlebenyke idi jiarỹ anohōkremy wāhāredi. ³⁹ Tiiboho dirawyònyde: —Kohe tulekre. Jesuisi tamyreny rarybere: —Bemona-di ariōkre kaiboho tule idi biōbenykre.

Sebena-di jiarỹ adohōkremy, kaiboho tule idi mohōbenykre. ⁴⁰ Tahe mobo wabire ronykre ruruwe-ribi hywewe-ribi kia heka jiarỹle ariwahinyōkre. Kia tahe iyubudỹmy rỹireri Deuxule kidiwahinykremy.

⁴¹ Tai debòwiò erydỹyna mahādu heka Joaō-ò, Txiau-ò tamyreny iky reare. ⁴² Jesuisi tamyreny rarybere: —Kaiboho teerytenyete toriwedu irurusōwe dire. Iny nihikỹ heka inymy deòdu luure.

⁴³ Jesuisi kiamy rarybere: —Kia wese tahe aworeny-ki aōkōkre. Kaiboho aōtxile mobo bōityhynyhykre, ijō iny deòdumy rarekre. ⁴⁴ Mobo juhutyhy rarelekre, deòdumy rarekre.

⁴⁵ Deuxu Riòre Hābutyhyhykỹ nade teòdu sōwekemy aōkō tahe ixilemy reòdunykeny. Nade taumy wahidỹmy sōwemy iny tarasamy.

⁴⁶ Idi tahe roire ljeriò hāwā-ò. Jesuisi taerydỹyna-wana iny sōwehekỹ-wana ròhònyrenyra. Tahe rahare Bartimeu ruetāhākỹ-ki. Bartimeu tahe Timeu

riòre rare. Tii ronyre rywe-ribi aōna aōnamy rexitōenyneri. ⁴⁷ Tii roholare Jesuisi Nazare ludu kia rare tahe tamy raryra: —Jesuisi, Davi riòre, wadee maruxetòekre. ⁴⁸ Sōwemy tamy rarybere: —Rybeōmyke. Tahe aōhe-wana tii rarybemyhỹre: —Davi riòre wadi mawotòeke. ⁴⁹ Jesuisi raryre tahe rarybere: —Tamy byryke wadee kodoikemy. ⁵⁰ Tahe rexitare rỹre, wylemy nade Jesuisi-ò. ⁵¹ Jesuisi tamy rarybere: —Aōmybo kai taruteri adee ariwahinykremy. Tahe hābu ruetāhākỹ tamy rarybere: —Wawedu, ixityre arobikremy. ⁵² Jesuisi tamy rarybere: —Makre, atyhydỹyna kai arateytenyra. Kiahe rare. Aōwesele ixityre tii robire. Tahe Jesuisihemy rare, ryki.

11 Jerusalē iòhòmy ritehe-mynyrenyreu, tahe inatxi taerydỹyna riteònyra hāwā-ò. Inatxi hāwā-ò iòhòmy, Betabaji, Betỹnia-wana. Kia-ò Oliveira hāwālò roire. ² Jesuisi rarybere: —Kaiboho boikre kowa hāwā-ò. Kowa-ò birònykre jumentinho mahabenykre. Moheka ityre rariaōlemy ratximyhỹre. Bieseke, wadee bididyke. ³ Inyō adeereny rarybekeki: —Aōhekremybo idi atxitenyteri. Tahe tamy marybebenykre: —Wanyrỹ tuu rurureri. Ixityre kaò kidiòkesedỹnykre. ⁴ Tahe hābu roire. Jumentinho ryo hetoiò-ki ritisanymy rỹimyhỹ. Tai riesere. ⁵ Kia hāwā mahādu rarybere: —Aōherekibo jumentinho kaiboho tetatenyta. ⁶ Tai tiiboho Jesuisi rybe tamy riwahinyra. Tai hāwā mahādu jumentinho riwahinyre. ⁷ Tahe ridyreny jumentinho Jesuisi-ò. Tiiboho tatyreny ritidirenyre jumentinho tyremy. Tiiboho risỹnyrenyre Jesuisi ityre-ò. ⁸ Ijōboho tahe horerule ritidire ryromy, ijō tahe tauwòhi ryromy ritidire ityre rariakemy. ⁹⁻¹⁰ Ihewo ludu, iko ludu rawyhyrarònyneri, tule raryrer: —Tii heka wowydyna rare. Tii heka Wanyrỹ

niwesekekemy naderi. Wowydyna rare iny labie Davi Iòlòna. Kai Iòlòna kanakre. Wyhyrarò biu-txi kodoholakre.

¹¹ Kia wese Jesuisi ralore Jerusalē-ò. Dohodỹyna heto-ò ralore, ibutumy retehere, idi tahe ròhònyre txiorotyhyreki. Tahe Betỹnia-ò roirenyre.

¹² Ijò txu biòwamy tahe Betỹnia-ribi rexitarenyre tahe tii rama rahure.

¹³ Òwòru figueira rademy robirenymy irehe-ribi. Tahe tamy ritehemynyre iraty-ki raharenyòlere, aòmyreki figueira raty bededỹynanamy aòkò bede rỹimyhỹre urenana. ¹⁴ Òwòru figueira-ò Jesuisi rarybere: —Tiu heka moò araty ritòòtyhy. Tahe ierydỹyna roholare.

¹⁵ Tahe ritehemynyrenyre Jerusalē hāwā-ò. Tahe Jesuisi dohodỹyna hetowo-ò ralore. Tahe kia-ribi aòna aòna-di rohonymyhỹre mahādu, òbradu mahādu diteònyde. Tahe nieru wibydỹydu mahādu, òwòrubesedỹy-di Jesuisi rehure. Bòtòe dinodu mahādu rynana-di Jesuisi rehure. ¹⁶ Inyò heka ritxyydỹynyòlere dohodỹyna hetowo-ki. ¹⁷ Rierynanymyhỹre tahe tamy rarybere: —Raritidỹyòlemy aòbo rỹireri:

Waheto kōaòboka inatyhymy ibutumy iny witxira witxira dee ixitòedỹyna hetomy rỹirakre. Waheto tewinytenyte wasidu hetowesele.

¹⁸ Bede ywina erydỹy mahādu, Deuxu aòmrysỹdỹydu wedu mahādu roholarenyre, ròhòtinyrenyre: —Timybo inyboho Jesuisi rubudỹymy rokiwisỹnykre. Tiiboho ruberumyhỹrenyre iny sòwemy dori bede riòtiinymyhỹ ibedeerydỹynarenre-ki.

¹⁹ Txioromy dehemynydeu, tiiboho rexitarenymyhỹre hāwāhākỹ-ribi.

²⁰ Txu ròhòny-di, rehemynyrenyre òwòru figueira-ò. Tiiboho robirenyre rarubumy rỹireriò, taru-wana, tararoti-wana. ²¹ Pedro ixi-txi tōhòti reare tahe rarybere: —Erydỹydu, betehe

inihe aòma òwòru figueira rarubumy rỹire arybebina-di tamy tarybetaki. ²² Jesuisi dirawyònyde: —Kaiboho Deuxu bityhynymyhỹbeny. ²³ Inyò rarybekeki kaa bede ratòdhòkỹ-ki: —Kai myike, adi adehu rỹikre berohokỹ-ki. Tahe irybe heka kedelekre. Tai inyò rityhynykeki, tumy heka kedelekre.

Tahe uritere iseòdỹyòmykre urile bityhynykre, irybe heka kedelekre. ²⁴ Iurenana adee ararybekre: —Aòtxile aò bexitòenykre, kia heka bitakre. Bityhynykeki, inatyhymy bitake. ²⁵ Kaiboho texitòenytenyteri wana aòbo inydee akymyhỹre kia biixāwididỹynymyhỹke ratximyhỹre, Deuxu dori riixāwididỹnyke aòrarureny-ribi. ²⁶ Kai iny witxira òraru biixāwididỹynyòkeki, boo biu-ki ratximyhỹre aòraru riixāwididỹynyòkre.

²⁷ Tiiboho ixityre doide Jerusalē hāwā-ò. Ririranymyhỹrenyre dohodỹyna hetowo-ki, bede ywina erydỹy mahādu, Deuxu aòmrysỹdỹydu wedu mahādu, matuari mahādu tamy doide. ²⁸ Tiiboho tamy ritỹyraxirenre: —Mowe atèdỹydu kia aòna aònany tatỹynymyhỹte. ²⁹ Jesuisi dirawyònyde: —Adeereny tule arāyraxikre. Kaiboho bidiwawyònykeki, tahe jiarỹ akoreny yraxina arelyykre, aòrudibo aòna aòna rewinyumyhỹre. ³⁰ Tahe Jesuisi ritỹyraxinyre: —Ratyysebedỹyna, Joaò hōrò, kia heka tiribibo nade, biu-ribi ada hābu mahādu-ribi. Kia manarybeke. ³¹ Tiiboho widee rarybera: —Biu-ribi inyboho raryberenykeki, tai tii rarybekre: —Aòherekibo tahe tii tetyhynytenyòte. ³² Hābu-ribi inyboho raryberenykeki, iny aruberumyhỹrenyre. Ibutumy iny rityhynyre Joaò heka Deuxu rybedu raremyhỹ. ³³ Tai tahe tiiboho raryberenyre: —Inyboho reeryòrenyre. Tai tahe Jesuisi rarybera: —Hebo, jiarỹ

adee arelyyötyhy modeòdÿÿdubo jiarÿ watxireri.

12 Iribi tahe Jesuisi tamyreny ijjy-di riernanymyhyre: —Häbu uva oworuò wese ròbròre. Tahe riòtitynyre. Tahe hāloo riare oworuubetya-ki, ruÿdÿÿnyny. Tahe utò riwinyre. Idi tahe rihuòtere häbu mahādu-ò. Tahe rexitare tasÿ-ribi ijò bede-ò. ²Tahe bederatysiredemy bededÿÿnana rehemynyreu, iwedu teòdu riteònyre bederaty ritakemy. ³Huòtedu mahādu teòdu rimyreny, rihetenyre tahe riteònyre ixihyykemy. ⁴Ixityre oworuwedu teòduò riteònyre. Kia heka irati rihetenyre ta tamy rawobinarybenyre. ⁵Ijò riteònyre. Kia heka rirubunyrenyre. ⁶Tahe oworuwedu iriòre sohojilere, tahe iluumy raremyhÿ ihewomy tii riteònyre. tahe wedu rarybere: —Wariòrele heka tiiboho rityhynyrenykre. ⁷Kia huòtedu mahādu widee raryberenyre: —Kia heka wedu aōna aōna tarasadu rare. Rikirubunykre tahe iaōna aōna indeerenykre. ⁸Tahe rimyrenyre idi rirubunyre tahe idi rehurenyre oworu-ribi. ⁹Jesuisi ritÿÿraxinyre: —Aòhebo tahe oworuwedu rotÿÿnykre. Tii kodoikre huòtedu mahādu hudumy, tai tahe oworu riwahinykre inywitxira-ò. ^{10–11}Ritina-di aōbo tariaòletenye kia ryberiti:

—Mana-di hetowidÿÿdu rehura. Kia mana heka hetohàtxi-ki ritidimy doide. Kia heka Wanyrÿ riwinyre kia iny ruereny dee aōna aōna nihikÿ rare.

¹²Tai ijohonadu mahādu Jesuisi mynyny ratximyhy tii dori rierye ixidee lau Jesuisi ijjymy relymyhyre. Tiiboho ruberurenyre iny sòwehekÿ lau. Tahe rexitarenyre, rexixāwidinyre.

¹³Idi riteònyrenyre Lahi rybe-di erydÿÿdu mahādu, Herodi mahādu-wana tamy imynamy

irybe-ki. ¹⁴Tiiboho rarybere Jesuisi-ò: —Erydÿÿdu, jiarÿboho araerymy adi watxiwāhärenyre kai inatyhy hābu tate. Iny ibutumy adee wiwese wiweselere. Inatyhymy iny-ò Deuxurymy teernanymahāte. Tahe tiiboho ritÿÿraxinyrenyre: —Awire aōbo ada ibinare aōbo nieru rawahinymyhyre bede dinodu-ò. ¹⁵Timybo tahe, rikiòwyny aōbo ada aōkòre aōbo. Jesuisi riernymyhyre tòhòtinanareny, tahe ritÿÿraxinyra: —Aòherekibo kaiboho tiwaurihitenyteri. Wadee womati nieruò bidiwy waitxerenamy. ¹⁶Tahe tamy diwydenyde. Tahe tii ixityre ritÿÿraxinyra: —Kawe moò tyytarasana rare, katahe moò tyyritina rare. Tiiboho dirawyònyde: —Kiahe bede dinoduhòrò rare. ¹⁷Jesuisi rarybere: —Hÿdebo, bede dinoduhòrò tahe tamy biwahinybeny tule tahe Deuxu aōna aōnahòrò tamy biwahinybeny. Tiiboho bede riòtiinyrenyre.

¹⁸Saduseu mahādu tamy nade. Kia heka iny rubu-ribi rexixamy aōkòre-riki riernanymyhyre. Tiiboho ritÿÿraxinyre Jesuisi: ¹⁹—Erydÿÿdu, Moisesi raritinyra bede ywina-di: —Hābuò rurukeki, tahāwyy iriòre ijòdiòkeki, tahe kia hāwyy tahābu seriòre-wana roike. Iriòredikre taseriòre rubuòwymy roike. ²⁰Seriòre debòinatxi reuròmyny raremyhÿ. Juhuu ijò roire hāwyy-wana. Tahe tii rurure iriòreòlemy. ²¹Tahe ihewo ludu iseriòre wyttese-wana roire. Tii rurure iriòreòlemy. ²²Ihewoludutyhy tule ibutumy roire wyttese-wana, tahe ituerenyre iriòreòlemy. Iròòbymy tahe hāwyy tule rurure. ²³Ixixanau tahe mohābubo tuu rarekre. Ibutumy dori wyttese-wana roire. ²⁴Tai tahe Jesuisi tamyreny rarybere: —Kaki kaiboho teòsamy toite aōma ritina teeryòtenyteki. Tule Deuxururu teeryòtenye. ²⁵Ixixanau

heka moō roiōtyhy. Ibutumy iny yju wese rarekre biu bedexi. ²⁶ Kaiboho aōbo tatyyritinytenyōta iny rubu-ribi kedexixakremy. Kia heka raritiny my r̄yire Moisesi tyyriti-ki, òwòrusōmo ijyy-ki r̄ymyhy. Iwese Deuxu rarybere Moisesi-ò: —Jiar̄y heka Abraō Deuxu rare. Ijai Deuxu rare. Ijaò Deuxu jiar̄y rare. ²⁷ Jiar̄y heka rubu mahādu Deuxu aōkō rare, tahe iru mahādu Deuxu jiar̄y rare. Kaiboho teòsamy toite.

²⁸ Bede ywina eryd̄ȳ mahāduō nade ijohonamy. Tahe tiiboho widee rarybereny my roholareu, Jesuisi tamyreny rirawyònywihik̄yreu, tahe tii Jesuisi-ò rit̄ȳraxinyre: —Tibo rybe bede ywina juhuure. ²⁹ Jesuisi rirawyònyre: —Ka heka juhu ludu rare: —Boholake Israeli mahādu, judeu ijoi mahādu wahe. Wanyr̄y, iny Deuxu sohojile rare. ³⁰ Kia aDeuxu luuke ibutumy awo-ribi, aumytytyby-ribi, ibutumy aruru-ribi. ³¹ Ka heka ihewo ludu rare: —Kai abireluduluuke iwese ixiluuke wese. Ijō bede ywina heka ka ratyreōre. ³² Tahe Bede ywina eryd̄ȳ mahāduō rarybere: —Inatyhymy kai tarybeta. Deuxu heka sohojile ratximyhȳre. ³³ Ibutumy awo-ribi iluukemy. Ibutumy aruru-wana iluukemy. Tule ibutumy aeryna-wana iluukemy. Iwese kai ixiluure wese, abire ludu mahādu luukemy. Kia heka ibutumy iròduxiweloo ratyre rare. Ibutumy wahid̄ȳnalood̄ȳna ratyre rare. ³⁴ Jesuisi rieryre kia hābu rirawyònywihik̄yreu tai tamy rarybere: —Kai heka Deuxu Iòlōna-ribi irehemy aōkō. Tai tahe ibutumy ilau ruberure t̄ȳraxid̄ȳki.

³⁵ Jesuisi dohod̄ȳna heto-ki riernanymyhȳreu, rarybere: —Timybo Bede ywina eryd̄ȳ mahādu rarybemyhȳre Kristu Davi riòre raremy. ³⁶ Davi rarybere aōmybo Deuxu Tyytybytyhy tamy narybedemy:

—Wanyr̄y rarybere Wanyr̄y-ò: —Bodony warurunawe-ribi. Txiòhe rare, aòludu awarawo-txi aritidikre. ³⁷ Tahe Davile Wanyr̄y rininire. Timybo tahe Davi iriòremykre. Tahe iny sōwemy deysana-di roholarenmyre.

³⁸ Tii riernanymyhȳreu, rarybera: —Bexiemyhȳbeny bede ywina eryd̄ȳ mahādu lau. Tiiboho heka tyyrehe-di riraluurenmyre. Tiiboho heka rybed̄ȳluurenmyre hāwāhāk̄y riranaki. ³⁹ Dohod̄ȳna heto-ki juhurnana luurenmyre. Tule ta anar̄ȳ r̄yiwana, juhu ryanadile tamyreny awire. ⁴⁰ Tiiboho tule wytese urimynydu aōna aōna ritarenmyre. Ixitòed̄ȳna rehehek̄y rexitòdenymyhȳrenmyre. Tiiboho heka aōnihik̄my aōhōk̄my d̄ȳnnana riòwynyrenmykre.

⁴¹ Jesuisi retehemy r̄ymyhȳ dohod̄ȳna heto nieruhyna ratya-txi. Tii retehere timybo iny sōwemy tanieru-di tamy rehemyhȳ. Tahe ityhynihik̄y tamy sōwemy nieru-di rehure. ⁴² Tahe nade wytese iaōkōdu mahāduō tii rare. Tii inatxi nieru sōmo-di rehure. Tanieru tahe nierukonana rare. ⁴³ Jesuisi ryryre taeryd̄ȳna-ò: —Inatyhymy adee araybekre. Kowa heka wytese nieru-di rehure ibutumy iny witxira ratyre. ⁴⁴ Kaa mahādu ibutumy nieru-di rehure rauhenyredile. Tahe wytese idi rehure ibutumy tanieru-di rexihumy taumy-ribi idi rehure.

13 Dohod̄ȳna heto-ribi ròhònyreu, ieryd̄ȳna tamy rarybere: —Eryd̄ȳdu, beteheke inihe mana nihik̄y-ò, hetohok̄y-ò. ² Jesuisi rirawyònyre rarybere: —Kaiboho betehebemykre heto nihik̄y-ò. Kia heka mana ijō wityre-ki r̄yiōtyhy, ibutumy heka kedejuxunykre.

³ Oliveira bederatdòdhòk̄y-ki tii ronyreu dohod̄ȳna hetoko-txi, tahe Pedro, Txiau, Joaō, ibutumy tamy doide r̄ȳraximy iny-ribi irehemy. ⁴ Wakoreny

bedelyyke, tiubo kia kŷnyikre. Ibutumy aōna aōna kŷnyikre wana tibo iny bedeerynyrenyke. ⁵ Jesuisi rexiranyre tamyreny rarybere: —Kaiboho anaitxenanydenyheny lau bexiebenyke. ⁶ Sōwemy dori roikre wanimy rarybemy rarekre: —Jiarŷ dori Kristu rare. Tahe iny sōwemy anaitxenanykre. ⁷ Kaiboho wounarybe-ò, aōbinarybe-ò, boholakreu, breburenyōmykre. Kia heka kanakremy ratximyhŷre. Urile bededŷŷnana ikonanamy aōkōhyylemyhŷre. ⁸ Uritere inylahinareny, ijōlahinareny-wana wii kidiaōbinanykre. Tule iōlōna mahādu ijō iōlōna mahādu-wana wii kidiaōbinanykre. Bede bedesu ijō hāwā-ki kanamytatakre. Tahe aōkōre rama kedeakre. Kia heka juhu aōhōkŷmydŷŷnana rarekre.

⁹ Kai bexiekre anamydenyheny lau. Tiiboho anawahinydenykre aōludu wedu-ò, iōlō-ò. Tiiboho anahatenydenykre dohodŷŷna hetowo-ki. Kiabohoko-txi wadee kaiboho kedelyyke inatyhymy aōna aōna rŷiremy. ¹⁰ Rybewihikŷ juhuu ibutumy bede hāwā hāwā-ò kidityndŷŷnykre. ¹¹ Tiubo aradyrenykeu, urile nohōtiōmy aōbo kaiboho marybebenykre. Kiautyhyle aōmybo rarybekremy bierykre. Kia tahe marybekre. Kai dori aōkō tarybemahāte, Deuxu Tyytybytyhy tahe rarybemyhŷre. ¹² Seriōre seriōrele wii kidirubunykre. Tyby heka tariōre kidirubunykre. Uladule tadi, tyby kidirubunykre. ¹³ Ibutumy heka iny iy kedeakre wani òraru-ki. Kia heka ikonana-ò rijjekreu, taumy tarasanakre.

¹⁴ Aōna aōna binahakŷ kanakreu, ibutumy rahukemy. Tiiboho kanakeu itxinonana-txi aōkō rarekemy, kaiboho mahenybenykre bederatōhōkŷ-ò, Judeia hāwā hāwā-ki ratxikeki, mahenybenykre. ¹⁵ Inyō hetotyre-ki ratxikeki, urile ròteōmy aōna

aōna wydysymy. ¹⁶ Inyō bedero-ki ratxirekeki, uritere òkeseōmy ty òrysymy. ¹⁷ Kobexe heny hāwyy bōtōmy rŷira, tule hāwyy tariōre ritōnymy rŷira. ¹⁸ Bexitōenykre kia kanaheny bededŷŷnana sirau. ¹⁹ Aōhōkŷmydŷŷnana kanakre tiu heka tuuōre. Juhule Deuxu bede riwinyreule wiji tuu yrubule bede roimyhŷre. Tiu heka kiamy bede roiōtyhy aōhōkŷmydŷŷnanamy. ²⁰ Deuxu bede iōhōmy rirawetyyòròkeki, moheka irumy ròhònyōtyhy. ²¹ Inyō adee rarybekeki: —Kaki heka Kristu ratxireri. Kowa-ki ratxireri. Uritere ityhydŷŷōmy. ²² Sōwemy Kristu kanakre, urile Kristu inatyhy aōkō rarekre. Tule Deuxu rybedŷŷdu kanakre. Kia Deuxu rybedŷŷdu inatyhy aōkō rarekre. Tiiboho heka bedeòby riwinykre tule bede eryna. Deuxu hōrō riitxenanykemy inatyhymy kōaōboka. ²³ Kaiboho warybe biyrubunykre. Adee ibutumy juhuule reòbitinyre.

²⁴ Idi webòhōna rŷira txuu, aōhōkŷmydŷŷnana itue-di, txuu heka rurunykre. Ahādu tule rurunykre.

²⁵ Taina heka kedejuxunykre biu-ribi. Biururu raòweòwenykre.

²⁶ Iny retehekre Deuxu Riòre dehemynyna-di. Biurawetyky-ribi kodobehekre. Kia heka lobixina kanabòtòranykre. ²⁷ Tahe taŷju kiditeònykre tawedu ijoihōrō butudŷŷmy.

Kidibutunykre ibutu bede bede konana-ribi, tule ibutu biukonana-ribi.

²⁸ Tahe figueira òwòru-ribi erydŷŷna bierybenykre. Tahe iruru raixinykre tahe, txiru ròhònykre, tai tahe bierybenykre wyra iōhòreri. ²⁹ Tule kia aōna aōnamy bobibenykre, tii iōhòlereri. Ijòkile wese nyide. ³⁰ Inatyhymy adee ararybekre, kia

wijnabòdu itueòtyhy aóna aóna rýikre hārele. ³¹ Bui, bede-wana ituekre, tahe warybe itueòtyhy. ³² Moò heka rieryòtyhy tiubededýñnanamybo tii kòdòðsekre. Tule ýju biutxile rieryòre. Tule iriòre rieryòre. Tule tyby sohojile rieryre.

³³ Kaiboho bexieke, beteheke. Kai dori teeryòtenyete tiubededýñnanamybo kòdòðsekre. ³⁴ Kedeheinykremy dori iwese hābu týmy rarewese tii rex-itareu, ririre tadeòdu. Tadeòdulemy tule ridyre itxeredu retehemyhýkemy. ³⁵ Tahe betehe inihe teeryòteri dori tiubo kanakre heto wedu, txioromy ada ruwetya aòbo, ada hānie hābu rry-di aòbo, ada txumy aòbo. ³⁶ Betehe in-ihē iny araraòòlemy tii rehemynyteri aki rahakre atýi-ò. ³⁷ Aóna aónamy jiarý rarybemyhýre, rarybera ibutu-ò: — Biijebeny.

14 Kia-ribi inatxi txumy riuhenymy ratxireri anarýý kodohònykremy. Kia anarýý wehityhynamy heka iny ratya-di reare. Tule orotxu anarýý kia ròhònyre. Tule Deuxu aòmýsýdýýdu wedu mahādu tule bede erydýýdu mahādu Jesuisi rymykemy ratxireri idi rirubunykemy. ² Tiiboho rarybemyhýrenyre: —Kiahe aòkòre anarýý rýireriu, iny sòwemy inydeereny kana aòbinanyheny.

³ Jesuisi Betýnia hāwā-ki ratximyhýu, Simaò tyybina heto-ki ratximyhýre. Jesuisi òwòru besedýýbire-ki roimyhý. Tahe hāwyy aderòna òwynihiký-di lýnyrena wihiký-di nade. Tai ihyna riwebòhònyra tahe Jesuisi ratityre-ò ritxiwira. ⁴ Inyòreny rexiykaranyke. Tahe widee rarybera: —Aòherekibo aderòna rahura. ⁵ Inywitxira tahe iòwynykewi sòwemy nierumy kia-ò. Kia nieru-di tahe iny aòkòdu-ò rawahidýýnykre. Tahe tiiboho rexibynyteri hāwyy dee. ⁶ Tahe Jesuisi rarybere: —Txiohe rare, uritere

ixibydýýòmyke. Tii heka aòwihikýbo wadee riwinyra. ⁷ Kiamy aòu aòu iny aòkòdu rýikremy. Aòule heka tamy aòwihiký biwinybenyke. Jiarý tahe, aki aòu aòu aòkòlekke. ⁸ Tii heka rexikonananymy ròwidýýre. Aderòna-di watyre ritxiwire wabede-ò jiarý raòule. ⁹ Inatyhymy adeereny ararybekke. Aòtxile Deuxu Rybewihiký iny relyyke. Kia-ò kahāwyy iyyymy relyyke, ibutumy iny idi ròhòtinkykremy aòbo riwinyredi.

¹⁰ Tahe Judasi Isariò Deuxu aòmýsýdýýdu-ò rara Jesuisi tamy rawahidýýkemy. ¹¹ Tiiboho tamy roholarenyre, reysare. Tahe tamy nieru riwahinykemy riurenanyre. Tahe Judasi riijemyhýre aòu aòu bedewihiký tamyreny riwahidýýnykemy.

¹² Juhu orotxu anarýýtxure budoeni xiweloo rirubuny rahudi tahe Jesuisi erydýýna mahādu tamy rarybere: —Titxibo anarýý rýsýnamy biroxikemy atxiteri. Jiarýboho kowa-ò aroikre. ¹³ Tahe Jesuisi tamy rarybere: —Kaiboho boikre hāwāhāký-ò. Tahe hābu-wana wii biòbynykre butxi-di riwyteriò. Tahe tii biheludunyenye. ¹⁴ Aòtxile hetoò-txi ralòke, kaiboho marybebenyke hetowedu-ò: —Waerydýýdu rarybera: —Titxiwexe anarýý rýsýna arirýsýkre waerydýýna-wana. ¹⁵ Tii heka adee kiditeòsinykre hetowowitxiraò biu-txi. Ibutumy rexihumy rýire inydeereny. Kowa rýsýna inydeereny biwinykre. ¹⁶ Tahe ierydýýna rexitare. Roire hāwāhāký-ò. Tahe ròhònyre iwese Jesuisi relyyre wese. Tahe ibutumy rexihurenyre anarýý-ò.

¹⁷ Txiorou Jesuisi nade taerydýýna waòinatxi reurò-wana. ¹⁸ Tiiboho òworubesedýý riroximahāu, Jesuisi rarybere: —Kaiboho wawana teroxitenyteri sohojiò biwawahinykre. ¹⁹ Tahe urihimýò rexiranyre

rabedewomy. Tahe widee raryberenyre: —Jiarÿle heka ariwahinykre. ²⁰Tii rirawÿnyre: —Kaiboho, waðinatxi reurò mahādu sohojiò. Kia mahāduò orotxu-di wawana rebenymhÿ besero-ki. ²¹Inatyhymy Deuxu Riòre Hābutyhyhykÿ rakre iwese iritina rÿirewesele. Kobexeheny kowa hābu heka kidiwahinykre. Tamy iny awire kedeālede.

²²Tiiboho riroxireriu, Jesuisi orotxu rimyre, raorore, rexitðenyre, tahe tamyreny riwahinyre. Rarybere: —Āhāxe, kia heka waumy wese rare. ²³Tahe vīlhyamona rimyre, rexitðenyre, tahe tamyreny riwahinyre. Ibutumy ibute bute iribi tuu riðrenyre. ²⁴Tamyreny rarybere: —Kia wāhālubu wese rare. Kia hālubu heka rybe tÿmyra ywidÿÿna hālubu rare. Kia inyboho kidinohōtijuadenykre. Wahālubu heka kedejuxunykre iny rabòrònihikÿ dee. ²⁵Inatyhymy ararybekre: —Ariðōtyhy heka òtetibederatyrube tÿmyra ihyy tahe tiutxumybo Deuxu Iòlòna-ki ariòkre.

²⁶Deuxuwimy rawinyrenyre, tahe rexitarenyre Oliveira bederatòðhòkÿ-ð.

²⁷Jesuisi tamyreny rarybere: —Kaiboho ibutumy wijirumy biwaribenykre. Kia heka iritina rÿire. Itxeredu tahe riròrenykeki, budoeni rahenykre.

²⁸Tahe rubu-ribi adexixakreu, arakre akomy Kalileia-ð. ²⁹Pedro rarybera Jesuisi-ð: —Ibutumy ararikeki, arariðtyhy. ³⁰Jesuisi tamy rarybera: —Inatyhymy ararybekre. Wijirumy hāniehābu inatxi kydrykreule, kai iny witxira-ð biwatxiōnykre inatāð bedemy. ³¹Tahe Pedro rarybera tarurutyhymy: —Aòkòre, aratxiōnyōtyhy, ihārele tahe awanale arurukre. Ijò mahādu tule kia wese rarybera.

³²Tahe roire Kesemani hāwāmy ninadu-ð. Taerydÿÿna-ð rarybera:

—Biwaraðmy bonykre kakile. Kowa-ð arexitðenykre. ³³Tii ridyrenyre Pedro, Txiau, Joaō-wana. Jesuisi rexiranyre rabedewomy ihyy rexitðenyre. ³⁴Tahe tamy rarybera: —Watyytyby heka rabedewomy ratxireri rubuhyy-ð. Kaki bonykre biijemy. ³⁵Tahe iko-txi urihimyo rareu, resere. Rexitðenyre: —Waha, adee arexitðenykre. Adee awikeki, kia òraule tiu waròteona. ³⁶Tii rarybere: —Waha, adee ibutumy isiraòre. Kia bemona inyhe waròbi bitake inihe. Tahe wadeewi wadeewi-ki aòkò watxireri, tahe adeewi-ki. ³⁷Tii rehemynyre tai rahare rōrōrenymy roirerið. Rarybere Pedro-ð: —Simað, Taròteri aòbo. Biijeōtyhy sohoji òramy bededÿÿnana. ³⁸Biijebenykre, bexitðenykre, uritere rutaanamy ròteōmykre inatyhymy atyytyby irurudire tahe ade iruruòre. ³⁹Tahe Jesuisi ixityre rare rexitðenyre ixiwesele. ⁴⁰Ròðsereu, ijò-ki rahare rōrōmy ixiwesele, irurureny rautxienymhÿ dori. Tiiboho rierykòre idi rirawÿnyrenyre. ⁴¹Tahe ixbyle ròðsere tahe rarybere: —Moròbeny bexielehynybeny. Òra iòhòreri. Kia heka Deuxu Riòre Hābutyhyhykÿ kanawahidÿÿkre òrarudu mahādu-ð. ⁴²Bitÿmynybenyke, rokoireny, walòsedÿÿdu iòhòmy rareri.

⁴³Tii rarybereriu, aòwesele Judasi nade. Kia heka waðinatxi reurò mahāduò rare. Tii-wana doide hābu mahādu mayrehe-di, òhòtemy debòna. Kia heka hābu mahādu doide matuari mahādu-ribi, Bede ywina erydÿÿ mahādu-ribi, Deuxu aòmÿsÿdÿÿdu wedu-ribi. ⁴⁴Lòsedu tamyreny juhuu bede eryna riwahinyre. Kawese heka rarybere: —Kowa heka inyò-ð aruwokre, tii heka hābu rare. Bimybenykre, birarenymybiwihikÿkre. ⁴⁵Judasi rehemynyrenyre, tahe rarybere: —Wedu, wedu. Tahe

tamy ruwore. ⁴⁶ Juda ijoi Jesuisi rimyra. ⁴⁷ Kia ijoiō mayrehe ritare tahe Deuxu aōmys̄d̄ȳdu wedu deòdu nohōti riorore. ⁴⁸ Tahe Jesuisi dirawònyde: —Kaiboho mayrehe-di tiwaòrynteri wasidu-wesemy aōmy, òhòte-di. ⁴⁹ Jiar̄y tahe dohod̄ȳna heto-ki watximyh̄y txuō txuōlemy adeereny araerynanywāhādenyde. Kowa-ki heka tiwamyōlemyh̄ytenyde. Tahe aōbo iritina-ki r̄yireri, kia heka k̄nyikremy. ⁵⁰ Ibutumy ieryd̄ȳna mahādu ririrenrye, rihenyrenrye.

⁵¹ Kia heka hābuō riheludunymyh̄y tyy tayredile rexityynymy tiiboho ridyrenrye. ⁵² Tii tahe tyy ririre tahe rahenrye tadelemy.

⁵³ Deuxu aōmys̄d̄ȳdu wedu-ò tiiboho Jesuisi ridyre. Bede ywina eryd̄ȳ mahādu, matuari mahādu-wana ributunrye. ⁵⁴ Pedro riheludunrye irehetyhytyhymy. Rehemynrye Deuxu aōmys̄d̄ȳdu wedu heto-ò. Tai tahe ixitòteenymy heòtywera-ò rorukumyh̄y heto itxeredu mahādu-wana. ⁵⁵ Deuxu aōmys̄d̄ȳdu mahādu wedu, tule dohod̄ȳdu mahādu alobixidu riijemyh̄y aōlemy Jesuisi òludu relyymyh̄y, Kia òraru-ki rirubunrenykemy. Rahaōre. ⁵⁶ Sōwemy iny ruimy relyymy r̄ymyh̄y. Iruinarenny wiribi hitxi hitxilera. ⁵⁷ Ijō mahādu r̄ymyh̄y relyyrehāre ruimy rarybere: ⁵⁸ —Inyboho irybe-ò roholarenymy: Jiar̄y heka dohod̄ȳna heto ariixāwidid̄ȳnykre kia heka hābu iwid̄ȳna rare. Txu inataō-di ijō ariwinykre iwid̄ȳnaweseōre. ⁵⁹ Kia heka aōmybo tuu relyyrenryemy irybe wiribi hitxi hitxire. ⁶⁰ Deuxu aōmys̄d̄ȳdu mahādu r̄yire inys̄owetya-txi. Tii Jesuisi rit̄ȳraxinyre: —Kai aōbo biwarawònykre aōmybo relyyrenryeri adee òludumy. ⁶¹ Tii rerawònyōlere ixyby tahe Deuxu aōmys̄d̄ȳdu mahādu rit̄ȳraxinyre: —Kai aōbo Kristu tate, Deuxu wityhy

riòre. ⁶² Jesuisi rarybera: —Jiar̄y heka. Kaiboho betehebennykre

Deuxu Riòre Hābutyhyhyk̄y Deuxu rurunaweribi-ò ronyreri. Kaiboho tii betehebennykre Deuxu Riòre Hābutyhyhyk̄y biuwetyky-ribi naderi.

⁶³ Deuxu aōmys̄d̄ȳdu wedu ityy riykara idi rarybera: —Aōherekibo ijō alobixidumy iny rururenryeri. ⁶⁴ Kaiboho taholatenyta aōbina binalemy rarybereriò aōmybohe kaiboho tahòtinymyh̄ytenyde. Ibutumy heka tawo riraòhòrerenyra rubudukremy. ⁶⁵ Tahe ijō ityre rybeximyy rarutaara rexiruehetynrye tahe tule rihetenrye. Tahe rarybere: —Mota làhà arahātenyrya. Idi tahe heto itxeredu tule rihetenrye.

⁶⁶ Pedro heka ratximyh̄y bedeube-ki tahe ijadōma dehemynde, Deuxu aōmys̄d̄ȳdu deòdu. ⁶⁷ Pedro rexitòteenymyh̄y heòtywera-ò tahe ijadōma tamy retehere. Tahe rarybera: —Kai tule Jesuisi Nazare ludu-wana atximahāte. ⁶⁸ Tahe tii rexitxiōnyre: —Jiar̄y reeryōre aōmybo kai tarybeteri. Tahe Pedro hetowo-ribi ròhònyre. ⁶⁹ Ijadōma ixyby ixyby itxeremy rarybere kowa ijoi-ò: —Kowa heka tii mahāduō rare. ⁷⁰ Tahe tii ixityre rexitxiōnyre. Ixyby kowa ijoiō Pedro-ò rarybera: —Inatyhymy kai ijō mahāduōle tate. Kai dori Kalileia mahādu tate. ⁷¹ Tii inatyhytyhyrybemy rarybera: —Jiar̄y reerykōre hābumy tarybetenyteri. ⁷² Tahe hānie hābu ryryra, inatxi hewoludumy. Ta Jesuisi rybe-txi Pedro tōhōti reare. Iwese Jesuisi rarybere: —Inatxi hānie ryrykredi, ihewoludukomy ryrykre, wadee bedexitxiōnykre inataōmy. Pedro tahe iribi rexitareu, rahinyre.

15 Txuu reareu, Deuxu aōmys̄d̄ȳdu wedu, matuari mahādu, Bede ywina eryd̄ȳ mahādu

ibutumy ributumy. Tahe Jesuisi ritaataare tahe ridyrenyre Pilato-ò. ²Pilato Jesuisi-ò ritÿÿraxinyre: —Kai aõbo judeu iòlò tate. Tii rirawònyre: —Kai ka tuu tarybeta. ³Deuxu aõmysÿdÿÿdu mahādu wedu rarybere Jesuisi aõna aõna awimy aõkò riwinyre. Tahe Jesuisi riwawònyòhyllere. ⁴Pilato ixybyle rÿÿraxire: —Kai birawònyòtyhy aõbo. Kai aõbo taholaletari aõmybo tiiboho autedé-ò raryberenyre. ⁵Tahe Jesuisi rarybeòhyllere tahe Pilato urile bedè riòtiinymhÿre.

⁶Kia heka juhū iny deòwarixina rare hābu ròteduò ritakemy anarÿÿtxuu. Aòtxile iny tamy rexitòdenyke. ⁷Ròtenawo-ki raremyhÿ inyò Barabamy ninadu-ki. Tii tahe inywitxira aõbinadu mahādu-wana ratximyhÿ. Kiamy inyidinodu òraru-ki aõbina rÿireki, tii iny rirubunyre. ⁸Iny sòwehekÿky-ki doide, tahe rexiranyre ixitòedÿÿmy: iny deòwarixina kòdòhònykre. ⁹Pilato dirawònyde: —Adeereny ariòlòdÿÿnykekò aõbo ka judeu iòlò. ¹⁰Tii rieryre dori Deuxu aõmysÿdÿÿdu mahādu wedu tamy Jesuisi ridyrenyre iwobinanareny lau. ¹¹Deuxu aõmysÿdÿÿdu wedu inysòwe riixitòedÿÿnyre Baraba riòlòdÿÿnykemy. ¹²Pilato ritÿÿraxinyre ixybyle: —Aòhebo tahe idi arotÿÿnykre. Kaiboho tuu teninimyhÿtenyete judeu iòlòmy. ¹³Tiiboho rirajuarenyre: —Bitamadÿÿnyke itxeò nihikÿ-ò. ¹⁴Ta Pilato tamyreny ritÿÿraxinyre: —Aõbina taka riwinyre. Aòhe-wana ixityre rirajuamhÿrenyre: —Bitamadÿÿnyke itxeònihikÿ-ò. ¹⁵Pilato inydee aõ riwahinykemy ròhòtynra, tai ta Baraba riòlòdÿÿnyre. Idi tahe Jesuisi riyhytanymy rahudi, riteònyre itxeònihikÿ-ò riukòrenykemy.

¹⁶Soldado ridyrenyre heto woube-ò. Tai tahe ibutumy soldado ributumy.

¹⁷Tahe tyysòborehekÿ-di rityynyrenyre. Tahe ede rataana ritidire ira-ò. ¹⁸Tahe rirybenyrenyre: —Adee nihikÿre judeu iòlò. ¹⁹Tahe rihetenyre bòtòre-di irati-ò, tahe ityre rarybexinyre tahe rÿire tatiowotimy rityhynykemy. ²⁰Tahe tyysòbore iribi ritara, tahe ityyle tamy ritidira. Inatyhymy ridyrenyre itxeònihikÿ-ò riukòrenykemy.

²¹Kowa-di rekoarenyre hābuò. Simaò Sireni inire. Kia heka Alexÿdre, Rufu-wana tyby rare. Tii nade bedero-ribi. Tiiboho tahe riitxydyÿnyre itxeò-di retyykemy.

²²Riwyrenyre bederahy-ò Kòkòta ninadu-ò. Kia heka iwitxira rybe rare. Kia heka rubu ratitybyho wese rare. ²³Tiiboho vÿi riurinyre òwòruburu-wana. Tahe tii tuu riòòlera. ²⁴Itxeònihikÿ-ò raukòrenymy rahudi tahe ityy wirarea riatyre, tahe ityy-di rarudeòsanyre tibo iny sohoji sohoji ityy riwykemy. ²⁵Biurasò txu Jesuisi itxeò-ki raukore. ²⁶Iratya-ki tahe ritina rÿire: JUDEU IÒLÒ. Kia heka iny tuu rarybemyhÿrenyre. ²⁷Tahe tii-wana inatxi wasidu itxeònihikÿ-ò riherinanyre, ijò ruruweribi-ò, ijò hyweweribi-ò. ²⁸Tahe rotÿÿnyre aõbo Deuxu ritina-ki rÿire wese: Tii ratximyhÿ òrarudu mahādu-wana. ²⁹Iny reareare tara riohowimy rarybere aõbina binamy: —Kobe, kai korihe dohodÿÿna heto biatykemy inatā txudile tahe ixityre bidiwinykre. ³⁰Kaile inyhe bexitakre itxeò-ribi. ³¹Iwesehyyle Deuxu aõmysÿdÿÿdu wedu, bedè ywina erydÿÿ mahādu-wana widee raryberenyre. Jesusinimy raujòmorenyre: —Tii iny witxira ritare, tiile tahe rexitaòtyhy. ³²Kristu, judeu Iòlò, bodobeheke itxeò-ribi jiarÿboho arobirenykemy, tai tahe aratyhynyrenykemy. Tule wasidu tii-wana raukòrenyre itxeò-ki Jesusimy raujòmorenyre.

³³Txutyeyu ibutumy bede rurunyre. Tahe roire txu kað resemý. ³⁴Kiaule tahe Jesuisi rarybeterenyre: —Elòi, Elòi, lema sabatani. Kia heka iwitxira tybe rare. Kia rare: —WaDeuxu waDeuxu, aòherekibo kai tiwarite. ³⁵Ijoið heka tamý roholareu, rarybere: —Tii heka Eliasi-ð ryrýreri. ³⁶Häbuð reare bexi ritýxinyre vïi juberere-di idi tahe ritidire tabòtòrejura-ð. Riwahinyre Jesuisi ritòkemy. Tahe rarybere: —Deinyhe tamý inyhe reketehereny Eliasi kanakremý aòbo inyhe itarasamy. ³⁷Jesuisi rryryre irariemy idi rurure. ³⁸Dohodýýna hetowetyy raykare inatxi weryna tyymy, biu-ribi, bede-ð. ³⁹Soldado dinodu Jesuisiko-txi ratximyhýre. Tahe rurureu, irubumy robire. Tahe rarybere: —Ka heka inatyhymy Deuxu riðre rare. ⁴⁰Tule häwyy mahäduð retehemy rýimyhý irehe-ribi, tòwysyreny-ki, Marie Madalena, Marie (Txiause, Jyrese tii rare. Txiau heka Jyje hewoludumy rare.) Salome tule ihýre ijò-wana. ⁴¹Kia heka Jesuisi Kalileia raremyhýu, tiiboho tahe sówemy iny-wana doide Jerusalè-ð.

⁴²Txioromyhe dehemynyde. Wirareasanatxu rare. Kia heka sabadotxukokile rare. ⁴³Jyje Arimatea häwä ludu dohodýýdu nihikýð rare. Tule heka tii riraðmy ratximyhý Deuxu lòlòna. Tii ruberuðlemy rare Pilato-ð Jesuisiumymy ixitòedýýmy. ⁴⁴Pilato rabedèðtidýýnanyre Jesuisi rurumy roimyhýdi tai rryryre soldado dinodu-ð. Tai Pilato ritýýraxinyre, Jesuisi rurumy roimyhýdi. ⁴⁵Soldado rarybereu Jesuisi rurumy roiremy tahe Pilato riteðnyre Jesuisiumy Jyje-ð iwahidýýmy, ⁴⁶Jyje ritare itxeðnihiký-ribi tahe ritýtenyre tyurahäký-di. Idi tahe ritidirenyre mana hãloo wabedewo-ð. Tahe mananihiký-di riijòtòbònyra. ⁴⁷Marie

Madalena, ijò Marie Jyrese reteherenyre titxibo tii ritidirenyreð.

16 Tahe nobiutxu, Marie Madalena, ijò Marie-wana ihewoludu Marie, Txiause, Salomese-wana rare. Tiiboho lýnyrena riðbranyrenyre. Tahe roire Jesuisibymy idi rekoakremý lýnyrena-di. ²Juhutxu semana bededýýnanau txuu deadeule roire wabede-ð. ³Widree raryberenyre: —Mowexe mana ritakre ijò-ribi. ⁴Tahe tuu robirenyre. Mana nihiký ritamy rýire. ⁵Wabede-ð rirònyrenyre, robirenyre weryrybòweselemy rononymhý rurueribi-ð. Ityy urahakýmy rononymhý. Tahe tiiboho bede riòtiinyrenyre ruberurenymy. ⁶Tii tamýreny rarybera: —Uritere breburenýömy. Kaiboho aòbo teðry-tenyta Jesuisi Nazare ludu. Kia itxeð-ki rurure. Tii aòkò kaki ratxireri. Rexixara rubu-ribi. Betehebeny inihe tai ritidirað. ⁷Makre. Marybekre ierydýýna-ð tule Pedro-ð. Tii rakre akorenymy Kalileia-ð kaiboho tuu lobiximy boikre tuu adeereny raryberemy. ⁸Tahe tiiboho rihenyrenyre wylemy wabede-ribi ruberumy. Tiiboho moð heka rarybeðhylerenyre ruberumyhýrenyki.

⁹Juhutxu semana bededýýnau Jesuisi rubu-ribi rexixare. Idi tahe juhuhu àsiteribile rexitýnynyre Marie Madalena dee. Kia-ribi heka juhuule ritare debð inatxi reurò tyytybybinamy. ¹⁰Tii rare Jesuisi-wana raremyhý mahädu-ð. Tiiboho rabedewomy ratximyhýreny, rahinymyhýreny. ¹¹Tamýreny relyyreu iwese Jesuisi tamý rexitýnynyre wese Jesuisi irulemy ratximyhýmy tuu robireke, rityhynyðlerenyre.

¹²Jesuisi rexixamy rahudi tahe, iwitxiramy rexisýnymy inatxi erydýýna-ð. Tiiboho heka roimyhýrenyre bedero-ð. ¹³Tahe

dòðsede relyyrenyre taijoi-ò, tahe tule rityhynyòlerenyre.

¹⁴Tahe waðsohoji reurò erydÿÿna-ò Jesuisi àsitereribile rexitÿnynyre. Tiiboho riroximyhÿrenyò rexitÿnynyre. Tahe Jesuisi tamyreny rarybera: —Aòherekibo kaiboho iny wamy robira mahādu tetyhynyòteri.

¹⁵Kaiboho boibenyke ibutumy bedede-ò Rybewihikÿ bitÿnynykremy.

¹⁶Inyò Rybewihikÿ rityhynykeki, idi kidisebenykeki, tii Deuxu ritake. Inyò rityhynyòkeki, Deuxu ixi-ribi riteònykre iòraru-ki. ¹⁷Kia bedede eryna ityhydÿÿdu kidiheludunykre. Tiiboho tyytybybina

kiditeònykre wani-ki. Tule heka tiiboho itÿmyra rybe kanarybedenykre.

¹⁸Hemylala rimyrenyreu, aòhe rotÿÿnyòlere tule rubuna monamy riòkeki, rotÿÿnyòlere. Tiiboho tebò ritidirenykre bina mahādu-ò tahe riteytenykre.

¹⁹Idi tahe Jesuisi tarybe rahuredi, Deuxu ridyre biu-ò. Tahe ronyre Deuxu rurueribi-ò. ²⁰Tahe tiiboho roire ibutumy bedede bedemy tai bedede ritÿnynyrenyre. Wanyrÿ riwiòhenanyrenyre tahe bedede eryna-di irybe ixidee rimyrenyre ihelududÿÿdu mahādu-ò.

Luka

Deuxu Rybe Wihikỹ Tỹmyra, Luka Tyyritidỹydu

1¹⁻³ Wyla, Teòfilo. Adee heka watyyriti ariwahinykre timybo Kristu rotỹnyre. Tuu lobixidu mahādu tuu relymyhỹre-ribi, jiarỹ ire ariòbitinytyhykre. Kia heka jiarỹ adee reritinyhỹre, waiòlò, iwese ibutumy reeryrenyre juhu bededỹyna-ribi. Aōma inatymy kia rotỹnymy rare wahe. ⁴Kia wese wahe. Iwese iny adee relyre wese, jiarỹ adee arelyyre inatymy aōbo rotỹnyre. ⁵Zacaria heka Deuxu xiwe wahidỹydu rare, Abia ijoiò wahe. Iriòrese Isabeli tahe tule xiwe wahidỹydu riokore mahāduò rare. Kiau heka Herodi judeu bedesỹ iòlòmy raremyhỹ, Araò riokore mahāduò wahe. ⁶Wiwanale heka awirenyre Deuxuru-ò. Òbitihyy heka ratximyhỹrenyre ibutumy Deuxu bededỹynanako-ò. ⁷Tiiboho iriòreòhyyre. Ihāwyy Isabeli heka rasenadunyre, uladu herina dori awiòre. Ihābu tule ramatuarinyre.

⁸Aòutxumy tahe Zacaria raaòmysỹdỹnymyhỹre aōma templo-ki. Kiatxu heka iròtenatxumy bededỹnymyhỹre templo-ò. Tahe iwo-ki ratximyhỹre. ⁹Hewydysi lỹnywi ritoonymyhỹ Deuxu kia deàlanamy, iwese riwinymyhỹrewesehyyle. ¹⁰Iu ahana-ki tahe sōwemy iny rexitòdenymyhỹ. ¹¹Iu Zacaria xiwena ruruwe-ribi loosòna-ò rỹireu, hewydysi lỹnywi ritoonymyhỹre. Tahe aōwesele jỹuò rexitỹnyre Zacariako-ò. ¹²Tii tuu robireu heka rexiraòmỹ ruberumy reare. ¹³Yju rarybere: —Brebuòmỹkre, Zacaria. Deuxu roholare aixitòdỹyna-ò. Tai heka adee ijyymy rareri. Ahāwyy Isabeli rariòrenykre. Kai heka Joaòmỹ bininikre. ¹⁴Tai kaiboho heka iura

heka beysabenyke sōwemy; ijò iny tule reysakre iòraru-ki. ¹⁵Tii heka hābutyhyhykỹmy rarekre Deuxu dee tiu heka wii riòòtyhy mona hàrihikỹ riòòtyhy. Deuxu Tyytybytyhy. Juaòtykumy ralokre tii reareu. ¹⁶Sōwemy heka aōma Israeli mahādu Deuxu rityhinykre iòraru-ki wahe. ¹⁷Tii heka hābutyhyhykỹmy rarekre Deuxu rybedumy Elia wesemy. Tii heka aōma Deuxu deòdỹyna juhuu rehemynumy reakre ikòlemy iny ywisidỹynakre rehemynykre juhuu, aōma Deuxu Tyytybytyhy dehemynyna riijemy tuu rehemynumy rakre. Tii bede ywina riòbitinykre iny-ki. Tyby tariòre-wana wii riwoxinykremy. Tii heka iny ribedeerynykre aōma òbitimỹ rỹirakremy. Deuxu luumy rỹirakre aōma ilahireny rỹira wesemy juhuu.

¹⁸Zacaria rarybere jỹu-ò: —Jiarỹ ramatuarinyre timykre heka? Hāwyy tule rasenadunyre ihārele òsana tukre. ¹⁹Yju rarybere: —Jiarỹ Gabrieli watxireri, Deuxu deòdutyhy wahe. Tii heka diwateònyde kaò adee rybemy wahe. ²⁰Kai tetyhynyòhytyteri tai kai marybeòkre uladu reakre xiery tahe marybekre. Kaa adee rarybereri dori òbitimỹ rarybereri warybemynamy ibutumy rỹikre. ²¹Iny riraòmỹ rỹimyhỹ Zacaria òlòna, tahe raroorehenymyhỹ. Iroorehena rieryòhyymyhỹreny. Dòhònydeu ta, rybe-ki rexisiranumy rarybeòhyyre. ²²Tii rehemynyreu tamy rybeòhykyre rahòra. Idi tebò-di raramynyre urile rybe riwisỹnymy rarybeòhykymyhỹre aōma timybo aōhebo rotỹnyrā heka riòbitinykemy heka rarybeòhyymyhe timyrabo. ²³Tahe taaòmysỹdỹyna rihudi, taheto-ò ròdsere ixby.

²⁴Idi tahe Isabeli rabòtònyre iruwyre ahādumy bededỹnyre riihere rexiwòmỹ. ²⁵Isabeli rarybere: —Deuxu awi heka rare,

riwatare waix̄runa-ribi. Kuladu wadeke riwahinyreri.

²⁶ Ijō ahādu tahe Deuxu Gabrieli riteōnyre Nazare hāwā-ò Kalileia bede-ò. ²⁷ Ŷjuō heka rybe-di ijadōma-ò. Kia ijadōma heka wii ritobinymy r̄yireri tybyboho iseboho Jyje-wana roikremy. Jyje heka iòlò Davi kia mahāduō rare. Ijadōma tahe Marie inire. ²⁸ Ŷju heka kiamy rarybere: —Beysakre Marie! Inynrȳ heka awana ratxireri. Bedeðbyhyk̄y adee kidiwahinykre. Tii arāwowydynryeri. ²⁹ Kia rybe-di tahe Marie rexiraykynyre. Tii rieryōmy aōmybo rare. ³⁰ Tahe Ŷju tamy rarybere: —Marie, Brebuōmy! Deuxu teteysanyte. Kai awi heka rare. Tii aōwihik̄ybo adee kidiwahinykre. ³¹ Kai heka mariòrekre, uladu heka Jesuisimy raninikre. ³² Tii heka hābu nihik̄y rarekre. Tii Deuxu riòremy raninikre. Deuxu heka tii iòlòmy ris̄nykre, iwese Davi alabiehek̄yreny ronyre wese, tii ronykre. ³³ Tii heka ibutu Ijaò mahādu iòlòmy rarekre. Iòlòna heka tiu itueōtyhy. ³⁴ Tai tahe Marie Ŷju-ò rarybere: —Jikar̄y heka ijadòkòmatyhy watxireri. Timykibohe krabòtònykre. ³⁵ Tahe Ŷju rirawònyre: —Tyytybytyhy adee kanalokre. Deuxu ruru heka adee kanakre. Tai heka kia uladu Deuxu òbiti riòremy raninikre. ³⁶ Nohōti lusaōmy anymy-ribi Isabeli riki bòtòkōmy rareke-ribi tahe bòtòmy ratxireri. Debò sohoji reurò ahādumy iahādu. ³⁷ Deuxu dee heka tiu aō isiraōre. ³⁸ Marie rarybera: —Jikar̄y Wahī dekòdu rare. Anomybo tarybeteri ka ibutumy rekyrubunryeri. Wadeke awire. Anowaxina tuukre irybemynamy karot̄k̄nykre. Idi Ŷju rikōmy reare.

³⁹ Idi ta tii heka Isabeli roramy rare. Zacaria s̄my Judeia bede hāwālò hāwā bede-ki. ⁴⁰ Iu Marie rehemynyreu tahe wii rirybenyreny: ⁴¹ Tiu kia aōbo uladu Isabeli kia-ki

iule rexiwatxiny myh̄y Marie-ò. Isabeli heka t̄xyik̄yle Deuxu Tyytybytyhy-di ratximy h̄y. ⁴² Riajuamy rare deysana-di sōwere: —Kai hāwȳy ibutu-ribi deysana rarekre. Auladu tule deysana rarekre. ⁴³ Anoherekibo Wahīse waroramy naderi. Jikar̄y ano anokō rare. ⁴⁴ Adeke rahokujareku, kuladu wawoku-ki rexilòrelòrenymy h̄y tabedesa-di. Tai tahe Isabeli r̄ȳraximy ratximy h̄y Deuxu Tyytybytyhy-di. ⁴⁵ Kai bekysabenye kia tetyhynyteki. Deuxu rybe dokuri adeke nade. Iwese tiki raryberewesele ibutumy rāikre. ⁴⁶ Marie rarybere: —Jikar̄y wawoku-ribi Wahī rewokuwydynrye. ⁴⁷ Wawokuribityhy wadekysareri Wahī watarasadu dokuri rare. ⁴⁸ Ihyky tahe tiki tekòdu-ribi walanokonakona-ribi tōhōti rosakre. Tahe iny ibutumy hāwyky dekysanamy riwaninikre. ⁴⁹ Deuxu dokuri anomyd̄k̄ynana wiwihik̄y wadeke riwahinyre. Tii tahe ityhy rare.

⁵⁰ Tikiemy inydeke ruxetòena riwahiny myh̄y iny tamy wowydyna riwahinyrekí.

⁵¹ Ixityhy nohōtidu mahādu tiki rehure. ⁵² Bede ikòlò sōwemy tiki rehure. Tule iny ianokō mahādu Deuxu riwikòhenanymy h̄y.

⁵³ Rama risamahādu deke r̄ys̄na tiki riwahinyre.

⁵⁴ Irybe tahe tiki rityhynyre anobo tiki initybyreny deke tiki raryberemy. Tikiboho tahe Deuxu riwikòhenanyre. ⁵⁵ Ruxetòena tahe Abraō deke riwahinyre tule tikiemy iriokore deke riwahiny myh̄y.

⁵⁶ Marie tahe inataō ahādu Isabeli-wana riwya. Idi tahe tas̄y-ò ròðsera.

⁵⁷ Beded̄j̄ynana Isabeli-ò rehemynyre. Iriòre reakremy ratxireriu, Iriòre reare. ⁵⁸ Is̄y mahādu heka teysana-ò roholarenye, iery mahādu tule

rabedesarenyre tamy Inynyr̃raruxetòenyredi, Inynyr̃reny ruxetòena tamy riwahinyreki. ⁵⁹Tahe debò inataō txu-di, uladu notyky resynamy bede r̃yire. Zacaria raninykemyre. ⁶⁰Tai tahe ise rarybere: —Anokōre, Joaōmy rarekre. ⁶¹Is̃y mahādu rarybere: —Joaōmy ninadu taheka ijōkōhykyre inys̃yreny-ki. Anoherekibo tuukre? tai tuu raninike wahe. ⁶²Tuu Zacaria-ò r̃ỹraxireny: —Momybo raninykre? ⁶³Tahe Zacaria tababese riðreò rimyre. Riritinyra kia: —Joaō heka inikre. Tahe ijō mahādu ibutumy ribedeòtiid̃ỹnyre. ⁶⁴Iu tahe Zacaria rarybere Deuxu riwowydynyre. Tahe ibutumy is̃y mahādu heka ruberure. ⁶⁵Ibutumy heka tii relymy raremyh̃y Judeia mahādu hāwālò nihik̃my. ⁶⁶Ibutumy tamy roholaré heka raryberenyre: —Timybo uladu rarekre? Inynyr̃ idi tarukimy iweribikre.

⁶⁷Tahe Deuxu Tyytybytyhy heka Zacariatykymy ralore. Tahe Deuxu aōmyd̃ỹnanamyhe relyyre timybo rabeded̃ỹnananykemy. Tii rarybere:

⁶⁸—Judeu mahādu Deuxu awi rare. Tii dori taijoi roramy nade.

⁶⁹Iwiðhed̃ỹmy tulemy tarasadu tyhy Tii heka Iòlò Davi mahāduy rare.

⁷⁰Deuxu Rybed̃ỹdu mahādu kia wesyemy tuu raryberenyre.

⁷¹Inydireny òludu mahādureny-ribi riki iny ritarenykre. Iny-di heka raruxetòerenyra.

⁷²Tahe iny-ribi tōhōtirenny rosaōhykyra. Tahe rarybekre timybo raryberemy inytybyrenymy. ^{73–75}Tii heka iny ritarenykemy inydireny ratxireri inyòludureny-ribi. Kia-ò heka rarybere inylabiereny Abraō-ò. Tai heka rikiwiðhenanyrenyke brebuōlemy. Òbitimy iko-ò rakatxirenyhykre. ⁷⁶Kai wariòre Deuxu rybedumy mabekre. Kai heka mabekre Deuxuhuk̃y rybemy rybedumy. Kai heka bōhōnykre

Inynyr̃-kò iry biywinykremy.

⁷⁷As̃y mahādu-ò marybekre biu-ò hena kanakremy ih̃yre. Deuxu heka tōhōti rosakre iðrarunareny-ribi. ⁷⁸Iny Deuxureny dori inydeereny ruxetòedu rare. Tii heka biu-ò hena ibutu-ò kidiòkre, tarasana wahe.

⁷⁹Kia bede lurumy r̃yira mahādu biu-loosònamy robikre.

Zacaria rybe tahe rikonananyre. Loosòna ywinary-ò tahe rit̃ynynykre.

⁸⁰Ihewo-ribi tahe uladu ratybienyre taumy-di Deuxu tyhyd̃ỹna-ki tule. Tii heka bederahy-ki raremyh̃y. Tiutxumy rexit̃ynynykremy judeu mahādu-ò.

2 Kia mahādu iòlò Augusto inire. Kia heka ibutumy bede-ki inyny rityyritinykemy bede riywinyre.

²Kurina heka Siria bede dinodu rare.

^{3–4}Jyje heka Nazare hāwā-ki ras̃ynymy raremyh̃y. Tai tahe Kalileia bede-ribi tiiboho roirenykemy Judeia bede-ò. Iòlò Davi dori tai reare, Belē hāwā-ki. ⁵Jyje tahe rare, tii dori Davi ijoimy rareki. Marie bōtōmy tii ridyre tai ihāwy. ⁶Tahe Belē hāwā-ò rehemynyre. Tahe herina roxina heto ihoōre herina tamyreny. Taihe awaru roxina heto-ò roire. ⁷Tai hāwy ratohouāsēnyre. Idi rihetynyre awaru roxina hynaro-ò ritidikemy.

⁸Iu tahe budoeni-di itxeredu mahādu bedero-ki ratximyh̃yreny. ⁹Idi tahe j̃juō tamy nade Deuxu-ribi. Deuxu loosòna tamy ritynyre. Ruberurennyre. ¹⁰J̃ju tamy rarybere: —Brebuōmyrenyke. Rybe wihik̃y-di adee rehemynyreri. Ibutumy iny reysakre ka rybe-di. ¹¹Atarasadu heka ratohouānyra Davi hāwā-ki, abiu-ò hedu wahe. Tii heka Kristu rare, Inynyr̃reny wahe. ¹²Kaiboho heka awaru roxina-ò inihe bōike itxeremy. Tai heka tohouā roireri tyy-di rarahananymy. ¹³Iule tahe sōwemy j̃ju widotyde Deuxu dee

rawiunykremy, kiawese rawiunyrenyreny
riwowydynyrenymy:

¹⁴—Biu-ki Deuxu loosòna
ratxihyymyhyre.

¹⁵Tahe yju ròðserenyre biu-ò.
Budoeni-di itxeredu mahādu widee
raryberenyre. Wylemy Belē-ò
ròkòirenykre itxeremy kia aomydỹ-
nanamy Deuxu inydee riteòsinyreriò.

¹⁶Tahe roirenyre idi tahe Marie,
Jyje-txi rekoarennyre. Tuu robirenyre.
Tahe broreni dòròtòhòhyna-ki uladu
roire. ¹⁷Tai tahe budoeni-di itxeredu
mahādu timybo yju tamy raryberamy,
rarybere. ¹⁸Tai tahe ibutumy kia
tamy roholaré ribedeòtiinymy rỹire.

¹⁹Marie heka tòhòti itxi reare. Tahe
sówemy raraykywydynanymy ronyre.

²⁰Budoeni-di itxeredu mahādu
ròðserenyre rawiunyrenymy Deuxu-ò
Deuxumy reàlære ibutu òraru-ki. Iwese
yju raryberewesetyhyle heka ibutumy
rỹire.

²¹Iribi tahe txu rỹireu tahe rare Jesu-
isi notyky orokré. Debò inataò reurotxu
rỹireu Jesuisi notyky raorokremy ray-
wire. Tahe rininirenyre Jesuisimy iwese
yju rarybere myna.

²²Xiwenā rỹikemy bede rỹire Moisesi
bede ywidỹnamyna. Aòutxumy tahe
dehemynyde Marie Jyje-wana kia idi
riwinyrenykemy. Tahe Jyje ridykemy
Jerusalē-ò idi ratxireri. Tai uladu-di
roirenyre Deuxu-ò riteòsinykemy. ²³Ki-
amy heka Inynyry Ritiðỹna-ki roire.

Weryrykeki, Deuxu dee rawahidỹkyre.
Tii uladudelaa weryrykreki.

²⁴Iwese tule bòtòe inatximy
rawahidỹkyre ada bòtòerurà inatxi
heka xiwenamy reakre Moisesi
bede ywidỹna myna.

²⁵Hābuò tai ratximyhyre Simeaò
inire. Jerusalē hāwādu wahe. Deuxu
rityhynymyhyre hābuwi rare. Tii Kristu
riraòmyhyre Deuxu deòdỹna wahe.
Ijoi aòbina bina-ribi tarasadumy Deuxu

Tyytybytyhy heka tai ratximyhyre.

²⁶Deuxu Tyytyby ihetxiu tamy
rarybere: —Kai buruòtyhy Deuxu
deòdỹnamy bobiòdi. ²⁷Iu Jesuisise
tyby-wana rehemynyreu Deuxu
Tyytybytyhy heka Simeaò riteònyre
kowa-ò. ²⁸Simeaò uladu taāxiò-ki
rimyre. Tahe Deuxu riwowydynyre:

^{29–31}—Kiamy heka Wanyry Iòlò
arybe retyhynyre timybo tarybete
wahe. Ibutumy dorihe tewinyta.
Tahe aówaxinyhe arurukre.
Abiuðhenamy heka rabira. Tii ibutu
iny tarasadumy rarekre biu-ò hena
wahidỹdu wahe.

³²Kia heka ibutumy iny-ò loosòna
tewahinyta judeukòdu mahādu-ò.
Tai judeu mahādu tahe
wowydynamy tii rarekre.

³³Tai tahe Jyje Marie-wana bede
riòtiinyre aomybo rarybereki. ³⁴Simeaò
tahe Deuxu deysanamy tamyreny
rarybere: —Deuxu biu-ò henamy
heka kia uladu rare. Sówemy judeu
mahādu tarasadumy rarekre, tule
sówemy tasỹ ituekre. Kia heka Deuxu
deòsina rare. Sówemy heka Jesuisimy
rakyararybenynykre. ³⁵Ibutumy iny
rayky-ribi heka ibutumy ritỹnynynykre.
Bederyry sówemy bieryke tai aòhòkỹmy
botỹnykre. ³⁶Tule Deuxu rybe
erydỹnaò rehemynyre. Ana inire.
Hāwyry rare. Tii heka Fanueli riòre
rare. Asere mahādušyò rare. Tii heka
rasenadunymy raremyhy. Ijadòmamy
raremyhy heka roire hābu-wana. Debò
inatxi reurò beòralemy heka tii-wana
raremyhy tahe tii rawytesenyre. ³⁷Tii
84 beòramy heka bede idi rỹire
wytesemy. Tii Deuxu dohodỹna
heto-ribi ròhònyòhyymyhyre. Tii
heka rexitòdenymyhyre rummy txumy
tabyreò-di. ³⁸Tahe tii rehemynyre
Deuxu dohodỹna heto-ò. Deuxumy
reàlære. Idi Jesuisimy imahādu-ò
rarybere tii tarasadumy rarekremy.

³⁹Iu Marie, Jyje-wana ibutumy bede ywidŷŷnamy ituereu, riòðserenyre tahāwā-ò Nazare-ò. ⁴⁰Jesuisi raumynymhŷre beðra beðramy. Iruru, ibede eryna sòwemy ijòdire Deuxu dori idi tarukimhŷre.

⁴¹Pascoa worana bedehesi riòlòdŷŷnyre Jerusalē hāwā-ki. Jesuisi tyby heka iseboho roihyymhŷrenyreny tamy. ⁴²Tule Jesuisi waòinatxi reurò beðra-di ridyrenyreny tamy. ⁴³Worana bedehesi rexihureu kidiòkesedenykremy doide. Tahe Jesuisi naride Jerusalēkihikŷle. Tiiboho rieryrenyòhŷyreny naridem. ⁴⁴⁻⁴⁶Taijoiirenywanale ratxirerilemy idi rōhōtinyrenyreny. Txusohojimy heka bede idi rŷidi, rierenyreny. Tai rahaòhŷyrenyreny ijesemy diòkesedenyde Jerusalē-ò ixyby. Inataò txu-di tahe tai nahadenyde, Deuxu dohodŷŷna hetowo-ki wahe. Tii heka bede erydŷŷdu mahādu-wana ronyreny. Roholamyhŷrenyreny irybe-ò ronymhŷreny. Tule rŷŷraximhŷrenyreny. ⁴⁷Tii heka ibutumy rirawyonymhŷre. Tii dori bede ery nihikŷ rare. ⁴⁸Iseboho tahe bede riòtiinyrenyreny tai ronyreki wahe. Ise tamy rarybere: —Waritxòre, anoherekibo kai ikykyreny-ki tanyte. Anoherekibo tuu wadekereny tewinyteri aijesereny-di watxireri. ⁴⁹Tahe Jesuisi rirawyonnyre: —Waijeserenykomŷke. Waha heto-ki watxireri, Waha aōmysŷdŷŷnamy reywinhyhy watxireri. Kia aōbo teeryòhyhytenyde. ⁵⁰Tiiboho rieryrenyòhŷyreny aōmybo Jesuisi rarybereri. ⁵¹Idi tahe dòðsedenyde Nazare-ò. Tahe Jesuisi tyby rybe rityhynyhyymy raremyhŷ. Tahe Jesusise kia ibutumy riyrubunyhyymy raremyhŷ tarayky-ki.

⁵²Jesuisi tahe raumynyreny. Bede erytyhymy relere. Ibutumy he iny iluure. Deuxu wowydyna-di ihŷre.

3 Tiberiò heka waiyre beðramy iòlòmŷ raremyhŷ. Poncio Pilato heka Judeia bede dinodu. Ijò heka Herodi inire. Inataò inymy heka bede dinodumy raremy. Herodi heka Kalileia bede dinodu. Iseriòre, Filipi tahe Itureia bede, Traconite bede-wana dinodu rare. Ijò iny tahe Lisŷnia inire. Tii Abileni bede dinodu rare. ²Anasi, Kaifa-wana heka inatxi hābu roire. Tiiboho wiwana xiwena wahidŷŷdu wedu raremyhŷ. Kia bedeu heka Joaò rehemyreny bedero-txi. Tii iny-ò Deuxu rybe tŷnydŷŷdu rare. Zacaria riòre rare. ³Tii kia bede ibutumy rybe ritŷnyrenyreny, Jordaò beroweramy ibutumy wahe. Kia wesemy rarybere: —Aòraru-ribi bòhònyke. Maratisebenyke. Tahe Deuxu aòraru riixāwididŷŷnykre. ⁴Iwese Isaia ròritidŷŷre wesemy heka wiji rŷire. Inyò heka ryrymyhŷ bedero-ki.

Kia:

—Inynyrŷry bexiywinybenyke.
Ryòbitihikŷ biwinybenyke.
Hāloo bitŷxinybenyke wimyny
biijaranybenyke. Iry iòweòwena
ramyhŷre heka, biòbitinybenyke.

⁵Iratòratòkeki, wimyna biijaranybenyke. ⁶Ibutumy iny heka Deuxu biu-ò henamy robirenykre. ⁷Sòwemy iny nade riratisebenynkremy Joaò-ò. Tahe tii tamyreny rarybere:

—Kaiboho hemylalaweselemy toite.
Deuxu ykarana-ribi bexitabenyke,
aōwiwihikŷ.

⁸Uritere kawese ryberenyòmykre:
—Abraò dori iny labiereny rare.
Tai tahe ibutumy awityhy rare
inydeereny.

Jiarŷ dori adeereny ararybekre:
—Deuxudeewikeki, Tii kia manadile
iny riwinyke. Abraò dee ijò riòreòmy
kia manadile riwinyke. ⁹Woma
heka òwòruraruti riòròmŷhŷre. Kia
raratynyòkeki heka, raòròkre. Heòty-di
wòmŷ ririradŷŷnymhŷke. ¹⁰Tai tahe

iny rÿraxire Joaō-ò: —Timybohe rakatzirenykre. ¹¹Tai tahe rarybere: —Inyò tòre inatximy ijòdikeki, sohoji iny ijò-ò riwahinyke. Irÿsÿnadikeki, tule ritxuatxuaeke ijòkò mahādu-ò. ¹²Iny witxiraō Joaō-ò rehemynyre. Tiiboho nieru tarasadu mahādu rare bede dinodu-ò. Tai rÿraxirenyre: —Timybo aōhebo rokotÿÿnyrenykre. ¹³Joaō rirawònyre: —Uritere aōnihikÿmy itarasarenòmykre. Bede ywidÿÿna tyiriti myna ta tuukre. ¹⁴Tai tahe soldado tamy rÿraxire: —Inyboho tahe aōhebo rokotÿÿnyrenykre. Joaō rirawònyre: —Inyò biteranyòtyhy adee nieru kanakemy. Inieru dori ahòrò aōkò rare. Beysake, adinodu-ribi tiwesebo nieru tetamahāte-di. ¹⁵Tahe kia iny mahādu raraykynyre Joaō-di. Kowa aōbo hābu Kristu ihÿre. ¹⁶Tai heka Joaō rarybere: —Jiarÿ heka bedi araratisebenyleri. Ijò wahewo-ribi kanakre tahe woratyre inihikÿ rarekre. Tii heka awityhy rare. Jiarÿ heka raixÿruwāhāre iwataana aritake lau. Tii heka akanaratisebenykre Deuxu Tyytybytyhy-di. Heòty-di tule wahe. ¹⁷Iti tebò-ki ratxireri. Maixòmo ruxity hitxina-di wahe. Tii heka ritakre. Maixòmo riyrubunykre ihyna-ò. Iruxityy tahe ritoonykre. Kia heòty heka tiu ruriòtyhy. ¹⁸Aō heka Joaō rarybere. Sòwemy aōna aōnamy iwesele rarekemy. Dohodÿÿna wihikÿ-di tamyreny rarybera. ¹⁹Bede dinodu Herodi heka taseriòre riòrese-wana roire. Aōbina binahakÿle riwinyre kia. Tai tahe Joaō tamy rarybere: —Kia awi aōkò rare. Ibina heka rare. Sòwemy aōna aōna bina tule tii riwinyre. ²⁰Tai Herodi heka Joaō mynyny riteranyre ròtenawo-ki roikemy. ²¹Joaō ixiwesehyyle rexitÿmyranymy iny riratisenbyre. Tahe tule iny witxirahe-ki Jesuisi riratisenbyre, Jesuisi rexitòenyreu, biuwetyhy

rarayre. ²²Biuwetyky-ribi tahe Deuxu Tyytybytyhy nade dobehemy nade bòtòerurà wesemy. Biu-ribi rybeò-ò iny roholare: —Kai heka Wariòre tate. Aluure heka jiarÿ wadeysatyhyre. ²³Jesuisi 30 beòramy raremy taaòmysÿdÿÿna tyhy ritelenyreu, iny heka Jyje riòrelemy ròhòtinymyhyre. ²⁴Jyje heka Eli riòre rare. Matate, Levi, Maki, Janai, Jyje, ibutumy labiehekÿ Jyje rare. ²⁵Ijò tahe Matatias, Amos, Naum, Esli, Nagai, ²⁶Maate, Matatias, Semei, Jyje, Joda, ²⁷Joana, Resa, Zorobabe, Salatieli, Neri, ²⁸Meki, Adi, Cosā, Elmadaō, Er, ²⁹Josue, Eliézer, Jorim, Matate, Levi, ³⁰Simeaō, Juda, Jyje, Jona, Eliaki, ³¹Melea, Mena, Matata, Natā, Davi, ³²Ijese, Obede, Boasi, Sala, Nasaō. ³³Aminadabe, Adimim, Arini, Esraō, Peresi, Juda. ³⁴Ijaò, Ijai, Abraō, Tera, Nakò, ³⁵Serui, Raau, Faleki, Eber, Sala, ³⁶Aina, Arfaxade, Sem, Noe, Lamei, ³⁷Metusalē, Enoi, Jarete, Maleleel, Aina, ³⁸Enosi, Sete, Adaō. Tii tahe Deuxu juhūu riwinyre iriòre wese.

4 Bero Jordaō-ribi Deuxu Tyytybytyhy heka Jesuisi diòòsedÿÿnyde Tai heka tule bederò-ò rexiykynyra. ²Tahe Satanasi Jesuisi riurihire, 40 txu-di wahe. Aō heka rirÿsÿòhyhyre Jesuisi kia itxumy txu rÿireu wahe. Idi tahe sòwemy rama risare. ³Satanasi tamy rarybere: —Kai Deuxu Riòretyhy tate-wana heka, mana bitxienykre hinamy. ⁴Tai Jesuisi dirawònyde: —Deuxu Rybe tule kiamy rarybere.

—Hābu hewa byre sohojiribile aōkò irumy rÿimyhÿre.

⁵Tai Satanasi heka Jesuisi ridyre heto ratyti tyre. Ibutumy hāwāhākÿ riteòsinyre bede bede rÿirā.

⁶Tahe Jesuisi-ò rarybere: —Kai biwalāhānanykeki, ibutumy aōna aōna adee ariwahinykre, ibutumy hāwāhākÿ dinodumy tule wahe.

⁷Wahōrō heka rare. Inyō-ò aōtxile ariwahinykre. ⁸Idi tahe Jesuisi dirawyònyde: —Deuxu-ò sohojile walàhàna biwahinykre. Kiamy Deuxu Rybe rarybere. ⁹Idi Satanasi Jesuisi ridyre Jerusalē hāwā-ò. Biu-txi tahe rÿire, Deuxu dohodÿÿna heto tyre-ki wahe. Tii narybede, kai Deuxu Riðre tyhy tate wana heka bexiwatxixinyke inihe karibi hetoratyti-ribi. ¹⁰ÿju riki arayrubunykre wa. Deuxu taÿjuò bede riywinyre aramykemy. ¹¹Tule kia rarybemyhÿre Deuxu Rybe.

Awa riki manaō riwotōmonyōtyhy.

¹²Tahe Jesuisi dirawyònyde: —Tule Deuxu Rybe rarybere: —Inyō heka Deuxu uri urihixiōtyhy. ¹³Rexihure tahe Jesuisi urihixina. Tahe Satanasi heka Jesuisi ririre. ¹⁴Idi tahe Jesuisi ròðsere Kalileia bede-ó. Deuxu Tyytybytyhy ruru tahe tii-wana ratximyhÿre. Ibutumy heka kia hāwā-ki ibededÿÿnana riermy hÿreny. ¹⁵Jesuisi heka dohodÿÿna heto-ki ròbedeerydÿÿmyhÿre. Ibutumy tuu rarybere. Tuu reàlāmy rarybemy rÿimyhÿ. ¹⁶Iribi tahe Jesuisi ròðsere tai raumynyréò, Nazare hāwā-ò. Sabado txuu tahe dohodÿÿna heto-ò reamy raremy iwesehyyle. Tii tahe lamamy rÿire tyriti-di rariakremy. ¹⁷Tahe tamy Isaia tyriti riwahinyreò. Tahe Jesuisi riijemyhÿre rybeò idi rariakemy. Tai idi rariare:

¹⁸—Wanyrÿ Tyytybytyhy waki ratxireri. Rybe Tÿmyra wihikÿ inyko arotahodÿÿkremy. Iny aōkō mahādu-ò rybe wihikÿ ararybekemy riwatare. Tule iny ròtena-ki rÿira mahādu, jiarÿ ariòlòdÿÿnykemy. Kiamy heka tamyreny ararybekre. Tule ruetÿmyra ariwahinykre ruetà mahādu-ò. Iny idi rarÿÿnymyhÿre mahādu-ribi, aritakre idi risinymyhÿreki. (Aōna aōnamy risÿnyrenymyhÿreki wahe.)

¹⁹Tibedeubo Inynyrÿreny taijoi ritakremy ararybekre. ²⁰Idi tasÿ ixby riwerasenyre. Tahe riwahinyre ixby kia hābu riyrubunymyhÿreò. Tii ronyre. Ibutumy kia dohodÿÿna mahādu idi rethemy rÿimyhÿre. ²¹Tahe Jesuisi ritelenymy rarybera: —Wiji idi rariarā heka aōbo tamy ibededÿÿnanamy roire. Kia aōbo ritidÿÿna-ki roireri ihetxiu. Kaimy tahe wiji rarybereri, jiarÿ heka tii rare. Tii adeereny tyriti rariarā wahe. ²²Tai tahe bede riòtiinyrenyre. Kia tahe aōmybo raryberakí. Tahe widee raryberenyre. Kaa heka Jyje riðrele ratxireri. ²³Tahe Jesuisi ixityre tamyreny rarybere: —Aōu kaiboho wamy tarybetenyteri rybeōmy, myÿ manarybeke: Kai bexideytenyke, hàri, òhotibedu. Kiamy aōbohe wadee manarybebenykemy atxitenyteri: Iwese Kafanaō bede-ki tewinyte wese ariwinyrenykemy wadi atxitenyteri, ahāwā-ki.

²⁴Adeereny inihe tuu ararybekre. Rybe tÿnydÿÿdu heka ōmo rityhynyōtyhy ihāwāreny-ki. ^{25–26}Tahe iwitxiramy ararybekre. Ibedeu kia raremyhÿu, sōwemy heka rama reamy raremyhÿ judeu sÿ mahādu. Sōwemy wytese mahādu heka ramamy rumymhÿre. Biu heka roaōhykyre tai inataō beðra weeremyhÿ wahe Sareta hāwā heka Sidō bede-ki tii rasÿnymyhÿre. Tahe Deuxu bede riywinyre Eliasi rakemy iny sohoji wytese-ò, rÿsÿna riwahinykelemy wahe. ²⁷Eliseu bedeu heka sōwemy tybinadu rÿimyhÿ. Sohoji inyle riteytenyre. Naamy heka inire. Tii heka Siria bede luduò rare. ²⁸Kia dohodÿÿna mahādu heka ibutumy iu tamy rakyarananyre. ²⁹Rimyrenyre heka Jesuisi. Idi retÿhirenyre hāwālò ratya-ò ridyrenyre. Idi rehurenkemy riwisÿnyrenyre. ³⁰Tahe Jesuisi inysōwehekÿy-txi ralore. Idi rahenyre. ³¹Iribi tahe

Jesuïsi rare Kafanaō-ò, Kalileia bedè-ò. Sabado txuò txuòlemy heka Jesuïsi iny ribedeernymyhyre. ³²Sòwemy heka iny ribedeernymyhyre mahādu tamy awimy r̄yira, irybe dori awireki wahe. ³³Hābuò raremyh̄y dohod̄ȳna hetowo-ki tytybybinahak̄y-di tahe taumywo-ki ratximyh̄y. Tai tahe tii rryre: ³⁴—Jesuïsi, Nazareludu, aòhebohe ijoi bis̄nykremy atxiteri? Biwahubenkyre aòbo? Jiar̄y heka araerye mobo taté. Kai heka Deuxu deòdu atxiteri. ³⁵Tai tahe Jesuïsi tamy rarybere tytybybina iumywo-ki rirykemy. Iribi riòlòd̄ȳnyre. Tahe idi rehure iutyde-ò idi iribi ròhònyre. Hābu aòhe ris̄nyòhyre. ³⁶Ibutumy heka iny ribedeòtiid̄ȳnyre. Iny sohoji sohoji widee rarybere: —Aòrybemy aòwe tii rarybereri? Timybo iny-ribi tytybybina riteònyke. ³⁷Ibutumy timybo Jesuïsi riwinyre, ijyynamy reare. ³⁸Tahe Jesuïsi ròhònyre Simaō heto-ò idi rare. Simaō riòrelahi webinadumy roire rubuna-di. Tai Jesuïsi-ko tuu relyyreny. ³⁹Tai Jesuïsi ibireweribi-ò rare. Tahe irubuna iribi riòlòd̄ȳnyre. Tahe tii ritamad̄ȳnyre. R̄ys̄naò tamy riwahinyre. ⁴⁰Ibutumy iny tawebinadu mahādu didydenyde. Ibutumy Jesuïsi riteyteny tìbò iratityre rilidimyh̄y. Sòwemy iny tytybybina-di r̄yireri mahādu riòlòd̄ȳnyre. ⁴¹Iu tahe rrymy reamy r̄ymyh̄y: —Kai Deuxu Riòretyhy tate. Tii Jesuïsi riermyh̄y tii Deuxu deòdu raremy, tytybybina wahe. Tai Jesuïsi tamy rarybere rybeòkemy. ⁴²Txu ijiramy Jesuïsi rare bedero-txi ixisohojile. Iny sòwemy rijemyh̄y. Itxi rearenyre, iatysy deramy rekoamyh̄yreny. ⁴³Tai Jesuïsi rarybere tamyreny: —Jiar̄y heka Rybewihik̄y T̄myra arelyykre iwitxira hāwā Deuxu Òlòna T̄myramy arelyykre. Tuu Deuxu diwateònyde. ⁴⁴Jesuïsi ibutumy Judeia

mahādu bedè bedemy dohod̄ȳna r̄yiraki rotohod̄ȳmyhyre.

5 Jesuïsi tahe aho ijà-ki r̄yire Kenesare aho ijà-ki. Iny heka sòwemy Deuxu rybe-ò roholakemy iu r̄ymyh̄y. ²Tii robire hāwòò inatximy roinyimyh̄y. Waxidumy mahādu heka rirahure rià-di risuhòreri. ³Idi tahe rimyre hāwòò. Simaō hāwò heka rare. Tii tahe ixi-di ritaranyre beroro-ò. Tai tahe tii rexidelenymy relyyre. Kia iny r̄ymyh̄y mahādu heka ribedeernymy relymyh̄y. ⁴Rexihure rybe-ribi. Idi tahe Simaō-ò rarybere: —Make wa bera-txi. Rià bitidike. Bimykemy utura. ⁵Tahe Simaō rirawònyre: —Wanyr̄y, ruu wa wadireny aòkòhykylemy bedewadireny rareri, uturamy ho aòkò. Tarybete urenana anakre. Aritidikre heka rià. ⁶Tahe ritidireu tahe, rià utura sòwemy rimyre, kia rautxienyre. Tule riykamyh̄y rià. ⁷Talawò biòwa mahādu-ò rryre: —Bòdòibedenyke bidiwawiòhenanybenykemy. Inatxi hāwò heka r̄yxire. Rit̄xinyre utura-di. Ihyy berahatxi-ò ijiramy riwis̄nymyh̄y ilawòreny. ⁸Simaō tuu robire. Tii Jesuïsi ratximyh̄y tahe tatiowomy resere Jesuisiko-txi. Simaō Pedro rarybere: —Wanyr̄y, aribi k̄ny iòhòmy ar̄yiōtyhy. Jiar̄y heka waòrarudimy rare. ⁹Simaòboho bedè riòtiinymy rabadewore aòma utura sòwemy tamyreny riwahinyraki wahe. Tii tuu iximy rarybere. ¹⁰Ibutumy tiiboho mahādu ribedeòtiid̄ȳnyrenyre Zebedeu riòre kia Txiau, Joaō-wana. Jesuïsi rarybere Simaō-ò: —Brebuiomyke heka ikonana-ò heka utura bimyòkre. Wadee dori maaòmys̄d̄ȳnykre hābu wadee bimykemy. Tamyreny biwat̄ynnykre. Iwese utura temymyh̄y wese, wadee hābu wiji bimykre waeryd̄ȳna mahādumy rarekemy. ¹¹Tahe waxidumy mahādu ibutumy kaa tawaxi tarià iu ririra Jesuïsi riheludunykemy.

¹²Ròirenyre rirònyrenyrene ibutumy hāwā-ò. Idi tahe hābuò rare ityjjyhykyle. Hābu Jesuisi robireu tahe resere iko-txi, rexitòenyre: —Wanyr̃y, adeewikeki biwateytenykre.

¹³Jesuisi tamy tebò ritetemy rarybere: —Kohe, arateytenykre. Tii reytemy reare. ¹⁴Tai Jesuisi rarybere tamy: —Inyò-ò tahe ijyyòmykre. Xiwena wahidỹydu mahādu-ò make. Tai maxiwekre tuu Moisesi bede riywinyre myna. Xiwenaò heka biwinymy biwahinykre. Moisesi rarybere wese wahe. Iny mahādu-ò heka biteòsinykre. Kia riteòsinykre teytetamy. ¹⁵Tahe ihārele Jesuisi ibutumy rieryre. Sòwemy iny heka wirotyre raholakremy. Ijò nade aōma iwebinaduna ibina-ribi riteyteuykemy. ¹⁶Tahe Jesuisi iribireny aōma rexitòenykremy rexitare.

¹⁷Ijò txuu ròbedeerydỹmyhỹu, fariseu mahādu, bede ywina rybe bede erydỹyduò-wana rononymhỹreny. Ibutu hāwā hāwā-ribi dotydenyde wese tahe sòwerenyre, Kalileia bede-ribi Judeia bede-ribi, Jerusalē hāwā-ribi. Deuxu deytana Jesuisi-ki ratximyhỹ. Jesuisi hāwālò-ribi dobehede tii-wana, taerydỹyña mahādu-wana wahe. Tahe sòwemy iny iube-ki ributunymy rononymhỹre. ¹⁸Iny mahāduò heka hābu iumymy manadu kididydenykemy ratxireri Jesuisiko-ò ritidirenykemy. Idi tahe hābu webinadu wahe Jesuisi-ò rakemy bede riywinyre. Inatyhyle riathyhynyre. ¹⁹Inysòwereki tahe tamy rehemynyrenyòtyhy. Tai tahe hetoratyti-ò raòwònyre hābu webinadu-di. Iribi tahe diberesedỹynde reroti-di. ²⁰Jesuisi robire, rieryre aōma rityhynymy ratxirenryeri. Hābu-ò Jesuisi rarybere: —Wy, àðraru heka raixāwidỹnyra. ²¹Tahe fariseu mahādu he widee raryberenyre: —Mobo kia hābu ratxireri, timyhe tu kia irybeòna rybe-di. Deuxu-ò kia rybe ibinatyhy

rare. Deuxu sohojile òraru-ribi iny riixāwididỹnyrenyhyre. ²²Tahe Jesuisi rierymyhỹ timybo rexinohòtinymy-hỹreny. Tai rarybere: —Aòherekibo kia wesemy texiraykynytenyteri. ²³Tibohe irutaòre webinadu-ò rybe: —Aðraruna reixāwididỹnyra ada myimy mariake aòbo. ²⁴Deuxu Rìòre Hābutyhyhykỹ jiarỹ rare. Tai waruruna wadee Deuxu Rìòre òraruna ixāwididỹnyra. Katahe bierybenykre inatyhymy aòbo rarybereri: —Myike, abyre biwymy asỹ-ò ta mahe. ²⁵Hābu tabyre rimymy tahe aòwesele tasỹ-ò rare. Deuxu riwowydynymy rare. ²⁶Sòwemy iny ribedeòtiidỹnyrenyrene. Riwowydynymy rỹimyhỹ. Tiiboho raryberenyre: —Aòwitxiramy wiji inyboho robirenyra. Tiu juhūu tukòre-ribi wahe robirenyra.

²⁷Iribi tahe nieru bede dinodu nieru mynydumy robire, Levi heka inire. Tii heka raaòmysỹdỹnyrenyhy titxibo nieru tarasana-ki. Jesuisi tamy rarybere: —Manakehe wawana. ²⁸Tahe taaòna ibutumy ririre, idi ihemy rare.

²⁹Levi tahe taheto-ki roxinaò riòlòdỹnyre Jesuisi dee. Tamy rehemynyre nieru arisidu mahādu, tule fariseu mahādu. Ibutumy iny iarixina mahādu. ³⁰Kia fariseu mahādu kia bederydỹydumy mahādu tyritirybedỹydu mahādu kie heka aòbina binahylemy rarybereri Jesuisimy. Jesuisi terydỹyña mahādu-wana kiamy rarybereny: —Aòherekibo kaiboho teroxitenyteri, nieru arixidu-wana, iðrarudu sòwe mahādu-wana. ³¹Jesuisi rirawyònyre: —Iny awimy ratxireri-wana, òhotibedumy reaòmyhỹre. Webinadu mahādule ta tuu reamyhỹre. ³²Òbiti mahādu-ò aòkò heka jiarỹ anade rybemy. Tiibohole heka ixi-txi tòhòti reakemy idi watxireri.

³³Tahe tiiboho Jesuisi-ò rarybere: —Joaò heludu mahādu roxiòmy txumy rỹire. Tule tiiboho rexitòenyrenyrene.

Sōwemy rexitōenymyhÿre fariseu mahādu erydÿÿna tule. Tahe aijoi tahe riroximyhÿrenyre riōmyhÿrenyre. ³⁴⁻³⁵ Tahe Jesuisi tamy rarybere: —Hāwyymy heridu tÿmyra ijoi ratxikeki heka tiu itobidÿÿnana mahādu wahe. Kia heka riroximyhÿke. Kia tahe tÿmyra iribireny ratakreu, iijoi mahādu renarehekre. ³⁶ Tyky tÿmyraō tiu tykytyby dōbōnamy iny ritidiōtyhy. Timyki dori wii wiōbydÿÿōna. ³⁷ Vii tÿmyra heka tiu aōirōdu tyky watxiwe yla tyby-ō rarareōmyhÿre, tukeki ta kia raykacre idi vii urile rejujukre. ³⁸ Vii tÿmyra heka hyna tÿmyra-ō rararemyhÿke. ³⁹ Inyō vii tybyhykÿ riōkeki, itÿmyra rexitōenyōtyhy. Kiamyki rybe. Vii tyby dori itÿmyra-ribi awi rare.

6 Judeu elehydÿÿnymyhÿreny txu kia idi rekoarenyre maixōmoho-di. Ierydÿÿna mahādu rimyra maixōmo, maixōmo, debō-di riroxitytxiwimyhÿ riymy idi rare. ² Fariseu mahādu tuu robire. Tamy rÿÿraxire: —Aōherekibo kia wese tewinyteri. Kiamy heka iwidÿÿōmyke bedeywina rybe rarybemyhÿre judeu elehydÿÿnymyhÿrenytxumy. ³⁻⁴ Jesuisi tamyreny rarybere: —Ihetxiu Davi tamahādu-wany rama risareu, Deuxu dohodÿÿna hetowo-ō rirōnyre. Tai Davi xiwena rÿsÿnale taijoi-wana rirÿsÿre. Xiwena wahidÿÿdule heka irÿsÿdure, inywitxira ta aōkō. ⁵ Jesuisi ritÿnynyre tamy: —Hābutyhyhykÿ jiarÿ rare, Deuxu Riōre wahe. Kiata sabado wedu jiarÿ rare, elehydÿÿnymyhÿrenytxu wedu wahe.

⁶ Ixityre ralore dohodÿÿna mahādu heto-ō rōbedeerydÿÿkemy. Hābuō tai rare tebō rabinamy. ⁷ Tahe fariseu mahādu Jesuisi-ō retehere. Riteyteynykemy kia hābu webinadu judeu elehydÿÿnymyhÿrenytxu. Rexiwodohonanyre. Kiatxu tii

riwinyrekeki tahe ribinanyke judeu elehydÿÿnymyhÿrenytxu, riwinykeki wahe. ⁸ Jesuisi rierymyhÿre aōmybo tiiboho raraykynyrenyteri. Jesuisi tamy rryre, —Aōma hābu debōbina-ō: —Mynyike ini, ityareny-txi. ⁹ Tahe fariseu mahādu-ō Jesuisi rarybere: —Arÿÿraxikre inihe adeereny, awire adee ka hābu debō ariteytenyke sabado txuu. Aōbo adeereny awire sabadotxu widÿÿ. Aōwihikÿwidÿÿmy aōbo ada aōbina widÿÿmy. Rubu-ō wahidÿÿ aōbo ada rubu-ribi itarasa aōbo. ¹⁰ Retehere! Ibutu-ō idi hābu-ō rarybere: —Ebō inihe biditeōsinyke. Tiu hābu tebō riteōsinyreu tahe, reyttere. ¹¹ Reburerenyre heka. Timybo Jesuisi risÿnyrenykeny rexinohōtinyrenyre.

¹² Idi tahe Jesuisi heka hāwālōraty-ō rare ixitōedÿÿmy Deuxu-ō. Rureherehemy heka tamy rexitōenymy bede idi rÿire. ¹³ Txuijaramy tahe ludu mahādu-ribi waōinatxi reurō taheludutyhy mahādu ritare. Tarybemy rybedumy rininirenyre. ¹⁴ Sohoji ijō heka, Simaō inire, Pedromy idi ranire, ijō tahe Andre rare, iseriōre. Idi Txiau, Joaō, Filipi, Bartolomeu. ¹⁵ Mateu, Tome, Tadeu Txiau, (Kia Txiau heka Afeu riōre rare.) Ijō Simaō Kana bedeluduō rare, tasubedeluudure. ¹⁶ Juda Txiau riōre, ijō Juda Isariō tahe Jesuisi tyhedÿÿdu rare. ¹⁷⁻¹⁸ Jesuisi dobehede bedero-ō hāwālō-ribi. Tahe sōwemy iny iheludu mahādu tii-wana rÿimyhÿ. Judeia bede mahādu Jerusalē hāwā mahādu. Tule Kalileia bede, Tiro hāwā, Sidō hāwā mahādu. Tiiboho wii ributunymy hāwā mahādu Jesuisi-ō roholakemy idi reytekemy. Kia tai rōteytedÿÿmyhÿ. ¹⁹ Ibutumy Jesuisi tyky-ō tamy adereximy risÿnymyhÿre adeytena iribi rōhōnymyhÿ.

²⁰ Tamyreny retehere tai ibutumy rierynanyrenyre: —Kaiboho aōkōrenyre-ki, beysebenyke. Deuxu

Òlòna dori ahòròreny rare. ²¹Rama arasareri-wana beysabenyke. Bihydymy dori mabekre. Tule tahinyteri wana beysakre ihewo-ribi. ²²⁻²³Beysamy butxuenykre, inyò umy radònykeki tule. Kaiboho dori Deuxu Riòre tetyhynytenyete jiarý tiire, Hābutyhyhyký Riòre wahe. Kia mahādu eramy ijira Riòre rýikeki beysake. Beysa tyhyki tai. Biu-ki dori aōwiwihiký bitakre. Deuxu rybemy rybedu mahādu tule rotýñnyreny iòaru-ki. ²⁴Kobe làhàxe kaiboho ityhy mahādu abedesanareny dorihe rexihura. ²⁵Kobe làhàxe ahàdyreny mahādu, aramasanareny dori rehemynyre. Kobe làhàxe abedesareny, ahinanareny dori abrunareny rehemynyre. ²⁶Kobe làhàxe atyhydýý sòwereny tule dori. Ilabiereny rybemy rybedutyhy aōkò rityhynyreny.

²⁷Warybe-ò taholatenyteriki inihe ararybekre. Aòludu luumy atxibenyke amykyaradureny-di, awimy idi mabeke. ²⁸Ibinamy aōma umy rarybekeki aōbinahaký riwinykeki, tamy bexitòenykre Deuxu-ò. ²⁹Aòsýny-ribi anahatenykeki iyre-ribi iwyòdýýmy tamy bexirahòreke. Inyò atyky riwykeki tule tamy arahana biwahinyke. ³⁰Iwese aòtxiu aōna inyò adee rexitòenykeki, tamy biwahinyke ixyby iribi iwydykòkemy. ³¹Aōbina inyò adee riwinykòkemy atximahāte. Iwese tiu kia aōhòkýmy inyò isýdýýomykre. ³²Kai aluu mahādu sohojile iluuòmyke; òrarudu mahādu dori tuu rýimyhýre. ³³Kai aery mahāduòle tawotòemahāte, timyki Deuxu-ribi aō atarasaōna. Iny itxýte iehehe mahādu dori widee rawotòemyhýre. ³⁴⁻³⁵Òrarudu mahādu heka widee rihuòtemyhýre. Iribi tahe iwesele ixyby kidiwykemy idi riwisýnymyhý. Kai ta buhuòtemyhýke idi tehuòtete ixyby iraròsòkòmyke. Tukòkeki ta Deuxu-ribi aō atarasaōna.

Aòludu luumy atximahābenyke. Tai Deuxu-ribi aōwiwihiký bitakre. Tai Deuxu wihiký riòremy mabekre. Tii dori inywi-ò inybina-ò awire. ³⁶Awimy kaiboho boibeke, iwese boreny awimy biu-ki ratximyhýre wese. ³⁷Inyòdee kyarakòmyke tai Deuxu adee rakyarananyheny. Inyò taðraruna biixāwididýñnyòkeki, Deuxu tahe aðraruna riixāwididýñnyòkre. ³⁸Ainytyhyke inyòdee imyna Deuxu adee rainytyhynanyhykre. Deuxu ibutumy aōwi adee riwahinykre. Tiwesebo tòwahite wesemyna idi Deuxu adee ròwahikre.

³⁹Aōmybo ribedeerynyre ijyyòmy relyyre: —Inyò ruetà heka riwiòhenanyòtyhy iwitxira iny ruetà. Tukeki heka hāloo-txi wiwana resekre. ⁴⁰Ierysýdýý iòrysýdýýdu, kia ratyre aōkò ratximyhý. Kia uladu ratyyritinyre nihikýmy tahe erysydu tiu taerysýdýýdu ratyre ratxiòmyhýre. ⁴¹⁻⁴²Òwòrukre nihiký aruety-ki roire. Aòherekibo aseriòre ruety-ribi òwòru rýnysiò tarasamy tewisýnyteri. Kia heka itxenadýýdu tate. Juhuu òwòrukre aruowo-ribi bitakre. Idi tahe betehemy iruowo-ribi aòsòmo bitakre. ⁴³⁻⁴⁴Òwòru wihiký tiu bederaty binaò riwahinyòhyymyhýre. Tule òwòru binahaký bederatywimy raratynyòmyhýre. Òwòru raerymyhýre iraty-ò itxere rýimyhýreu, beraty-ò retehemy awire ada ibinare aōbo beraty-ò retehemy awire ada ibinare aōbo. Figoraty uvaraty tiu iwitxira òwòru-ribi raheòmyhýre. ⁴⁵Hābuwi heka aōwimy rotýñnymyhýre iwo-ki tuu rýimyhýremyna. Tule hābu bina aōbinamy rotýñnymyhý iwomy tuu rýimyhýremyna aōbina bina. Inyò dori aōmy raraykymyhýremyna rarybemyhýre.

⁴⁶Kai rarybere boholaòkeki aōbo biwinykeki. Uritere wanidýýomy.

Wanyr̄my tiwaninimyh̄tenyete tahe warybemynamy atxōhyylemyh̄tenyete. ⁴⁷Tiwese hābu warybe riwinyre wese adee ararybekre. Tiu heka ariteōsinykre. ⁴⁸⁻⁴⁹Hābuōmy akoreny arelyykre. Tii warybe-ò roholare idi imynany rot̄ȳnyre. Tii kiata taheto riwinyre manadelemy ria-di. Beōra iheto reseōhyre manatyre-ki relereki wahe. Ikōmyta warybe-ò roholakōre, kawese rot̄ȳnyre. Taheto uritere sukile riwinyre. Beōrau ta, urile resere. Ikyhynakōreki wahe. Kiamyta rot̄ȳnyre warybe tyhyd̄ȳdu-ò idi ityhyd̄ȳdukō-ò.

7 Jesuisi tarybe rahu-di tahe Kafanaō hāwā-ò rare.

²Tai Roma soldado dinoduō tai ih̄myh̄. Teōduō tahe binamy irubu iōhōmy roimyh̄. ³Soldado dinodu Jesuisini-ò roholareu tahe, iōrysmy rarybere. Taita judeu mahādu kia matuariō rexitōenyre aōma kididykremy riteytenykremy kia webinadumy roireri. ⁴Tahe Jesuisi nade juhu be kiamy Jesuisi rarybere: —Ka hābu heka awi biwiōhenanykre heka. ⁵Ka hābu heka waijoi luu nihik̄y rare ihyymy ta dohod̄ȳna hetōō riwinyre waijoi-ò. ⁶⁻⁷Tai tahe Jesuisi rare tiiboho-wana. Tehemyny s̄y iōhōmy rare. Idi tahe ryrowetyakile Jesuisi-wana wii riōbynyre. Aōma soldado dinodu kia biōwa-ò wahe. Rarybere he aōma soldado dinodu kiamy rarybereri: —Noōmy heka. Ihārele teka awimy rareōle heka bedehe mynyke. Awi tate timy heka anaixiranyōtyhy dori raix̄ruw̄ȳh̄re alau adee ixitōed̄ȳ-ò aōma dori adee rybe r̄yikekile aōweseleke wadeōdu kia reytemy reake. ⁸Jiar̄y dori inydee rad̄ȳdu jiar̄y rare. Aōbo riwinykemy. Kia riwinyre warybemynale kia heka jiar̄y rare. Wadeōdu-ò rarybewāhāraki heka: —Kia

biwinybenyke. Riwinymyh̄renyete. Kai tule marybeke, beyteke. Tahe aōwese reytemy reake. Robedeōtiid̄ȳnyre, kia tuu rarybereki wahe. ⁹Jesuisi rōkesereri kia rarybemyh̄yō wahe: —Jiar̄y ka tiu judeu mahād̄ȳ-ki. Hābuōmy rabiō watyhyd̄ȳnamy. Rabireri riwatyhynyreri rabireri. ¹⁰Soldado dinodu deōdu rōōkesereri. Ixyby reytereri idi ronyre.

¹¹Jesuisi rare teryd̄ȳna mahādu-di ijō hāwā-ò. Naī hāwā-ò heka rare. Kiemy rahyymy heka rahyire. Sōwemy iny iheki rare. ¹²Hāwā ijō-ki rehemynyreu tahe kia ibutumyle rehemynyre. Sōwemy iny rubudu rareō wabede-ò. Weryrybōō rurure. Ise, wytese, heka iriōre sohojihyylere. Iny sōwemy heka riheludunyre tahi-di taibru-di. ¹³Tai Jesuisi tuu robireu, idi rexiwōtenymy kamy rarybere: —Ibrukōmyke! ¹⁴Jesuisi debō ritidire caixaō-ò. Iu idi itxyydu ruhurenyre. Idi tahe rarybere: —Weryrybō, bexixake wahe. ¹⁵Weryrybō rexixamy reamy ronyre. Idi rarybere. Tai tahe Jesuisi ise-ò riwahinyre. ¹⁶Ibutumy tas̄y mahādu ribedeōtiid̄ȳdunyre. Tai tahe Deuxu riwowodynymyh̄reny: —Ebe, aōherewe, Rybedu nihik̄y k̄nyhe witxijumy inydeereny rehemynyre. ¹⁷Kia taheka bede bede hāwāmy Jesuisini reare.

¹⁸Joaō heludu mahādu ibutumy tuu relyyre iko. ¹⁹Inatxinareny Joaō riteōnyre Jesuisi d̄ȳraximy kamy wahe: —Kaiwe nodu aōbo tate, ada txiō aōbo ini nodutyhy ariraōrenykre? ²⁰Idi Jesuisi-ò rōirenyre tuu it̄ȳraxid̄ȳmy; —Kai we nodutyhy tate? Ta txio aōbo ini ijō ariraōrenykre? ²¹(Iu ta Jesuisi yla aōkō webinadu, binanamy binana mahādu riteytenyra, tytybybinamy ykydu mahādu, iruetā mahādu sōwemy tule.) ²²Irahu-di ta Jesuisi rarybere Joaō ijoi-ò: —Bōōsebenyke. Ibutumy

kamy tabitenyta taholatenyta Joaōko-ò tuu belyybenyke: —Iny ruetà bina mahādu retehererimy, Iny rutiāre mahādu rariarerimy, tybinamy binana mahādu reytererimy, iny nohōtity mahādu roholarerimy. Iny rubu mahādu heka rubu-ribi rexixarerimy, urimynodu mahādu heka Rybewihikỹ Tỹmyra-ò roholarerimy. ²³Iny bedesa heka rare, warybe tyhydỹđu mahādu.

²⁴Joaō heludu mahādu iribi ròhònyreu tahe Jesuisi rarybere Joaō bededỹñnanamy: —Aōmybo wahe Joaō-di tòhōtinytenynte aōmy tubedi nohōtinyrenynte tamy itxerena bederahy tòitenyteki wahe. Otxirarade wese yhy-ki idi tahōtinytenynte. ²⁵Aōma hābu urimynodutyhy aōbo tahōtinytenyteri. Hābu tyywihikỹdiremy tahe tahōtinytenynte. Iwese iòlò taheto wihikỹ-ki ratximyhỹre wesemy aōbo tahōtinytenyteri. ²⁶Wadee manarybeke aōbo betehekemy tahōtinytenyteri. Deuxu rybeduōmy aōbo tahōtinytenynte. Inatyhy tii rare. Kia ratyre heka tii rare. ²⁷Aōma dori tyryiti-ki rarybemyhỹre: —Tii heka wakoki kadehemynykemy ratximyhỹre, tamy relyykemy, ryō riywinymyhỹre.

²⁸Inatyhy kaa rare. Tie heka ibutu hābu ratyre ratximyhỹre. Ihārele tahe inyō Deuxu Iòlòna-ki ratxikeki heka iratyre ratximyhỹre. ²⁹Tahe nieru butudỹđu mahādu kia-ò roholare. Tule sōwemy iny kia-ò roholare. Tiiboho Deuxu bede ywina tyhydỹđu mahādu roire. Tule Joaō Sebedỹña mahādu roire. ³⁰Fariseu mahādu tahe, bede ywina erydỹđu mahādu tahe Deuxudeewina dera rare. Tai Joaō-ò ratisebemy roiōtyhy. ³¹—Mowesebo heka wijinabòdu mahādu wesemy ratxireri. ³²Uladu mahādu wesemy tiiboho ratxireri. Tiiboho ijō uladu mahādu-ò rryrymyhỹre: —Inyboho rawiunyre, tahe kaiboho teseōtyhy. Wobina wiu

rawiunyre tahe kaiboho tahinyōtyhy. ³³Joaō Sebedỹđu renareherenyōmy rỹire, vīi riōōre. Ihāre tahe kaiboho tarybete: —Tii tyytybybina-di ihỹre.

³⁴Hābutyhyhykỹ jiarỹ rare, Deuxu Riōre wahe. Jiarỹ reroximyhỹre tule reōmyhỹre. Tai tahe tarybemahāte jiarỹ wabyre nihikỹlemy wamomohōkỹremy. Jiarỹ riki òrarudu liinatyhy heka jiarỹ rare, nieru tarasadu liina wahe. ³⁵Ihāre tahe aōikōkōlemy heka taraykynymyhỹtenynte ihāre taheka òbitilemy ixi-di tahōtinymahātenynte.

³⁶Fariseu mahāduò heka Jesuisi ritobinyre taheto-ò roximy. Jesuisi tahe rare idi ronyre roximy. ³⁷Kia hāwā-ki tahe hāwyyō rasỹnyre, wydena wahe. Tii heka Fariseu heto-ki riroxirerimy roholareu, tii tule rare. Tahe hyna òwyhykỹ rimyre. Alabastro aderònahynani rare. ³⁸Hāwyy tahe Jesuisi hewomy ronyre, iòhòmy. Tahe aderòna ritxiwire iwatyre. Tule iwa-ki ruworuwòmy ratximyhỹ irube-di iwa risuhòra idi irade-di rabunyre.

³⁹Fariseu kiamy robireu, ixideele rarybera: —Kia hābu Deuxu rybeduò aōkō rare. Tuukeki tii hāwyy rieryke aòhāwyybo tii ratxireri. ⁴⁰Jesuisi tahe fariseu-ò rarybere: —Simaō, adee ararybekemy watxireri. Simaō tahe rarybere: —Manarybeke Waerydỹđu!

⁴¹Tahe Jesuisi rarybere: —Nieru huòteduò heka inatxi hābu-ò nieru riwahinyre. Ijō 500 rihuòtera, ijō tahe 50my rihuòtera. ⁴²Idi tahe hābu inatxi nieruòhyymy rỹire òòsemy tanieru tamy. Tai tahe nieru huòtedu riwotòenyrenynte tahe ritusanyre, wiwana iòwy riixāwididỹnyre. Tibo huòtedu ilàhànadỹđu tyhyre. ⁴³Simaō dirawyònyde: —Kia òsana 500my rihuòtere. Tahe Jesuisi rarybere: —Inatyhy rare. ⁴⁴Jesuisi tahe hāwyy, riijemy, tahe Simaō-ò rarybere: —Kahāwyy ini bidiijeke.

Jiar̄y nadehemynydeu, tii tarube-di wawa risuhòra. Kai beeò tadiwyòte. Tii tarube-di riwawasuhòra. Iu tarade-di riwawarabunya. ⁴⁵Kai tiwawehityhynanyòte rehemynyrau, tii tahe riwaatyòhyymy ratxireri. ⁴⁶Kai warade-di òl̄yre tetxiwiòta tii tahe aderòna wawatyre-di ritxiwire. ⁴⁷Tai tahe adee ararybekre. Tii inatyhymy waluure. Taðraruna ixāwid̄ȳna-ki. Inyò iðraruna ibutemy raixāwid̄ȳnymyhȳreki, tii inatyhymy aōkō taðraruna ixāwid̄ȳdu luure. Ijō tahe inatyhyhyk̄ylemy taðraruna ixāwid̄ȳd̄umy reamyhȳre. ⁴⁸Tai Jesuisi hāwy-ò rarybere: —Aðraruna reixāwid̄ȳnyre. ⁴⁹Tai roxidu mahādu widee raryberenye: —Mohābubo kia rare? Tii ðraruna riixāwid̄ȳnyrerimy. ⁵⁰Tahe Jesuisi hāwy-ò rarybere: —Atyhyd̄ȳnamy textarasad̄ȳnyte aðraruna sōwe-ribi biu-ò hena tetateri. Mata h̄ny.

8 Rexideleny raremyh̄y ralòralòmy hāwā hāwā ikōkōmy reamy rare kia aōma Deuxu Rybewihik̄y T̄myra relymy rare. Tai ierd̄ȳna mahādu waðinatxi reuròmy idi ròirenye. ²Tule hāwyò tiiboho wana ròirenye Ijōta Marie Madalena heka rare. Juhuu tahe tyytybybinahak̄y-di raremyh̄y. Idi debò inatxi reuròmy tyytybybina iribi riòlòd̄ȳnyre. ³Ijōta Joana Kusa hāwy rare. Tii iòlò Herodi heka aōmys̄d̄ȳdu heka rare. Tule ijō hāwyò Susana inire. Idi tule ihona hona Jesuisi taijoi-wana ibutemy tanierureny-di riwiðhenyrenymyhȳre.

⁴Idi iny sōwemy titxiribibo dirahude kia-ò. Kia mahādu-ò heka Jesuisi ribedeerynyre ijyōmy. ⁵Alòbòròna-di dehuu heka ròhònyre taoworu-ò. Alòbòròna-di imahādu ijō ryo-txi resere. Tai heka iny rariamyhȳre alòbòròna tyre-ki. Nawii tule tuu riroximyhȳ. ⁶Mana rotysu-txi ijō

rejuxunyeri mana rotysu-txi suu dori ibututere tai tahe iraruxiòlemy raumynyre. ⁷Ijō tahe edey-txi resere. Raumynyreu tahe edemy riòh̄t̄nyre. ⁸Ijō resere suwi-txi. Tai ta raumynyre idi sohoji alòbòrònaty-ribi 100my raratyne. Jesuisi tamy rarybere: —Kaiboho òhòtiren̄ȳd̄ikeki heka inatyhymy warybe-ò boholabenyeke.

⁹Tai tahe Jesuisi-ò r̄ȳraxyne: —Aōwe kaa tekewesenanyteri? ¹⁰Jesuisi rirawònyre: —Kaiboho heka teerytenyte aōbohe wasimy ijy rare Deuxu dori adeereny rit̄nyne. Kia tahe rare, Deuxu Iòlòna aōmyd̄ȳnana wahe. Ijō iny-ò tahe rarybere ijy-di relyre. Tai robikre tahe, rieryòtyhyke.

Roholarenkyre tahe rieryòtyhyke, timybo juhū Deuxu rybemy rybedu mahādu rarybere wese.

¹¹Aōmybo kia aōijybo kia rare wahe. Alòbòròna heka Deuxu Rybewihik̄y wese rare. ¹²Ryo-txi resere heka ijohonadu wesemy rare. Deuxu ijy heka resera ede sōwey-ki. Tii heka Deuxu Rybe-ò roholamyhȳre mahādu wese rare. Idi tahe Satanasi heka ritamyhȳre iworeny-ribi. Tai rityhynyrenykom̄y idi biu-ò rahenyòkremy. ¹³Ijō tahe manasuò-txi resere heka, kia Deuxu Rybe-ò roholamyhȳre mahādu wese rare. Rybe-ò juhū roholamyhȳre deysana-di rityhynymyhȳre. Kia manatyre resera heka irarutiòhykre. Iny mahādu wese heka rare. Idi ikyhynak̄oreki, iwodelòlòtòmoreki urile tatyhyd̄ȳna riatmyhȳre. ¹⁴Ijō tahe edesuyky-txi resere heka, kia Deuxu rybe-ò roholamyhȳre, idi iworekena sōwemy, iaòdelòlòtòmomy, idi ityhyna wahe urile riòhòt̄nymyhȳre. Tai ròwiðhenad̄ȳòhyymyhȳre Deuxu tyhyd̄ȳna-ki. (Kia tahe alòbòrònaò ede yky-txi resera tahe iny umy witxira wesemy heka rare. Iny umy tyhyna idi

ratxireri heka kia wesemy kia ede-txi iny reseremy. Aōma kia inytyhyna ratxireri. Tiu heka ityhydỹyna riòlòdỹỹotyhy. Kia alòbòròna tahe tai heka rokuōtyhy.) ¹⁵ Kia ijò alòbòròna suu witxi-txi reserá tasỹ iwitxira inywesemy rare. Kia ijohonadu aōma rierymyhyre. Irayky-ò ralòmyhyre. Kia iwotyhywo-ò òbitimy ratxirerí tahe, òbitilemy aō riwinymyhyre. Iwese kia alòbòròna sòwemy raty rawahinyre wese tahe tii rare. ¹⁶ Ijò ijyy tahe kiamy roire. Uritere inyò loosònaò rideōmykre butxi rawo-txi ada herina rawo-ò-txi aōbo. Loosòna bidekre bedewiò-ò. Tai tahe ibutumy bede ritoosònanykre. ¹⁷ Aō heka tai wasimy ratxiòhyymyhyre. Aōutxumy dori ibutumy erylumy rarekre. ¹⁸ Tahe bexijebynykre ijohona-ò. Kia sòwemy idi rýirerimy ihỹre heka sòwemy rymykre. Kia urihimyo iwo-ki rýireri heka iribi ritakre. Idi ibutumy rýireri heka iribi ritakre. Urihimyo iribi iny ritakre. Urihimyo iwo-ki rýireri heka hulemy iribi ratakre.

¹⁹ Jesuise, tariòreboho tamy doide. Tii ròbedeerydỹmyhyki isirare tamy dehemysỹ iny sòwe òraru-ki. ²⁰ Tai inyò Jesuisi-ò rarybere: —Adihe wa aseriòre boho hewa ahanakile ratxireri umy robikemy ratxirenyreri. Adeerarybekemy. ²¹ Tai Jesuisi rarybere: —Waseriòre wa kia Deuxu rybe erydỹynaò rare. Kia tamy roholamynyrele heka rityhynmyhyrele heka nadi wesele rare. Tii-wana iwese waseriòre wesele rare.

²² Iribi tahe hāworo rorukurenyreu Jesuisi rarybere: —Ròkòireny kanawe-ribi ijà-ò. Idi tahe roirenyre. ²³ Jesuisi ròròmy tòru-ki. Idi tahe yhynihikỹ òbònihikỹ-wana tamyreny reare. Ruberurenyre tiiboho rỹmyrenyke lau. ²⁴ Tai tahe wylemy riixixanyreny: —Erydỹdu, Erydỹdu rekekoarenkykre berahatxi-ò. Idi

Jesuise donomy deademy tahe yhy dee rarybere: —Biyryke, Biyrykewa. Yhy ruhummy resere. Òbò tule ruhummy ibutumy riyryre, iny rurukre. ²⁵ —Kaiboho tiwexe ainatyhynareny? Tiiboho rabedeòtidỹmy ruberumy widee raryberenyre: —Aòhābuwe kaa rare. Yhyhykỹ dori òbò dori irybemy reòbyreri.

²⁶ Kanawe-ribi ijà-ò rehemynyreny Kerase bede-ò kalileia aho weribi-ò. ²⁷ Hābuò heka tamyreny dobehede hāwāhākỹ-ribi tamyreny dobehede. Tiiboho riòtyròny hāwāro-ribi iu ta tyytybybina-di ratximyhyre hābu tiu rexityynyòhyymyhyre tatyy-di hyymyhyre. Kiamy wabedekihyye ratximyhyre. ²⁸ Jesuisimy robireu tahe bedetxile resere tairy-di rryre: —Aòhebo biwasỹnykre Jesuisi. Kai Deuxutyhy Riòre atxiteri. Uritere aòhòkỹmy wasỹdỹỹomykre. ²⁹ Tahe Jesuisi heka tyytybybina iribi riòlòdỹỹnyre. Sòwemy dori riuwinyre hābu rimymta. Riuwinyre idi rihure. Tai heka tii uritiere womati reroti-di ritaataamy riijemyhyre. Ihāre tahe ixi-ribi riòròmyhyre. Tai bedero-txi reamyhyre tyytybybinamy rawonmy. ³⁰ Idi tahe Jesuisi rỹraxire tamy: —Mobo anire? —Sòwemy wanire. Tyytybybina sòwemy dori tuu rexiykynyreki. ³¹ Tiiboho raryberenyre: —Uritere bedebinahākỹ-ò wateòdỹỹrenyomykre. Uritere sỹu-ò noōma rarekremy hālootxi-ò. ³² Iu tahe ixỹni juramy riroximyhy hāwālò-ki. Tai tyytybybina mahādu Jesuisi-ò rarybere: —Biwateònyòke. Kowa ixỹnijura-ò biwateònybenyke aralorenkykre. Tai Jesuisi riròtenyreny. ³³ Iu kia hābu-ribi tyytybybina ròhònyrenyreu tahe ixỹniwo-ò ralòreki wahe. Raòlònyra ijò-di rejuxunyre taraò wahe. Ibutumy ahoro-txi rejuxunyre. Ibutumy rururenyre berahatximy.

³⁴ Ix̄ni-di itxeredu mahādu ibutumy rajiranyra hāwā-ò tule relyyrenyre tuu iny ras̄nymyhȳre mahādu-ò. ³⁵ Tai iny dirahude tamy itxeremy. Idi tahe rare Jesuisi-ò. Hābu robimyh̄renyre tatyky-di ronymyh̄ ibutumy rexiywinymy Jesuisi-ribi iòhòmy ronyre. Kia iny mahādu heka sòwemy ruberure rabedeòtiid̄ȳnymyhȳre. ³⁶ Ibutumy relyyre. Kia tyytybybina timybo aòhebo rot̄ȳnyremy. ³⁷ Kia Kadara bedeludu kia mahādu tahe rexitòenyre Jesuisi-ò iribi ròhònykremy, ilau ruberurenreki wahe. Idi tahe Jesuisi ròkòsere ix̄byle reare hāworo-ò. ³⁸ Hābu tahe rexitòenyre Jesuisi-wana rakremy, kia tyytybybina-di iwo-ki ratximyh̄ wahe. Tamy rarybere: ³⁹ —Aòkòre bòkese aheto-ò. Ibutumy belyyke aòbo adee Deuxu riwinyremy. Tai ta ibutumy hāwā hāwā-ò relyyre aòhebo Jesuisi ris̄nyremy.

⁴⁰ Kia iny sòwehek̄ mahādu heka teysa-di rimyre ridyremyh̄re riraòhyymy ratximyh̄reny. ⁴¹ Kia hābu dohod̄ȳdu hetowo eryd̄ȳdu tahe nade Jesuisi-ò. Tii heka dohod̄ȳnana dinoduò rare. Ijairu inire Jesuisi-ò sutxi resere: —Mynake was̄y Jesuisi ⁴² Jiar̄y wa wariòre sohojile rare waòinatxi reuròmy iwyra. Tii ka rurukremy roireri. Idi ta Jesuisi rare is̄y-ò. Sòwemy iny Jesuisi riheludunyre.

⁴³ Hāwyyò raremyh̄ heka hāwyy webinadu rare iòhò Jesuisi rexis̄ny waòinatxi beòramy heka idi ròhònyre hykyky hālubu ratxireri. Tii heka inyò reteytenyòhyymyhȳre luahid̄ȳdu, òhotibedu mahādu he risiranyre. ⁴⁴ Tai tahe Jesuisi tykysi-ò reare. Tai ta aòwesele reytemy reare. ⁴⁵ Jesuisi rarybere: —Mowe watxi reare? Ijò rarybereri: —Eryd̄ȳ mahādu aòkòre, jiar̄yboho aòkòre. Pedro rarybere: —Aòheta sòwe iny kaki r̄yireri. Timykibo tuu t̄ȳrayiteri. ⁴⁶ —Jiar̄y

dori reeryre. Mobo watxi rearaule reytera. ⁴⁷ Tiihe hāwyy ratxiremyh̄ ramytatamy. Tamy ramytatamy heka tamy rehemyenyre. Iòraò rexibedenyre. Ibutumy iko tuu relyyre. Aòherekibo itxi reriramy. ⁴⁸ Tai tahe Jesuisi tamy rarybere: —Ler̄y, atyhyd̄ȳna myna teyteta. Ta bexiywinymytah̄ny maa!

⁴⁹ Kie raryberemyh̄wanale tas̄y iny witxiraòle dehemynde. Kia aoma dohod̄ȳna wedu heto-ribi dehemynde. Ijairu-ò rarybere: —Ariòre wa rurura. Uritere ta òhotibedu-ò ijiraoma ixinamy tii rakre. ⁵⁰ Jesuisi kia-ò roholareu tahe Ijairu-ò rarybere: —Utile bityhybenykre. Breburenyoma tii reytekre. ⁵¹ Tii rehemyenyre heto-ò. Jesuisi ralòre iny deramy reare. Tii wana rake lau. Kia uladuse, uladutyby, Pedro, Txiau, Joaò wana kiale ralòre tamy tiiboho wana. ⁵² Ibutumy ras̄ybinamyh̄ Jesuisi rarybere: —Ibryrenyòmyke hewa rurumy aòbo roire, urile ròròmy roireri. ⁵³ Ibutumy rieryrenyleri tiiboho urile tai idi risinyrenyre rurumy roimyh̄ki. ⁵⁴ Jesuisi ihāre ta hirari debò-ki rimyre. Tai tahe idi rarybere: —Hirari, bexixamy, bodonyke. ⁵⁵ Itytyby aòwesele ixityre tamy ralore. Dexixade, donyde. R̄ys̄na hirari-ò riwahinykemy Jesuisi rarybere. ⁵⁶ Tai tahe tybyboho sòwemy rabedeòtiid̄ȳrenyre rabedesarenyre. Jesuisi rarybereri: —Utile wamy ijyyrenyòmykre. Aòbo adeereny rewinyramy.

9 Jesuisi tahe tawaòinatxi reurò taeryd̄ȳna mahādu ributunyre. Taruru tamy riwahinyre tyytybybina iny-ribi ritakremy. Tule iny webinadu mahādu riteytenykre. ² Tule rarybere tamyreny: —Kaiboho belyybenykre Deuxu kia Iòlònamy tule webinadu biteytenybenykre. ³ Aò awanareny wyd̄yrenyòmykre debòna aòkò, aona

hyna tule aôkôre. Tule rysynake aôkô, nieruke aôkô. Ainatxityyke aôkôkre. ⁴Hâwâ-ki hetoô-txi malôkeki taile bonykre. Hâwâribihyyle bôhônkykre, kia heto-ribi bexitakre. ⁵Ibinamy aramyrenykreki, urile bixitakre. Idi ôlôna-ki, awa bitôtynykre ibinamy tai tahatenytaki. ⁶Tiiboho rôirenyre hâwâ sômo sômo-di Rybewihikÿ Tÿmyramy relyrenykeny rôirenyre. Tule iny webinadu ibutumy iteyteynyreny hâwâ hâwâ-di.

⁷Idi tahe iôlô Herodi ibutumy heka aôna aôna rierymy ratximyhÿ. Tai tii bede ryy rieryôhyumy ratximyhÿ aôbo riwinykre. Roholamyhÿre heka iny rybe rybe-ô. Joaô heka rexixamy ratxireri. ⁸Ijô tahe kiamy rarybereri: —Eliasile ratxireri. Ijô rarybere Deuxu rybemy rybeduô ratxireri. ⁹Tai tahe Herodi kiamy rarybereri: —Jiarÿ heka Joaôra resumy rewahinyre. Mobo ratxireri iwese Joaô raremy wese he ratxireri. Moobo ta kiamy raholamy watxireri. Tai Herodi tuu robikemy riwisÿnymyhÿ.

¹⁰Jesuisi eryna iko relyymyhÿreny ibutumy aôbo aôhebo rotÿÿnyrenyremy tabededÿÿnana. Jesuisi riôlônnyrenyre ijô hâwâ witxira-ô, Besaida hâwâ-ô wahe. ¹¹Tai iny sôwemy hekÿ rieryôlemy idi ta rieryreu tahe sôwemy ihemy rare roirehe. Jesuisi he ributumy ikole relyre. Deuxu iôlômÿ relymyhÿre. Tai rôteytedÿÿmyhÿ webinadu mahâdu. ¹²Aôtxu tahe katxioromy Jesuisi eryna mahâdu, waôinatxi reurô mahâdu tamÿ raryberenyreny: —Bede biywinyke ibutumy iny rÿireri hâwâ-ô tarÿsÿna ôbradÿÿmy. Inyboho dori bedero-ki ratxirenryeri. ¹³Tahe Jesuisi rarybere: —Kaibohole rÿsÿna biwahinybenyke. Rirasÿnyrenykeny ierydu mahâdu diwyônydenyde: —Aôheretahaka, iruyre orotxu idi inatxi uturale heka roireri. Aroikemy aôbo wadireny atxiteri rÿsÿna

ôbradÿÿmy insôwe-ô. ¹⁴Txibo 5000 hâbu sôwemy heka rÿimyhÿ. Jesuisi rarybere: —Bihitxinybenyke 50 iny heka iny bisÿnybisÿnybenyke. ¹⁵Tii myna ieryna mahâdu rotÿÿnyrenyreny. ¹⁶Idi tahe Jesuisi utura inatxi, orotxu iruyre rimyre. Biu-txi reteheremy rexitôenyre. Deuxu reâlâre tamÿ rexitôenyry riyreyrenumy riwahiny taerydÿÿna mahâdu-ô. Riwyreny tahe riwahiriwahinyrenumy idi roire. ¹⁷Ibutumy riroxirenryre idi rihydyrenyreny. Ihâre ta waôinatxi reurômÿ hyna ixyby rÿximy rauhenyreny. Idi ierydÿÿna mahâdu ixyby ributunyre.

¹⁸Jesuisi heka ixisohojile rare ixitôedÿÿmy. Ierydÿÿna mahâdu heka irarô-ki rÿimyhÿ rijemy rÿimyhÿ. Idi tahe tamÿ nade tÿÿraximÿ: —Moboho jiarÿ raremy wamÿ raryberenryeri?

¹⁹Tai narybedenyde: —Ijô Joaô Sebedÿÿnamy adireri. Ijô ta Eliasimÿ adireri. Ijô ta juhûu Deuxu rybedu mahâduômÿ adireri. ²⁰Jesuisi tamÿ rarybere: —Adeereny tahe. Mobo jiarÿ watxireri. Idi Pedro rirawyônyre: —Kai Kristu tate, Deuxu deôdÿÿna wahe. ²¹Tahe Jesuisi tamÿ rarybereri: —Uritere tuu iny-ô ijyykôkremÿ. ²²Jiarÿ Hâbutyhyhykÿ, Deuxu Riôremÿ, aôhökÿmy arotÿÿnykre. Judeu wedu mahâdu, xiwena wahidÿÿdu wedu mahâdu, bede ywina erydÿÿdu mahâdu waderamy reakre. Jiarÿ arurukre. Inataôna txu-di arexixakre. ²³Idi ibutu-ô rarybere: —Wahemy kanake mahâdu urile ixi dee rexijônnykre. Txuô txuôlemy taitxeô rimymÿ kidiwaheludunykre.

²⁴Waôrary-ki rubudu heka biu-ô hedukre. Tukôkeki urile ixinany inatyhymÿ rurukre. ²⁵Aômydÿÿnanamÿ iny ritakeki, tahe taumÿ riônonykeki, kia heka aômÿ aôkôkre. ²⁶Inyô raixÿrukeki warybe lau tule jiarÿ Hâbutyhyhykÿ, Deuxu Riôre wahe, tai ilau araxÿrukeki.

Deuxuko-ò ÿjuko-ò iu adehemynsÿu Deuxu lòlòna-ki wahe. ²⁷Inatyhymy heka adeereny ararybekre. Ijò kaki rare. Deuxu lòlònamy robikre tarubukòtyre

²⁸Tahe debò inataò txuu rÿidi, Pedro, Txiau, Joaò-wana Jesuisi ridyre. Tiiboho sohojile bederatòd-ò roire Deuxu-ò rexitòdenykemy.

²⁹Jesuisi rexitòdenyrieriu tii tamyreny rexiwitxiranyre iu rexitòdenyreu itty heka urile rabòtòranyre. Iurahakÿmy relere. ³⁰⁻³¹Tahe tamyreny dexitÿnynyde Eliasi, Moisesi-wana tahe rarybemyhÿre Jesuisi-wana. Jesuisi rubunamy Jerusalē hāwā-ki widee rarybemyhÿrenyre, kia Deuxu bedewidÿÿnana myna. ³²Pedrobobo rōrōrenyrieri. Idi tahe rexixarenyre, tiiboho Jesuisi loosònamy robirenyre. Eliasi, Moisesi-wana tiiboho tuu robirenyre. ³³Rōireriu, Pedro rarybere Jesuisi-ò: —Wawedu, awityhymy inyhe inyboho kaki ratxirenryeri tahe rikiwinyrenykre inataò hetomy, ijò adee, ijò Moisesi-ò, ijò Eliasi-ò. Pedro rieryòlemhyÿre aòmybo rarybemyhÿ. ³⁴Tai rarybereu Nonoe dobehede iubòròna bede ritòbònyre. Pedro, Txiau, Joaò-wana ruberumyhyrenyremy. ³⁵Tahe ròhònymy reare rybeuni iuribi: —Kia heka Wariòre waluu rare. Kaiboho tamy boholabenyke. ³⁶Tiiboho reteherenyre tahe inyòmy robiòlerenyre Jesusilemy ta robirenyre. Tahe rybeòmy rÿirenyre. Iu inyò-ò aòmy raryberenyòre tuu.

³⁷Tai tahe ijò txu ratò-ribi dehemynydeu iny sòwehekÿmy Jesuisi-ò ròirenyre. ³⁸Inyò rarybere: —Erydÿÿdu, wariòre adee redyreri. Beteheke wariòre sohoji-ò. ³⁹Tyatybybina rimymhyÿreu tahe riatyre bede-ò. Idi tahe urile txuu riyiyidÿÿnymhyÿre. ⁴⁰Aerydÿÿna-ò jiarÿ rarybera tyatybybina riteònykremy, tahe tiiboho riixawidÿÿnyòhyrenyre.

⁴¹Jesuisi tamyreny rarybere: —Tiwesebededÿÿnanabo wijinabòdu ityhyòlemy rÿira. Tiwesebededÿÿnanabo akyreny-ki ariijekemy. Wadee uladu bididyke. ⁴²Tahe didydenyre Jesuisi-ò. Tahe tyatybybina urile riitxÿteitxÿtenymy resere. Idi tahe urile bede-ki rexiraòhòhòremy sutxi resere. Idi rarybexinymy. Rybexi irywomy ròhònymhyÿ. Jesuisi tahe tyatybybina iribi riòlòdÿÿnyre uladu riteyteyre. Idi uladu tyby-ò riwahinyre. ⁴³Ibutumy iny Deuxu aòwidÿÿna-di bede riòtiinyre.

Jesuisi taerydÿÿ mahādu-ò rarybere:

⁴⁴—Boholatyhyki warybe-ò, Deuxu Riòre Hābutyhyhykÿ heka rawahidÿÿkre hābu mahādubinaò-ò.

⁴⁵Tiiboho rierykòlere. Kiamy dori ilaurenry riwore. Tahe ruberurenrye tÿÿraxidÿÿki.

⁴⁶Ryro-ki ierydÿÿna mahādu widee rarybemyhÿre: —Mowexe wiratyre ityhykremy. ⁴⁷Jesuisireny rexiraykynymhyÿreny rieryre. Idi tahe uladuò rimymy rarybere. Jesuisi uladuò wana ronyrenyra. ⁴⁸Tahe taerydÿÿna-ò rarybere: —Moò uladu ka wese wadee riwiòhenanykeki, riwawiòhenanyre. Moò riwawiòhenanykeki, tule waha riwiòhenanyre. Mobo deòdumy reakre, tii ibutu ratyrekre.

⁴⁹Joaò tamy rarybere: —Erydÿÿdu, jiarÿboho riòlòdÿÿnyrerimy tuu rabirenyra inyò tyatybybina-di animy rehureriò. Tahe iny mahādurenry aòkò rare. Tahe jiarÿboho tamy reijònyrenyre iny inyijoirenyre aòkòki. ⁵⁰Tahe Jesuisi rarybere: —Biijònybenyòkre. Inyò inymyrenydòdukòkeki, inyweribireny-ki tii rare.

⁵¹Tahe Jesuisi bededÿÿnana iixihidu iòhòmy idi biu-ò rakreu, tii Jerusalē hāwā-ò rakremy rexiwinyra. ⁵²Tahe takomy inybuta bede riywinyre. Tai itÿhinamy rutòmy Samaria hāwā-ò. ⁵³Tai tahe Jesuisi deramy rekoarenyre

Jerusalē-ò ramyhÿreki. ⁵⁴Txiau Joaō-wana kia rieremy tahe narybedenye: —Wanyrÿhÿkÿ, adee wikeki heòty biu-ribi ityreneny kedsekemy aritxuhorenkre risòrenykre. ⁵⁵Tahe Jesuisi irybereny-ki ibinamy rahare tahe reburemy taò riòðsere iribireny. ⁵⁶Idi ta iwitxira hāwā-ò roire.

⁵⁷Tahe Jesuisi taerydÿÿna mahādu-wana roirenyreu, hābuò tamy rarybere: —Ihyymy awana arakre titxibo makreu, ahekile arakre. ⁵⁸Tahe Jesuisi tamy rarybere: —Ijòrò heka ihāloo dire. Nawii tÿtÿ dire. Tahe jiarÿ, Deuxu Riðre wahetoðre, Hābutyhyhykÿ rare hārele. ⁵⁹Tahe ijò hābu-ò rarybere: —Biwaheludunye. Tahe tii dirawyònde: —Wanyrÿ, Waha heka rurura. Tai tahe juhūu arituunye. ⁶⁰Jesuisi rarybere: —Txioinihe, rubu mahādu wii rituunye. Kai tahe makre Deuxu Iòlònamy belykre. ⁶¹Ijò rarybere: —Wanyrÿ, araheludunye. Urile juhūu wasÿ mahādu arawehityhynanykre. ⁶²Tai Jesuisi dirawyònde: —Inyò ritelenykeki, tahe ixyby òðsemy rexinohòtinykeki, tii waheludu mahāduomy rareòtyhy.

10 Jesuisi 72 hābu heka ritare inatxi inatximy tako-ò tihāwāhāwātxibo rakreò bede riywinyre. Kiamy tamyreny rarybere: —Waijyymy rybemy boibenyke. ²Kiamy heka tamyreny rarybere: —Waaòmysÿdÿÿna heka inihikÿ-di isirare. Iwese maixòmo iny riòròmyhÿre wese heka waaòmysÿdÿÿna rare. Maixòmo oworu heka inihikÿre, idi aòmysÿdÿÿdu heka ibutere. Tai oworuwedu-ò aòmysÿdÿÿdumy bexitòenybenyke, Deuxu-ò wahe. ³Kiaboho heka budoeni wesemy iyreny-ki boibeke. Kia-ribi nohòti losaòmykre. ⁴⁻⁵Tai heka bexiijebyenykre anierureny wydÿòmy. Aōna aōna reny-

hynykeò aōkō awareny wydÿòmy iny-ò ryberenyòmy iny iny-ò ryberenyòmy, rywetyatyamy abededÿÿna nodÿÿmy. Inyheto-ò malokreu Deuxu deysanamy birybenybenyke. ⁶Tii adee awirenykre wana heka teysakre kahetoludu. Tai tahe ixibyle adee Deuxu deysana ròðsekre adee awiòhyykeki wahe. ⁷⁻⁹Aōma hāwā-ò malò-wana uritere deuròð deòròðòomy matximahāke. Tai tehemynymy atxiterikile bexijemahā tetxilemy. Uritere rÿsÿna òta òtaò aubeò ritidi wana uritere rybeòlòomy. Birÿsÿmy rybeòlemy. Awìðhedÿÿmy ruruke wana bimymyhy aōbo adee riwahinymyhyre. Iny raaòmysÿdÿÿmy-hÿre heka ròtamyhyre. Kia wese heka biwinymyhyke. Birÿsÿmahāke aōbo adee riwahinymyhyke. Binaò roiwana biteytenymahābenyke. Kia wesemy tamy marybeke: —Deuxu Iòlòna heka iòhòmy ihÿre. ¹⁰⁻¹¹Hāwā-ò birònykeki, inyò aradyrenyòkeki, boibenyke hāwāky-di. Myÿ marybebenyke tamyreny: —Aōbo wawa-ki hāwā-ki rÿireri. Wawa aritòtynye bryby iribi ròhònykre. Adeereny ariteòsinykre nohòti ijaranamy tamyreny. Nohòti losarenymy Deuxu Iòlòna adeereny iòhòmy dehemynyde. Tahe kaiboho teramy tekoatenyte. ¹²Aōma ywisidÿÿnatxu heka tiiboho aòhòkÿmy rotÿÿnyrenykre. Jesuisi rarybere: —Tiro hāwā Sidò hāwā heka awimy aribireny ròhònykre. ¹³Kobe làhàxe kai Korasì hāwā, tule Besaida hāwā. Òhotibe ayreny-ki rÿire, kia heka Txiru hāwā, Sidò hāwā tule kire-wana taò òta òtareny-ribi rexiatyreny. Tiiboho tykysausuhukÿtyre rexisÿnyre bryby-di rexiereny. ¹⁴⁻¹⁵Òhotibetxumy heka Deuxu raruxetòenykre Txiru hāwā mahādu, Sidò hāwā mahādu! Kaiboho tahe aōkore. Deuxu araruxetòenyòkre. Kai Kafanaò hāwā yludu mahādu

aôbo adeereny rotÿÿnykre. Biu-ò aôbo bôibenykre. Aôkô heka heôtybina bedexi heka boibenyke. ¹⁶ Tahe Jesuisi taerydÿÿna mahâdu-ò ixiby rarybere: —Inyô aradyrenykre wana tasÿ-ò. Iwese riwadymyhÿre wesele, aradyrenykre. Moo adeereny roholamyhÿre iyubu wadee roholamyhÿre. Wana tahe waderalemy reamyhÿre. Waderamy reamyhÿre tahe tule Waha deramy reamyhÿre. Deuxu wateôdÿÿdu wahe.

¹⁷ Tanonanareny-ribi iribi tahe kia erydÿÿna mahâdu ibutumy dôdsedenyde. Tiiboho heka teysa nihikÿmy dôidenyde. Tybybinanahakÿ heka irybe-ki rôhônnyhÿre irybereny-ki. Riôlôdÿÿnymyhyreny wana Jesusini-di heka rôhônnyhÿre kiamy Jesusiko-ò tuu relyrenyde. ¹⁸ Tii rarybere tamyreny: —Bexiijebenyke jiarÿ dori Satanasimy biu-ribi rabire, biudelaa wesemy reseremy tuu rabire. ¹⁹ Inatyhy rare waruruke nyderi rewahinyre. Tai hemylala tyre-ki mariabenykeki. Tiu inyô ruuôtyhy itytibôrô nihikÿ arawerenykeki, tiu buruôtyhy. Tule kai aôludu rururatyre arurureny-di boibekre. ²⁰ Ihârele tahe uritere deysarenkômy atxibenyke ka ruu ôraru-ki tyytybybina deôdÿÿna, ruu wahe. Kaiboho dori anireny raritiny roimyhÿre biu-ki kia ta ateysanarenykre.

²¹ Iule tahe Jesuisi reysare heka Deuxu Tyytybytyhy iwomy reareu. Kiamy rexitôenyre: —Waha, kai wa biuwedu tate ibutu bedexi wedu tate. Umy reâlâm y watxireri tamy retôenyre. Wadeysamy watxireri ka aôma dÿÿnana bederaremy nihikÿ iribi tewômy atxiteriki wahe. Tamy hete iwese iny uladu wesemy rityhynymyhyre heka. Tai tahe tamy ritÿÿnymyhyre. Kia adeewimy tuu rare. ²² Jiarÿ heka ibutumy Waha wadee riwahinyre. Inyô rieryôhyymyhyre

Waha wahe. Waôrarukile tahe iny rierymyhÿre. Mobo Waha rare wahe. Waôrarukile dori rierymyhÿre. Ijô aritÿÿnykemy watxireri. Tai tahe tiki tule riery iruru. Taile rierykre. ²³ Rexitôeny rahudi tahe wasimy iwôtemy heka rarybere taerydÿÿna mahâdu-ò: —Kaiboho heka sôwemy aôwiwihikÿmy tabimyhÿtenyde. Tai kaiboho beysabenyke. ²⁴ Ihetxiu heka Deuxu rybedÿÿdu wana kia aômysÿnanamy iôlô mahâdu wana. Kaireny aômydÿÿnanamy robikemy risÿnyre, tahe aôkôhyre. Wijile heka tuu robireri aôrarureny-ki. Tule tabitenyteri kaiboho ratximyhÿ inatyhymy aôbo ôbitimy Jesuisi ijyy-ò roholarenkemy tahe aôkôhyre.

²⁵ Moisesi bedexi ywina rybe-di râire Jesuisi lÿÿraxidÿÿmy. Iwese kai ixilure wese, iny witxira luuke! Tii tahe Jesuisi rihixidÿÿmy rarybere: —Aôhebo arotÿÿnyke biu-ò arahenykemy. ²⁶ Jesuisi dirawyônyde: —Timybo kÿnyhe Moisesi bedexi ywina tyyriti-ki roimyhÿre? Timybo tuu manarybekre. ²⁷ Tii tahe diwyônyde timybo tyyriti-ki roimyhÿre myna:

—Deuxu adinodureny, ibutumy awo-ribi iluuke, ibutumy arayky-ribi aruruna-ribi, ayky-ribi heka iluuke. Tule ibutumy iny ixiwesemy idi atximahâke.

²⁸ Tai tahe Jesuisi tamy rarybere:

—Kai inatyhymy tarybeteri tai inatyhymy mahenykre biu-ò.

²⁹ Kia hâbu heka rexiôbitinykemy idi ratxireri. Taita rarybere Jesuisi-ò: —Mobota waerye? ³⁰ Tahe Jesuisi ikô relyre ijyymy. —Judeu mahâdu hâbu heka ratÿÿnamyhÿ Jerusalê hâwâ-ribi, Ijeriô hâwâ-ò. Iribi tahe kia wasidu mahâdu rimyrenyde. Inieru ibutumy iribi ritarenyde. Itty hÿre raôhôte reubudÿÿle rasiranyre ririre. Tahe ruuôki rÿimyhÿ. ³¹ Aôma judeu

xiwenawahidỹỹduō heka idi rare. Tahe hābumy robire. Idi hābu-ribi irehemy rexiemy reare. Tahe tỹtxi rerikōle rare raty resere. ³²Hābuō rehemynyre tiie-ki dohodỹỹna wiōhedỹỹduō rare, Levita wahe. Tule ratyresemy ririre. ³³Tahe ijō nade Samaria bedē hāwā luduō heka rare. Judeu mahādu heka Samaria mahādu luukōre. Idi tahe kia judeu mahādu roimyhỹ. Tahe Samaria mahādu hābu sōwemy riruxetōenyre. ³⁴Idi tahe tamy rexitỹmynymy tahe iwotōmona rituahinymy ritaataamy iwotōmona. Idi tahe ka hābu relymy idi rare. Aōma ijumenta tyre-ō ritidimy. Idi rare rirarehu tahe heto-ō ritidikremy ririkremy ridymy heka idi rare. Rummy heka ritōenyre hykyky idi bedē nade awimy risỹnykemy. ³⁵⁻³⁷Rudile heka heto òwy-di iwedu-ō heka nieru riwahinyre riōwynyre inatxi womati nieru. Tamy rarybere: —Biwiōhenanyre idi mabekre adòòsekre riròkre. Moma arỹnaderenykre Arỹnadebenykre heka adiōwynykre adòòsekreu wahe. Ka hābuhe rarybere: —Hābu bireludu ratxireri. Kia taruxetōenyre riōsinyre waha tieka idi hābubireludu ratxireri. Wimpy raōludumyhỹre hārele taheka riwiōhenanyre. Jesuisi tamy rarybereri. —Iwesele biwinykre iweseke hābu riwinyra weselemy biwinykre. Kai aōhebo botỹỹtyhy mahake. Iwesele wahe. Jesuisi rỹrāxire: —Mobo hābu aōtxino biōwa rare? Mobo ibireludu wahe? Bedē ywina erydu tai rirawỳnyre: —Iwiōhedỹỹdu wahe.

³⁸Jesuisi, ijō mahādu-wana ròirenyre. Hāwā-ō rirōnyrenyre. Hāwyyō rare Marta inire. Tahe ridyre tasỹ-ō tai ratxirenykemy. ³⁹Tahe Marta heka iseriōre dire. Marie inire. Marie urile ibire-txi ronyra aōbo tarybeke roholakelemy. ⁴⁰Marta heka raelelemy ratxireri. Aōna aōnale rotỹỹnymyhỹle riwinymy taile rare ratximyhỹ. Tai

tahe nade Jesuisi-ō rarybere: —Jikarỹ sohojile wa watxireri waseritxòre riwawikōhenanykōhykyreri. Kai anobohe kòbitimy tai tahateri. Tamy marybeke riwawikōhenykeny. ⁴¹Tai tahe Jesuisi he tamy rarybereri: —Marta, Marta, aōherekibo kai taelelemy teamy atxiteri? ⁴²Sohoji aōmydỹỹnale heka awire. Marie awityhy aōmydỹỹnana ixidee rimyre. Kia moo iribi ritaōtyhy. Riwinymyhỹ awityhyreki wahe. Tamy rarybeōtyhyō wadee roholareri iribi ariòlòdỹỹnyke wahe.

11 Tiutxubo Jesuisi rexitōenymy- hỹre, iny rieryōlemyhỹre. Jesuisi rexihudi, ijoi rarybera: —Biwaerynanybenykre iwese textitōenyteri wese, Joaō tahe taijoi riernanyre. ²Tai riernanyre. Kai bexitōenykeki, kawese marybekre:

—Waha, ani ibutumy tamywimy. Wylemy mynake iny òlòdỹỹmy.

³Rỹsỹna txuō txuōlemy biwahinybenykre.

⁴Inyòraruna biixāwidinykre, iny iwitzira-dori taòraruna ariixāwidinykre. Waatysyrenyōmy òraruna-txi.

⁵Jesuisi heka taerydỹỹna mahādu riernanyre ijyy-di: —Kai arỹsỹnaōmy bonykeki, abiōwa-ō make ruetya rexitòedỹỹmy rỹsỹnaō huòtemy bidiwykemy: —Wy, ahina inataō wadee bidihuòteke. ⁶Wabiōwa rehemynyreri bedetỹi-ribi. Aō heka wawahisidỹỹkōnare. ⁷Tii òsana myỹ adee rarybekre: —Wadee

ixitòedỹỹōmyke ruetyahakỹmy. Arỹiōtyhy wagherina-ribi rexiyrubunymy heka rāireri. Ibutumy iny heka rōrōmy rỹireri. Uladu, tule iumy rōrōmy rỹireri. Wadee ixitòedỹỹōmyke. ⁸Rexitōenyhyhyhy tai hyhyhy rỹikeki tai ihārele rỹike. Abiōwatōenamy aōkō kỹnyhe rỹike. Textitōenyterikile

rŷike. ⁹Tai heka adeereny rarybereri. Bexitòenykeki, biwyke. Bijjeke aôbo teijeteri, tai tahe mahake. Ijòtòbòna bihetenyke tahe adee riraynyny tahe malòke. Tai tahe adeereny rarybera. Ibutumy rexitòenymahâke, tamy riwahinymahâke. Ibutumy iny riijemahâke, tai rahake. Iny rihtenymahâke riraynyke. ¹⁰Tai adeereny rarybere: —Ixitòedŷŷki iny aô rimymhŷre. Aôitxe-ki aôtxi ijara rŷimyhŷ. Ijò-di ròtemy ijara-ki iny ralòmyhŷre. Ijò-di ròtemy ijara-ki, iny ralòmyhŷre. ¹¹Uladuô tyby-ò uturamy rexitòenykeki aôbo, hemylalaô tyby tamy riwahinyke irŷŷnamy? Timyki tuukôna! Kaiboho kiamy aôbo botŷŷnybenyke? Timyki tuukôna! ¹²Uladuô tyby-ò hâniesimy rexitòenykeki aôbo, itytibòrò tamy riòkre. Timyki tuukôna! ¹³Kaiboho aôbina binahakŷdile tahòtinymahâtenyté, aôwihikŷ aôbohe ariòrereny-ò biwahinyke. Boreny aratyre heka bede rierye, Deuxu wahe. Tamy bexitòenybenykeki, tii Deuxu Tyytybytyhy adeereny riwahinyke.

¹⁴Ixityre tasŷ hâbuô raremyhŷ irybeômy. Jesuisi taile ratximyhŷ tahe tyytybybina riòlòdŷŷnyre iribi. Iu tyytybybina iribi rohonyreu tahe, hâbu rarybere kia rybeômy ratximyhŷré wahe. Tahe iny sôwehekŷ mahâdu sôwemy idi rabedeòtiimy rŷire. ¹⁵Inyô tahe, insôwehekŷ yluduô tahe kiamy rarybere: —Kia diabo rurudi, Belisibu rurudi heka iribi riòlòdŷŷnyre. Tii tyytybybina mahâdu wedu rare. ¹⁶Ijò tamy rarybere: —Jesuisi, araeryrenyke inihe aô biditeòsinyke wadeereny. Inatyhy aruru biuludu ratximyhŷre. Widŷŷnaô inihe wadeereny bitŷnynyke kialemy heka rarybemhŷre urile riurihimy tamy aô itxerenamy riwinykelemy. ¹⁷Jesuisi tahe rierymhŷ aômybo raraykynymhŷreny. Tai heka tamy

tuu rarybere: —Kia iny mahâdu wiribi hitximy raraykywydynykeki, tii tahe rexihuke itueke, sŷ mahâdu tule wahe. ¹⁸Timybo Satanasi boho bede widee ribinanymhŷrenykeki, awityhymy roirekre. Jiarŷ araeryrenyteri timybo taraykynytenyteri. Aôma Satanasi rurudi tyytybybina ariòlòdŷŷnykemy tarybetenyteri heka reeryteri. ¹⁹Kia riki ariwinykeki, kaiboho tule wawesele tewinytenyete. Timybo? Mobo awiòhedŷŷdurenny rare? Satanasi aôbo? Kaiboho boibenyke ixitòedŷŷmy awiòhedŷŷdurenny-ò. ²⁰Jiarŷ Deuxu rurudi ariòlòdŷŷnykeki, kaiboho bexiije benyke, Deuxu Iòlòna tahe adeereny iòhòra. ²¹Hâbu deburehekŷ tadebòna-di taheto riyrubunykeki, rexytyhynymy ronyke. Iaômydŷŷna ibutumy iyrubudŷŷnamy rŷike. ²²Tahe ijò kedehemynyke iratyre teburetyhy, tahe iaômydŷŷna ibutumy iribi riwyke. ²³Iny wawana aôkô ratxirerimy ihŷre, tii heka waribi hitximy ratixmyhŷre. Iny wawana aôkô ratxireri, tii tahe aôtxile ramyhŷre ixideòna. ²⁴Jesuisi ijò ijjy relyyre: —Iny-ribi tyytybybina ròhònymhŷreu, tii heka rake ixitawo-di rake titxibo. Rubumy rarunymy rake. Bedeô-ki rahakeki tahe, ròhòtinyke. Aròðsekre, tikibo rarawâhâðle. ²⁵Ixyby kòðððsekeu tahe, isŷ ibutumy, tytymy roike iruxeraô. ²⁶Idi ixityre ijò rimyke debò inatxi reurò tyytybybinaô. Idi tahe tamy rasŷnyrenyke. Iratyre tyhy wahe ibina. Iu kia ixisohojimy tyytybybina-di aômysŷdŷŷmy raremyhŷu tahe, ihewo-ribi rimyra tahe iroona-ribi tahe aônityhymy releke. Ibinatyhymy tamy rare.

²⁷Iribi tahe hâwyyô ryryre ibutu ijohonamy: —Hâwyky heka aratxurananyre, aratibienyke heka iny bedekòby rare. ²⁸Tahe Jesuisi rarybere: —Deuxu Rybe tyhydŷŷdumy iratyre

wadee awire. Deuxu deysanamy tamy kanakemy idi watxireri.

²⁹ Idi tahe inysōwetyhymy dehemynyde Jesuisi-ò. Jesuisi kiamy rarybere: —Iny heka kia mahādu ibinatyhymy rỹire aōwihikỹle heka rijemy rỹire. Itxerenaōmy robikre ratxireri tahe itxerena Jonasi-ribi nadelemy tahe robikre. ³⁰ Jonasi heka Ninive hāwā mahādu-ò itxerenaō heka tii rare. Tule jiarỹ heka Deuxu Riōre Hābutyhyhykỹ rare wijinabòdu mahādu dee itxerenaō jiarỹ rare. ³¹ Ibòò mahādu bedede konana-ribi iòlò hāwyy Salomaō bedede eryhykỹ-ò ijōhonamy irehe-ribi nade. Wijinabòdu mahādu taheka naōhyymahāde wadee ijohonamy. Salomaō ratyre heka jiarỹ watxireri. Ikonana txu tahe ibòò iòlòhāwyy rỹikre rarybekremy. Tii rarybekre: —Anoherekibo Jesuisi deramy teakamahātenyete wahe. Timykibohe irybe bedekeryna-kò ijohokuna rỹikōmyhỹreki wahe. ³² Ninive hāwā mahādu tule rỹikre rarybekremy iwelese. Jonasi rybe tỹnydỹna-ki rexrāhĩrenyete. Kaki heka Jonasi ratyre hābuō ratximyhỹre, jiarỹ wahe. Wadee ijohonadu aōkō heka toite.

³³ Moheka loosōnaō rideōhyymyhỹre herinarawo-txi toosō iwasihiikỹmy roosōmyhỹkemy. Tiiemy heka biuòhy rademyhỹre ibutumy bedede ratỹnymyhỹkemy. ³⁴ Arue umy dori itỹnymy roimyhỹre. Arue awikeki heka ibutumy aumy awikre. Arue ibinakeki tasỹ aumy heka bedelorokile rỹimyhỹkre. ³⁵ Awo toosōmy ratximyhỹre wana, bexiijemahāke. Aumy biemahāke bedeloro-ki rurunyhenny. ³⁶ Bedelorohokỹ aumy-ki rỹiōmyhỹre wana, tai tahe boosokre ibutumy titxibo bedede-txi mamahākre wana.

³⁷ Jesuisi kiamy rarybereu tahe, fariseu mahāduō tamy rarybere:

—Manake wasỹ-ki rikiroxikremy. Tai tahe Jesuisi rare, ralore, ronyre roximy. ³⁸⁻³⁹ Jesuisi ronyreu, tebò risuhòore. Tai tahe idi bedede riòtiinyre. Jesuisi rarybere: —Kaiboho fariseu mahādu, ibutumy heka txisuhòsuhòmahātenyete. Ebò tesuhòmahāte, aumy ibutumy tesuhòmahātenyete. Webòròsityyludu wahe. Kaiboho heka isuhukỹlemy toimyhỹte ibutu aōikòkò-di isumy roimyhỹre aworeny-ki. ⁴⁰ Iu heka òbitimy taraykynytenyōhyymahātenyete. Deuxu heka iwebrò ludu riwinyre, inatyhy? Tule aworeny, araykyreny wana riwinyre. ⁴¹ Iny aōkō mahādu-ò maruxetòemyhỹbenyke. Tai tahe byranybenyke heka. Ibutumy awo-ki, ahana-ribi tule ryranykre.

⁴² Kobe làhàxe kaiboho fariseu mahādu. Kaiboho Deuxu dee tewahinymahātenyete uriōno. Debòwiò aō tetatenywana heka, sohoji tewahinymahātenyete. Tule aōmydỹnarenny aoworoludurennyò tewyteny wana, tule tewahinymahātenyete. Kia awire, biwahinymahābenyke. Urile tahe teerytenyōhyymahātenyete Deuxu luuna, Deuxu òbitina. Biwahinymahābenyke heka Deuxu dee aōmydỹnaō. Tii tahe awire. Tule nohòti losarennyōmyke, luuna, òbitina. ⁴³ Kobe làhàxe kaiboho fariseu mahādu. Dohodỹna heto luurenny ikoðhòkỹle heka torokomahātenyete. Kaiboho arybedỹnarenny-ki awimyy tahamyhỹtenyete. ⁴⁴ Kaiboho kobe làhàxe. Wobrona wesemy toite. Iwese iny rubuhāloo tyremy iny rariamyhỹre wese ierykōnamy, kiawesele toite.

⁴⁵ Bede ywina bedede erydỹduò heka tai ratximyhỹ. Tii tahe Jesuisi-ò rarybere: —Erydỹdu, kai heka aōbinahakỹlemy wamyneny tarybeteri, kia wese rybe-ki. ⁴⁶ Inatyhy rare. My tahe Jesuisi risỹnyre: —Inatyhy dori tule

bironybenyke aõhõkõmydõõnana. Iny dori adeereny rarybemyhõre iny rybe bityhynymyhõbenykemy tahe ihãrele tetyhynyõhyymahãtenyte. Bede ywina ritidõõna tewinymahãtenyte, ihãrele tahe tiu heka tetyhynyõhyymahãtenyte. ⁴⁷Kobe lãhãxe kaiboho, alahireny, alabiereny wese toite. Iwese tiiboho Deuxu rybedu rirubunyre wese kaiboho toite. ⁴⁸Kaiboho rubudõõdumy toite. Òbitile tewinymahãtenytelemy ixidee tahõtinyinmahãtenyte. ⁴⁹Deuxu tahe rarybere umyrenymy wahe: —Tahe jiarõ aditeõnykre heka Deuxu rybedõõduõ tule Deuxu deõdõõnaõ heka aditeõnykre. Imahãduõ birubunyenkyre ihona tahe biteõnybenykre. ⁵⁰Kaiboho heka bede òrarumy boibekre kia rubudõõ òraru erydumy wahe. ⁵¹Abeli hãlubu txiwina tahe xiwena hure rubuna. Idi tule Zacaria hãlubu txiwina wahidõõna bire-ki heka Deuxu hetobire-ki. Kohe, ihure rubureny òraru-ki aõhõkõhõkõmy biõwynybenykre. ⁵²Kobe lãhãxe, kaiboho bede ywina erydõõdu mahãdu, bedeeryna ijõ rayna dinoduboho wahe. Kaiboho tahe terõnyõmy bede eryny heto-ò. Tule inywitxiraõ tetõenytenyte irõte lau.

⁵³Jesuisi ròhõnyreu, teburemy tiiboho ritõõraxinymyhõre aõna aõnamy. ⁵⁴Tuu ròtõõraxidõõmyhõre timykibo rirutaõnyrenykemy.

12 Sõwemy iny tahe ributunyre. Ube tahe rõximy ratxireri. Tahe juhuu Jesuisi taerydõõdu mahãdu-ò rarybere: —Fariseu mahãdu, saduceu mahãdu urina biebenyke. Tiiboho dori ruidu mahãdu roire. ²Wasimy wiji adeereny relyyre. Tiu ta ibutumy ijyynamy rõikre ³Aõbo wasimy wiji taholate heka ibutumy biurasõmy ratõnykre. ⁴Uritere iny lau brebuõmyke. Aumyle tii rirubunykre. Ijõ ibinamy adee aõkõ tii rotõõnykre. ⁵Iny lau

sohojile breburenyõmykre. Deuxu lau ta buberukre. Tii dori atytyby bede bina-ò rahuke ixideewikeki. ⁶Nawiiõ kaiboho bidymyhõbenyke iõwy riõre iny heka riwymyhõrekre. Ibutumy heka Deuxu nawii rieryre sohoji sohojimy. ⁷Deuxu ara erymy heka aõma arati-ki tiwesebo aradeti rõimyhõre rierymyhõre. Brebuõmyke, aõma Deuxu heka anaerymyhõre nawii sõmo ratyre heka rierymyhõre. ⁸Kai marybeke: —Jiarõ Deuxu retyhynyre dori tahe umy arelyyke Deuxu õjukomy rarybeke biu-ki wahe, jiarõ Deuxu Riõre Hãbutyhyhykõ wahe. ⁹Iny sõwehekõy-ki riwatxiõnykeki tule aritxiõnykre jiarõ Deuxu õjuko-ò. ¹⁰Inyõ Deuxu Riõremy aõbina binamy rarybekeki, irybe-ribi nohõttilosa rõikre. Deuxu Tyytybytyhymy tahe inyõ ibinabinamy rarybekreki tahe, aõhõkõmy rotõõnykre irybe òraru-ki. ¹¹Aramykeu heka uritere nohõtõmyke aõmobo marybekremy ywisidõõna-ki. Bede heka ariwahinykre rybedõõnanau. Rybeõmyke ikotyre. ¹²Kai ixiwanale aõkõre marybeke. Deuxu Tyytybytyhy arãwiõhenanymyhõreny.

¹³Hãbuõ inysõwey-ki tahe Jesuisi-ò rarybere: —Wanyrõ, Waha rurura. Waseriõre tahe ibutumy waha aõna aõna riwyrã ixidee sohojile. Tamy marybeke wadee ritxuranykemy. ¹⁴Jesuisi tamy rarybere: —Hãbu, kia waaõmydõõna aõkõ rare. Timybo ayreny-ki araywisidõõnyke? ¹⁵Tahe Jesuisi ibutumy iny-ò rarybere: —Warybe-ò bodoholabedenyke. Ixityhyõmy! Arutyhy heka aõna aõna-ki aõkõ rare aõna aõna sõwerehãre. ¹⁶Tahe Jesuisi ijyymy ròkewesenadõõre: —Hãbutyhy riki ioworu nihikõre. Tahe sõwemy rõõõna ributunyre. ¹⁷⁻¹⁸Iheto tahe iyjare ibutumy ributunykemy. Tahe ixidee rarybere: —Aõhebo arotõõnykre?

Waaōnaheto butumy aritxiwikre. Ijō iribi inihikỹmy ariwinykre. Tai ibutumy waaōwiwi. tamy aridekre. ¹⁹Tai tahe ibutumy waōwiwi-di areysakre. Arexielehynykre, ariroxikre, ariōkre. Waruhyy areysakre. ²⁰Deuxu tahe kia hābu-ō rarybekre:

—Hābu itxỹtere. Kai wijirulemy bu-rukre. Tai tahe mobo aōna rimykre.

²¹Jesuusi taijyy rihure rexirybenymy. Kia heka aōhebo rotỹnyre iny ityhy mahādu. Tiiboho dori Deuxuōle ityhymy aōkō ihỹrenyre.

²²Kia heka Jesuusi taerydỹyna mahādu-ō rarybereri. Uritere nohōtiōlemy arỹsỹna tule atyymy, idi matykynykemy. ²³Aumy heka rỹsỹna ratyre aōnityhy ratximyhỹre. Aumy heka atyky ratyre aōnimity ratximyhỹre. ²⁴Nawii-di betehebonyke. Tiiboho heka ioworuōrenyre. Tarỹsỹna riyrubunyōhyymyhỹrenyre. Deuxu heka nawii riyrubunymyhỹre, irỹsỹna tamy riwahinymyhỹre. Kaiboho tahe nawii ratyretyhy toite Deuxu dee.

²⁵Sōwetyhymy maraykywydynanykeki aōbo arumy arirarehemy mariake? Aōkōre! ²⁶Kia aō iyjare tahe Deuxu-ō. Kia biwinybenyōkeki, aōherekibo ijō aōna aōna nihikỹ-di tahōtinymyhỹte?

²⁷Betehemy inihe noijasa-di. Aōma tiiboho raaōmysỹdỹyōhyymyhỹrenyre. Ihāre tahe iruxerarenyre ityy wiwihikỹrenyre wese. Tyy ixidee riwinyōtyhy Deuxu rityyny wihikỹ heka tyy wihikỹ tamy riwahinyreri. Salomaō heka ityynihikỹ rare. Ihāre tahe ityy heka awityhymy aōkō noirōsō wese.

²⁸Deuxu heka noijasa rityynymyhỹre kia wijilemy idi ihỹre. Biurasōmy tahe ixāwimy reamyhỹre. Tii heka tyy adee kidiwahinykre. Tai tii atyrenyre. Tai ta ixinohōtiyredỹyrenyōmy. Aōherekibo ainatyhyna ibutere? ²⁹Tahe raykyōmy nohōtiōmy titxiribibo arỹsỹna adee kanakredi. ³⁰Tyhydỹydukōdu

mahādu heka tuure. Inytybyreny heka rierymyhỹre aōmybo tarumahāte. Ibutumy heka arerymyhỹre aōmybo teamyhỹte. ³¹Tii Deuxu aōmy dỹynana sohojidile maraykynykeki heka tii ibutumy adee riwahinykre. ³²Brebuōmy ahābenyke wariōreboho. Deuxu Iōlōna adee kanakemy, Deuxudeewina wahe. ³³Aaōna aōna-di bohonybenyke. Iōwy tahe iaōkōdu mahādu-ō biwahinyke. Anieruhyna wiwihikỹdile boibeke. Kaki ibutudyỹlemy heka biu-ō bibutunye. Tai heka judðera aō rirōdōtyhy tule rararyōtyhy. Tule tai wasidu ralōdōtyhy. ³⁴Tikibo aōwireny rỹikeki, tai heka araykyreny ratximyhỹre.

³⁵Ijō tahe Jesuusi rarybere: —Kaiboho bexiywinybenyke, ibutumy aōhebo rotỹnykremy bexiywinyke. Awereysanarenre-di atyky beximyke. Aloosōna bitoonye. ³⁶Deōdu mahādu wesemy boibenye. Bexiywinybenyke awedu dehemyrynna-ō, tii worana bedehesi-ribi rehemynyremy wahe. Iu rehemynyreu, teōdu mahādu heka ijō riraynyke. ³⁷Tiiboho riraōrenykeki, deysamy rỹikre. Iwedu dori reximykre ityky wereysana-di tahe rỹsỹna teōdu mahādu-ō riwahinykre. ³⁸Tii ruwetyakile rehemynykeki, deōdu mahādu reysakre. Tiiboho dori rexiraōmy rỹimyhỹrenyre. ³⁹Tai heka iny rexiywinymy rỹimyhỹkemy rybe roimyhỹre awedureny kanakreki. Aōma hābuō kanakeki heka tiu aōma hābuō itxeredumy ronykeki heka, tiu hābuō iribi rawasinyōtyhy. ⁴⁰Kaiboho tule bexiywinybenyke wadehemynyna txu heka bijjemy bonymyhỹbenyke.

⁴¹Tahe Pedro rarybere: —Wanyrỹ, kai wadeerenyle ijyymy telyyte ada ibutumy iny-ō aōbo telyyte?

^{42–44}Tahe Jesuusi riwyōnyre: —Aōtxile inyōdee, tibo deōdu taaōmysỹdỹyna riywinymyhỹre, kia idinodu tai awimy rahamyhỹre tii dori rỹsỹna

òbitimy riòriòmyhÿre. Idi tamy aòwiwi riwahinykre taaòna aòna-di itxeredumy tule risÿnykre. ⁴⁵Tii iwitxiramy rexiraykynykeki tahe, ijò teòdumy raòhòtemy urile idi risinymy kamy rexirybenymy: —Wawedu dori wiji aòkò rarerikre. ⁴⁶Tai ierykòna-di iwedu kedehemynykre. Tuu rierymy iaòmÿsÿdÿÿna-ribi ritamy aòhòkÿmy risÿnykre ityhydÿÿdukòdu mahàdu wese. ⁴⁷Deòdu tawedudeewi rierymy-hÿre. Tai heka tuu rotÿÿnyòkeki, tii tahe sòwemy aòhòkÿmy rotÿÿnykre, òhòtemy wahe, tamy riywinyòreki. ⁴⁸Ijò deòdu tahe tii iwedudeewimy rieriyòkeki, tii tahe aòbinamy riwinykeki, tamy tahe urihimyo òhòte tai rÿikre. Inyò sòwemy ityhykeki, sòwemy ijò iny tamy rexitòdenykre.

⁴⁹Jesuisi ijò rarybere: —Heòty-di bede ariworonykemy heka jiarÿ anade. Tii òte raworonykremy idi watxireri. ⁵⁰Jiarÿ ratisebenaòwesemy aralokre. Arurukre dori. Ele elemy rÿikemy ixi-di watxireri. ⁵¹Kaiboho tahòtinyte wadehemynyna-di. Ywina adiwidemy wadi tahòtinyte. Aòkòrehe, bede jei jeidÿÿmy anade iribi widee rahitxihitximy rÿikremy. ⁵²Iruyre inÿÿ mahàdu heka widee rahitxihitximy rÿikre. Inataò iny iuhe òludumy rÿikre. ⁵³Hābu mahàdu heka tyby òludumy rarekre. Hāwyy tule tadi òludumy rarekre. Iriokorese heka tariòrelahi òludumy rarekre.

⁵⁴Ijòmy Jesuisi rarybere: —Iu biuwetyky biura-ribi ròhònyreu, Kaiboho kia rybemy tarybemahātenyete biu kòdòakre. Inatyhymy biu ròamyhÿre. ⁵⁵Tule tarybemahāte. Yhy ibòò-ribi rebonyreu, bede ratòteekre. Inatyhymy tuu ratòteemyhÿre. ⁵⁶Itxenadÿÿdu mahàdu! Kaiboho kia terymahātenyete bede, biu aòmÿdÿÿna tule iwitxira aòmÿdÿÿnana teertytenykòlemahātenyete,

bededÿÿnana konana eryna wahe. ⁵⁷Ijò Jesuisi rarybere: —Kaibohole teywinyòmyhÿtenyete, aòòbitinamy wahe. ⁵⁸Aòòrarumy heka aòludu umy rarybekeki, idi ywisidÿÿna ube-ò aradykemy ratxireri, tii-wana widee marybeke idi widi bede biòbitinykemy. Aòkòkeki, tii aradykre ywisidÿÿdu-ò idi ròtenawo-ò soldado mahàdu araròtenykre. ⁵⁹Tiu heka aòlòkòmy heka mabekre. Ibutumy iòwyy biòwynyke xiery bòhònyke.

13 Tahe inyò Jesuisi-ò relyyre: —Pilato rybemynamy Kalileia mahàdu rururenyre Deuxu-ò raxiwerenyreriò. ²Kia ta Jesuisi narybede: —Kaiboho timybo irubureny-di texinohòtinytenyteri. Ijò wiratyre raòrarunanyrenykeki aòbo? ³Ture aòkò, kaiboho bexirāhìòbenykeki tule burubenykre irubureny wese. ⁴Iasÿse ijò. Iu Silòe hāwā mahàdu tyre heka heto rarie resereu 18 iny sòwe rirubunyunyreny. Arāÿÿraxikre Jerusalē hāwā mahàdu ratyre raòrarunanyrenykeki aòbo? Aòbo tahòtinytenyteri? ⁵Kaiboho bexirāhìòbenykeki tule burubenykre irubureny wese.

⁶Tahe Jesuisi kaa ijyy-wana rikewesenanyre, Figoratyò wese heka. Tahe Jesuisi kaa ijyy-my delyyde: —Hābu oworu-ki figoòò rÿimyhÿre. Tii iraty dilawijunyde tiubo. Tahe iraty-txi reakòre. ⁷Tahe hābu taoworu-di itxeredu-ò narybede: —Inataò wramy relawijunyre tahe aòkòhyra. Urile ta biòròkre. Iraty ihoòreki, awi aòkò rare. ⁸Tahe oworu-di itxeredu dirawyònyde: —Wawedu, txiointi kawyramy idi warukikre, isu ariwinykre. ⁹Aòkòhykreki tahe urile raorokre ijò wyrau.

¹⁰Judeu mahàdu elehyna txuu Jesuisi rotohodÿÿmyhÿ judeu mahàdu dohodÿÿna heto-ki. ¹¹Tai ta hāwyyò

ratximyhÿ. Tii 18 beðra webinadumy ratximyhÿ tytybybina òraru-ki. Tii iumy rarabunymy rariamyhÿre. Ixitaradÿÿ risiranyimyhÿre. ¹² Jesuisi tuu robireu, tamy narybede: —Hāwyy, kai heka teytemy tate. ¹³ Tahe Jesuisi tebòmymy rymyre iuleta reytère. Tai tahe hāwyy heka Deuxu riwowydynyre. ¹⁴ Dohodÿÿna heto wedu tahe ibinamy Jesuisi-ki rahare, judeu mahādu elehynatxureki wahe. Takamy inyreny-ò narybede: —Debò sohoji reurò txumy aòmÿsÿdÿÿnamy rÿimyhÿre iu heka adeytemy ixi-di bòdòimyhÿke, judeu mahādu elehynatxu ta aòkòre. ¹⁵ Tahe Jesuisi dirawyònyde: —Kai, itxenadÿÿdu tate uriteremy iximy rybedu. Kaiboho judeu mahādu elehynatxu dori abroreni, aawaru heto-ò toimahāte tuu teesenymahātenyte, tedymahātemy idi ibemomodÿÿmy bidybenykremy.

¹⁶ Kaa heka Abraò riore riòreò heka Satanasi 18 beðramy rymyre. Aòherekibo ta iribi retarakì sabadotxu ibinamy tahateri. ¹⁷ Tahe Jesuisi òludu mahādu raixÿrurenire Jesuisi rybe òraru-ki. Tahe ixÿ mahādu awityhymy tai rahamyhÿ iòraru-ki. Ibutumy reysarenire.

¹⁸⁻¹⁹ Tii rarybera: —Deuxu Iòlòna wexe aòwesere. Aò-ò wexe rikiwesenaryrenykre. Tiwexe ijyy kawesere? Deuxu Iòlòna heka alòbòròna sòmo sòmo wesemy ratximyhÿre. Raumynyreu heka òwòru rariewesele relemyhÿre. Nawiile tuu rÿtÿnymyhÿre kia òwòru-ò.

²⁰ Ixityre tamy rarybere: —Aò ijyy wese heka Deuxu Iòlòna rare. Aòwexe rikiwesenaryrenykre. ²¹ Paò ixiòlòdÿÿna wese rare, iuri rare. Hāwyy paò riwinymyhÿreu, inataò urihixina-ki iuribemy riurinymyhÿre. Tai tahe raubÿtÿnymyhÿre, rexiòlònymyhÿre.

²² Jesuisi tahe Jerusalē hāwā-ò rareu, hāwā hāwāmy rotohodÿÿmy. ²³ Iu inyò ritÿÿraxinyre: —Wanyrÿ, Heduh mahādu we sòwekre aòbo? ²⁴ Jesuisi tamyreny narybede: —Bexityhynybenyke ijòyja-di birònybenykemy. Sòwemy iny tahe ròtemy reakre tahe ralòòhykre. ²⁵ Hābuò kie taheto ijòtòbòna ritòbònyre. Iu kaiboho uritere bydyrydenykre: —Wanyrÿ, aralòrenyke ini. Kiata tii anawyònydenykre: —Tiludubo toite, araeryrenyòre. ²⁶ Kamy ta bidiwyònydenykre: —Inybohòle riroximy roiremyhÿ. Wahāwāreny-ki tòbedeerydÿÿmyhÿ.

²⁷ Ixityre anawyònydenykre: —Boibenyke aòbina bina widÿÿdu. Tiludubo toite dori reerykòre. ²⁸ Deuxu iòlò-ki Abraòmÿ, Ijaimy, Ijaòmÿ, tule ibutumy Deuxumy rybedu mahādumy bobibenykreu, kaiboho malòbenyòtyhy. Tai hii, ibru, jumytata rÿykre. ²⁹ Iny ibutu bede bede-ribi, Ibòò-ribi, Iraru-ribi, Biura-ribi, Beà-ribi Deuxu iòlò-ò hāwāmy. ³⁰ Kiaremy ta, koludu mahādu heka ibutuhewomy kedeakre. Ikòmÿta, hewoludu mahādu, koludumy kedeakre.

³¹ Iu ta fariseu mahādu Jesuisi-ò narybedenyde: —Mahenyke, Herodi dori arubudÿÿmy araijereri. ³² Jesuisi dirawyònyde: —Bòòsebenyke kamy ijòrò-ò marybebenykre: —Jiarÿ tytybybina iny-ribi retareri, tule ròteytedÿÿreri wiji biurasòmÿ. Ijò txumy ta waaòmÿsÿdÿÿna arihukre. ³³ Kiaremy ta kia rewinyreri arihukre. Deuxumy rybedu dori Jerusalē hāwā-ki sohojile rurukre, iwitxira hāwā-ki ta aòkòre. ³⁴ Jerusalē, Jerusalē hāwā, amahādu heka rirubunynyre Deuxu rybedu mahādu wahe. Iwese hānie tariòre ributunymyhÿre wese terawo-ò, kia wesele arayrubunykemy rexinohòtinyre tahe kaiboho terarenire. ³⁵ Aheto-ribi heka Deuxu rexitakre.

Kaheka ararybekre adeereny: —Wamy heka bobiōtyhy ixityre. Tiutxumy kamy bexirybenykre bede-ò, mỹy:

—Deuxunimy nodu awityhy heka rare.

Kiaule wamy bobikre.

14 Sabadoū Jesuisi heka fariseu mahādu wedu mahāduō heto-ò ralore roximy. Tahe iny idi retehemyh̃yreny. ²Iu inyō taruti, tadera-di taritari-di tamy dehemynyde. ³Tahe Jesuisi narybede bede ywina eryd̃ỹdu-ò, fariseu mahādu-ò: —Sabado txuu deyt-ed̃ỹwe awire aōbo, aōkōre aōbo. ⁴Tiiboho rirawyōnyōhyre. Tahe Jesuisi hābu riteytenymy bede riywinyre iribi tahe riōlōd̃ỹnyre. ⁵Ixyby narybede Jesuisi: —Txibo kaiboho ariōreō ada abroneniō hāloo-txi resekeki, bitabenyke Sabadotxu hārele. Aōhe inatyhy. ⁶Tiiboho rirawyōnyōhyre.

⁷Tahe Jesuisi roxidu mahādu-di retehemyh̃yre. Tiiboho dori rynana wihik̃y-txi ronmyh̃yreny. Tai kamy tamyreny rarybere: ⁸—Txibo inyō bedesanaō araarikeki. Uritere ryanawi-ò r̃yōmykre. Txibo dori inyō aratyre ityhy kanake lau. ⁹Tukeki bedesa dinodu inyō aratyre-ò arynana-txi ronykemy adee kanarybekre. Tai tahe maix̃yrumy rynana bina-ò bonykre. ¹⁰Kialemyta inyō araarikeki, rynana bina-txi bonykre. Tahe bedesa dinodu adee kanarybekre: —Wy, katxi bodonyke ryanawihik̃y-ò. Tai tahe kai mabedesakre ibutuko-ò. ¹¹Tahe ixityhyd̃ỹdu mahādu uritere reakre. Kōmyta uriixi dinodu mahādu rawowydykre.

¹²Tahe Jesuisi bedesa dinodu-ò rarybere: —Txibo roxina biwahinykeki, uritere aš̃ mahādu, aery mahādu, ityhy mahādu aarixiōmykre. Urikō-ribi iwese teariteri wese araariheny. ¹³Tukōmyta roxi biwahinykeki, uriteremy r̃yira mahādu, iny tiere mahādu, iny ruetā mahādu biarikre. ¹⁴Tai adeysatyhymy

mabekre. Tiiboho dori tiu ixiwesemy araariōtyhy. Deuxu tahe aōwyd̃ỹdukre iu bede awikreu.

¹⁵Ijō roholare Jesuisi rybe tai tamy rarybere: —Deuxu lōlōna-ki, òwòrubese r̃ydu mahādu reysamy rarekre. ¹⁶Tahe Jesuisi rarybere: —Inyō roxina nihik̃yō riwinykemy ratxireri. Sōwemy iny ritobinyre. ¹⁷Rexihumy r̃yireu, teōdu mahādu bede riywinyre iny kididykemy. ¹⁸Sohoji sohoji tahe tarybe tamy riwahinyre. Ijō taoworu t̃ymyra-ò reteheke. Ijō kanaōtyhy heka. ¹⁹Ijō tahe broreni debòitue riōbranyre tai riurihikreki kanaōke. ²⁰Ijō tahe hāwy herinamy rexihumy r̃yire tai kanaōke. ²¹Teōdu tahe ròðsera tawedu-ò tamy relyre. Tii reburere tahe rarybere: —Wylemy makre ibutury-di hāwā-ki. Ibutumy iny witxira witxira bididyke, iaōkō mahādu, itiere mahādu, ruetā mahādu wahe. ²²Iribi tahe teōdu ròðsera rarybere: —Ibutumy rewinyre wawedu, tahe heto r̃yxiōmy r̃yire. ²³Tahe iwedu ixybymy bede riywinyre hāwā-ribi ibryrary-ò iny kididykemy: —Aruru-di bididyke, waheto dori r̃yximy r̃yirakremy idi watxireri. ²⁴Juhuu watobid̃ỹna mahādu war̃s̃ỹna riurihiōtyhy.

²⁵Iu sōwemy iny Jesuisi heludumy roire. Tai Jesuisi tamyreny rarybere: ²⁶—Kaiboho aōbo inatyhymy waluu mahādumy toite. Tuu tarybeta. Tahe boluu, adiluu, ahāwyyluu, ariòreluu, aseriòreluu, ixiluu ratyre waluuōkeki, wamahādumy aōkō boibeke. ²⁷Inyō riwaheludunykemy ratxireri, tii juhUU taitxèd̃ riywykre. Kialemy tahe riwaheludunyke inatyhymy. ²⁸Inyō heto rarie riwinykemy ratxikeki, juhUU iōwy-di rōhōtinykre. Inieru rimykeki tahe riwinyke, aōkōkeki tahe riwinyōtyhy. ²⁹Tii tuu rōhōtinyōkeki, tii ibutelemy riwinykre tahe inieru ituereu, ibutumy iny idi risinykre:

³⁰—Tii taheto rarei ritelenyre tahe rexihuōtyhy. ³¹Iòlò wou riwinykeki, juhuu taaōbinadu mahādu-di rariamyh̄yre. Idi rōhōtinyre. Ijō iòlò wawiò mil soldadomy ijōdikeki, tahe tii debòwiò mil ijōdikeki, tahe wou riwinyōtyhy. ³²Juhuu tahe teòdu riteònyre ijō iòlò-ò ireheribile tii-wana wou ixāwidỹmy rarybekemy. ³³Akireny tule iweselere. Ibutumy aōna aōna biriōbenykeki, waheludu mahāduōmy boibeōtyhy.

³⁴Saa heka aōni awi rare. Tatzuberere rexihukeki tahe turibi ixāwike. ³⁵Tai tahe suurina-ki ahirana sil̄yna binakōki awiōhōtidirenykeki bohohabenyke warybe-ò. Suò awiōre, tule ahirana bitòbònykemy awiōre. Urile idi behuke. Kaiboho òhōtidirenykeki, bohohabenyke!

15 Idi nieru tarasadu mahādu sōwemy tamy roholamy doide. Tule ijō iny òrarudu mahādu rehemynyre. ²Fariseu mahādu, tule bedede ywina erydu mahādu kawesemy rarybere: —Kahābu ibinare. Tii òrarudu mahādu-wana riroximyh̄yre, iny iehehe-wana.

³Idi Jesuisi rierynanyre ijyy-di rawesenanyre. ⁴Kaiboho òsana 100 budoeni ijōdire. Sohoji heka iy-ribi iōre. Kai aōbo makre ijesemy? Kohe, iuhe, 99, birike bedero-ki tahe biòryhyke. Aōhe inatyhy? ⁵Mahakre wana tahe eysamy atxikre. Tahe bidyke iuhe-ò. ⁶Taheto-ò rehemynyreu, tas̄y mahādu-ò tahe ritobinyre: —Wawana ini k̄yny bedesabedenyke. Wabudoeni-ki rahara, iōreō wahe. ⁷Iwesetyhylemy taheka adee reerymahāre iny òrarudu mahādumy. Iu sohoji iny rexirahikeki, biu-ki deysana sōwemy r̄yikre. Iny òbiti 99my tahe urihimyo biu-ki deysana r̄yikre.

⁸Ijō Jesuisi relyyre: —Hāwyyò òš̄ny womati ura nieru debòwiò dire. Sohoji

iōre-wana, tii riijeke inatyhy? Loosòna ritoonyre, iube riwysynyre, sōwemy riijeke ihyymy tahe tai rahara. ⁹Tii itxi reakreu, reysamy r̄yira. Iu tas̄y mahādu ritobinyre: —Wawana inihe bedesabedenyke. Wanieru-txi dokuri rahara. ¹⁰Jesuisi tahe rit̄ynynyre: —Iwesetyhyle biu-ki rare. Deuxu ŷju mahādu reysamy roirenyre, sohoji òrarudu rexirahireu.

¹¹Ixyby tahe Jesuisi narybede: —Hābuò iriōre inatxire. ¹²Tiutxumyta ihel̄ȳna tyby-ò rarybere: —Waha, ibutumy aōna aōna burukreu wadee rawahikre, wijile bidiwahinyke. Tyby tahe iaōna aōna jura tamy riwahinyre. ¹³Iriōre hel̄ȳna tahe ibutumy taaōna aōna-di rare irehe-ò, iwitxira bedehāwā-ò. Tai aōbina binale riwinymyh̄yre. Ibutumy tanieru tai rahure. ¹⁴Taaōwiwi rahu-di ta, tai rama ibede mahādu rahumyh̄yre. Tii uritere reamyh̄y wahe. ¹⁵Tahe aōmys̄d̄ȳnamy rarunyre. Hāwāduò tahe taix̄niòwed̄ȳdumy bedede riywinyre taoworu-ò. ¹⁶Tai rama risamy ta ix̄ni r̄ys̄na r̄ys̄my rexinohōtinyre. Tahe aōkōre. ¹⁷Kia tahe tōhōti deade. Kamy dextrinohōtinyde: —Yla aōkō waha aōmys̄d̄ȳdu mahādu ir̄ys̄nadireri iwana jiar̄y kaki rama warubud̄ȳmyreri. ¹⁸Ixyby aròðsekre. Kamy Waha-ò arexirybenymy: —Waha, Deuxuko-ò ako-ò rexiitx̄tyenyre jiar̄y raðrarunyre wahe. ¹⁹Ariōre wese aōkōmy wadi mabeke, waitx̄yte òraru-ki. Aaōmys̄d̄ȳdu mahādu wese ta ararekre mȳy tii rōhōtiny. ²⁰Tii tahe tyby heto-ò rare. Irehemy nadeò, tyby tuu dobide. Idi rexiwobrunumy tamy raijaranyre iwehityhyd̄ȳmy. ²¹Tahe tii narybede: —Waha, Deuxuko-ò, ako-ò rexiitx̄tyenyre jiar̄y, raðrarunyre wahe. Ariōre wese aōkōmy wadi mabeke, waitx̄yte òraru-ki. ²²Iule ta tyby teòdu mahādu-ò rarybere: —Wylemy tywihih̄y tymyra-di bityynybenyke.

Debòò tebò-ò roikre. Waõ-di rawanykre. ²³Tasÿse broreni riòre dedi birubunybenyke. Idi rikiroxirenykemy rekeysarenykre dori. ²⁴Wariòre dori rubu-ribi wese rexixara. Ikò-ribi itxi ijara rÿira. Tahe rawobedesarenyre. ²⁵Iwana ta iumydela tahetoreny-ò dehemynomy nade taaõmysÿdÿÿna-ribi. Tahe wobedesana-ò roholamy. ²⁶Tahe deòduò narybede: —Aòhereriwe. ²⁷Dirawònyde: —Ahelÿÿna kie ròðsereri aòhe rotÿÿnyòhyylemy. Tai boo broreni rurubunra. ²⁸Iumydela tai reburere ròte deramy reare. Idi tyby tamy nade riròtenykeny. ²⁹Tahe iriòre dirawònyde: —Aòhe òhòkò adee raaõmysÿdÿÿnymyhyre. Ibutumy arybe retyhynomy watximahäre. Ihäreta budoeni wadee tewahinyòhyymyhyte, waijoi mahädu-wana idi arexideysanykemy. ³⁰Katahe ariòre urile aõnawiwi rahura wedena mahädu-wana. Ròðsemyta kai broreni riòrede tamy terubunra. ³¹Tai tyby dirawònyde: —Wariòre iny ratximyhyre kiaremyta ibutumy waaõwiwi heka ahòròle rare. ³²Iny bedesarenomy heka kawese rewinyre, wadee awireki. Ahelÿÿna dori ruruwese-ribi rexixara. Ikò-ribi itxi ijara rÿira. Tahe rawobedesarenyre.

16 Jesuisi taerydÿÿna mahädu-ò relyyre ijyö: —Häbuò inieru sòwere. Tamy deòduò ibutumy inieru-di raaõmysÿdÿÿre ijò nieru ributunykemy. Ijòtxu tahe inyò rarybere: —Eòdu riki heka anieru-di òbitimy aòkò raaõmysÿdÿÿmyhyre. Anieru sòwemy rexihumyhyre. ²Tahe didyde ixidee taconta retehekemy. Tamy rarybere: —Inatyhymy aòbo umy iny rarybemyhyre? Wanierumy tyriti aretehekemy watxireri. Òbitimy aòkòkeki, waribi arateònyke. Wanieru-di tiu maaõmysÿdÿÿnyòkre. ³Tahe teòdu iximy rexiraykynyre:

—Wadinodu riwateònyke. Aòhebo arotÿÿnyke? Warurukòre dori tahe aõmysÿdÿÿsira ariwinyòtyhy. Tule ijò iny-ribi iixitòedÿÿna riwaixÿrure. ⁴Reeryre tahe, aòhebo arotÿÿnykemy. Aõwiwihikÿ wabiòwa dee ariwinykre. Riwateònykeki tahe wabiòwasÿ-ò arakre. ⁵Ibutumy nieru huòtedu mahädu-wana rarybere, tawedu-ribi huòtedu wahe. Tamyreny rarybere: —Tiweesebo tewyta wawedu-ribi? ⁶Tahe diwyònyde: —Adÿÿ rehuòtera, 100 hynamy wahe. Tai tahe rarybere ijò: —Iwekre tahe wylemy biritinyke, 50 wahe. ⁷Ijò-ò tahe rarybere: —Tiweesebo adeve? Diwyònyde: —Trigo rehuòtera, 1000 prato wahe. Tai tamy rarybere: —Kai 800my biritinyke. ⁸Iribi tahe häbu ityhy heka teòdumy rarybere: —Tii inatyhy nieru erydu ratxireri. Tahe Jesuisi rarybere: —Kabede wijinabòdu mahädu heka aõmydÿÿnana erydutyhy rare, ityhydÿÿdu mahädu ratyre wahe. ⁹Tai tahe adee ararybekre. Kabede mahädu biòwamy boibeke, anieru-di. Tahe anieru ituekeki, Deuxu taheto wiwihikÿ-ò aradykre, biu-ò heto wiwihikÿ wahe. ¹⁰Aõmydÿÿnana aõ aòkòmy kai òbitimy masÿnykeki, tule aõ nihikÿmy kai iwelemy mabeke. Inyò heka ibutemy wasikeki, tii tule aõ nihikÿmy rawasinykre. ¹¹Kaiboho heka kabede nieru-di òbitimy aòkò atxibenykeki, tule biu-ki araròsòna bitaòtyhy, aõ wiwihikÿ inatyhy wahe. ¹²Iny witxira nieru-di heka òbitimy boibebyòkeki, timybo anieru tyhy-di òbitimy boibeke. ¹³Inyò iny inatxi deòdumy aòkò rarekre. Inatxinaò dori iluukre, ijò ta iluukòkre. Deuxu dee maaõmysÿdÿÿòtyhy. Tiu nierurahi inatyhymy teamyhyteki.

¹⁴Fariseu mahädu tamy roholareu, urile idi nierurahi risinyrenyke, tiiboho ire nieru ributunymyhyrenyke bòdÿÿluurenyke. ¹⁵Tahe Jesuisi

tamyreny rarybere: —Kaiboho heka òbitimy inyko-ò ixi-di atximahātenyte. Ihāre tahe Deuxu timybo toimahāte rierymyhyre aōna aōnaren y bina. Aōmy hābu rexinohōtinymyhyre, aōtxi-ki Deuxu-ò awiōhyre. ¹⁶ Moisesi bedewyina rybe tahe tule Deuxu Rybedu mahādu awi rare, Joaō Sebedyūdu rehemyryre tahe ixāwire. Iu tahe Deuxu Iōlōna Rybe wihiky tamyra rōhōnyre. Kia tahe iny ritohodỹnyre. Ibutumy iny kia-ò ralokremy idi ratxireri. ¹⁷ Biu, bede rexihuke tahe isiraōre. Deuxu rybe tahe rexihuōtyhy. Kia isiratyhy rare. Ityriti rybe wedenaō riononyōtyhy. ¹⁸ Hābuō tahāwyy-ribi ixāwikeki, idi iwitxira-wana roikeki, tii òtadu rare. Hāwyy ixedu-wana tii roikeki, òtadu rare.

¹⁹ Ityhy mahāduō riki ty òwyhykỹwiwi-di rexitynymyhyre. Tii idi rexirabedesirananyhyre. Awimyyhyre tuu ratximyyhyre. ²⁰ Tahe urimynodu tyymy binadumy iijō-ki ixyby ixyby ratximyyhyre. Lazaru inire. ²¹ Tii ityhy rỹsỹnauhe rirỹsỹkemy raōbirenymyhyre. Ijōrōsa dori itybinatōmy dirahumyhyde. ²² Lazaru rurureu, yju mahādu ridyrenyry biu-ò ilabiereny rora-ò, Abraō wahe. Tule ityhy rurure idi rituunymyhyre. ²³ Tahe rubu-ki rubu mahādu bedebina-ribi aōhōkỹmy dỹynana ityhy Abraōmy robire irehe-ò Lazaru tule irora-ki. ²⁴ Tahe ityhy dryde: —Abraō, walabie, wadi inihe bedexiwoboronyke. Lazaru ini wadee tebō-ki beruty-di kanake wadōrōtō elehynamy. Jiarỹ dori raōhỹtỹhỹtreri kaheōtywo-ki. ²⁵ Tukōleta, Abraō narybede: —Dāa aōwiwihikỹ-di tatemyhỹ-di bexinohōtinymyhyre. Tukōlemyta Lazaru aōbina binahakỹle rimyry. Tahe kaki aōwimy Lazaru ratxireri. Tukōmyta kai ibymy atxiteri. ²⁶ Ihāre ta hāloohukỹ inyko-ki rỹire. Timyki kaludu kia-ò iōhōreseōna.

Tule kia ludu kaō iōhōreseōna. ²⁷ Hebose, Abraō walabie, kamy ityhy narybede, Urile Lazaru wasỹ-ò biteōnykekō aōbo. Waseriōreboho deōwarisidỹmy. ²⁸ Waseriōreny dori iruyrenyry urikō-ribi kabedebina-ò kōdōiheny. ²⁹ Tahe Abraō diwyōnyde: —Tiiboho dori Moisesi tyriti, Deuxu rybedu mahādu tyriti dire. Tii tahe tamy roholarenymy rityhnyrenyke. ³⁰ Ityhy narybede: —Aōkōre Abraō walabie. Kia inyō tarubu-ribi rexixamy rōdsekeki xiery ta, taōrarunarenymy-ribi rexirahirenymyke. ³¹ Tahe Abraō dirawyōnyde ixyby. —Moisesi tyriti rybe-ò, Deuxumy rybedu mahādu rybe-ò roholaōkeki, tii mobo rexixake tule ityhydỹyōna.

17 Tahe Jesuisi taerydỹyna mahādu-ò rarybere: —Kiemy inyō wodohonadỹmy aradykre òraruna-ò besekemy. Kobe lāhāxe tii kiawesemy rotỹnykreki. ² Tii dori ibinatyhy rare. Wadee heka kabera-txi mana-di rataataamy sỹy-ò reakenawi rare. Tukōmy uri-ribi watyhydỹydu tỹmyraō riōrarudỹnyheny. ³ Bexiijebeny ta. Aityhydỹydu seriōre rexiōrarunanykeki, tamy marāhike. Tii rexirāhikeki, iaōna aōna bina-ribi bexinohōtilosanyke. ⁴ Txu sohojiōmy adee rexibinanykeki, kai tule ibinamy tai mahamy. Tii ixi-di rexiwotōnynymy adee nakeki, tule idi bexiwobrunymy bexinohōtilosanyke iaōna aōna-di.

⁵ Jesuisi erydỹyna mahādu dexitōdenydenyde: —Wanyrỹreny, wainatyhynarenymy ini bisōwedỹnyke.

⁶ Jesuisi dirawyōnyde: —Ainatyhynarenymy heka sunysisōmo wesekeki, kamy bederarade-ò marybebennyke: —Bexitake inihe idi bera-txi myike. Tahe tii aratyhynyke. ⁷ Titxibo kaibohoō eōdudirenymykeki aoworu-di itxeredu ada budoeni-di itxeredu wahe. Tii taaōmysỹdỹyna-ribi

kanalokreu, kawesemy aōbo tamy manarybekre? Wy, wylemy rikiroxikre dori. ⁸Timyki kawese tamy arybeōna. Tukōmyta tamy marybeke: —Warŷsŷna biywinyke idi wadee, idi manakre. Ariroxikre dori. Wabyre arihu-di ta bexiōdenykre. ⁹Teōdu deōdumy rearahu-di aōbo, txiōtōetuukemy tamy rarybere aōbo. Timyki tukōna. Kiemy dori taaōmysŷdŷŷnale riwinyre. ¹⁰Iu aōmysŷdŷŷnarenen bihudi, iwese heka atximahābenyke kamy bexirybenymyhŷbenyke: Inyboho deōdule roire, aōthy aōkō mynodu, iny aōmysŷdŷŷnarenenyle heka inyboho riwinyreny.

¹¹Jesuisi Jerusale hāwā-ō ramyhŷreu, Samaria bedē, Kalileia bedē wotyā-di rare. ¹²Iu hāwāō-txi raloreu, debo ituemy sōwereny tyymy binamy mahādu iry-ō doide, tahe irehemy rexiereny. ¹³Iribi tamy drydenyde: —Jesuisi, Erydŷŷdu, wadireny ini bexiwobrunyke. ¹⁴Tureny robireu, narybede Jesuisi-ō: —Xiwenā wahidŷŷna mahādu-ō ixi-di itxerenamy bōike. Kia-ō rariamy roirennyre, tahe reyterenyyre. ¹⁵⁻¹⁶Ijōreny Samaria ludu mahāduō reytemy iximy robireu, Deuxu riwowydŷdŷŷnymy tamy dōōsede, rawiunymy. Tatiowomy Jesuisiko-ō resere. Tahe rarybere: —Txiōtōetuuke. ¹⁷Tahe Jesuisi rityŷŷraxyre: —Debō itue wese, asōwerenyre? Titxibo ta debō inaubiōwaboho roire? ¹⁸Aōherekiwe kaa iny witxira sohojile Deuxu wowydŷdŷŷmy dōōsede, Samaria luduō wahe? ¹⁹Tahe Jesuisi tamy rarybere: —Mynyike, idi makre. Atyhydŷŷna òraru-ki dori teyteta. ²⁰Idi fariseu mahādu Jesuisi-ō rŷŷraxyreny: —Tiubo Deuxu Iòlōna kanakre? Tii diwyōnyde: —Timyki Deuxu Iòlōna dehemynysŷnamy inyō robiōtyhy. ²¹Tule inyō kiau rarybeōtyhy: —Betehebeny inihe ka-ō: —Tukōmy

aōbo: —Kowaki heka rare? Deuxu Iòlōna dori aworeny-ki rare.

²²Tahe taerydŷŷna mahādu-ō rarybere: —Tiutxumy heka Deuxu Riōre Hābutyhyhykŷ txumy bobibenykemy tahe bobibenyōtyhy. ²³Tahe ijō adeereny kanarybekre: —Bedetehebeny inihe kaō ada kowa-ō. Tahe iitxerenyōmykre. ²⁴Iwese tiribi tiō biu relaanymyhŷre wese heka Deuxu Riōre Hābutyhyhykŷ txu kŷnykre. ²⁵Delemy tahe tii aōhōkŷmy rotŷŷnykre. Wijinabōdu mahādu teramy reakre. ²⁶Noe bededŷŷnana wesemy heka rŷimyhŷkre. Iu beōra rariareu. Tahe Deuxu Riōre Hābutyhyhykŷ kedeheymynykre iu. ²⁷Ibutumy heka worana bedehesi rŷire. Lisisō tahe rŷire. Hāwyy herina lisina rŷire iu. Iu tahe beōra rariare. Ibutumy ituerē. ²⁸Lōdō bededŷŷnana tule iwesere. Tiiboho worana bedehesidile rŷire. Tiiboho rityhynyōtyhy. Urile hetomy riwinymyhŷre, oworomy riwinymyhŷre, aōna-di rohonymyhŷre. ²⁹Iu tahe Lōdō ihāwā-ribi rōhōnyre, Deuxu heōty ityre riteōnyre. Biu-ribi heōty ityre resere enxofre-wana. ³⁰Iwesele txu tii heka rarekre heka, Wadehemynyna Deuxu Riōre Hābutyhyhykŷ wahe. ³¹Kiau tahe inyō ihetotyre heka rŷire. Malōkekō heka ahetowo-ō aōnamynamy. Inyō tule oworu-ki rŷire, taheto-ō aōkō rōdōseke. ³²Lōdō hāwyy-di mohōtinyke. ³³Inyō taumy riyrubunyekē, tii ruruke. Ijō tahe wadeewimy rurukē, tii taumy rayrubukre. ³⁴Adee rarybere: —Bede rurureu heka inatxi hābu rōrōreri. Ijō heka rakre dynamy reakre. Ijō tahe rarikre. ³⁵Inatxi hāwyy heka rŷsŷna-di raaōmysŷdŷŷnymy heto-ki ratxikre. Ijō heka dynamy reakre, ijō heka rarikre. ³⁶Inatxi hābu heka oworu-ki raaōmysŷdŷŷkre. Ijō heka rakre dynamy reakre, Ijō tahe ririkre. ³⁷Ierydŷŷna

mahādu rỹraxire. Titxibo rỹikre, Wanyrỹ? Tii rirawyònyre: —Titxibo iumy rubu roire-wana, rara tai wii ributunyre.

18 Jesuisi heka ròkewesenanyre ribedeerynyreu. Kia wese heka tii ijyymy relyyre. Rexitòenyhykemy tii ribedeerynyre tule ixitòedỹỹ-ò ixirarenyòmy. ²Hāwāō-ki tahe hābu matuariō rare, tii tahe ibinare. Juizimy heka ratximyhỹre ywisidỹydu wahe. Tii iny rityhynyòtyhy, Deuxu lau ruberuòmyhỹre. ³Tule heka hāwyw wyteseō tai rasỹnymyhỹre. Kia tamy ramyhỹre sòwemy. Tamy rarybera: —Biwawikòhenakykre wahe. Wakòludu tahe riwahureri. Kywisidỹkỹdu kai atxiteri. Anoherekibo tiwawokutòenykòteri. ⁴⁻⁵Aòdhòkòmy hābu iaōna aōna òbitidỹỹ deramy reamyhỹre. Tahe Hābu ixidee rarybehyra. Inatyhymy jiarỹ inyò retyhynyòtyhy. Tahe hāwyw wytese sòwemy wadee raryberekì, jiarỹ ariòbitinykre iaōna aōna ibutumy iòludu-wana. Aòkòkeki tiiemy kidiwarulòlòenyke. ⁶Tahe Jesuisi ritỹnyre: —Juizi bina rybe-ò kaiboho boholabenyke. My wahe. ⁷Deuxu heka taijoi mahādu-ò roholake. Òbitimy iòludu-di riywisinykre. Taijoi mahādu dori tamy rexitòenyre. Tii wymy riwiòhenanyke. ⁸Tii inatyhymy taijoi mahādu riwiòhenanykre. Jiarỹ, Deuxu Riòre Hābutyhyhykỹ wymy adehemynykreu, watyhydỹydu-txi aòbo areakre.

⁹Tule Jesuisi kia ijyy relyyre, iny ixityhymy ixi-di ratxityhymy kia ijō inymy kiale radònymyhỹre. Kia tahe rikewesenanyre. ¹⁰—Iny inatxi hābumy heka templo-ò ròirenyre rexitòenykemy. Ijō fariseu rare, ijō tahe nieru arisidu rare. ¹¹Fariseu tahe rỹimy rexitòenykemy ixidee. My wahe: —Deuxu, jiarỹ aòhābubina aòkō

rare. Tai tahe umy reàlāmy wahāre. Jiarỹ aòwasidu aòkō, aòòrarudu aòkō, aòòtadu aòkō. Iwese kowa nieru arisidu wese aòkō jiarỹ rare. Txiòtòetuuke tai. ¹²Semana sohoji heka wabyreō-di inatxixumy rewymyhỹre. Tule waaōna aōna ibutumy ijura adee rewahinyre. Debòwiòna-ribi sohoji rewahinyhỹre wahe. ¹³Nieru arisidu tahe irehemy rỹire. Biu-ò aòkō retehere, tahe rexihetenyre rexitòenyrerimy Deuxu-ò. My wahe: —Deuxu, biwawotòenyke. Jiarỹ òrarudu rare. ¹⁴Jesuisi ijyy ritỹnyre: —Adee ararybekre. Mobo teysamy taheto-ò nade? Ixityhydỹydu aòbo ada ijō aòbo. Kohe ijō tuure, ixityhydỹydukō wahe.

¹⁵Tiiboho heka uladu tamy didydenyde. Iu Jesuisi tebò iratityre ritidimy ritxuhore awimy roirekemy. Tahe ierydỹyna mahādu tamy idyrenyòkremy raryberenyre. ¹⁶Jesuisi rarybere: —Txiò, kididyke uladu wadee. Uladu wese dori Deuxu Iòlòna rare. ¹⁷Inatyhymy ararybekre: —Moò heka uladu wesemy Deuxu Iòlòna rityhynyòkeki kia heka Deuxu Iòlòna-ò ralòòtyhy.

¹⁸Idi tahe iweduo rarybere: —Erydỹydu wihikỹ, aòwexe ariwinykre idi biu-ò arahenykemy. ¹⁹Jesuisi tamy rarybere: —Aòbo wa wihikỹmy wadee tarybeta. Hābuō tiu awiòre. Deuxu sohojile tahe awira. ²⁰Bede ywina tyyriti kai teeryte:

—Rubudỹyòmykemy, tule òta òtaòmykemy, wasiòmykemy, tule ruiòmykemy, iny wii itxenadỹyòmykemy, adi biywinykemy, boo tule.

²¹Hābu tamy rarybere. —Kia bede ywina rybe retyhynyhyllere, uladudihyyle wahe. ²²Jesuisi rarybere: —Kai sohoji aòmydỹynale aki nasiranyde. Kai makre, ibutumy aōna aōna-di bohonykre, idi tahe kia nieru biwahinykre iny aòkòdu mahādu-ò.

Kia tahe aōmydǣ̃nadikre biu-ki. Tahe manakre biwaheludunykre. ²³ Kia rybe-ki heka hābu rabadewore. Rexitare ibedewomy iaōna aōna sōwetyhyreki. ²⁴ Jesuisi retehemy ibederyry-di tahe rarybera taerydǣ̃na-ò: —Kia iny iaōna aōna sōwemy rǣ̃reri, Deuxu lōlōna-ò ralōke isirare. ²⁵ Kamelo tyrorenawo-di ralōkemy isirakeki, kia-ribi isiratyhyre iny iaōna aōnadikeki ralōke Deuxu lōlōna-ò. ²⁶ Ijohonadu tahe widee rarybere: —Mobo tai biu-ò hedukre. ²⁷ Jesuisi rarybera: —Inatyhymy kōaōboka hābu-ò isiratyhyre. Deuxu-ò tahe ibutumy aōna aōna isiraōre. ²⁸ Pedro rarybere: —Boholake, jiarǣ̃boho ibutumy rerirenyra araheludunykremy. ²⁹ Jesuisi rarybere tamy: —Inatyhymy adeereny ararybekre. Moō waluukeki, rybewihikǣ̃ luukeki, kia heka ririkre: heto, taseriōre, tyby tadi-wana, tariōre, tabede, ibutumy waōraru-ki, Deuxu lōlōna òraru-ki, ririkre. ³⁰ Ka bedekile ritakre sōwetyhymy ibutumy aōna aōna. Ihāreta biu-ò rahenykre Deuxu-wana rasǣ̃nykemy.

³¹ Jesuisi taerydǣ̃na mahādu ridyre inysōwe-ribi tamyreny rarybekemy: —Boholabenyke waijoi! Jerusalē-ò rokoirenykre. Tai iny riwarubunykre jiarǣ̃ Hābutyhy rarehāre, Deuxu Riōre rarehāre wahe. Iwese Deuxu Rybemy rybedu mahādu rarybere wese. ³² Tiiboho riwawahinykre judeukōdu mahādu-ò. Tiiboho riwabinabinadǣ̃nykre, riwalahikre, watyre rarybexinykre. ³³ Riwahetenykre òhòte-di, idi riwarubunykre. Ihāre tahe inataō txu-di tahe adexixakre rubu-ribi. ³⁴ Jesuisi erydǣ̃na mahādu urile bederiōtiinyreny. Aōmybo tii rarybere rierityhyōreny. Irybe tamyreny dori ierynatyhykōreri.

³⁵ Iu Ijeriò hāwā-ribi iòhòmy roirenyreu, inatxi iny ruetām̃y heka

ronymhǣ̃ Jesuisi ibire-di rareu. Tiiboho nierumy rexitōenymhǣ̃reny. ³⁶ Inysōwe-ò roholarenyre tahe, tii rǣ̃raxirenyre: —Aōhereriwe. ³⁷ Tahe tamy rarybere: —Jesuisi wa rareri Nazare hāwā ludu wahe. ³⁸ Tahe ruetāō rryre: —Jesuisi, Wadi riokore! Biwatōenyke hewa! Wadi lāhā inihe bexiruxetōenyke. ³⁹ Iny sōwemy tamy rarybere: —Iryōmyke! Ihāre ta tii rrymyhǣ̃re: —Davi riokore, wadi mawotōeke! ⁴⁰ Jesuisi riyryre tahe rarybere: —Tamy byryke wadee kanakemy. ⁴¹ Jesuisi tamy rarybere: —Aōmybo kai taruteri adee arutǣ̃nykremy. Tahe hābu ruetāhākǣ̃ tamy rarybere: —Wawedu, ixityre arobikremy. ⁴² Jesuisi tahe tamy rarybere: —Makre, atyhydǣ̃na kai arateytenyra. Kialehe rare. ⁴³ Aōwesele ixityrele tii robire. Tahe Jesuisihemy rare rry-di. Taihe ibutumy iny heka Deuxu riwowydynymhǣ̃.

19 Ijeriò hāwā-ki Jesuisi rehemynyre. Idi rariareri. ² Tahe hābuō tahe Jesuisi riere. Zaqueu inire. Inieru sōwere. Tii nieru tarasadu weduō rare. Inieru sōwere. Tii heka iyjare tahe Jesusimy robiōtyhy. Raōwōnyre tahe òwōru-txi. ³ Tii Jesusimy robikemy risǣ̃nymhǣ̃, tiu tuu robiōhyymhǣ̃reki. Iyjare-ki tahe rexisiranyre. Kiemy dori iny rarie rarie iko-ki rǣ̃myhǣ̃. ⁴ Tahe ijoiko-ò rexiraōre tai òwōruō-ò raōwōnyre Jesusimy robikemy iribi idi kanakreò. ⁵ Iu Jesuisi tamy rehemynyreu, biu-txi retehemy Zaqueu-ò. Narybede: —Wylemy bedeseke Zaqueu. Wiji dori aheto-ki bede wadi rǣ̃ike. ⁶ Tahe rabedesamy wymy resere. Awimy Jesuisi rybe-ki rahare. ⁷ Tahe inyō mahādu iōraru-ki kamy rexirybenyreny: —Aōhewe Jesuisi iheto-ò rara? Tii iny òbikōmy nodu hārele wahe. ⁸ Zaqueu tahe Jesuisi rarybere: —Bodoholake ini, Wanyrǣ̃.

Tahe waaōna aōna iwekre iaōkōdu mahādu-ò ariwahinymy ararekre. Tule txibo inyō-ribi rowasire inaubiōwa wawasi ratyre tamy ariwahinykre. ⁹Tai Jesuisi narybede: —Wijityhyle kahābu s̄mahādu-ò henana rehemynyra. Kahābu tule Abraō riore riòrele rare. ¹⁰Deuxu Riòre Hābutyhyhyk̄y dori iny òrarunamy resere mahādu òrysmy itarasamy nade. Jiar̄y tiire.

¹¹Jesuisi tamyreny rawesenanyre timybo Deuxu Iòlōna raremy. Jerusalē hāwā-ò iòhōmy ratximyh̄yre. Tai tahe Deuxu Iòlōna iòhōmy ratximyh̄yremy roholare. ¹²Tahe Jesuisi rarybere iny ityhyō heka: —Inyō nihik̄y heka rakemy ratximyh̄yre ijō bede-ò rat̄yinkemy. Tai iòlōmy ronykremy rare. Iribi tahe ròðsere. ¹³Tii tahe taaōmyd̄ȳnana ririre teòdu mahādu-ki. Teòdu mahādu debòwiòmy heka womati t̄yr̄r̄h̄ȳk̄y nieruō sohoji sohoji tamyreny riwahinyre. Tamyreny rarybere: —Nieru bitakre, idi bibutunyenkyremy adireny watxireri adooskreu. ¹⁴Tahe kia bede ludu mahādu iòlò deramy ratximyh̄yre tai tahe tamy rybemy iny mahāduò riteònyre: —Kahābu aōkō iny iòlōreny ronykre. ¹⁵Ihāre tahe iòlōmy ronyre. Idi tahe tanieru wedu mahādu-ò rarariòwyre. Tiwesebo teòdu mahādu nieru ritare rierykemy. ¹⁶Juhuludu tahe rehemynyre: —Wawedu, betehe inihe ijō debòwiò anieru ratyre rebutunyre. ¹⁷Tahe iòlò sōwemy riwowdydynyre: —Awityhymyhe taaōmys̄d̄ȳt̄a. Kai heka deòdu wihik̄y tate. Kai ibutedile sōwemy tewinyte tahe debòwiò hāwā adee ariwahinykre. ¹⁸Ijō tahe rehemynyre: —Wawedu, betehe iny iruyre anieru tyre rebutunyre. ¹⁹Tahe iòlò tamy rarybere: —Kai s̄y iruyre hāwāmy dinodu mabekre. ²⁰Ijō deòdu rehemynyre: —Wawedu, ahāxe anieru. Jiar̄y tyky-di reraserasenymy rerarenyre. ²¹Jiar̄y alau raberure.

Kai dori hābu nieru tarasaery heka tate. Aō taaōmys̄d̄ȳteri-ribi aōkō heka nieru tetamahāte. ²²—Kai heka deòdu awi aōkō heka tate. Arybe xiery waribi arateònykre. Kai tiwaeryte jiar̄y nieru tarasaery heka watxireri. Aō raaōmys̄d̄ȳre-ribi aōkō nieru retamahāre. ²³Aòherekibo. Kia nieru yrubuna heto-ki terikōte. Tai iximyna ratyre ini iribi ratare. ²⁴Iòlò teòdu inatxi-ò rarybere: —Wanieru iribi bitabenkye. Ijō hābu sōwemy ròtareò rawahikre. ²⁵Ijō raryberenyre: —Tii heka debòwiò nieru ijōdire. ²⁶Adee ararybekre: —Inyō òbitimy raaōmys̄d̄ȳkeki, tii sōwetyhymy ritakre. Tule inyō òbitimy raaōmys̄d̄ȳòkeki, tii ibutumy ròònod̄ȳkre. ²⁷Iwedu rarybekre: —Waòludu mahādu tahe wadee bididybedenyke. Wadera mahādu wahe. Wako-ki birubunyenkye.

²⁸Tarybe rahudi tahe Jesuisi rare Jerusalē hāwā-ò.

²⁹Jerusalē iòhōmy ritehe-mynyrenyre, tahe inatxi taeryd̄ȳna bede riywinyra hāwā-ò roikemy. Inatxi hāwā iòhōmy roire, Betabaji, Bet̄ȳnia-wana. Kia-ò Oliveira hāwālò roire. ³⁰Jesuisi rarybere: —Kaiboho boikre kowa hāwā-ò. Kowa-ò birònykreu jumenta riòre mahabenkye. Moheka ityre rariaòlemy ratximyh̄yre. Biesemy, wadee bididybedenyke. ³¹Inyō adeereny rarybekeki: —Aòhekremybo idi atxitenyteri. Tahe tamy marybebenkye: —Wanyr̄y tuu rurureri. Ixityre kaò kidiòkesed̄ȳnykre. ³²Tahe hābu roire. Iwese Jesuisi rarybere wese ibutumy r̄ȳire. Jumenta riòre ryro hetoiò-ki ritisanymy r̄ȳimyh̄y. ³³Tai riesereu, iwedu rarybere: —Aòherekibo teeseteri. ³⁴Tai tiiboho Jesuisi rybe myna tamy raryberenyre: —Inynr̄y tuu rurureri. ³⁵Tahe ridyrenyre jumenta riòre

Jesuisi-ò. Tiiboho tatyreny ritidirenyre jumenta riòre tyremy. Tiiboho risýnyrenyre Jesuisi ityre-ò. ³⁶ Jesuisi rehemynyreu, ijòboho tahe tauwòhi ryromy ritidire ityre rariakemy. ³⁷ Jerusalē iòhòmy rehemynyreu, Oliveira hāwālò-ribi, ierydýña mahādu rawyhyrarònyreri, tule ryreri.

³⁸ Tii heka wowodyna rare. Tii heka Wanyrý niwesekey naderi. Wowodyna rare Deuxu Iòlòna. Kai Iòlòna kanakre. Wyhyrarò biu-txi kodoholakre.

³⁹ Ijō fariseu mahādu rarybere Jesuisi-ò: —Marybeke aerydýña mahādu-ò tiiboho rirykemy. ⁴⁰ Jesuisi tamy ri-rawyònyre: —Tiiboho rirykeki, manale wowodynamy riryke.

⁴¹ Jesuisi Jerusalē hāwā-ò iòhòmy rehemynyreu, rahinyre. ⁴² Tii rarybere: —Kaiboho ywinatyhy teeryòte. Inatyhymy teeryte wana wadee awire, tahe aòkòre. ⁴³ Ijō txu kanakre. Ahāwā ibutumy rirurawonykre aòbina mahādu, aòludu. ⁴⁴ Ibutumy hāwā ituekre. Iny iwo-ki tule rurukre. Mana ibutumy kedeseke. Rirerykòre dori tiubo jiarý ahedýñrenymy nanade.

⁴⁵ Tahe Jesuisi dohodýña hetowo-ò ralore. Tahe kia-ribi aòna aòna-di rohonymyhýre mahādu, òbradu mahādu diteònyde. ⁴⁶ Rierynanymyhýre tahe tamy rarybere:

—Raritidýñlemy aòbo rýreri: —Waheto kōaòboka inatyhymy ixitòedýña hetomy rýrakre. Idi kaiboho tewinytenyte wasidu hetowesele.

⁴⁷ Txu ibutumy Jesuisi dohodýña heto-ki ròbedeerydýñmyhý. Xiwe wedu mahādu, Deuxu aòmýsýdýñdu wedu mahādu roholarenýre, rōhòtinyrenýre: —Timybo inyboho Jesuisi rubudýñmy rikiwisýnyrenýkre. ⁴⁸ Tiiboho tahe aòkòhykyre iny sòwemy dori bede riòtinymyhý ibedeernadýña-ki.

20 Ijō txu tahe Jesuisi ròbe-deerydýñmy, Ijyy Týmra Wihiký wahe. Ririranymyhýrenýre dohodýña hetowo-ki, bede ywina erydýña mahādu, Deuxu xiwena wahidýñdu mahādu wedu, tule matuari mahādu tamy doide. ² Tiiboho tamy rýraxirenyre: —Mowe atedýñdure kia aòna aònamy tatýñnymyhýtemy. ³ Jesuisi dirawyònyde: —Adeereny tule araýraxikre. Kaiboho bidiwawonykeki, tahe jiarý akoreny ýraxina ariwyòkre aòrudibo aòna aòna rewinymyhýre.

⁴ Tahe Jesuisi ritýraxyre: —Mobo Joaò ratisebedýñmy riteranyre? Deuxu aòbo ada iny aòbo? ⁵ Tiiboho widee rarybera: —Deuxu riteranyremy inyboho rakaryberenykeki, tai tii rarybekre: —Aòherekibo tahe tii tetyhynytenyòte. ⁶ Inyò riteranyremy rakaryberenykeki, iny aruberuwýhýrenýkre. Ibutumy iny dori Joaò rityhynyre tii Deuxu rybe-di rybedumy. Ijō ijoi mahādu urile inyreny kidihetenýkre. ⁷ Tai tahe tiiboho raryberenyre: —Jiarýboho reeryòrenýre. Tai tahe Jesuisi rarybere: ⁸ —Hebo, jiarý adeereny iximy ararybeòtyhy modeòdýñnamy jiarý tuu watxirerimy.

⁹ Iribi tahe Jesuisi tamyreny ijyy-di rierynanymyhýre: —Hābu uva oworuò wese ròbròre. Tahe riòtitynyre. Tahe hāloo riare oworu ubetya-ki, ruýdýñnymy. Tahe utò riwinyre. Idi tahe rityhere hābu mahādu-ò. Tahe rexitare tasý-ribi ijō bede-ò. ¹⁰ Tahe bederaty siredey bededýñnana rehemynyreu, iwedu teòdu riteònyre bederaty ritakemy. Tahe oworu-di itxeredu oworu wedu deòdu rimyrenýre, rihetenyrenýre idi riteònyrenýre ixihýlemy. ¹¹ Ixityre oworu wedu teòduò riteònyre. Kia heka irati rihetenýre ta tamy rawobinarybenýre. ¹² Ijō riteònyre.

Kia heka rirubunyrenyire. ¹³Iwedu ixi dee rarybere: —Aôhebo arotÿÿnykre. Tahe oworu wedu iriôre sohojilere, wariôre kie kie sohojile ariteônykre. Tai tiiboho rityhynyrenykre. ¹⁴Kia oworu-di itxeredu mahâdu widee raryberenyre: —Kia heka wedu aôna aôna tarasadu rare. Rurukre, idi tahe iaôna aôna inydeerenykre. ¹⁵Tahe rimyrenyre idi rirubunyrenyre tahe idi rehurenyre oworu-ribi. Jesuisi ritÿÿraxinyre: —Aôhebo tahe oworu wedu rotÿÿnykre. Tai Jesuisi ixityre narybede: ¹⁶—Tii kanakre oworu-di itxeredu mahâdu hudumy, tai tahe oworu rityhekre iny witxiraô-ò. Kia-ò tiiboho roholareu, tahe raryberenyre. Timyki tukôna. ¹⁷Jesuisi idi reny retehemy tahe rarybere: —Ritina-di aôbo tariaôletenyte kia ryberiti:

—Mana-di hetowidÿÿdu rehura. Kia mana heka hetohâtxi-ki heridu rare. ¹⁸Inyô kia manatyre resekeki, kia urile raoroorokre. Mana tahe inytyre resekeki, kia urile risyrisynykre.

¹⁹Bede ywina erydÿÿna mahâdu, tule xiwena wahidÿÿna mahâdu wedu rymykemy riwisÿnyre kiaule. Brebumy ta turenkyôre. ²⁰Tiiboho hâbubinaô riôwynyre tamy imynamy irybe-ki. Tai tahe Dinodu-ò riwahinykremy aôsirakômy timykibo irutaômy rirybe-witxiranyrenykemy. ²¹Tiiboho rarybere Jesuisi-ò: —Erydÿÿdu, jiarÿboho araerymy adi watximahârenyre kai inatyhy hâbu tate. Iny ibutumy adee wiwese wiweselere. Inatyhymy iny-ò Deuxurymy teerynanyamahâte. Tahe tiiboho ritÿÿraxinyre: ²²—Awire aôbo ada ibinare aôbo nieru rawahinymyhÿre bede dinodu-ò. Timybo tahe, imposto raôwymy aôbo ada aôkôre aôbo. ²³Jesuisi rierymyhÿre tôhôtinanareny, tahe ritÿÿraxinyra: —Aôherekibo kaiboho tiwaurihitenyteri. ²⁴Wadee womati nieruô bidiwy waitxerenamy.

—Kawe moô tyytarasana rare, katahe moô tyyritina rare. Tiiboho dirawyônyde: —Kiahe bede dinodu hôrô rare. ²⁵Jesuisi rarybere: —Hÿdebo, bede dinodu hôrô tahe tamy biwahinybeny, tule tahe Deuxu aôna aônahôrô Deuxu-ò biwahinybeny. ²⁶Tiiboho aôkôre. Irybe-ki rimynamy aôkô. Urile ribedeôtiinyre.

²⁷Saduseu mahâdu tamy nade. Kia heka iny rubu-ribi rexixamy aôkôre-riki rierynanymyhÿre. Tiiboho ritÿÿraxinyre Jesuisi: ²⁸—Erydÿÿdu, Moisesi raritinyre bede ywina-ò, kaimy: —Hâbuô rurukeki, tahâwyw iriôre ijôdiôkeki, tahe kia hâwyw tahâbu seriôre-wana roike. Iriôredikre taseriôre rubuôwymy roikre.

²⁹Seriôre debôinatxi reurômy raremyhÿ. Juhuu ijô roire hâwyw-wana. Tahe tii rurure iriôreôlemy. ³⁰Tahe ihe-woludu iseriôre wytese-wana roire. Tii rurure iriôreôlemy. ³¹Ihewoludutyhy tule ibutumy roire wytese-wana, tahe ituerenyre iriôreôlemy. ³²Irôôbymy tahe hâwyw tule rurure. ³³Ixixanau tahe mohâbubo tii-wana rarekre. Ibutumy dori wytese-wana roire. ³⁴Jesuisi rirawyônyre: —Kabede-ki hâwymy iny roimyhÿre. ³⁵Ixixanabedeu heka moô roiôtyhy, inyô dori bede kia riôbynykreu. ³⁶Ibutumy iny ÿju wese rarekre biu bede-txi. ³⁷Moisesi tatyryiti itÿnyhÿkÿlemy rarybere: —Iny rubu-ribi kedexixakremy. Tai ta heôty ôwôru sômo riworonymyhyki ixbylesÿ rarybera:

—Deuxu heka Abraô, Ijai, Ijaô kia Deuxu rare.

³⁸Tai Deuxu inyru mahâdu Deuxu dori rare. Iny rubu mahâdu ta aôkôre. ³⁹Inyô rarybere: —Arawyônakyhyna, Wanyrÿ tate. Bede ywina tabohe teerytyhyte! ⁴⁰Tai tahe ixby rÿÿraxiôhyrenyre.

⁴¹Jesuisi rarybere: —Timybo bede ywina erydÿÿdu mahâdu rarybemyhÿre

Kristu Davi riðre raremy. ⁴²Davi rary-bere aomybo Deuxu Tyytybytyhy tamy narybedemy iwiuna-ki:

—Wanyrỹ rarybere Wanyrỹ-ò:

—Bodony warurunawe-ribi.

⁴³Txiòhe inihe, aòludu awarawo-txi aritidikre.

⁴⁴Tahe Davile tanyrỹmy rininire. Timyki tahe Davi itybymykre.

⁴⁵Tii taerydỹna mahādu rierynamyhỹreu. ⁴⁶Tii rarybera: —Bexiemyhỹbeny bede ywina erydỹdu mahādu lau. Tiiboho heka tyyrehetyhywidihikỹle rexitynymyhỹrenyre. Tiiboho heka ixi rybedỹlluurenyre hāwā riraki. Dohodỹna heto-ki ryanawi luurenyre. Tule ta anarỹ rỹi-wana, tyhytyrekile ryanana tamyreny awire. ⁴⁷Tiiboho tule wytese aō aōkō mahādu aōna aōna ritamyhỹrenyre. Ixitōedỹna rehehekỹ rexitōenymyhỹrenyre. Tiiboho heka aōnihikỹmy aōhōkỹmy dỹnanamy rotỹnyrenykre.

21 Jesuisi retehemy rỹimyhỹ dohodỹna heto nieruhyna-txi. Tii retehere tibo iny tanieru-di rehumyhỹdi. Tai inieru sōwe mahādu nieru sōwemy ritidimyhỹ. ²Tule tahe nade wytese aō aōkō mahāduō. Tii inatxi nieru sōmo-di rehure. ³Tai Jesuisi rarybere: —Kowa heka wytese nieru-di rehure ibutumy iny witxira ratyre. ⁴Ijō mahādu tanieru uhedile rehumyhỹ. Tahe wytese idi rehure ibutumy tanieru-di rexihumy taumy-ribi idi rehure. ⁵Dohodỹna hetomy ierydỹna tamy rarybere: —Erydỹdu, beteheke mana wihikỹ ruxera ruxera-di eryna heto riruxeranyreridi. ⁶Jesuisi rirawyònyre: —Kaiboho betehebennykre hetonihikỹ-ò. Kia heka mana ijō wityre-ki rỹiòtyhy, ibutumy heka kedejuxunykre. ⁷Tiiboho ritỹraxinyre. Tiubohe ibutumy kidiixixāwididỹnykre. Tiiboho

ibutumy bede konanadỹnyamy reakre. Timybohe arieryrenykre, aōma bede ibutumy rexihukre.

⁸Jesuisi tamyreny rarybere: —Kaiboho anaitxenanydenyheny lau bexiebenyke. Sōwemy dori rỹikre wanimy rarybemy rarekre: —Jiarỹ dori Kristu rare. Tahe iny sōwemy itxenadỹnyamy reakre. ⁹Kaiboho wounarybe-ò, aōbina rybe-ò, boholakreu, breburenyōmykre. Kia heka kanakremy ratximyhỹre. Urile bededỹnana ikonanatyhy aōkō rare.

¹⁰Tii tamyreny rarybere: —Uritere iny lahinareny, ijō lahinareny widee kanaaōbinanykre. Tule iòlōna mahādu, ijō iòlōna mahādu-wana widee kanaaōbinanykre. ¹¹Bede bedesu ijō hāwā-ki kanamytatakre. Tahe aōkōre rama kedeakre. Kia heka juhu aōhōkỹmydỹnana rarekre. Aōbrebuna brebuna kỹnyikre. Idi biu-ki aōwitxira kỹnyikre. ¹²Tiiboho arawahinyrenykre aòludu wedu-ò, iòlò-ò. Kaiboho heka aōhōkỹmy iu botỹnybenykre, watyhydỹ òraru-ki. Tiiboho arahatenyrenykre dohodỹna hetowo-ki. Kiabohoko-txi wadee kaiboho kedelyykre inatyhymy aōna aōna rỹiremy. ¹³Rybewihikỹmy ibutumy bede bede hāwā hāwā-ò belyybenykre. ¹⁴Tiubo aradyrenykeu, urile nohōtiōmy aomybo kaiboho marybebenykre. ¹⁵Kiautyhyle aomybo marybebenykre bierykre. Kia tahe marybekre. Kai aōkō dori marybekre, Deuxu Tyytybytyhy tahe rybedukre. ¹⁶Asỹreny dori rōtenawo-ò ararōtenyrenykre. Seriðre seriðrele wii kidirubunykre. Tyby heka tariðre kidirubunykre. Uladule tadi, tyby kidirubunykre. ¹⁷Ibutumy heka iny iy kedeakre wani òraru-ki adeereny. ¹⁸Ibedeu araderentyiō reseòtyhy. ¹⁹Bexityhymy ta tai ixiery dori biu-ò mahenybenykre. ²⁰Ijō tahe Jesuisi rarybere: —Woudu mahādu Jerusalē

rirurawonykreu heka bierybenykre aõhuluhudunamy bede rÿirerimy. ²¹Judeia hãwã hãwã-ki ratxikeki, mahenybenykre bederatòðòhòkÿ-ò. Inyõ Judeia hãwãkikeki, iribi òlò rÿikre. Idi inyõ bederokeki ixby Jerusale-ò ròteomykre. ²²Kia txuu heka òwynatxumy rare. Ibutumy rybe tyryiti myna heka bede rÿikre. ²³Kobexe heny hãwyy bòtòmy rÿira, tule hãwyy tariòre ritònymy rÿira. Aõhòkÿmydÿÿnana kanakre tiu heka tuuòre. Debure nihikÿ heka kanake kia iny tyre-ki. Tiu heka kiamy bede roiòtyhy aõhòkÿmydÿÿnanamy. ²⁴Sòwemy iny rurukre mayrehe-di. Iny sòwemy radykre ijò bede-ò aõhòkÿmy tai rotÿÿnykremy. Ityhydÿÿdukòdu mahãdu rasÿnykre Jerusale hãwã-ki iu.

²⁵Ixityre tahe Jesuisi rarybere: —Idi webòhòna rÿira txuu, aõhòkÿmydÿÿnana itue-di, txuu heka rurunykre. Ahãdu tule rurunykre, tule taina. Beòbò lau iwodÿÿ lau ibutumy iny ruberukre inihikÿ òraru-ki. ²⁶Iu bede bede iny mahãdu aõhebo rotÿÿnymy, tatòhòtibre-di tiiboho resereny sutyre-ki tai. ²⁷Iny retehekre Deuxu Riòre, Hãbutyhyhykÿ dehemynyna-di. Biurawetyky-ribi kodobehekre tatyhy-di.

²⁸Tahe kia aõmydÿÿnana rÿikre, ywinamy bòibenyeu, iòhòlereri.

²⁹⁻³⁰Tai tahe Jesuisi figueira-ò-wana tahe bede ròkewesenanyre: —Figueira-ò-di ini bexinohòtinybenyke. Tii heka tairu-txi, tanoiròsò ritÿmyranamyhÿreu, tai tahe bierybenykre wyra iòhòlereri. ³¹Tule kia aõna aõnamy bobibenykreu, tii iòhòlereri. Ijò-ki iòhòwesele rÿire. ³²Inatyhymy adee ararybekre, kia wijinabòdu itueòtyhy aõna aõna rÿikre hàrele. ³³Biu, bede-wana ituekre, tahe warybe itueòtyhy.

³⁴Tahe Jesuisi tarybe rihumy rarybere: —Kaiboho bexiebenyke, bete-hebenyke ixinohòtidÿÿrenythykòmy. Roxina worana bedehesi-di timybo kaiboho atximyhÿtenytedi. Mona juberere biòbenykemy mohòtinyòke. Kaiboho dori teeryòteny teiubedemybo addòsekre. ³⁵Kiatxu kanakre tahe iwese nawii mynyna wese aòwesele rimykre ibutumy bede iny mahãdu rimykre. ³⁶Biebenyke tahe, Deuxu-ò bexitònybenyke. Kia tahe aõhebo rotÿÿnykre-ribi mahenyke. Bityhynye Deuxu Riòre, Hãbutyhyhykÿ, jiarÿ wahe.

³⁷Txuò txuòlemy tii Dohodÿÿna heto-ki ribedeerynyre ihãre tahe rumy Oliveira hãwãlò-ò rara. ³⁸Rudile tahe sòwemy iny dohodÿÿna heto-ò rehemynymyhyre Jesuisi rybe-ò ijohomy.

22 Iòhòmy ratxireri Pascoa worana bedehesi kodohònykremy. Kia anarÿÿ wehityhynamy heka iny ratya-di reare. Tule orotxu anarÿÿ kia ròhònyre. ²Deuxu aòmÿsÿdÿÿdu wedu mahãdu, tule bede erydÿÿdu mahãdu Jesuisi rimykemy ratxireri idi rirubunykemy. ³Satanasi heka Judasi Isariòwo-ki ralore, tii Jesuisi erydÿÿnaò ihÿre. ⁴Juda Isariò heka Deuxu aòmÿsÿdÿÿdu-ò rara Jesuisi riwahinykemy. ⁵Tiiboho tamy roholarenyre, reysare. Tahe tamy nieru riwahinykemy riurenanyre. ⁶Tahe Juda riijemyhÿre aõu aõu bedewihikÿ tamyreny riwahinykemy. Wasimy riwahinykemy tii roholare.

⁷Juhu orotxu anarÿÿtxure budoeni xiweloo rirubuny rahudi tahe Jesuisi erydÿÿna mahãdu tamy rarybere: —Titxibo anarÿÿ rÿsÿnamy biroxikemy atxiteri. ⁸Tahe Jesuisi heka Pedro, Joaò-wana riteònyre: —Kaiboho boike iny rÿsÿnareny ywidÿÿmy. ⁹Tiiboho rÿÿraxire. Titxibo ariywinynenykre?

¹⁰ Jesuisi tamy rarybere: —Kaiboho boikre hāwāhākỹ-ò. Tahe hābu-wana wii biòbnykre butxi-di retyreriò. Tahe tii biheludunybeny. Titxibo heto-txi ralokreò, kaiboho tule bironybenymy bitỹraxyinybenykre heto wedu: ¹¹ —Wawedureny rarybera: —Titxiwexe anarỹ rỹsỹna arirỹsỹkre waerydỹna mahādu-wana. ¹² Tii heka adee kiditeòsinykre hetowoò-txi biu-ki. Ibutumy rexihumy rỹire inydeereny. Tai rỹsỹna inydeereny biywinybenykre. ¹³ Tahe ierydỹna rexitare. Roire hāwāhākỹ-ò. Tahe rotỹnyrenyrene Jesuisi rybe myna. Tahe ibutumy rexihurenyre anarỹ-ò.

¹⁴ Kia txu rimyre tahe Jesuisi nade taerydỹna waòinatxi reurò-wana byremy ronyrenykremy. ¹⁵ Tii tamyreny rarybere: —Jiarỹ awanareny ariroxikemy watxiwāhāre. Karibi dori warubuna-ò arakre. ¹⁶ Inatyhymy ararybekre: —Jiarỹ konanamy ayreny-ki ariroxikre. Ixyby ta Deuxu Iòlònakile tahe rikiroxirenykre. ¹⁷ Tahe vīi mona hyna rimyre, rexitòenyre, tahe tamyreny riwahinyre. Ibutumy ibute bute iribi tuu riòrenyrene. ¹⁸ Inatyhymy ararybekre: —Tiu ixyby tuu ariòòtyhy Deuxu Iòlòna-ki kotyre. ¹⁹ Tiiboho riroxireriu, Jesuisi orotxu rimyre, raorore, rexitòenyre, tahe tamyreny riwahinyre. Rarybere: —Ahāxe, kia heka waumy wese rare. Iu biroxikey, warubuna-di mohòtinybenykemy. ²⁰ Biòbenyke! Kaa dori wahālubu wesemy ratxireri. Tahe tamy riwahinyre riòrenykemy. Tai sòwemy iny ròhònyke biu-ò hena-ò ibutumy òraruna ixāwididỹmy. Tuu ròhònyra. Kia heka wadeewimy iny Deuxu-wana ratxiinyhỹre, wahālubu òraru-ki. ²¹ Boholabeny inihe watyhedỹdu inykyrenykile ronyre. ²² Iwese tyryiti-ki roire wese heka arurukremy, Deuxu Riòre, Hābutyhyhykỹ, jiarỹ wahe. Kobe

lāhāxe watyhedỹdu. ²³ Tiiboho tahe widee rarybere: —Mobo tahe rare? Mobo Jesuisi riwahinykre.

²⁴ Iribi tahe widee raryberenyre, mobo wiratyreremy? ²⁵ Tahe Jesuisi tamyreny rarybere: —Kabede iòlò mahādumy-ki iruru dire. Bede dinodu tahe iny rininire. Iny biòwa. ²⁶ Tahe ayreny-ki kawese aòkò ihỹre. Inihikỹtyhy inyò ratxikeki, tii inyuhe deòdumy ratxikre. ²⁷ Tibo inytyhy rare? Roxidu mahādu ada deòdu mahādu? Roxidu mahādu, aòhe inatyhy? Jiarỹ tahe ayreny-ki deòdu wesemy jiarỹ rare. ²⁸ Kaiboho heka wawanahyy atxitenyte aòhòkỹmy ratỹnyymyhỹreu. ²⁹ Tai tahe adee ruruna ariwahinykre. Iwese Waha wadee riwahinyre wese, adee ariwahinykre. ³⁰ Waiòlòna-ki kaiboho wawana biroxi benykre, biòbenykre. Tule rynana wiwihikỹ tyre-ki rỹdu mahādumy bonybenyke. Israeli iny mahādu heka kaiboho biòbitinybenykre, ibutumy judeu mahādu wahe.

³¹ Jesuisi ijò rarybere: —Simaò, Simaò, wadee boholatyhyke. Satanasi araurihirenykemy wadee rexitòenyre. Tahe adeereny kanake araurihidỹmy. ³² Dori rexitòenymyhỹre, Simaò, kai bityhynyhykemy. Wadee bòdòòsekeu, abiòwa mahādu biwiòhenanyke. ³³ Tahe Pedro diwyònyde: —Awanahyy arakre, wanyrỹ, arurukre hāre, ròtenawo-ò arakre hāre. ³⁴ Jesuisi tamy rarybere: —Pedro, kai biwatxiònyke, hānie hābu ryrykòule biwatxiònyke inataòmy.

³⁵ Jesuisi tamyreny rỹraxyire: —Juhu arateònyrenyre anieruhynakòmy, asarenykòmy, awarenyòmy, adeereny aòbo aò rasiranyre? Tiiboho dirawyòmy: —Aòkò, aò rasiranyòhyre. ³⁶ Tahe Jesuisi narybere: —Wiji tahe txibo inyò inieruhynadikeki, saudikeki, biwykre. Txibo inyò imayrehedikòkeki tayhyitxena-di rohonykre iòwy-di tahe

tii riōbranykremy. ³⁷ Kamy dori Deuxu rybe tyyrity-ki roire: —Ōbitikōmy nodu mahādu-wana tii r̄yire.

Ibutumy timybo tyyrity wamy rarybere heka r̄yikre. ³⁸ Tamy ieryd̄ȳna mahādu rarybere: —Wanyr̄y, kaa inatxi mayrehe r̄yire. Tahe Jesuisi r̄yire rarybere: —Awire kia.

³⁹ Tahe Oliveira hāwālō-ò roirenyre, taeryd̄ȳna mahādu-wana. ⁴⁰ Tiiboho kowa-ò rehemynyreu, Jesuisi rarybere: Bexitōenyke! Tai tahe òraruna-txi beseōke. ⁴¹ Tahe iko-txi urihimyò rareu, taowotimy resemey. Rexitōenyre: ⁴² —Waha, adee arexitōenykre. Adee awikeki, aōhōk̄my d̄ȳnana waribi biixāwid̄ȳnyke. Tahe adeewikomykre, wadeewi ta aōkōre. ⁴³ Ŷjuō tamy nade biu-ribi tamy ruu riwahinyre. ⁴⁴ Sōwemy tahe rexitōenyre, iōsana-ribi resere bee wahe. Hālubu wese heka ih̄yre resereri bede-ò. ⁴⁵ Tii rehemynyre tai rahare rōrōrenymy roireriò. Tiiboho ele risarenymy sōwemy rabadeworenyreki. ⁴⁶ Tamyreny rarybere: —Aōherekibo tarōtenyteri? Biijebenykre, bexitōenykre.

⁴⁷ Tii rarybereri, aōwesele Judasi nade. Tii-wana doide hābu mahādu. ⁴⁸ Jesuisi rarybere Judasi-ò: —Judasi, Deuxu Riōre bityhenykre aōbo, jiar̄y hābutyhyhyk̄y wahe? Waòbuò-di aōbo biwatyhenykre? ⁴⁹ Jesuisi eryd̄ȳna mahādu tuu robireu, tamy rarybere: —Iny mayrehe-di araaōbinanyrenykre, Wanyr̄y. ⁵⁰ Kia ijoio mayrehe ritare tahe Deuxu aōmys̄d̄ȳdu wedu deòdu nohōti riorore. ⁵¹ Tahe Jesuisi rarybere: —Ixāwike. Tahe hābu nohōti riteytenyrene. ⁵² Tahe Jesuisi dirawyon̄yde tamyreny, Xiwe wahid̄ȳdu mahādu-ò, dohod̄ȳna heto itxedu wedu-ò, matuari mahādu-ò: —Kaiboho mayrehe-di, òhòte-di tiwaòrytenyteri jiar̄y wasiduòrys

wese. ⁵³ Jiar̄y tahe dohod̄ȳna heto-ki watximyh̄y txuō txuōlemy adeereny anaerynanymahādenyde. Kowa-ki heka tiwamyōlemyh̄ytenyete. Kia heka beded̄ȳnana rexihure. Bede luru ruu roirerimy. Tahe aōbo iritina-ki r̄yireri, kia heka k̄nyikremy.

⁵⁴ Xiwena wahid̄ȳdu mahādu dinodutyhy-ò wedu-ò tiiboho Jesuisi ridyrenyrene. Pedro riheludunyrene ireheriōremy. ⁵⁵ Rehemynyreu tai Pedro ixitōtenymy heòtywera-ò ronyrene heto itxeredu mahādu-wana. ⁵⁶ Pedro ratximyh̄y-ò tahe deòduò rehemynyrene, ijadōma wahe. Pedro-di ijadōma retehemey ta rarybere: —Tii tule Jesuisi Nazareludu-wana ratximyh̄yrene.

⁵⁷ Tahe tii rexitxiōnyrene: —Jiar̄y reeryōre aōmyboho kai tarybeteri. ⁵⁸ Ixybyle kowa ijoio Pedro-ò rarybera: —Inatyhymy kai ijō mahāduleò tate. Tii inatyhytyhyrybemy rarybera: —Jiar̄y reerykōre hābumy tarybetenyteri. ⁵⁹ Ijō òrau tahe ijō rarybere: —Inatyhy rare kai Jesuisi-wana ahāte, Kalileia mahāduōreki. ⁶⁰ Tahe Pedro rarybere: —Hābu, reeryōre aōmybo tarybeteri! Tahe hānie hābu robura. ⁶¹ Jesuisi heka Pedro-ò retehere. Tahe Jesuisi rybe-txi Pedro tōhōti reare. Iwese Jesuisi rarybere: —Hānie inataōmy robukre myna, kai waheludumy bedexitxiōnykre. ⁶² Pedro tahe iribi rexitareu, ixidee iky reamy rahinyrene.

⁶³ Tahe hābu mahādu Jesuisi rihetenymy, rilahirenymyh̄yrene. ⁶⁴⁻⁶⁵ Tiiboho riruehetynymy rihetenymy idi rit̄ȳraxinymyh̄yrene: —Mowe arahātenyrene. Idi tahe sōwemy idi risinymyh̄yreny.

⁶⁶ Rudile tahe judeu wedu mahādu ributunyrene xiwena wahid̄ȳna mahādu-wana. Jesuisi ridyrenykemy raryberenyrene dohod̄ȳna mahādu-ò. ⁶⁷ Tamy rit̄ȳraxinyrene: —Kai aōbo Kristu tate, Deuxu Riōretyhy. Jesuisi

rarybera: —Jiarỹ heka kohemy ararybekeki, kaiboho biwatyhynyõtyhy. ⁶⁸Adeereny arỹraxykeki, kaiboho biwawyõnybenyõtyhy. ⁶⁹Kaiboho bierybenykre

Deuxu Riõre heka jiarỹ rare. Idi Waha rurunaweribi-ò aronykremy.

⁷⁰Ibutumy tahe tamy rarybere: —Kai aõbo Deuxu Riõre tate? Tii rirawyõnyre: —Iwese kaiboho tarybetenyteri wese jiarỹ inatyhy rare. ⁷¹Tahe tiiboho raryberenyre: —Inyõ irybe-ò ijohoke heka aõkõre, inybohole dori tuu roholarenyre.

23 Kia iny ka ibutumy Jesuisi ridyrenyre Pilato-ò, bede dinodu-ò wahe. ²Idi tahe aõbina binahakỹmy tuu raryberenyre: —Kahābu heka bede rijeijeinyteri iòlòmỹ ijoi radònykemy. Iribi iòlò-ò òwydỹ rỹiòmỹhỹkemy rarybere. Ihāreta Deuxu Deòdỹnamy raremy idi iòlòmỹ rexininimyhỹre. ³Tahe Pilato rỹraxyre Jesuisi-ò: —Inatyhywe kai Deuxu mahādu iòlòtyhy tate? Tai tahe Jesuisi riwyõnyre: —Kai tuu tarybeteri, Wanyrỹ. ⁴Tai tahe Pilato rarybere xiwe wahidỹdu mahādu dinodu-ò, tule insõwe mahādu-ò: —Timyki kahābu aõhokỹmy wasỹdỹõna, aõõ bina dori riwinyõlere. ⁵Tai ixyby idi risỹnyrenyre: —Kahābu heka Kalileia bede-ribi bede rijeijeinymy rareri, idi Judeia bede-di tule katahe kakile tuu rotỹnyre. ⁶Taita Pilato rỹraxyre: —Tii aõbohe Kalileia mahāduõ ratxireri? ⁷—Tii Kalileia mahādu rare. Kia Pilato rieryreu, Herodi-ò riteònykemy rexinohtinyre. Tii kia dinodureki. Ihāreta Herodi Jerusālē hāwā-ki iu ratximyhỹ.

⁸Herodi Jesuisi robireu heka reysare. Jesusimỹ robikemy riwisỹnymyhỹre sõwemy. Idi tahe tuu robireke, reòsare. Tai tahe reysare. Ini-ò roholahymyhỹre. Tule aõwihikỹ witxira

riwinykemy idi riwisỹnymyhỹre. ⁹Idi tahe Herodi sõwemy rỹraxyimyhỹre. Jesuisi tahe rirawyõnyõhyre. ¹⁰Aõbo xiwena wahidỹdu mahādu wedu, tule bede ywina erỹdỹdu mahādu sõwemy aõna aõna binamy tuu raryberenyre. ¹¹Herodi tasoldado-wana tuu raðhòtemy idi risinymyhỹreny. Tyywihikỹ-di rirahananyrenyre. Iribi riòkesedỹnyre Pilato-ò. ¹²Juhuu heka Herodi Pilato òludumy widi raremỹhỹ. Kia txule tahe widee rowoixirenyre.

¹³Idi tahe Pilato tahe ibutumy xiwena wahidỹdu wedu, tule matuari mahādu tule ijõ iny mahādu ributunynyre. ¹⁴Tamynyre rarybere: —Kaiboho heka wadee tedytenyteri bede jei jeiwidỹdumy tuu tarybetenyte tebutenyteri heka. Jiarỹ akoreny-ò retỹraxyre idi aõhe tai ibinamy rahaõhyre. ¹⁵Tule iòlò Herodi tai ibinamy rahaõhyre. Tai diòkesedỹnyde. Tai iurenana ta aõhereki timyki irubuõna. ¹⁶Urile raðhòtedỹkemy bede reywynyre idi ta ixinamy rakre. ¹⁷Kiemy dori worana bedehesiu, ròtena-ribi inyõ heka ròhònymyhỹke. ¹⁸⁻¹⁹Sõwemy iny heka rirajuare: —Aõkõre uritere ta Baraba biteònyke. Kia hābu urile ruruke. (Baraba inyrubudỹdure. Bede jei jeidỹ-ki heka ròtena-ò ralore.) ²⁰Tai Pilato Jesuisi òlòdỹmy riwisỹnymyhỹ tai ixyby rarybere: —Aõkõre Jesuisile ariteònykre. ²¹Sõwemy iny ixyby ryryre: —Aõkõre, itxeò-ki bitamadỹnyke! ²²Tahe Pilato tainatāõnamy narybede: —Aõherewe, aõwe tii ibinamy riwynyre. Aõheka tai ibinaõhyreri rubu-ò rawahikemy. Òhòteòle ta arawahinykre idi ariteònykre. ²³Ihāre ta iny sõwe mahādu ire rirajuamyhỹrenyre itxeò nihikỹ-ò rurukemy. Ixieryta iryreny-ò roholare idi tukremy. ²⁴Iu Pilato heka Jesuisi riwahinyre rubu-ò

tumyna rexitòenymyhÿrenymy. ²⁵ Ijõ hābuõ ta ròtenawo-ribi riòlòdÿÿnyre, iixitòedÿÿreny myna wahe. Tii hābu aleerydu rare, tahe bede jei jeidÿÿdu tule. Iwana ta Jesuisi rawahire irybemynarenymy aõhebo rotÿÿnykremy.

²⁶ Tahe Jesuisi ridyreny. Ryki tahe hābuõ iutedereny-ò nade, Simaõ inire, Sireni hāwā ludu wahe. Nohòtiòlemy ta ityre itxeò nihikÿ ritidirenyre, iherenymy idi kanakremy.

²⁷ Sòwemy ihemy nodu sòwe. Iy-ki hāwyy mahādu Jesuisi-di robumyhÿreny. ²⁸ Tii tahe tamyreny rexiòkesemy narybede: —Jerusalē hāwā ludu hāwyy mahādu! Ixirahi bobubenyke ariòre rahi tule warahi ta aòkòre. ²⁹ Tiutxumybo bexirybenybenyke: —Hāwyky bedekòby heka raritxòreny kòre mahādu rare, tohokuā ritòny kòre mahādu tiku kuladu-di tarukikòre mahādu.

³⁰ Tiutxumybo bexirybenybenyke hāwālò-ò: —Watyrereny bedeseke tule hāwālò riòre-ò bexirybenybenyke: —Biwawòbenyke.

³¹ Wiji kawesemyhÿre hee itukure hāre. Timykrebò tahe hee irubukreu.

³² Ihāre tasÿse iny inatxi hābu òbitimy nodu aòkò ridyrenyre Jesuisi-wana rururenymy.

³³ Tahe hāwālò riòre-ò ratitybymy ninadu-ò ritehemynyreny. Tahe tii-wana inatxi wasidu itxeò nihikÿ-ò rilamadÿÿnyreny. Ijõ ruruweribi-ò ijõ hyweweribi-ò. ³⁴ —Waha, idireny bexiruxetòenyke rieryòhyreny reri dori aòmybo rotodÿÿnyreri.

Tai tahe ity wimy ritxuatxuakremy dado-di rehumyhÿreny tibo iwydydukremy.

³⁵ Iny rethemy rÿimyhÿ taile wahe. Judeu wedu mahādu tule Jesuisimy rarybere: —Tii iny sòwemy rihedÿÿnyre,

kia aõherekibo tii rexitaòreri rubu-ribi, tii Deuxu deòdÿÿna rarehāre. ³⁶ Tule soldado mahādu rarybere aõbina bina-hakÿlemy. Diwyde tii aõna ta iny kremy rirahòreny tamy idi reare rijeny: ³⁷ —Kai inatyhymy judeu mahādu iòlòmy atxiteri wana heka kaa bexitakre iribi. ³⁸ Itxeò ratya-ki tahe aõma timy roire tyritidÿÿna.

—Kaa heka judeu Mahādu Iòlò Rare.

³⁹ Ijõ heka rarybereri Jesuisibire-ki roireriòle tamy rarybereri: —Deuxu deòdÿÿna tateki, bexitake tule biwatabenyke. ⁴⁰ —Wy, Deuxu lau taberuòlemahāte aõbo tule dori iny aòhòkÿmy rokotÿÿnykrelemy iny roireri. ⁴¹ Lòwudu tamy rarybereri: —Iny heka rurureri, aõbina binahakÿ iny riwinyre òraru-ki. Iny rurureri. Kaa hābu rÿire tiu aõbina riwinyòhykyre. ⁴² Jesuisi-ò rarybere: —Jesuisi, watxi òhòti beakre Iòlòmy bonykreu. ⁴³ Jesuisi tamy rarybere: —Wijile heka biu-ò heka rakakre.

⁴⁴⁻⁴⁵ Txutyemy bede roronyre idi txioro txu rehehekÿ-ò bede tuu rÿire. Inataò òramy bede rybinyre, rÿire. Heto-ki rahanaheridu urile raykare templo-ki wahe. ⁴⁶ Tahe Jesuisi rirajuare: —Waha, watytyby adee rawahinyreri. Iu irybe rexihureu rurure. ⁴⁷ Soldado mahādu wedu tuu robire kia aõhebo rotÿÿnara tuu rarybere: —Kia inatyhymy hābu òbitityhy rare. ⁴⁸ Ibutumy iny kia robire Jesuisi rubu-ò rahinymy ròsere rexihetenymy tabreti-ò. ⁴⁹ Ibutumy tii mahādumy ratximyhÿre iribi ireheriòremy rexijemyhÿ.

⁵⁰⁻⁵¹ Tii judeu bede mahāduõ rare. Jyjemy inire. Tahe Kristu rubuna-ki awimy rahaòhÿÿre taijoi mahādu-ribi. Tii dori Deuxu Iòlòna riraòmyhÿre. Ihāwā Arimatea inire. ⁵² Tai ta rare ixitòedÿÿmy Pilato-ò, Jesuisi umy kidiwahinykremy. ⁵³⁻⁵⁴ Tai tahe ritare

itxeò-ribi tyy ura nihikỹ-di tyy-di ritýtetytenyre. Manawabedewo-ò ritidire. Tai tiu iny raháloonaõmyhỹre. Aõma judeu mahádu elehyna txu wahe ixiywidỹnatxumy txu rỹireu heka aõma worana bedehesi txu. ⁵⁵Hāwyy mahádu Kalileia-ribi Jesuisi-wana. Tiiboho doide Jyje-wana Jesuisi hāloo-ò itxeremy. ⁵⁶Tahe timybo roimyhỹ riòtudunyenre. Dòòsedenyde iribi aderòna lỹnyre ywidỹmy iumy tỹnyrenamy.

Kia rexielenhyrenyre sabado txu bede ywidỹna myna-di.

24 Juhu txu semana bededỹynanau txuu deadeu hāwyy roire wabede-ò. Tiiboho riwyre lỹnyrena. ²⁻³Rehemynrenyre, mana nihikỹ tahe ijò-ribi ratamy rỹire. Tahe ralòrenyre, Jesuisiumy ihoõhyre. ⁴Wabede-ò rirònyrenyre, robirenre inatxi hābu. Ityy urahakỹmy ronymhỹre tai. ⁵Tahe tiiboho bede riòtiinyrenyre idi tabrebu-di suò reserenyre. Ýjyò tamyreny rarybere: ⁶—Iny irumy kaiboho teijeteri kaki wabede-ki aõbo? Tii kaki ratxireri. Tii rexixara rubu-ribi adeereny rarybere wese Kalileia bede-ki: ⁷—Inyò riwawahinykre inybina-ò Deuxu Riòre Hābutyhyhykỹ. Itxeòtyre-ki arỹkre tai arurukre. Inataò txu-di tahe rubu-ribi arexixakre. ⁸Tahe hāwyy irybe-di rōhòtiinyrenyre. ⁹Wabede-ribi raijaranyrenyre Jesuisi erydỹyna mahádu-ò ijyymy. ¹⁰Kia tiibohore: —Marie Madalena, Joana, Marie Txiause. Ijò hāwyy tule tii-wana roirenre. ¹¹Iu tamy relyyre, rityhynyòlerenre. ¹²Pedro tahe rỹimy reare idi raijaranyre wabede-ò. Urile tykylemy robire tahe dòòsede, rxiòtiinyre.

¹³Itxuleu ta iny inatxi hābu Jesuisi tyhydỹydu mahádu tahe roirenre Emau hāwā-ò. Jerusalē hāwā-ribi txibo 10 km wese irehere. ¹⁴Ibutumy aõhebo

rotỹnyramy wiko relyymy ròimyhỹre. ¹⁵Iuleta Jesuisi tamyreny dehemynyde idi tiiboho-wana roire. ¹⁶Tiiboho tuu robirehāre timykibo rierykõhykyrenyre. ¹⁷Tahe Jesuisi ròtỹraxire: —Aõmywe widee tarybetenyeri. ¹⁸Ijòreny Klopamy nidu narybede: —Kai sohojilewe Jerusalē-ki aõhebo bede rỹira teerykòte. ¹⁹Tii dotỹraxide: —Aõherabo ta. Tiiboho tuu relyyre: —Jesuisi Nazare ludu kie. Tii Deuxumy rybedu nihikỹ heka rare, Deuxu-ò dori ibutu iny-ò heka rybe-ki aõni heka aõmywidỹy-ki heka ihỹyna rare. ²⁰Waxiwenarenny wahidỹydu wedu tahe wadinodureny itxeò nihikỹ-ò rurukremy riwahinyrenyre. ²¹Tule judeu mahádu tarasadukresỹna raholarenre. Ihāreta tukòlemyta inataò txumy rubu-ki bede idi rỹira. ²²Bederaras-ò-di wajjoiireny hāwyyò ihāloo-ò roire. ²³Tai itxi rekoaõhyre. Dòòsedenydeki tahe Ýjummy riki robirenremy delyydenyde. Tii Jesuisi rubu-ribi rexixamy tamyreny rarybere riki. ²⁴Wajjoiirenyò tule ihāloo-ò roirenre. Inatyhy rikihe rare. Urileta riki Jesuisimy robiòrenre. ²⁵Tahe Jesuisi tyhy Klopaboho-ò narybede: —Aõherewexe Deuxu Rybedu mahádu rybe awo-ki teximyenyeri tetyhynykòtenyeriki wahe. ²⁶Kialemy dori Kristu dori aõna aõnany rotỹnykremy tai Deuxu riwowodynkyremy. ²⁷Tahe Jesuisi rexidelenyre aõbo rybe ritina roirenre. Moisesi ryberiti juhuumy ritỹnynynre. Timybo Deuxu rybe ritidỹydu raremy. Tiiemy heka iximyhỹle rarybere. ²⁸Ibutumy tamy relyyhyre ramyhỹrehyy tahe ritehemyny Emau hāwā-ò, tai inatxi hābu rarikreò wahe. Tahe Jesuisi rarybere: —Aõkõ arexinoranykre. ²⁹Tai ta tamy ihārele rarybemyhỹre: —Txioinihe bodonyke kakile. Aõma bede ratxinyra ratxioronythyra. Taile tiiboho-wana

rare ihetoreny-ò. ³⁰Rorukurenyre riroxirenykremy. Tahe Jesuisi orotxu rimyre rexitòenyre Deuxu-ò. Tahe orotxu riororiorore imynareny. ³¹Iu tahe aōwesele rierymy reare Jesuisi. Tai iruereny raraymy rierenyre. Tahe aōwesele iōmy iribi reny reare. ³²Tai widee raryberenyre kiamy. Iu tii Ryberitimy inydeereny rydi relyyreu, urile wawo ratooteemy. Kai tahe. Ijō diwyònyde: —Kohe jiarý tulere. ³³Iribi tahe ritamanyreny. Diòdsedenyde ixyby Jerusalē hāwā-ò. Tiu waòsohoji reurò erydýña itxi rekoarenyre. Tai tiiboho narybedenyde: ³⁴Inynyrýrenyhe rexixara. Pedro heka tuu robira: ³⁵—Jiarýboho tulerenyra wawanale ròirenrya rydi. Tule wadeereny orotxu riyreyreny. Taile reeryreny.

³⁶Iu kiamy relyymyhýrele, Jesuisi dehemyyny deade ityareny-txi. Riryberenyre ibutumy: —Ywina heka akirenyke! ³⁷Ibutumy ruberurenrye ilau. Urile raresýny tamy raholarenrye. ³⁸Jesuisi rarybere: —Aōhebo taberutenyteri. Breburenyōmyke hewa biwatyhynybenyke. ³⁹Jiarýle ratxireri. Wadebò-di bedetehebedenyke, wawa-ò tule. Jiarý karare wadee inihe bideribedeny. Jiarý uni aōkō watxireri. Uni dori idedire aōkō wawese aōkōre bedetehebedeny inihe. ⁴⁰Tai tahe tebò wotō mona, tawa wotōmona, riteòsinyre tamyreny. ⁴¹Ihārele tahe rityhynyrenyōre, ibedesamy bedede riòtiinymyhýreny. Jesuisi tahe rexitòenyre tamyreny aō rirýsýkemy. ⁴²Tamy riwahinyreny utura wòsi deyreō. ⁴³Rirasýre ikorenyòle.

⁴⁴Idi tamyreny rarybere: —Aōma wawanale ratximahāre, òhòtirenry itxi

reara. Aōma wawana atximahāteny te juhuu. Ibutumy heka adeereny retýnynymy rarybere aōmybo wamy rybe roimyhýremy. Ibutumy heka Moisesi rybedu ritidýñaki iritina-ki roimyhýre. Wiuna tule wamy riritinyre. ⁴⁵Tai tahe ritýnynyre òbitimy irakyreny riraynyre. ⁴⁶Ihetxiu rybe wāhā aōma Deuxu Deòdýña rurukre heka aōhōkýmy rotýñnykremy. Ruru-ribi inataō txu-di rexixakremy bede roire. ⁴⁷Kaa rybe wihiký ritidýña heka kaa Jerusalē bede-ki robýtýkre ihāreta ibutumy iny iny kōkōmy bede bedemy robýtýkre. Kiamy heka ibutumy inydee marybebenykre. Iny riwatyhynyry rýirakre heka ibutumy iòraru-ribi ariixāwididýñnyke. ⁴⁸Tule terytenyteri ibutumy aōhebo rotýñnykremy. ⁴⁹Tahe adee ariwahinykre iwese Deuxu rarybere wesemy heka adee ariwahinykre. Kaki hewa matxibenykre hāwā-ki. Tahe kanakre heka adee ruuō biu-ribi. Iribi tahe bòhònykre karibi.

⁵⁰Iribi tahe Jesuisi ridyreny Betýniary-ò. Tai tahe rilāhānanyreny tuu tamy rexitòenyreny ibutumy tamyreny. Tamy rexitòenyreu heka ilāhānamy tamy rexitòenyre biutxile ire rexidymy ramyhýre ryanamy ramyhýre. ⁵¹Iu rilāhānanyreny, biu-ò rare. ⁵²Tamy rexitòenyra aōma làhānamy, wowydynamy rexitòenymyhýre Deuxu-ò. Tai riwowydynamyhýreny. Teysa-di diòkesedenyde Jerusalē-ò ixyby. ⁵³Tai tahe Deuxu dohodýña heto-ki ixyby ixyby rowowydynamymyhýreny.

Joaõ

*Deuxu Rybe Wihikỹ
Tỹmyra, Joaõ Tyyritidỹydu*

1¹⁻²Ibutu aõna aõnakõu, Jesuisi rarehyymy raremyhỹ. Tii rybehyymy raninira. Tii Deuxu-wana ihỹre. Ihãre tahe tii Deuxule rare.³Tii ibutuhukỹlemy riwinyre. Tiiõhyykeki tahe, aõ releõtyhy.

⁴Umytuedeõna wahidỹydu tii ihỹre kia-di iny mahãdu rayky ritoosõnymyhỹre ritỹnynymyhỹre wahe. Kia loosõna heka bede luru ludu loosõna rare.⁵Bede luru tỹnyna loosõna rare. Loosõna ròtamyhỹre, bede luru tahe ròanodỹymyhỹre.

⁶Deuxu teõduõ diteõnyde, Joaõ inire.⁷Tii loosõnamy rarybekremy nade. Kia rybe-di roholamyhỹreki, ibutumy iny rityhynyrenykremy.⁸Joaõ loosõna aõkõ rare. Urile tuu rarybekemy nade.

⁹Jesuisile loosõnatyhy rare. Tii bede-ò nadeu, ibutumy iny rayky ritoosõnyre.¹⁰Tii bede-ki raremyhỹ, bede widỹydu rare, ihãre tahe iny rierỹõhyre mobo tii ihỹre.¹¹Tasỹ mahãdu-ò dehemynyde, judeu mahãdu-ò wahe. Ihãre tahe ridyõhyre, rityhynyõhyre urile teramy reare.¹²Iu inyõ Jesuisi rityhynymy ridyreu. Deuxu riðreõlemy risỹdỹnyre inimy rityhynyreki. Kia-ò tahe ruru tamy riwahinyre.¹³Kia ityhydỹydu tahe Deuxudeewilemy tule iriðreõmy roirekemy. Hãlubu-ribi aõkõ ratybienyre, urariribike aõkõ, hãbudeewike aõkõ. Deuxudeewilemy iny ihỹmyhỹrenyre.

¹⁴Rybe tahe umyõ rimyre, demy rexi-ijenyre, inyyreny-ki rasỹnymyhỹre. Tii tỹxihikỹlemy Deuxu loosõna-di ratximyhỹre, ruxetõena-di inatyhyna-di nade. Inyboho tuu robirenyre. Deuxu Riðre de-

lamy ratximyhỹre, sohojihyyre.¹⁵Joaõ Jesuisimy rarybere kia wese: —Kiamy heka adeereny rarybere. Tii wahewomy kanakre heka waratyre awityhyre. Tii dori wako-ki rarehyymyhỹ waribi juhu-utyhy wahe.¹⁶Inyboho dori sõwemy ruxetõena iribi ritarenyre. Luuna sõwetyhymy tawo-ribi Jesuisi inydeereny diwahinyde.¹⁷Deuxu bede ywina tahe Moisesi òraru-ki nade inydeereny. Ruxetõenamy tahe inatyhyna Jesuisi Kristu òraru-ki nade.¹⁸Inyõ heka tiu Deuxumy robiõtyhy. Deuxuriðre delale heka itỹnydỹydu rare. Tuunatyhy-di taãxiõti-ki rimyre. Tiile iny-ò Deuxu ditỹnynyde.

¹⁹Judeu mahãdu Jerusale-ribi xiwena wahidỹydu mahãduõ diteõnyde Joaõ dỹrãraxidỹymy. Levita mahãduõ tule diteõnyde. Tahe roirenyre ritỹrãraxinykemy mobo tii raremy.²⁰Tahe Joaõ-ò rỹrãraxirenyre aõhereriwe mobo atxiteri. Joaõ dirawyõnyde inatyhymy rexitxiõnyreri: —Jiarỹ Kristu Deuxu deõdỹyna aõkõ jiarỹ rare.²¹Tai tahe ixityre tamy rarybere: —Mobo tahe atxiteri, Elia aõbo. Aõkõre, Joaõ rarybere. Tahe Deuxu dee rybedu atxiteri inyboho riraðrenyleriõ wahe? Joaõ rarybere aõkõremy.²²Tamy tahe ixityre raryberenyre: —Wakoreny bedelyyke mobo atxiterimy. Tai iny deõdỹydu mahãdu-ò arelyyrenykre. Aõmybo iximy manarybeke?²³Tahe Joaõ rarybere: —Jiarỹ Isaia Deuxumy rybedu wesele adeereny ararybekre. Jiarỹ rybeterenaduõ jiarỹ rare. Jiarỹ bederahy-ki iny-ò rarywãhã.

Inynyry-ò ryõ biõbitinyke.

²⁴Fariseu mahãdu-ribi kia mahãdu roirenyre.²⁵Tai tamy rarybere: —Kai Kristu aõbo tate? —Aõkõre. Elia aõbo? —Aõkõre. Deuxu dee rybedu aõbo? —Aõkõre. —Aõhereki tahaka iny teratysebenyteri?²⁶Joaõ dirawyõnyde: —Jiarỹ bedi iny reratysebenyleri.

Inyõ tahe ayrenyikile ratxireri. Tii tahe teeryõmahätenyte. ²⁷Tii wahewo-ribi kanakre. Jiarỹ raixỹrumy watxireri iwataana ese-ki, tii waratyrereki. ²⁸Kia ibutumy aõhebo rotỹnyre Betỹnia hãwã bedeki. Jordaõ bero kowa weribi ijã-ki ihỹre. Tai iule Joaõ iny riratysybenymyhỹre.

²⁹Txubiõwau tahe Jesuisi Joaõ-ò kedehemynykem y nade. Tahe rarybere: —Beteheke, kowa Deuxu budoeni naderi. Tii òraru-ribi iny ritakremynade. ³⁰Tuu jiarỹ rarybereu, inyõ wahewomy kanakre. Tii waratyre awityhy rare. Tii dori wako-ki rarehyymyhỹ waribi juhuure. Kia rarybereu tule jiarỹ tuurarybemahã. ³¹Reeryõre heka tii, ihãre tahe anade tii aritỹnykem y judeu mahãdu-ò. Tai tahe anade iny bedi reratysybenymahãremy. ³²Tahe Joaõ tamyreny relyyre: —Jiarỹ Deuxu Tyytybytyhymy rabire tamy dobehede-ò. Bõtõde wesemy ityre-ò desede. ³³Deuxu riwateõnyre bedi iny ariratysybenykem y. Tahe riwateõnyreu tahe wadee rarybere: —Aõmy kai bobikre? Deuxu Tyytybytyhy ronony resekele inyõtýre-ò. Tii sohojile tahe Deuxu Tyytybytyhy-di iny riratysybenykre. ³⁴Jiarỹ tuu rabire, tai tahe reeryre, tule taheka relywãhãre, tii inatyhymy Deuxu Riõre raremy.

³⁵Itxubiõwau tahe Joaõ taerydỹna inatxiõ-wana raremyhỹ. ³⁶Tahe Jesuisi nadeò tuu robire. Tahe tamahãdu-ò rarybere: —Kowa tahe Deuxu Budoeni naderi. ³⁷Kia rybe-ò tiiboho roholareu, tahe ròirenyre Jesuisi riheludun-nyrenykre. ³⁸Jesuisi tahe tuu robire ihemy roirerimy. Tahe tamyreny rarybere: —Aõbo teijetenyeri. Tahe dirawyõnyde: —Rabi (kia rybe tahe irybereny-ki, erydỹdu rare), titxibo kai tasỹnymahãte. ³⁹Jesuisi rirawyõnyre: —Bòdòibedenyke betehebenykem y. Tahe tii-wana roirenyre, tamy

reteherenyre. Tahe txioromy tii-wana ihỹmyhỹ. ⁴⁰Joaõ rybe-ò ijohonaduõ, Jesuisi helududỹduõ, Andre rare. Tii Simaõ Pedro seriõre rare. ⁴¹Andre tahe taseriõre Simaõ aõwesele rioryre. Tahe tamy rarybere: —Mesia-ki inyboho rahamy ratximyhỹreny. (Ka rybe, Mesia, heka. Kristumy rare, Deuxu deòdỹna rare.) ⁴²Tahe Andre Jesuisi-ò Simaõ didyde. Jesuisi Simaõ-ò retehere urihimydõ idi tamy rarybere: —Kai Simaõ tate, Joaõ riõrere. Iribi tahe ani Sefamy rarekre (Kani heka Pedro rare.)

⁴³Itxubiõwau Jesuisi Kalileia-ò rakremy ixi-di rõhõtinyre. Tahe Filipi riiijere. Tamy rarybere: —Wahemy manakekõ aõbo. ⁴⁴(Filipi tahe Besaida hãwã luduõ rare Pedro, Andre-wana ihãwãluduõle rare.) ⁴⁵Filipi tahe Natanaeli witxi reare. Tamy rarybere: —Moisesi bedeki ywina tyriti-ki inyõmy rarybere: —Tule Deuxu dee rybedu tyriti-ki rarybere. Taile rahare. Jesuisi ihỹre. Nazare hãwã luduõ rare. Jyje riõre rare. ⁴⁶Tahe Natanaeli ritỹraxyre: —Aõwihikỹ aõkãbo Nazare hãwã-ribi kadòhònykre. Filipi rirawyõnyre: —Manake bethekem y. ⁴⁷Jesuisi Natanaelimy robire naderimy tahe tuu rarybere: —Kowa judeu mahãduõ inatyhy rare. Tii hãbu òbiti rare. ⁴⁸Tahe Natanaeli rarybere: —Timykibo tiwaeryteri. Jesuisi rirawyõnyre: —Figueira òra-ki tanyteò, umy rabire. Filipi aõrysmy raõreule, umy rabire. ⁴⁹Natanaeli rimasajuamy rirawyõnyre: —Kai Deuxu Riõre tate Inyerydỹdu tate. Kai judeu mahãdu Iòlò tate. ⁵⁰Jiarỹ adee rarybera: —Figueira-òra-ki umy rabireki. Kiakile aõbo, tiwatyhinyteri. Iratyre aõna aõna wiwihikỹ adee ariteòsinykre. ⁵¹Inatyhytyhymy adee araybekre: —Biuwetyy riranykre. Jiarỹ biuloosõna hãbu jiarỹ rare. Ýjuboho Deuxu-ribi

wadee doideò kai bobikre. Idi waribi roireò bobikre.

2 Inatao txu-di tÿmyra herina txumy reare. Kana hãwã-ki Kalileia bede-ki. Jesuise tai ratximyhÿre.

² Jesuise tule ritobinyre tamy rakremy taerydÿÿna mahãdu-wana.

³ Lisinaube tya-ki vÿi mona ituere. Tai Jesuise Jesuise-ò rarybere:

—Vÿi mona ituere, imona kôre.

⁴ Jesuise rarybere: —Nadi, aõhebo arotÿÿnykre. Aõka wawidÿÿkõna wabededÿÿnanamy aõkõka bede rÿireri.

⁵ Tahe Jesuise deòdu mahãdu-ò rarybere: —Anowidÿÿkÿmy adekereny tiki rarybekeki, ibutumy biwinybenyke.

⁶ Debòsohoji reurò mana butxi nihikÿ tai rÿimyhÿ judeu mahãdu ibe-di brebu òraru-ki aõna aõna risuhòmymhÿre worana bedehesinau. Mana butxi sohoji sohoji 80 urihixina ratyre rimyre.

⁷ Jesuise tamyreny rarybere: —Ibutumy bedi bitÿxinybenyke. Tahe ibutumy ijà ratyre ritÿxinyrenyre. ⁸ Katahe iribi bitake. Worana bedehesi wedu-ò biwybenyke imona. Tahe riwyrenyre.

⁹ Kia bee heka Jesuise riwixiranyre vÿi monamy. Tahe iweddu riurihire, rieryõre tiribibo nade. Deòdu tahe rieryre juhuu bee rare. Tahe iweddu rarybere weryrybò heridu-ò: ¹⁰—Katahe awityhyre. Kai ijõ-ribi iwixiratyhymy tewinyteri. Ijõ iny heka awityhy iko-ò ritxiwimyhÿ. Ihewomy tahe awiriõre ritxiwimyhÿre. Kai tahe awityhy ikonana-ò teyrubunya. ¹¹ Katahe aõna aõna wiwihikÿ iny itxerenamy juhu ludu rare. Kana hãwã-ki Kalileia bede-ki ihÿre. Tii tarurutere riteòsinymhÿre taerydÿÿna mahãdu-ò. Tai ierydÿÿna mahãdu rityhynyre.

¹² Iribi tahe Kafanao hãwã-ò Jesuise dobehede tadi, taseriõre, taerydÿÿna mahãdu tii-wana roirenyre. Ijõtxumy tahe tai bede tÿnyna rÿira.

¹³ Pascoa worana bedehesi iòhòmny rÿireu, Jerusalê rotuore kia tahe judeu mahãdu worana bedehesina rare. ¹⁴ Tai Jesuise Deuxu dohodÿÿna hetowo-ò ralore. Tahe iwo-ki itxi reare sòwemy aõna aõna-di rohonyreriò, broreni-di ijohodu-txi, budoeni-di ijohodu-txi, bòtòe-di ijohodu-txi, tule nieru witxira witxira wibydyÿdu mahãdu-txi reare tai ronymyhÿki. ¹⁵ Jesuise reroti awaru hàtena wesemy riwinyre. Idi tahe dohodÿÿna hetowo-ribi ibutumy riòlòdÿÿre, budoeni, broreni-wana, tahe nieru wibydyÿdu mahãdu oworubesedyÿ-di Jesuise rehure, tai nieru rejuxunyre. ¹⁶ Tahe rare bòtòe-di ijohodu-ò. Tamy rarybere: —Biòlòdÿÿnykre wa. Waha heto dori aõ-di ijohona aõkõ rare. ¹⁷ Tahe Jesuise erydÿÿna mahãdu tòhòti-txi reare aõbo Deuxu Tyyriti-ki roiretxi:

—Waha heto yrubudÿÿna-ki dori riwasamyhÿre. Ariyubunykemy dori watxireri, tai riwasareri.

¹⁸ Judeu mahãdu Jesuise-ò rÿÿraxire: —Aõherekibo kai teòlòdÿÿnyteri. Mobo he arateranyreri tuu biwinykemy.

¹⁹ Tahe Jesuise rirawyonyre: —Deuxusÿ-di behuke tahe inatao txu-di aditamadyÿnykre. ²⁰ Tahe judeu mahãdu rarybere: —Ka heto 46 beòra-di relere, timykibo kai inatao txu-di biwinykemy. ²¹ Jesuise tahe Deuxusÿmy taumylemy rarybere. ²² Iribi tahe iu rubu-ribi iixixana-txi tòhòtirenny reare, kia tuu rarybere-txi. Tai heka iritina rityhynyre, tule Jesuise rybe rityhynyre.

²³ Jerusalê-ki Jesuise Pascoa worana bedehesidÿÿna riwyre. Aõna aõna wiwihikÿ inyy-ki ritxienyre riwinyre. Tai sòwemy iny inityhy rityhynyre. ²⁴ Jesuise tahe urihimyoòle iny rityhynyre. ²⁵ Tii dori ibutumy iny rayky rierymyhÿre. Inyò timy iny raremy tiu tamy aõna rellyõtyhy tii ibutumy aõerydu rareki.

3 Nikodema fariseu mahāduō rare. Tii judeu mahādu weduō rare. ²Tii rudimy Jesuisi roramy rara. Tahe tamy rarybere: —Wanyrỹ, reeryrenyre kai Deuxu-ribi erydỹdu tate. Inyō Deuxu-diōkeki tii aō wiwihikỹ riwinyōtyhy. Iwese aō wiwihikỹ kai tewinyte wese. ³Tahe Jesuisi rirawyōnyre: —Inatyhytyhymy adee ararybekre: —Inyō ixityre reakōkeki, tiu Deuxu Ōlōnasỹmy robiōtyhy.

⁴Nikodema rỹraxire: —Timykibo matuari ixityre reakemy. Timyrabo, ixiby tadiwo-ò iny ralòkeki aōbo ixiby iny raumynyke. ⁵Tahe Jesuisi rirawyōnyre. Inatyhytyhymy rarybere. Inyō bera-ribi ratybienyōkeki Deuxu Tytybytyhy-ribi ratybienyōkeki, tiu ralòōtyhy Deuxu Ōlōna-ò. ⁶Deribi tybie heka dee rare. Deuxu Tytybytyhy-ribi tybie tasỹ tytyby rare. ⁷Idi wanaōtaōmy aōmybo rarybereridi ixityre ijiranamy. ⁸Tiò tiò yhy ribonmyhỹre: —Iwodỹ taholate, tahe tiribibo namyhỹde teeryōmahāte tiòhe ramyhỹre teeryōte, kia wesele iny Deuxu Tytybytyhy-ribi tybie iny rỹire. ⁹Tahe Nikodema rỹraxire: —Timyrebohe kia ratxi ke. ¹⁰Jesuisi dirawyōnyde: —Kai judeu bede ersydỹdu tate ihārele teeryōte aōbo. ¹¹Inatyhytyhymy adee rarybere aōmybo reeryre, aōmybo rabire. Ihārele tahe kia tetyhynyōte. ¹²Bede aōmydỹnanamy rarybere tahe tetyhynyōte. Timybo bityhynyke biu aōmydỹnanamy ararybekeki. ¹³Iny sohojile biu-ò raòwōnyre, Deuxu Riòre Hābutyhyhykỹ rare. Tiile iribi juhu dobehede. (Tiile isỹre. Taile isỹ roire.) ¹⁴Iwese Moisesi bederahy-ki womati hemylala ritamadỹnyre wese, Kiawesele jiarỹ, Deuxu Riòre Hābutyhyhykỹ, wadi kidiwatamadỹnyke. ¹⁵Tahe inyō wadi

rityhynykeki, umytuedeòna tuu ritamy rỹihyy rakre.

¹⁶Deuxu Riòre sohojihyyle rare. Deuxu bede ludu mahādu ibutumy iluutyhyre. Tai tahe tariòre diteònyde iny rityhynykremy. Inyō tii rityhynyre-wana, umytueōnahakỹ ritakre. Tii ruruōtyhy rubu bina bede-ò. ¹⁷Deuxu taRiòre bede-ò diteònyde bede iny mahādu tarasadumy rarekemy. Aō iny ywisidỹna-ò rirutykemy aōkō. ¹⁸Inyō rityhynmyhỹreki, tii ywisidỹdu idi rehuōtyhy. Iny rityhynyōmyhỹreki tihe aōhōkỹmy dỹnana-txi riteònykremy Deuxu idi ratximyhỹre, tii dori Jesuisi rityhynyōhyymyhỹre, Deuxu Riòre dela wahe. ¹⁹Ibinatyhymy iny aōmydỹnana bede bedemy rỹira, tai bede luru-ki rira tamy awira. Tuu loosōna nadeu, tamy ibinare. Tai tahe Deuxu riteònykemy idi ratximyhỹre. ²⁰Inyō aōbinahakỹ rotỹnmyhỹre, loosōna dera heka tuu rỹira; loosōna-ò rehemynyōtyhy, rehemynyre-wana, iny taaōbina bina rierymyhỹre. ²¹Iny tahe awiwihikỹle rotỹnmyhỹre-wana tii tahe loosōna-ò rehemynykremy rỹira, taaōmydỹnana dori Deuxudeewimy ririmyhỹre, ibutu iny rierykremy ririre.

²²Iribi tahe Jesuisi taerydỹna mahādu-wana Judeia bede-ò ròirenyre. Tai heka bededỹnanaō riwyre. Tiiboho iny ityhydỹdu mahāduō tai riratysebenyrenyre. ²³Joaō iribi iòhòmy ratxireri. Iny riratysebenmyhỹre. Tii Eno hāwā-ki Salĩ hāwā-ribi iòhòmy roire. Tai riratysebenyre sōwemy bee tai roimyhỹreki. Sōwemy iny tamy ratysebenmy rare. ²⁴(Joaō iu rotenamy ralòòlemy ratximyhỹ.) ²⁵Judeu mahāduō, Joaō erydỹna mahādu-wana rybetere txiòdỹna ròhònyra, bede ywina òbiti aōmydỹnanamy wahe. ²⁶Tahe Joaō erydỹna Joaō-ò doidenyde

rarybekremy: —Waerydÿÿdureny. Kai hābūmy telymy tatemahā, kia Jordaō kanawe-ribi ijā-ki umy-wana raremyhÿ, tii rōratysevenyleri. Sōwemy iny tamy wirotyre. ²⁷ Tahe Joaō tamy rarybere: —Kia wadee awire aō aōkō iny ritamyhÿre, biu-ribi kanakékile tahe iny aō ritake. ²⁸ Jiarÿ heka Jesuisi nonanamy ijyymy diwateōnyde wahewo-ribi kanakremy. Jiarÿ tii aōkō rare. Tii tahe Kristu tyhy rare. Jiarÿ kiamy juhuu rarybewāhare: —Kia tahe teertytenyte. ²⁹ Inatyhymy tahe hābūmy heridu wesemy Jesuisi rare. Ibutumy iny tuu robikemy tamy wirotyre. Ibiōwa weselemy jiarÿ rare. Tahe irybe-ō raholareu, reysamy rarewāhā. ³⁰ Tai wadee awire iny tii rieriyekei, waribi tahe nohōti rosakemy idi watxiwāhare.

³¹ Tii biujuxahakÿ-ribi nadekei ibutu ratyremy ratximyhÿre. Bede-ribi jiarÿ anadekei, tahe bede ludu jiarÿ rare, bede aōmydÿÿnanamy rarybewāhare. ³² Tii rarybere aōmybo roholare, ro-bire, tahe ijō iny rityhynyōhyre irybe. ³³ Inyō tahe rityhynykeki, tii tule ijō-ō rarybere, Deuxu inatyhy rare wahe. ³⁴ Deuxu deōdÿÿna heka irybelemy rarybere Deuxu dori Tatyytybytyhy ibutumy tamy diwahinyde. ³⁵ Tyby taR-iōre luure, tai tahe ibutu aōmydÿÿnana ywisidÿÿmy tamy diwahinymy diteōnyde. ³⁶ Iny Jesuisi rityhynymy-hÿrekei, umytuedeōnahakÿ-di iny rÿira. Inyō tamy ratxiōkeki, tiu umytuedeōna robiōtyhy, Deuxu ykarana dori tii-wana ratximyhÿre.

4¹⁻⁴ Inyō fariseu mahādu-ō rarybere: —Jesuisi Joaō-ribi iny sōwemy diratysevenymyhÿde. Sōwemy iny ritamyhÿre ierydÿÿmy. Tahe Jesuisi aōkō rōratysebedÿÿmyhÿre, ierydÿÿnale tahe riratysevenymyhÿre. Iu Jesuisi kiamy rieriyeu tahe, Judeia-ribi rexitare. Roirenyre

Kalileia bede-ō ritehemynykem. Roirenyre tahe Samaria bededihÿyle riōhōrenyre. ⁵ Samaria bede hāwāō-ō tahe ritehemynyre. Sika inire. Ijaō riōresu-ribi iōhōmy rōira, tariōre Jyje-ō riwahinyre wahe. Ijaō behāloo tai rÿimyhÿ. ⁶ Txutyau tahe Jesuisi elerihynymy rononymhÿ tatilemy nadekei berysyna werora-ki. ⁷ Tahe Samaria mahādu hāwyyō dobehede beixemy. Jesuisi tamy rarybere: —Beō inihe wadee bidiōke. ⁸ Jesuisi erydÿÿna mahādu tahe juhuu roirenyre hāwā-ō rÿsÿna itxemy. Tai Jesuisi riraōmy rononymhÿ. ⁹ Tahe hāwyy rarybere: —Kai judeu mahādu tate, jikarÿ samaria mahādu rare. Anoherekibo wadeke texitōenyteri bemomomy. (Judeu mahādu Samaria mahādu-wana wiymy reaōhyymyhÿre. Widi òludu wesemy rare.) ¹⁰ Tahe Jesuisi rirawyōnyre: —Kai heka teeryōhytyteri mobo jiarÿ rare wahe. Tule, Deuxu wahisidÿÿna teeryōte. Tiwaeryteriwana kai bedexitōenyke, tahe bee irumy ihÿre adee ariwahinyke. ¹¹ Hāwyy rarybere: —Wahī, timybo bee irumy ihÿre wadeke kanakre. Kai ahynakōre, hāloko heka behekyre bee irehere. Timybo bee iru kumy-wana ratxireri. ¹² Kai anobohe inytyby Ijaō ratyrere. Tiki heka behāloko wedu juhuku rare; idi riwahinyre inydekereny. Iribile iritxiōre riōmyhÿre tiki-wana, ibroreni riōmyhÿre. ¹³ Jesuisi tahe tarybetyhy-di rarybere: —Inyō kahāloobemy riōkeki, ixityre bemomomy ruruke. ¹⁴ Jiarÿ bee ariwahinyke. Inyō tahe kiabemy riōke-wana, tiu bemy tamy umytuedeōnahakÿ riwahinyhyymyhÿre. ¹⁵ Tahe hāwyy rarybere: —Wahī bee tuedekōdu ikuny tuu kariōke. Tai kakō kanakōtyhy berysymy. ¹⁶ Tahe Jesuisi rarybere: —Maa hÿny, ahābu biōryke, tahe manake. ¹⁷ Hāwyy dirawyōnyde: —Anokōre, wahābukōre. Jesuisi

rarybere: —Inatyhymy tarybeteri ahābuōremy. ¹⁸Kai heka iruyre ahābu tate. Wijina tahe ahābu aōkō rare at̄hibiōwale wahe. Kia tahe inatyhymy tarybeteri. ¹⁹Wahī, wiji tahe arakeryra, kai Deuxu rybeduō tate. ²⁰Wahareny Deuxumy reālāmyh̄yre kahāwālō-ki. Amahādu anokō, tamy tahe Jerusalē Deuxu deālāna rare. ²¹Tahe Jesuisi rarybere: —Ler̄y, warybe bityhynke. Kanakre itxu kahāwālō-ki aōkō, Jerusalē-ki aōkō Waha Deuxu deālāna rarekre. ²²Kaiboho aōmybo teālāte teeryōtenyte. Jiar̄yboho tahe aōmybo reālāre, reeryrenyre, tarasana dori judeu mahādu-ribi nade. ²³Kia beded̄ȳnanamy reara. Inyō Waha Deuxu àlānamy ratximyh̄yeki Deuxu Tyytybytyhy-di, inatyhyna-di reālāmyh̄yke. Tuu deālāna mahādu Deuxu rijemyh̄yre. ²⁴Deuxu Tyytyby rare: —Tai tahe tudeālānadu tatytyby-ki inatyhyna-ki tuu reālāmyh̄yre. ²⁵Kia tahe jikar̄y rekeryre, Mesia kanakre, Deuxu dekòd̄yk̄namy wahe, Kristu inire. Tiki kanakreku wahe, ibutumy inydekereny anona anonamy relykykre. ²⁶Jesuisi rarybere: —Jiar̄y tahe tiire, umy-wana wiji rarybereri wahe.

²⁷Tahe Jesuisi eryd̄ȳna mahādu rehemynyre. Hāwy-wana rarybereriki tahe ribedeòtiid̄ȳnyrenyre. Tahe inyō tamy r̄ȳraxiōhyyre. Aōmybo tamy r̄ȳraxire, ada aōherekibo tamy rarybereriki. ²⁸Iu tahe hāwy tabutxi ririre, hāwā-ò rara. Tahe tahāwā mahādu-ò rarybere: ²⁹—Bodoibedenyke wahemy. Betehebenykemy hābu-kò. Tiki wakoku relykyre ibutumy anohebo rat̄yk̄nymahāremy. Tiki kòsana Kristu ratxireri. Deuxu dekòd̄yk̄na rare. ³⁰Hāwā-ribi roirenyre Jesuisi-ò. ³¹Iu hāwy hāwā-ki rareamyh̄yreu, tahe ieryd̄ȳna Jesuisi-ò rarybere: —Iny eryd̄ȳduren̄y r̄ys̄naō bir̄s̄yke. ³²Tahe Jesuisi rarybere:

—War̄s̄ynadire wahe. Kaiboho heka kia r̄ys̄na teeryōtenyte. ³³Tahe widee raryberenyre: —Inyō kōaōboka tamy r̄ys̄naō riwyneri. ³⁴Jesuisi rarybere: —Wadeòd̄ȳdu deewimy ariwinykemy idi watxireri. Kia tahe war̄s̄ynare, iaōmys̄d̄ȳna arihukemy wahe. ³⁵Maixōmo butuna inaubiōwa ahādu-di bidiōrarunybenykemy kaiboho tahòt̄inytenyeri. Tahe aōkōre adeereny ararybekre. Betehebenyke bedero-ò. Maixōmo redenamy r̄yire. ³⁶Kia maixōmo butud̄ȳdu iōwy ritake, tahe umytuedeōnahak̄-ò iny ributunyre. Tahe wiwanale riwodeysanymyh̄yre ibròd̄ȳdu ibutud̄ȳdu-wana. ³⁷Iwese inyō rarybere wese, inatyhy rare. Ijō tahe ibòròd̄ȳdu rare. Iwitxira tahe ibutud̄ȳna rare. ³⁸Jiar̄y kaiboho arateònymahāre. Aōbo tebòrònyōtenyte tahe bibutunyke. Juhuu inyō raaōmys̄d̄ȳre: —Kaiboho tahe iraty temytenyte.

³⁹Tahe hāwy òraru-ki sōwemy Samaria hāwā mahādu rityhynyre. Hāwy rarybere juhū: —Tiki wakoku relykyre ibutumy anohebo rat̄yk̄nymahāre walananonanamy relykyre. Kia rybe òraru-ki tahe rityhynrenyre. ⁴⁰Samaria hāwā mahādu tahe Jesuisi-ò rexitdenyre tii-wana roirekemy. Tahe Jesuisi tii-wana inatxi txumy riwyre. ⁴¹Sōwemy tahe rityhynyre Jesuisi Rybe òraru-ki. ⁴²Tahe hāwy-ò rarybere. Wiji tahe arybe òraru-ki aōkō retyhynrereri. Tamy tyhy-ò jiar̄yle raholare, tahe reeryre tii bede iny tarasadu tyhymy raremy.

⁴³Inatxitxu-di tahe Samaria-ribi rare Kalileia bede-ò. ⁴⁴Jesuisile dori rarybere: —Deuxu rybeduō uladumy ijirana bede-ki iny rityhynyōhyymh̄y. Tiu tamy wowydynaō riwahinyōtyhy. ⁴⁵Kalileia mahādu juhū Jerusalē-ò tule roirenyre, worana bedehesi r̄imy-

hýraò. Ibutumy aõbo Jesuisi riwinyra heka tiiboho reteherenyre. Tai Jesuisi tasubede-ò rehemynyre tiiboho awimy ridyrenyre.

⁴⁶ Tahe ixitire Jesuisi rehemynyre Kana hāwā-ò. Juhuu tai bee riwitxiranyre vīi monamy wahe. Bede dinodu aõmysýdýýdu Kafanaõ-ki rasýnyre. ⁴⁷ Jesuisi Kana hāwā-ki ratxirerimy hābu roholareu, tamy rara. Tariõre dori ibinamy roire taheto-ki. Jesuisi-ò hābu rarybere: —Manakekõ aõbo waheto-ò wariõre biteytekemý. ⁴⁸ Jesuisi rirawyònyre: —Kaiboho bede aõmydýýnana wiwihiký tetehtenyteule tetyhynytenyte. ⁴⁹ Hābu heka Jesuisi-ò rarybere: —Wanyrý, wylemy manake wariõre rurukreko-txi. ⁵⁰ Jesuisi rarybere: —Bòðseke, ariõre dori awimy relera. ⁵¹ Tahe tii Jesuisi rybe rityhynyra tai ròðsere taheto-ò rakemy. Ijõ txu tahe ryro-ki teòdu-wana witxi reare. Tii rarybere: —Ariõre reytera ahetokile. ⁵² Hābu ritýýraxinyre tiubo reytera. Tahe relyyre. Kaule, txutyeyu reytera. ⁵³ Jesuisi rarybereu, kiaule iriõre reytera. Hābu rieriye. Tai tahe idi ibutumy hābu sýmahādu Jesuisi rityhynyre. ⁵⁴ Kia tahe Jesuisi inatxina aõna aõna wiwihiký iny itxeranamy riwinyre Kalileia bede-ki.

5 Iribi tahe judeu mahādu worana bedehesimy rýimyhý. Tai tahe Jesuisi rare Jerusalē-ò. ² Hāwāy-ki tahe hāloo ibedýý roimyhý budoeni ryijò iòhò-ki rýimyhý. Beteta inire, hebraika rybe ini rare, judeu rybe wahe. Iruyre iwòtena ube iwerora-ki rýire. ³ Sòwemy webinadu ube-ò wii rotyre, iny ruetā ijõre, iny tiere ijõre, inytibina ijõre. ⁴ Tiiboho ýjuõ riraòmyhýre. Ýju beò rerireu tahe raukýre. Mobu juhu itxi resekeki tahe, tii reytemyhýre. ⁵ Hābuõ 38 beòramy ibinamy roimy raremyhý. ⁶ Jesuisi tamy retehereu, rieriye tiwesebeòrabo

ibinamy roimy rare myhý. Tahe tamy rarybere: —Kai aõbohe beytekekõ. ⁷ Hābu dirawyònyde: —Aòkõre Wanyrý, wawiòhedýýduõre. Bee rexiukýnyrau, ijõ wako-ò ralòmyhýre. ⁸ Jesuisi tamy rarybere: —Myikewa, abyre bimýke, mariake. ⁹ Aòwesele hābu rýimy reare, awimy. Tabyre rimyre tahe rariare. Kia txu tahe sabado txu rare. Kia txu tahe judeu aõmysýdýýna txu aòkõ rare. ¹⁰ Tai tahe judeu mahāduõ tamy rarybere: —Abyre-di riraòmy, sabado txu dori òbiti aòkõ rareki. ¹¹ Tahe dirawyònyde: —Wadeytedýýdu wadee rarybere wabyre arimýkemy. ¹² Tahe tamy rýýraxire: —Mobo adee rarybere abyre bimýkemy idi mariakemy. ¹³ Tahe hābu deytedu rieriõre mobo rare. Jesuisi dori dexitade iribi. Sòwemy iny tai rýimyhý. ¹⁴ Deuxu dohodýýna heto-ki Jesuisi idi hābu-ki rahara. Tamy rarybere: —Kai teyteta, inatyhy. Tai tahe aòraruna biixāwidinyke, aòbinatyhy aõhe adee rotýýnyheny. ¹⁵ Hābu tahe rare. Judeu mahādu-ò rarybere, mobo teytedýýdu raremy, Jesuisi wahe. ¹⁶ Tai tahe judeu mahādu Jesuisi ibinamy rexidelenymy rarybere, sabado txuu kia riwinyreki. ¹⁷ Jesuisi tahe rarybere tamyreny: —Waha, Deuxu aõu raaõmysýdýýre, jiarý tulere. ¹⁸ Tai tahe sòwemy irubudýýmy rurumyhýre. Sabado txu bede ywina-ribi tii riywinyõre. Tule Jesuisi Deuxu wesemy rexioire, Wahamy dori rarybemýhýreki.

¹⁹ Tai tahe Jesuisi tamyreny rarybere: —Jiarý ixi-di aòkõ aõmydýýnanamy ratýýnymahāre aõbo Waha riwinymyhýre, jiarý tule rewinywāhāre iweselemy. ²⁰ Waha Deuxu dori waluure. Aõbo riwinyre wadee riteòsinyre, tai tahe aòruxera-hakýtyhymybo bobibenykre, idi bede biòtiinybenykre. ²¹ Waha Deuxu dori rubu-ribi iny riixixanymyhýre. Tai tule

jiarĩ iny areixixanyke ixideewikeki.
 22-23 Ibutumy iny hitxidĩĩna Waha wadee tuu rarybera, tii dori iny rihitxidĩĩnyõtyhy. Jiarĩle tahe iny ywisidĩĩdumy arõhõnykre, tai iwese Deuxu iny riwowodynymyhyre wesele iny riwawowodynymyhykre. Adeereny Deuxu diwateõnyde. Tai inyõ riwawowodynymyõkeki, tii Deuxu riwowodynymyõkeri. 24 Inatyhytyhymy adeereny ararybekre. Inyõ warybe roholakeki, wateõdĩĩdu rityhynykeki, tii wijityhyle umytuedeõna ritake, ywisidĩĩduko-õ rõhõnyõtyhy, rubu ryribi rõhõnyre umy irumy ihĩre ryõ iny ralõmyhyre. 25 Inatyhytyhymy adee arelyykre: —Bedeĩĩnanana-ki kõhõra, bede dũĩnanamy reara. Tahe rubu mahãdu Deuxu Riõre rybe-õ roholakre. Roholamy rĩikeu tahe irumy rĩike. 26 Tyby dori iumyõnanaõhyre wese tule iRiõre rare. Umytuedeõna wedu rare. 27 IRiõre heka hitxidĩĩna wedumy relere. Tii dori Deuxu Riõre Hãbutyhyhykĩ tii rare, jiarĩ wahe. 28 Bedeõtiidĩĩõmy tahe bededĩĩnanamy he reare. Rubu mahãdu wabedey-ki warybe-õ roholakre, tai iribi rõhõnykre. 29 Ibutumy aõwibo riwinyre mahãdu kedexiakre umytuedeõnahakĩ-di. Kia ibinamy riwinymyhyre mahãdu ywisidĩĩdu-õ rexidakre.

30 Jiarĩ ixi-di aõkõ aõmydĩĩnanamy ratĩĩnywãhãre. Iwese Waha-õ raholare wese iny ywisidĩĩmy arõhõnykre. Waywisidĩĩna heka õbiti rare. Wadee wimy aõkõ dori tuu watxiwãhãre. Waha wadeõdudeewimy tuu watxiwãhãre. 31 Iximy ararybeki, inyõ riwatyhynyõtyhy. 32 Iwitxira heka tuu rarybereri wamy wahe. Reeryre inatyhy raremy. 33 Kaiboho inywitxira teteõnytenyte. Joaõ ratysebedĩĩdu-õ rĩĩraxikemy ibutumy kia wamy rarybere inatyhy rare jiarĩ inatyhy

rare. 34 Iny wamy rarybemyhyre, tahe jiarĩle kia reijeõhyymahãre inyle rieryõre wamy rybe, wahe. Tahe kiamy adee relywãhãre kaiboho ritamy rĩikemy. 35 Joaõ tahe loosõna wesemy raremyhy. Tii urihimyõ bededĩĩnanana ritoosõnomy raremyhywesemy tahe kaiboho atximahãtenyte. Idi urihimy-õ teysatenyte iloosõna-di, idi iribi kaiboho terarenre. 36 Jiarĩ Waha õraru-ki aõmydĩĩnanana wiwihikĩ, rewinyamahãre. Kaheka inatyhymy urihixina rare. Joaõ wamy rarybere ratyre heka kaa roire, Deuxu Waha inatyhymy wadeõdu raremy riteõsinyre. 37 Waha wadeõdu wamy tule relyre. Kaiboho irybe-õ taholaõtenyte tule tii tabiõtenyta. 38 Kaiboho tamy taholaõhyymahãtenyte, tiwatyhynyõteki, jiarĩ dori iteõdĩĩna rare. 39 Tyyriti-õ tetehtenyte iwo-ki dori umytuedeõna-ki mahakemy tahõtinytenyte. Ritidĩĩnakile wamy relyymyhyre. 40 Ihãrele tahe wadee taõmahãte adeereny umytuedeõna ariwahinykemy. 41-42 Aõmybo wamy iny rarybemahãkeki, aõ aõkõ rare wadee, jiarĩ dori reeryre Deuxu luuna-di aõkõ atxitenyteri. 43 Jiarĩ Wahani-di anade, tahe kaiboho tiwatyhynyõmy wadi ahãte. Inyõ ixideewilemy kanakeki, kaiboho bityhynybenykre. 44 Tai heka tetyhynyõmahãtenyte. Widee dori kaiboho tewowodynymahãtenyte, tahe Deuxu-ribi wowodyna ritakemy terarenre, sohojihyyre heka Deuxu. 45 Kiamy tahe Waha-õ arelyyõkre, Moisesi tahe relyykre. Moisesi bede ywina dori, ararõsõnyreny rare. 46 Inatyhymy Moisesi tetyhynymahãte-wana tule jiarĩ biwatyhynymahãke, wamy dori Moisesi rõratidĩĩre. 47 Irybe bityhynyõkeki, timybo warybe bityhynyke.

6 Iribi tahe Jesuisi Kalileia aho-ki ixyby reurore, Teberiaade ahoniõre.

² Tahe sōwemy iny riheludunyre tuu robireki, aōna aōna wiwihikỹ, deytedỹyna wiwihikỹ robireki. ³ Tahe hāwālōratyy-ò Jesuisi raòwònyre taerydỹyna mahādu-wana —rorukurenyre tai. ⁴ Judeu mahādu worana bedehesi rexidelenykemy iòhòre. ⁵⁻⁶ Tahe Jesuisi retehere inysōwehekỹ-ò, tamy rehemynyre. Tai Filipi-ò riurihimy rarybere: —Tikibo orotxu tamyreny rikiòbranyke riyrenykemy. Jesuisi rierymyhỹre aòbo riwinykremy ratxireri ihārele tahe Filipi-ò kia rarybere. ⁷ Filipi tahe dirawyònyde: —Inyò sohoji sohoji orotxu yre sohoji riykeki, 200 prata womati nieru rakahurenyke ihāre rimoỹtyhy. ⁸ Andre Jesuisi erydỹyna-ò rare, Simaō Pedro seriòre rare. Tii tahe Jesuisi-ò rarybere: ⁹ —Weryryboō kaki ihỹmyhỹ. Iruyre cevada orotxu idi ratximyhỹ, utura inatxi. Kia tahe aō aōkō rare inysōwe-ò. ¹⁰ Tahe Jesuisi taerydỹyna-ò rarybere: —Tamy marybebenyke ranyrenykemy asityrekile. Tahe rorukurenyre ibutumy. Hābu 5000 ronyre ijō inyò tahe sōwetyhymy rorukure. ¹¹ Jesuisi orotxu rimoỹre. Deuxumy reālāre, idi tahe tamyreny riwahinyre. Tule utura-wana wiwesele risỹnmy. Tuu rotỹnyre. Ibutumy heka ixideewina rirỹsỹrenyre. ¹² Rihydyrenyre, Jesuisi rarybere taerydỹyna mahādu-ò: —Bibutunyenyeke rauhenyra uritere ixinamy itxiwixirenyòkemy idi watxireri. Uritere idi dehurenyòmy. ¹³ Tahe ributunyenyre iuhe waòinatxi reuròmy weriri ritỹxinyre orotxu yrere-di. ¹⁴ Jesuisi aōwiwihikỹ widỹynamy robirenyreu kiamy tahe raryberenyre. Tii inatyhymy Deuxu Rybedutyhy rare. Juhuu dori tuu rarybere kabede-ò kanakemy. Inyboho tii riraòmyhỹre.

¹⁵ Ròhòtinynyre: —Jesuisi inyiolòrenymy rikimynykre. Tamy

ròkòirenykre. Iu Jesuisi kia rieryreu, ixisohojilemy rexitare ixby, hāwālò-ò.

¹⁶⁻¹⁷ Ibedesou aho ijà-ò ierydỹyna mahādu riberenyre riraòkemy. Bede rurunyre tahe Jesuisi rehemynyòhyre. Tai hāwòò rimyrenyre idi reuròkemy ijōwe-ribi ijà-ò, Kafanaō hāwā-ò. ¹⁸ Tahe yhy deborehekỹ tiribi tiribi rebonymhỹ. Òbò tahe resemhỹ. ¹⁹ Sohoji urihixina iòhòmy ròireny tahe Jesuisimy robirenyre. Tii betyredile tamyreny nariamy nade. Tiiboho ruberunihikỹrenyre. ²⁰ Jesuisi tamyreny rarybere: —Jiarỹle wa rare, breburenyòmyke. ²¹ Tai tahe hāworo-ò Jesuisi ronykemy tiiboho disỹnydenyde. Aō wesele tahe rehemynyrenyre tiòbo ròirenyraò.

²² Itxubiòwamy sōwemy iny wii ributunyre aho kanawe-ribi ijà-ki. Hāwò sohojile tahe tai roire aho-ki. Jesuisi erydỹyna mahādu roirenyremy rieryrenyre. Tahe Jesuisi aōkō idi rare. ²³ Tahe hāwòò dehemynydenyde. Teberiaade hāwā-ribi Jesuisi tai ratximyhỹ iòhò-ò. Tai juhu Jesuisi rexitòenymy rỹimyhỹ tahe orotxu tamy riwahinyre. ²⁴ Jesuisi iòre tai, ierydỹyna mahādu iòre. Kia tahe iny sōwemy robirau, hāwò-ò rimyrenyre. Iòrysmy roirenyre, Kafanaō-ò. ²⁵ Kanawe-ribi ijà-ò rehemynyreu, tii-wana witxi reare. Tahe tamy rỹraxire. Waerydỹdyreny, tiubo kaò tadehemynyte. ²⁶ Aōwiwihikỹ rewinyremy aōkō tiwaijetynteri, rỹsỹna adeereny rewahinyrakile, tehydymy terỹsỹtenytakile. ²⁷ Rỹsỹna tyhy ituemyhỹre kiaòle aōkō maaòmỹsỹdỹbenyke, tahe iwitxira rỹsỹna-ò maaòmỹsỹdỹbenyke, kia ituedeòna-di aōkō rare. Deuxu Riòre Habutyhyhykỹ dori adee riwahinykre. Kia rỹsỹna umytuedeònahakỹ wesemy rare. Taile tahe Deuxu Waha riwateònyre. ²⁸ Tahe Jesuisi-ò rỹraxire: —Timybo iny

Deuxudeewimy arotÿÿnyrenykemy.

²⁹ Jesuisi dirawyònyde: —Kialemy, biwatyhybenyke: —Deuxu dori wateòdÿÿdumy rare.

³⁰ Tahe raryberenyre tamy: —Aõwiwihikÿbo inyko-ò biitxeredÿÿnyke. Aõhebo botÿÿnykre, iny aratyhynykre.

³¹ Inytybyreny orotxu riyrenyre bederahy-ki. Kia wese Tyyriti-ki roire:

—Moisesi tamy orotxu riwahinyre biu-ribi.

³² Jesuisi rirawyònyre: —Inatyhy tyhymy Moisesi aõkõ tamy riwahinyre. Waha dori biu-ribi orotxu tyhy adee riwahinyre. ³³ Deuxu orotxu tahe irutyhymy inydee riwahinymyhyre, biu-ribi diwahinymyhyde. ³⁴ Tahe raryberenyre: —Wanyrÿ, tiu kia orotxu bidiwahinymahãkre. ³⁵ Jesuisi iximy rarybere: —Jiarÿ orotxu irutyhymy rare. Inyõ wadee kanakeki, tiu rama risaõtyhy. Inyõ riwatyhynykeki, tiu bee risaõtyhy. ³⁶ Adeereny heka rarybere: —Wamy tabitenyte, ihãrele tiwatyhynyòtenyte.

³⁷ Ibutumy iny Waha wadee riwahinymyhyre wadee kanakre. Tiu ixi-ribi ariteònyòtyhy. ³⁸ Adobehede dori aõ ixideewimy aõma arotÿÿnykemy aõkõ. Wadeòdÿÿdudeewimy arotÿÿnykemy watxiwãhare. ³⁹ Tiu ariõnonyòtyhy wadee diwahinydeò kiaboho ibutumy ikonana txuu rubu-ribi ariixixanykre. Kia tahe wadeòdÿÿdu deewimy rare. ⁴⁰ Inatyhymy Waha deewimy kia rare. Iny iRiõremy robireu, rityhynykeu, umy tuedeõna ritake. Ikonana txuu tahe rubu-ribi ariixixanykre.

⁴¹ Jesuisi rarybere: —Jiarÿ biu ludu orotxu rare. Tai tahe judeu mahãdu aõbina binahakÿlemy rarybemyhyre.

⁴² Kia wese rarybemyhyre: —Kaa Jesusile rare. Jyje riõre rare. Tyby he ijoi eryna rare ise tule. Aõherekibo tii rarybereri biu-rubu nademy.

⁴³ Tahe Jesuisi dirawyònyde: —Tuu

wamy ryberenyõmyke ayludurenymy.

⁴⁴ Wadeòdÿÿdu iny wadee rayky-ò rarybemyhyre namyhyde. Kia wesele iny wadee kedehemynykre, ikonana txuu tiiboho rubu-ribi ariixixanykre.

⁴⁵ Deuxu rybedu Tyyriti-ki kia rybe rÿire:

—Deuxu ibutumy iny ribedeerydÿÿnykre.

Tai tahe Waha-ribi iny rierymy roholamyhyre, tii tahe wadee rehemynykre.

⁴⁶ Inyõ Wahamy robiõhyymyhyre jiarÿle tahe tuu rabimahãre, iribi anadeki.

⁴⁷ Inatyhytyhymy adee rarybemahãre. Inyõ riwatyhynykeki, umy tuedeõnahakÿ tiivanale ratxireri.

⁴⁸ Jiarÿ orotxu wesemy jiarÿ rare.

Umytuedeõna wahidÿÿdu jiarÿ rare.

⁴⁹ Boreny dori biu-ribi orotxu riyre bederahy-ki. Irabihyy ibutumy tiiboho ituerenyre.

⁵⁰⁻⁵¹ Jiarÿ tahe biu ludu orotxu wese rare, inyõ tahe kia orotxu riykeki, tiu ruuòtyhy. Waumy ariwahinykre rubu-ò ibutumy iny òraruna òwydÿÿmy. Tamyreny umytuedeõna riwahinykre rubu-ò ibutumy iny òraruna òwydÿÿmy. Tamyreny umytuedeõna riwahinykre.

⁵² Judeu mahãdu tahe txiòdÿÿna rybemy widee raryberenyre: —Timybo tadelemy inyboho riõwenyrenykemy wahe.

⁵³ Jesuisi rirawyònyre: —Inatyhytyhymy adee ararybekre. Kaiboho Deuxu Riõre Hãbutyhyhykÿde biròõbenykeki,

umytuedeõna bitabenyoòtyhy. Ihãlubu biõbenykeki, umytuedeõna-di aõkõ atxitenyteri.

⁵⁴ Inyõ waderòdu wahãlubumy momodu tii umytuedeõna-di ratxireri. Tii tahe ikonana txuu rubu-ribi adiixixanykre.

⁵⁵ Wade heka juhu irònatyhy rare, wahãlubu tu monatyhy rare.

⁵⁶ Inyõ wade rirokeki, wahãlubu riòkeki, wawana tiuhyy ratxireri. Jiarÿ tule tii-wana watxihiyyeri.

⁵⁷ Waha irumy ratxireri. Tii wadeòdÿÿdu rare

iòraru-ki warumy watxireri. Tule waderòdu irumy ratxike waòraru-ki. ⁵⁸Jiarỹ biu ludu orotxu inatyhy jiarỹ rare. Iwese bederahy orotxu heka boreny riyrewesemy aõkõ jiarỹ rare. Ihãrele tahe ituerenye. Inyõ riwaykeki, rexihaymy rarekre. ⁵⁹Kia ibutumy Jesuisi rarybere Kafanaõ judeu dohodỹna-ki, riernanymyhẽre.

⁶⁰Iribi tahe Jesuisi-ò ijohona mahãdu rarybere:

—Kia isira tyhyre iny rieryke. Inyõ heka kia rityhynyõtyhy.

⁶¹Jesuisile heka rexierymyhẽre tiiboho tuu rarybemyhẽreki, tahe tamy rỹraxire:

—Kaa aõbohe arabinadỹnyrenye.

⁶²Tahe jiarỹ Deuxu Riòre Hãbutyhyhykỹ, ixyby biu-ò aròðsekeki, timybo marybebenye, kaiboho wamy bobibenykeki. ⁶³Deuxu Tytybytyhyle umytuedeõna riwahinymyhẽre. Umydetyhy umytuedeõna-di aõkõ rare. Urile adee rarybemahãre Deuxu Tytybytyhymy rybena rare, adeereny umytuedeõna rare. ⁶⁴Tahe inyõ ayreny ludu riwatyhynyõreri. Jesuisi tahe juhoo-ribi rierymyhẽre mobo rityhynyõmyhẽre, tule mobo tatxiõdỹdumy rarekre. ⁶⁵Jesuisi raryberehy my tii-wana: —Jiarỹ juhoo rarybewãhãre. Inyõ Waha wadee riteõnyõkeki tiu wadee kanaõtyhy. Tai heka tuu adee jiarỹ rarybere.

⁶⁶Kia rybe òraru-ki sõwemy taerydỹna mahãdu ririrenye. Tahe roirenye. ⁶⁷Tahe Jesuisi rỹraxire taerydỹna waòinatxi reurò mahãdu-ò. Ka bexe boibenyõkre aõbo biwaribenyõkre aõbohe. ⁶⁸Tahe Simaõ Pedro rirawyõnyre. Wanyrỹ moobo aròirenye. Kaile heka umytuedeõna rybe-di atxiteri. ⁶⁹Jiarỹboho ka aratyhynmahãrenye. Araeryrenye ka, kai Deuxu-ribi hãbu òbitityhymy atximahãte. ⁷⁰Jiarỹ

aratarenye waòinatxi reurò inymy erydỹna mahãdumy. Ihãre tahe inyõ ratximyhẽre diaboõ heka tii rare. ⁷¹Jesuisi tahe Judasi Isariõmy rarybereri. Iwò inatxinamy wahe. Simaõ-Isariò riòre tii rare. Judasi dori Jesuisi riwahinykre my ratxireri iòludu mahãdu-ò.

7 Judeu mahãdu Jesuisi rubudỹmy rurumyhẽre. Tai tahe Judeia bede ludu hãwã-ò ralõomyhẽre. Kalileia bede hãwãdile rariamyhẽre. ²Tahe judeu mahãdu worana bedehesi iðhõmy rỹimyhỹ. Kiani tahe heto riòre worana bedehesi rare. ³Tahe Jesuisi seriòrebobo tamy rarybere: —Make wa karibi Judeia mahãdu bede-ò aerydỹna mahãdu dori aõwiwihikỹ kai tewinyteò tuu robikemy. ⁴Aõwiwihikỹmy tewinyteri, tai tahe ixinamy iny tuu ibutumy robikre. Ibutumy iny ixierysmy tahõtinyteri-wana urile iny lau iwõteõmy aõna aõna wiwihikỹ. ⁵Jesuisi seriòre mahãdu tule rityhynyõre. ⁶Jesuisi tahe dirawyõnyde: —Wiji araõkre wabededỹnanamy dori tuu reaõmy ratxireri. Kaiboho tahe adohotalemy bõike. ⁷Bede ludu mahãdu iny dori aluurenye, tahe waderamy rekoarenye. Iòrarunamy dori jiarỹ tamy rarybemahãre, ibinatyhyremy. ⁸Kaiboho boibenye worana bedehesi-ò. Jiarỹ tahe wiji araõkre, wabededỹnanamy reaõmy doimyhẽde. ⁹Kia tahe Jesuisi tamyreny rarybere. Tahe Kalileia-ribi Jesuisi ròhõnyõmy rỹimyhỹre.

¹⁰Tahe iseriòre roirenye worana bedehesi-ò. Idi tahe tule tii rare iherenymy itỹnmy aõkõ wahe, wasimy inyõ tuu robiheny. ¹¹Judeu mahãdu tahe Jesuisi riijemyhẽre worana bedehesi òrake-ò. Rarybemyhẽre: —Titxibo tahe tii ratximyhẽre. ¹²Jesuisimy rybe itixiõdỹna ròhõnyre inysõwehekỹ-ki. Inyõ heka awimy

tuu rarybemyhÿre. Ijõ tahe ibinamy tuu rarybemyhÿre, tii iny itxenadÿÿdu raremy. ¹³Inyõ tuu rarybeõhyymyhyre ibutumy ijohonamy judeu mahädu lau ruberureki.

¹⁴Worana bedehesi tya-ki Jesuisi Deuxu dohodÿÿna heto-ò ralore ribedeerynykemy. ¹⁵Ribedeerynyreu tahe judeu mahäduõ ijõ-ò rarybere: —Timykibo he kia ritidÿÿna rierymy tuu rarybemyhÿre. Rierykõ ihärele iny riernanymyhyre. ¹⁶Tahe Jesuisi dirawyõnyde: Waerydÿÿna-di aõkõ rebedeeryre, Deuxu wateodÿÿdu rybe-di wahe. ¹⁷Inyõ Deuxudeewimy ratxikeki, tii rierykre aõerydÿÿnabo õbitimy ratxireri. Tii rieryke Deuxu-ribi aõbo rarybereri ada ixi-ribi rarybereri. ¹⁸Iny ixi-ribi rarybekeki, tiile rexiloosõnanyke. Tahe iny iteodÿÿdumy rarybekeki, tii tahe inatyhy rare. Tii inatyhymy õbiti rare. ¹⁹Moisesi adee bede ywina riwahinyre: —Tahe kaibohoõ tetyhynyõhyymahäteny. Tai tahe aõherekibo biwarubunykemy atxitenyteri. ²⁰Tamy inyõ dirawyõnyde. Kaita itxÿteteri. Inyõ ka ararubunykemy aõkõ ratxireri. ²¹Jiarÿ inyõ reteytenyre sabado txuu tahe kaiboho wadi bede teõtiniyteny. ²²Boholake, Moisesi bede ywina arateõnyke ariðre ritõtiky arøkemy resynanykemy. (Boboho tahe kia tuu ritelenyre Moisesi aõkõ.) Tahe notyky resyna txu rÿikeki, tuu tewinyte sabado txu härele. ²³Kia sabado txu biwinybenykeki Moisesi bede ywina riywinykemy, tahe aõherekibo wadee taykarananyteri hābu sabado txu reteytenyreki. ²⁴Aõ õbitimy aõkõ rare, õbitimy tahõtinyterikile. Õbitinale-di maraykynybenyke.

²⁵Ijõ Jerusalē hāwā ludu mahäduõ rarybere: ²⁶—Kia rarybemy rÿirerile, tii irubudÿÿmy rexinohtinyreri. Beteheke. Butumy ijohonanamy kia rarybemyhÿre. Ihärele taheka inyõ

tamy rarybeõhyymyhyre. Wedu mahädu rōhōtinymyhyre: —Ina aõkābo Kristumy inatyhymy tii rare. ²⁷Inyboho tahe rierymyhÿre titxiribibo tið namyhÿde. Kristu Deuxu deodÿÿna tahe kanakeu, inyõ tahe rieryõtthy titxiribibo kanake. ²⁸Jesuisi tahe Deuxu dohodÿÿna heto-ki ribideerynymyhyreu rarybere: —Kaiboho tiwaeryteny, titxiribibo anade tule teeryteny. Tahe wateodÿÿdu teeryðteny. Terōwmy heka jiarÿ anade. Tule tii inatyhytyhymy rare. ²⁹Iribi jiarÿ anade Tii riwateðnyre, tai jiarÿ tii reeryre. ³⁰Inyõ rijemyhÿ rirōtenykemy. Tahe rimoõhyre ruberureki, ibededÿÿnanamy aõkõ bede rÿireki. ³¹Iny sōwehekÿ-ribi sōwemy iny rityhinyre. Tahe inyõ rarybere: —Kristu Deuxu deodÿÿna iratyre aõna aõna wiwihikÿ riwinykemy tahōtinyteri. Aõkōre, tii dori inatyhymy Kristu rare. ³²Fariseu mahädu kia-ò roholareu, tahe wii ributunyre xiwe wahidÿÿdu wedu mahädu-wana. Tahe tiiboho soldadu mahäduõ riteðnyrenyre Jesuisi rimykemy. ³³Jesuisi tahe tamyreny rarybere: —Urihimyõ umyreny-wana watxikre, idi ta arððsekre wateodÿÿdu-ò ixyby. ³⁴Kiaboho biwaijebenykre, waki mahabenyõtthy. Titxibo watxireri kia-ò heka bitehemynyõtthy. ³⁵Judeu mahädu tahe widee rarybere: —Titxiwexe tii rakremy ihÿre, tuu rokobirenyõtthy tai rakaharenyõtthy, myÿ rarybemyhÿre wahe: judeukōdu mahädu bede-ò aõbo rakremy ixi-di ratxireri. Tai ribedeerynykemy, judeu mahädu-wana rasÿnykremy. ³⁶Timybohe rarybere: —Waki mahabenyõtthy, titxibo watxireri-ò behemyhyõtthy, myÿ rarybereri.

³⁷Ihwotxu worana bedehesi aõni-hikÿtyhy rare. Jesuisi iu rexiukÿnyre rarybekemy: —Inyõ bemomy risakeki, wadee kanake, riōke. ³⁸Inyõ riwaty-

hynykeki, Tyyritina-ki kia wese rybe rÿire:

—Iwo-ribi benihikÿ iru ròhònyke.

³⁹Iu Jesuisi kia rarybereu, Deuxu Tyytybytyhy aõmy dÿÿnanamy rarybere. Iny dori rityhynykeki, iwo-ò Deuxu Tyytybytyhy ralòke. Urile tahe Deuxu Tyytybytyhy riwahinyõmy rÿire. Jesuisi dori ròðseõre biu-ò. ⁴⁰Tahe roholare mahàdu tahe rarybere: —Ka heka hàbu Deuxu Rybedutyhy rare. ⁴¹Ijò tahe rarybere: —Tii Kristu rare. Ijò tahe rarybere: —Kristu aòkò Kalileia bede-ribi dori tii rareri. ⁴²Tyyritina rybe-ki roire: —Kristu, Davi sÿ-mahàdu ribi kanakremy. Belê hāwā-ribi; titxibo Davi rasÿnyre-ribi. ⁴³Tai tahe wiwese wese aòkò ròhòtinyrenyry Jesuisi-di. ⁴⁴Inyò riròtenykemy ixi-di ratximyhÿ, ihārele tahe inyò rimyõhyyre.

⁴⁵Tahe soldado mahàdu ròðsemy rare rimyõhyylemy fariseu mahàdu-ò xiwewahidÿÿdu mahàdu wedu-ò. Tahe soldado-ò rÿÿraxirenyre: —Aòherekibo tedyõteri. ⁴⁶Tahe dirawyònyde: —Timybo inyò kowa hàbu wesemy rarybeõhyyre rybe iwitxira wihikÿmy tii rarybere. ⁴⁷Tahe fariseu mahàdu rarybere: —Kaiboho aõbo tule araitxenanyrenyry. ⁴⁸Inyboho mahàdu reny-ribi moò rityhynyõhyymyhÿre, fariseu mahàdu wahe, wedu mahàdu wahe. ⁴⁹Inyò rityhynyre, tahe tiiboho Moisesi bede ywina rieryõre tai Deuxu aõhòkÿmydÿÿnana-txi idi rehukre. Aõhòkÿmydÿÿnana-ò ritamadÿÿnykre. ⁵⁰Nikodema iyreny-ki ratximyhÿ. Fariseu mahàduò tii rare, juhū Jesuisi raraò rare wahe. Tii heka rarybere imahàdu-ò. ⁵¹Juhū roholamyhÿre aõhebo rotÿÿnyraò wahe idi tahe ibinakeki riròtenykremy riijemyhÿre. Kia tahe iny bede ywinareny rare. ⁵²⁻⁵³Tahe rirawyònyrenyry: —Kai wa tule Kalileia mahàduò atxiteri. Tyyriti-ò betekeke timybo rarybereriò:

—Kalileia-ribi rybeduò ròhònyõtyhy wahe.

8 [Tahe ibutumy he tasÿ-ò reareare. Iu tahe Jesuisi rare Oliveira hāwālò-ò. ²Biura-di tahe dòðsede Deuxu dohodÿÿna heto-ò ixyby. Sòwemy iny tamy rare; Jesuisi ronyre; ribedeerynyre. ³Hāwyyò ratximyhÿ hàbu witxiraò-wana wasimy ratximyhÿ. Tahe inywitxiraò itxireny reare. Tai tahe Deuxu rybe erydÿÿdu mahàdu fariseu mahàdu-wana hāwyy didyde Jesuisi-ò. Tahe hāwyy-ò rarybere rÿikemy iny sòwehekÿy-ki. ⁴Tahe raryberenyre Jesuisi-ò: —Bede erydu: —Kahāwyy tÿwe rare inyò itxi reara. ⁵Iny bede ywina Moisesi riwawahinyré tahe rarybere mana-di rumymhÿkemy. Tahe aõmybo kai mynarybeke. ⁶Tiiboho kiamy rarybere Jesuisi riurihire timybo rarybekemy. Tai tahe ibinamy tamy rarybekemy idi ratxireri. Jesuisi tahe suò resera ròritidÿÿkremy tebò-di suki riritinyra. ⁷Tahe ritÿÿraxinyhy ihÿmyhÿ. Tahe Jesuisi rÿire; rarybere: —Inyò òrarukõmy ratxirerile, tii mana-di juhū tamy rehukre. ⁸Ixityrele sÿ Jesuisi ròritidÿÿre suò. ⁹Kia rybe-ò roholarenyreu, tahe rexitarenyre sohoji sohojilemy, tarayky dori ribinadÿÿnyrenyry. Matuari mahàdu tahe juhū rexitare. Ikonanatyhy dori rare, tahe Jesuisi hāwyywanale tai rÿire. ¹⁰Jesuisi retehere: —Hāwyy sohojilemy robire rÿÿraxire tamy: —Hāwyy, titxibo mana-di arubudÿÿmy rybedu mahàdu rirahura. Inyò aõhe arasÿnyõhyrya. ¹¹Tahe dirawyònyde: —Anokõre, Wahĩ. Tahe Jesuisi rarybere: —Jiarÿ tulere! Mahe, òraruna-txi tahe ixyby ixẽõmy.]

¹²Ixityre Jesuisi rarybere tamy: —Jiarÿ wabede loosòna rare. Inyò wahemy kanakeki, bede luru-ki rariaõtyhy. Tii heka loosòna-di tarayky-ki rarekre. ¹³Tahe fariseu mahàdu tamy rarybere: —Aòkõre, kai wa iximy

tarybeteri tai tahe arybe inatyhymy aõkõ rare. ¹⁴ Jesuisi dirawyõnyde: —Inatyhymy iximy rarybereri jiarỹ, tahe warybe inatyhy rare, jiarỹ dori reeryre titxiribibo anade, tule tiobo arakre reeryre. Kaiboho tahe kia teeryõtenyde. ¹⁵ Kaiboho waywisidyỹmy tadiõlõnyte, ihãre tahe õbitimy tiwaywinytenyõte tiwaerytenykõteki. Tahe jiarỹ inyõ reywinyõneri. ¹⁶ Jiarỹ inyõ ariwinykeki, waywisidyỹna tahe õbiti rare. Jiarỹ dori ixiwanale aõkõ rare. Waha, wadeõdyỹdu wawana raremyhỹ. ¹⁷ Abede ywina-kia kia rybe riritinymy rỹimyhỹre: —Inatxi hãbumy wiwesehyylemy rarybekeki kia tahe inatyhy rare. ¹⁸ Jiarỹ iximy rarybemahãre tule Waha wadeõdyỹdu wamy adeereny rarybemyhỹre. ¹⁹ Tahe tiiboho Jesuisi-õ rỹraxirenyre: —Titxibo boo ratximyhỹre. Jesuisi rarybere: —Kaiboho tiwaerykõmahãtenyde, Waha tule teeryõmahãtenyde. Kai biwaerybenyõkeki, tule Waha bierybenyõtyhy. ²⁰ Kia Jesuisi rarybere Deuxu dohodỹỹna hetowo-kia, iubeweri yrubudyỹna ube-kia. Tahe inyõ rimoõhyre, ibededỹỹnanamy aõkõ bede rỹireki.

²¹ Iribi tahe ixityre tamy rarybere: —Jiarỹ he arakre karibi. Kaiboho biwaijebenkyre tahe aõrarurenydile burubenkyre. Boiõtyhy titxibo arakre-õ. ²² Tai tahe judeu mahãdu widee raryberenyre: —Inatyhymy aõbo tii rexirubunykre. Tii raryberaki: —Titxibo arakremy boiõtyhy, myki tuu idi rõhõtinyrenyde. ²³ Tahe Jesuisi rarybere: —Kaiboho kaludu toite; jiarỹ aõkõre, biu ludu rare. Kaiboho bede ludu toite, jiarỹ tahe kabede ludu aõkõ jiarỹ rare. ²⁴ Tai heka adeereny rarybereri aõrarureny-di burubenkyremy. Inatyhymy jiarỹ tii rare: —Iwese rarybere wesemy.

Tahe kia warybe bityhynyõbenykeki, aõrarureny-di burubenkyre. ²⁵ Tahe tiiboho rỹraxirenyre Jesuisi-õ: —Mobo he tate. Jesuisi dirawyõnyde: —Timybo adeereny rarybewãhãre, juhuu wahe. ²⁶ Jiarỹ sõwemy rỹire aõna aõnamy umyreny ararybeke umyreny ariwinyke ta ararybekre Waha tuu wadee rarybelemy. Tii diwateõnyde tii inatyhymy rare. Irybelemy bede iny-õ ararybekre. ²⁷ Rieryõhyre tamyreny rarybere, tybimy. ²⁸ Kaiboho heka biwatamadỹnybenykreu, bierybenybenkyre mobo jiarỹ rare. Tule ixi-ribi aõkõ aõna aõna rewinywãhãre bierybenkyre; tule iwese Waha riwaerynanymyhỹre wese, rarybemahãre. Kia tule bierybenkyre. ²⁹ Wateõdyỹdu wawana raremyhỹ. Iximy riwariõtyhy, jiarỹ tamy wimy rewinyhyamahãreki. ³⁰ Kiamy tarybe rahudi tahe, sõwemy iny rityhynyre.

³¹ Judeu ityhydỹỹdu mahãdu-õ Jesuisi rarybere: —Kaiboho warybe tyhy-di mohõtinybenyhykeki, inatyhymy watyhydỹỹdu waheludumy boibekre. ³² Inatyhyna tahe bierybenkyre. Kia dori aratarenyke, deõdumy aõkõ boibekre. ³³ Dirawyõnydenyde aõkõre inyboho Abraõ riõkõre roire, tiu heka modeõdumy roirekõmahãre. Timybo tarybeta: —Deõdu-ribi riwatakemy. ³⁴ Tahe Jesuisi tamy rarybere inyõ õraru-di hyy rexiõrarunykkeki, tii õraruna deõdu wese hyyle rare. ³⁵ Deõdu heka heto wedu ijoihymy aõkõ rarekre. Iwedu ixinamy rakre. Riõre tahe ijoihymy rare. ³⁶ Tahe Deuxu Riõre heka ixinamy arateõnykeki, tiu õraruna deõdu wesemy ixyby bonybenyõtyhy. ³⁷ Abraõ riõkõre inatyhymy toite. Kia tahe reeryre. Ihãrele tahe biwarubunyenkyremy atxitenyteri warybe dori araykywo-di aõkõ ratxireri. ³⁸ Waha-wana ranymahãu, aõmybo

rabire, wiji tuu rarybereri. Kaiboho tule boo-ribi tabitenyte tuu tewinytenyteri.

³⁹ Rirawyõnyrenyre: —Wahareny heka Abraõ rare. Jesuisi rarybere: —Abraõ riðremy inatyhymy toite-wana, Abraõ aõmydỹnana iwesemy biwinybenyke.

⁴⁰ Katahe warubudỹmy wadi atxitenyteri. Inatyhyna Deuxu-ribi raholaremy, adeereny rarybemahãre, tai tahe warubudỹmy atxitenyteri. Abraõ tahe tiu tahe tuu rotỹnyõtyhy.

⁴¹ Kaiboho heka borenityhy wesele tatỹnymahãtenyte. Dirawyõnyde:

—Aõkõre, jiaryboho waxiriðre aõkõ roire. Deuxuhyle iny tybyreny rare. ⁴² Tahe Jesuisi rerawyõnyde:

—Deuxu boo inatyhymy rare-wana inihe kaiboho waluurenre. Jiarỹ dori Deuxu-ribi anade. Ixidee wimy aõkõ anade tii diwateõnyde. ⁴³ Aõherekibo teerytenyõte warybe. Isiratyhyre aõbo ijohona. Aõkõre, ityhydỹ isirare adeereny. ⁴⁴ Kaiboho Diabo riðre toite tamywimy biwinykemy atxitenyteri. Tii juhuu rubudỹdu hyy rare. Tii heka raruireri inatyhywesehekỹle wahe. Tii ruidu rare. Ruiwedu tii rare. ⁴⁵ Kaiboho heka tiwatyhynyõhyymahãtenyte inatyhyna dori jiarỹ rarybemahãre.

⁴⁶ Inyõ inihe wamy rarybeõtyhy jiarỹ òrarudu raremy. Adeereny inatyhynamy rarybereri. Aõherekibo tiwatyhynyõteri. ⁴⁷ Iny Deuxu-ribi ratxireri, Deuxu rybe roholamyhỹre. Kaiboho Deuxuhõrõ aõkõ toite. Teõdu aõkõ toite. Taita warybe-ò taholaõteri.

⁴⁸ Jesuisi-ò tiiboho dirawyõnydenyde: —Inatyhymy rarybewãhãrenyre. Kai Samaria mahãdu tate. Kaludu mahãdu aõkõ tate. Kai tyytybybina dire. ⁴⁹ Jesuisi rirawyõnyde: —Aõkõre, tyytybybina-di aõkõ watxireri. Waha tahe rewowydynwãhãre. Kaibohole tiwabinadỹnymahãtenyte.

⁵⁰ Wowydyna ixi-di aõkõ rejjereri. Waha tahe kia aõmydỹnanamy riywinykre,

tii rieremyhỹre. ⁵¹ Inatyhytyhymy adee ararybekre: —Inyõ warybemy reõbykeki, tiu rubumy tii robiõtyhy. ⁵² Tai judeu mahãdu rarybere: —Katahe inatyhymyhe inyeereny aerysydỹna rỹira tyytybybina-di tate wahe. Abraõ tahe rurure; Deuxu rybedu tule. Tahe timybo kai tarybeta: —Inyõ warybemy reõbykeki tiu rubu urihixinamy roiõtyhy tamy. ⁵³ Kai aõbo inatybyreny Abraõ ratyre awikemy aõbo ixi-di tahõtinyamahãte. Abraõ rurure Deuxu rybemy rybenadu amahãdu tule rurure. Mobo raremy he tahõtinyamahãte.

⁵⁴ Tahe Jesuisi rirawyõnyde: —Jiarỹ ixi-di wowydyna ariijekeki, tahe wawowydyna aõ aõkõmy rareke. Waha tahe riwawowydynymyhỹke aDeuxumy raremy tu tarybeteri. ⁵⁵ Tahe aõkõ teeryõtenyte. Jiarỹ tate reerymahãre. Jiarỹ reeryõmahãremy ararybekeki, tai ruidumy rareki, iwese kaiboho toite wesele wahe. Tahe reerywãhãre, tule irybemy reõbymahãre. ⁵⁶ Boreny Abraõ, wamy dobide, wabededỹnana kanakremy tuu dobide, wabededỹnana kanakremy tuu dobide tai tahe reysatyhymy rare. ⁵⁷ Tahe judeu wedu mahãdu rarybere: —Kai 50 beðramy aõkõ atxiteri timyreki tarybeta Abraõ tabitemy. ⁵⁸ Jesuisi dirawyõnyde: —Abraõ reaõule,

Jiarỹ rarehyymahã. ⁵⁹ Tahe manadile rimymy reserenyre idile rirabunykemy. Jesuisi tahe rexi-wõmy iribi rõhõnymy rare, dohodỹna heto-ribi.

9 Jesuisi rariamy rareu, tii robimy rare hãbu ruetãmy. Tii iruetãhãkỹmy ratohouãmy herinanyre. ² Ierydỹna mahãdu rỹrãxire tamy. Erydỹdu, aõherekibo hãbu ratohouãnyra iruetymy, ise tyby iðrarudireki aõbo ada taðrarumy aõbo. ³ Tahe Jesuisi rirawyõnyde: —Tahe aõkõre tyby ise-ke aõkõ tiike aõkõ.

Deuxu ruru wiji riteòsinykremy tahe tii kiawesemy rohonyre. ⁴Wateòdÿÿdu aòmÿdÿÿnanamy arotÿÿnyrenykemy watxiwâhârenyre. Inyboho riki-winyrenyke ibededÿÿnanamy rÿikreu, iwese txumy rÿikre wese tahe rumy heka kanakre tai raaòmÿsÿdÿÿomÿhÿre. ⁵Kabede-ki watxiwâhâreòle tahe jiarÿ bedede ludu mahâdu loosònatyhy my jiarÿ rare. ⁶Tarybe rahudi tahe rarybexinyre suò idi tahe subororomy ritxienyre. Idi ta hâbu rueyre-ò subororo ritidire. ⁷Tahe hâbu ruetà-ò rarybere: —Make wa bexisuhòke Silòe ahobe-di. Silòemy ninadu heka iny rybe-ki deòdÿÿna wesemy rare. Hâbu tahe rare, risuhore, dòòsede robimy. ⁸Tahe ierydu mahâdu, tuu robire idi itxeredu mahâdu raryberenyre widee: —Kabe hâbu ixitòedÿÿdu rare, nierumy kowa-ki rexitòenomy ronomyhÿrele rare. ⁹Ijò rarybere tule rare. Ijò rarybere: —Aòkòre, iwesele tahe iwitxirari. ¹⁰Rÿÿraxirenyre tamy: —Timykibo arue reytera. ¹¹Rirawyònyre: —Hâbuò Jesuisi inire. Tii tahe suboro borole riwinyra warue-ò ritidire. Tahe wadee rarybera: —Make Silòe ahobe-ò aò bisuhòke. Tahe rare, resuhore, tai rabimy watxireri. ¹²Rÿÿraxirenyre titxibo tahe tii rara. Rirawyònyra: —Reeryòre.

¹³⁻¹⁴Kia ruedeytena Jesuisi riwinyre sabado txuu, judeu aòmÿsÿdÿÿna txu aòkò. Tahe tiiboho hâbu ridyrenyre fariseu mahâdu-ò. ¹⁵Ixityre hâbu-ò rÿÿraxirenyre: —Timykibo riteytenyra. Tahe rirawyònyre: —Subororole waruetyre-ò ritidira, idi resuhòra, iule tahe retehera. ¹⁶Tai tahe fariseu mahâdu-ò narybede: —Ka hâbu Deuxu-ribi aòkò nade. Kakÿny sabadotxu bedede ywina riwinyòhyre. Tahe ijò imahâduò rarybere: —Hâbu òraruduò tiu deytenawiwihikÿò kia wesemy riwinyòtyhy. Tai tahe wiribi

hitximy raraykynyrenyre. ¹⁷Tahe ixityre hâbu-ò rÿÿraxire: —Tii arue arue riteytenyra: —Tai tahe timybo tuu marybekre. Hâbu rarybere: —Tii Deuxu rybemy rybeduò rare. ¹⁸Tahe judeu mahâduò rarybere: —Ise-wana tybywana widee ararybekekile, arityhynykre. Tai riteònyre tybybohoòrysmy. ¹⁹Rehemynyreu, tahe tamy rarybere: —Kaa aòbo ariòre rare. Inatyhy my aòbo iruetàmy reare. Timykibo tahe wiji robira. ²⁰Tahe tybyboho rirawyònyre. Inatyhy my wariòrereny rare. Iruetàlemy ka reare. ²¹Reerykòrenyre timykibo retehera. Irue riraynyre dori, reeryòhyre. Tamy marybebenyke. Ibeòra dire ka, iximy relyleke. ²²⁻²³Tybyboho ruberumyhyrenyre judeu mahâdu lau. Judeu mahâdu dori, rarybemyhÿre: —Inyò Jesuisimy rarybekeki, tii Kristu Deuxu deòdÿÿna raremy rarybekeki, tahe dohodÿÿnawo-ribi riteònykemy idi rÿira. Tai tahe hâbutybyboho kia wesemy raryberenyre. Tii ibeòra dire: —Tamy marybebenyke.

²⁴Juhuu iruetàmy raremyhÿò ixityre ròtedÿÿmy rarybere. Òbiti rybe-di marybeke. Inydeereny tahe ka dori òrarudu rare. Tai tahe Deuxu biwowodynyke. Tahe tii rarybere: ²⁵—Tii òrarudu rare, reerykòre. Sohoji aòmÿdÿÿnana reeryre. Juhuu waruetàle heka reeryre, wiji tahe retehereri. ²⁶Tahe ixityre tamy rÿÿraxire: —Aòbo tii riwinyre. Timybo arue roire. ²⁷Hâbu rarybere: —Adeereny tuu rarybere tahe taholaòhytyenta. Aòherekibo ixityre ijohonamy tarybetenyteri. Ierydÿÿnamy boibekemy aòbo atxitenyteri. ²⁸Tuu raryberenyre aòbina binalemy. Kai heka iijoiò atxiteri. Jiarÿboho Moisesi erydÿÿna jiarÿboho roire. ²⁹Deuxu Moisesi-ò rarybemyhÿre. Kiamy reeryrenyre. Ka hâbumy tahe aòmÿ raholaòmahâreny, tiludubo rare.

³⁰ Kia wa riwateytenyra bededtiidỹna urenana tii rare. Ihârele tahe kaiboho teeryomy tuu tarybetenyteri. Wadee kia ajuedena rare. ³¹ Deuxu wa ôrarudu ixitôedỹna-ò roholaôtyhy. Kia reeryrenyre. Tahe inyô Deuxu rityhynykeki tamywimy rỹirakeki, kia-ò Deuxu roholakre. ³² Bede rexidelenyre, inyô roholatyhy iruetâmy raumynyre heka reytere. Inyô tiu riwinyôre, wiji tahe diwinyde. ³³ Kia hâbu Deuxu-ribi nokôduô aôkôkeki tiu aô riwinyôtyhy. ³⁴ Tahe fariseu mahâdu aôbinahakylemy tuu rarybere: —Kai uladumy teateu, ôrarudutyhymy tate. Kai aomybo biwabedeerynybenykremy aôbo wadireny tahôtinyteri. Tahe riteônyre dohodỹna heto-ribi. Ihymy riteônyre.

³⁵ Kia-ò Jesuisi roholareu hâbu riijere tahe rỹraxire tuu: —Kai Deuxu Riôre Hâbutyhyhykỹ aôbo tetyhynyte. ³⁶ Hâbu rarybere: —Mobo tii rare, Wanyrỹ, arityhynkemy watxireri. ³⁷ Wamy wa tabita, jiarỹleheka watxireri. Adeerarybererile watxireri. ³⁸ Tahe rarybere: —Wanyrỹ aratyhynyra he. Tahe hâbu Jesuisi riwowodynyre. ³⁹ Jesuisi rarybehyra: —Jiarỹ anade kabede-ò iny ruetâ aritobixidỹnykemy; tule robimyhỹre mahâdu ariruetâdỹnykre. Iny ôwydỹnyamy anade. ⁴⁰ Fariseu iôhomy iribi rỹimyhỹ roholare irybe-ò. Tahe tamy rỹraxire. Inatyhykô aôbo ka jiarỹboho tule waruetârenyre. ⁴¹ Jesuisi rarybere: —Aruetâmy ahâtenyteki, aôraruna-di aôkô toite. Tahe tarybetenyte reerywâhâ, rabiwâhâre. Tai aôraruhyy-di toite.

10 Inatyhytyhymy adeereny ararybekre: —Inyô budoeni yrubudỹna ijôtôbôna-di, ralôokeki, tii tahe wasidu ixiwatxidỹdumy rare, raôwônymy heka ralômyhỹre. ² Ijôtôbôna-di rôtedu, tii budoeni-di itxeredutyhy rare. ³ Iu ijôtôbôna-ò

rehemynymyhỹreu, ijôtôbôna ludu tamy riraynymyhỹre. Tule budoeni irybe rierymyhỹre. Sohoji sohoji-ò ininimy tamy rryrymyhỹre, tahe idi rôhônymy ridymyhỹre. ⁴ Ihôrô ahana-ò ridyre, tii iko-ò rỹimy idi ramyhỹre. Riheludunymy idi raremyhỹ rierymyhỹreki irybe. ⁵ Budoeni ieryôdu riheludunyôtyhy, irybe rieryôreki. Iny ieryôdu-ribi rahenykre. ⁶ Jesuisi tamy kia bede eryna ijyymy relyre. Tiiboho tahe rieryôhyrenyre timybo ibede erydỹnyamy rororerimy.

⁷ Tahe Jesuisi ritỹnynyre tamynre: —Jiarỹ budoeni ijôtôbôna wesemy râimahâre. ⁸ Ibutumy iny wakôule rehemynyre wasidu ixiwatxidỹdumy rỹiramyhỹ. Wabudoeni ityhydỹdu wesemy rỹirerimy ihỹre. Tiiboho wasidurybe-ò roholaôhyymyhỹrenyre. ⁹ Jiarỹ ijôtôbôna wesemy râiwâhâre. Inyô wamy ralôkeki, tii heka tarasanaômy rarekre. Iwese wabudoeni ralômyhỹre idi rôhônymyhỹre asi wiwihikỹmi riroximyhỹre wesemy, tule ityhydỹdu mahâdu rỹirakre, bedebyna wiwihikỹ ritakremy. ¹⁰ Wasidu heka rubudỹmy nade, bedehudumy wasimy, jiarỹ tahe anade inyô umytuedeôna ariwahinykremy, irutyhytyhy wihikỹmi wiji rỹirakremy. ¹¹ Jiarỹ budoeni-di itxeredu wihikỹ rare. Ihyy ta waumy ariwahinykre terôwyrenymy. ¹² Inyô budoeni-di itxeredumy deôdumy risỹnykeki, tii riwisinanyôtyhy, tii dori budoeni wedu aôkô rare, deôdule rareki. Tahe irôdu rebunaô tamy kanakeki tahe rahenyke iribi, tai ijô rimyke, ihona tahe raôrunyke. ¹³ Deôdu heka rahenyke tii iwedu aôkô rareki, tii aomy aôkô idi rôhôtinymyhỹre, iôwydimy aôkô. ¹⁴⁻¹⁵ Jiarỹ heka itxeredu wihikỹ rare wabudoeni riwaerymyhỹre. Jiarỹ tule tii mahâdu reerywâhâre. Waha riwaeryre, tule tii reeryre. Iwesetyhyle

wabudoeni-wana wii reerynyre. Iòraru-ki tahe waumy ariwahinykemy idi wāhāre. ¹⁶Jiarỹ wabudoeniõ-di watxiwāhāre. Aõ kabede-ki aõkõ. Ibutumy aributunykyemy idi watxireri. Tai tahe sohoji ijoihyylemy heka roikre. Ibutu-di itxeredumy ararekre. ¹⁷Tai heka Waha waluure, waumy ariwahinykreki wahe. Ihārele tahe ixyby idi arexiumydỹnykre. ¹⁸Inyõ heka ixideewiõkeki riwarubunyõ-tyhy. Arexiwahinykre tamyreny riwarubunyrenykremy. Ixideewikreu, arexiwahinykre, tule waumy arimymy arexiixixanykre. Waha dori wadee rarybere tii ariwinykremy.

¹⁹Kia rybe òraru-ki judeu mahādu rybe rexijeijeinyre. ²⁰Sõwemy iny ritxiõnymy rarybere: —Tii tytybybina-di ratximyhỹre ada raitxỹtemy aõbo ihỹre. Aõherekibo tamy taholamahātenyete. ²¹Ijõ tahe rarybere: —Aõ tytybybina-di aõkõ rarybemyhỹre. Tytybybina aõbo hābu rueta riruedỹnyõtyhy.

²²Jerusalē hāwā-ki heka beòrahyy rare. Worana bedehesi hetxina Tỹmyradỹna rỹre. ²³Salomaõ Ube-ki, Deuxu dohodỹna heto ubeõ-ki. ²⁴Jesuisci rariamy ihỹmyhỹ. Tahe judeu mahādu rirurawonyre itỹraxidỹmy. Tiwese bededỹnananybo nohõtidihiy bede ariwyrenykre. Kai inatyhymy Kristumy tate-wana, tahe manarybeke itỹnymy. ²⁵Jesuisci dirawyõnyde: —Rarybere wahe, tahe kaiboho tiwatyhynytenyõhyte. Inatyhymy ierysymy mohõtinybenykeki, waaõmy-dỹnana wiwihikỹ rewinyamahāre-di betehibenyke. Wahani-di kia rewinyamahāre. ²⁶Kaiboho tahe tiwatyhynyõlemahātenyete, wabudoeni wesemy aõkõ toite. ²⁷Wabudoeni warybe rierymyhỹre, riwaheludunymyhỹre; jiarỹ heka ibutumy wabudoeni reermahāre. ²⁸Tamy umytedeõna

rewahinywāhāre tiu heka ruuõtyhy. Inyõ waribi ridyõtyhy. ²⁹Waha wadee riwahinyre. Tii heka ibuturatyre rare. Inyõ iribi ritaõtyhy. ³⁰Jiarỹ Waha-wana sohojihyyle watxiwāhāre.

³¹Ixityre tahe judeu mahādu mana-di rirubunykre idi rỹre.

³²Tahe Jesuisci tamyreny rarybere: —Jiarỹ sõwemy bedeõbyna indee rewinywāhāre Waha ruu-di. Aõðarukibo biwarubunybenykre.

³³Tahe judeu mahādu rirawyõnyre: —Kai aõmydỹnana wiwihikỹle tewinyte. Kia òraru-ki aõkõ ijoi adi rỹireri mana-di arubudỹmy Deuxumy binatyhymy tarybeteriki. Kai dori hābu tate, ihārele Deuxumy texininiteri.

³⁴⁻³⁵Jesuisci rarybere: —Abede ywina-ki ryberiti rỹre. Deuxu Rybe òbitihymy raritinyrỹ rỹre. Kiamy: —Jiarỹ rarybere: —Kaiboho Deuxu toite. Deuxu Rybe heka inyõ-ò diteõnyde. Kia mahādu tahe Deuxulemy rininire.

³⁶Deuxumy tiiboho rininirenyre-wana, aõherekibo wadee takyarananyteri jiarỹ tule Deuxu Riðrelemy rexininireki. Waha dori, riwatamy diwateõnyde. Timykibo kaiboho tarybetenyteri Deuxumy ibinamy jiarỹ rarybererimy ³⁷⁻³⁸Waha-ribi bedeõbyna ariwinyõkeki, biwatyhynybenyõtyhy. Tahe ariwinykeki, aõbo rewinyre-wana bityhynybenyke, biwatyhynybenyõke hārele. Tai tahe bityhynybenymy boibeke jiarỹ Waha-wana wāhāre tule Waha wawana ratximyhỹre. ³⁹Kabedeu ixityre riijere Jesuisci rimykemy tii rexitamy rexihedỹnyre.

⁴⁰Jesuisci ixityre Jordaõ bero kowa weribi-ò reurore. Joaõ juhū ròsebedỹmyhỹð rare. Taile tahe tii raremyhỹ. ⁴¹Tahe sõwemy iny tamy roirenyre. Tamy rarybere: —Inatyhymy Joaõ bedeõby iny itxerenamy riwinyõre. Tahe ibutumy tii Jesuisimy

rarybemyhÿre, inatyhy rare. ⁴²Sõwemy heka taile Jesusimy rityhynmyhÿre.

11 ¹⁻²Lazaru ibinamy roimyhÿ Betÿnia hãwã-ki. Marie, Marta-wana iseriõreneny rare. Juhuu Marie Jesusi-wana raremyhÿ, tii Jesusiwa tyre-ò tarinalÿnyrehékÿò ritxiwire, idi tahe tarade-di rirubudÿÿnyre. ³Lazaru ibinamy roimyhÿki tahe tiiboho riteõnyre Jesusi-ò rarybekremy: —Wahÿ, abiõwa tyhy binanihikÿmy roireri. ⁴Jesuisi kiamy roholareu rarybere: —Kabinana hãwã Deuxu wowydynamy tamy nade. Tule riwawowydynkemy jiarÿ dori Deuxu Riõre rare. Kabinina tahe rubuhÿmy aõkõ tamy rÿike. ⁵Jesuisi heka ibutumy iluurenÿre, Marta, Marie, Lazaru-wana. ⁶Iu Jesusi rierÿreu Lazaru webinaduna, tahe taile ratximyhÿre, rerihãrele inatxixumy. ⁷Iribi tahe rarybere taerydÿÿna mahãdu-ò: —Ròkòirenyke ixyby Judeia bede-ò. ⁸Tahe ierydÿÿna mahãdu tamy rarybere: —Erydÿÿdu aõherekibo ixybynomy tamy tarybeteri judeu mahãdu adi heka riwisÿnymy rÿimyhÿ mana-di arubudÿÿmy. ⁹Jesuisi dirawyõnyde: —Txu heka waõinatxi òra bededÿÿnanamy rare. Aõhe inatyhy. Inyõ txumy rariakeki, tiu aõ òraru-ki reseõtyhy loosõnamy dori ibutumy robimyhÿre. ¹⁰Bede lurumy rariakeki tahe, aõ òraru-ki reseke, loosõna dori ihoõreki wahe. ¹¹Tahe ijõmy Jesusi tamyreneny rarybere: —Iny biõwareny rõrõmy roireri. Tamy arakre ariixixanykremy. ¹²Tahe imahãdu rarybere: —Wanyrÿ tii rõrõmy roireri-wana bohe, reytekre. ¹³Jesuisi heka rarybemyhÿ Lazaru rubumy roirerimÿ. Tiiboho tahe rõhõninyrenÿre urile rõrõmy roirerimÿ. ¹⁴Tahe Jesusi ritÿnynytyhyra tamyreneny: —Lazaru rurure. ¹⁵Jiarÿ wa aõrarurenÿ-ki wadeysamy watxireri tai watxiõraki. Ka

tahe biwatyhynybenykre. Ròkòirenykre tamy. ¹⁶Tome ierydÿÿna mahãduõ rare. Didimomy iniõre. Tamahãduõ rarybere: —Ròkòirenyke, tule tii-wana rukururenkremy.

¹⁷Jesuisi rehemynyreu, Lazaru inaubiõwatxumy hãloo iwõdÿÿwo-ki roimyhÿ. ¹⁸Betÿnia Jerusalê hãwã-ribi sohoji urihixinamy roire. ¹⁹Judeu mahãduy-ribi sõwemy doidenÿde Marta Marieboho wotõdenamy, iseriõreneny rurureki. ²⁰Marta Jesusi kanakre rierÿreu, tahe ròhõnyre tii-wana witxi reakemy. Marie tahe tahetokile ronymyhÿ. ²¹Tahe Jesusi-ò Marta rarybere: —Wahÿ, kakile atxiberi-wana waseritxòre rurukõhykyra ikuny. ²²Ihãrele tahe rekeryre ibutumy Deuxu-kò bexitõenykeki, tiki adeke kidiwahinykre. ²³Jesuisi tahe tamy rarybere: —Aseriõre wa rubu-ribi kedexixakre. ²⁴Tahe Marta rarybere: —Rekeryre jikarÿ ikokunanatxu-ku rubu-ribi rexixakre, ibutumy ixixanatxu-ku. ²⁵Jesuisi rarybere: —Jiarÿ waixixanadÿÿdu rare, umytuedeõna wahidÿÿdu rare. Inyõ riwatyhynykeki, tii rubu-ki roire hãrele, kedexixakre. ²⁶Ibutumy irumy roirekeki, tiu rururenÿõtyhy, tii dori riwatyhynyreki. Kai aõbohe kia tetyhynyteri. ²⁷Tii dirawyõnyde: —Kohe, Wahÿ, aratyhynywãhãre. Kai Kristu tate, Deuxu ritxòretyhy. Deuxu tuu rarybereki, bede-kò kanatekõnyde wahe. ²⁸Tahe Marta ròdsere Marie taseriõre-ò rarybere: —Inyhÿ rehemynyreki, kai makremy rarybereri. ²⁹Kiamy roholareu, tahe, wylemy rÿimy reare tamy rare.

³⁰Jesuisi dori hãwã-ò ralõõlemy raremyhÿ Marta tamy raryberekile raremyhÿ. ³¹Tii rÿimy ròhõnyreu, judeu mahãdu tuu robire. Tahe riheludunÿre, wabede-ò robukremy raresÿny tamy roholare. ³²Marie rehemynyreu

Jesuise-ò. Tahe tii tuu robireu, resere iko-ò, tahe rarybere: —Wahĩ, kaki atxiberi-wana ikuny waseritxòre rurukòhykyra. ³³ Jesuise Marta ibru-di tule judeu mahāduhi-di retehereu tule tii rabadewonihikỹre. ³⁴ Iule Jesuise rỹraxire: —Titxiwexe tii tetiditenyte. Tiiboho rirawònyre: —Wanyrỹ, manake itxeremy. ³⁵ Jesuise tahe rahinyre. ³⁶ Tai tahe judeu mahāduò rarybere: —Betehebenyke sòwemy heka tii Lazaru luure. ³⁷ Ijò tahe rarybere: —Tii iny ruetà riteytenyre. Aòherekibo Lazaru irumy ratxireriule riteytenyòra.

³⁸ Jesuise ixyby tawo-ki bederiòti-inyre. Tahe rariamy rare wabede-ò Lazaru suiwodỹwo-ò roire. Mana-di tahe ritxiotòbònyre. ³⁹ Tahe Jesuise rarybere: —Mana bitake Marta tahe iseriòre rarybere: —Wahĩ, rarònyreri wahe inakubikòwa txumy dokuri txuu idi rỹira. ⁴⁰ Tahe Jesuise rarybere: —Rarybere taheka, bityhynykeki, Deuxu rurumy bobike. ⁴¹ Tahe mana iribi ritarenyre. Jesuise retehere biu-ò rexitònyre: —Umy reàlòmỹ wahe watxireri kai wadee taholataki. ⁴² Wadee taholahy atxiteri mahāte: —Kia reeryre, kata inysòwehekỹ òraru-ki kiamy rarybera adee, tai tiiboho rityhynyrenykemy wahe, kai tiwateònyteki. ⁴³ Kia rexihureu tahe rryre: —Lazaru, bodohonyke wa ahana-ò. ⁴⁴ Kia rurumy roimyhỹ-ribi tahe dòhònyde. Iwa heka tebò-wana widee ritỹtenylemy roimyhỹ. Irati tahe tyybese-di ritỹtenymy ihỹmyhỹ. Jesuise rarybere: —Biesebenyke wa ixinamy rake.

⁴⁵ Tahe judeu mahāduy-ribi, Marie Martaboho roraludu mahādu, aòbo Jesuise riwinyremy robireu tahe, rityhynyre. ⁴⁶ Ijò tahe fariseu mahādu-ò roirenyre tamy relyykemy aòbo Jesuise riwinyremy.

⁴⁷ Iribi tahe xiwe wahidỹdu wedu, fariseu wedu mahādu-wana heka ywisidỹna mahādu ributunyre. Dohodỹna mahādu wedu heka imahāduni rare. Tahe inyò rarybere: —Ka hābu heka aòwiwihikỹ sòwemy diwinymyhỹde. Aòhebo he rokotỹnyrenyke. ⁴⁸ Tiihyyle riwinymy rarekeki, heka ibutumy rityhynyke. Idi tahe Roma hāwā mahādu soldadu kanakre iny riòlòdỹnyke inysỹ rahurenkyre. ⁴⁹⁻⁵⁰ Kaifa imahāduò rare. Kabeòrau tahe tii ibutu xiwena wahidỹdu wedu rare. Tahe tii rarybere: —Kaiboho aò teeryòhytytenyte. Hābuò tahe rurukre ibutu inydee. Tai tahe ibutu iny itueòtyhy. ⁵¹ Kia heka irayky-ribi aòkò ròhònyre. Deuxu irayky-ò ritidire, tii dori xiwena wedu tyhy rare kabeòrau. ⁵² Kiamy rarybereu, tahe Jesuise rubunamy rarybereri. Jesuise dori ibutumy judeu mahādu dee rurukre. Tamy sohojile aòkò rurukre. Tahe sohoji mahāduòle rabutukre Deuxu riòre bede bedemy rỹira mahādu wahe. ⁵³ Itxuule tahe Jesuise rubudỹmy ròhòtinyrenyre.

⁵⁴ Tai tahe ihāwāy-ki rariaòre, Judeia mahāduy-ki. Tahe iribi rexitare bederahy-ò iòhòmỹ. Hāwāò-ò heka rare, Efraĩ heka inire. Taile taery mahādu-wana ihỹmyhỹ. ⁵⁵ Judeu mahādu worana bedehesi iòhòmỹ rỹimyhỹ Pascoa heka inire. Ritelenykòule heka sòwemy roirenyre Jerusalē hāwā-ò, tai rexiwinyrenykemy iwese bede ywina rarybere wese Pascoakomy wahe. ⁵⁶ Sòwemy iny Jesuisimỹ robikemy rỹimyhỹ. Tahe Deuxu dohodỹna hetowo-ki widee rarybemyhỹre tahe rarybere: —Kanakre aòbo Jesuise worana bedehesi-ò. ⁵⁷ Xiwena wedu fariseu-wana juhuu inyò rarybemahāre: —Inyò Jesuisimỹ robikeki, tuu

wadeereny kanarybekre, tii ramykremy wahe.

12 Jesuisi rare Betÿnia hāwā-ò Pascoa worana bedehesi rÿikrekoki. Debòsohoji txumy rauhenymy rÿimyhÿ tamy. Tai heka Lazaru rasÿnymyhÿre rubu-ribi rexixare-ribi wahe. ²Martaboho tahe rÿsÿna wiutàdàna riwinyrenyre Jesuisideewina. Lazaru Jesuisi-wana rioxikremy ronymyhÿ. Tahe Marta tamyreny rÿsÿna riwmyhÿ. ³Marie tahe sōwemy aderōna lÿnyre-di ratximyhÿ, iōwyhykÿre heka. Tahe tii Jesuisiwatyre ritxiwire idi tahe taradedile risuhore. Heto tahe tÿnyrehekÿlemy roire. ⁴Judasi Isariò tule Jesuisi erydÿÿnaō rare tii tai ratximyhÿ. Tii Jesuisi rityhenykremy tii raremyhÿ ihewo-ribi. Tii tahe rarybere: ⁵—Kaa aderōna heka iōwyhykÿ rare. Aōherekibo idi tahonyōte nieru idi bitakemy iny aōkō mahādu-ò nieru biwahinykemy. ⁶(Judasi heka iny aōkō mahādu luu aōkō rare. Erydÿÿna mahādu nieru rubudÿÿdu tii rare. Kia nieruō tahe ixideele ritosinyhÿre. Tai tahe aderōna òwy ixidee ributunykemy idi ratximyhÿ). ⁷Tahe Jesuisi rarybere: —Ixinamy wawatyre ritxiwike, wahāloo-ò waherina heka riryrymy tuu ritxiwireri. ⁸Kaiboho heka aōu biwiōhenanymy ahābenyke iny aōkō mahādu awanarenny dori rarehyymy rarekre. Jiarÿ tahe kaki aratxihiyke aōkō rare.

⁹Judeu mahādu Jesuisi rehe-mynyrieriò roholare. Tahe sōwemy iny tamyreny nade itxeremy. Tule Lazaru-ò itxeremy nade rubu-ribi rexixareki. ¹⁰Tai tahe xiwewahidÿÿdu mahādu wedu tule Lazaru rubudÿÿmy rarybere. ¹¹Lazaru òraru-ki dori sōwemy judeu wedu Jesuisi rityhynyre.

¹²Itxubiōwau tahe Jesuisi nade Jerusalē-ò kia-ò tahe roholare ibutumy

worana bedehesi ludu mahādu. ¹³Tai tahe roirenyre tii-wana witxi reakemy horeru riwyre ityre-di kanakre. Riryrenyre Jesuisi-ò: —Waiòlòreny, kai arawowydynyereri, kai bedebdyÿdu tateki! Kai Deuxuni-di tateri. Kai judeu Iòlòtyhy tate. ¹⁴Jesuisi nade jumenta riòre tyre-ki, tuu dori ihetxina tyriti-ki roire wesemy. ¹⁵Kiamy wahe roire:

—Judeu riòre mahādu uritere brebuōmy atximahābeny aiòlòreny dori kanakre jumenta riòre tyre-ki.

¹⁶Iery mahādu kia rieryōhyre juhuu.

¹⁷Iribi tahe tōhōti itxi reare ritidÿÿna hetxina-ki roiremy, Jesuisi biu-txi ròðsemy rareu wahe tōhōtirenny itxi reare. Tule sōwemy iaōmydÿÿnana rybe hetxina-ki riritinymy rÿimyhÿre. Kia-di tahe idi tōhōtirenny reare. ¹⁸Inyō itxeredu heka Lazaru ixixanamy relyyre. Tai tule iny sōwemy doidenyde. Kia Jesuisi riwinyreò heka roholarennyre. ¹⁹Tai tahe fariseu mahādu widee raryberenyre: —Ibutumy ihemy roirenyre. Timyōre, aōhe heka rikisÿnyrennyōtyhy.

²⁰Inyō worana bedehesi-ki grego rybedu mahāduō ratximyhÿ. Tii tai Deuxu reālākemy ratximyhÿ. Tii Besaida hāwā ludu-ò Kalileia bedu luduō ratximyhÿ. ²¹Tahe grego rybe mahādu tamy rarybere: —Wanyrÿ, jiarÿboho, Jesuisimy arobikemy watxirennyeri. ²²Filipi tahe Andre-ko relyyre. Ta wiwana roirenyre Jesuisi-ò. ²³Jesuisi rarybere: —Aōkōra, Wabededÿÿnana iòhōra Deuxu Riòre Hābutyhyhykÿ rubuna-ò, wahe. ²⁴Inatyhymy adeereny ararybekre: —Jiarÿ alòbòrōna rijuxunymyhÿre wesemy aresekre suò, arurukremy. Aruruōkeki ixiiwanahyyle ararekre. Arurukre-wana sōwemy araratynnykre. ²⁵Inyō ixiluukeki heka, ruruke. Kabede-ki tahe ixiluukeki, tii rexiywinymy umytedeōna-ò ratxike.

²⁶ Inyõ wadeòdumy ratximyh̃keki, tii riwaheludunye. Tai titxibo aratxikeò tii wawana ratximyh̃ke. Inyõ wadeòdumy rareke-wana, tii Waha riwowodynkyre.

²⁷ Katahe wabedewonihik̃my watxireri. Timybo ararybekre, Waha, kia rubu aõmyd̃ỹnana-ribi biwatake. My òsana arexitòdenkyre. Aõkõre, kiaòle heka kabede-ò anade. ²⁸ Waha, anityhy-ò iny riwowodynkyre watxireri. Iule tahe rybeò-ò roholarenkyre: —Kia rot̃ỹnyre ihãre ta ixityre tuu rot̃ỹnyre. ²⁹ Tahe iny sòwehek̃ kia rybe-ò roholare. Tahe rarybere: —Biumytxyle rare. Tahe ijõ rarybere. Aõkõre ỹju rare.

³⁰ Tahe Jesuisi rarybere: —Waòraru-ki aõkõ kia rybe r̃yireri, aòrarureny-ki, tamy boholabenykemy. ³¹ Wiji tahe ywisid̃ỹna k̃nyikre, bedemy iny r̃yira mahãdu-ò. Kia mahãdu iòlò, Satanasi, kanahitxid̃ỹkre. ³² Iu jiar̃y itxeò-ki riwaukokreu, ibutumy iny heka ixidee adiwiutàd̃anykre riwatyhynkyre. ³³ Iu tii kia rarybereu, tarubuna rit̃ỹnyre timybo rurukre. ³⁴ Iny sòwehek̃ dirawyònyde: —Jiar̃yboho raholarenkyre bede ywina-ò. Tii rarybere: —Tiiemy Kristu rarehyymy rarekre. Timybo kai tarybeteri: —Biwaukokremy. Mobo tahe Deuxu Riòre Hãbutyhyh̃k̃my tuu tarybeteri. ³⁵ Tahe Jesuisi dirawyònyde: —Urihimyòle loosòna awana rariamy ratxireri. Idi atxiteriule idi mariake, bede luru atxi kanakelau. Inyõ bede luruki rariakeki, tiobo rake rieryòhyre. ³⁶ Waloosòna atxiteriule, biwatyhynke waloosònamy, taile waloosòna mahãduõmy boibeke. Kiarybe rahu-di tahe Jesuisi iribi rexitamy rexiwore. ³⁷ Tii sòwemy bedet̃id̃ỹna ikoreny-txi riwinyre. Ihãrele tahe sòwemy rityhynyõre. ³⁸ Kia tahe Isaia tyryiti-ki

roire, tahe iwesele tuu rarybere wese wiji r̃yira rot̃ỹnyre:

—Wanyr̃y, Iny rybe t̃ỹnyd̃ỹnarenky tii-boho rityhynyòhyre, Deuxu taruru tamy riteòsinyrehãrele rityhynyõre.

³⁹ Tai rityhynyòhyre. Isaia, Deuxu rybedu ijõmy ròritid̃ỹre:

⁴⁰ —Deuxu riruet̃anyre, irayky ritered̃ỹnyre. Tai rieryòhyymy robiòhyymyh̃re. Tiu heka Deuxu rityhynyòhyre. Tiu riteytenyòhyre.

⁴¹ Isaia Jesuisi loosònamy robire. Tai tahe tuu ròritid̃ỹre. ⁴² Ihãrele tahe dohod̃ỹna mahãdu wedule sòwemy rityhynyre. Urile fariseu mahãdu òrarukile, ijõ-ò tuu rarybeòre, dohod̃ỹna mahãduy-ribi riòlòd̃ỹnyheny. ⁴³ Tiiboho dori Deuxu wowydyna luurenyõre inywowydynale luurenyre.

⁴⁴ —Iny riwatyhynymyh̃keki, wadeòd̃ỹdule rityhynymyh̃re. ⁴⁵ Inyõ wamy robikeki, iule wadeòd̃ỹdumy robike. ⁴⁶ Jiar̃y loosòna wesemy anade bede-ò. Tai tahe iny riwatyhynkeki, bede luru ribi ròhònyke. Tai heka anade. ⁴⁷ Inyõ warybe-ò roholake hãrele riywinyòkeki, tahe jiar̃y tii wiji ariywid̃ỹnyòke. Jiar̃y dori tarasaduhyylemy anade. ⁴⁸ Inyõ riwatyhynyòkeki, warybe-ò roholaòkeki, ikonana txuu tahe ywisid̃ỹna-ò ralòke, warybe-ò rityhynyòmyhyreki aõhòk̃my d̃ỹnana-ò heka kia ralokre. ⁴⁹ Jiar̃y ixi rayky-ribi aõkõ rarybemahãre. Wahale rybe wadee riwahinymyh̃re. Kia wesele relymahãre. ⁵⁰ Deuxu rybe bede ywina-di diwateònyde umytuedeòna wahid̃ỹna kia rare. Kiale heka reeryre.

13¹⁻³ Pascoa worana bedehesi txumy txuu r̃yire. Tahe Jesuisi rexieryre ixby tyby-ò ròðsekremy ih̃re, ibeded̃ỹnana iòhòmy roireki. Tule rexieryre tyby ibutumy tamy riwahinyremy. Tii tyby-ribi nade tule

ixybyle tamy rakemy. Txioro roxinau Jesuisi taerydỹña mahādu-wana riroximyhỹreny. Judasi Isariò (Simaò riòre) taile ratximyhỹ. Juhuu diabo tamy rarybere iruule Jesuisi rityhenykemy. ⁴Jesuisi sōwemy taerydỹña mahādu luure. Tai tahe rỹire, tatytyre ludu ritare òsuròna rimyre, idi rexiwetyataare. ⁵Hynaro-ò bee ritxiwire taerydỹña mahāduwaa risuhokremy tahe òsuròna-di tawetya-ki ihỹmyhỹ-di iwa rirubudỹnyre. ⁶Tahe Jesuisi rehemynyre Simaò Pedro-ò, Pedro rarybere: —Aòkòre kai wawareny suròdòòmyke. ⁷Jesuisi rirawyònyre: —Kai heka teeryòte aòherekibo resuhòreri. Ihewo-ribi tahe bierykre. ⁸Pedro rarybere: —Aòkòre, wawasuròdòdỹòmy. Jesuisi rirawyònyre: —Arisuhòòkeki wawanahyy aòkò mabeke. ⁹Pedro rarybere: —Wawasohojile aòkò bisuhokre, wadebò warati-wana tule wahe. ¹⁰Tahe ritỹnyre Jesuisi; inyò rōhōre-wana iwale rasuhòke. Iuhe ibutumy tyralemy rỹimyhỹre. Kaiboho yralemy toite. Sohoji tahe aòkòre. ¹¹Jesuisi tatyhedỹdu rayky rierymyhỹre. Tai tahe rarybera, ibutumy aòkò tyraremy.

¹²Jesuisi iwasuròdò rexihureu, tatytyre ludu retynyra roxina-ò ròsere. Tamyreny rỹraxe: —Kaiboho teerytenyte. Aòhebo jiarỹ kia ratỹnyra. ¹³Adeereny aritỹnykre. Kaiboho tiwaninitenyte anyrỹmy, aòhe inatyhy? Aerydỹdumy, inatyhy heka jiarỹ rare tahe òbitimy tarybetenyte. ¹⁴Jiarỹ aerydỹdureny anyrỹreny heka awareny resuhore. Tai tahe kaiboho wiwa bisuhòbenykre. ¹⁵Iwese jiarỹ rexideòsinyre wese kaiboho biwinybenyke. ¹⁶Inatyhymy adeereny ararybekre. Deòdu dori tawedu ratyre aòkò rare. Rybe-ò ijohonadu dori rybedutyhy ratyre aòkò rare.

¹⁷Kia warybe teerytenyte. Tahe biwinybenykeki bedèòbynatyhy adeereny kanakre. ¹⁸Ibutumy umyreny aòkò rarybereri jiarỹ araeryrenyre, aratarenyrekre, wahe. Rybe tyriti-ki roire kiamy:

—Kia wawana riroximyhỹrele heka riwatyhenykre. Ele elemy tuu rotỹnykre.

¹⁹Wiji rarybereri heka wylemy kia tuu rotỹnykre. Tuu rotỹnykreule, kaiboho bierybenykre òbitimy raryberé wahe; jiarỹ biwatyhynybenykemy wahe. ²⁰Inatyhytyhymy ararybekre: —Inyò adee aditeònykre. Inyò tii rityhynymy kididykeki, tii riwadymyhỹre. Inyò kidiwadykeki wadeòdỹdu ridymyhỹre, Deuxu rityhynymyhỹre wahe.

²¹Tahe Jesuisi rabadewonihikỹmy rononymhỹ. Tahe rarybera: —Iny sohojiò ayreny-ribi riwatyhenykre.

²²Tahe wii riijerijerenyre. Mokobo rarekremy rōhōtinyrenyre. ²³Jiarỹ, Joaò Jesuisi weribi ranywỹhỹ, tii dori sōwemy waluure. ²⁴Tahe Pedro wadee narybewasidi: —Tamy inihe myraxe mo bo raremy. ²⁵Tahe jiarỹ retorunyre: —Wanyrỹ, mowexe ratxireri. ²⁶Jesuisi rarybere wadee: —Kia orotxu ituudỹ tamy ariwahinykrele tiikre. Tahe Jesuisi orotxu yre rituunyre idi tahe Judasi Isariò-ò riwahinyre. Tii Simaò riòre rare. ²⁷Tahe Judasi riyre. Iribi tahe Satanasi aòwesele tamy ralore. Jesuisi heka Judasi-ò rarybere: —Aòhebo botỹnykre wylemy makre biwinykremy. ²⁸Tahe riroximy rỹimyhỹ mahādu rierỹore aòmybo Jesuisi rarybemyhỹ. ²⁹Judasi Isariò dori nieru hyna yrubudỹdu heka rare. Tai tahe rōhōtinyrenyre Jesuisi worana bedehesi aòna aòna riwykemy riteònyre, ada iny aokòdu mahādu-ò nieruò riwahinykemy. ³⁰Judasi orotxu yre riymy rahudi tahe rōhònymy rare bedè luru-txi.

³¹ Judasi ròhònymy rahudi tahe Jesuisi rarybere: —Wiji tahe Deuxu Riòre Hābutyhyhykỹ loosònamy iny robimyhỹre tarakywo-ki. Tii heka jiarỹ rare. Deuxu-ò waðraru-ki wowydyna riwahinykre. ³² Deuxu loosònamy tahe waki iny robikeki, Deuxu riwatoosònyreri aõwesele ibutumy iny tuu robike. ³³ Waluudu mahādu wariòre wesemy atximahātenyete, umywanareny urihimyoðe ararekre, idi tahe arakre. Tahe biwaijebenyhārele waki mahabenyõtyhy. Iwese judeu mahādu-ò rarybere wesele adeereny ararybekre: —Titxibo arakre-ò kaiboho boibenyòke. ³⁴ Bede ywina tỹmyra wese adeereny ariwahinykre kiamy wahe: —Wiluurenykemy wahe: —Iwese jiarỹ aluurenyre wese tule kaiboho wiluurenyke. ³⁵ Wiluurenykeki ibutumy iny rieriynykre kai waerydỹna mahādumy tate.

³⁶ Tahe Simaõ Pedro ritỹraxyre: —Wanyrỹ, titxibo kai makre. Jesuisi dirawyònyde: —Titxibo arakre-ò wiji kaiboho boibenyòke, iribi tahe wahemy bodoikre. ³⁷ Tahe Pedro rarybere: —Wanyrỹ aõherekibo araõkre wiji ahemy waumy kie aõraru-ki ariwahinykemy watxireri. ³⁸ Inatyhymy aõbo aumy biwahinykre waðraru-ki. Inatyhytyhymy ararybekre: —Hānie hābu robukõule kai biwatxiõnykre inataõmy.

14 Kaiboho bededtiidỹrenyõmyke bedewona-ki. Kaiboho Deuxu tetyhynytenyete, tai tahe biwatyhinykre. ² Wahasỹ-ki sòwemy sỹỹ rỹimyhỹre kialemyre heka tai. Kaweseõkeki adee inatyhymy rarybemahāre. Jiarỹ tahe arakre sỹỹ adeereny ariwinykemy. ³ Ariwinymy arahudi tahe ixbyle aòrysmy adòðsekre. Tahe aradyrenykre titxibo-txi aratxireriò kaiboho tule matxibenykre. ⁴ Kaiboho dori teerytenyete titxibo wasỹry roire. ⁵ Tahe Tome rarybere tamy: —Wanyrỹ,

titxibo makreò reerykõrenyete. Tai tahe timykibo asỹry reeryrenyemy. ⁶ Jesuisi dirawyònyde: —Jiarỹ wa rry rare. Deuxu inatyhyna jiarỹ rare. Umytuedeõna wahidỹdu jiarỹ rare. Inyò waðrarukile Waha dee rakre. ⁷ Kaiboho tiwaerytenyete-wana tule Waha teerytenyete. Wiji tyhyule Deuxu teerytenyete, tuu tabitenyete. ⁸ Idi Filipi rarybere: —Wanyrỹ, boo inydee biteòsinyke, tai tahe awike. ⁹ Tahe Jesuisi rarybere: —Filipi, sòwemy bededỹnana umy-wana rewyre. Ihārele tahe tiwaeryòte. Inyò wadee kanakeki, Wahamy robike. Aõherekibo wadee tarybeta boo wadee biteòsinykemy. ¹⁰ Jiarỹ Waha-ki watxiwāhāre tule Waha waki ihỹre. Kia aõbohe tetyhynyòte rarybewāhāre, kia iximy aõkõ rarybewāhāre. Waha waki ratximyhy tii taõmydỹnanamy rotỹnyre waumy-ribi. ¹¹ Waha-ki watxiwāhāre, tule tii waki ihỹre, kia bityhynybenyke. Aõwiwihikỹ rewinywāhāre òraru-ki biwatyhynybenyke. ¹² Inatyhytyhymy adee ararybekre: —Inyò riwatyhinykeki, wawesele aõwiwihikỹ riwinykre. Tahe watyreleaò riwinykre. Jiarỹ dori Waha-ò arakre. ¹³ Tai wanimy aõmy bexitðenybenykeki, tii tahe ariwinykre. Iny Waha-ò wowydyna riwahinykemy idi watxireri, iRiòre wahe jiarỹ rare. ¹⁴ Tai aõma wani-ò bexitðenybenykeki, tii tahe riwinykreadeereny. ¹⁵ Inyò waluukeki tii wabede ywina riwyntytyhyke. ¹⁶ Waha-ò arexitðenykre ijõ wiòhedỹdu adeereny kiditeònykremy waderòwymy. Tii aõu aõu adeereny hyyle rarekre. ¹⁷ Tii Deuxu Tyytybytyhy rare. Tii inatyhynamy rieriynyre, iny bede bede mahādu wahe. Deuxu Tyytybytyhy ixidee ridykemy. Tuu dori robiõtyhy rieriõtyhy. Kaiboho tahe teerytenyete. Tii dori umywanareny ratximyhỹre,

aworeny-ki ratxikremy. ¹⁸ Jiarỹ aworeny-ki ratxikremy. heka ixisohojimy ararisidỹnyõtyhy. Jiarỹle adee adooskre. ¹⁹ Wijile arurumy arakre bederibi. Bede bede mahadu tiu wamy robiõtyhy. Kaiboho tahe wamy bobilebenykre, jiarỹ dori ixityre rubu-ribi adexixamy ararekre. Tai tahe tule kaiboho rubu-ribi bexixamy boibekre. ²⁰ Kia txuu kaiboho bierybenykre jiarỹ heka Waha-ki watxiwãharemy. Kaiboho tasỹ waki ahãtenyete. Jiarỹ tule akireny watxiwãhare. ²¹ Inyõ wabede ywinareny dikeki tahe, riywinykeki, waluuu rare. Waha tule iluukre. Jiarỹ tule iluutyhyre. Tamy tule arexideõsinykre. ²² Judasi tamy rarybere: (aõ Isariõ aõkõ kỹny, iwitxiraõ.) —Wanyrỹ, aõhekremybo wadeereny bedexideõsinykre tahe bede bede ludu mahadu-õ aõkõ wahe. ²³ Jesuisi rarybere: —Inyõ waluukeki, wabede ywina riywinytyhyke. Waha, heka iluutyhykre. Jiarỹboho tamy adoidenykre tamysỹmy. ²⁴ Iny waluuõkeki, warybe tiu rityhynyõtyhy. Aõ warybe-di aõkõ heka rarybereri. Waha wadee riwahinyredi heka rarybereri.

²⁵ Tai arakrekoki tuu rarybereri adeereny. ²⁶ Tahe Deuxu Tyytybytyhy, awiõhedỹydu, tii araerynanykre ibutumy aõna aõnamy. Timybo jiarỹ adeereny raryberemy akananohõtiijaranydenykre. ²⁷ Ywina adeereny adiwahinykre waywina wahe. Iwese bede bede ludu mahadu riwahinyhyre wese aõkõ ariwahinykre. Uritere nohõtityreõmy brebuõmy. ²⁸ Rarybere dori arakremy tule adooskre. Waha waratyre rare. Tamy he arakre. Kaiboho waluukeki, beysabenykre tamy arakreu. ²⁹ Kaa bede reakoki tuu rarybereri. Tuu reakreu tahe, kaiboho biwatyhinybenykre. ³⁰ Sõwemy heka adeereny ararybeõkre, bede dinodu dori tehemyntsỹ iõhõmy

ihỹre, Satanasi wahe. Tii heka wadee iruruõhyre, riwateõnyõtyhy. ³¹ Jiarỹ Waha luure. Rewinywãhare aõbo Waha ariwinykemy riwateranymyhyre. Botamanyke: —Ròkòirenyke.

15 Hãjutõ òwõna wese wihikỹ jiarỹ rare. Waha tahe bede rade wysydỹydu wese rare. Bede òbeure iratyõkeki iõ riòròke. Iratydikeyi iõsõmo iribi risihere. Tai tahe sõwetyhymy nihikỹmy raratynyke. ² Kaiboho bede rade-ò wesemy toite. Warybe-di aõsõmoreny aribireny resihamahãre. Katahe òbitimy toite bederatymy raratynykemy. ³⁻⁴ Kaiboho biwamymy wadi myikre. Iwese bede radeõ raòròomyhỹkeki irulemy rỹikre raratynyke. Aõkõkeki ruruke. Kaiboho iwesele toite. Waki beàrenyõbenymyhykeki, tiu Deuxudeewimy atxibenyõtyhy. ⁵ Jiarỹ hãjutõ òwõna wese rare. Kaiboho ibede radeò wese toite. Waki beerenybenykeki, jiarỹ aki ararike, tai bederaty wese sõwemy maratynyke. Wahoõkeki tiu aõ biwinybenyõtyhy. ⁶ Inyõ waki rariõkeki, iwese iny bede rade rubu-di rahuleke, tii iwesele inyõ rahukre. Juhuu rimyre, idi heõty-ò rehure, tai roomyhyre. ⁷ Kaiboho waribi boibenyõkeki, warybe õhõt-ribi rosaõtyhykeki, aõtaxina wadee bexitðenybenykre, tai ibutumy adee ariwahinykre. ⁸ Iwese bede rade sõwemy raratynymyhyre wese, kaiboho, aõna aõna wiwihikỹ biwinybenyke Deuxu dee. Kiakeki tahe Deuxu deãlana sõwemy ritakre. ⁹ Iwese Waha waluuure wese jiarỹ aluurenyre waluuna-ribi boibenyõke. ¹⁰ Wabede ywina inyõ riywinykeki, tii waluuna-ribi raõtyhy. Iwese Waha bede ywina reywinymyhyre wese tahe Waha luuna-ribi jiarỹ tiu rahõnyõhyre. ¹¹ Wadeysana awo-ki ratxikemy jiarỹ adi watxireri. Eysana sõwemy mabekemy adi

watxiwāhā. Tai tahe warybe adee rarybere. ¹²Wabede ywina heka kaa rare: —Wiluukemy. Iwese jiarỹ aluure wese wiluurenykemy. ¹³Inyõ taery dee rurukeki taluunadireki, tii luunatyhy ijõdire. ¹⁴Kaiboho wadeewi biwinybenykwana tai inatyhymy wabiõwa toite. ¹⁵Tahe aõ wadeõdumy aõkõhe aranimirenykre. Kaiboho wabiõwa toite jiarỹ dori Waha-ribi raholare adee tuu relywāhāre. ¹⁶Kaiboho tahe tiwatatenyõhytte, jiarỹ tahe aratarenyre kaiboho boibenykemy. Sõwemy aõna aõna wiwihikỹ botỹnybenyke. Tule kia aõna aõnamy tule roihykemy. Tai tahe aõmy Waha-ribi wani-di bexitõenybenykeki, adee riwahinyhy rareke. ¹⁷Wiluubenyke: —Kia tahe wabede ywina adeereny adiwahinyde. ¹⁸Bede ludu iny mahādu eramy reakeki myỹ uritere nohõtĩomy juhū dori waderamy waluuõre. ¹⁹Kai bede ludu iny tate-wana iny aluuke, tahe aõkõre. Tai tahe iny eramy reamyhỹre. Bede ludu mahādu ribi jiarỹ aratara. Bede ludu mahādu aõkõ tate urenana. ²⁰Adee heka rarybere aõmybo. Uritere iribi nohõtĩ lusaõmy kia wahe: —Deõdu tawedu ratyre aõkõ rare. Tai wadee aõbina binamy iny rotỹnymyhỹre. Adeereny tule aõmy rotỹnykremy wahe. Tiiboho warybe riwinyrenykeki, arybe tule tiiboho riwinyrenykre. ²¹Kia tahe adee ratỹnymyhỹre wanimy rybe òraru-ki, tiiboho dori wadeõdỹna rieryõreki. ²²Tuu ararybeõre wana inihe tiiboho òrarudiõhyrenyre. Katahe rarybere tai tahe tiiboho rarybeõtyhy rieryõremy. ²³Inyõ waluuõkeki, tule Waha luuõtyhy. ²⁴Jiarỹ heka ibutuko-ò wowydina iitxerenarenymy rewinyõrewana, tiiboho iòrarudiõhyre inihe. Tahe rewinyamahāre, tuu robimyhỹrenyre, ihārele tahe waluuõre tule Waha

luuõre. ²⁵Kiamy heka rotỹnyre bede ywina ritidỹna-ki roireki. Tai heka tuu rotỹnymyhỹre. Kiamy wahe ritidỹna-ki roire:

—Tii heka bede òraru aõkõ rare, ihārele tahe iluuõrenyre.

²⁶Deuxu Tytybytyhy adee ariteõnykre. Tii, wiõhedỹdu rarekre inatyhynamy riernanykre. Tahe, tii kedeheinykre wamy rarybekre. ²⁷Tule kaiboho wamy marybebenykre, wawana hyh ahātenyeki.

16 Kiamy adee rarybemahāre òraruna-txi ixekemy.

²Tiiboho heka anatakre tohodỹna hetowo-ribi. Kobe, bede dỹnana iõhõmy kadeakreu inyõ anarubunykeki, kia Deuxudeewimy tuu konohõtinykre. Tii Deuxu wiõhedỹdu raremy ixi-di kōnohõtinykre. ³Tiiboho Waha rieryõhyhỹrenyre tule riwaeryõmyhỹre. Tai tahe kiamy adeereny rotỹnymyhỹrenyre. ⁴Iu adeereny aõmydỹnana kedeheinykre, õhõtireny itxi reake timybo adeereny relyyretxi. Tiu heka tuu rarybeõhyre, umywanarenyhy dori wāhāre. ⁵Katahe arakre wadeõdỹdu-ò. Kaiboho bỹraxisbenykekõ aõbo tiobo arakre-ò.

⁶Kaiboho heka tabedewomy toite kamy rarybereriki. ⁷Ihārele tahe inatyhymy adeereny ararybekre: —Adeereny awikre arakreki wahe. Jiarỹ araõkeki awiõhedỹdu, Deuxu Tytybytyhy kanaõkre. Arakeki tahe tii aditeõnykre adeereny. ⁸Iu kanakreu, tii inydee kiditeõsinykre irayky binadiremy, iõbitina-di aõkõremy, iòrarunadiremy. Deuxu dori òrarudu riwisiidỹnykre. ⁹Taòraruna ixidee kiditeõsinykre tiiboho riwatyhinyõrenyriki. ¹⁰Tahe ixidee kiditeõsinykre. Jiarỹ iratyre waõbitina direki. Waha-ò dori arakre, wamy bobibenyõtyhkemy. ¹¹Deuxu ixiwisiidỹna ixidee kiditeõsinykre kabede dinodu dee rarybere tii

rexihukremy. ¹²Jiarỹ heka sōwemy adee ararybekemy watxireri, ibutumy tahe isiramy ixidee bohola benyke. ¹³Txiõhe rare. Deuxu Tytybytyhy kanakreu, inatyhymy adeereny rarybekre inatyhyna-di ibutumy. Tarybe-di tahe rarybeõkre. Deuxu-ribi aõmybo roholaremy tahe rarybekre. Tule timybo aõna aõna rarekremy kanarybekre. ¹⁴Tii waaõmydỹnana adeereny ritỹnynykre. Tai kidiwatoosõnanykre. ¹⁵Ibutumy Wahahõrõ heka wahõrõ rare. Tai heka tuu adeereny rarybereri waaõmydỹnana adeereny kiditỹnynykre. ¹⁶Urihimyò riõre heka waõkre, idi tahe ixityre wamy bobibenykre. ¹⁷Tahe ijõ ierydỹna mahãduõ widee rarybere: —Timybo tii rarybere: —Urihimyò iõkremy tii rarybereri, tule ixiryre wamy bobibenykre. Tule Waha-ò arakre. Timybo heka rieryrenyõhyre aõmybo rarybera. ¹⁸⁻¹⁹Tiiboho Jesuisi-ò rỹraxirenykre ratxirenyreri. Tahe Jesuisi rierymyhỹre tuu rỹraxikre. Tahe Jesuisi tamyreny rỹraxire: —Kaimy ixidee tỹraxitenyteri. Wananamy waõkesenalemy. ²⁰Inatyhymy adeereny ararybekre: —Iny bede mahãdu urile reysakre, kaiboho tahe araeryreny urile mahinybenykre, birajuabenykre, mabedewobenykre. Idi tahe kaiboho beysabenykre. ²¹Iwese hãwyy ijera iõhõreki, rabe-dewomyhỹre, taaõhõkỹmydỹnana-di rõhõtinyhỹre. Idi tahe reamyhỹre. Iu tahe tõhõti rosamyhỹre tohouã tỹmyradile reysamyhỹre. ²²Iwesele kaiboho mabedewobenykre, ixityre wamy bobebenykre tahe, kaiboho beysabenykre. Inyõ heka deysana aribireny ritaõtyhy. ²³Kiatxu tahe uritere watỹraxidỹõmykre inatyhymy adeereny rarybereri. Waha-ribi aõmy bexitõenybenykeki. Tii adeereny kidiwahinykre wani õraru-ki. ²⁴Tiu

heka aõmy texitõenytenyõmahãte wani-di. Bexitõenybenyke, tai bitabenykre. Tai tahe kaiboho beysabenykre.

²⁵Ibutumy rybewõtemy adeereny rarybewãhãre wahe. Idi tahe tuu adeereny ararybeõkre. Idi tahe itỹntyhymy Waha aritỹnynykre adeereny. ²⁶Kiatxu tahe bexitõenybenykre wani-di jiarỹ ararybeõkre umyreny Waha-ò. ²⁷Waha dori aluurenre, kaiboho waluurenreki, Deuxu-ribi anade tetyhynytenyteki. ²⁸Waha-ribi anade, bede-ò adehemynyde ihãrele bede-ribi arakremy Waha-ò. ²⁹Jesuisi ierydỹna mahãdu rarybere: —Wiji tahe itỹntyhymy tarybeteri. Rybewõt-di aõkõ tarybeteri. ³⁰Kai ibutumy teeryte. Inyõ dỹraxiõmy adee. Kai inatyhymy Deuxu-di tanate. Kia jiarỹboho retyhynyreny. ³¹Tahe Jesuisi tamy rỹraxire. Inatyhymy wijityhyle tetyhynytenyta. ³²Wabededỹnanamy heka reara. Kaibohoõ sohoji sohojimy tasỹ tasỹ-ò rakre. Biwaribenykre ixi sohojilemy arỹkre. Tahe ixi-wana aõkõ watxikre, Wahawanale arỹkre. ³³Kaheka aõna aõnamy adeereny rarybere ywina-di araykyreny-ki boibekre. Bede-ki kaiboho aõhõkỹmy botỹnybenykre. Ihãrele beysabenyke, Jiarỹ heka Deuxu òludu mahãdu-di ròtara.

17 Jesuisi rarybemy rahudi tahe retehere biu-ò rarybere: —Waha, wabededỹnanamyhe reara. Ariõre watxiwãhãre. Wowydyna wadee biwahinyke tai tahe adee wowydyna adee ariwahinykre. ²Kai, Waha, ibutumy wadee ruruna tewahinyta iny deòdỹnamy. Tai umytuedeõna ariwahinykre biu-ò hedu mahãdu-ò. ³Kia heka umytuedeõna rare: —Deuxu inatyhy tate sohojihyy tate. Tii araeryrenykeki tahe eòdỹna Jesuisi Kristu rieryrenykeki. Kia

umytuedeõna rare tamyreny. ⁴Aõ aõmysd̃ỹnabo wadee tewahinyte, ibutumy adee rewinyre. Tai heka arawowydynra kabede-ki. ⁵Iu bede rexidelenyre umywanahyy rarewāhā. Sōwemy loosõna nihik̃y-di rawāhāre. Tahe wiji, Waha, kia loosõnale ixityre bidiwahinykre umywanahyymy ararekre. ⁶Kai iny mahāduō wadee tewahinyte bede mahādu-ribi. Tamyreny umy rarybemahāre. Juhu tiiboho ahōrō roire. Idi wadee tewahinyte. Tiiboho arybe riywinymh̃yre. ⁷Ibutumy waaõmyd̃ỹna aribi retamahāre. Kia heka wiji tiiboho rieryrenyra ibutumy aribi nade. ⁸Aōrybebo wadee tewahinytamy tamy rarybemahāre. Tiiboho rityhynyrenyre, rieryrenyre aribi jiar̃y anade, kai wateòd̃ỹdu tate. ⁹Iòraru-ki adee rexitòdenyre. Tiiboho amahādu roire. Wadee tewahinyte, bede mahādu-ò raru-ki aõkō adee rexitòdenyre. ¹⁰Ibutumy wahōrō, ahōrō rare. Tule ahōrō, wahōrō rare. Tai heka iny mahādu riwatoosònanymh̃yre. ¹¹Jiar̃y adee arakre tai kaki arareòkre. Tiiboho heka kaki rarirenykre. Tiiboho biyrubunykre, Waha, ani òbiti-di biyrubunyke, wadee tewahinyteki. Tai tahe iraykyreny wiwesehyymy roirekre. ¹²Tiiboho-wana rarewāhāu ani òraru-ki reyrubunymahāre, wadee tewahinyteki. Timy heka reõnonyōhyyre ijō, sohojile tahe reõnonyre. Juhuu dori Ritid̃ỹna roire ijō sohojiō ariõnonykremy. Ihyy tahe reõnonyre, Judasi Isariò ònod̃ỹduhyymy rarekre. ¹³Ka tahe arakre arora-ò. Tii heka inyō rarybemahāre ibutumy wadeysana iworeny-ò ralòm̃yh̃ykemy. ¹⁴Jiar̃y arybe tamyreny rewahinymahāre. Bede mahādu iny dori terarenyre, tiiboho bede mahādu iny aõkō roireki. Iwese jiar̃y bede ludu hābu aõkō rare wese. ¹⁵Bede-ribi tarasamy aõkō

heka adee rexitòdenyre. Urile ibina bina wid̃ỹy-ribi biyrubunykeny. ¹⁶Tiiboho tahe wiji ijō bede witxira ludu roire, iwese jiar̃y rare wese, wahe. ¹⁷Arybe-di tiiboho biòbitinyke, tai ahōrō mahādumy rarekre. Arybe dori òbitityhy rare. ¹⁸Iwese bede iny-ò tadiwateònyte wesemy, Jiar̃y tiiboho reteònyre bede ludu mahādu-ò rarybekremy. ¹⁹Tamyreny xiwena wesemy adee arexiwahinykre. Òbitihyymy ararekre, tai tiiboho òbitihyymy roirekremy inatyhyna-di. ²⁰Aõ tamy sohojile aõkō heka rexitòdenyre. Ibutumy kia rityhynymy r̃yirakre-ò dori rexitòdenyre. ²¹Tai tahe ibutumy wiwese wesemy rōhōtynyrenykre. Iwese, Waha, kai waki atxiteri wesemy tule aki watxireri wesemy tiiboho iny-ki roirekre. Tai bede iny mahādu rityhynykre ateòd̃ỹna watxireri urenana. ²²Kai loosõna wadee tadiwahinyte, tahe tamyreny rewahinyre. Tiiboho sohojihyy weselemy roirekremy, iwese iny sohojihyy rare wesemy. ²³Jiar̃y taireny wāhāre, kai waki ahāte. Tai tahe inyboho butuhyymy rokoirekre. Wii riòbitinymh̃yrenykre. Tai bede mahādu rierykre tadiwateònyteki. Tule wamahādu luu tate urenana Waha, iwese waluure wese. ²⁴Waha, titxibo ararekre, tiiboho wawanahyymy roirekre, wamahādumy wadee tewahinyteki. Tai tiiboho waloosònamy robikre. Kai dori bede ihokōule waluure, tahe loosõna wadee tewahinyte. ²⁵Waha òbiti, bede mahādu araeryōre Jesuisi tahe araeryre. Wamahādu tule rieryre tadiwateònyte. ²⁶Jiar̃y tiiboho reerynanyre ani-di. Ihāre ta arierynanykre. Tai aluuna iwese waki ratxireri wesemy taireny rarekre, tule jiar̃y taireny ararekre.

18 Jesuisi rexitòdenymy rahudi tahe roirenyre taeryd̃ỹna

mahādu-wana Cedrō beàwe-ribi kowa ijā-ò heka reuròrenyre, tahe bederaty oworuro-ò rirònyrenyre. ²Judasí heka Jesuísi tyhedýýdu heka ibede rieryre, Jesuísi dori taerydýýna mahādu-di tamý rahyymyhýre. ³Tahe Judasí, soldadu mahāduō tadinodu-wana ributunyre. Fariseu mahādu-ribi xiwena wedu wahidýýdu-ribi Judasí soldadu yrubudýýdu mahādu rihitxinyre tule xiwena deòdu mahāduō rihitxinyre tii-wana rakremý roirenyre. Tahe tamý ritehemynyrenyre tòbòra heòty-wana. ⁴Jesuísi rexieryre ibutumý aómybo tamý kodotýýnykre. Tahe iny mahādu-ò rexidorunyre. Tahe rýýraxire tamý: —Mowe teijetenyteri. ⁵Tahe dirawyònyde: —Jesuísi Nazare hāwā ludu rejjereri. Tahe Jesuísi rarybere: —Jiarý wa tiile rare. Tahe Judasí ityhedýýdu tii mahādu wanale nade. ⁶Jesuísi tamýreny rarybereu, tahe rexilòhòrarienyre iribi, tahe suòle reserenyre. ⁷Ixityre Jesuísi tamý rýýraxire: —Mowe teijeteri. ⁸—Jesuísi Nazare hāwā ludu, tiiboho dirawyònyde. —Rarybera tahe jiarý raremy wahe. Tiwajeteri-wana tahe biwadyke urile ixinamy waijoi rirahuke. ⁹Kawesemy wahe irybe hitxina wadee tewahinyteò heka tiu reònonýòhywāhāre. Jesuísi, kiamý rarybere tamýreny irybe hitxina wesemy ibutumý tuu rotýýnykremý. ¹⁰Tahe Pedro tamaydese ritamý reare tahe xiwena wedu deòdu riwotòmonyre. Malòò heka inire. Pedro Malòò nohòti riorore ruuwe-ribi ludu wahe. ¹¹Jesuísi rarybere Pedro-ò: —Amaydese birutyke. Jiarý Waha deewimý aòhebo arotýýnykrekò aòbo wadi tahòtinyteri. Aòhòkýmý arotýýnyòkemy aòbo wadi tahòtinyteri. ¹²Tahe soldadu, tadinodu-wana, judeu yrubudýýdu-wana Jesuísi rimyre ritaataamy ridyre. ¹³Kia beòra Kaifa

xiwena wedu tyhy rare. Anasi iriòre labie rare. Tai tahe juhuu Ana-ò ridyre. ¹⁴Kaifa tahe juhuu judeu mahādu-ò rarybere: —Wiji beòramý hābuò iny mahādu òraru-ki rurukremý rahòtinyteri.

¹⁵Simaò Pedro inyò-wana rare Jesuísi hewomy. Kia Pedro-wana rare, kia xiwena wedutyhy eryna rare. Tai tahe ralore òtity ijòrore-di. ¹⁶Pedro tahe ahanakile rýire. Kia Pedro-wana rare. Rohonyre hetowo-ribi hetoijó-di itxeredu-ò rarybere, tahe Pedro ridyre hetowo-ò. ¹⁷Kia ijadòma, heto ijò-di itxeredu rarybere Pedro-ò: —Kai Jesuísi erydýkýna mahādunokò anobo tate. Tahe Pedro dirawyònyde: —Aòkòre. ¹⁸Tahe soldadu yrubudýýdu tai rahetòmý rýimyhý, heto ludu deòdu mahādu-wana txutàtà riki. Pedro iyreny kile rýimyhý rahetòmý.

¹⁹Tahe xiwena wedu tahe Jesuísi-ò rýýraxire. Aòhebohe aerydýýna mahādu-wana tadotýýnymahāte. Timybohe tebedeerynymahāte. ²⁰Tahe Jesuísi ritýnnyre: —Ibutumý inyko relyymahāre iwasimý aòkò heka relyymahāre. Judeu dohodýýna hetokile relyymahāre Deuxu dohodýýna heto-wana. Titxibo judeu mahādu ributunymyhýremý relyywāhāre. ²¹Tai aòherekibo wadee týýraxiteri. Myýraxike wadee ijohonadu-ò. Tiiboho ka rieryrenyre aómybo rarybere. ²²Jesuísi kia rarybereu, soldadu itxereduò rihetenyre. Tahe rarybere: —Tu heka rybeòmyke xiwena wedutyhy-ò. ²³Jesuísi dirawyònyde: —Jiarý ibinamy aómybo rarybera-wana, manarybeke tuu. Aòkòkeki, awimý rarybera-wana aòherekibo tiwahetenyte. ²⁴Anasi tahe Jesuísi ridykemy riteònyre tataanadihyyle Kaifa-ò, xiwena wedutyhy wahe.

²⁵ Kowa tahe Simaõ Pedro ratximyhÿre rahetõmy rÿimyhÿ. Inyõ rÿÿraxire: —Kai aõbo ierydÿÿna mahãduõ tate. Tahe rexitxiõnyre. Jiarÿ ijõ aõkõ rare. ²⁶ Xiwena wedu deõduõ Pedro-õ rÿÿraxire: —Tii heka Pedro ritõhõtiorore ijoiõ rare. Tahe tamy rarybere: —Umy taheka rabire tii-wana bederaty oworuro-ki atximahã-õ. ²⁷ Pedro ixityre rexitxiõnyre. Aõwesele tahe hãnie hãbu robure.

²⁸ Idi tahe Kaifa heto-ribi Jesuisi ridyreny ywisidÿÿna-õ bede dinodu heto-õ rudiulere. Tiiboho rirõnyõhyyre brebuna-di rexisunyrenyheny. Rirõnyrenykeki, tahe Pascoa worana bedehesi rÿsÿnaõ rirÿsÿõtyhy. Tiiboho dori rõhõtinyre rirõnykeki, brebuna raremy. ²⁹ Tahe Pilato rõhõnyre tamy rarybekremy: —Tahe Jesuisimy tamy rÿÿraxire kia hãbumy terajuatenyteri aõhebohe rotÿÿnyra. ³⁰ Tahe dirawyõnyde: —Aõbibina binamy rotÿÿnykõhyryra wana inihe aridyrenyõhyryeri. ³¹ Tahe Pilato rirawyõnyre: —Bidyke abede ywina rybe-di biywinyke. Tahe judeu mahãdu rarybere: —Wabede ywina rybe warubudÿÿmy rybe aõkõ rare. Inyõ heka arirubunyrenyõtyhy. ³² Kia rybe tahe Jesuisi rybe wesemy rare. Tii dori iximy rarybere timybo rurukremy. Tai timybo irybe hitxina wesemy raryberemy ibutumy rarekre.

³³ Ixityre Pilato ralore ywisidÿÿna-õ Jesuisi-õ rÿÿraxire: —Kai aõbo judeu mahãdu Iõlõ tate. ³⁴ Jesuisi ritÿÿraxinyre: —ÿraxina aõbo ahõrõ rare ada ijõ aõbo wamy kia rarybere. ³⁵ Tahe Pilato rarybere: —Jiarÿ wa judeu mahãdu aõkõ wãhare. Aõbinatyhymy aõbo he tewinyte. Judeu mahãdu wadee tiwadyte. ³⁶ Jesuisi dirawyõnyde: —Waiõlõna hãwã bede ludu aõkõ rare. Waiõlõna kaki ratxikeki wamahãdu wadee raaõbinanyke. Tai

tahe judeu mahãdu-õ riwawahinykemy aõkõ watxiwãhare. Tahe aõkõre kabede ludu aõkõ Waiõlõna rare. ³⁷ Pilato tahe rarybere: —Kai aõbo inatyhy iõlõmy tate. Tahe Jesuisi dirawyõnyde: —Kai ka wamy tarybeta. Kia-õ uludumy anade. Kia-õ anade, inatyhynamy arelyykemy. Inyõ inatyhynamy luukeki warybe-õ roholamyhÿre. ³⁸ Tahe Pilato rÿÿraxire: —Aõbo inatyhyna rare. Ta rybe rahudi tahe judeu mahãdu-õ rarybekemy rare. Tiu kÿny kahãbu-ki aõ ibinamy tai rahaõhyryra. ³⁹ Inyõ ariteõnykemy watxireri kaiboho wadi tõhõtinyhytyenyteri ka woranabedehesi-ki. Tahe judeu Iõlõ aõbohe ka ribi ariteõnykre ywihyyle. ⁴⁰ Tahe ixityre ibutumy rryrenyryre: —Kia hãbu aõkõre, Baraba biteõnyke (Baraba heka hãbu debore wasidu rare.)

19 Idi tahe Pilato Jesuisimy rerotiyhyta-di raõhõtekremy soldado mahãdu riteranyre. ² Soldado mahãdu edehẽkÿ rataanadile ira-õ ritidire, iumy tahe tylÿrehekÿ-di rityynyre iõlõtywesekemy. ³ Tamy rehemynymyhÿre: —Aõherebo iõlõtyhy wesena, tahe rihetenyrenyryre. ⁴ Pilato tahe ixityre rõhõnymy iny-õ rarybekemy: —Ixityresÿ adeereny redyryeri. Bierybenyke. Aõ heka tai ibinaõhyymy idi retehewãhare. ⁵ Tahe Jesuisi rõhõnyre ede rataana-di tylÿrehekÿ-di. Tahe Pilato tamy rarybere: —Kakÿnyhe tiire. ⁶ Tahe xiwena wedu mahãdu, yrubudÿÿdu mahãdu tuu robireu, rryrenyryre birubunybenyke, itxẽõ dee bitamadÿÿnyke. Pilato rarybere: —Kaibohole itxẽõ-di bitamadÿÿnybenyke. Jiarÿ tahe tai ibinamy aõki rahaõhyymahãre. ⁷ Tahe judeu mahãdu rarybere: —Jiarÿboho kÿny wabede ywina renydire. Rurukemy heka tuu bede ywina roireri, tii dori Deuxu Riõremy rexininimyhÿre. ⁸ Pilato kia-õ roholareu tahe, ruberutyhyre.

⁹Ixityre ralore ywysidỹña heto-ò: —Rarybere Jesuisi-ò, tiribi wexe tanate. Jesuisi rirawyònyòhyre. ¹⁰Tahe Pilato rarybere: —Bidiwarawyònyòkre aõbo. Jiarỹ warurudire anarubunyke aõbo ada arateònyke aõbo. ¹¹Jesuisi rirawyònyre: —Aruru-di aõkò tate. Deuxu kidiwahinykekile tahe biwateònyke ada biwarubunyke. Tai tahe adee wawahidỹydu aratyre iòraru dire. ¹²Tai tahe Pilato iteòdỹmy rurure. Tahe judeu mahādu tamy rryre: —Kai biteònyeki tahe, Iòlò Cesar biòwa aõkò tate. ¹³Kiarybe-ò Pilato roholareu tahe, Jesuisi diòlòdỹnyde ahana-ò. Pilato tahe ywisidỹña ryna-ò rexisỹnyre. Kia ubeni heka Rirana Ijāti inire. Tahe judeu rybe-ki heka Kabata inire. ¹⁴Pascoa worana bedehesitxu sexta feira rỹire. Txutyre iòhòmy tahe bede rỹire. Tahe Pilato rarybere judeu mahādu-ò: —Betehebenyke aiòlòreny-ò. ¹⁵Tahe tiiboho rryrenyke. Bidybenyke! Itxeònihikỹ-ò birubunybenyke. Pilato tahe tamy rarybere: —Aiòlò aõbo, birubunybeny. Tahe xiwena wedu rirawyònyre: —Iny iòlòreny sohojile wa rare: —Cesar heka inire. ¹⁶Tahe Pilato Jesuisi tamyreny riwahinyre rirubunyrenykeny.

¹⁷Tiiboho heka Jesuisi ridyrenyke. Iitxeò tamy riwahinyre idi retyykreny. Tahe Kalvariu-ò idi ridymy rare. Kalvariu heka Kòkòta inire judeu rybe-ki. ¹⁸Tai itxeò nihikỹ dee ritamadỹnyre ijõ hābu inatxiò-wana Jesuisi itxeònihikỹ itya-ki rỹire. Hābu wiò wiòmy idi rỹire. ¹⁹Pilato riritinyre ritidỹña-ò Jesuisi tyre-ò ritidire. Kawesemy ritidỹña roire: —JESUISI, NAZARE HĀWĀ LUDU, JUDEU MAHĀDU IÒLÒ. ²⁰Hāwā-ribi ireheriòremy roire. Tai tahe sòwemy judeu mahādu tuu robire iritidỹñamy. Inataõ rybemy witxira riti heka inataõmy roire. Judeu rybe ijõre,

latim rybe ijõre, grego rybe ijõre. ²¹Judeu xiwena wedu mahādu Pilato-ò rarybere: —Judeu mahādu Iòlò rarybere: —Iritidỹòmyke wa. Kawesemy biritinyke: —Tii rarybere judeu mahādu Iòlò raremy. ²²Tahe Pilato dirawyònyde: —Iwese reritinyre wesemy rarehykre.

²³Soldado Jesuisi itxeònihikỹ-ò rita-madỹnyry rahudi tahe, ityy ritxu-atxuakremy diwyde. Inaubiòwa heka riywinyra. Wirarea riwykremy soldado mahādu idi rỹireri. Iyhyitxena tahe iretydyna-di aõkò rare. ²⁴Tahe ijõ widee rarybere: —Iyreyredỹrenyòmyke wa urile ta idi rikihurenykre mobo ritakremy. Kia ryberiti-ki tuhy roire:

—Watyy ritxuatxware ijõ yre wimy riywinyrenyke. Tule wayhyitxena tyre-ki rehurenyre mobo ritakremy. Tahe iwese Tyyriti rarybere wese, soldadu mahādu ibutumy aõhebo risỹnyre.

²⁵Inaubiòwa hāwyy retehemy rỹimyhỹ Jesuisi itxeònihikỹ iòhòmy. Jesuisise taseriòre-wana, Marie Madalena ijõre, Klopa hāwyy ijõre. ²⁶Jesuisi tadimy robireu, Joaõ, taerydỹña luunadu bire-ki, tahe rarybere: —Nadi beteheke wa kowa ariòre rare. ²⁷Tahe Joaõ-ò rarybere: —Kaa adi rare. Ierydỹña Joaõ tahe ridyre taheto-ò tai rasỹnykeny.

²⁸Jesuisi tahe rieryre ibutumy rex-ihuramy tahe rarybere: —Ariòkemy watxireri. Kaimy heka rarybere aõbo Ritidỹña-ki roire riwinykeny. ²⁹Tai tahe vī mona silỹnyhỹkỹ-ki raharenyre. Tahe Jesuisi-ò iwereheni wese-ò rituunymy idi riteònyre iry-ò teòdimy. ³⁰Jesuisi tuu riòre idi tahe rarybere: —Ibutumy Waha aõmysỹdỹña rexihumy roire. Tahe ròtiòròmy resere iule ta rurure.

³¹Kia sabadotxu heka worana bedehesitxu nihikỹò rare, brebuna rare. Tai tahe hābu rubu itxeò-ki ririkòkemy

tuu rarybemyhÿre. Tai Pilato-ò judeu mahādu rexitòenyre hābuti riòròmy riteònykemy, itxeò-ribi ritakemy. ³²Tahe soldado mahādu hābuti wiòle riorore. ³³Jesuisi tahe rurumy roireki iti riòròore. ³⁴Soldadoò tahe Jesuisi-ki rojyre iweki tahe hālubule rohonyre bewana. ³⁵Kia tuu rabire tahe òbitimy tuu jiarÿ rarybere, Joaõ wahe. Waritidÿÿna inatyhy raremy, reeryre. Kaiboho bityhynybenykemy, adireny watxireri. ³⁶Kaheka ibutumy iritina hetxina tuu rarybere heka ibutumy tuu rotÿÿre. Kia wesemy roire: —Iti riòròòkre, sohoji aòkò. ³⁷Ijò iritinaò kawesemy roire:

—Riorenkyre tñori-di idi reteherenykre tamy.

³⁸Jyje heka Arimatea hāwā luduò rare. Idi tahe tii Pilato-ò rexitòenyre Jesuisi umymy rituunykremy. Tii heka Jesuisi heluduò rare. Judeu mahādu lau ruberumyhy tai Pilato-ò rare wasimy. ³⁹Pilato tahe awiremy rarybere. Tahe Jesuisi umy riwyre. Nikodema tule rare Jyje-wana. Tii juhule rumy Jesuisi-wana widee raryberele rare. Tii òwòrutyby òwòruòbru-wana aderòna wesemy diwyde sòwemy, ⁴⁵urihixinamy riutxienanyre. ⁴⁰Tahe Jesuisi umy tyky jurarehe-wana ritÿtenyre aderòna wanahyyle. Kawesemy dori judeu mahādu iny rituunymyhyre. ⁴¹Itxeòalamana-ribi bederaty oworu iòhòmy roire. Ityi-ki tahe wabede tamyra roire. Mana hāloo rÿire tai heka moo rawabedenyòhyre. ⁴²Tai tahe rawabedenyre iòhòreki, tule judeu worana bedehesina txumy roireki.

20 Semana juhu ludu txu Marie Madalena rehemynyre wabede-ò, rudile wahe. Mana ijòtòbòna iraylemy rÿiremy idi retehere. ²Tahe raijaranyre Simaõ Pedro-ò, ijò Jesuisi luunaduò wahe, Joaõ-ò, jiarÿle wahe. Tahe wadeereny rarybere: —Wahĩ

tahe hālokowoku-ribi ritakarenrya. Titxibo ritidira, rekerykòre. ³Pedro tahe ròhònyre, Joaõ-wana wabede-ò roire. ⁴Wiwana raijaranyre tahe jiarÿ Pedro ratyre raijaranyre tamy. Jiarÿle heka juhu tamy rehemynyre. ⁵Tahe rawebesere iwo-ò itxeremy. Irahanalemy rabire. Ta ralòòhyyre tamy. ⁶Idi Pedro rehemynyre ralore tamy. Tule irahanamy robire. ⁷Jesuisi rati rasirahana rihitxinymy roire ixiwanale. ⁸Tahe jiarÿ juhu rehemynyre tahe Pedro hewomy ralore. Tuu robire, retyhynyre. ⁹Tiiboho dori ritina rieryrenyre ihāre tahe rierytyhykòlerenyre. Jesuisi rubu-ribi rexiixixanykemy ritina roire. Tii tahe rierytyhykòlerenyre. Tahe wiji rieryrenrya. ¹⁰Tahe ixby raòkeserenyre inyetoreny-ò.

¹¹⁻¹²Marie tahe robumy wabede-ribi iòhòmy rÿire. Rawebesere tahe wabedewo-ò itxeremy. Inatxi ÿjummy robire iwo-ki itykyuramy roimyhÿ. Ijò heka rÿmy rononymhÿ Jesuisi ratiherina tyre-ki. Ijò tahe iwaherina-ki rononymhÿ. Jesuisi umy tahe iøre. ¹³Tahe ÿju Marie-ò rÿÿraxire: —Hāwy, aòherekibo tabureri. Rirawyònyre: —Wahĩ kumy dokuri riwymy ramyhyre. Rekerykòre titxibo ritidira. ¹⁴Iu rarybereu tahe tahewòle roosere. Jesuisimy robire rÿimyhÿò. Tii heka rieryòhyymyhÿ tii Jesuisi raremy. ¹⁵Tahe Jesuisi rÿÿraxire: —Hāwy aòmybo tabuteri, mobo teijeteri. Bederaty oworu ywidÿÿdu raremy heka tii ròhòtinyre: —Tahe dirawyònyde: —Wahĩ, kai anobo karibi tetakata-wana wakoku tuu belykyke. Tahe jikarÿ karikorykremy. ¹⁶Tahe Jesuisi tamy ryryre: —Marie! Marie rokesemy reare riijemy: —Wahĩ, erydÿkÿdu! (Tii hebraika rybe tuu rarybere: —Raboni, wahe.) ¹⁷Jesuisi rarybere tamy: —Waroorehedÿÿòmyke wa.

Waha-ò dori raõlemy wāhāre tahe arakre. Kai tyhydỹydu seriõre-ò makre tamy rybemy. Jesuisi rarybere kawesemy: —Arakre inytybyreny-ò, iny Deuxureny-ò. ¹⁸Idi tahe rarybere erydỹña mahādu-ò Wanyrỹmy rabira. Marie Madalena relyyre timybo raryberamy.

¹⁹Semana juhu ludu txuu, txioromy heka Jesuisi erydỹña mahādu wii ributunymy rỹimyhỹ hetowoõ-ki. Ibutumy ijò ritòbòtòbònyra judeu mahādu lau brebumy. Jesuisi tahe nade iyreny-ò rexitỹnynyre. Rarybere: —Ywina araykywo-ki atxikemy idi watxireri. ²⁰Kia rarybereu tahe tebò rurena riteòsinyre, tawerurena tule riteòsinyre tamy. Iule tahe reysarenyre Jesuisimy robireki wahe. ²¹Ixyby tamy Jesuisi rarybere: —Ywina araykywo-ki rarekemy idi watxireri. Iwese Waha diwateònyde wese tule arateònykre. ²²Iu tahe ribunymy rarybere: —Deuxu Tyytybytyhy tetateri. ²³Inyòrarunaò biixāwididỹnykeki tule kia òraruna ariixāwidinyke. Tule aòkòkeki, ijò òraruna biixāwididỹnyòkeki, kia tule ariixāwididỹnyòke.

²⁴Tome (Inatxina iniõre) tii waòinatxi reurò mahāduò rare, tahe tairenyõre heka Jesuisi nadeu. ²⁵Jesuisi erydỹñaò rarybere: —Wanyrỹmy rabirenyra. Tahe Tome tamyreny rarybere: —Retyhynyõre kỹnyhe.

²⁶Semana sohoji bededỹñanamy idi rỹire, ixyby wii ributunyre Jesuisi erydỹña mahādu. Iu tahe Tome tii mahādu-wana ratximyhỹ. Ijò ritòbòtòbònymy rỹimyhỹ. Tahe Jesuisi nade iyreny-ò. Tamyreny rarybere: —Ywina-di araykywo-ki atxikemy idi watxireri. ²⁷Tahe Jesuisi Tome-ò rarybere: —Betehe inihe wadebòrurena-ò ebò inihe tamy biditidike. Tule wawerurena-ò ebò biditidike. Itxiòdỹỹomyke wa,

bityhynyke. ²⁸Tome tai dirawyònyde: —Wanyrỹ, waDeuxu. ²⁹Tahe Jesuisi rarybere: —Tome, kai aõbo biwatyhynykre wamy tabiterikile. Sõwemy deysana inyõ kanakemy wāhāre tiiboho dori wamy robiõre hārele riwatyhynyrenyre.

³⁰Jesuisi heka sõwemy aõwiwihikỹbo riwinyre. Ierydỹña mahādu heka kia aõmybo robire. Kia aõmydỹñana heka ihoõre kaki iritina-ki. ³¹Kaa ritidỹña reritinyre Jesuisi Kristumy rare. Deuxu deòdỹña rare. Kia bityhynybenykemy wahe, Deuxu Riõre wahe tetyhynyteri-wana tahe umytuedeõna bitakre, ini òraru-ki wahe.

21 Iribi tahe Jesuisi rexitỹnynyre Tiberiade ahohokỹ ijā-ki. Kia wesemyre heka. ²Ibutumy heka juhu rỹimyhỹ: —Simaõ Pedro, Tome Didimo iniõre, Natanaeli. Tii Kana hāwā ludu rare, Kalileia bede-ki. Zebedeu riðreboho ijõre, inatxi Jesuisi ierydỹñaò ijõre. Rarekie. ³Tahe Simaõ Pedro rarybere tamyreny: —Rià teredỹỹmy arakre. Imahādu rarybere: —Jiarỹboho aroirenykre ahemy. Tahe roirenyre hāwò-di. Aõhomy aòkò ruu idireny nade. ⁴Tahe bede ratỹnyrau heki Jesuisi ýnyrakile ratximyhỹ. Ierydỹña mahādu tahe rieriõhyymyhỹre. ⁵Jesuisi rryyre tamyreny rỹỹraxire: —Ijoi moò rokoreny. Utura aõbo temytenyta? Rirawyònyre: —Aòkõre wa. ⁶Kaiboho biterebenyke rurunawe-ribi taita bimibenykere. Tahe riterenyre sõwemy rautxienyre iriā heka ritusinyõhyymyhỹrenyre utura sõwereki. ⁷Kia ierydỹñaò Jesuisi luunaduò rare jiarỹ, Joaõ wahe. Jiarỹ tahe Pedro-ò rarybere: —Inynyryle wa rare. Pedro Jesuisi raramy roholareu, tatyky tawetyamy ritaamy tamy resere, tade hekỹlemy rareki. Tahe

resere bera-txi tamy rakremy. ⁸Ijoi mahādu riā-di narurunymy nade utura sōwerekī. Tahe 100 urihixinamy ŷnyra-ribi ratximyh̄reny. ⁹ŷnyra-ò rejuxunyreu tahe, robirenyre heòtymy obiurawo-ki. Orotxu tule tai r̄yire. ¹⁰Jesuīsi tamy rarybere: —Uturaō bidiwybedenyke wiji temytenytaō. Simaō Pedro hāwororibile riā-di rarurunyre. Sōwemy heka tai utura nihik̄y r̄ymyh̄, 153 wahe. Ihāre tahe riā raòròh̄hyre. ¹¹Tahe Jesuīsi rarybere: —Manake hewa biroxibenyke. ¹²Ibutumy ieryd̄ȳna mahādu rieryre tii inynr̄yreny raremy. Tai tahe inyō r̄ȳraxiòh̄hyre: —Mobo tii raremy. ¹³Tahe Jesuīsi orotxu rimyre. Tamy riwahinyre. Ixiyrubule utura tamy riwahinyre. ¹⁴Kia tahe ihewotyhymy Jesuīsi rexideòsinyre taeryd̄ȳna mahādu-ò, rubu-ribi dexixade hewomy wahe.

¹⁵Riroximy rahudi tahe Jesuīsi Pedro-ò r̄ȳraxire: —Simaō, Joaō riòre, kahābu mahādu waluure. Kai tahe iratyre aōbo waluure. Tii rirawyònyre: —Kai tiwaeryte, aluure. Tahe Jesuīsi rarybere: —Wabudoeni riòre bidiòwenyke. ¹⁶Ixityre r̄ȳraxire: —Simaō, Joaō riòre, kai aōbo waluure. Tahe Pedro rirawyònyre: —Kohe, Wanyr̄y aluure jiar̄y, tiwaeryta. Tahe Jesuīsi rarybere: —Bidyke wabudoeni biòwenykemy. ¹⁷Ihewotyhymy tahe Jesuīsi r̄ȳraxire: —Simaō, Joaō riòre, kai aōbo waluure. Iu tahe Pedro rabadewomy ronyre, ixityremy r̄ȳraxireki. Tahe dirawyònyde: —Wanyr̄y, ibutumy teeryte aōna aōna. Aluure heka,

tiwaeryta. Tahe Jesuīsi rarybere: Wabudoeni biòwenyke. ¹⁸Inatyhymy adee ararybekre. Iu ijoi moròkōmy tatemahāu, ixiwanale textiynymahāte ixidee wimy titxibo tamahāte. Iu tahe mamatuarinykre inywitxira aratyynykre, Ebò biteòsinykre iny arataaanykre tahe inyō aradykre titxibo noderamy beakreò. ¹⁹Kiamy heka Jesuīsi rarybere rit̄ynynykremy timybo Pedro rubu-ò r̄yikremy. Tai Deuxu riwowydynykre. Idi tahe Jesuīsi rarybere: —Biwaheludunye wa. ²⁰Tahe Pedro retehere Joaō Jesuīsi hemy rarerìò, Joaō Jesuīsi luumy raremyh̄. Joaō ihetxiu Jesuīsi-ò iòhòmy r̄ȳraxire jiar̄y wahe: —Mobo iwahisid̄ȳdukremy, ihewo ludu roxina r̄yireu. ²¹Tahe Pedro Joaōmy robireu, r̄ȳraxire Jesuīsi-ò Joaōmy. Aōbo he tamy rot̄ȳnykre. ²²Tahe Jesuīsi rirawyònyre: —Tii rurukòlemy addòsekemy idi watxiekali, timybo tahòtinyte. Adee tahe biwaheludunyekile awike. ²³Ieryd̄ȳna mahādu rarybemy raremyh̄: —Kiamy wahe Joaō rurukòlemy Jesuīsi rarybere. Tahe kiamy aōkō Jesuīsi rarybere. Jesuīsi juhuu rarybere: —Tii rurukòle adoosekre-wana, timybo tahòtinytenyteri.

²⁴Jiar̄y tahe kia aōmyd̄ȳnanamy relyymahāre, Joaō wahe, reritinyamahāre. Inatyhymy kia tuu rare, jiar̄y tuu relyymahāre.

²⁵Sōwemy aōmyd̄ȳnanamy tahe Jesuīsi riwinyre. Inyō ibutumy riritinyekali, iritina heka bede rit̄xinykre tyyriti sōwekre-wana.

Aõhebo Rotÿÿnyre

*Aõhebo Rotÿÿnyre Jesuisi
Erydÿÿna Mahãdu*

1 Juhuu adee ratyritinyreu, Teòfilo, relyyre ibutumy Jesuisi aõbo riwinyré, aõmybo bede riernanyrémy. ²Deuxu Tytybytyhy bede erydÿÿnamy taerydÿÿna woludu mahãdu riernanyre. Tahe taerydÿÿna mahãdu-ò bede ywina riwahinyre. Iribi tahe Jesuisi ròdsere biu-ò. Kia ibutumy juhuh adee relyyre. ³Iribi itxeònihikÿ-ki rurureu, taerydÿÿna woludu mahãdu-ò rexitÿnyre hãbu irudilemy. Tamyreny rexideòsinyre sòwetxu-di rulemy ratximyhy. Inatyhy wa warybetyhy rare, tamyreny rarybere. Rexitÿnyre, tamyreny riernanyre Deuxu Iòlònamy. Txuò txuòlemy iny inatxiwaitue txumy riernanyhyre. ⁴Tiiboho-wana rioximy raremyhy, Jesuisi tamyreny rarybere: —Uritere Jerusale-ribi ixtarasarenyomy. Urile Deuxu Tytybytyhy awo-ò kanakre xiery, Jerusale-ribi boibenyke. Deuxu rarybere Tatybytyhy kiditeònykremy. Tule juhuh Jesuisi kia rarybere. ⁵Deuxu Tytybytyhy aworeny-ò kanalokre. Kia ratisebenaò wesele rare, Deuxu Tytybytyhy ratisebena. Iwese Joaò juhuh bero-ki iny risebenyre wese, kia rare. Kia-txu tahe, iòhòmy roire.

⁶Tahe, juhuh ibutumy wirotynyre, Jesuisi dee rÿÿraxirenyre: —Wanyrÿ, kai aõbo wiji iny Iòlòreny bedi-wahinyke inywedureny wesemy ixyby ronykemy. ⁷Tahe Jesuisi dirawyònyde: —Waha-ki ywisidÿÿnatxu doimyhÿde. Tiile rierymyhyre. Kai aòkòhykre. ⁸Tahe Deuxu Tytybytyhy aworeny-ò kanalokre, rurunatyhy arayky-ò bitabenyke. Kia tahe warubu-ribi

waixixanamy belyykre ibutumy Jerusale hãwã mahãdu-ò, Judeia hãwã bede mahãdu-ò, Samaria hãwã bede mahãdu-ò, iribi tahe ibutumy bedekonana bede iny-ò. ⁹Tarybe rahudi tahe Jesuisi ixihy rexidymy raòwònyre biu-txi. Iøre biuwetyky-txi. Tiiboho rarirenyre bede-ribi idi reteherenyre. ¹⁰Idi retehemyhÿ iòtududÿÿtyhmy. Inatxi hãbumy ity uramy aòwesele rÿimy reamyhyre hãbu mahãduko-txi. ¹¹Tahe tiiboho raryberenyre: —Hãbu, Kalileia bede mahãdu, itxereomahãbenyke. Jesuisi ka ramyramyhÿre biu-ò, Deuxu sÿ-ò. Iwese rarawesele ka ixyby kòdòòsekre.

¹²Jesuisi erydÿÿna mahãdu ratximyhÿrenyre Oliveira òwòruraty hãwãlò-ki. Tahe dòòsedenyde Jerusale hãwã-ò. Jerusale rehe iribi doide sohoji urihixina rehemy rimyòlemy. ¹³Tahe wii rotyrenyre rorukure ixitòedÿÿmy hetoratyawo-ki. Kahekani-di rirana rarekre tai rÿimyhÿrenyre: Pedro, Joaò, Txiau, Andre, Filipi, Tome, Bartolomeu, Mateu, ijò Txiau (tii Afeu riòre rare), Simaò Zelòte, Judasi (ijò Txiau iwitxira, kia riòre rare). ¹⁴Ijò iny tule tai ronymyhÿ, Jesuisise, hãwy ijò ronymyhÿ, Jesuisi seriòre mahãdu tule rorukumyhÿrenyre. Ibutumy rexitòenymyhÿrenyre wiwese wiweselemy ròhòtinymyhÿrenyre.

¹⁵⁻¹⁶Ijò txubiòwamy 120 inymy wii ributunyre ixybyle. Tahe Pedro rÿire kiamy tamyreny rarybere: —Waityhydÿÿdu seriòre mahãdu, iwese Judasi aõhebo rotÿÿnyre wesemy Davi tyritinamy roimyhÿre. Kiamy wahe: —Jesuisi taòluduboho-ò ròhònyre, Judasi tiiboho riwiòhenanyre. Iwese ka tyritina-ki roire wesele, inatyhmy ibutumy rotÿÿnyre. ¹⁷Judasi inybohoòmy raremyhy. Tii nieruò ritare Jesuisi òludu-ribi tamyreny ridyrek. Tahe kia nieru-di subutebedeò riwre.

¹⁸ Tahe idi Judasi rexibòtòtaara. Idi tahe tasubute bedero-txi taratytihiikyle-ribi resere. Tahe iumy ruare iwona rejuxunyre. ¹⁹ Iribi ijyy heka ibutumy Jerusalē mahādu-ò tuu ijyy rÿire. Tahe kia subutebede rininirenyre hālubu bederomy. ²⁰ Iòlò Davi kia wese riritinyre tawiunatyriti-ki:

—Ixinamy iheto rÿike, inyò taisÿōmy.

Ijò:

—Inywtixiraò teròwumy tai rarekre iaòmysÿdÿÿna rimykremy.

²¹⁻²² Inyò tahe teròwumy iaòmysÿdÿÿna rimykremy. Tule rikimynyreke Jesuisi ixixanamy ijyyduò inywanahyy rybe ritÿnynykemy. Inyò Jesuisi sebedÿÿna-di itxereduò rikimynyreke, inyò tuu robire Jesuisi nonanamy tule rikimynyreke. ²³ Tahe inatxi hābumy ritarenyre: Jyje (Basaba inire) Justu iniòrysna rare, ijò hābu tahe Matxia rare. ²⁴ Iribi tahe rexitòenyre: —Kiamy heka Deuxu dee raryberenyre:

Kai Wanynyrÿreny, ibutumy inyrayky teeryte, Deuxu. Biteòsinyke tibo rikitarenykemy.

²⁵ Tii ritÿxinykre ixihyummy ratximyhÿre mahādu. Judasi deròwumy rarekemy, Judasi dori iny-ribi ròhònyre taòrarunaòwydÿÿnamy rare aòhòkÿmy rotÿÿnykemy. Tahe rare tiobo rareò.

²⁶ Wyhy raheto lisina wesemy idi rehure. Kiamy heka riwinyre tibo ròtakemy. Matxia tahe iribi ròtare. Tii tahe ralore waòsohoji reurò erydÿÿnaky-txi.

2 Pentecostemy ninadu lisina kia txumy txuu rÿireu, ibutumy iny rorukurenyre tarynanakile.

² Aòwesele biu-ribi wodÿÿò nade yhynihikÿwesele ibutumy heto-ò ralore tai rorukumyhyrenyrewò-ò.

³ Heòty helÿÿresi wesemy nade. Iny sohoji sohoji tyre resere. ⁴ Ibutumy iny tykumy heka Deuxu Tytybytyhy ralòmy rÿire. Ta raryberenyre iwitxira

rybemy. Deuxu Tytybytyhy tamy rybe riwahinyre wese tahe raryberenyre.

⁵ Deuxu dee òbitumy hābu mahādu noduò rasÿnymy raremyhÿ Jerusalē hāwā-ki. Judeu mahāduò ihÿre. Ibutumy bede bede hāwā hāwā-ribi nade.

⁶ Kia-ò roholareu, wii ributunyre ijo-honamy. Tahe rexieryòhykyre aòmbybo ròhòtynyre tahe widi bede riòtiinyre iny sohoji sohoji tarybe tarybeòlemy roholareki. ⁷ Urile bede riòtiinytyhyrenyre. Tahe raryberenyre deysana-di:

—Betehebeny iny, kowa rybedu Kalileia bede ludu mahādu ratxireri.

⁸ Timykibo iny ryberenymy rarybereri. Iny sohoji sohoji tarybeòle raholareri.

⁹⁻¹⁰ Kaheka inyboho bede bede ludu roire: Partia mahādu, Media mahādu, Elaò mahādu, tule ka bede ludu mahādu: Mesopotamia, Judeia, Kapadosia, Ponto, Asia, Frigia, Panfilia, Egito, Libia Sireni-wana iòhòre, Roma hāwā luduò tule kaki ihÿre.

¹¹ Timybo inyrybereny witxira witxira-ò iny roholarenryeri. Deuxu rybemy rarybereri ibutumy inyryberenymy. Ibutumy inyboho: Judeu, Judeuerydÿÿna ityhydÿÿdu, tule Kreta mahādu, Arabia mahādu, Deuxu aòmbydÿÿnana wihikÿ-ò raholarenryeri. ¹² Tahe bede riòtiinyrenyre. Rieryòrenyre aòbo rare. Tahe widee rÿÿraxirenyre iny sohoji sohoji-ò aòbo raremy. ¹³ Ijò tahe tawobinarybe rarybere:

—Tiiboho rururenryeri, itxÿtemonamy riòreri.

¹⁴ Tahe Pedro rÿire waòsohoji erydÿÿna-di, tahe tii rexidelenyre rarybekemy:

—Boholake inihe, ibutumy kaiboho, Judeia mahādu, Jerusalē sÿludu-wana —kia bierybenykemy.

¹⁵ Inyò rarybereri itxÿtemonamy riòrerimy. Tahe inatyhymy aòkò rare. Txuu rati rariarerile heka rudilettyhyre.

¹⁶ Joel juhūu Deuxu rybeduò rare. Tii

narybede wijitxumy. Tahe iwese tii rarybere wesele, wiji ratximyhyre. Tii rarybere:

¹⁷—Kiamy Deuxu rarybere:

—Ikonanatxuu watytybytyhyhykÿ aditeonykre ibutumy inydee. Ariðereny, hāwyy hābu-wana, warybe rierynanykre. Weryrybò tahe matuari-wana rarasinytyhykre.

¹⁸Ibutumy wadeòdu-ò, lerÿ, hābu, ibutuwo-ò Deuxu Tyytybytyhy kanalokre. Tuu raryberenykre, ritÿnynyrenykre.

¹⁹Aò tÿmyra ariteòsinykre biu-ki, bede-ki. Hālubu, heòty, worona-wana ròhònykre.

²⁰Txuu heka ilybyhykÿlemy relekre. Ahādu isòhòkÿlemy relekre. Iribi tahe Inynyrytxu-ò rehemynykre. Kia txu awimy roikre. Inynyry kòdòhònykre.

²¹Kia bede, inyò Inynyrynimy rexitòenykeki, tii jiarÿ aritakre iòraru-ribi. Kia Deuxu rybe rare.

²²Judeu mahādu, Israeli mahādu, bohola benyke warybe-ò: Deuxu sòwemy aòna aòna witxira witxira-di, bedeòby-di riwahinyre. Inatyhymy Jesuisi Nazare hāwā ludu mahāduò riteòsinyre. Inatyhymy rare. Kaiboho heka teerytenyete. ²³Kaiboho Jesuisi temyteu, Deuxu juhūu rimykremy rierymyhyre. Rexierymy ròhòtinyre kawesemy bede roimy rarekre. Kaiboho Jesuisi terubunyenete. Kaiboho itxèò nihikÿ-ki tetamadÿÿnytenyete hāhubina debòreny-di. ²⁴Tahe Deuxu ritare rubu-ribi riixixadÿÿnyre. Wabede Deuxu ribòhònyre. Iribi Jesuisi riòlòdÿÿnyre. Rubu heto tii rimyòtyhy. ²⁵Davi juhūu rarybere iwese Jesuisi rarybekremy:

—Wanyry wawana ratxireri, brebu-di watxiòkre. Tii riwawiòhenanymyhyre. Tai wawo deysana-di ritÿxinymyhyre.

²⁶Wadòròtò wowydyna tamy rewahinymyhyre. Reeryre ibutumy rubuhetowo-ki awityhymy wāhāré, iribi dori aròhònykre.

²⁷Kai watytyby teriòte rubuheto-ki. Jiarÿ ariòre òbitityhy rare, tai waumyde rasunyòtyhy.

²⁸Kai tiwaeryte ibutumy umytÿmyra aòmydÿÿnana awana aratxikreu, deysana-di tÿximy biwasÿnykre.

[Kia ibutumy Jesuisi rarybekremy Davi rarybere.] ²⁹Pedro ijò rarybemhyre: —Tahe kiamy heka mohòtinybenyke, Waseriòreboho. Davi heka aò iximy aòkò rarybereri. Tii tahe hāloowo-ò roire. Itityby heka kakile iny-wana ihÿre. ³⁰Tahe Davi Inynyry deròwmy rybeduò raremyhy. Deuxu inatyhyna rybe-di Davi-ò narybede. Kia tahe: Iriòre riòreò bede dinodumy kodonykremy taiòlò ryna-ki. Kia iòlò Davi rieryre.

³¹Davi tahe Kristu ixixanamy juhūu narybede. Kristu umy dori rubu-ki rariòhyre. Iumyde rarònyòre. ³²Jesuisi Kristu, Deuxu riixixanyre. Ibutumy iny-boho tuu robirenyre. ³³Jesuisi ronymyhyre Deuxu rurunawe-ribi. Iwese rarybere wese Deuxu Tatyytybytyhy tamy diteònyde. Tii adee diwyde. Kiamy tahe wiji tabitenyteri, taholatenyteri. ³⁴Davi raòwònyòre biu-ò. Tahe kiamy rarybere: Deuxu rarybere Inynyry-ò:

—Bodonyke katxi warurunawe-ribi.

³⁵Aòludu awarawo-ki arisÿnykre. Aòludu-di arehukre.

Kiamy tahe Deuxu Jesuisi-ò rarybere. ³⁶Boholake judeu mahādu. Kaa inatyhy hyy rare. Itxèònihikÿ-ki Jesuisi terubunyenete. Deuxu tahe Jesuisi ritidire ibutu-ò wedumy, ibutu-ò Kristumy, aòma, Deuxu deòdÿÿna.

³⁷Tahe Pedro rybe-ki urile ròhòtinyrenyre. Tai tahe Pedro-ò ijò erydÿÿna-ò rÿÿraxirenyre:

—Waseriòreboho, aòhebo rokotÿÿnyrenykre.

³⁸ Tahe Pedro dirawyònyde: —Bòðsebenyke aòrarureny-ribi ixyby Deuxu-ò. Idi tahe Jesuisini-di maratysebekemy aòraru ritakemy. Tai bimykre Deuxu Tyytybytyhy wahidýýna wesemy awo-ki rarekremy. ³⁹ Kristu juhuu rarybere:

—Ibutumy heka Deuxu Tyytybytyhy bimybennykre, ariðre rimykre, iny hāwā wixira ludu rimyke. Ibutumy Deuxu dee wimy tahe rimykre.

⁴⁰ Pedro relymy raremyhý. Tamyreny rarybere tarasamy roikemy:

—Iny bina binahaký-ribi bexitabennykre.

⁴¹ Kia rityhynyré heka tahe ratisebedumy roiremyhý. Ralore kiatxuu 3000 iny iòhòmy Jesuisi tyhydýýdu mahādu-ò. ⁴² Tahe Jesuisi erydýýna mahādu rierynanymyhýre, wii ributunymy roiremyhý, paò rioroororenyre wideereny: rexitòdenymy roiremyhý.

⁴³ Iny sohoji sohoji bede riòtiinymy rabrebumy hitxinymyhyre. Jesuisi erydýýna mahādu bedeòby sòwemy riwinymyhyre. Aõna aõna wiwihikýmy riwinymyhyre. ⁴⁴ Ibutumy rityhynymyhyre mahādu, sòwemy wii riwiutyre. Ibutumy aõna aõna wimy riywinyre. ⁴⁵ Taaòmydýýna, tasu-wana idi rohonyre. Wimy tahe ritxuatxware. Ibutumy ityhydýýdu iaòkò mahādu dee riwahiriwahinyre. Inyò aõna aõna rauhenykeki, tamy riwahinyre. ⁴⁶ Deuxu dohodýýna heto-ki txuò txuòlemy wii ributunyre. Tahe tota hetomy paò riyrierenyre. Riroxirenyre ibutumy teysarenymy wii wese röhòtinyrenyre. ⁴⁷ Tuu reàlarenyre Deuxumy. Ibutumy iny hāwāhāký mahādu awimy tai raharenyre. Deuxu rimyre txuò txuò lemy ralore mahādu kia ritakemy.

3 Pedro, Joaò-wana rare Deuxu dohodýýna heto-ò rexitòdenykemy, inataò òra bedeu. ² Deuxu dohodýýna heto ijò inyò rininire, ijò ruxerahaký.

Txuò txuòlemy hābu tibina ridyhyhyymy iny tamy reamyhýre. Tamy iny ralòmyhýkeò tamy nierumy rexitòdenykemy. Tii tuu hyy uladumy reareu ihyy itibinare. ³ Pedroboho rirònyrenyre, hābu tibina tuurenny robire. Nierumy tahe tamyrenny rexitòdenyre. ⁴ Pedro juhu tamy retehere idi rarybere:

—Bedeteheke wadireny.

⁵ Tai hābu retehemny ronyre, nieruò iribi riwykemy röhòtinyre. ⁶ Pedro rarybere: —Aò ijòkòre, womati týtýrýhýký ijòkò,

pratakò. Tahe aòbo idi watxirerile ta adee ariwahinykre. Jesuisi Nazare hāwāludunimy adee ararybekremy idi mariakremy. Kia deytana adee ariwahinykre.

⁷ Pedro, hābu debò rimymy ritamadýýnyre. Aòwesele iruru iti-ò ralore. ⁸ Hābu rexiwatxinymy tahe, ririradýýnyre. Ihyy ralore dohodýýna heto-ò. Deuxu dee deysamy rexiwatxinymy ralore. ⁹ Ibutumy iny idi retehere rariarerimny, Deuxumy reàlarenimny. ¹⁰ Inyò rarybere: —Tii ijò ruxerahaký-ki nierumy rexitòdenymyhyremny, inyboho tii reeryrenyre. Tai tahe idi bede riòtiinyreri timykibo aõna aõnamny rotýýnyramny.

¹¹ Hābu ta Pedro, Joaòboho werora-ki xiery. Idi tahe ibutumy ributunyre Salomaò heto ijò ahanawo-ò. ¹² Pedro kia robireu tahe, tamy rarybere: —Judeu mahādu, wadireny itxereòmy, bedeòtiidýýòmy. Jiarýboho inyruru-di aòkò ka hābu reteytenyrenyra, Deuxu rurudile wahe. ¹³ Abraò, Ijai, Ijaò kiaboho Deuxu heka hābu riteytenyra. Tybyrenny Deuxu kia heka riwinyra. Deuxu, Kristunimny riwowodynnyre, rubu-ribi riixixanyraki. Kaiboho tahe Jesuisi Kristu tedytenyte Pilato-ò. Pilato tii riteònykemy ratxireriu, kaiboho tamy rarybere: —Aòkòre, tii

deòdýŸomy. Ijõ biteònyke. Tai tahe rubudýŸduò riteònyre. ¹⁴Jesuisi òraru widýŸdu aòkõ rarehyomy raremyhŸ, ityhydýŸdu ihŸre, òbiti widýŸdu ihŸre. Kaiboho tii tetxiònytenyte, tewahinytenyte.

¹⁵Umytuedeòna wahidýŸdu tii rare. Kaiboho tahe terubunyte. Deuxu tahe tii riixixanyre rubu-ribi. Inyboho ierydu, iitxeredu ratximyhŸrenyre.

¹⁶Rityhynyrekile hàbu tibina reytemyhŸre. Kia hàbu teerytenyte. Jesuisini tyhyna kia riwinyre. Hàbu ibuturu-ò reytera, tai òbitimy raramy ratximyhŸre.

¹⁷JiaryŸ reeryre kaiboho teeryòte aòbo tewinytemy. Tule adinodu rierykòlemy kia riwinyre.

¹⁸Tahe Deuxu tarybe riwahinyre ihetxiu rybedu mahàdu-ò kia wahe tii rarybere Jesuisi rurukremy. Idi tahe irybe uludumy Jesuisi rurure. Iwese Deuxu rarybere wesemy heka irybe uludumy ròhònyre.

¹⁹Kaiboho ixi-txi òhòti reakemy Deuxu-ò biòðsekemy. Tai tahe àòraru aribi tii ritakre. InynyrŸ adeereny kiditeònyke aòwihikŸmy Deuxu-ribi, biu-ribi.

²⁰Jesuisi Kristu wijityhyle kanaòkre. Aòna aòna juhu rŸimy rareke rexihudi, tahe kanakre. ²¹Tii biukile rarekre wiji. Ijõ bede týmyra wihikŸkre iòhòmy rahudi tahe kanakre. Kia bededýŸnanau tahe rarybere ihetxiu rybedu mahàdu.

²²Tahe Moisesi ijòmy rarybere: —Deuxu rybeduò kedelekre asŸ, aijoi-ribi tii rarekre. Iwese Deuxu riwatara wese rybeduòmy ararekremy, iwesele tii InynyrŸ kiditakre. Tamy boholabenykre irybe aòmybo kanarybekremy.

²³Kia, Deuxu rybedu rybe-ò inyò roholakòkre-wana, Deuxu tii kanahukre. Kia Moisesi rybe rare, Pedro rarybere. ²⁴Deuxu rybedu sòwemy kia bededýŸnanamy rarybere. Samueli juhoo rarybere. Idi sòwemy ijõ kiamy rarybere. Ihyomy ta wiji kabededýŸnana roimyhŸre.

²⁵Kaiboho Deuxu ihetxiu rybedu roire atximahàtenyteri Deuxu juhoo rarybere Abraò-ò. Ariòre-ribi iny sòwemy ruaruakre. Kia ibutumy ariòre hāwā hāwā-ki rasŸnykre. Kia iny-ribi inyò ròhònykre ibutumy iny wiòhedýŸdumy rarekre. ²⁶Deuxu tariòre Jesuisi adeereny riteònyre àòraru-ribi arahitxinykemy, arawiòhenanykemy. Kia tahe Pedro tamyreny rarybere.

4 Pedroboho tamyreny rarybere, tamyreny rehemynyre Deuxu heto dohodýŸna mahàduò, ijõ tahe kia heto itxeredu dinoduò, ijõ, saduseu mahàduò. Inataò ijoi tamy rehemynyre. ²Pedro, Joaò-wana iny-ò relyomy raremyhŸ: —Inyò Jesuisimy rityhynykeki, tii tule rubu-ribi riixixanykre. Jesuisi dori riixixanyre. Tahe Jesuisi ixixanamy tiiboho relyomyhŸreki, kia hàbu mahàdu riykaranyrenyre. ³Taita rimyre, Pedro, Joaò-wana. Ròtena-ò ridyre. Wijile tahe tamy ixidee roholaòrenyra, txiorotyhyreki. Biurasou tahe roholakremy riòlòdýŸnykre. ⁴Iny sòwemy Deuxu rybe-ò kia txuu roholare. 5000 hàbumy, ijõ iny tule. Tiiboho Pedroboho-ò roholare. Tahe sòwemy rityhynyrenyre.

⁵Itxu biòwamy tahe Jerusalē-ò rehemynyre dinodu mahàdu, matuari mahàdu, judeu bede ywina erydýŸna mahàdu. Kia ijoi mahàdu ibutumy rehemynyre. ⁶Anasi tule rehemynyre. Deuxu-ò xiwena wahidýŸdu mahàdu wedu tii ratximyhŸre. Tule Kaifa ijõ, Joaò ijõ, Alexýdre ijõre. Anasi sŸ mahàdu tule ijõre. ⁷Tahe dinodu mahàduò Pedroboho ritamadýŸnyre ibutu kia mahàdu koò. Tahe ritýŸraxinyre: —Aòrurudibo iny teteytedýŸnymahàte. Monidibo kia tewinytenyte. ⁸Ta Pedro tykomy heka Deuxu Tytybytyhy ralore. Idi tamyreny rarybere: —Iny dinodu mahàdu,

matuari mahādu, adeereny ararybekre.
⁹Hābu tibina aōmydÿÿnanamy tiwatÿÿraxinyte-wana, adeereny kiamy arirawyōnykre. ¹⁰Jesuisi Kristu Nazare hāwā luduni-di kia rybe ruru-di rewinyrenyke. Kia tahe bierybenyke. Kaiboho dorikÿhe Jesuisi itxeō nihikÿ-ō teukotenyte. Deuxu tahe riixixanyre rubu-ribi. Tai tahe ka hābu reytemy rÿimyhÿe. ¹¹Jesuisi manaō wesemy ratxireri. Kia-di rehure heto widÿÿduō. Wiji tahe heto idile rÿimyhÿe. Kaiboho Jesuisi-di tehute heto widÿÿdu mana-di rehure wese. Wiji tahe Jesuisi Deuxu heto dinodu rarekre. ¹²Tamy inyō rityhynyōkeki, òraru-ribi ritaōtyhy. Ijōni aōkō iny rityhynyke, Jesuisi nile iny rityhynymy rÿikrele, òraru-ribi ritamy rÿirakre.

¹³Pedro, Joaō-wana brebuō-di kia rybe ritÿÿnyre. Tai iny bede riōtiinyrenyke, tiiboho dori tyriti erydu aōkō roire. Urile Jesuisi-wana roiremyhÿ, kiale iny rieryrenyke. ¹⁴Hābuny inyboho robirenyra juhū itibinamy. Tai tahe inyō aōbinamy tamyreny rybedu aōkō rare, hābu tibina riteytenyrenyraki. ¹⁵Tahe ibutumy iny dohodÿÿna heto wo-ribi riteōnyre. Tahe wimy rarybere: ¹⁶—Aōhebo rokotÿÿnyrenyke kia hābu-di. Inatyhymy tiiboho aōwiwihikÿ riwinyrenyke. Kia rikixiōnyrenyōtyhy. Ibutumy Jerusalē hāwā mahādu kia rieryre. ¹⁷Tai kiamy rokotÿÿnykre. Tamy rakarybekre tiu Jesuisimy ixyby rybeōmykremy. Tai Jesuisimy rybe-di rikixāwādidÿÿnykemy. Inyō-ō kiamy rarybeōtyhy. Kiawese raryberenyre rybe ywidÿÿdu mahādu. ¹⁸Idi tahe rarariōwyre Pedro Joaō-wana tamyreny rarybere: —Jesuisi nimy rybeōmy, bibedeerynyōtyhy irybemy. ¹⁹Tahe Pedro, Joaō-wana tamyreny dirawyōnyde: —Aōbo awityhyre. Inyboho arybe arityhynykre aōbo

ada Deuxu rybe aōbo arityhynykre. ²⁰Aōbo jiarÿboho rabirenyré, raholarenyré, kialemy araryberenykre. Inyō riwarybebinanyōtyhy. ²¹Idi ta ixitre tamyreny raryberenyre, rybedÿÿōkemy. Tahe riteōnyrenyke. Tamy aōwidÿÿōmy rÿimyhÿ hāwā mahādu dee ruberurenyreki. Hāwā mahādu dori Deuxu reālāmyhÿe hābu riteytenyraki. ²²Kia hābu dori 40 beōra ratyremy tabeōra-di ratximyhÿe riteytenyrau.

²³Pedrobobo rexitamy roirenyreu, ityhydÿÿdu seriōre òryssymy roirenyre. Tahe tiiboho tamyreny relyyrenyke iwese dohodÿÿna heto wedu matuari mahādu-wana tamy rarybere wesemy. ²⁴Tahe wiwese wesele rōhōtinyreri wese, Deuxu-ō rexitōenyrenyke: —Kai, Waha, inyIōlōreny atximahāte. ²⁵Kai, ibutuwidÿÿdu tarybete: Davi, initybyreny-di tarybete Atytybytyhy tamy ritÿÿnyre, iwese tii rarybekemy. Davi eōdumy raremyhÿ. Irybe tyriti-ki roimyhÿe kiamy:

—Judeukōdu mahādu raykarananyreri.

Kia awimy aōkō ihÿe. Waijoi aō òbitinadibo aōkō rōhōtinyreri.

²⁶Dinodu mahādu wiributunyre Deuxuōludumy rÿikremy. Tule Kristu, kia Deuxu deōdÿÿna òludumy rÿikremy.

²⁷Arybe-ki, Waha, kia ritidÿÿna roire. Tule Waha, inatyhy rare. Ka hāwā-ki, Herodi, Poncio Pilato, Judeu mahādu, Judeukōdu mahādu, kia ibutumy ributunyre ariōre Jesuisi òludu rÿirakremy. ²⁸Tiiboho riwinyre iwese kai tarybete wese, Waha, kia aōmydÿÿnanamy rÿirakremy.

²⁹Kai, Waha, teeryte iwese tiiboho raryberemy, aōma, rybeōmykemy. Tahe eōdu biwiōhenanykre arybe-di ihārele rarybekemy brebuō-di.

³⁰Biwiōhenanykre, Waha, eōdu mahādu, webinadu mahādu

riteytenykemy. Tule aõna aõna wiihikÿ riwinykremy, Jesuisi, Ariõreni òraru-ki kia riwinykremy. ³¹Tahe ixitòedÿÿna rexihureu, heto ramytatamy. Deuxu Tytybytyhy ibutumy iny tykumy ralore. Tai tahe Deuxu rybe rarybemyhÿre. Brebumy aõkò tiiboho relymyhÿrenyure.

³²Ityhydÿÿdu mahädu iaõna aõna-di wii riwiõhenanyre. Inyõ rarybeõhyra: —Kaa wahõrò sohojile rare. Ibutu aõna aõna ibutu hõrõmy rÿimy raremyhÿ. ³³Deuxu Jesuisi erydÿÿna mahädu riwiõhenanytyhyre irybemy relyrenyure, kia Jesuisi rubu-ribi ixixana rybemy. Deuxu teysana tamy riwahinyre tule iny sõwemy iluurennyre. ^{34–35}Tai tahe ityhydÿÿdu mahädu aõna aõnamy rasiranyõhyra. Ityhydÿÿduõ ityhymy rÿirakeki, taheto, tasubede rohonyre tahe nieru Jesuisi erydÿÿna mahädu-ò diwyde. Idi tahe tii ritxuatxuamy riwahinyre ibutu-ò timybo iny sohoji sohoji tuu rurumy rÿiramy.

^{36–37}Jyje tule kiawesele riwinyre. Tasubede-ò-di rohonyre, idi iõwy nieru diwyde Jesuisi erydÿÿna mahädu-ò. Jesuisi erydÿÿna mahädu Jyje rininire, Banabemy. Kiani inrybe-ò riwiurõnanyre, rybe-di wiõhedÿÿdu kiani rare. Tii Levi mahäduõ rare, Xibri bedebutesÿdu tii raremyhÿ.

5 Idi tahe tule ijõ häbu, Anania ninadu, tahäwyw Safira-wana tasubederenyõ-di rohonyrenyure. ²Iõwy tahe txuralem diwyde Jesuisi erydÿÿna mahädu-ò tasubede õwyreny ibutumy risÿnyrenyureri. ³Tahe Pedro tamy rarybere: —Aõherekibo Satanasi-ò taholamy araykywo-ki atxiteri Deuxu Tytybytyhy-ò taruiteri. Aõherekibo iõwyjura-di atxiteri. ⁴Juhuu asubede tahonyõteu, ahõrò rare. Aõhe, inatyhy? Inyõ adee rarybeõre idi bohonykemy. Idi tahonyteu, tahe, nieru ahõrò rare, aõhe inatyhy. Aõherekibo

aõbinahäkÿmy tahõtinyteri. Häbu-ò aõkò heka taruiteri Deuxu dee. ⁵Kia-ò Anania roholareu, rurulemy resere. Tai ibutumy iny ruberutyhyre.

⁶Weryrybò tahe iumy rihetynyre. Tahe ritamadÿÿnymy riwyre rihäloonykremy.

⁷Inataõ òra bededÿÿnanamy reare tahe Safira, Anania häwyw rehemynyre. Aõ heka rieryõhyre tahäbu rubuna rieryõhyre. ⁸Pedro tamy rÿÿraxire: —Tiwesemybo asu teõwynyta —ahäbu rarybere wesele aõbo. Tahe tii dirawyònyde: —Kohe, iwelese rakòwònyre. ⁹Ixityre Pedro rarybere: —Aõherekibo ahäbu-wana kai taruiteri. Tii teurihite aõbo riwinykeò. Beteheke, weryrybò ahäbu loodÿÿ-ribi rehemynyureri. Tule tii aradykre rubumy. ¹⁰Tule tii aõwesele rurulemy resere. Weryrybò mahädu ralore. Tai riwyre ritoonykre tahäbu biremy roikremy. ¹¹Tai tahe ibutumy ityhydÿÿdu mahädu ruberure. Ibutumy kia-ò roholareu, tule ruberumyhyre.

¹²Jesuisi erydÿÿna mahädu sõwemy wowydyna aõmydÿÿnana riwinyrenyure. Tule deytanawiihikÿtyhy sõwemy riwinyrenyure. Ityhydÿÿdu mahädu wii ributunymyhyre Deuxu dohodÿÿna heto ube-ò. Salomaõ ubetyhy inire.

¹³Kaa häwä mahädu dori sõwemy ruberumyhyre Jesuisi erydÿÿna mahädu-ò wiutàdà lau. Tamy rabutuõhyre ijohonamy. Ihärele tahe ijõ rityhynymyhyre, ityhydÿÿdu mahädumy ralokemy. Aõbinatymy heka inyõ ityhydÿÿdu mahädu dee raryberenyõhyre. ¹⁴Ityhydÿÿdu mahädu rasõwerenymyhyre. Häbu, häwyw tule ralòmmyhyre Inynyrytyhy-ò. ¹⁵Webinadu mahädu iny ridymyhyre ryð, häwä häwä-ribi. Tai Pedro nonana-ki riraòmny roimyhÿ byretyre-ki, herina tyre-ki. Pedro ubòrò webinadu-txi reakemy tai riteytenykemy rexinohõtinyre. ¹⁶Ibutumy Jerusalë-ribi iòhòmny rÿira

mahâdu nade webinadu-di, tule iny tytybybina-di didyde. Tai tahe ibutumy reytere.

¹⁷ Xiwenawidÿÿdu wedu mahâdu, Jesuisi erydÿÿna mahâdu-ò rexinaanymyÿre. Tule kiawedu eryna mahâdu riwôhenanyre. Saduseu imahâdu ni rare. ¹⁸⁻²⁰ Tai tahe xiwe wedu mahâdu, Jesuisi erydÿÿna mahâdu rimyrenyre idi rehurennyre hâwâ rôténawo-ki. Rummy tahe Inynyryÿ jÿjuò riraynyre ijò, tahe ridyre ahana-ò. Tamyreny rarybere: —Boibenyke Deuxu àlàna heto-ò. Bexideòsinybenyke iny sôwehekÿ-ò. Tamyreny bitÿnybenyke timybo Jesuisi umytÿmyra inydee riwahinymyÿre.

²¹ Iwese jÿju rarybere wese, txuu ratÿnyreu, dohodÿÿna heto-ò ralomyÿre. Tai rierynarenymyÿre. Tahe xiwena mahâdu wedu dehemynyde, tii-wana ratximyÿ-wana. Israeli nohòti juradÿÿdu mahâdu ributudÿÿnyre. Ibutumy judeu mahâdu, matuari mahâdu bederytyhy mahâduò rare. Tahe soldado itxeredu-ò riteònyre ròtena-ò iòrysyrenymy. ²²⁻²³ Tahe roirennyre. Ròtena-ki tai rahaôre. Ròòsere tamy relyre: —Ròtena-ò rehemynyra. Txiòtòbòhòkÿlemy rÿire. Tahe reraenyreu, aôho aôkò rare.

²⁴ Dohodÿÿna wedu xiwena wedu-wana kia roholareu, tiiboho rex-ieryrenyôhyre aôbo riwinyrenykemy, aôhebo rotÿÿnyrenykemy. ²⁵ Iwesemy rôhòtynyrenikònalemy, inyò dehemynyde. Tai rarybere: —Ròtena-ki tetidite mahâduò, dohodÿÿna heto-ki ratxireri. Iny kowa ritohonyreri.

²⁶ Tai tahe soldado dinodu, soldado itxeredu-wana riòryre ta didydenyde ywilemy. Tamy heka aôhe risÿnyôhyre mana huna-di tamyreny kedehukemy heka soldado rôhòtynyre. ²⁷⁻²⁸ Tahe dehemynyde ritamadÿÿnyre inysôwe weduko-txi. Tahe wedutyhy rybe

riteleny: —Jiarÿboho heka juhu adeereny rarybere uritere Jesuisi nimy bede erydÿÿrenykômykemy. Ihârele tahe tuu tebedeeryntenyta ibutumy Jerusalê hâwâ iny-ò. Ibutu-ò aeryna-di tariate. Wamy tarybetenyteri jiarÿboho Jesuisi rerubunyrenyamy. ²⁹ Tahe Pedro taijoi-wana rarybere: —Iwese Deuxu wadeereny rarybere wese, arityhynyrenyke. Hâbuò iwitxiramy wadeereny rarybekeki, tiu arityhynyôtyhy. ³⁰ Kaiboho inatyhymy Jesuisi terubunytentyte. Òwòru nihikÿ itxèd-ò tetamadÿÿnyntenyte. Inytyby Deuxu tahe rubu-ribi riixixadÿÿnyre.

³¹ Deuxu tarurunawe-ribi debò-di biu-ò ritamadÿÿnyre ibutu iòlòmy rarekemy, ibutu tarasadumy rarekemy. Tai ibutu Israeli ijoi mahâdu-ò òraru bedewona ixâwina riwahinykemy. ³² Inyboho heka kia aômydÿÿnamy robimyhÿrennyre, tai heka reerymahârennyre inatyhy raremy. Inyò Deuxu rityhykeki, tii Tatytybytyhy tamy kidiwahinyke. Tii tule kia aômydÿÿnamy rarybemyÿre.

³³ Xiwena wahidÿÿdu mahâdu wedu tamy roholarennyreu, rakyarananyrennyre, irubudÿÿmy idi ratximyÿ. ³⁴ Tahe fariseu mahâduò lamamy rÿire. Ònosôna erydÿÿduò tii ihÿre. Ibutumy iny tii riijemyÿre rityhynymyÿreki. Kamalie heka inire. Tahe tii rarybere: —Jesuisi erydÿÿna mahâdu-di biòlònyke urihimyò ahana-ò. ³⁵ Idi tahe taijoi-ò rarybere: —Hâbu, Israeli mahâdu, bexiijebenyke kia hâbu-ò, aôhebo botÿÿnybenyke.

³⁶ Kaiboho dori ôhòtirenny beabenyke Teudani-txi. Juhuu dori dinoduômy tii raremyÿ. Tii ixiòlòdÿÿnihikÿmy iximy rarybere. Sôwemy heka iny tii-wana raremyÿ tahe 400 hâbumy ihemy rare. Inyò tahe rirubunyrenny rityhynymyÿre mahâdu tahe iribi raubÿtÿre. Tahe aô heka rimyôhyre, ibutumy iôre. ³⁷ Iwitxirau ijò-txi

õhõtireny rearenke. Judasi inire. Tii Kalileia mahäduõ rare. Iu bede dinodu iny-di rariareu tahe, tii rexiòlòdÿÿnyre. Sõwemy iny riheludunyre. Tii tule rurure. Taityhydÿÿdu mahädu tule raubÿtÿre. ³⁸Tule wahe kahäbu mahädu rare ixinamy biteònyke. Häbu kia aõmydÿÿnana dinodukeki, aõmy aõkõ relekre. ³⁹Deuxu tahe idinodukeki, tiu heka idi behuòtyhy. Deuxu òludu wesemy heka kai tesumahäte. Tai tahe Kamalie rybe-ò ibutumy rityhynrenyre. ⁴⁰Didyde he Jesuisi erydÿÿna. Rihetenyre. Idi tamyneny rarybere: —Rybeòmyke Jesuisi nimy. Tahe ixinamy riteònyre. ⁴¹Tiiboho iribi rexitarenyre, reysatyhymy ratximyhÿ, Jesusini òraru-ki dorikÿhe tiiboho aõhòkÿmy rotÿÿnyrenyraki. ⁴²Txuõ txuòlemy Rybewihikÿ ritÿnynmyhÿrenyre dohodÿÿna hetomy dori, heto hetomy tiiboho rarybehymy rÿimyhÿre: —Jesuisi inatyhymy Kristu rare, Deuxu deòdÿÿnamy nade.

6 Tahe ityhydÿÿdu rasõwetyhynmy rÿiramyhÿ. Iu ityhydÿÿdu wytese mahädu-ò rÿsÿna riwahinymyhÿreu, grego rybedu rexinaanymyhÿre rÿsÿna wahidÿÿdu mahädu dee. Judeu mahädu wytese sõwemy rÿsÿna ritamyhÿrenyre waratyrereny. Kia wesemy heka judeukòdu mahädu rarybere. ²Jesuisi erydÿÿna waò inatxi reurò mahädu, ibutumy ityhydÿÿdu didydenyde kia aõmydÿÿnana-ò roholakemy. Tahe raryberenyre: —Deuxu rybe erydÿÿ rikiixäwidinyrenykeki, wytese rÿsÿna ariwahinyrenykeny, kia heka òbiti aõkõ rare. ³Tai tahe kaiboho häbu mahäduõ bitabenye ayreny-ribi debò inatxi reurò häbumy bitabenye. Häbu tyhydÿÿnale, Deuxu Tyytybytyhy-di tÿximy rÿiralemy, iny bedeeryhykÿle, kiaweselemy häbu bitake. Tiiboho dori aõna aõna ywisidÿÿdumy roirekre,

kiawesemy iaõmysÿdÿÿnarenykre. ⁴Tai jiarÿboho arexitòenywähärenykeny watxiwähärenyre. Deuxu rybemy ariernanymahärenyke. Kiawese Jesuisi erydÿÿna mahädu rarybere. ⁵Ibutumy heka tuu raryberé, tamyneny awire. Tai tahe häbu mahädu ritarenyre. Estevaõ ijöre, tii Deuxu Tyytybytyhy-di tÿximy rÿira, tatyhyna-ki tÿximy rÿira. Filipi ijöre, Prokoro ijöre, Nikanu ijöre, Timaõ ijöre, Parmena ijöre, Niolau ijöre, Niolau tahe Atxiòkia mahädu juhuhu rare. Judeu bede erydÿÿna tyhydÿÿdu juhuhu tii rare. ⁶Ityhydÿÿdu mahädu tiiboho didydenyde Jesuisi erydÿÿna mahädu-ò. Deuxu-ò rexitòenyrenyre tahe Jesuisi erydÿÿna ityre tebò ritidirenyre.

⁷Deuxu rybe heka ibutu ijohonanamy rÿire. Ityhydÿÿdu mahädu-ò sõwetyhymy tamy ralòmyhÿre Jerusalë häwä-ki. Xiwena widÿÿdu tule sõwemy Jesuisi rityhynyre.

⁸Estevaõ heka Deuxu luuna sõwemy ratximyhÿre. Sõwemy Deuxu ruru-di ratximyhÿre. Deuxu urihixina nihikÿmy inyko-ò riwinymy raremyhÿ. Aõdeytenawiwihikÿ wesemy tule riwinyre. ⁹Kowa häwä-ki tahe judeu dohodÿÿna heto iwitxira rÿimyhÿre. Libertu mahädumy rexininire taijoi. Imahäduõ Sireneu ludu rare, ijõ Alexÿdria häwä luduõ rare. Tiiboho doidenyde Estevaõ-wana rybe ritxiònykeny. Silisia bede luduõ-ribi, Afia bede luduõ-ribi tii-wana doidenyde. ¹⁰Estevaõ rarybere bedeernihikÿ-di. Kia mahädu tahe irybe weseõre. Estevaõ dori, Deuxu Tyytybytyhy-di ihÿre. ¹¹Tai tahe häbuõ-ò raryberenyre: —Kaiboho heka Estevaõ dee maruibenykre. Jiarÿboho dori araòwynyrenykre. Kawesemy maruibenykre, my: —Jiarÿboho Estevaõ rybe-ò raholamy räiwähärenyre. Tii Deuxumy aõbinahakÿlemy

rarybemyhýre, Moisesimy tule. ¹²Kia-ki heka Estevaõ dee iny raykarananyre, judeu matuari mahädu tule tamy raykarananyre. Ibutumy Estevaõ òrysmy roirenyre tahe rimyreny, ridyreny rybe ywisidýýna-ò. ¹³⁻¹⁴Tahe ruidu mahädu didydenyde. Tahe tiiboho raryberenye, my: —Ka häbu heka Deuxu dohodýýna hetomy ibinamy narybede. Tii rarybere Jesuisi Nazare ludu iny dohodýýna heto kidibòhònykre. Jesuisi iny aomydýýnana kidiwixiranykre, ibutumy Moisesi inyeereny riernanyre. ¹⁵Ibutumy iny ywisidýýna mahädu Estevaõ-ò retehere. Iòsana, ýju òsýñwesehekýlemy tamy ròhòtinyrenye.

7 Tahe xiwe wedu Estevaõ-ò rýraxire: —Kia aõbohe inatyhy rare. ²Estevaõ tahe dirawyònyde. Wanyrýboho, Wahaboho, Ijyymy adeereny arelyykre. Warybe-ò boholabenyke. Mesopotamia bedeki Deuxu biu-ribi rexitýnynyre Abraõ-ò, inytybyreny-ò, Harã hãwã-ki rasýnyõreu. ³Tamy Deuxu rarybere: —Abede-ribi boibenykre. Alahi riòkòre mahäduy-ribi makre. Manakre ijõ bede-ò adee dori asýbede ariurihikre. ⁴Iribi tahe Abraõ Kadeu mahädu bede-ribi roirenyre Harã hãwã-ò tai rasýnykemy. Iribi tahe tyby rurureu, Deuxu kaò didyde ka bede-ò titxibo kaiboho wiji tasýnymahãtemy. ⁵Abraõ-ò sýõ riwahinyõre timy urihimýðòhy. Tahe idi tamy riwahinykemy, iriòre-ò riwahinykemy Deuxu tamy rarybere. Abraõ iriòreõre, ihãrele Deuxu tusýmy tamy rarybere. ⁶Tule Deuxu tamy rarybere: —Ariòkòre ijõ bedeki rasýnykre 400 beòramy. Kowa ariòkòre heka deòdu wesemy raaòmysýdýýkre. Iwedü mahädu heka ibinamy idi rarekre. ⁷Jiarý tahe iny ariòwynykre, Deuxu rarybere, ibinamy widi rýira mahädu. Iribi

ka bede-ò kòdòhònykre wamy kaki reàlámýhýkemy. ⁸Idi urihixinaõ Abraõ-ò Deuxu riwahinyre, tòhòti itxi reakemy. Uladu notyyresyna aomydýýnana tamy riwahinyre. Idi tahe Ijai reareu, Abraõ Ijai notyy riorore debò inataõ reurò txu-di. Iribi tahe Ijai tariòre Ijaò ritòtykyorore. Iribi tahe Ijaò tariòre notyky riorore. Tiiboho waò inatximy riòrenaduò roire. Inatyhymy tiiboho inytybyreny rare. ⁹Idi waòsohoji inytybyreny mahädu Jyje dee rexiwobinanymýhýre. Idi rohonye Egito-ò ramýhýre mahädu-ò. Tahe Deuxu tii-wana raremýhý. ¹⁰Iaòhòkýmy dýýnana-ribi Deuxu ritamýhýre. Egito iòlò, Faraòmy ninadu rare. Deuxu heka Jyje luumy Faraò risýnyre. Faraò rue-ò heka Jyje bedeerydýýna sòwemy ratximýhýre. Faraò ibutu dinodumy Jyje risýnyre. Tule Iòlòheto-di itxeredu tyhymy Jyje ronyre. ¹¹Ramamy rubu nihiký dehemynyde ibutusu-ò, Egito-ki, Kanaã bedeki. Sòwemy iny aòhòkýmy rotýýnyre. Inytybyreny rýsýnaò-ki rahaòhyre. ¹²Egito maixòmo rýimýhýreò, Ijaò roholare. Tahe inytybyreny riteònyre iòrysmy. ¹³Idi tahe ixityre iòrysmy riteònyreu, Jyje tamýreny rexideòsinyre. Tai tahe Faraò Jyje sýmahädu rieryre. ¹⁴Tahe tyby-ò Jyje tarybe riwahinyre tamy sýmy kanakemy ibutu imahãdureny-wana. Tiiboho 75 inymy rimyre ibutumy. ¹⁵Tai tahe Egito bede-ò Ijaòboho roirenyre. Iribi tahe Ijaò rurure. Idi tahe ibutumy inytybyreny rurure. ¹⁶Tahe iumýreny diwyde ritoonyre wabede-ò, Sikenì hãwã-ò. Abraõ kia wabede juhüu riwyre nieru-di, Emo riòre-ribi. ¹⁷Deuxusý-ò wahidýýna juhüu rarybere Abraõ-ò. Ibededýýnana iòhòre Deuxu tamy riwahinykemy. Inyboho Egito-ki rasòwemyhýrenye. ¹⁸Ikonanau tahe iòlò iwitxiramy ròhònyre Egito bede iòlòmy. Tii Jyje rieryòre. ¹⁹Tii

iny ijoi riitxenanymyhÿre. Tii heka ibinatyhyre inytybyreny-ò. Uladu-di heto-ribi rehukemy riteònyre. Tai iny riòreneny ituerenyre. ²⁰⁻²¹Iu tahe Moisesi reare. Tii uladu ruxeratyhyre. Tii tahetotyhykile raumynyre inataõ ahådumy idi rÿire. Heto-ribi dòhòny-deu, Farad riòre rimyre itibiedÿÿmy tariòre wesemy. ²²Ibutumy Egito bedeerydÿÿnana tamy riernanyre. Tii heka rexiòlònyre rybedunihikÿmy aõmydÿÿna widÿÿdu nihikÿmy. ²³Moisesi iny inatxiwa itue beòra-di rÿireu, tamahadu, Israeli mahadu roramy nade. ²⁴⁻²⁵Egito mahaduõ Israeli mahaduõ rihetenyre, Moisesi tuu robire. Tahe Moisesi tii rirubunyre, Israeli mahaduõ riwiðhenanykemy, Egito mahaduõ rexiðwynymy. Deuxu Moisesi debò-di iny ritakre. Kiamy tahe Moisesi mahadu rierykremy Moisesi røhòtinyre. Tahe aõkøre rieryòhyre. ²⁶Ijò txu biòwamy tahe Israeli hàbu inatximy wiwana ròrenymyhy. Moisesi ronyre iyreny-txi riixawididÿÿnykemy. Rarybere: —Kaiboho seriòre toite, aõherekibo wii tehetenytenyteri. ²⁷Kia òhòtedu Moisesi ritorunyre rarybere: —Mobo he wawedurenymy arasÿnyra, awaywisidÿÿdu renymy. ²⁸Kai biwarubunyekò aõbo, iwese kau Egito mahaduõ terubunyte wesemy. ²⁹Kiarybe-ò roholareu, Moisesi rahenyre Midiã bede-ò rasÿnykemy. Idi tahe inatxi Moisesi riòremy kowa reare. ³⁰Iny inatxiwaituemy beòra-di bededÿÿnana riwyre. Tahe Sinai hãwãlò bederahy-ki raremyhÿu, ÿjuò tamy rexitÿnnyre bede rade tòbòhòkÿy-ki tamy roomyhyre. ³¹Moisesi kiamy dobideu, bede riòtiinyre. Tamy itxeremy rehemynyre. Tahe Deuxu rybe-ò roholare. ³²Jiarÿ borenny Deuxu watxireri, Abraõ Deuxu, Ijai Deuxu, Ijaò Deuxu. Tahe Moisesi ruberutyhyre, tii heka tamy reteheòhyre. ³³Tahe

Deuxu tamy rarybere: —Awa bitake, suu awarawo ludu dori, brebuna rare. Jiarÿ heka Deuxu watxireriki, biwatyhynyke. ³⁴Wiji tahe waijoimy rabireri Egito-ki. Tiiboho aõhòkÿmy rotÿÿnyrenyre. Ibru-ò raholareri, iohitxi-ò raholareri. Jiarÿ heka aditadenykre iribi. Manake, Egito-ò arateònykre. Kia heka Deuxu rarybere Moisesi-ò. ³⁵Ka Moisesi heka Israeli mahadu juhuu teramy reare. Tamy rarybere juhuu mobo wawedurenymy arasÿnyra, waywisidÿÿdurenymy. Tiile heka Deuxu riteònyre idinodumy rarekemy, tarasadumy rarekemy. Bederade tòbòhòkÿ ÿju, heòtywoludu, iwiðhedÿÿdure. ³⁶Tahe Moisesi Egito-ribi iny ritamyhyre. Egito bede-ki bedeeryna aõna aõna wiwihikÿ-wana. Iwese ahohokÿbesò-ki tule bederahy-ki iny inatxiwaitue beòramy aõmydÿÿnana wiwihikÿ riwinyre. ³⁷Kaa Moisesi heka rarybere Israeli mahadu-ò: —Ayreny-ribi, amahadu-ribi rybedu nihikÿmy Deuxu kiditamadÿÿnykre iwese riwatamadÿÿnyre wese. ³⁸Kaa Moisesi taijoi-di wii ributunyre, bederahy-ki ihÿmyhÿ inytybyreny-wana heka ratximyhy. ÿju-wana tii ratximyhy Sinai hãwãlò-ki iu tamy rarybere. Deuxu rybe tyhy iru-di ratximyhy. Tahe rybe bede ywina heka Moisesi-ò Deuxu riwahinyre inydeereny kidiwahinykemy. ³⁹Tahe inytybyreny ityhydÿÿ deramy rare. Reòbyòrenyre. Ixybyle Egito-ò ròðsekemy røhòtinyre. ⁴⁰Tahe iny Ara-ò rarybere: —Ritxoo deuxuò inydeereny biwinyke inykorenymy rakemy. Moisesi, Egito-ribi iny ritarenyre, tahe titxibo ihÿre reeryrenyòre. ⁴¹Kiatxu tahe broreni riòreò riwinyre. Tahe xiwemy ritoonyrenyre iko-ò, ritxooko-ò. Rexideysanyrenyre aõbo tebò-di riwinyrenyreki. ⁴²Tai tahe Deuxu rexitare iribi, taina rityhynykemy.

Iwese rybeduõ iu tyyriti-ki riritinyre wese:

—Israeli mahādu, kaiboho xiwena tetoonytenyte, iròdu xiwena tetoonytenyta. Wadee aõkõ tahe kia tetoonytenyta 40 beõramy bederahy-ki.

⁴³ Kaiboho tewytenyta ritxooheto riðre. Mòlòki inire, aritxoo deuxuni. Tule Renifa taina ijõ aritxoonire. Kia tewinytenyte, tetyhynytenyte wahe. Tai tahe arateõnyrenykre Babilonia weribihiký-ò wahe.

⁴⁴ Inytybyreny heka Deuxu rybe bede ywina tyky heto riwiny-myhýre bederahy-ki. Iwese Moisesi-ò Deuxu riteõnyre wesemy kia riwiny-myhýrenyre. ⁴⁵ Iribi tahe inytybyreny tatyby-ribi tyky heto ritare, tii-wana riwiny-myhýre kabede-ò, Josue tadinodu-wana. Iu Deuxu iko-ribi riteõnyre, ibutumy tai sý mahādu tii-wana riwiny-myhýre, ihyy tahe Davi reare. ⁴⁶ Deuxu heka sówemy Davi luure. Davi heka rexitõenyre Ijaò Deuxu dee heto riwinykemy. ⁴⁷ Tahe tii aõkõ riwinyre, Salomaõ iwidýýdure. ⁴⁸⁻⁴⁹ Deuxu biukisýdu tahe hābu widýýna heto-ki rasýnyõmyhýre. Iwese Deuxu rybeduõ rarybere wese:

—Biu tahe warynana rare, bede tahe wawa elehyna rare. Timybo inyõ wadee heto riwinyke, Inynyry rarybere. Iwo-ki tahe waelehyna arihynyõkre.

⁵⁰ Deuxu rarybere:

—Ibutumy aõna aõna jiarý rewinyre.

⁵¹ Tahe Estevaõ rakonananyre he tamyreny rybena heka ròhõnyre: —Kaiboho arakytererenyre. Deuxu Tyytybytyhy rybe-ò taho-laõhyymahātenyte. Iwese iny tybyreny riwinyrenyre wesemy. ⁵² Ibutumy Deuxu rybedu mahādu-ò ibinamy iny tybyreny riwiny-myhýrenyre. Tiu ihetxiu Deuxu õbiti hābu kanakeò, tiiboho

raryberenyre, rirubunyre irybedu. Kaiboho tahe Deuxu õbiti hābu-di ijõ-ò tewahinytenyte, terubunytenyte. ⁵³ Deuxu bede ywina ýju mahāduõ adeereny diwahinydenyde, kia bede ywina kaiboho tetatenyte, tahe tetyhynyõhyymahātenyte. ⁵⁴ Tahe

kiamy Estevaõ rarybere, tiiboho heka rebure nihikýre. Urile txyde-ki ruru-amyhýre tamy. ⁵⁵ Estevaõ tahe Deuxu Tyytybytyhy-di iwoki ratximyhýre. Tahe biu-ò retehere: Deuxu loosõnamy robire. Jesuisimy robire lamamy ryire Deuxu rurunawe-ribi. ⁵⁶ Tahe Estevaõ rarybere: —Jiarý wa rabireri biu juxahakýmy. Jesuisimy rabireri Deuxu deòdýýna. Lamamy heka rare Deuxu rurunawe-ribi. ⁵⁷ Tahe ryrymyhýre, tõhõti ritòbõnymyhýrenyre, raijeranyre tamy. ⁵⁸ Ridyre hāwāy-ribi, mana-di tahe tamy rehumyhýre, rirubunyre. Erydýýna ijyydu tahe taderamy ririrenyre Saluko-txi tamy riyrubunykeny. ⁵⁹ Iu mana-di rehureu, Estevaõ rexitõenyre: —Wanyrý, Jesuisi, watyytyby kai bimyleke awana ararekemy. ⁶⁰ Tahe tatiowotimy resere, ryryre: —Wanyrý, kia òraruna iòwydýýomyke. Idi tahe rurure.

8 Salu tahe kia õbitimy raremyhý ròhõtinyre, Estevaõ rurureu. ² Iribi tahe ityhydýýdu mahādu aõhókýmy rotýŸnymyhýre. Judeia wedu mahādu dori, iòludumy rýmyhýre. Tai tahe ityhydýýdu sohoji sohoji Jerusalē hāwā-ribi ròhõnyre. Urile Jesuisi erydýýna mahādu sohojile ryire. Judeia bede hāwā mynamyna robýtýre, Samaria bede-ò tule. Tahe hābu ityhydýýduõ Estevaõ umy riwyrenyre rihāloonykemy. Tahe rahiny-myhýrenyre, rirajuamyhýrenyre. ³ Salu tahe ityhydýýdu mahādu hudumy. Wii risýnymyhýre. Ihetorenywo-ò ralòmyhýre tahe ridymyhýre hāwy, hābu, ròtenawo-ò riròtenykeny.

⁴Iu tahe ityhydýýdu mahādu ijō bede-ò roire mahādu Deuxu rybemy relymyhýre ibutu hāwā-ki. ⁵Filipi ijō raremyhý. Tii Samaria hāwā-ò rehemynyre. Tahe Kristumy tamynyreny relyre. ⁶Iny sōwemy rityhynyreny aōmybo Filipi rarybemyhýremy. Tahe deytedyýna wiwihikýmy iny robimyhýreny, tyytybybina deōdýýnamy tule robirenyre. ⁷Tahe riteōnyreu, tyytybybina iny-ribi rōhōnyre, rirajuamyhýre. Tule iny webinadu raraserasemy roimyhýre, tule inytiere-wana. Tahe ibutumy riteytenymyhýre. ⁸Tai tahe ka hāwā-ki deysana nihiký rýire.

⁹Samaria hāwā-ki tahe hābuō raremyhý. Simaō inire. Tii wodohonana widýýdu ihýre. Iny riitxenanyemyhýre. Tahe riōtiinyreny. Tii iximy rarybemyhýre moō wiwihikýmy raremyhýmy. ¹⁰Ibutumy iny tii rityhynyreny, hābu wedu mahādu tule, hābu aōtxile mahādu tule. Tiiboho raryberenyre: —Simaō Deuxu ruruna rare. Ruruna nihiký inire. ¹¹Tiu bedeu aōkō iny riitxenanyemy raremyhý, riōtiinyreny. Tai tahe rityhynymyhýreny. ¹²Iu tahe Filipi Jesuisi Kristunimy, Deuxu òlōnamy tamy relymyhýre. Tai tahe rityhynymyhýre, raratysebemyhýreny. ¹³Iribi tahe Simaō itxenadýýdu tule Jesusimy reōbyre, raratysebeny. Tahe Filipi-wana ihyy ròirenyre bedē òtiidýýna-di retehemyhýre aōbo Filipi riwinyremy.

¹⁴Samaria hāwā mahādu tahe Deuxu rityhynyre. Kia-ò Jesuisi erydýýna mahādu roholare Jerusalē-ki. Tai tahe Pedro Joaō-wana riteōnyreny kowa-ò. ¹⁵Rehemynyrenyreu, Deuxu-ò rexitōenyreny Deuxu Tyytybytyhy tamy kanakemy. ¹⁶Inyō dori Deuxu Tyytybytyhy-di rýiōmyhý. Urile Jesuisi Inynyrýni-di raratisebedýýmy

rýiramyhý. ¹⁷Tahe Pedro Juaō-wana tebōreny ityreny ritidire. Tahe Deuxu Tyytybytyhy tamy nade. ¹⁸Kiamy Simaō robire, aōma, debōtidina-di Deuxu Tyytybytyhy nade. ¹⁹Tai tahe tamy rexitōenyre: —Ka heka wanieru rare. Bidiwahinyke kia ruruna. Tahe inyō tyre wadebō aritidikeki, tamy Deuxu Tyytybytyhy kanakemy. ²⁰Tahe Pedro tamy dirawyōnyde: —Aōkōre, anieru rakemy watxireri awanale rububede-ò. Deuxu ruruna dori anieru-di biwykemy mohōtinyke. ²¹Kia heka aōmysýdýýnakōre wayreny-ki. Arayky, awo, òbitimy aōkō ratximyhýre Deuxu dee. ²²Mabedewomy atximahāke aōraruna-ki, aōbo tahōtinyte. Bexitōenyke Inynyrý-ò tii òsana aōraruna-ribi araixāwididýýnykre. ²³Kai dori texiwaritinyamahāte. Aōraruna adi nararotinyhýde. ²⁴Tahe Simaō tamy rarybere: —Wadee bexitōenybenyke Inynyrý-ò, kia aōkō waki kýnyikemy, aōmybo tarybetenyteki aōbo.

²⁵Iribi tahe, Pedro Juaō-wana Inynyrý rybemy rarybemyhýreny, relymyhýreny tai. Sōwemy Samaria bedē hāwā hāwā-ki Rybewihiký relymyhýre, Jerusalē-ò ròðserenyreu.

²⁶Filipi Samaria hāwā-ki raremyhý. Tahe Inynyrý ýjuō tamy rarybere: —Bexiywinyke, make ibōd-ò. Kasa hāwā ryhyký bimyke. Jerusalē-ribi ryy rare, bederahy-ki rare. Tahe Filipi rare. ²⁷⁻²⁸Tahe inyō-wana wibymy reare. Tii Etiopia bedē luduō rare. Etiopia bedē iōlō hāwyyō rare. Kanasi inire. Inieru-di itxeredu kahābu rare. Tii enuku rare. Tii ròðsereri Jerusalē-ribi. Kowa Deuxu reālāmy rare, tahe tasý-ò ròðsere iawarutewedile. Isaia Deuxu rybedu tyyriti-di rariamy tii ronymyhýre. ²⁹Deuxu Tyytybytyhy Filipi-ò rarybere: —Make, awarutewe-ò, mariake ibire-di. ³⁰Tahe Filipi tamy

raijaranyra. Roholare tyriti-di rariareriò. Tahe Filipi rÿÿraxire: —Kai aõbo teeryte aõbo rare, aõdibo tariateri. ³¹ Tahe dirawyònyde: —Aõkõre, inyõ dori wadee ritÿnynyõre. Timybo arierykremy. Manaòwònyke wabire-ò bodonyke. Tahe Filipi raòwònyre. ³² Tii kia-di rariareri tyriti-ki:

—Iwese iny budoeni rubudÿÿdu-ò riwyre wese, tii iwesele ridyrenyire. Budoeni-ribi iny isira riororeu, rirajuaõlere. Iwesetyhyle Tii rarybeõlere.

³³ Iehehenamy tamy raryberenyre wese hābu ehehe wesena, òbitimy aõkõ idi riywinyrenyre. Inyõ rarybeõtyhy iriòkòremy, iumy dori bede-ribi ituera.

³⁴ Tahe tii Filipi-ò rarybere: —Wadee manarybeke momybo rybedÿÿdu rarybereri, iximy aõbo ada ijõmy aõbo. ³⁵ Tahe Filipi kia Tyritidile rexidelenymy relyyre. Jesusimy Rybewihikÿ Tÿmyramy tamy relyyre. ³⁶ Rydi rariamyhÿre idi rehemynyrenyre beò-ò. Tahe tii Filipi-ò rarybere: —Kowa bera rare. Biwaratisebenyekõ aõbo, adee awikeki. ^{37–38} Tahe Filipi dirawyònyde: —Awire wadee. Inatyhymy arayky-ki tetyhynyte-wana, aratisebenykre. Tahe rarybere: —Retyhynyre, inatyhymy Jesuisi Kristu Deuxu Riðre raremy. Tahe tewe irira riixāwidinykemy riteònyre. Tahe itewe-ribi ròhònyra, bera-ò riberenyre. Tahe riratisenyre. ³⁹ Bera-ribi rotuoreu, Filipi aõwesele iõmy reare. Inynyry Deuxu Tytybytyhy ridyre. Hābu ixby Filipimy robiõhyyre. Tahe tary-di rariamy rare. Teysanatyhy-di tÿximy rare. ⁴⁰ Idi tahe Filipi rexieryreu, Asoto hāwā-ki rehemynymy raremyhÿ. Iribi tahe Rybewihikÿ-di relyyre ibutumy hāwā hāwā-ki. Ikonana tahe Sesaria hāwā-ò rehemynyre.

9 Salu rarybemy raremyhÿ, Inynyry Jesuisi ityhydÿÿdu mahādu rubudÿÿmy. Tii rarybemy raremyhÿ Deuxu dohodÿÿna heto wedu-ò. ² Tamy rexitòenyre: —Arybe tyriti ariwykremy watxireri Damasus hāwā dohodÿÿna heto wedu-ò. Tai tahe kowa-ki ityhydÿÿdu-ò-txi areakeki, aõtxile hābu hāwyy aõbo, aridykemy Jerusālē hāwā-ò, ariròtenykemy. ³ Tahe iðhòmy Salu rare Damasus hāwā iròte iðhò-di, idi tahe loosònahakÿ Salu tyre resere. ⁴ Tahe bede-txi resere, tahe rybeò roholare: —Salu, Salu, aõherekibo aõna aõnamy ibinamy wadee tatÿÿnymahāte. ⁵ Tahe tamy rarybere: —Mowexe, Wanyry atxiteri. Tahe rirawyònyre. —Jiarÿ Jesuisi watxireri, aõna aõnabina binamy wadee tadotÿÿnymahāte wahe. ⁶ Myike, mariamy tahe hāwāhākÿ-ò malokre. Taita inyõ adee rarybekre aõhebo botÿÿnykremy. ⁷ Tahe Salu ijoi riðryre rybeõhyr rÿimyhÿ. Rybe-ò roholare, tahe tuu robiõhyyre. ⁸ Salu suribi rÿireu, iruetā wesele heka ratximyhÿ. Tahe hābu tii-wana ihÿmyhÿ heka iaxiò-ki idi rimymy idi rare Damasus hāwā-ò. ⁹ Tahe hāwāhākÿ-ki txu inatā txu idi rÿire aõmy robiõhyyre, riroxiõhyyre, bemy riðõhyyre.

¹⁰ Damasus hāwā-ki ityhydÿÿdu wihikÿ rasÿnyre. Anania inire. Wanyry Jesuisi tamy rarybere rasi weselemy: —Anania. Tahe rirawyònyre: —Aõbo rare, Wanyry, kakile watxireri. ¹¹ Tahe Jesuisi riteònymy rarybere: —Myike, make òbitiry-ò, Judasisÿ heto-ò. Tai bitÿÿraxinyke titxibo Salu ratxirerimy. Tarso hāwāludu tule rininire. Tii wiji wadee rexitòenyreri. ¹² Tii umy robireri tarasi-ki. Kai themynyteri wese, irue-ò ebò bitidikemy, biteytenykemy. ¹³ Anania Jesuisi-ò rirawyònyra: —Wanyry, sówemy kia hābumy rybe-ò raholara. Aõbina binamy

ityhydÿÿdu-ò risÿnyny raremyhÿ
 Jerusalê-ki. ¹⁴Deuxu dohodÿÿna heto
 wedu tyriti diwyde kaki ityhydÿÿdu
 rutysÿny rirutekemy. ¹⁵Tahe Inynyry
 tamy rarybere: —Aõwaxina tamy
 makre, Jiarÿ dori, kia retara wadee
 aõmysÿdÿÿdu nihikÿmy rarekemy,
 judeukõdu mahãduko, iòlòrenyko,
 tule Israeli mahãduko wanimy
 rarybekre, aõma, warybetÿmyra
 wihikÿmy. ¹⁶Tamy aritÿnynykre
 tiwesebo aõhõkÿmy rotÿÿnykre wanimy
 rybeòraru-ki. Kia ibutumy Jesuisi
 rarybere Anania-ò. ¹⁷Idi ta Anania
 rare tamy Judasi heto-ki. Ralòm
 rahudi, tahe, tebò ityre ritidira. Tahe
 rarybera: —Salu, waseriòre, Inynyry
 adee riwateònyra. Tiile, Jesusile
 heka ryro-ki adee rexitÿnynyre. Tiile
 heka riwateònyra arue ritxuakemy,
 tule Deuxu Tyytybytyhy atykmy
 ralòkemy. ¹⁸Tahe aõwesele irue-ribi
 rejujura aõ yyy wesele. Tahe ixityre
 robira. Idi rÿimy rahudi tahe, Anania
 riratysebenyre. ¹⁹Idi riroximy rahudi
 tahe, inatyhymy raruruterenyre. Tahe
 Damas hãwã-ki tiwese txubo idi
 rÿire kia erydÿÿna mahãduy-ki. ²⁰Idi
 dohodÿÿna heto-ki rybe ritÿnynyre.
 Rarybere: —Jesuisi heka Deuxu
 Riòrele rare. Kiawesele rybe-di
 ritynynymyhyre. ²¹Tahe uri ijohonadu
 mahãdu urile bedede riòtiinymy rÿimyhÿ.
 Tahe inyò rarybere: —Kia aõ heka
 ityhydÿÿdu rubudÿÿdule ratxireri,
 Jerusalê-ki. Kiale heka kaò nade
 ityhydÿÿdu ritaataamy ridykemy
 dohodÿÿna heto wedu-ò. ²²Salu tahe
 ire riixiòlòdÿÿnymyhyhyre. Judeu
 Damas hãwã ludu rieryõhyymyhy
 aõmybo rarybemy. Tii rarybere:
 —Jesuisi Kristule rare, Deuxu deòdÿÿna
 rare.

²³Tiwesetxubo txu idi rÿidi tahe judeu
 mahãdu rarybere irubudÿÿmy. ²⁴Tahe
 Salu rierymy rÿimyhÿ tahe inonana-ò

rexiywinymy rÿimyhÿ. Rummy tahe, tx-
 ummy hãwã ijò-ki rirubunykeny rete-
 hemy rÿimyhÿ. ²⁵Tahe ijò erydÿÿna
 mahãdu weriri nihikÿ riwinyre. Rummy
 tahe Salu riòlòdÿÿnyre òtity nihikÿ
 kanaweribi-ò, hãwã ahanaube-ò.

²⁶Salu Jerusalê-ò rehemynyreu,
 ityhydÿÿduky-ò ralòkemy ratxireri, tahe
 urile ilau ruberumy rÿimyhÿ. Erydÿÿna
 mahãdu ròhòtynyre: —Tii ityhydÿÿdu
 inatyhy aõkò ratximyhÿre. ²⁷Banabe
 tahe rityhynymy ridyre
 Jesuisi erydÿÿna mahãdu-ò. Tahe
 relyyre iwese Jesuisi Salu-ò ryki
 rexitÿnynyremy tamy raryberemy.
 Tule relyyre iwese Jesusinimy
 Salu rybe ritÿnydÿÿnymyhyre,
 Damas hãwã-ki. ²⁸Tahe taihy
 Salu ratximyhÿre. Tiò tiòle reamy
 ratximyhÿre rybe ritÿnydÿÿnyrerimy
 ihÿre, ruberumy aõkò. ²⁹Salu rarybera
 grego rybe heka erydÿÿna mahãduò-ò.
 Widee rarybehyymyhyrenyre. Idi
 tahe kia mahãdu Salu rubudÿÿmy
 roromyhyre. ³⁰Ityhydÿÿdu seriòre
 kia rieryreu, tahe Salu ridyrenyre
 Sesaria hãwã-ò. Iribi tahe Tarso hãwã-ò
 riteònyre.

³¹Idi tahe ywina reare ityhydÿÿdu
 mahãduy-ki. Ibutumy hãwã bedemy,
 Judeia, Kalileia, Samaria, ityhydÿÿdu
 mahãdu iruruteremy relere. Ibutumy
 Inynyry dee òbitina-ki rariamyhyre,
 rityhynymyhyre. Deuxu Tyytybytyhy
 teysatyhymy tamy riwahinyre. Sõwemy
 tahe ralore iheki ityhydÿÿmy.

³²Ibutumy hãwã hãwãmy Pedro rari-
 amyhyre. Tule robehere Lida hãwã-ò ijò
 ityhydÿÿdu mahãduy-ò. ³³Tai Eniamy
 ninadu-txi Pedro reare heka rare. Iumy
 heka imyremyrehekÿ heka rare. Debò
 inataò reurò beòramy heka herina-ki
 bedede idi rÿire ³⁴Pedro rarybere tamy:
 —Enia, Jesuisi Kristu arateytenykre.
 Myike, aherina biyrubunye. Aõwe-
 sele hãbu rÿira. ³⁵Ibutumy Lida hãwã

mahādu Sarena hāwā mahādu tuu ro-bire, tai Inynyrÿ rityhynyrenyre.

³⁶Jōpe hāwā-ki hāwyy ityhydÿÿdu rasÿnyre. Tabita inire. Kiani riwiurōnyre, watxi wese heka rare. Kia heka aōwiwihikÿ widÿÿdu heka rare. Aōna aōna sōwemy iny-ō riwahinyrnyhÿre. ³⁷Ijōtxu heka webinadumy resere, ihyy ta, rurure. Risuhōmy rahudi tahe, ritidire hetowo ratyaluduwo-ō. ³⁸Laida hāwā iōhōmy rÿire, Jōpe hāwā-ribi, Ityhydÿÿdu roholare Pedro Lida hāwā-ki ratximyhÿre, tahe hābu inatxi diteōnyde Pedro òrysmy. Uritere eleōkōmy kanakemy tii-wana. ³⁹Pedro tahe tii-wana rare. Rehemynyrenyre, tahe ridyre hetoratya ludu wo-ō. Ibutumy wytese mahādu robumy rÿimyhÿre, rubuweroramy. Tahety, tatyboho ritxeredÿÿnymy tamy riwinyre. ⁴⁰Tahe Pedro rarybere ibutumy rexitakemy. Tahe rexitōnyre taowotimy resemey. Tahe rexiōkesere rubu-ō rarybekemy: —Tabita, myike. Tahe irue raraynyre tahe Pedromy robire, tahe ronyre. ⁴¹Pedro tebō tamy riwainyre tahe rÿire. Tahe wytese-ō, ityhydÿÿdu-ō rryre. Tamy riteōsinyre hāwyy irulemy roirerimiy ihÿremy. ⁴²Jōpe hāwā mahādu ibutumy kia rieryre. Sōwemy iny tahe Inynyrÿ rybe rityhynyre., ⁴³Txu sōwemy Pedro Jōpe hāwā-ki ihÿmyhÿ Simaōmy ninadu heto-ki. Simaō heka irōduty wysydÿÿdu rare.

10 Italia soldado mahādu dinodumy raremyhÿ. Oreniliu inire. Sesaria-ki rasÿnyre. Tii òbitimy nodu rare, isÿ mahādu-wana. ²Tii uriwahidÿÿna diwahinyde tule sōwemy rexitōnyre Deuxu-ō. ³Aōtxu inatā òra bedeu iōhōmy, rasina wesemy Deuxu ÿjummy tii robira, tamy rehemynyneri. Tahe tamy rryre:

⁴—Oreniliu, rimasajuare-ribi riwawyonnyre: —Aōherekibo, Wanyrÿ. Tahe ÿju rarybere Oreniliu-ō: —Aexitōedÿÿnamy Deuxu rierymyhÿre. Tule ijō-ō awahisina Deuxu rierymyhÿre.

⁵Biteōnyke eōdubohō Jōpe hāwā-ō Simaō Pedro òrysmy. ⁶Tii Simaō irōdutyky ixydÿÿdusÿ-ki ihÿre, bera ijā iōhō-ki. ⁷ÿju rybedu rexitareu, teōdu inatxi-ō rryre. Tule tasoldado mahāduy-ribi inyōwihikÿ rihitxinyre. ⁸Kia ibutu-ō relymy rahudi tahe riteōnyre Jōpe hāwā-ō.

⁹Ijōtxu txutyetxuu, tiiboho hāwā-ō iōhōmy rōire. Kiaule Pedro raōwōnymy rÿimyhÿ hetotyre-ō rexitōnykemy.

¹⁰Rama risamy ratximyhÿ tahe riroxikemy ixi-di ihÿmyhÿ. Rÿsÿna riraōmy rÿimyhÿ. Idi rasi wesemy rōhōtinymy rÿire. ¹¹Tahe robire: biuwetyy ruamyhÿre wese tuu robire. Riā wesemy aōna tamy dobehede.

¹²Riā wo-ki ibutumy irōdu, nawii, hemylala, aōbo dōkōnakōnale. ¹³Rybeō-ō roholare: —Myike, Pedro, birubunye, biroxike. ¹⁴Pedro rirawyonnyre: —Aōkōre, Wanyrÿ. Kia dōkōna rerōkōhywāhāre, isuisure dori. Ixityre tamy rarybere: ¹⁵—Aōbo Deuxu risuhore wese isuisumy rybeōmyke.

¹⁶Ixityre narybede. Iu tahe aōwesele ridyre biu-ō.

¹⁷Tahe Pedro kia aōbo raredi heka rōhōtinyre, Oreniliu-ribi hābu mahādu rehemynyre. Simaō heto riijemyhÿ tahe ijōhōkÿkile rahare. ¹⁸Tahe rryrenyre: —Simaō Pedro aōbo kakile ratxireri. ¹⁹Pedro, tatxuu rasina-di rōhōtinyre. Deuxu Tytybytyhy tamy narybede: ²⁰—Myike tahe, bobeheke. Inatā hābu dori araijereri. Tii-wana makre adee dori aditeōnyde. ²¹Tai Pedro robehere. Tamy rarybere: —Jiarÿ aōrysdu rare. Aōherekibo tōitenyte. ²²Tahe rirawyonnyre: —Oreniliu hābu òbiti rare.

Tii Deuxu dee ijohonaduõ rare. Ibutumy judeu bede mahādu awiremy tuu rarybemyh̄re. Ŷjuõ tamy rarybere aõrysmy kiditeõnykremy, adee roholakremy. ²³ Tahe Pedro tamyreny rarybere: —Kakile inyboho rōkōrōrenyke. Ihewoludu txu, r̄yidi tahe Pedro tiiboho-wana roirenrya. Ijō ityhyd̄ȳdu seriõre tule roirenrya. ²⁴ Ijō hewo ludu txu Sesaria-õ rehemynryenrye. Oreniliu tii riraõmyh̄re. Taijoi mahādu tabiõwawoludu mahādu-wana ributunymy r̄ymyhȳre. ²⁵ Pedro rehemynymy raloreu, Oreniliu rōhōnyra heto-ribi tahe tatiowotimy iko-txi resere riwowydynkemy. ²⁶ Tahe Pedro ritamad̄ȳnyre. Rarybere: —Mynyike wahe. Jiar̄y hābule watxireri. ²⁷ Tahe rarybemy ral̄omyh̄, sōwemy wii ributunyreriõ itxi reare. ²⁸ Ta Pedro tamyreny rarybere: —Judeu mahādu iny witxira mahādu-wana wibutud̄ȳõmy, iōhōmy wiribi riraõmy. Kia teertytenyte. Deuxu dori riwaerynad̄ȳnyre kia wese arōhōtinkyre. Iny wiwese wiwesele raremy arōhōtynkemy. ²⁹ Tahe tai waõrysmy teteõnyteu, aōtaximy anademy wanohōti r̄yire. Tai tahe adeereny ar̄ȳraxikre. Aōherekibo waõrysmy aōtaxina teteõnyte. ³⁰ Ta Oreniliu rirawyõnyre: —Inaubiõwa txumy txu r̄yire tahe hābu tyky t̄yr̄r̄ȳh̄k̄y-di wako-txi rexit̄nyrya. Iule wesemy tahe waheto-ki rexit̄denywāhāre. ³¹ Tahe wadee rarybera: —Oreniliu aexit̄oed̄ȳna-õ Deuxu roholara, ijō-õ awahisina rierya. ³² Biteõnyke Jōpe hāwā-õ Simaõ Pedro õrysmy. Simaõ, irōdutyky ixyd̄ȳd̄ȳs̄ȳ-ki ih̄ȳre bera ijā iōhō-ki. ³³ Aōwesele tahe, aõrysmy reteõnyre. Awimy tahe tateriki rahara. Inyboho kakile ributunymy ih̄ȳrenrye, aroholakemy ibutumy Deuxu-ribi aōmybo manarybekemy. ³⁴ Tahe Pedro

rarybere: —Deuxu dee iny ibutumy wiwese wiwesele rare. Kia reerye. ³⁵ Ibutumy bede bede hāwā ludu Deuxu rityhynykeki, aōbo tamy õbiti riwinykeki, tii Deuxu ixidee rimyke. ³⁶ Kia rybe tahe Deuxu riwahinyre judeu mahādu-õ. Rybewihik̄ȳwina kia diwyde inydeereny bedeernymy. Kia Jesuisi Kristumy rarybere ibutunyr̄na kia rare. ³⁷ Joaõ ijō ratȳȳsebenamy rarybere, idi tahe kia rybe hālet̄d̄ȳmy rexidelenrye Kalileia-ki. Tahe ibutu judeu mahādu bedemy rarybere. Kia kaiboho teertytenyte. ³⁸ Iwese Deuxu Tyytybytyhy, taruru-wana Jesuisi Nazare ludu tyre-ki ditxiwide wesemy relȳmyh̄re. Iwese Jesuisi reamy raremyh̄ wesemy aōwihik̄ȳ riwinymyhȳremy, tule iny Diabo rururawo-ki ratxirerimy ih̄ȳre Jesuisi iribi riteõnyre, ta reteytenymyhȳre. Deuxu dori Jesuisi-wana ih̄ȳre. Ibutumy kia teertytenyte. ³⁹ Tahe ibutumy judeu mahādu hāwā-ki riwinymyhȳre, idi itxeredumy inyboho roiremyh̄re. Ihāre tahe tii Jesuisi rirubunryenrye, õwōru itxēõ nihik̄ȳ-ki ritōhāletenymy ritamad̄ȳnyrenrye. ⁴⁰ Inataõ txu-di tahe Deuxu rubu-ribi riixixanyre, tahe tii riteõsinyre inyõ-õ. ⁴¹ Tatarasanaõõle Deuxu Jesuisi rit̄nynd̄ȳnyre. Kia heka inyboho roire tii-wana riroxirenryeki, riōrenryeki, iixixana hewomy. ⁴² Deuxu rarybere: —Jesuisi hitxid̄ȳdu iny wiribi ywisijurad̄ȳdu rareke, iru mahādu dee, rubu mahādu dee. Kiamy heka Deuxu iny-õ rit̄nynted̄ȳmy, ta inyboho rokoirekemy diwahinyde. ⁴³ Ibutumy iny Jesuisinimy tamy rityhynykeki, iōraru-ribi iny riixāwidid̄ȳnyke. Kia ibutumy ihetxiu rybedu mahādu r̄ymy rarybemy raremyh̄re. Kia heka Pedro tamyreny rarybere.

⁴⁴ Pedro rarybemy raremyh̄y, Deuxu Tyytybytyhy ibutu rybe-õ ijohonadu tyre-ki resemy ralore. ⁴⁵ Pedro-wana

rare mahādu, judeu mahādu òbiti, tahe riòtiinyre judeukōdu mahādu-ki Deuxu Tyytybytyhy ralòmy rareki. ⁴⁶Raholare dori rybe witxira-di raryberenyreò, tii-boho Deuxumy heka reālāmyhÿre. Tahe Pedro tamyreny rarybere: ⁴⁷—Inyò rary-beòkre, iratysebedÿÿòmykemy, tiiboho dori Deuxu Tyytybytyhy-di ratxirenyre inyweserenyle. ⁴⁸Tahe Jesuisi Kristu nìmy iratysebenykemy riteònyre. Tahe rexitòenyreny Pedro idi iyreny-ki ijò txumy ramyhÿre.

11 Judeukōdu mahādu Deuxu rybe roholamy rityhynymyhÿre. Kia-ò tahe Jesuisi erydÿÿna mahādu roholare kiamy ityhydÿÿdu seriòre mahādu tule roholare. Judeia bedeludu ratximyhÿ mahādu ibutumy kia rare. ²Pedro ixityre Jerusalē-ò rehemynyreu, tahe judeu ityhydÿÿdu mahādu tuu tamy narybede. ³Kia heka, Pedro, judeukōdu mahādu-wana wiwo-ki atxiteri, tii-wana teroxiteri. Tai tahe ibinamy raharenyre. ⁴Iribi tahe Pedro ikoreny relyyre ibutumy taaōna aōnamy. Kia wesemy Pedro rarybere: ⁵—Jòpe hāwā-ki watxiwāhā. Tahe rabire rasinawesemy rià nihikÿ biu-ribi robehere-ò. Iwese inyò iòhòti inaubiòwa-ki rimymyhÿre wesemy wadee robeheemy roimyhÿre. ⁶Tahe aōbo heka iwo-ki ratximyhÿdi, retehenihikÿmy rāiwāhā iròdu deborehekÿ wesemy ratximyhÿ iwo-ki. Abòròrò wesemy tai ratximyhÿ, iròdu wese, nawii wese tai ratximyhÿ, inyboho rirÿsÿòmyhÿre wesemy. ⁷Iribi raholare rybeò-ò: —Myike, Pedro, birubunye hewa aōtxile birubunye tibo biròkemy. Aōkòrewa Wanyrÿ, tiu heka reròwāhāre. Judeu mahādu bedeludu ywina heka tiu iny kia riròòtyhy. ⁸⁻⁹Tahe ixityre rybeò tamy rarybere: —Marybeòke kia ibinamy. Aōbo Deuxu awimy rarybere, kia wiji tahe ibinamy aōkò rare. Deuxu dee awikeki, kia awi rare. ¹⁰Inataō

heka tuu rotÿÿnyre. Iribi tahe kia rià, ibutu-wana iòre biuribihy heka iòre. ¹¹Iribi tahe hābu inataō dehemynymy deade tai watxiwāhā-ò. Tii diwaòryde riwadykremy Sesaria hāwā-ò. ¹²Tahe Deuxu Tyytybytyhy wadee rarybere tii-wana arakremy. Nohòtiòmy heka aōbo judeukōdu mahādu raremy. Tii-wana makre ele elemy. Tahe kia debò sohoji reurò seriòremy wahemy rare. Tahe retehemynyrenyre waòrysmy riteònyrenyre heto-ò tahe ralòrenyre Oreniliu heto-ò. ¹³Iribi tahe Oreniliu rarybere iwese ÿju ihetowo-ki tamy rexitÿnynyremy rarybereri: —Oreniliu, inyò biteònyke Simaō Pedro òrÿsmy Jòpe hāwā-ki. ¹⁴Tii rybe tÿmyraòmy adeereny kanarybekre. Tai tahe ibutumy asÿ ijoj-wana aòraru-ribi kanatakre. Kia Oreniliu inydee rarybere. ¹⁵Iribi tahe jiarÿ Rybewihikÿmy rexidelenymy rarybere tamy. Pedro rarybere. Urile tahe roholare, tahe aōwesele Deuxu Tyytybytyhy ityreneny resere iwo-ò ralòkemy iwese watyreneny resere wesele juhuu. ¹⁶Tahe Jesuisi rybe wanohòti itxi reare tiubo raryberemy: —Joaō heka inatyhymy bedi iny ratisebenyre, kaiboho tahe Deuxu Tyytybytyhy-di akanasebedÿÿdenykre. ¹⁷Judeukōdu mahādu Inynyry Jesuisi Kristu rityhynymyhÿre. Tai Deuxu tamy diwahinyde iwese wadeereny juhu riwahinyre wesetyhyle. Deuxu Tyytybytyhy uriòno wesele tamyreny diwahinyde. Mobo jiarÿ raremy wahe tuu Deuxu dee aōmy ararybekemy. ¹⁸Iribi Pedro rybe-ò roholareu tahe timyhe tamy irybekōna. Tule Deuxu riwowodynyrenyre: —Inatyhy wa rare Deuxu heka judeukōdu mahādu-ò heka umytuedeōna riwahinyre. Inyò rityhynykeki, ixirahikeki, tarasana rimyrenykre.

¹⁹Iu tahe Estevaõ rurureu, ityhydÿÿdu aõhõkÿmy rotÿÿnyreu tahe, ityhydÿÿdu mahãdu Jerusalẽ-ribi ròhònyre. Tii heka relymyhÿre Rybewihikÿmy judeu mahãduõle kÿny wahe, iwitxira witxira-ò aõkõre. Tahe ibutu bede-ò ritelenymy ròirenyre. Senisia-ki relyre. Xibri bedebute-ki tule relyre, Atxiòkia hãwã-ki tule relyre. ²⁰Ijõ ityhydÿÿdu mahãdu Jesuisi Rybewihikÿ tÿmyra rarybere. Tiiboho Xibri bedebute-ribi ròhònyre, Sireni-ribi ijõ rybedu ròhònyre Atxiòkia-ò. Tiiboho relyre judeukõdu mahãdu-ò tule. ²¹Deuxu riviòhenanyre sòwemy iny rityhynyre, Jesuisi ryò ralòrenyire. ²²Jerusalẽ ityhydÿÿdu mahãdu kiamy roholare. Tai tahe Banabe riteònyrenyire Atxiòkia-ò. ²³Banabe rehemynyreu tahe, tuu robire aõbo Deuxu kowa riwinyrerimy. Tai tahe reysare. Tahe ityhydÿÿdu tÿmyra-ò dohodÿÿmy, riviòhenanykremy: —Iòhòtyhymy Deuxu-ribi atximahãbenyke, aworibityhy Deuxu bityhynybenyke. ²⁴Banabe heka hãbu wihikÿ rare. Tÿxihikÿlemy Deuxu Tytybytyhy-di ratximyhÿre. Ibutumy ratximyhÿre tyhydÿÿna-di. Sòwemy iny rexiròtenyire Inynyry mahãdu-ò. ²⁵Idi tahe Banabe rare Tarso hãwã-ò Salu ijesemy. ²⁶Tai rahareu tahe, didymyhe dðòsemy nade Atxiòkia-ò. Sohoji beòramy idi bede rierenyire. Sòwemy iny ribedeernymyhÿrenyire. Atxiòkia hãwã-ki ityhydÿÿdu mahãdumy raninira Kristu wese mahãdumy. Kiani tamyreny riwahinyre.

²⁷Aõutxu tahe dehemynyde Deuxu rybedu mahãduõ Jerusalẽ-ribi Atxiòkia-ò. ²⁸Ijõ Abusi inire. Iribi tahe tii rarybere Deuxu Tytybytyhy rybemy. Ramamy rubu nihikÿ kanakremy raxireri, ibutu suò. Laujiu iòlòmý raremyhÿu, kiamy rotÿÿmyhÿre. ²⁹Tai tahe ityhydÿÿdu mahãdu he

nieru riwahinykremy rÿire Judeia bede sÿdu ityhydÿÿdu riviòhenanykremy. Tahe nieru riwahinyre tiwesebo idi ratximyhÿre wesemy tamy riwahinyre. ³⁰Tahe nieru riteònyre, moma-wana Banabe Salu-wana Jerusalẽ dohodÿÿna heto matuari mahãdu-ò riwyre.

12 Kia bededÿÿnanamy heka Herodi judeu iòlòmý raremyhÿ. Iribi tahe rexidelenymy riwinyre heka ityhydÿÿdu mahãdu kia òludumy risÿnykre myhÿ. Tii riteònyre aõna aõnamy risÿnykemy ityhydÿÿdu mahãdu-ò. ²Tii mayrehe-di rubudÿÿmy riteònyre Joaõ seriòre wahe, Txiau wahe. ³Tai tahe judeu wedu mahãdu heka tamy wihikÿlemy tuu rotÿÿnyre. Herodi riermy raremyhÿ idi Pedro rimyire. Tahe worana bedehesi rÿire. Paõ taurina ihoõ inire. Kia ibutumy rotÿÿnyre kia bedehesi rÿireu. ⁴Tahe Pedro riròtenyire, ròtenawomy wirutyre. Aõmamy soldado mahãdu inaubiòwamy iitxeredumy rÿimyhÿre. Pascoa kia worana bedehesi konana txu rexihumy rÿireu tahe, judeu mahãdu-ò riwahinykre. Kia Herodi rexinohòtidÿÿnyre. ⁵Ròtenawo-ki tahe Pedro ratximyhÿre. Ityhydÿÿdu mahãdu tahe Deuxu-ò rexitòenyhyymyhÿre Pedro tòenamy. ⁶Txubiòwamy tahe itxu riwinyrenyire iny sòwehekÿ-ò Pedro riwahinykemy. Kiamy Herodi ròhòtinyre. Ruu tahe Pedro ròròmý roimyhÿ. Inatxi soldado heka idile ratximyhÿre. Pedro womati reroti inatxi-di ratisamy roimyhÿre. Ijõ soldado rotana ijò-ki ratximyhÿre. ⁷Inynyry ÿju heka Pedro weribi rihetenyire riixixanykemy. Loosòna itÿnyhÿkÿlemy ròtena ritoosònyre. Tamy rarybere: —Wylemy wa rexiukÿnyke. Tahe aõwesele Pedro axiò-ribi womati rerotihikÿ rejuxunyre. ⁸Tahe ÿju tamy rarybere: —Awamy birutyke, bexityynyke. Kiamy

riwinyra. Ijõ arahana birutyke tahe biwaheludunyke. ⁹Iribi rõhõnyra he tai rõrõreri-ribi wahe. Kia ibutumy heka rasi weselemy Pedro rõhõtinyre rieryõre inatyhy aõbo ada rasi aõbo. ¹⁰Juhu heka ikoludu soldado mahådumy reare idi ihewoludumy reare iribi rehemynymy rýire ahana ijõtýhy-õ. Womatilere heka iijõtòbõnare. Ixiwanale heka rarayre ijõtòbõna. Iribi tahe roirenyre hãwãry-di ririranyreny. Idi tahe ýjuhe iõre iribi. ¹¹Tahe Pedro rõhõtinyre, rieryre heka aõhebo rotýŸnyrað. Wanyrý ýju riteõnyre riwatara Herodi-ribi judeu mahãdu-ribi. Katahe wadee aõhe rotýŸnyrenyõtyhy. ¹²Rõhõtinyinmy rýire juhuu urihimýò idi tahe rare Marie heto-ð. Joaõ Markuse heka tii rare. Tai ityhydýŸdu mahãdu rýimyhý tahe rexitðenyreidi Pedro tamy rehemyny. ¹³Tahe ijò he rihetenyre. Ijõtàbõna-ð nade mobo raremy rierykemy ijadõma deõdu. Rode inire. ¹⁴Tahe Pedro rybe rieryra. Reysamy raijaranyre iwo-ð. Pedro tahe ralõõlemy rýire. Tahe relyyre Pedro heto ijò-ki rýimyhýmy. ¹⁵Tiiboho raryberenyre: —Kai tabinamy atxiteri. Ixityre rarybere: —Aõkõre tii taile naderi. Tahe raryberenyre: —Pedro aõkõ rare, taýjulemy tahe rare. ¹⁶Tahe Pedro riheterihetenymy rýimyhýre. Idi riraynyreny. Pedromy robirenyrau, bede riðtiinyreny. ¹⁷Pedro tahe tamyreny tebò reara roholarenymy. Tahe tamyreny relyyre timybo Inynrý rõtena-ribi rexiðlòdýŸnyramy. Tule tamy riteõnyre: —Kiamy belyyke Txiau-ð tule inyseriðre-ð. Tahe rexitare, rare ijõsý-ð.

¹⁸Txuu ratýnyreu, soldado mahãdu ierysymy wii risýnyre timybo Pedro aõhebo rotýŸnyramy. Tahe jei jei aõnire. ¹⁹Herodi iijesemy riteõnyre tai moõ tai rahaõhylera. Tai soldado itxeredu sohoji sohoji

dýŸraximy riteõnyra. Idi irubudýŸmy riteõnyra. Iribi tahe Herodi Judeia bede-ribi rõhõnyra. Sesaria hãwã-ð bededýŸnanaõ riwya.

²⁰Tiro hãwã mahãdu Sidoma beà hãwã mahãdu-wana Herodi derarenyre. Tahe tiiboho ributunynenyre tamy rõirenykemy rybe-di. Iðlò heto-di itxeredu Blastu inire. Tahe iny mahãdu Blastu rõtarenyre iwe-ribi mahãdureny. Tahe rõirenyre Herodi-ð tamy rexitðenyrenyre, tamy ykaraõmykemy. Tarýsýna dori diwyde iðlò bede-ribi, Herodi bede-ribi. ²¹Herodi tahe itxu riywinyre. Kia txuu tahe rõhõnyre tamy. Rexitynyre taiðlòtýprehe-di tahe tarynana tyre-ð ronyre, tamy Rybewihikýmy rarybere. Tai tahe iny rirajuare: —Katahe hãbu aõkõ rarybereri, Deuxu wahe. ²²⁻²³Aõwesele Deuxu ýju heka Herodi rirubunyre, tii Deuxutyhymy reàlãõreki. Woudò rubudýŸnamy rurure.

²⁴Deuxu rybe tahe ibutumy roholare. Sõwemy iny tahe rityhynyre.

²⁵Banabe Salu-wana nieru riwahinymy rahudi tahe, diðõsede Jerusalẽ-ribi Atxiðkia-ð. Joaõ Marku tii-wana ridyre.

13 Atxiðkia dohodýŸna heto mahãdu-ki rybe týnydýŸdu mahãduõ, bede erydýŸdu mahãduõ rýimyhýre. Kaheka inireny rare: Banabe, Simaõ, inirarõsõna Nike rare. Lusu ijõre, tii Sireni hãwã ludu rare. Manaĩ ijõre, tii Herodisý-ki ratibienyre, Salu ijõre. ²Ibutumy tahe Inynrýmy reàlãre, riroxiõhy heka bede riemyhý. Tahe Deuxu Tyytybytyhy tamyreny rarybere: —Jiarý waaõmysýdýŸna dire Banabe-ð, Salu-ð. Kaiboho heka biteõnybenykre kia riwinykemy. ³Tahe roxiõhyemy bede riemy, rexitðenyrenyre. Tebõreny iratytyre ritidirenymy, idi riteõnyrenyre tabede týina-ð.

⁴Deuxu Tytybytyhy tahe tiiboho riteõnyrenyre. Selusia hãwã-ò tamy riberenyrenyre. Tahe hãwòõ rimyrenyre Xibri bedebute-ò. ⁵Tahe rehemynyrenyre Salamina hãwã-ò. Tai judeu dohodÿÿna heto-ki Deuxu rybemy raryberenyre. Tule Juaõ Marku rare tii-wana wiòhedÿÿdu wese heka rare. ⁶Tahe ibutumy bedebutemy rekoarenyre. Ritehemynyrenyre hãwã-ò Pafumy ninadu-ò. Tai tahe judeu mahãdu witxi deade, Bajesuisi heka inire. ⁷Tii Deuxu rybeduõmy raremyhÿmy iximy rarybere tahe aõkõre, raruire, riitxenanyre. Tii bedebute hãwã dinodu-wana rare. Kadinoduni tahe Sergio-Paulo inire. Tii hãbu bedeery nihikÿ rare. Tii Deuxu rybe-ò roholakemy ratxireri. Tahe didyde Salu, Banabe-wana tamy roholakemy. ⁸Bajesuisi, Elimasi ijõ ini rare. Tahe tii bedebute dinodu-ò rarybere uritere Salu rybe-ò, Banabe rybe-ò ijohonakõmykemy. Wanyrÿ tyhydÿÿkõmykemy dori tuu risÿnyre. ⁹Salu tahe, Paulo ijõ ini rare. Deuxu Tytybytyhy heka itykumy ralõmy rÿimyhÿre. Tahe Paulo retehere Elimasi-ò tamy rarybere: ¹⁰—Kai Satanasi riõre tate. Kai heka ibutu itxenadÿÿ-di tÿxihikÿlemy ahãte. Kai heka awihikÿ òludu tate. Tiubo heka bexihukre Inynyry-ribi iny riixãwididÿÿnyre. ¹¹Deuxu heka wiji araòwynykre, aõhõkÿmy arasÿnykre, aruetãmy bonykre. Txu bobiõkre bede biwyke. Iule tahe aõwesele bede torohokÿlemy reare. Robiõhyymy reare. Urile riemy ratximyhÿre, iny riwiòhenanykemy, rry tamy ritÿnynykemy. ¹²Tahe kia bedebute dinodu tuu robire aõhebo rotÿÿnyramy, tai bede riõtiniymy rononymhÿ tahe tii Inynyry rityhynyre.

¹³Iribi tahe Paulo ròhònryra taijoi-wana Pafu hãwã-ribi. Rakremy

riberenryra hãwã nihikÿ-ki Panfilia bede-ò, Peke hãwã-ò. Juaõ Marku iribireny rexitara, dòðsede Jerusalë-ò. ¹⁴Tahe Paulo Banabe-wana roirenryre. Peke-ribi riòlõnyre tahe rekoarenyre Atxiòkia-ò. Kaa iwitxira Atxiòkia hãwã rare, Pisidia bede-ki ratxireri. Tahe rirõnyrenyre judeu mahãdu dohodÿÿna heto-ò. Sabado txu rÿire. Ronymyhÿre ijohonamy. ¹⁵Kia hãbu mahãdu heka Moisesi bede ywina tyriti-di, Deuxu rybemy rybedu mahãdu tyriti-di rariamyhÿre. Tahe dohodÿÿna heto wedu Pauloboho-ò raryberenykemy rarybere: —Waseriõre, arybemy idi atxiteri-wana marybeke aõwaxiny bitÿnyke. ¹⁶Tahe Paulo rÿire lamamy. Iwese rybedÿÿmy ròteòsidÿÿmyhÿre wese rÿire. Tahe rexidelenyre: —Hãbu, Israeli mahãdu, tule ibutumy Deuxu rityhynymy rÿira mahãdu, bodoholabedenyke kaa ijyy-ò. ¹⁷Israeli mahãdu Egito-ki rasÿnyreu, taDeuxu iribi ritare, moma, inytybyreny Deuxu, Israeli mahãdu tybyreny wahe. Deuxu rasõwedÿÿnyre. Iribi tahe Deuxu Egito-ribi ritarenyre tebò ruruteretyhy-di. ¹⁸Tiiboho bederahy-ki 40 beòramy bede riereu, Deuxu taaõbina bina riòludunyre. ¹⁹Kanaã bede-ki debò inatxi reurõmy ixÿju ixÿju mahãdumy rahure. Idi tamyreny riwahinyre bede, isÿhyymy rarekemy. Idi tahe rybe ywisidÿÿdu mahãdu tamy riwahinyre. 450 beòra rahureu, tahe Samueli Deuxu rybeduõmy raremyhÿ. ²⁰Idi tahe rybe ywisidÿÿdu mahãdu tamy riwahinyre. Tahe 450 beòra rahureu, Samueli Deuxu rybeduõmy raremyhÿ. ²¹Iribi iny Deuxu-ò rexitõnenyre iòlõmy tamy kadiwahinykemy. Tahe Deuxu Salu tamy riwahinyre, iòlõmy. Salu tahe Kixi riõre rare. Benjami mahãdu rare. Tahe 40 beòramy iòlõmy ronyre. ²²Salu iribi ritareu, tahe Davi, Deuxu

ritamadÿÿnyre iòlòmy. Deuxu Davimy rarybere: —Davi Ijese riòre rare. Jiarÿ iluure. Tii ibutu wadee wimy riwinykre. ²³ Tahe Davi riòkòre-ribi Jesuisi ròhònyre, Israeli tarasadumy rarekemy. Iwese juhuhu Deuxu rarybere wese. ²⁴ Jesuisi naòdeu, Juaò ritÿÿnyre Israeli mahàdu-ò iòrarureny ririkemy idi raratisebenykeny. ²⁵ Juaò rybe tÿnydÿÿna kònanau, tamyreny rarebere: —Jiarÿ wa iwese tahòtintenyteri wese aòkò jiarÿ rare. Kaiboho tiwaraòòhyymahàtenyete. Betehebenyke, tii, wahewomy kanakre. Jiarÿ aò aòkò rare, iwatisana arieseòtyhy iwa ritakemy, tii dori waratyre wihikÿreki. ²⁶ Waseriòreboho, Abraò riòre riòremy ibutumy inyboho roire, tule Deuxu reàlàmy rÿira mahàdu kaki ratximyÿ. Deuxu inydeereny biu-ò hedu rybe diwahinyde. ²⁷ Jerusalē mahàdu, iwedureny-wana raeryòhyyre tii tarasadu rare. Ibutumy sabado txu rybedu tyyriti-di rariamyhÿre tohodÿÿna heto-ki, tahe aòbo rare rieryòhyyre. Jesuisi rubudÿÿmy raryberenyre, iwese rybeduò rarybere wese, tiiboho rotÿÿnymyhyre. ²⁸ Tii-boho aòbina bina-ki tai rahaòhyra, ihàrele irubudÿÿmy rexitòenyre Pilato-ò. ²⁹ Iwese ibutumy Jesuisimy riritinymy roireri wese, ibutumy tuu ròhònyre. Tahe itxeò nihikÿ tyre-ribi ritarenyre. Tahe mana hāloo rawo-ò ritidirenyre. ³⁰ Tahe Deuxu rubu-ribi riixixadÿÿnyre. ³¹ Tii-wana iny mahàduò roirenyre juhuhu Kalileia-ribi Jerusalē-ò. Rexixamy rahudi tahe, tii mahādule tuu robihyymy txuu widireny rÿire. Kia mahādule insòwey-ki rellymyhÿre. ^{32–33} Deuxu juhuhu rarybere initybyreny-ò aòhebo rotÿÿnykremy. Inydeereny tahe tii riwinyre Jesuisi riixixanyreki. Kia Rybewihikÿmy adeereny relymahàrenyre. Iwese inatxi wiuna ritidÿÿna-ki roire wese:

—Kai waRiòre tate. Wiji tahe bomy watxiwāhāre.

³⁴ Kiamy heka Deuxu rarybere Jesuisimy: —Rubu-ribi ariixixanykeny, tiu rasunymyhyre bede-ò ròòseòtyhy. Iwese Davi-ò jiarÿ rarybere wesemy ibutumy adee bede ariwinykre. ³⁵ Deuxu ijò wiuna Ritidÿÿna-ki tule rarybere. Iwese Jesuisile rarybere wese, kiamy roire:

—Eòdutyhy umy rasÿnyòtyhy kai dori waumysudÿÿ-ò teijemahāte.

³⁶ Iu Davi Deuxu dee taijoi riwiòhenanymy rahudi tahe, rurure. Tybyreny-ò tii rara. Iumy tahe rasunyre.

³⁷ Jesuisi umy tahe rasunyòre Deuxu dori rubu-ribi riixixadÿÿnyreki.

^{38–39} Jesuisi bityhynybenykeki, aòraru riixāwidinyke. Kiamy Moisesi bede ywina ihoòhyyre adeereny. Kia bierybenyke waseriòreboho, tiile, Jesuisi, adeereny relywāhārenyre.

⁴⁰ Bexiijebenyke, kiamy adeereny rotÿÿnyke lau iwese rybedu ritina-ki roire wese:

⁴¹ —Kaiboho inatyhy derare. Betehebenyke, burubenyke, bede biòtiinybenyke, aòbo jiarÿ rewinyrerìò. Inyò adeereny ritÿÿnyke ihàrele. Tiu heka bityhynybenyòtyhy.

⁴² Tahe Paulo irybe rexihura. Iribi ròhònyre Banabe-wana. Rexitòenyrenyre ijò sabado biòwau tarybetybydile ixbyle relyykemy.

⁴³ Iny ritobinymy rahudi, judeu mahàduò, judeu bede erydÿÿna ityhydÿÿdu mahàduò tule Banabe Paulo-wana riheludunyre. Tahe tamyreny raryberenyre: —Deuxu ruxetòena-ki idi mariahyymyhykemy.

⁴⁴ Ijò sabado rehemynyre, ibutu iny hāwā-ribi doimyhÿdenyre Deuxu rybe-ò ijohonamy. ⁴⁵ Judeu mahàdu tahe insòwemy robireu, tiiboho rexiwaritinymyhyrenyre. Tiiboho raryberenyre aòbinahākÿlemy

Deuxuru-ò. Paulo riki inatyhymy aõkõ tii rarybemyhÿre. ⁴⁶ Paulo Banabe-wana ihârele brebuõlemy raryberenye: —Juhuu adeereny Deuxu rybe dobehede. Tahe kaiboho tetyhynyõtenyte, tai judeukõdu mahâdu-ò aroirenykre. Kaiboho Deuxu rybe terarenyreki, ixi sohojile tahe tetaõte adeereny aõ aõkõreki. ⁴⁷ Kia Inynyrÿ bede ywina wadeereny riwahinyre: —Kai loosõna wesemy atxikre judeukõdu mahâdu-ò. Kai tarasanary ritÿnynykre ibutu inyko-ò. ⁴⁸ Judeukõdu mahâdu kia-ò roholareu, tahe reysarenye. Deuxu rybe riwowdynyrenye tai. Tahe rityhynyre, timybo Deuxu juhUU ritare wesele tamyreny umytuedeõna riwahinyremy. ⁴⁹ Inynyrÿ rybemy kia bede-ki ibutumy relyyre. ⁵⁰ Tahe judeu mahâdu rarybere hâwyywihikÿ ityhy-ò, tule hâwâ wedu-ò. Tai tahe Paulo Banabe-ò òludu sõwemy resere. Tahe isubede-ribi riteõnyrenye. ⁵¹ Paulo Banabe-wana tawa-ribi bryby riòhòwirenyre tamyreny tiiboho ibinareki. Tahe Ionio hâwâ-ò roirenyre. ⁵² Atxiòkia ityhydÿÿdu mahâdu tahe reysamy rÿimyhÿre. Deuxu Tyytybytyhy-di tÿximy ihÿre.

14 Ionio hâwâ-ò Paulo Banabe-wana rare. Judeu mahâdu dohodÿÿna heto-ò. Tahe rybe ritÿnyrenye, tarurumy he relyyrenye. Sõwemy judeu mahâdu, judeukõdu mahâdu-wana rityhynyrenye ijyy. ² Tahe ijõ judeu mahâduõ rityhynyõre. Ijyy deramy reamyhÿre, tule ijõ-ò tule rarybere ityhynyõkemy. Tahe Paulomy, Banabemy aõ òta òtalemy rarybemyhÿrenye. ³ Ihârele tahe Paulo Banabe-wana bede nihikÿ riwyrenye tai. Tamy rybe ritÿnyhy roiremyhÿ ibrebuõlemy. Inynyrÿ taruxetõena rybetyhydÿÿnamy riwiòhenanyre tiiboho bedeòbina widÿÿdu renyreki.

⁴ Hâwâ mahâdu ritxuare. Ijõ heka judeu wedu mahâdu rityhynymyhÿre, ijõ tahe Paulo Banabeboho rityhynymyhÿre. ⁵ Judeukõdu mahâdu, judeu mahâdu, tawedureny-wana widee rarybere Paulo Banabe-wana riòkòròrenykemy tamy mana-di rehurenykremy. ⁶ Tahe tiiboho rexieryrenye tahe rihenyrenye. Tahe ròirenyre Lистра hâwâ-ò, Debi hâwâ-ò, kia Laonia hâwâ hâwâ-ò rare. Tule rariarenye kowa bedewo-ki. ⁷ Tahe kowa tiemy ritÿnyhy roiremyhÿ Rybe tÿmyra wihikÿ-di.

⁸ Lистра hâwâ-ki heka hâbuõ-txi rekoarenye, itierere heka. Taihy heka ronymyhÿre. Tuuhy heka ratohouãmy ijarananyre. ⁹ Tii tahe Paulo rybe-ò roholare. Paulo tamy retehere. Kia tahe Paulo rieryre hâbu teytetyhynadire Paulo riteytenykremy. ¹⁰ Tai tahe tamy rarybere tarybe riterenymy: —Mynyke, òbitimy. Ta hâbu rexiwatxinyre, rariare. ¹¹ Ijohona mahâdumy robireu, aõbo Paulo riwinyremy tahe rirajuare tarybe-di, Laonia rybe-di: —Ka hâbu mahâdu heka deuxu wesemy idi rexinohòtidÿÿnymyhÿre. Inydeereny deuxu wesemy dobehede. Iumyreny tahe hâbu wesemy rare. ¹² Banabe heka, Jupitemy tadeuxurenyniõmy rininire. Paulo tahe ijõnimy, Meuriumy rininirenyre irybe sõwetyhyreki, tii rybedureki. ¹³ Jupite xiwena wydydu horeru bederade-di dehemynde. Tohodÿÿna heto hâwâ ahana ube-ki rÿire. Broreni xiwe wesena tamyreny hâwâ mahâdu riworonykemy, riwahinykemy. ¹⁴ Kiamy roholareu, Paulo Banabe-wana tatykyreny riykaranyre idi rihurenye. Tahe ralõmy reare insõwey-txi rarybekemy. ¹⁵ Tamy ryryre: —Aõhebo tatÿÿnytenyteri. Jiarÿboho hâbulemy watxirenryeri. Kialemy adeereny rarybewâhare, Deuxu rybetÿmyra wihikÿ. Adeuxureny-di nohõtirennyõmy. Bedewidÿÿdu ta

mohõtinybenyke. Tii dori benihikÿ riwinyre, ibutumy biu-ki riwinyre, tahe Deuxutyhy-di mohõtinybenyke. ¹⁶Ihetxiu Deuxu ibutumy bede bedemy sÿdu ririre ixidee wimy aõna aõnamy rotÿÿnykemy. ¹⁷Urile tahe tamy rexideòsinyre tamy biu riwahinyre taoworumy raratynykemy. Tai tahe kaiboho arÿsÿna dire, Deuxu debò-ribi, awo-ki eysanadire. ¹⁸Ihàrele iny tamy xiwe wesena tamy riwahinykemy ratxireri. Paulo tamyreny rarybere: —Aõkò, inyeereny bidiwahinyòke.

¹⁹Iribi tahe judeu mahàdu-ò Atxiòkia-ribi, Ionio-ribi tamyreny raryberenye Paulo rubudÿÿmy. Hãwã òtityube-ò Paulo ridyrenye. Mana-di tamy rehumyhy. Tahe rubu wesemy ririrenyre. ²⁰Idi tahe ityhydÿÿduò tamy wirotyre. Paulo tahe suribi rÿire tahe tii-wana nalòde hãwã-ò. Ijòtxu biòwamy tahe Banabe-wana Paulo rexitare ijò hãwã-ò, Debi hãwã-ò. ²¹Ka hãwã-ki tahe Paulo rybe tÿmyra wihikÿ ritÿnyrenye. Sòwemy tai rityhynyreu, Pauloboho ròðserenyre Listra hãwã-ò, Ionio hãwã-ò, Atxiòkia-ò. ²²Ibutumy hãwã-ki Pauloboho ityhydÿÿdu mahàdu riwiòhenanyrenye, tiiboho rityhynyhyymy ratximyhykemy. Tamyreny rarybere: —Kaiboho aòhòkÿmy botÿÿnybenyke, ihàrele malòkemy titxibo Deuxu Iòlò ratximyhyre-ò. ²³Ibutu ityhydÿÿdu mahàduy ribi ritamy rÿimyhÿ rarekremy, idinodumy. Matuari mahàdu-ribi tii ritare. Iu ritareu tahe, rexitòenyre Deuxu-ò tule byreòhyy txuò riwyrenye. Inynyÿr-ò rexitòenyre: —Kia ibutumy aratyhynyre, tai tahe biywinymy ahàke. ^{24–25}Pisidia bedeki rekoamyhyrenye Panfilia bedeki. Kowa-ò Rybewihikÿ tÿmyramy relymy rahudi Peke-ki, Atalia hãwã-ò dobehede. ²⁶Tai hãwò nihikÿ welòdi-di rimyrenye. Tahe Atxiòkia-ò rorore.

Kowa-ribi juhuule rybe tÿmyra wihikÿ ijyy-di dòhònyde. Kowa juhuhu rexitòenyre tamyreny Deuxu ruxetòena-wana rarekemy. ²⁷Atxiòkia-ò rehemynyreu, Paulo, ibutumy ityhydÿÿdu mahàdu ditotynyde. Tai heka tamyreny rarybere iwese Deuxu riwiòhenanyre wese ibutumy iaòmydÿÿnana-di. Iwese judeukòdu mahàdu rityhynykemy. Deuxu tamy ityhyna ijòtòbòna riraynyre wese. ²⁸Idi bededÿÿnana riwynihikÿre ityhydÿÿdu mahàdu-wana.

15 Hãbuò Judeia mahàduò ditehemynydenye ta teòsamy ribedeerynyrenye. Kawese ribedeerynyre: —Moisesi Tyyriti bedeywina, notykyresynamy, rityhynyòkeki, iny rataòtyhy. ²Iribi tahe Paulo Banabe-wana tamyreny rarybehyy rare. Tai tahe inyò tamy rarybere Jerusalē matuari mahàdu-ò roirenykemy aòmydÿÿnana rexiòbitinyrenykemy. Iny witxira-ò Jesuisi erydÿÿna mahàdu-ò rarybekemy heka tamy, Pauloboho iteòdÿÿmy rarybere. Tahe ijò hãbu mahàduò tule tiiboho-wana riteònyrenye. ³Dÿÿraximy heka tamy ròirenyre, aò aòmydÿÿnabo ratxirerimyy wahe. Sòwemy dohodÿÿna mahàdu ihemy roirenyre urihimyò, tai tahe ririrenyre. Tahe Senisia bedeki bedemy, Samaria bedeki bedemy riòhòrenyrenye. Relyyrene judeukòdu mahàdu tule ityhydÿÿdu mahàdu-ki rÿirerimyy. Tai ibutumy ityhydÿÿdu mahàdu reysare. ⁴Tahe ritehemynyrenye Jerusalē-ò. Wihe ritotynyrenye ityhydÿÿdu dinodu-wana, tule matuari mahàdu-wana, Jesuisi erydÿÿdu mahàdu-wana. Tiiboho relyyrenye aòmybo Deuxu rotÿÿnyre iyreny-ki, timybo riwiòhenanyré. ⁵Tahe hãbu mahàduò tai raremyhy heka. Juhuhu heka fariseu mahàdumy ihÿre, idi tahe ityhydÿÿdumy ralore. Imahàdu-ribi ijò

rÿire ribedeerynykremy. Tahe rarybere: —Inydeereny kia wese rare. Judeukõdu tyhydÿÿdu ibutumy notyyresyna-di ròhònyke. Tule ibutumy Moisesi bede ywina ibutumy rityhynykemy. Kawesemy tamy ribedeerynyre òbitimy aõkò watxireri.

⁶Idi tahe Jesuisi erydÿÿna, matuari mahādu-wana wii ributunyre rybe òbitidÿÿmy. ⁷Rybe sòwemy rahude tahe, Pedro rÿire tamyreny rarybekemy: —Waseriòreboho, Deuxu juhu riwatare Rybewihikÿ rybedumy judeukõdu mahādu-ò tuu aritÿnynykremy, tiiboho tule rityhynyrenykeny. Tai rarewāhā. Kaiboho kia ibutumy teerytenyte. ⁸Iwese inydeereny riwahinyre wese, Deuxu Tyytybytyhy tamyreny tule riwahinyre. Judeukõdu mahāduò tule ixidee rimykeny. Kia wese tuu riteòsinyre inydeereny. ⁹Deuxu wiribi lahitximy aõkò iny riwinyrenyre. Wiwesehyyle ihÿre. Tiiboho inywesele ihÿrenyre. Tiiboho rityhynyrenyre, heka irayky rityranyrenykeny ritarenkye. ¹⁰Kia wese Deuxu teurihitenyteri. Kia bede ywina itxyynautxiehekÿ wesere ityhydÿÿdu mahādu tyre-ki tetiditenyteri. Inytybyreny tiu retyyòre tule inyboho idi retyyòre. ¹¹Inynyrÿ, ruxetòenale-di iny ritamyhÿre. Tule judeukõdu mahādu kia weselere ritamyhÿre.

¹²Tahe aõmy rarybeòhyrenyre. Ibutumy he Paulo Banabeboho rarybereò, roholarenyre. Tiiboho heka relyrenyre tule bedeòby wihikÿ aõna aõna-wana Deuxu riwinyremy tadebò-di wahe. ¹³⁻¹⁴Iribi tahe rexihurenyre tasÿ, Txiau rÿire rarybekremy: —Waseriòreboho, bodoholabedenykre inihe warybe-ò: —Pedro kÿny adeereny rarybere, timybo Deuxu judeukõdu mahādu roramy rare iny mahāduò ixidee ritakremy tanityhy-ò. ¹⁵Kiawesemy he tule ihetxiu Deuxu

rybemy rybedu mahādu riritinyre, kamy wahe: ¹⁶—Wanyrÿ heka rarybera: —Addòsekre, ixyby ariywinymy aritamadÿÿnykre aòdohodÿÿna heto Davi juhuu riwinyre. Idi tahe resere. Ixyby ariwinykre. ¹⁷Tai tahe judeukõdu mahādu-ribi iuhe riwaòrykre wamy rityhynykemy. Wanyrÿ, Deuxu, kiamy heka tiiboho rarybekre, ibutumy jiarÿ retarenkye. ¹⁸Kawesemy Wanyrÿ tuhyr rarybemy raremyhÿ, tule wiji ihÿre. ¹⁹Tai heka kiawidÿÿomy rakatximyhÿrenyke. Tamyreny rybeòmy rakatximyhÿrenyke. Judeukõdu mahādu Deuxumy rityhynyrenyre, iny bede ywina reny tyhydÿÿmy tamyreny rybeòmy. ²⁰Kialemy heka tamyreny rakaryberenykre: Suritxoo xiwe-ribi iròdude ròrenyòmy. Tule òta òta òraruna widÿÿòmy, iròdu hālubu-di ròrenyòmy, ihālubu rejuxunyòmyhÿre-wana. ²¹Kiamy heka rakatximyhÿrenyke. Moisesi bede ywina-di dori ibutu hāwā-ki judeu dohodÿÿna heto-ki rariamy raremyhÿ. Sabadotxu ihymy aõkò kia ritÿnynymy raremyhÿ.

²²Tahe kiamy heka rahòtinyrenyre, Jesuisi erydÿÿna mahādu, ibutumy dohodÿÿna mahādu-wana, hābuò ayreny-ribi rikitakre. Tai Atxiòkia-ò riteònyrenykeny Paulo Banabe-wana. Tahe Judasi ritarenyre tule iniòrysna Basaba rare. Ijò tasÿ Sila inire. Ka hābuboho ityhydÿÿdu mahādu awimy tai raharenyre. ²³Katyriti tiiboho-wana rakre. Kawesemy tyriti rare: —Jiarÿboho, erydÿÿna, matuari, seriòre mahādu adeereny rybe wehityhyna rewahinyreri. Ibutumy judeukõdu mahādu ityhydÿÿdu-ò ka tyriti rakre Atxiòkia hāwā-ò, Siria bede-ò, Silisia bede-ò. ²⁴Inyò rare wayreny-ribi adeereny notykyresymy rybemy. Tai tahe araykyreny riwerydÿÿnyre. Jiarÿboho

reteònyrenyõhyyre. Kia reerymy watxirenyreri. ²⁵ Tahe wiwesele rahòtinyrenyre riki, hābubohō Paulo Banabe inyluudu-wana reteònyrenyneri. ²⁶ Kia hābu Paulo Banabe-wana hāwā binahakŷ-ò roimyhŷrenyre Jesuisi Kristu Inynyrŷni-di. Ixi-txi rōhòtinyòlere, brebuny. ²⁷ Judasi-wana tule adee raryberenykre kia aòmydŷŷnanamy, katyyriti re-wahinyrenyre wese. ²⁸ Kawese inyboho rōhòtinyrenyhŷre, Deuxu Tyytybytyhy dori inyrayky rewiohenanyre. Kia bede ywinalemy adeereny rarybereri biwinybenykemy. ²⁹ Uritere, suritxoo xiwe-ribi iròdude ròrenyõmy iròdu, ihālubu-di ròrenyõmy, ihālubu rejuxunyõmyhŷre-wana. Tule òta òtana òraruna widŷŷõmy. Ka bede ywina biwinybenykeki, awimy boibeke. Deuxu deysana tahe adeereny kanakemy watxiwāhāre.

³⁰ Tahe hābuò iny inaubiòwamy Atxiòkia hāwā-ò ròrenyre. Tahe Atxiòkia tyhydŷŷdu mahādu ributunyre. Iu tahe tamyreny tyriti riwahinyre. ³¹ Tahe idi rariarenyre, ritŷnynymy tamyreny. Ribedeerynyrenyre. Tai tahe reysarenyre. ³² Judasi Silaboho tule Deuxu dee rybeduwihikŷ roire. Sòwemy dohodŷŷna-ki seriòre mahādu-wana rohonymyhŷre. Tai tahe rirurudŷŷnymyhŷre. ³³ Aòutxumy raroorehenyre, tahe seriòre mahādu tamyreny rarybere: —Bòibenyeke he atèdŷŷdu mahādu-ò. Biòkeseke wowina-di Jerusalē hāwā-ò. ³⁴ Tahe Sila rōhòtinyre rarikremy Atxiòkia-ki. ³⁵ Tahe Paulo Banabe-wana naride Atxiòkiakile. Inynyrŷ rybemy rierynanyrenyneri, ritŷnynyrenyneri, ijò seriòre-ò-wana.

³⁶ Aòutxumy tahe Paulo rarybere Banabe-ò: —Ròkòòsekre kŷnyhe, ibutumy hāwā hāwā-di tai juhūu Inynyrŷ rybemy ritŷnynymahāreò

wahe, rikiwehityhynanykremy timybo ityhydŷŷdu mahādu nyimyhŷde-ò. ³⁷ Tahe Banabe Joaō-Marku ridykemy tamy reare. ³⁸ Paulo heka Joaō-Marku ridyòkemy ratxireri, Panfilia hāwā-ki dori iribireny ròhònyreki, riwiòhenanyòreki. ³⁹ Marku ridykemy wiwese wesemy aòkò rōhòtinyrenyre teratyhylemy ratximyhŷ. Tai tahe wiribi rexihitxinyrenyre, Banabe Paulo-ribi. Banabe Marku ridyra Xibri bedebute-ò, hāwò-di ròira. ⁴⁰ Paulo tahe Sila ridyra. Seriòre mahādu tahe Pauloboho riixitòedŷŷnyre, Inynyrŷ ruxetòena tamyreny kanakemy. ⁴¹ Tahe Siria bede werawo-di, Silisia bede werawo-di, ririranyre dohodŷŷna mahādu riwiòhenanykemy, rirurudŷŷnymyhŷkemy.

16 Pauloboho tahe Debi hāwā-ò rehemynyre. Ihyy tahe Listra hāwā-ò rare. Tai tahe Tximòtxi-wana witxi rekoare. Tximòtxise judea tyhydŷŷduò rare. Tyby tahe grego mahāduò rare. ² Listra, Ionio ityhydŷŷdu seriòre Tximòtxi luure. Tximòtximy widee rarybere: —Tii iny hābu tyhy rare. ³ Tahe Paulo Tximòtxi-wana rakemy rexiwinyry raremyhŷ. Tahe rexitarenkre kotyre, Paulo, Tximòtxi notykyresymy riteònyre, kowa judeu mahādu òraru-ki wahe. Tyby dorihe ibutumy iny rierye tii grego mahādu raremy. Notykyresykōmy rake tahe judeu mahādu dee kia ibinare. ⁴ Iribi tahe ròrenyre hāwā hāwā-di, ityhydŷŷdu seriòre mahādu ribedeerydŷŷnykemy, timybo Jerusalē mahādu rōhòtinyrenyhŷremy. ⁵ Tai tahe ibutumy dohodŷŷna heto mahādu tii rirurudŷŷnymyhŷre ityhydŷŷna-di. Tule ijò rityhynymyhŷre txuò txuòlemy ralokemy ityhydŷŷduòmy rarekemy.

⁶ Pauloboho Asia bede-ò ròrenyòre rybe ritŷnynykemy, Deuxu Tyytybytyhy ritirŷreki. Tahe Frigia-Alatxia

bedemy rekoamyhÿrenyre. ⁷Misia bede-ò rehemynyreu, Bitinia bede-ò ròirenykemy riwisÿnyrenyre. Tahe Jesuisi Tytyby tamy riteònyòhyre, ritirÿmyhÿre. ⁸Tahe Misia bedemy rekoare, tahe Troaji hāwā-ò robehere. ⁹Tahe Paulo hābuò wesemy robire rasina weselemy. Hābu, Macedonia bede ludu lamamy rÿimyhÿ, tuu robire. Tahe hābu ryrymyhÿ tamy: —Manake Macedonia-ò, biwawiòhenanykemy. Kia Paulo rasi-ki tuu robire wese. ¹⁰Tahe tarasi rahureu, tamyhe wylemy aroikemy watxiwāhārenyre. Jiarÿ, Luka, Paulo-wana. Deuxu dori inydeereny rarybereri Macedonia-ò ròkòirenykemy, Rybewehikÿ rikiubÿtÿnyrenykemy. Kialemy ròkòhòtinyrenykemy.

¹¹Tahe Troaji hāwā-ribi ròhònyre hāwò yhywydynalaworo-ki. Samotrasia hāwā-ò imynahy ròhòrere. Ijò txu tahe Niapoli hāwā-ò ròhòreri. ¹²Iribi tahe Filiposi hāwā-ò roirenyre. Juhuludu hāwā rare Macedonia bede-ki. Roma hāwā mahāduò tule tai rasÿnymyhÿre. Tai txuò rewyrenyre. ¹³Sabadotxu tahe hāwā-ribi reòlònyrenyre bero ijā-ò. Rahòtinyrenyre tai ixitòedÿÿna-ò rÿimyhÿremy. Tai tahe hāwyÿò rexibutunymy rÿimyhÿ. Tahe rorokorenyre tamyreny raryberenykemy. ¹⁴Hāwyÿò Lidia inire, inyrybe-ò tahe roholatyhymyhÿre. Tii Txiatira hāwā luduò rare. Tii tylÿre ijohodure, tule Deuxu tyhydÿÿdure. Inynyry irayky riywinyre Paulo rybe rityhynykemy. ¹⁵Tahe ibutumy isÿmahādu-wana riratysebenyre. Tai tahe tamy Lidia rarybere: —Inaanokābo ityhydÿkÿdumy watxiwāhāre-wana, wahetoku-kò manakre. Tai tahe iheto-ò ròirenyre irybe-ki.

¹⁶Aòutxumy tahe riberenyre ixitòedÿÿna-ò. Itxi rekoarenyre ijadòmaò-txi, deòdu rare. Iwo-ki

tytybybina ralòmy rÿire. Tai ijadòma relyyre inyko aõhebo iny-ò rotÿÿnykemy. Tai sòwemy nieru ritare tawedu-ò. ¹⁷Tahe waherenymy dyrymy nade: —Deuxu ibuturatyre rare. Iteòdÿkÿna mahādu kia mahādu rare. Tikiboho rarybemyhÿre timybo iny taòraru-ribi ratakemy. ¹⁸Tuheka rarybehyy raremyhÿ. Aòutxumy tahe Paulo tai rexirare, tamy ròòsemy reare. Rarybere tytybybina tai ratxirerfò: —Jesuisi Kristu nimy iribi arateònykre. Bexitakre. Tahe aõwesele iribi ròhònymy reare.

¹⁹Iwedu tahe rieryre nieru idi ritaòkre ta rymyrenyre Paulo Sila-wana. Retÿhimy rare ywisidÿÿdu-ò, hāwā elehyna ube-ò. ²⁰Tahe ijadòma wedu rarybere ywisidÿÿdu mahādu-ò: —Kaa judeu mahādu iny hāwāreny dibinadÿÿnymyhÿde. ²¹Tiiboho iny ribedeernymyhÿre aõ iny bede ywinareny-di aòkò. Inyboho Roma hāwā mahādu rare. Tai kia-ki aõhe arotÿÿnyòtyhy. ²²Tai tahe sòwemy iny Paulo Sila radònyre. Ywisidÿÿdu mahādu tahe ityy ibòrò-ribi ritxuahakÿre idi tahe rityhenymy tuu raòhòtere. ²³Tuu raòhòtere, tuu raòhòtere, idi tahe ròtenawo-ò idi rehurenyre. Ròtena-di itxeredu-ò rarybere: —Kaa rahenykre-wana, kaile budurukre. ²⁴Tai rirutere iraru-txi rarutxi-ò iwa ritidire òwòru iwodÿÿwomy raratyheny. ²⁵Ruetya tahe Paulo Sila-wana rexitòenymy roimyhÿ Deuxu dee. Ijò ròtenawoludu mahādu roholamy rÿimyhÿ tai. ²⁶Aõwese bedes ramytatare. Ròtena ijòtòbòna rirayre hābu mynyna iribi rejuxunyre. ²⁷Tai tahe itxeredu ijò iraymy idi retehereu, rexirubunykemy tamaydese ritare. Ròtena woludu mahādu rahenyrany tii rexinohòtinyra. ²⁸Paulo tahe tamy ryryre: —Ixirubudÿÿòmyke, kakile watxirenryeri, ibutuhukÿlemy.

²⁹ Itxeredu ryryre loosõna kidiwykemy tahe ralore ramytatamy brebumpy. Paulobohoko-ò resere tatiòhomy. ³⁰ Tahe itxeredu diòlòdÿÿnyde irarutxira-ribi, tamyreny rarybere: —Wanyrÿboho timybohe aratamy arÿike. Aõhebohe arotÿÿnyke. ³¹ Tahe rirawyònyre: —Inynrÿ Jesuisi bityhynykrekile, tarasanamy myikre, asÿ mahãdu-wana. ³² Tahe tamy Deuxu Rybe-di ritÿnydÿÿre ibutumy isÿ mahãdu-ò. ³³ Iruule tahe riwisi-nanyrenyra ibrò wotõmona risuhòra. Idi tahe itxeredu raratysebenyre tasÿ mahãdu-wana ibutumy. ³⁴ Iribi tahe itxeredu ridyrenyre taheto-ò riroxikemy tahe ibutumy reysanihikÿrenyre, Deuxu rityhynyrenyraki.

³⁵ Txu deadeu tahe ywisidÿÿna dinodu ijõ ywisidÿÿna mahãdu riteònyre, ròtena-ribi Pauloboho riteònykremy. ³⁶ Itxeredu tahe Pauloboho-ò rarybere: —Ywisidÿÿna mahãdu arateònykremy riwateònyreri. Bòibenyhe, wowina-di, biòlònybenyke. ³⁷ Paulo tahe rirawyònyre: —Aõkõre, araõtyhy. Jiarÿboho Roma hãwãhãkÿ mahãdu kaa watxirenryeri. Tii riwayhytanyrenyra idi ròtenawo-ki riwasÿnyrenyra. Ywisidÿÿdu mahãdu wii rotykõhyre riwaròtenyrenyra. Wasimy ka tiu ariòlònyõtyhy. Tiiboho kodoikreule tahe ariòlònykre. Tii he riwaòlòdÿÿnykre. ³⁸ Tahe ywisidÿÿna mahãdu tawedu-ò rarybere. Tahe tiiboho ruberurenryre Pauloboho Roma hãwã mahãdu roireki wahe. ³⁹ Tai tahe dòidenyde tamyreny, aõwaxina riòlònykremy. Tahe làhãmy tamy rexitònyre. Tutyhy-ki aõkõ làhã ararutara. Tai riteònyrenyreu, hãwã-ribi rexitarenkemy tamy rexitòenyra. ⁴⁰ Rexitarenryeu, Pauloboho tahe Lidia heto-ò ròsere. Ibutumy ityhydÿÿdu tahe wii ritotynyre, wii

riwiòhenanykemy. Idi tahe riòlònyre kia hãwã-ribi.

17 ¹⁻² Tiiboho rekoarenryre Afipoli hãwãmy, Apòlonia hãwãmy tahe rehemynyre Tesalonia hãwã-ò. Judeu dohodÿÿna hetoò tai rÿimyhÿreò. Paulo, iwese aõu riwinymyhÿre wesele rare tamy. Ralore rybe-di rarybekemy. Inataò sabadomy tai riraynyre tyriti ritidÿÿna tamy ritÿnynykemy. ³ Rybe hitxina rurukremy tuu relyyre. Tahe Paulo tamyreny ritÿnynyre iwese Kristu durudemy idi dexiixixanyde rubu-ribi. Kia iny rityhynyra Jesuisi inatyhymy Deuxu deòdÿÿna raré. ⁴ Tahe ijohonadu mahãduò rityhynyre. Tule ijõ judeukòdu mahãdu rityhynyre. Tule ijõ hãwy wihikÿ mahãduò rityhynyre sòwemy. ⁵ Tahe judeu mahãdu dinodu tuu ròhãrumyhÿre. Tiiboho tahe hàbu binahakÿ mahãduò wii rotyre aõbina ritelenykremy. Tahe ròirenyre Ijasò heto-ò Pauloboho rimyrenykremy, ywisidÿÿna-ò idi retÿhikremy. ⁶ Tai tahe rahaõhyre tai. Tahe Ijasò ritarenryre ijõ ityhydÿÿduò-wana. Tahe ridyrenyre ywisidÿÿna-ò. Tahe raryberenryre ywisidÿÿdu mahãdu-ò: —Paulo, Silamy urile bede diòtanymyhÿdenyde, aõna aõna binahakÿlemy rotÿÿnymyhÿre. ⁷ Ijasò tahe ritirÿmyhÿre taheto-ki. Tiiboho iny òludu roire. Iny iòlòreny rityhynyõtyhy. Jesuisi ka iòlòreny. ⁸⁻⁹ Ibutumy iny idi ròhòtynyre, tule ywisidÿÿna mahãdu rexitòenyre nieru ririkemy. Tai xiery tahe ròhònyke. Tai tahe ririrenryre nieruò.

¹⁰ Kiaru tahe ityhydÿÿduò Pauloboho riwiòhenanymy iribi riòlònykemy Bereia hãwã-ò. Tahe rehemyhÿreu, dohodÿÿna-ò ròirenyre. ¹¹ Kia hãwã-ki judeu mahãdu iny awi rare, Tesalonia hãwã mahãdu wese aõkõre. Teysamy tamy roholarenryra. Idi heka rariara Tyriti-di, òbitimy Paulo rybe aõbo roirerimy rierykemy. ¹² Tahe sòwemy

judeu iny rityhynyre. Judeukõdu mahāduy-ribi sōwemy rityhynyrenyre, hāwyy wihikÿ, hābu-wana tule rityhynyrenyre. ¹³Bereia hāwā-ki Paulo Deuxu rybe ritÿnynymy raremy. Judeia mahādu dinodu Tesalonia hāwā-ki roholareu, tahe doidenyde. Iny sōwe-ò raryberenyre: —Pauloboho bibinadÿÿnyke. ¹⁴Tahe ityhydÿÿdu seriøre mahādu aōwesele Paulo riteðnyrenyre ahohokÿry-di. Sila, Tximòtxi taile rarire. ¹⁵Hābuõ rare Paulo-wana Atena hāwā-ò. Iribi tahe dðòsede hābuõ. Paulo tamy tarybe riwahinyra Tximòtxi Sila-ò, wylemy kanakremy.

¹⁶Paulo Atena hāwā-ki riraðreu, tahe robire suritxooe rityhynymhÿreð. Tai tahe tii rabadewore. ¹⁷Idi tahe Paulo ralore dohodÿÿna mahādu heto-ò judeu dee rarybekemy, tule judeukõdu ityhydÿÿdu dee rarybekemy. Tahe rarybemyhÿre txuõ txuõlemy. Tule hāwā ube-ki rarybemyhÿre hāwā-di reamyhÿre mahādu-ò. ¹⁸Aōutxumy tahe Epikuriu mahādu Paulo-txi nade. Estòiku mahādu ijøre. Tiiboho, aōbo rybe rare kia erydu roire. Tiiboho he Paulo raujōmorenyre: —Aōmy aōkō, kiarybedu rarybereri. Ijō tahe rarybere: —Tii Deuxu tÿmyramy rarybereri. Paulo dori juhūu Jesuisi ixixanamy relyymy raremyhÿ. Tai kiamy raryberenyre. ¹⁹Paulo tahe ridyrenyre. Tai iny roholamy rÿimyhÿreð ridyrenyre: —Rybe tÿmyramy telymahātemy inihe bedelyke wakoreny. Tamy kia rarybere. ²⁰Aōkōre inihe aōna aōnamy tarybemy atxiteri, aōwitxira witxiramy. Tai aroholarenkemy watxirenryeri. ²¹Atena hāwā mahādu, tule iwitxira bede luduõ tai rasÿnymyhÿre, aō tÿmyraõle roholarenkemy ratxirenryeri. ²²Tahe Paulo rÿire rybenatya-ki. Rxiðaranymy rarybere: —Atena hāwā mahādu, kaiboho

Deuxu rybe hyky tahōtinymahātenyte. ²³Jiarÿ hāwāmy rariamy watxireriu, sōwemy xiwena-di retehera. Ijō-di kiamy retehera iritina-di: Kaa Deuxu heka inyō rieryōhyymhÿre. Ka Deuxumy kÿny heka akoreny arelyyke, teerymahātenyte-di aōkō tuu teālamahātenyte. ²⁴Ka Deuxu ibutumy bede riwinyre. Ibutumy tuu rÿira tii riwinyre. Tii heka biuwetty wedu rare, su wedu rare. Aō hābu widÿÿna heto-ki aōkō tii rasÿnymyhÿre. ²⁵Tiu heka tii aōmy reaōtyhy hābu aō tamy riwahinyōtyhy. Tule tahe inydee ibutumy aōna aōna riwahinymhÿre, ele wesena, umy, ibutumy inydee riwahinyre. ²⁶Hābu sohojiō-ribi ibutumy iny rōhōnyre iriðre riðremy bede witxira witxiramy rasÿnymy rÿirakemy. Urile wiribi rihitxihitxinyre. Tiu tamy riteðsinyre, tikibo rasÿnymy rÿirakemy. ²⁷Ibutumy Deuxu rajemyhÿkemy, raerykemy. Tii dori irehemy aōkō ihÿre iny-ribi. Iny sohoji sohojiō-ribi iōhōmy ratximyhÿre. ²⁸Deuxu òraru-ki inyboho ibutumy irumy ratximyhÿrenyre, ririranymyhÿre, ihoōkeki tahe aō rikiwinyrenyōtyhy. Atyyriti widÿÿduō kiamy rarybere: —Inyboho heka Deuxu riðre. ²⁹Inyboho Deuxu riðre rareki, urile nohōtiōmy womati tÿrÿrÿÿ ritxoo wesemy, womatiura wesemy, manaritxoo wesemy Deuxu-di nohōtiōmahābeny. Hābu rayky-ribi, hābu debò Deuxu releremy nohōtiōmahābeny. ³⁰Ihetxiu tii Deuxu rieryōhyrenyre. Tai tahe iðaranareny aōnihikÿmy aōkō Deuxu dee ihÿre. Wiji bededÿÿnana tahe, ibutumy taðraru-txi ixi-txi nohōti ijaranamy, tai tahe rabadewomyhÿkemy. Kia tahe ibutu iny-ò rarybereri, iny taðraru ririkemy. ³¹Deuxu Jesuisi riixixanyre rubu-ribi. Tai tahe ibutumy tii rityhynyrenykemy ihÿre. Aōtxumy tahe ibutumy iny

ywisidÿÿdumy kanakremy ijÿre. Õbitina-di Jesuisi iny ritxuarenykre kia wiribi hitxi hitxina txuu.

³² Paulo Jesuisi ixixanamy rarybereu, inyõ tuu rirajuare. Ijõ tahe rarybere Paulo-ò: —Ijõ txuu arybe ini aroholat-hykemy watzireri. ³³ Idi tahe Paulo rare iribireny. ³⁴ Ijõ iny tahe Jesuisi rityhnyre, Paulo-ò tahe rixibutunyre. Ijõ Dionisiu inire, Areòpolo heto ube-ki tii iny mahäduõ roholamyhÿre. Ijõ, häwyyõ rityhnyre, Damari inire, tule ijõ mahäduõ rityhnyre.

18 Paulo tahe Atena häwä-ribi rõhõnyre Oritxi häwä-ò. ² Kia-ki tahe judeu mahäduõ-wana witxi reare. Ini heka Akila inire. Tii Ponto häwä-ki raumynyre. Urihimyõle Italia bede-ribi dehemynyde. Prisila ihäwyyinire. Iòlò Laujiu Roma häwä-ribi ibutumy judeu mahädu diteõnyde. Tai heka nade kaweribi-ò. ³ Paulo iaõmysÿdÿÿna rierymyhyre, tyheto widÿÿ. Tai tahe tiiboho-wana rajoinymyhyre wiwana raaõmysÿdÿÿrenykemy. ⁴ Sabado txuõ txuõlemy tamy reamyhyre judeu mahädu dohodÿÿna heto-ò. Tahe ritohonymyhyre, judeu mahädu judeukõdu mahädu tule. Tamy rarybere tii Rybewihikÿ õbitimy rierykemy.

⁵ Sila tahe Macedonia bedewe-ribi rehemynyre, Tximõtxi-wana. Paulo tai rybe ritÿnynymyhyhy raremyhÿ. Aõu Paulo rarybere: —Inatyhymy Jesuisi Deuxu deòdÿÿna rare, Kristu rare. ⁶ Katahe judeu mahädu tamy raykarananymy raremyhÿ. Aõbina-hakÿlemy Jesuisimy rarybere. Tahe Paulo tatyy riohowire iixäwidinykemy riteòsinykemy. Tahe tamyreny rarybere: —Jiarÿ aõkõ bede òrarure. Kai aòraruna-di burukre-wana, ahälubureny waki aõkõ rare, adeereny dori Deuxu rybemy rarybere. Tahe judeukõdu mahädu-ò sohojile tuu arelyykre. ⁷ Iribi tahe inyõ heto-ò Paulo rare. Txisiu

Justu inire. Tii judeukõdu mahäduõ rare, tahe Deuxu rityhynymyhyre. Judeu dohodÿÿna heto bire-ki iheto rÿire. ⁸ Krispu judeu dohodÿÿna heto weduni rare. Tii tasÿreny ibutumy Inynyrÿ rityhynymyhyre. Tule sówemy Oritxi häwä mahädu rityhynymyhyre. Paulo riratysebedÿÿrenyre. ⁹ Paulo tahe rumy rõrõmy roire. Tai tahe rasina wesemy robire. Inynyrÿ tamy narybede: —Brebuõmy, Paulo. Marybeke aõmybo rybemy adee rewahinyré. Rybe tÿnydÿÿ lau brebuõmy. ¹⁰ Jiarÿ adi watxiwähäre urenana. Inyõ adee aõhe rotÿÿnyõtthy. Sówemy iny rÿire kaki watyhydÿÿdu. Kia Jesuisi tamy rarybere. ¹¹ Tai he Paulo bede riijere sohoji beòra weeremy tai bede riere. Ribedeernymyhyre Deuxu rybemy.

¹² Roma dinodu tÿmyraõ ronyre Grecia bede-ki. Ini heka Kalio inire. Dinodumy ronyrau tahe, judeu mahädu wii dotyde. Wii ritobynyre Paulo dee aõbinabinahäkÿ riwinykremy. Tahe tiiboho Paulo rimyrenyre idi kanakremy ywisidÿÿdu dinodu-ò. ¹³ Kiamy raryberenyre: —Paulo, Deuxu deàlänamy iny dibedeernymyhyde. Tai bede ywina rityhynyõhyymyhyre. ¹⁴ Tahe Paulo ixideele rarybekemy ratxireri, tahe Kalio judeu mahädu-ò rarybere: —Kia rubudÿÿdu ada aõ ibinatyhymy ratxikeki, tai idi arohonykre, ariywisidÿÿnanyke. ¹⁵ Tahe aõkõre, urile abede ywina rybedile rarybemyhyre, tai ywisidÿÿnamy idi araõkre. Kaibohole biywisidÿÿnanybenyke. ¹⁶ Tahe Kalio ibutumy diteõnyde ywisidÿÿna hetoube-ribi. ¹⁷ Tai tahe judeu mahädu dohodÿÿna heto wedu rimyrenyre. Sòteni inire. Tule raòhòterenyre ywisidÿÿna heto ube-ki. Kalio tahe kia òhòtena-ò aõhe rotÿÿnyõhyllere.

¹⁸ Oritxi häwä-ki Paulo rare myhÿre sówemy he tai txu riwyre. Idi tahe

seriõre mahädu-ò rarybere: —Arakre. Tahe hāwō-di he rare, reuròkemy Siria bede-ò. Tahe Prisila Akila-wana tii-wana ròirenyre. Paulo Deuxu-ò rarybere aomybo rotÿÿnykremy. Idi tahe rexihumy kia rÿire. Tai tahe tarade risyre nohōti ijerana wesemy. Sekrea hāwā-ki tarade risyre. ¹⁹ Tahe ritehemynyre Efesu bede-ò. Prisila Akila-wana ririre. Iribi tahe rare tyyriti ritÿnynyremy judeu mahädu dohodÿÿna heto-ò. ²⁰ Tii mahädu tahe Paulo rexitðenyre tai aoutxumy tai ratxunykemy. Tahe rarikòkemy ratxireri. ²¹ Karibi ròhònyreu, tamy rarybere: —Deuxudeewikeki, ixyby adòðsekre. Efesu-ribi ròhònyreu, yhydinalawòð rimyre.

²² Ritehemynyre Cesaria bede-ò. Iribi resereu, Jerusalē hāwā-ò rare. Tahe rarybere riwehityhynanyre dohodÿÿna mahädu. Iribi tahe Atxiòkia hāwā-ò rare. ²³ Tai bededÿÿnana riiijere idi tahe rara. Rariamy rare hāwā hāwā-di, Alaxia bede-di, Frigia bede-di. Ibutu hāwā-ki ityhydÿÿdu rotohodÿÿnymy-hÿre, riwiòhenananyhÿre.

²⁴ Iu tahe inyò judeu mahäduò dehemynyde Alexÿdria hāwā-ribi. Apòlo inire. Tii ribedeerny wihikÿmyhÿre tyyriti, tarybe-di rotohonanyhÿre, Deuxu rybe rieryeki.

²⁵ Inyò Apòlo rierynanyre timybo Inynyry Jesuisi aomydÿÿnana raremy. Tai Jesuisimy ribedeernymy raremyhÿ, deysanatyhy-di rarybemyhÿre. Tii tahe Joaō ratysevenale rierye.

²⁶ Apòlo rexidelenymy relyre judeu mahädu dohodÿÿna heto-ki. Prisila Akila-wana tai roholamy ronymy-hÿre. Idi tahe tiiboho Apòlo ridyreny ibutumy Jesuisi aomydÿÿnanamy tamy ritÿnykemy. ²⁷ Iribi tahe Apòlo ratÿnykemy rexiwonyre Grecia bedey-ki. Ityhydÿÿdu seriõre tamy rybe riwahinyre, Grecia ludu seriõre

mahädu-ò, aōma, riryludunykemy, rehemynykeu. Tahe rehemynyreu, sōwemy riwiòhenanyre kia tyhydÿÿdu seriõre, Deuxu ruxetðena ityhydÿÿdu mahädu. ²⁸ Tii dori judeu mahädu raykrybe itxÿte riwitxiradÿÿnyre iny sōwe hekÿy-ki. Rybetyyriti ritina-di riurihimy rarybere iwese Kristu Jesuisi raremyhÿ wese, Deuxu deòdÿÿna wahe.

19 Apòlo, Oritxi hāwā-ki rareu, Paulo rabetdÿÿnyre kabedey-ki idi rehemynyre Efesu hāwā-ò. Kowa ityhydÿÿdu mahäduò-ki he rahare. ² Tamy Paulo ritÿÿraxinyre: —Tetyhynyteu, Deuxu Tyytybytyhy ixidee aōbo temytenyte. Tahe rirawyònyre: —Aòkòre he, aomybo tarybeteri. Deuxu Tyytybytyhy reeryòrenyre. ³ Paulo rÿÿraxire: —Taratysebetenyteu, mobohe tetyhynytenyte. Tahe rirawyònyrenyre ixityre: —Retyhynyrenyre ibutumy Joaō Sebedÿÿdu riwabedeernynyremy. ⁴ Paulo tahe tamyreny ritÿnynyre: —Joaō sebedÿÿna urihimyo iwitxi rare. Tii kiawese rybe ritÿnynyre: iny taòraru-txi tòhōti reakemy. Tahe Jesuisi Juaō hewo-ribi kanakreu, tii tahe inatyhymy kanatyhydÿÿkre. Paulo kia tamyreny rarybere. ⁵ Kia-ò roholareu tahe, raratysebenyre Inynyry Jesuisi nimy. ⁶ Paulo iratytyre tebò ritidire, tai Deuxu Tyytybytyhy tamyreny ralore. Tahe Deuxu rybemy raryberenyre, tule iwitxira rybemy raryberenyre. ⁷ Waòinatxi reurò hābumy rÿiramy.

⁸ Inataō ahādumy Paulo reamy raremyhÿ judeu dohodÿÿna heto-ò. Tiiemy rarybehyymy-hÿre, riòbitinymy-hÿre, Deuxu Iòlònamy ritÿnynymy-hÿre. ⁹ Paulo-ò ijohonaduò rityhynyòhyymy-hÿre, teramy reamyhÿre. Deuxu aomydÿÿnanamy ibinamy rarybemyhÿrenyre iny sōwey-ki. Tai tahe Paulo rexihitxinyre judeu dohodÿÿna heto-ribi. Txirano kia

tyyriti rybena heto-ò txuõ txuõlemy ralõmyhÿre taerydÿÿna-wana. Tahe rabedeernymyhyre. ¹⁰ Tahe bede riere inatxi beòramy. Tai tahe ibutumy iny Asia bede ludu mahädu Inynyrÿ rybe-ò roholamyhyre, judeu mahädu, tule judeukõdu mahädu. ¹¹ Deuxu aõna aõna wiwihikÿ riwinyre Paulo debò rihuòtere. ¹² Paulo tykyyre riwyrenywebinadutyre ritidirenykremy. Tyky òsurõna wesemy ijõmy riwyre. Tai tahe webinadu riteytenymyhyre. Tule tyytybybinahakÿ iny-ki raremyhÿu, aõwesele iribireny ròhõnymy reare tykyyre òraru-ki. ¹³ Ijõ judeu mahäduò ratÿinyre hãwã hãwã-di inyõ ribi tyytybybina ritakemy. Tiiboho tyytybybina riteònykemy idi ratxireri. Tai tahe Inynyrÿ Jesusini-di riteònyre. Kia wesemy rarybere: —Paulo, Jesuisi rybe ritÿynymyhyre, tai Jesusini òraru-ki iribi bòhõnykre. ¹⁴ Debòinatxi seriòre kia riwinyre. Sewa tybynire, judeu xiwena widÿÿdu kia wedu tii rare. ¹⁵ Tahe Jesuisi ni-di tyytybybina-ò rarybereu, tyytybybinaò dirawyònyde: —Jesuisi reeryre, Paulo reeryre, tahe mobo atxiteri. ¹⁶ Tahe hãbu tyytybybina-di ratxirerí, ityrehékÿle dexiwatxinyde, rihetenyre, ibutumy riwotõmonyre ityky ritare tai hetowo-ribi hãbu mahädu tadehekÿlemy rahenyre. ¹⁷ Ibutumy Efesu hãwã mahädu kia rieryrenyre, judeu mahädu, judeukõdu mahädu. Tahe ibutumy ruberure, Jesuisi ni nityhydÿÿhÿkÿmy ini raremyhÿki. ¹⁸ Sõwemy ityhydÿÿdu taòrarureny riixitòedÿÿnymyhyre, dohodÿÿna mahäduy-ki. ¹⁹ Ijõ ityhydÿÿdu juhuhu tyytybybina rierymyhÿrenyre, tiiboho tahe tatyriti diwyde itxenadÿÿmy rybetyriti, òwòruwidÿÿ kia tyriti. Tahe iny retehemyhÿreruki kia tyriti sõwemy ritoonyre. Idi ibutu tyriti juhuhu òwy wese inyõ riritinyre.

Iòwy tahe 50 mil womati ura nieru juhuhu iòwyre. Ihãrele tahe idi rahure. ²⁰ Ibutumy kia bede mahädu Deuxu rybe-di ròhõtinihikÿrenyre.

²¹ Idi tahe Paulo tarayky-ki ròhõtinyre: —Judeukõdu mahädu bede-ò arakremy ixi-di watxiwãhãre. Juhuhu Jerusale-ò arakre Macedonia bede-di Akaia bede-di arariamy arakre. Addòsekreu, tahe Roma hãwã-ò arakre. ²² Tai tahe tawiòhedÿÿdu Tximõtxi, Erasto-wana Macedonia bede-ò riteònyre. Tai Paulo Asia bede-ki naride. Bededÿÿnanaò riwyre.

²³ Kia bededÿÿnanau aõbina nihikÿ rÿikemy riwisÿnyre Deuxury òbitina òraru-ki. ²⁴ Dimitiu heka womati tÿrÿrÿ ura ritxoo widÿÿdu rare. Hãwy ritxoo ihãwãreny deuxu rare. Diana inire. Nieru sõwemy ritamy raremy idi riwinymyhyreki. ²⁵ Dimitiu ributunyre ibutumy womati ritxoo widÿÿdu, tamahädu-wana. Tamyreny rarybere: —Wanyrÿboho adeereny ararybekre. Inyboho nieru ritamyhÿrenyre kaa aõmysÿdÿÿ-ki. Kia tahe teerytenyte. ²⁶ Paulo rarybemyhyre kaa inywidÿÿnareny deuxu aõkõ rare. Tai tahe sõwemy iny tamy nariade irybe-di. Efesu hãwã sohojile-ki aõkõ, ibutumy Asia bede-ki irybe rityhynymyhyre. ²⁷ Iny aõmysÿdÿÿna òsana riixãwididÿÿnykre, ideuxu dohodÿÿna heto-wana, iny deuxu reny riixãwididÿÿnykre. Diana inyluure. Kaki sohojile aõkõ inyluure, ibutumy Asia bede-ki, tule bede bede ludu iluu inihikÿmy awireki. Paulo heka kia ibutumy rahukre. ²⁸ Kia roholareu tahe, raykarananyrenyre. Ryryrenyre: —Diana awi rare inydeereny. Tii Efesu hãwã deuxu rare. ²⁹ Rirajuamy rÿimyhÿ hãwã-ki. Hãwã mahädu, Kaio Aristarku-wana rimyrenyre tahe ridyrenyre butunaube-ò. Tiiboho Paulo tÿimahädu rare, Macedonia hãwã

mahādu rare. ³⁰ Tahe Paulo ralòkemy rexiwonrye tatÿi mahāduhe-ki, iny sōwey-ki tahe taerydÿÿna ijoi ritirÿre. ³¹ Tule ijō bededinoduō, Paulo wiòhedÿÿmy ratxireri. Tai tarybereny Paulo-ò riwahinyre ibutunaube-ò raòkemy, brebunamy roireriki. ³² Tiilemy ijō rarybemyhÿre. Ijō iwitziramy rirajuamyhÿre. Urile wimy rauriurire. Aòherekibo ibutumy rÿireri, iny rieryòhyre. ³³ Alexÿdre iny sōwey-ribi rimyrenrye tahe, idi retÿhire, ritamadÿÿnyre iny rudera-ò. Alexÿdre debò riteòsinyre tamahādumy rarybekemy. ³⁴ Iny sōwemy idi retehereu, judeu mahāduō raremy rieryreu tahe rirajuatyhyre. Tahe inatxi òramy rirajuahy rÿimyhÿ: —Diana awi rare. Tii heka Efesu deuxu rare. Kiamy ryryrenrye. ³⁵ Idi tahe hāwā weduō riixāwididÿÿnyre. Tahe rarybere: —Hābu, Efesu hāwā mahādu. Ka hāwā Diana hāwā rare. Kaki tohodÿÿna heto reyrubuwāhārenrye. Kaki biu-ribi mana ritxoo desede. Ibutumy kia reeryrenrye. ³⁶ Kia inatyhy rare. Tai tahe rikiyrymy rokorokorenykre. Aòwesele aòwidÿÿōmy. ³⁷ Kaa hābu tedytenyteri. Aòhe rotÿÿnyòreri. Aò-di rawasinyòhyreri dohodÿÿna heto-ribi. Aòbinahakÿ iny hāwy deuxumy raryberenyòhyreri. ³⁸ Dimitiu tamahādu-wana aòbo tai reny ibinamy ihÿrenykeki, ywisidÿÿdu-ò idi rakre. Tiiboho heka wii ributunymy rÿireri. ³⁹ Ijō rybe tahe atxibenykeki, ijohonadu mahādu adibutunykre arybe-ò aroholarenkyemy. Iwese inyboho rotÿÿnymyhÿre wese arieryrenkykre. ⁴⁰ Roma hāwā dinodu òsana aòmybo inymyreny kanarybekre. Wiji inyboho aòhebo rotÿÿnyrenyrimy. Aò kÿnyhe iò-ki ka wiji jei jei rÿireri wahe. Roma hāwā dinodu tarybe kidiwahinykre-wana wahe, timyhe

warybeòna. ⁴¹ Tahe riixāwididÿÿnyre. Ròòsere ibutumy.

20 Kia jei jei rybe rexihureu, Paulo tahe taerydÿÿna mahādu-ò tarybe riteònyre tiiboho kanakemy. Tahe rakrekou tyremy tamyreny Deuxu rybe-di rotohonyrenrye Deuxudeewimy rierykemy. Idi tahe ritobinyrenrye. Rare heka Macedonia bedè-ò. ² Ibutumy titxibo rexitomonymhÿ ritohodÿÿnymyhÿre ityhydÿÿdu mahādu-ò. ³ Tahe Akaia bedè-ki heka bedè riijere inatāo ahādu. Tahe rexiywinymyhÿre ratximyhÿ Siria bedè-ò rakremy hāwò-di ridymyhÿredi heka rakremy rexiywinrye. Idi tahe judeu mahāduō irubudÿÿmy rarybemy nyimyhÿ. Inyō Paulo rierydÿÿmy, tai ta Macedonia bedè-di ròòsere Siria bedè-ò rakemy. ⁴ Hābuō ramyhÿre tii-wana Jerusalē-ò, ta kamahādu Asia bedèòle he roirenyre. Sopatu ijōnire, tii heka Bereia hāwā mahādu rare, Biru heka Sopatu tybyni rare. Aristarku ijōre, adelahelÿÿna ijōni rare, tiiboho Tesalonia hāwā mahādu rare. Ijō Kaio inire, tii Debi hāwā mahādu rare, Tximòtxi ijō rare. Tule ijō Asia bedè ludu rare, Txitxiò ijō, Trofimo ijōre. Rarekie. ⁵ Kiaboho juhutyhy rexiraòmy roirenyre. Paulo riraòmy Troaji hāwā-ki. Tule riwaraokre —Luka jiarÿ ka tyriti widÿÿdure. ⁶ Worana bedehesi ituereu tahe, jiarÿ Paulo-wana roirenyre heka hāwò-di Filiposi hāwā-ribi. Iruyre txu rÿidi tahe rehemynyre. Troaji hāwā-ò. Taita sohoji semanamy rewyrenrye.

⁷ Tahe nobiutxu ityhydÿÿdu mahādu iny wi ributunrye, Inynyry mona, rÿsÿna-wana tuu rihitxinymy rirÿsÿkemy. ⁸ Tahe Paulo iu rybe ritÿnyrenrye itxu biòwamy rexiywinymy rÿimyhÿ tahe rakremy. Urile tahe rarybereri hyky tahe ruetya he wihe ritotynmyhÿrenrye. Hetoranoa-ki

biu-ki rýimyhýre. Kanoõtyhy-ki rabuturenyre. Tiu Paulo rarybemy rarybemy rexihukõhyre, biurasõmy rakreki. Tahe sówemy heka lamparina rýimyhýre. ⁹Ronymyhý, moma inire, Otxiu. Aõma-ki ronymyhý, heto janela tyre-ki biu-ki. Ta tõhõti rosare, rõrõmy resere. Iribi reare, biuribihikýle resere suð. Rurure. ¹⁰Tahe Paulo robehe my rare tamy. Tatiowotimy resere weryrybõ rimykremy iwetya-ki. Paulo rarybere: —Bedeõtiidýõmyke irulemy roire. Deuxu ixbyby iumy tamy riwahinyre. ¹¹⁻¹²Weryrybõmy irumy robirenyreu tahe, ibutumy reysarenire. Tai tahe Inynyrý bemona, rýsýna-wana tuu rirýsýrenire biu-ki wahe. Paulo ixityre rarybere. Txu iðlò iðlòmy rareri-wana tahe rarybere. Tahe Paulo rare. Tatilemy rare Aso hãwã-ð. Tii tamy tarybe ririrehe: —Kowa ayhywydyna lawò arimykre.

¹³Tahe jiarý, Luka, wamahãdu-wana roirenire yhywydynalawò-di Aso hãwã-ð Paulo-wana rekoarenymy. ¹⁴Rehemynyrenire tahe, Paulo ralõmy yhywydyna laworo-ki. ¹⁵Imytxubiõwa tahe Kio hãwãko-txi rehemynyre. ijõ txu tahe Samosi hãwã-ki rehemynyre. Ijõ tahe rehemynyre Mitilene-ð. ¹⁶Paulo ixitamadýý deramy reare Efesu hãwã-ð. Raeleelemy ratximyhý Jerusale-ð rehemynymy, aõma, Pentecoste kia judeu worana bedehesi-ð raelelere.

¹⁷Tahe Miletu hãwã-ki rehemynyreu, dohodýýna matuari mahãdu tamy he rarariðwyre tamy rarybekremy hãwò-ð kedehemynymy. Tahe Efesu-ribi ditehemynydeu, kia tamy rarybere: ¹⁸⁻¹⁹—Tahe tiemy Asia bede-ki Inynyrý-ð raaõmysýdýýhy watxiwãhare. Aõmy aõkõ ixidee rahõtynywãhare. Rahinymahãre, Inynyrý dee rybe retýnynymahãre. Warube resehy watxiwãhare. Tai ta brebuna nihiký waumy-di rarewãhã.

Judeu mahãdu heka sówemy wamy rarybemy riwarubunymy. Kia ibutumy aõmydýýnana teerytenyte. ²⁰Tiu raberuõhywãhare Inynyrý nime rybemy. Ibutumy rarybewãhare iny sówey-ki tule heto hetowomy relyymahãre. ²¹Judeu mahãdu-ð retýnynyre tule judeukõdu mahãdu-ð taðraru ririkemy Deuxu dee taðraru-txi tõhõti reakemy rabadewokemy. Tule Jesuisi Kristu rityhynymy. ²²⁻²³Katahe wiji arake karibi Jerusale hãwã-ð. Deuxu Tytybytyhy heka wadee dyrymyhýde. Aõhebo arotýýnykre, reerykõre. Kiale reerywãhare, aõma, Deuxu Tytybytyhy wadee rarybemyhýre ibutu hãwã-ki, aõma, aõhõkýmy arotýýnykre kowa. Rotenawo-ki aroikre. Myle reeryre. ²⁴Tiiemy tamy raaõmysýdýýmahãre. Kiale wadee Inynyrý Jesuisi rewahinyre urenana. Kia ariwinyõkeki, aõ aõkõ heka jiarý waumy-ki. Tii arelywãhãke iniko-ð rybe týmyra wihiký, timybo Deuxu inyluurenire. ²⁵Araerynanywýhýrenire Deuxu iðlõnamy, wamy tahe bobibenyõtyhy ixityre. Kia reerywãhare. Jiarý tule umyreny arobiõtyhy. ²⁶Tahe adeereny aõmybo ararybekre. Ryrany my heka watxiwãhare ibutu hãlubu-ribi. Kaiboho aðraru-di burubenykeki, jiarý aõkõ tuure. Inyõ wamy rarybeõtyhy aõma Rybewihiký-di jiarý itýnynyõmahãremy. ²⁷Tiiemy rarybehyy rarewãhã ibutumy Deuxu bede ywinamy. ²⁸Tai tahe ixi-di awimy boibekre. Iwese budoeni itxeredu tamy rýsýna riwahinyre wese, kaiboho ityhydýýdu mahãdu-ð Deuxu rybe tamyreny biwahinybenymy. Deuxu dohodýýna mahãdu tii rare. Jesuisi tahãlubu-di tii riwyre. Tai tahe ityhydýýdu mahãdu wiðhedýýdumy kaiboho toite. ²⁹Karibi arohonykreu, aitxeredu mahãdu kanakre. K

reerye. Adeereny òbitimy aõkõ rriernanykre. Tiiboho aholo wesemy ratximyhÿrenyre. Iwese budoeni-ò imynomy ròsemy ramyhÿre wese heka kedehemynykre. ³⁰Inyõ heka aityhydÿÿdu seriõre yribi iwitxira aõna aõnamy kidiernanymyhÿkre. Taijoi kididymyhÿkre tarybe-ò ijohonamy. ³¹Tahe biijemy boibekre. Inataõ beõramy awana rarewähã. Kiamy rarybereri, iribi nohõtilosarenÿomy. Txu-wana, ruwana adireny ròreny-wähãre. Rahinymy heka aõrarureny-ki watxiwähãre. ³²Tahe ararirenykre Deuxu-wana ixi-di he awimy renykre. Tii heka adireny rarekre. Tii tahe nohõtilosarenÿomy, boibekre Deuxu rybe-di. Tii heka riwiðhenanykre atyhyna raumynykre. Deuxu riywinyre wahe adee reny aõna aõna wiwihikÿ riwahinykre òbiti mahãdu-wana kia bitabenykre. ³³Tii heka jiarÿ ijõ hãbu-ribi nieru tarasamy rahõtinyõhyimahãre tyy wiwihikÿ tarasamy raruõhyimahãre. ³⁴Tiiemy wadebò-ribi hyy hyy raaõmysÿdÿÿmy rarewähã waaõmydÿÿnana òwydÿÿmy. Tule rewìðhenanywähãre tii-wana watxiwähãre mahãdu. Kaiboho teertyentye kia. ³⁵Ibutumy rewìðhenanywähãre iaõkõ mahãdu kia heka tuu tabitenyete kia rewinyimahãremy. Teertyentye timybo Jesuisi rarybere: —Biwahinybenyke, kia dori iny-ribi ritamyhÿre ratyre awi rare.

³⁶Tahe rybe-ribi rexihureu, tatiowotimy rotamanyrenyre wiwana rexitødenyrenykre. ³⁷Tahe rahinyrenyre, rimyrenyre tamy wòrenyre, aõna rakreki, kia-ki rexitÿhenyneri tamyreny. ³⁸Tiiemy rabadeworenyre tiu tuu robirenyõkre. Tahe hãworo-ò tiiboho-wana roirenyre.

21 Iribi ròhònyreu tahe, òbitihyy rare Kòsi hãwã-ò. Ijõ txu tahe

Rodesi hãwã-ò ritehemynyre. Iribi tahe Patara hãwã-ò ritehemynyrenyre. ²Tai tahe rahare hãwò-ki, Senisia hãwã-ò rakremy rexiywinyneri. Roirenyre kia yhywydynalawò-di tahe rorukurenymy ròirenyre tamy. ³Xibri bedebute weribi-ò reurore, inyhywenawe-ribi Siria bede weribi-ò. Tahe ritehemynyre Tiro hãwã-ki. Tai tahe hãwò-ribi aõna aõna-di rekoarenyre. ⁴Tamy roirenyre tahe, rÿÿraxirenyre kahãwã ityhydÿÿdu mahãdumy. Tai raharenyre. Sohoji semanamy bede tiiboho-wana wadireny rÿire. Kiaerydÿÿna mahãdu heka Paulo dee raryberenyre: —Aõma noõmykre Jerusalẽ-ò. Deuxu Tyytybytyhy tuu tamyreny rarybemyhÿre. ⁵Tahe semana ituereu, diòðsedenyde ixyby hãworo-ò. Ibutumy diberenydenyde ityhydÿÿdu mahãdu tiiboho-wana ÿnyra-ò, hãwyy, uladu, ibutumy. Tahe rexitødenyrenyre. ⁶Ritobinyrenyre tahe, riòðserenyre heto-ò ixyby.

⁷Idi tahe Tiro hãwã-ribi rare. Tahe Tolimaida hãwã-ki ityhydÿÿdu mahãdu rerybewähãrenyre txu sohojilemy bede reijerenyre tai. ⁸Ijõ txu biòwamy tahe roirenyre Cesaria hãwã-ò. Tahe Filipisÿ-ki rasÿnyreny Rybewihikÿ-di tÿnydÿÿdusÿ-ki wahe. Tii juhuu aõma ityhydÿÿdu mahãdu wiðhedÿÿduõ juhutyhy rare. ⁹Tii heka inaubiòwa iriõre rare. Tahe heridu aõkõ ijadõma mahãdu rare. Ijadõma mahãdu heka Rybewihikÿmy rybeduõle rare. ¹⁰Tahe aõutxu taile watxiwähãrenyre. Tahe hãbuõ dehemynyde Judeia bede-ribi, moma inire Abusi. Tii tule Deuxu rybe-di rarybemyhÿre. ¹¹Idi tahe nade inyorarenymy. Tahe rimyre tii Paulo wereysana. Tawahe idile rimyre rexitaare tebò-wana. Idi tahe rarybere: —Deuxu Tyytybytyhy wa kiamy rarybere: —Kia wereysana wedu heka iwese rataataamy räire wesele heka tule rataataamy rÿikre

Jerusalē-ki judeu mahādu heka kia riwinykre ta riwahinykre judeukōdu mahādu-ò. ¹²Tamy raholarenyreu tahe, raryberenyre Paulo dee raōkremy Jerusalē-ò. Jiarÿboho raryberenyre tamy tule ijō tule tamy raryberenyre. ¹³Tahe Paulo rarybere: —Hirenyōmyke, tiwabedewodÿÿnytenyteri. Rexiywinymy watxireri Jerusalē rōtena-ò aralōkemy. Tamy sohojile aōkō kÿny, tule Deuxu dee wikeki tahe arurukre Inynyrÿni òraru-ki. ¹⁴Timy heka Paulo nohōti rareadÿÿrenyōke tiiemy tanonanamy rara. Tahe rarybemy rahudi kiamy tarybe-ò resere Deuxudeewilemy rotÿÿnymy ratxike.

¹⁵⁻¹⁶Iribi tahe iny aōna aōna rexiywinymy Jerusalē-ò roirenykemy. Ijō ityhydÿÿduō Cesaria-ribi iny-wana roirenyre. Tahe retehemynyrenyre, Menasō heto-ki rasÿnyrenykemy ityhydÿÿdu riwadyrenyre. Menasō heka juhutyhy ityhydÿÿdumy ralōmy raremyhÿ. Juhuu tii Xibri bedebute-ki rasÿnymy raremyhÿ.

¹⁷⁻¹⁸Jerusalē ityhydÿÿdu mahādu ibutumy awimy riwamyrenyre. Jiarÿ, Luka wahe, Paulo-wana, ijō ityhydÿÿdu-wana. Ijō txu biōwamy tahe Paulo riwadyrenyre Txiaumy robikremy. Tule ijō Jerusalē dohodÿÿna matuari mahāduō tai ronyre. ¹⁹Wirirybenymy rahudi tahe, Paulo tamy relyyre aōhebo Deuxu tamy rotÿÿnyrenyre. Timybo judeukōdu mahādu Deuxu rityhynyrenyre. ²⁰Kiamy roholareu, Deuxumy reālārenyre ibrò-kí. Tai tahe inyō rarybere: —Paulo, sōwemy judeu mahādu rityhynyre. Kai teeryte, inyseriōre, ibutumy judeu mahādu bede ywina riywinymy ratximyhÿhy. ²¹Inyō umy rarybere, raroimyhÿre kaki Jerusalē-ki. Judeu ityhydÿÿdu mahādu-ò rarybere: —Paulo he Moisesi bede ywina-ribi nohōtirosakemy tii riteōnyre. Paulo

riernanyreri judeu ityhydÿÿdu mahādu-ò kia judeukōduy-ki rasÿnyre mahādu-ò. Kia inyō riki rarybere, Paulo uladunotyky resyna riteòdÿÿōreki riki. ²²Tii kÿnyhe roholarenykere kaò themynyterimy. ²³Tai kiamy rikiwinyrenykere. Inaubiōwa hābu katxi rare tarade riwysynykremy. Deuxu-ò tarybetyhy riwahinyrenyre, tai tahe tarade riwysynykremy. ²⁴Kai tule makre iwesele arade riwysynykre Deuxu dohodÿÿna heto-ò. Tahe iradereny synaōwumy biōwynykere. Tai tahe ibutumy aluukre judeu mahādu bede ywina tetyhynmahāteki wahe. ²⁵Aō inyboho ka judeukōdu mahādu. Ka bede ywinaō rityhynykemy aōkō tuu iny ratxirenyre. Kaa adeereny tuu rarybewāhārele rityhynyrenykemy: —Ka aōma rÿsÿna ritxoo rÿsÿnamy iwahidÿÿnalemy irÿsÿōmy, tule iròdude ihālubi iijeradÿÿōreri, uritere irÿsÿōmy, tule òta òta òraru widÿÿōmy. ²⁶Tai tahe Paulo rarybere: —Hÿde, tii ariwinykre. Tahe Paulo rare Deuxu dohodÿÿna heto-ò kia hābuō-wana. Tahe ibutumy iny rieryre xiwenaō riwinykre wahe, tamy dori raryberenyre.

²⁷Tahe debòinatxi reurò txu-di riwinykremy. Idi ka debòinatxi reurò txu rexihudi tahe iòhōmy. Tahe Asia bede ludu judeu mahāduō tuu robira. Tiiboho iny-ò rarybere Paulo rimykremy. ²⁸Sōwemy iny tamy wi rotyre Paulo òludumy. Tiiboho kiamy rirajuarenyre: —Haeli mahādu, wylemy bodoike. Biwawiōhenanybenyke. Ka hābu ratxireri iny bede ywinareny òludumy ritÿnynymy rÿimyhÿre. Iny dee narybemyhÿde judeu mahādu bede ywina rityhynyōkemy, tule iny Deuxu dohodÿÿna hetomy, judeukōdu kawo-ò didyde tai tuu ribinadÿÿnyreri. ²⁹Juhuu tahe ijōmy robire hābuōmy hāwāhākÿ-ki Paulo-wana ratxirerimy. Trofimo inire. Tii heka Efesu

hāwā mahāduō ityhydÿÿduō rare, judeukōdu mahādu aōkō tii ihÿre. Tahe judeu mahādu rōhōtinyre Paulo dohodÿÿnahetowo-ò Trofimo ridyramy. Tahe Paulo ridyōlere. ³⁰ Tahe sōwemy iny rakyarananyre tamy, aōma kia hāwā hākÿludu mahādu. Sōwemy iny rarybemy rÿimyhÿ, rajeijeimy rÿimyhÿ. Paulo tahe retÿhirenyre dohodÿÿna hetowo-ribi, ijòtòbōna riratòbōnyre. ³¹ Tahe rirubunykeny ritelenyre heka. Tahe soldado dinodu tyhy roholare aōma ibutumy Jerusalē hāwā-ki jei jei-di rÿireri. ³² Tai tahe soldado tawedu diteònyde kia tai jei jei mahādu rÿireriò. Tahe soldado robirenyrau, riixāwidinyreny, Paulo òhòtedÿÿ-ribi. ³³ Kia soldado wedu tyhy Paulo mynymy riteònyre. Tahe ritaataarennyre womati reroti-di. Tahe rexitòenyre kia inydee mobo he ratxireri. Aōhebo he tii rotÿÿnyrerimy. ³⁴ Ijō heka iwitxiramy rarybemyhÿre, ijō tiilemy rarybere. Tai tahe soldado dinodu bede rieryōhyra timyrebomy, ibutumy iny rirajuareki. Tahe ridykemy riteònyre. Tahe soldado heto-ò Paulo-di roiremyre. ³⁵ Ryòwōna-di rotuōrau tahe, hāwā mahādu aōkōre he reburera. Soldado mahādu Paulo taaxiò tyre ritidimy idi rara iny rimyheny. ³⁶ Iny he rirajuamy rarybemyhÿre: —Bidybenyke, birubunybenyke wahe. Myhe soldado mahādu hewomy rirahumyhyre.

³⁷ Tahe rirònykremy roirau tahe, Paulo soldado dinodu-ò rarybera: —Adee inihe wanyrÿ, ararybekemy watxireri. Tahe soldado dinodu ritÿÿraxinyre: —Kai aōbo kreku mahādu rybe teeryte. ³⁸ Kai jiarÿ araeryre. Kai Egito mahādu dinoduò tate, ibutudÿÿdu wedu tate. Kai 4000 iny aōbina widÿÿdu tedyte bederahy-ò. ³⁹ Aōkōre, Paulo dirawyònyde, tii aōkō watxire. Jiarÿ Roma hāwā mahādu

tyhyre jiarÿ rare. Wahāwā, Tarso hāwā rare, hāwā riòre aōkō Silisia bede-ki. Judeu mahādu tule jiarÿ rare. Kaki iny mahādu-ò ararybekemy watxiwāhare. ⁴⁰ Tahe soldado Paulo —ò rarybere: —Tahe marybeke. Tahe lamamy rÿire inydee rarybekemy. Paulo tebò riteòsinyre riijohonadÿÿnykemy. Tai ibutumy iny riyrymy rÿirenyre. Judeu mahādu rybe-di tamyreny rarybere.

22 Kawese Paulo tamyreny rarybere: —Waseriòre, waluuboho, wabededÿÿnanamy adee arelyykre. Wamy bohولاتyhyke.

² Judeu mahādu rybe-ò roholareu tahe, riyrytyhymy rorukurenyre. Tii heka rarybere: —Jiarÿ judeu mahādu jiarÿ rare. Raumynyre Tarso hāwā-ki. Kia Silisia bede-ki rare.

³ Kaki Jerusalē-ki ratyritinymy rarewāhā, Kamalie ninadu tyritina-ki. Ibutu Judeu mahādu bede ywina bede reeryre Kamalie-wana. Ibutumy Moisesi bede ywina-di riwaery-nanymyhyre. Tii tahe reywinwāhare, retyhynytyhywÿhÿre. Ibutumy Deuxu bede ywina ariywinnykemy ixi-di rahòtinywāhare iwese wiji iwidÿÿmy tarutenyteri wesele wahe. ⁴ Jiarÿ ka ityhydÿÿdu mahādu aōhōkÿmy rotÿÿnymyhyremy reteòwāhare ihyyle ijō rubudÿÿmy reteònywāhare. Hābu hāwyy-wana reròtenywāhare ròtenawo-ò. ⁵ Waaōmydÿÿnanamy bierybenyke-wana, tamy marybeke dohodÿÿna wedu-ò, matuari mahādu-ò. Dohodÿÿna wedu tyriti rewyre Damasu hāwā dohodÿÿna heto-ò. Tai tahe tyriti-di risÿnyre ibutumy ityhydÿÿdu mahādu aōhōkÿmy rotÿÿnykemy, tule womati reroti-di rataataakemy Jerusalē-ò kididykemy. ⁶⁻⁷ Iòhòmny txutyemy iijira-ò, Damasu hāwāry-ki watxiwāhā. Tahe loosōna itÿnyhÿkÿmy wadee dehemynyde. Bedetxile resere. Tahe rybeò raholare: —Salu, Salu,

aõherekiwexe aõbina binahakÿle wadee tadiwinymahâte. ⁸Tahe jiarÿ rarybere. Mowexe wadee rarybereri, Wanyrÿ. Tii rarybere: —Jiarÿ Nazare ludu watxireri, Jesuisi. Kai aõbina binale wadee tadiwinymahâte. ⁹Hãbu wawana rÿimyhÿ, aõ rieriõhyyre aõmybo wadee rarybemyhÿre tahe loosõnamy he robirenyre. ¹⁰Tai tahe rarybere jiarÿ: —Aõwexe ariwinykre, Wanyrÿ. Rarybere: —Myike wahe, make Damasu hãwã-ò. Tai tahe inyõ adee kanarybeke aõbo biwinykremy. ¹¹Tai tahe rabiõmy rãiwãhã kia loosõna ritÿrÿrÿhÿkÿreki. Tai wabiõwa ryy wadee ritÿnynyre wadebò-ki riwamymy Damasu-ò arehemynykemy. ¹²Tai tahe hãbuõ wadee rehemynyre, Ananiamy ninadu. Tii heka Deuxu tyhydÿÿduõ rare, bede ywina rityhynmyhÿre, ibutumy Judeia mahãdu, Damasu hãwã-ki heka tuure. ¹³Tii tahe wadee rarybere: —Waseriõre, Salu, aruebimyke ixityre bobikemy. Aõwesele tahe rabimy reare. Ananiamy rabire. ¹⁴Tahe ixityre wadee narybede: —Inytyby Deuxu juhoo aratare, aõbo tamywimy bierykemy. Tule Jesuisimy bobikemy, Deuxu õbiti hãbu. Tule bohokakemy aõbo tii adee kanarybeke. ¹⁵Tai tahe biwykre irybewihikÿ tÿmyra ibutu bede bede iny-ò. Belyyke timybo taholatemy, tabitemy. ¹⁶Tai tahe rooreheõmykre. Wijile makre maratysebekre. Aõraru-ribi yrahakÿlemy mabekre, Wanyrÿnimy tetyhynyte xiery. ¹⁷⁻¹⁸Idi tahe Jerusalẽ-ò rehemynyreu wahe, aõutxumy ixitõenymy rarewÿhÿ Deuxu dohodÿÿna heto-ki. Tai raholarerasina wese-ki aõma Deuxu wadee rarybererimy: —Wylemy bõhõnykre Jerusalẽ-ribi. Warybemy tamy marybekreu, rityhynrenyõtyhy. ¹⁹Tahe Inynyÿ-ò rarybere: —Ibutumy hãwã-ki aityhydÿÿdu mahãdu rehãtenyrene, rewotomonyre,

rerõtedyÿnyre. Ibutumy kaki kia rierimy roimyhÿre. ²⁰Arybe tÿnydÿÿdu rirubunyreu, moma Estevaõ, jiarÿ taile watxiwãhãre. Rewiõhenanywÿhÿ irubudÿÿdu mahãdu tyy reyrubunyrene aõma mana-di rihurenynyreu wahe. ²¹Tahe Deuxu wadee rarybere: —Bõhõnyke wa Jerusalẽ-ribi. Irehetyhymy arateõkre judeukõdu mahãdu-ò. Kia Paulo tamyreny rarybere.

²²Tahe kia iny roholamy rÿimyhÿre kia Paulo iximy relyyreò. Tahe raykarananymy ryryre: —Bidyke karibi ahana-ò, birubunyke. Irumy rareõkre idi watxiwãhãrenyrene. ²³Tatyky riohowire, brybysi-di biu-txi rehure, ryrymyhÿrenyrene. ²⁴Soldado dinodu tahe riteõnyre iwo-ò ridyrenykeny awaru òhõtenahãkÿ-di tuu raõhõtekemy. Soldado dinodu rierykemy ratxireri aõherekibo iny tamy rakyarananyraki wahe. Tii rarybekre õsana tuu raõhõtekeki. Kia soldado dinodu rõhõtinyrene. ²⁵Tahe Paulo ritaataarenyrene. Imy rahudi tahe Paulo rarybere soldado dinodu-ò: —Jiarÿ Roma hãwã mahãduõ rare. Wamy maõhõtebenyõtyhy, aywisidÿÿna mahãdu wadee roholaõre tebutunyõteki. Kia riwadÿÿkõkemy roimy rare. Abede ywinareny adee rarybere kia widÿÿõmy. ²⁶Tai tahe kia soldado dinodu tadinodu-ò rare. Tahe tamy rarybere: —Kowa hãbu, Roma hãwã mahãduõ rare. Tai tahe aõbina bina tamy iwidÿÿõmy. ²⁷Kia roholareu, tii rara Paulo-ò tamy rÿÿraxikemy: —Inatyhybe Roma hãwã mahãduõ aõbo atxiteri. Paulo tahe narybede: —Kohe, jiarÿ, kia mahãduõ watxireri. ²⁸Tai tahe soldado dinodu narybede: —Jiarÿ tule watxireri. Nieru sõwe-di reõwynyrene tuu aronykremy. Tahe Paulo rirawyonnyrene: —Jiarÿ tiu kia watxireri. Waha dori Roma mahãduõ raremyhÿ.

²⁹Tai he soldado mahādu iribi rōhōnyre aōwesele tii Roma mahādu ratxire riki. Soldado dinodu tule ruberure tii dori rataataamy riteōnyreki.

³⁰Txu biōwamy ritare rōtena-ribi rōhōnykemy. Judeu xiwewahidýŷna dinodu inyō ributunyre ywisidýŷdu mahādu-wana. Tahe Paulo ridyre tamy. Tii dori rierykremy ratxireri aōherekibo judeu mahādu Paulo deramy rýireri.

23 Paulo tamyreny retehere, dinodu mahādu-ò wahe. Tahe rarybere: —Waseriðreboho, Deuxudile waxyimy ramahāre. Tiiemy aōbina binamy aōkō waxyireri, tamy iluuna-di tyhy watxiwāhāre. ²Anania hābu-ò rarybere, iōhōmy Paulo-ribi rýirerið: —Iry-ò bihetenybenyke. ³Paulo tahe tamy narybede: —Kai wa aō aōkō tate. Hetotira ura wese tate, awo arayky isuisure. Waywisidýŷdu wesemy talòmy atxiteri, tahe wahetedýŷmy tarybeta. Kia bede ywina rarybera wesemy aōkō tewisýnyteri. ⁴Tahe iōhōmy Paulo-ribi rýireri, tamy rarybere: —Kia wesemy rybeōmy Deuxu xiwe wahidýŷdu wedu-ò. ⁵Tahe Paulo rarybere: —Aōkōre, reeryōhyyre aōxiwe wedubo ratxirerí. Tyriti kiamy rarybemyhýre: Tiu riki wedumy aōmy rybebinamy aōkōke. ⁶Idi tahe Paulo rexierymy resere. Tahe ixidee rōhōtinyre. Ka iny sōweyre fariseu mahādu heka rare. Iyrejura tasý saduseu mahādu rare. Tai tahe Paulo rryre: —Waseriðre mahādu, jiarý fariseu mahāduò rare. Waha, wylabieboho ibutumy fariseu roire. Rubu-ribi ixixana retyhynywāhāre. Tai tyhy tahe kia-ò, ywisidýŷdu-ò wiji diwadyde. ⁷Imy rahudi tahe fariseu mahādu saduseu mahādu-wana wiribi rihitxinyre. ⁸Saduseu dori rubu-ribi ixixana rityhynyōhyymyhyrenyre, tule ýju, tyytyby-wana rityhynyōre. Fariseu mahādu tahe, kia ibutumy rityhynymyhyre. ⁹Tai tahe sōwemy

rajei jeimy rýimyhý. Tahe fariseuò rarybere Paulo òbitimy ratximyhý. Aō teòsamy tai tuu arobirenyke kýnyhe aōkōre. Ýjuò òsana tamy rarybera ada tyytyby aōbo. ¹⁰Tai ta tarurutyhymy rryrenyre. Tai tahe soldado dinodu ruberure aōma Paulo riykaykaketxi roholare. Tai rarybere tamy: —Iribi bitake, idi boibenyke ixby soldado heto-ò.

¹¹Rumy tahe Paulo weribi Inynyry tamy narybede: —Brebuōmy aō-di nohōtiōmyke ixi-di. Iwese kaki Jerusalē hāwā-ki wamy tarybete wesele heka Roma hāwā-ki wamy marybekre.

¹²⁻¹³Tahe biurasòtxu he judeu mahāduò wi dotyde Paulo rubudýŷmy. Iny inatxiwa ituemy hābu kia wese raryberenyre: Rikiroxiyenyōtyhy bemy rikiōrenyōtyhy. Paulo rurukeki xiery ta rikiroxiyenykre. ¹⁴Tahe xiwe wedu mahādu-ò tiiboho roirenyre. Judeu matuari mahādu-ò tule kia ibutumy relyyrenyre iwese Paulo rubudýŷmy ratxireri wese. ¹⁵Tule tamyreny rarybere: —Kaiboho ixityre marybebenyke soldado dinodu-ò manakremy Paulo-di ywisidýŷdu-ò. Tamy dýŷraximy idi ratxireri tiiboho rōhōtinykre. Tai tahe ry kana-ò rearaki tahe ijoi rikirubunykre. Kia judeu mahādu xiwe wedu-ò rarybere. ¹⁶Tahe Paulo seriðre woludu, ilana rubudýŷmy rarybereð roholare. Tahe ralore soldado heto-ò tahe tuu Pauloko relyykemy. Tahe relyyre. ¹⁷Kia roholamy rahudi ta Paulo rariðwyre soldado dinodu tamy kanalokremy. Kiamy rarybere: —Ka weryry bidykre adinodutyhy-ò, aōma, ijyy-di ratxirerimy tamy relyykremy. ¹⁸Tahe ridyre soldado dinodu tyhy-ò tahe rarybere: —Paulo kýny ka weryry-di riwateōnyreri aōmybo ako relyykremy. ¹⁹Tahe dinodu weryry axið iyre ribi rimyre, tahe iny-ribi rirehenyre rarybekemy:

—Aõbo wexe wako belyykre, weryry. Tahe relyyre: ²⁰—Wylana Paulo ridykremy judeu mahādu adee rexitòenykremy ratxirenyre. Tiiboho adee raryberenykre: —RikitýŸraxinykre ijō aōmydýŸnana. ²¹Uritere tamy boholaōkre, weryry rarybere, idyōmykre tamy. Hāwā mahādu sōwere rexiwōmy rýikre, iny inatxi wa itue hābumy, wylana rubudýŸmy. Tii ruuōkeki, riroxiōtyhy, bemy riōōtyhy. Kiawese ka hābu mahādu rarybemy ramyhýre. Ahana òsana inyō rýireri wylana ridykremy adee kedexitòenykremy. Wylana òludu tahe ryijāti-ki rexiwōmy rýireri. ²²Tai soldado dinodutyhy weryry-ò rarybere: —Uritere inyō ierysōmykre wadee tuu telyyteri. ²³Tahe inatxi soldado dinodu rarariòwyre, tahe tamy rarybere soldado dinodu tyhy: —Aōma, 200 soldado widotykre inatā òra txu dòhòny-ribi, ijō 70 soldado awarutyre-ki, ijō 200 soldado tōnori-di. ²⁴Kia ibutu-wana Paulo bidybenykre awarutyre-ki Cesaria hāwā-ò. Biyrubunymy boibenyeke Feli, kia bededinodu-ò. ²⁵Tahe tyriti riwinyre kia wese:

²⁶—Jiarý Laujiu Lucio, warybe reritinyreri. Warybe wehityhyna rewahinyreri Feli-ò, Wanyrýtyhy, bede dinodu-ò rewahinyre. ²⁷Hābuō adee reteònyreri. Tii judeu mahādu rimyre tahe rirubudýŸmy riwisýnyre. Tahe soldado reteònyre ritakremy rubu-ribi, tii Roma hāwā mahādumy rareki. ²⁸Redyra heka ywisidýŸna mahādu-ò. Aõherekibo rimyrenyremy arierykemy. ²⁹Tabede ywina òrarukile teramy tamy reare, kia reerymy rawāhāre. Iny bede ywina òraru-ki aō aōkō tii riwinyre. Tai rurukemy aōkō idi rewisýnyre. ³⁰Judeu mahādu rarybemy ramyhýre irubudýŸmy. Kiamy raholareu tahe, adee reteònykemy resere. Tule

irubudýŸmy rōhòtinyra mahādu adee rarybekemy reteònyre. Tiiboho aõbo raremy rarybekre. My kie warybe rewahinyre.

³¹Idi tahe soldado mahādu Paulo ridyre, iwese idinodu riteònyre wese. Rudile ridyre Atxipatxi hāwā-ò. ³²Tahe biurasòtxumy tahe tatilemy rare mahādu ròsere soldado heto-ò. Ijō soldado awarutyre ludu Paulo iridyre Sesaria-ò. ³³Tahe rehemynyre Cesaria hāwā-ki. Rare he bede dinodu-ò. Paulo tamy riwahinyre tyriti-wana. ³⁴Kia tyriti-di tii rariareu tahe, tamy ritýŸraxinyre: —Tiribibo tate Paulo. Tahe Paulo dirawyònyde: —Jiarý, Silisia hāwā mahādu rare. ³⁵Tahe bede dinodu narybede: —Kaa hābu mahādu wii kodotykreu, kedehemynykreu, aroholakre inihe arybe-ò. Tahe iyrubudýŸ idi risýnyre Herodi ywisidýŸna heto-ò, Pretòriu ninadu-ò.

24 Iruyre txu reare rexihudi tahe, Anania, xiwena wedu tyhy, judeu mahādu matuari-wana rehemynyre, ywisidýŸna mahāduō-wana rehemynyre, moma, Tertuliu inire. Paulomy aōbinabinahāký rybemy rareri bede dinodu-ò. ²Tahe Paulo didyde. Tertuliu rarybere Paulomy. Awiōmy rybe tahe ròhònyre. Juhuu Feli-ò rarybere: —Kai Wanyrý tyhy, awihyymy heka atximahāte wadeereny. Tiiemy bede ywina inydee tewahinymahāte. Ibutumy iny bede hāwā hāwā-ki iny tewiòhenanymahāte. ³Tai tahe omy reālàtyhymy he watxiwāhāre. Urihimyòle adee Paulo aōmydýŸnanamy ararybekre. ⁴Txioi inihe làhà, boholabeny. ⁵Tiiemy jei jehyhy ratximyhýre Paulo òraru-ki. Tiiemy judeu mahādu, my heka rarybehyy ratximyhýre. Tii Nazare hāwā dohodýŸna mahāduō rare, kia weduō rare. Tii Jesuisi rityhynyre.

6-7 Aõkõre, iny Deuxu dohodýýna heto ribinadýýnyre, brebuna rýirerimy ihýre Paulo òraru-ki. Remyrenyre tahe, ywisidýýmy watxiwähäre iny bede ywinareny rarybere wesemy. Tahe aõkõre, Lisiu soldado dinodu tyhy ritare iny-ribi wotõmona-di. ⁸ Tahe inydee rarybere: —Boibenykre Feli-ò. Tii adee roholakre. Kia tahe Lisiu rarybere. Tahe jiarý tule rarybere. Boibenyke Paulo dýýraximy kia inatyhy aõbo ada aõkõre aõbo. Tertuliu kia ibutummy rarybere. ⁹ Ijõ judeu mahäduõ rarybere: —Kia inatyhy ibutummy inatyhyle ratxireri, aõmybo Tertuliu raryberemy.

¹⁰⁻¹¹ Tahe bede dinodu Paulo-ò riteòsinyre rýikemy, rarybekemy. Paulo tahe tamy rarybere: —Wanyrý bede dinodu tyhy, sõwe beòra aõmydýýnana-di ywisidýýna-di atximahäte. Jiarý kia reeryre. Tai reysawähäre adee ararybekremy. Waò inatxi reuròtxummy heka Jerusalê-ò adehemynyde. Iny-ò bitýýraxinykeki, wylemy ka bieryke inatyhy raremy. Jiarý Deuxu dohodýýna heto-ò rehemynyre Deuxu reäläkemy. ¹² Tiu heka jei jei rewinyõhywähäre dohodýýna-ò-ki aõkõ, hāwāy-ki aõkõ. ¹³ Aõmybo wamy rarybemy rýireri heka, aõ inatyhy aõkõ. ¹⁴ Sohoji aõmydýýnanamy tahe akoreny arelyykre, inatyhy rare. Retyhynywähäre heka aõbo Jesuisi riernanymyhyremy. Tiiboho watyhydýýna rininirenyre dohodýýna mahädu iwitxira. Kia hābu rityhynymyhyre wesele jiarý tule Deuxu inityby retyhynymyhyre. Ibutummy bede ywina tyriti-ki riritinymy rýimyhýremy retyhynywähäre. ¹⁵ Iny, òrarudu mahädu, ityhydýýdu mahädu kedeixakremy rubu-ribi. Kia retyhynywähäre. ¹⁶ Tiu ibutummy òbiti widýýmy raruwähäre. Deuxu-txi tule ibutu hābu rue-ki. ¹⁷ Jerusalê-ribi rarewähāu, tiwese beòra rewyre

tahe ixyby dòòsede Jerusalê-ò aõkõ mahädu wahidýýna wesemy ariwahinykremy xiwena wese Deuxu-ò. ¹⁸ Deuxu dohodýýna heto-ki watxiwähā, òbitimy rāire, ibutu bede ywina reywinymy rawähäre. Tahe waxiwenā-di waòludu wamy robire. Iny sówemy weroramy watxiwähā. Rybe jei jei rarybeõhyre. Tahe Asia bede judeu mahädu tai rýimyhý. Tiibohole rybe jei jei riwinymyhyrenyre. ¹⁹ Wamy aõmydýýnana rarybekremy ijòdikeki, rokoholakre. Kaki aõkõ ratximyhýrenyre. ²⁰ Aõbo waki teòsamy rahare ywisidýýna mahädu-ko rāireu, tamy rokoholakre. ²¹ Sohoji aõmydýýnanalemy rarybere teòsamy. Kiamy rarybere: —Retyhynyre rubu ixyby kedexixakre. Tai ywisidýýna mahäduko-ki watxiwähā.

²² Feli bede dinodu rierymy ratxireri aõmybo ityhydýýdu mahädu rityhynyre. Tai rarybere judeu mahädu-ò: —Lisiu, aõma, soldado dinodu tyhy rehemynyreu, bede rikierydýýnanykre. ²³ Tahe Paulo ròtena heto wese-ò ratximyhýreki, riòòsedýýnyre. Ta rarybere he soldado dinodu-ò: —Ywimy idi ratximyhýkemy. Tule rarybere: —Iò ixinamy terina mahädu iroramy kanakre. Ixinamy uriõnomy tamy kidiwahinykre awityhy roimyhýkemy.

²⁴ Iribi nade Feli tahāwyy-wana Drusila. Ihāwyy heka judeu mahäduõ rare. Riteònyre Paulo-ò tamy kanakremy, tamy kanarybekremy. Paulo rarybere tamy: —Jesuisi Kristu kia tyhydýýnamy. Tii òbiti-di iny rōhōtinkyemy tule ywisidýýna txummy Deuxu kanakremy ritýnynyre. ²⁵ Tahe Feli ruberure. Makre, tamy rarybere, aõwaxiny tiubo wabededýýnana-di my kýnyikreu, ixyby adee ararāriòwykre. ²⁶ Tule Feli ijõ nieru Paulo-ribi ritakemy ratxireri, tai rarariòwyre ijòtxu

ijõttxu tii-wana rarybekremy. ²⁷ Inatxi beòramy bedede idi rÿire. Iwixira bedede dinodu ralore Feli deròwy. Porsiu Festu inire. Feli tahe judeu mahādu tuure tamyreny aōō riwinykemy ratxireri tahe Paulo ririre rōtenawo-ki.

25 Cesaria hāwā-ki bedede dinodu tÿmyraō ronyre. Festu inire. Inataō txu-di tahe iribi rōhōnyre Jerusalē-ō rakemy. ² Tahe xiwe dinoduō, judeu mahādu dinoduō tamy rarybere Paulo aōmydÿÿnanamy. ³ Tamy rexitōnyre Paulo-di wylemy kanakremy. Kiamy heka rexinohōtidÿÿnyre ryrowetya-ki rirubunyrenykemy. ⁴ Aōkōre, Paulo ratxirekre Sesaria-ki, Festu rarybere, jiarÿ tahe arōðsekre ele elemy kowa-ò. Kaiboho adinodu mahādu wadi roikre kowa-ò. Rokoholarenykemy ywisidÿÿna-ò. ⁵ Tule kaiboho aōrybedikeki, Paulomy, kowa-ò rarybekremy.

⁶ Iribi tahe debòwiò txu òsÿny txu idi rÿidi tahe ixyby Festu dōðsede Cesaria-ò. Irootxu tahe Paulo ywisidÿÿna rōhōnyre. Tahe Paulo ridykemy riteònyre ywisidÿÿna butuna-ò. ⁷ Tahe judeu ywisidÿÿna mahādu heka sōwemy tuu aōbina binahakÿmy Paulomy rarybemyhÿre, Jerusalē-ribi rehemynyreu. Aō inatyhymy aōkō. ⁸ Paulo tahe rexitxiōnyre: —Jiarÿ kÿny kia-di aōkō watxiwāhāre. Tii rarybere: —Tiu heka judeu mahādu bedede ywina ratyre aōna aōnamy ratÿÿkōre. Tiu heka Deuxu dohodÿÿna hetomy rewinyōwāhāre, tiu Roma dinodu bedede ywina ratyre aōhe ratÿÿnyōwāhāre. ⁹ Idi tahe Festu rÿÿraxire Paulo-ò: —Kawexe texiywinymy atxiteri Jerusalē-ò makremy. Kowa ywisidÿÿna ariwinykemy adee roholakremy. Kiamy Festu rarybere aōwiwihikÿmy riwinykemy ratxireri judeu mahādu

dee. ¹⁰ Tahe Paulo rirawyònyre: —Aōkōre, arakre he Iòlò tyhyòhòkÿle arehemynykre. Tii wadee roholakre. —Jiarÿ dori ixiwinyhytamy arakre. Kai teeryte jiarÿ aōkō tudÿÿduramy. ¹¹ Aōma aōbo waki binamy relera-wana heka arurukre. Aōkōkeki tahe aōbo awihykyle rewinyre-wana heka timy inihe warubudÿÿōmy. Iòlò tyhyle wadee roholakemy he ixide rahōtinyreri. ¹² Festu tawihedÿÿdu-ò rarybere. Idi ta dirawyònyde: —Awire, iòlò tyhy-ò atxiteri urenana kÿnyhe aōwaxiny makre.

¹³ Iribi tahe aōutxumy tahe iòlò Agripa dehemynyde, Benise tariðrese-wana. Festu roramy rareri. ¹⁴ Tahe tii-wana rarybemyhÿre aōutxu, Festu-wana. Idi tahe Paulo aōmydÿÿnanamy iòlò-ò rarybere: —Rōtenawoluduō roireri rōtenawo-ki. Tai he Feli ririre jiarÿ iaōmydÿÿnana arierykemy. ¹⁵ Aōma Jerusalē-ki watxiwāhāu, dohodÿÿna wedu mahāduō wadee heka rarybere: —Tii arirubunykemy heka wadee rityhenymyhyre. Judeu mahādu matuariō tule kia rarybere. ¹⁶ Tahe tamy jiarÿ rarybere: —Aōkōre, aōma Roma mahādu kia bedede ywina dori tuu aōkō roimyhÿre. Juhu heka rakre ywisidÿÿna-ò tahe relyykre heka iximy, taòludu mahāduko-ki. ¹⁷ Kaò juhu ditehemynydenydeu, tamy rarybere. Ijō txu he reyrubunyre ywisidÿÿna-ò roholakremy tahe Paulo ridykemy aditeònyde. ¹⁸ Tahe aōmybo tamy rarybere heka, iwese rahōtinyre wese aōkō tii riwinyre. ¹⁹ Aōbo ityhynareki heka tuheka rÿire. Inyō heka tii rarybemyhÿre Jesuisi rurulemy. Tahe Paulo rarybemyhÿre irulemy ihÿre. Tai kÿnyhe rimymy ramyhÿre. Rirōtenymyhyre. ²⁰ Tai tahe tiemy rahōtinyre: Timy taheka aōhe arotÿÿnykre ka aōmydÿÿnana-di.

Paulo-ò retÿÿraxire aõma Jerusalê-ò aõbo rakemy ywisidÿÿna-ò. ²¹Tahe Paulo rarybere: —Iòlòòle rakemy aõbo. Tii wamy roholakeki, teòdu waòrysmy ariraokre. Tai tahe ròtena-ò ixbyle rerutyre. ²²Tahe iòlò Agripa rarybere: —Jiarÿ aroholakre inihe kia hàbumy. Tahe Festu dirawyònyde: —Biurasòmy tamy bodoholakre.

²³Idi tahe itxu biòwamy dehemynyde, iòlò, Benise-wana, ywisidÿÿna heto-ò. Ibutumy he iny ralore, soldado wedu mahàdu, iny ityhymy rÿira mahàdu, ibutumy ralaralor. Tai tahe Festu Paulo didyde. Tahe rarybere: ²⁴—Iòlò Agripa, ibutumy ka wadee ijohonadu-wana, ka hàbu heka ibutumy iny he irubudÿÿmy he idi rÿireri, judeu mahàdu kaki tule Jerusalê mahàdu. ²⁵Jiarÿ rahòtinyreri aõ heka riwinyòhyre tai rurukre wahe. Tai iòlòtyhy-ò rakemy heka ratxireri. Ariteònykre nomy dori tii ratxireri. ²⁶Aõbo tamy ariritinykre. Aõ heka waritidÿÿkònare. Aõ dori riwinykòre. Tai redyreri adee iòlò Agripa. Tamy juhu boholakre. Iribi tahe wadee manarybekre aõbo ariritinykremy. ²⁷Timy kÿny wateòdÿÿkòna uritere òhynaòhòkÿle Iòlòtyhy-ò ariteònyòtyhy.

26 Tahe Agripa Paulo-ò rarybere: —Aòwaxiny belyykre aijyymy. Paulo he tebò riukore he rarybekremy.

²Wadeysamy he watxireri, Iòlò Agripa. Jiarÿ dori iximy arelyykre ako. ³Tule kai dori ibutu judeu bede ywina teeryte. Ibutu lahi rybe teeryte. Bodoholakre inihe wadee, ywina-di. ⁴Tiiemy uladule aratyritinyde aõma judeu òbitina-di. ⁵Judeu mahàdu kia rierye. Txu rexidelenyry juhu judeu mahàduy-ki, idi tahe Jerusalê-ki ratyritinyre. Jiarÿ fariseu mahàduò òbiti jiarÿ rare. ⁶Kia rybe òraru-ki wiji ywisidÿÿna-ki ràire. Jiarÿ dori retyhynywàhàre aõbo Deuxu inytyby-ò rarybere. ⁷Jiarÿ

Deuxu rybe òlòna reraòwàhàre. Tule judeu ijoi riraòmyhÿre, waòinatxi reurò ijoi mahàdu. Tiiboho Deuxumy reàlàmy raremyhÿ, rummy, txumy. Iòlò Agripa, kia raròsòna òraru-ki judeu mahàdu wadee aõbina binamy rarybemyhÿre. ⁸Rubu-ribi ixixana jiarÿ retyhynyryhÿre. Araÿraxikre iòlò. Kia aõbohe wadeòsana raremy kaiboho tahòtinyntere. Deuxu heka ixiby iny kidiòkesedÿÿnykre taumy tuedeòna-ò. ⁹Jiarÿ heka juhuu awimy heka aõbina binahakÿ widÿÿ dee rahòtinyre, Jesuisi Nazare hàwà ludu dee. ¹⁰Sòwemy ityhydÿÿdu mahàdu reròtenyry ròtenawo-ò Jerusalê-ki. Dohodÿÿna heto wedu rewawiòhenanyre tyyriti riwahinyreki. Kia irubudÿÿmy wi risÿnyrenyreu, jiarÿ rarybere: —Awire heka birubunybenyke. ¹¹Jiarÿ heka ityhydÿÿdu mahàdu aõhòkÿmy rotÿÿnykemy wi resÿnyre bede bede-ki. Aõbinabinahàkÿlemy ityhydÿÿdu rerybedÿÿnywàhàre. Jiarÿ aònimy reburemy rawàhàre. Resÿbinanyre tahe tii rahenyre irehetyhytyhy-ò iwitxira hàwà-ò. ¹²Rare heka Damasù hàwà-ò ityhydÿÿdu òrysmy. Jiarÿ tyyritidi rare, dohodÿÿna wedu ritina-di. Tule ibede ywina-di rare. ¹³Tahe Damasù iòhòmy rareu, loosònaò diwatoosònyde, txu loosòna ratyre ihÿre. ¹⁴Jiarÿboho rejuxunyrenyry tahe raholare rybeò-ò judeu mahàdu rybe-di rarybereri: —Salu, Salu, aòhereki wexe aõbina binahakÿ tadiwinymahàte wadee wimy aòkò. Aõbina binahakÿle ixidee tadiwinymyhyte. ¹⁵Jiarÿ rarybere: —Mowe, Wanyrÿ tate. Tahe dirawyònyde: —Jiarÿ wa, Jesuisi rare. Wadi aõbina bina tewisÿnyte. ¹⁶Katahe myikre. Adee rehemynyryeri, aratara ixidee, wadeòdumy mabekremy. Warybeduò mabekre. Ibutumy wamy belyymy mabekre aõhebo adee wiji rotÿÿnyreri. Iribi tasÿ ixityre adee

adehemynykre. Tule kia-di marybekre.
¹⁷Ibutumy asÿ-wana arayrubynykre. Tai ta judeu mahādu-ò arateònykremy watxireri, judeu mahādu-ò tule.
¹⁸Iwese iny ruetà-di rÿira wese tii ihÿre. Kai tamy bitÿnynykre Deuxu aõmydÿÿnana. Tai biruejuakre, rierykremy. Biòbitynykre tamyreny òrarudu roire aõma ixi-txi tòhòti reakremy loosòna-ki rariakremy, Satanasi bedelorohokÿ-ki aõkò, kia ryki aõkò rariakremy. Deuxu uri bede ywina rimymyhykre ixidee. Ibutu bede bedemy rÿira waijoimynykre. Tyramy taòraru-ribi rÿira, ritamy rÿira, riwatyhynymy rÿira.
¹⁹⁻²⁰Tai, Iòlò Agripa, iwese warasina-ki riwateònyre wese, retyhynyhyre. Juhuu Damasus hāwā-ki jiarÿ ròhāletere, iribi Jerusalē-ò, tule Judeia bede-ki, ibutu judeukòdu mahādu-ò ròhāletere. Tamy rarybere taòraru ririkemy Deuxu dee kòdòòsekemy. Ixi-txi tòhòti reakremy inatyhymy aõna aõna wiwihikÿ riwinykemy Deuxu dee.
²¹Tai judeu mahādu riwamyre Deuxu dohodÿÿna heto-ki, warubudÿÿmy ròhòtinyre.
²²Deuxu tahe wawìdhedÿÿdu ratximyhyre. Tai he rāire wiji ibutu-ò ararybekemy watxiwāhāre, aõma aõbo Deuxu rybedu mahādu iwese Moisesi rarybere wese tamyreny rarybewāhāre kia ibutumy kanakremy. Kia sohojilemy rarybewāhāre.
²³Juhutyhy rarybere: —Kristu, rurukremy iribi tahe kedexiakremy rybe loosòna kidiwykremy judeu mahādu-ò, tule judeukòdu mahādu-ò.

²⁴Tahe Paulo iximy rarybereu, Festu rryre: —Paulo, kai wa itxÿtere. Aõnityhymy tatyyritinymahāte. Tai arayky tebinanyta.
²⁵Tahe Paulo rirawyònyre: —Aõkòre wa, wanyrÿ Festu, bededinodu tyhy. Jiarÿ itxÿte aõkòre. Inatyhyrybemy rarybewāhāre. Warybe awi heka rare.
²⁶Tule Iòlò

Agripa rieryre ibutumy tuu tamy rarybere. Aõ wasina aõkò rarybere. Iòlò Agripa.
²⁷Aõbo Deuxu rybedu mahādu riritinyre aõbo, kai tetyhynymahāte. Reeryre jiarÿ, kai tetyhynymahāte.
²⁸Tahe Agripa riixāwididÿÿnyre rybe-ribi: —Kai, aõbo, Paulo, aõwesele ityhydÿÿdumy aronykemy wadi tahòtinyte, wadee tarybeteki.
²⁹Paulo rirawyònyre: —Kohe, wadee awire, kai tulekemy. Ibutumy kaki wawesekemy adi rahòtinyre. Kai tule warybe sòwemy aõbo ada aõkòre aõbo Deuxu bityhynybenykemy watxiwāhāre tule waijohonana-wana. Aõna sohojidile taanamy aõkò watxireri, wawomati reroti-di taanamy atxiteri.

³⁰Idi tahe bede dinodu, iòlò, Benise, ibutumy he rÿire ròirenyre.
³¹Widee reny wiwesele ròhòtinyrenyrene. Ka hābu timyhe rubudÿÿona he ròtena-ki irutysyòna he, tii dori aõhe rotÿÿnyòtyhy aõna aõnamy.
³²Tahe Agripa Festu-ò rarybere: —Rikiteònyrenyke idi watxireri, tahe tii inihe iòlòtyhylye rarybekemy ixidi ratxireri. Tai kÿnyhe, txioinihe, aõkòre.

27 Tahe rexiywinymy rexihurennyre Italia bede-ò, Roma hāwā-ò aroirenykremy hāwò-di. Tahe ròtenayrubudÿÿduò tii-wana rakre, irubudÿÿdu renymy. Julio inire. Tii iòlò yrubudÿÿdu mahādu dinoduò rare. Ridyrennyre Paulo ròtena woludu mahādu-wana. Jiarÿ, Luka tule ihemy rare.
²Tahe rerònyre yhywydyna lawò-ò. Adrÿmitxiludu tahe kia lawò rare. Tule hābuò wawana rare. Aristarku inire. Tii Macedonia bede luduò rare. Tesalonia ihāwā rare. Tahe hāwò rexihynyrennyre adòikemy Asia bede-ò. Tahe ròirenyre. Ijòtxu biòwa Sidoma beàbeà-ò rehemynyre.
³Paulo taery mahādu roramy rakemy ratximyhyre. Tahe Julio Paulo-di itxeredu ririra. Tai tahe Julio awi

heka rare Paulo dee. Julio Paulo riywiywinymy idi ratxirerimy ihÿre. Julio Paulo riteònyre titxibo rakelemy. Paulo ery mahādu aõna aõna tamy riwahinyre. ⁴⁻⁵ Tahe iribi rōhōnyreny. Xibri bedebute roosibymy ralore yhy dori tiribi tiribi reamyhÿreki. Tahe iribi riòlōnyre. Tahe Silisia bede-ribi riòlōnyre, tule Panfilia bede-ribi ijō bede-ò reronnyre. Tahe Miha hāwā-ò ritehemynyre Lisia bede-ki. ⁶ Tai soldado dinodu hāwò nihikÿ rijemyhÿu, ihe-ki roikemy, tahe ijō-ki rahare Alexÿdria luduò-ò. Hāwò tahe rexiwinyrmyhÿre rakremy Italia bede-ò. Tahe wadeereny rarybere: —Borukubenyke yhywydyna lawòro-ò. Tahe ixityre roirenyre. ⁷ Sōwemy heka txuu wadireny rÿire. Urihimyòle rexihejiwāhāreny. Isirare heka Kinidu hāwā-ò dehemynysÿ. Ihārele tahe rethemynyre Samona hāwā mynatyhye rarōreny. Iribi Kreta bedebute roosibymy ralore yhydori tiribi tiribi reamyhÿreki. ⁸ Tahe ywimy suò iòlò iòlò adoiwāhādenyde ihyy tahe rethemynyre Rywihikÿmy ninadu-ò. Kia heka Laseia hāwā-ribi iòhōre.

⁹ Sōwetyhymy txuu wadireny rÿire yhynihikÿ bina òraru-ki. Inarehe lisina txu-ribi rōhōnyre. Tai tahe bededÿÿnana ibutumy roimyhÿre. Tai brebunamy bede roimyhÿre. ¹⁰ Paulo tahe tamyreny rarybere: —Wanyrÿboho, ka tÿina isiratyhykre inydeereny. Inynonanareny iòhārure aõna aõna ibutumy inyribireny ituekre, hāwò rabohokre ada ijō aõbo rikururenkyre. ¹¹ Tahe soldado dinodu Paulo rybe rityhynyōhyre. Yhylawò wedu tòruludu-wana tii rityhynyre. ¹² Yhylawò wedu, tòruludu-wana iwitxiramy rōhōtinymyhÿre, beòra tai riekōkemy beà dori ibinareki. Ijō tule tahe roirenykemy ixide ihÿreny rehemynykemy Fenisia beà-ò. Kia heka Kreta bedebute beàò rare.

Biuweribitya-txi rōrōmyhÿre, tai awire kia beà, beòra bede riwykemy. ¹³ Ijō rarybere: —Rikoiirenyke, yhy dori rebonyreri, tamy rekehemynyrenykeny. Tahe womatisana riukore. Roirenyre yhy-di. Tahe iòhōmy Kreta bedebute rotÿÿnyra. ¹⁴ Aōwelese heka yhy nihikÿ dehemynyde bedebrō-ribi. Kia yhy nihikÿ iraro bedebrō ludu inire. ¹⁵ Ka yhy nihikÿ taruru-di riwyre hāwò nihikÿ. Juhu yhyonana weribi-ò riwisÿnyre. Idi iwo rexieryre ixinamy riwyre yhyòkesena-ò. ¹⁶ Tahe rehemyhÿre Lauda bedebute-ò iroosibymy tahe ralore. Tai hāwò nihikÿwo-ki hāwòriòre riwyre. ¹⁷ Idi tahe rōhōtinyre hāwò nihikÿ rabòhōke-txi roholarennyre, tai tahe ritaarennyre iwetya-txi. Tahe ruberurennyre, Libiamy ninadu beòlau, tahe welòhòkÿ ritare iribi rexitarennykemy. ¹⁸ Ijōtxu roirenyre yhynihikÿ tamy realemy iu, tai tahe aõna aõna-di rehure ibutemy rawetarikemy. ¹⁹ Tasÿ txuò idireny reare. Idi rehurennyre aōmybo rekoakōmyhÿrennyredi rawetarityhykemy. ²⁰ Txu sōwemy rewyrennyre txumy, tainamy ribi renyōhyre. Yhynihikÿ reamyhÿ. Tai sōwemy ruberumy rÿimyhÿ rubu lau. ²¹ Sōwemy heka bededÿÿnana riwyre roxiōhy. Tahe Paulo iyrenny-ki rÿire, tahe tamyrenny rarybere: —Wanyrÿboho, warybe-ò taholaōhytyteny Kreta-ribi rōhōnyrennyre. Aratohonyrennyre iribi inyboho kodoikōkemy. Boholabennybe-wana ta inihe aõna itueōhyre. ²² Ihārele tahe deysana-di adeereny ararybekre. Inyō ruuōtyhy, hāwò nihikÿ sohojile rabohokre. ²³ Jiarÿ dori Deuxu deòdu rare. Kaurumy dori Deuxu ÿju wadee nade. ²⁴ Tahe rarybere: —Paulo, brebuōmy. Kai iòlòko-ò makre. Deuxu dori ruxetòena kidiwahinykre. Tiu heka aruburennyōna aijoi-wana. ²⁵ Tahe wanyrÿboho,

brebuõmyreny. Jiarÿ dori Deuxu retyhynyre, iwese wadee rarybere wese, rarekre. ²⁶Urile tahe inyboho kiditehemynydenykre bedebuteõ-ò. Kia tahe Paulo rarybere.

²⁷Waõinaubiõwa rummy beronihikÿ tya-ki bede riijemy roiremyhÿ. Adria beronihikÿ-ki roirenyreu, tahe rutya-txi hãwò nihikÿ aõna hydÿÿdu su iõhõmy roholarenyre. ²⁸Tahe beõ urihixina-di riurihire, wawiò dera urihixinamy beõ riurihire. Idi iko-txi ixityre riurihire tai waiyre dera urihixinamy rimyre. ²⁹Tahe rahõtinyrenyre manale tai roimyhÿremy. Tai tahe manatisana-di inaubiõwa lòru ludu-ribi rehurenyre. Iribi rexitõenyre wylemy txuu kanatÿnykemy. ³⁰Hãwò aõna hydÿÿdu mahãdu hãwò riðre riwesere bera-ò. Idi risÿnyre ijõ manatisana ritidikremy hãwò jura-ribi. Urile tahe rahenykremy rõtõtinyre. ³¹Paulo tahe rierymhÿ tahe soldado wedu-ò rarybere: —Soldado mahãdu tule roholare: ³²—Hãwò aõnahydÿÿdu mahãdu hãwò nihikÿkÿro-ki rariõrenykeki, kaiboho atuerenyke. Tai tahe soldado hãwò riðre reroti riàrore tahe resere bera-txi rahenyre. ³³Txuu iõhõmy natÿnyde, tahe Paulo tamy rarybere: —Wiji waò inaubiõwa txummy kaiboho teraõtenyte tabyretenyõhy. ³⁴Ijõ birÿsÿbenyke, arurureny rexiðlõnykemy, kaibohoò dori burubenyõtthy. Aradeti sohojiò tiu iõõtthy. ³⁵Rarybemy rahudi tahe, paõ sohoji Paulo rimyre. Ibutura-ò Deuxummy reàlære. Idi tahe paõ riorore, riyre. ³⁶Ijõ reny reysarenyre, taita tule riyrenyre. ³⁷Tahe 276 iny hãworo-ki roirenyre. ³⁸Tahe ibutummy iwo rihyrenyre tahe maixõmo wesena-di rehurenyre hãwò nihikÿ rawetarinykemy. ³⁹Bede ratÿnyreu, inyõ rieryõhyyre titxiribibo nade. Tuu robirenyre iworywo-ki ÿnyra tai roimyhÿremy tahe inyõ rieryõlemyhÿre. Widee raryberenyre:

—Rikirõnyrenyke hãwò-di iwo-txi. ⁴⁰⁻⁴¹Tahe manatisana riukõrenyre tahe welò riderenyra hãwojura-ò iraròsõna riesere. Tahe ritelenyre ralòkemy. Urile esetere tiò tiòle hãwò ridymhÿ beõ òhòkÿle idi rehure rorokòhòkÿle, rimyre taile òbò hãwòlòru ribohonyre. ⁴²Soldado mahãdu rõtõtinyre rõtèna mahãdu rahenyketxi. Tai rirubunykemy rõtõtinyre bede-ò robunyke lau. ⁴³Soldado wedu tahe Paulo ritõenyre rubu lau, tai tahe riteõnyre rirubunyõhyre: —Tibo alobuerye, juhoo suò rakemy, soldado wedu kia rarybere. ⁴⁴Tibo alobueryõke tahe òwòru àre hãwò-ribi rimymy idi rakre. Kiamy heka ibutummy rethemynyre su-ò, inyõ ruruõhyre.

28 Tai tahe taisÿdu mahãdu-txi rekoare. Tii bedebutenimy inydee relyyre. Malta heka inire. ²Biu riwasebenyrenyre yhyjutyty riwasarenyre. Tai tahe tiiboho heòty riworonyrenyre wahetònarenymy. Tiiboho riwawisinanyrenyre awimy wadireny roiremyhÿ. ³Paulo hee ributunyre heòtyworonamy. Idi rehureu, hemylala he wo-ribi heòty lau rõtõtinyre, tai ruruare Paulo debò-ki. ⁴Tusÿdu mahãdu tuu robire tahe rarybere: —Ka hãbu rubudÿÿdu òsÿny rare. Tii heka ruruõre bera-ò, ka tahe kidiõwynykre inyõ òsÿny rirubunyreki wahe, rurukre heka. ⁵Paulo tahe hemylala tebò-ribi riatyre heòtyru-txi. Ta aõhòkÿmy rotÿÿnyõhyre. ⁶Tahe imahãdu idi rethemy rÿimyhÿ tarubulemy resekeò, ada tebò ratarinybohokeò aõbo. Sõwemy riraðre, aõhebo rotÿÿnyke, tahe aõkõhyre. Tai tahe iwitxiramy rõtõtinyrenyre: —Tii deuxuõle òsÿny ratxireri. Tiiboho raryberenyre kia. ⁷⁻⁸Hetoò tai iõhõmy rÿire, Publio iwedure. Tii heka ityhy rare iwedu rare kabedebute-ki, tii bedetiidÿÿna

rare. Tai taheto-ò riwadyrenyire. Awi-hyyle wadireny raremyhÿ. Publio tyby tahe rubunamy rurumyhy. Busu-di ratximyhy. Tai tahe Paulo iroramy rare. Tebò ityre ritidire, rexitøenyire, tahe riteytenyire. ⁹Tai tahe ibutumy bedebute ludu webinadu Paulo dee wii rotyre. Ibutumy reyterenyire. ¹⁰Tai tahe uri-ïno inydeereny riwahinyire aõna aõna. Sõwemy rÿsÿna hãworo-ò rahyre inydeereny. Kia hãwò beõra bede kia beà-ki riwyre.

¹¹Txuòkuro hãwò ni rare. Kia ni ihiju rare. Ideuxu ritxoo inatxi rare. Hãwò Alexÿdria hãwã ludu rare. Tahe rahønyrenyire. Inataõ ahådumy bede wadireny rÿidi. ¹²Sirausa hãwã-ò retehemynyire. Tai tahe inataõ txumy wadireny rÿire. ¹³Iribi tahe Rejio hãwãmy rekoarennyire. Ijõttxu tahe Pozuli-ò reòlønnyire. Inatxi txu-di retehemynyire yhy ibòò-ribi debonydeki. ¹⁴Tai seriøreõ ratximyhy. Tiiboho rexitøenyrenyire tii-wana ratxikemy debòinatxi reurò txumy. Kiamy heka Roma hãwã-ò roirennyire. ¹⁵Roma ityhydÿÿdu mahãdu roholare jiarÿboho retehemynyrennyire. Tai tahe doidenyde Apio hãwã ube-ò. Tule aõ-di ijohona Hetu Inataõ hãwã-ò doidenyde. Paulo tiiboho robireu, Deuxu reàlãmhyÿ, reysamyhÿre.

¹⁶Tahe Roma hãwã-ki Paulo ixideewimy rasÿnyire. Urile soldadoõ aõu aõu tii-wana ratximyhy.

¹⁷Inataõ txumy bede idi rÿidi, Paulo ributunnyire judeu mahãdu dinodu. Wii ributunnyireu, tamyrenny rarebere: —Wanyrÿboho, waseriøreboho, jiarÿ aõ rewinykøre waijoi Judeu mahãdu dee. Tule lahirybe õnosõna ratyre aõ rewinyõhyire. Ihãre judeu dinodu riwamyre. Tahe diwahinyde Roma dinodu mahãdu-ò. ¹⁸Tiiboho heka riwatÿÿraxinyire ibutumy. aõ heka waki ibinamy rahaõhyire.

Tai tahe riwateønyrennykemy ratxirennyeri. ¹⁹Waijoi tahe Judeu ijoi heka waòludureri. Tai tahe Iòlò-ò jiarÿ rarybere arakemy. Aõ dori waijoi dee waðraruõre. ²⁰Tai heka arabutunnyrennyire, warybe-ò boholabennykemy, wadi retehekemy womati reroti-di riwataataara. Judeu mahãdu raròsõna òraru-ki kawesemy watxireri. ²¹Tahe judeu dinodu mahãdu rirawønyire: —Aòkøre, inyõ rehemynyõre Judeia bede-ribi. Ijyybinamy umy relyyõre. Inyseriøre mahãduõ kaò dehemynyõde. ²²Aroholarennykemy timybo tahõtinnmahãte-ò. Ityhydÿÿdu mahådumy dori ibutumy aõbinahakÿlemy rarybereri. Kia judeu mahãdu dinodu raryberenyire.

²³Tahe riywinyire itxu Paulo rybe-ò ijohonamy. Idi tahe Paulo heto-ò sõwemy iny doidenyde tamy roholakemy. Tii Deuxu ijyy ritÿnnyire rudiu rexidelenyire, txioromy rexihure Moisesi Tyyriti ritÿnnyire tule ijõ rybedu Tyyriti-di ritÿnnyire, iwese Jesuisi Iòlòthy kanatxikre wese kabede-ki. Kia Jesuisi aõmydÿÿnanamy ritÿnnyire. ²⁴Ijõ roholare aõmybo Paulo rarybereò, Jesuisi rityhynyrennyire. Ijõ tahe aòkøre, rityhynyõre. ²⁵Ijõ teramy reare. Rÿire, ròhønykemy. Tahe Paulo tamyrenny rarebere: —Deuxu Tyytybythy booreny dee rarybere Isaia tyyriti-ki. Awimy rare. Kawese roire:

²⁶⁻²⁷—Makre tamy marybekre: —Boholabennyke, ta tiu aerysyrennyõna. Betehekere arue-di, ihãre tahe aerysyrennyõna. Iruereny, iraykyreny, tõhõtireny ritòbònnmahãrennyire. Tai tiu tiiboho robirenyõthy, rierenyõthy, roholarennyõthy. Tai diwatyhynyõhyymhyde. Tai heka iòraru-ribi ariteytennyõkre.

²⁸Bierimy boibeke Deuxu tarasana judeukõdu mahãdu-ò rare. Tiiboho dori

roholarenykre. ²⁹Paulo tarybe rahudi tahe, judeu mahādu rōhōnyrenymy sōwemy widee rarybemyh̄yrenyre.

³⁰Roma hāwā-ki Paulo ras̄nyre inatxi beòramy tahetohuōtenawo-ki. Ibutumy heka d̄ȳraximy iheto-ò

rehemynyrenyreu, Paulo ridyre tamy rarybekremy. ³¹Deuxu lōlōnamy Paulo iruru-di relyyhyymyh̄yre. Inynyr̄ Jesuisi Kristu aōna aōnamy riernanymyh̄yre. Tiu inyō aōhōk̄my ris̄nyōmyh̄yre Paulo rybe xāwikemy.

Roma

Paulo Ryberiti Roma mahādu-ò

1 Paulo jiarỹ rare, tyritiwiđỹđure wahe. Jiarỹ heka Jesuisi Kristu deòdu rare. Tii riwatare rybe tỹnyđỹđ-dumy ararekremy. Deuxu Rybewihikỹ wahidỹđdumy ararekremy. ²Juhuu dori Deuxu rarybere Rybewihikỹ riwahinykemy. Deuxu rybedu mahādu kia rybe riritinyre, Ritidỹđnatyhy-ki. ³Kiamy heka Deuxu Riòre rybe tyhydỹđnamy rarybere, Davi riòre riòkòreò wahe. ⁴Deuxu Jesuisi Kristu rubu-ribi riixixadỹđnyreu, tariòremy tahe riteòsinyre rurunatyhy-di. Jesuisi tahe inatyhymy Inynyryỹ ihỹre. ⁵Tii ruxetòena inydeereny riwahinyre. Irybe òraru-ki, jiarỹboho aròirenykemy watzireri. Ityhyna aritỹnynykemy judeukòdu mahādu-ò, tai tiiboho rityhynyrenycremy. ⁶Kaiboho tule judeukòdu mahādu atxitenyteri. Tahe Deuxu ityhydỹđna mahādu atxitenyteri, Jesuisi Kristu ijoimy rỹrakemy adeereny rarybereki. ⁷Ibutumy adeereny warybe rewahinyre, Kia Deuxu taijoimy remyremy mahādu wahe. Ruxetòena, ywina-wana adeereny-ò kanakemy watzireri, Deuxu inytyby-ribi tule Jesuisi Kristu iny wedu-ribi. Tii dori adeereny irybe riwahinyreki.

⁸Umyreny Deuxu-ò reàlāmahāre, atyhynareny-ò iny ibutumy roholamyhỹreki. ⁹Deuxu-ò rexitòenymahāreu, anirenymy rarybehymy watxiwāhāre. Kia heka Deuxu rieryre, waworibityhy tahe jiarỹ Deuxu deòdumy rare. Iriòre Rybewihikỹ-di wahe. ¹⁰Jiarỹ rexitòenyhyy watxiwāhāre arorarenymy arakemy Deuxudeewikeki. ¹¹Umyreny arobikemy watzireri, tai adeereny arelyykemy aòmyđỹ wihikỹò

Deuxu Tytybytyhy. Tule kaiboho wadee tuu belybyenykre. Tai tahe atyhynareny-ki ityhymy relekre. ¹²Jiarỹ arawiòhenanykemy watzireri, tule kai biwawiòhenanykemy watzireri. Tai rikexideysanytyhykemy inatyhyna-ò. ¹³Sòwemy heka arahyykemy watxiwāhāre arorarenymy. Iribi nohòti losaòmy tahe wadi rarurunymyhyre aòbo, riwateònyòhyymyhyre heka. Jiarỹ Deuxu dee waaòmysỹđỹna awikemy watzireri ayreny-ki. Tai kaiboho ako-ò boikemy wadee awire, iwese ijò judeukòdu mahāduko-ò ararybekremy watzireri wese. ¹⁴⁻¹⁵Tuheka ibutu iny-ò ararybekremy watzireri, hāwā witxira witxira mahādu-ò, tule. Iny mahādu-ò aòkòre mahādu-ò tule. Tuu ariwinykre ibutumy iny-ò, iny bedeeryrenyò mahādu-ò tule. Adeereny tule Rybewihikỹmy arelyykemy watzireri Roma hāwā ludu mahādu-ò.

¹⁶Jiarỹ dori Kristu Rybewihikỹ-ki araixỹruòtyhy. Irybe dori Deuxu ruru rare. Ibutumy iny rityhynykeki ritakemy ratxikre. Judeu mahādu-ò juhuhu nade tai tahe iuhe-ò judeukòdu mahādu-ò. ¹⁷Deuxu òbitina ratỹnynymy namyhyde Rybewihikỹwo-ribi. Tyhyna-di ritelenyre tule tyhyna-di ihỹmyhyre. Inyò tyhyna-di òbitimy rỹikeki, tii ruruòtyhy, idi awimy rareki.

¹⁸Deuxu yarana biu-ribi namyhyde ibutu òraruna hudunamy. Iwidỹđdu hudunamy. Bina widỹđdu dori inatyhyna ribinanymyhyre, raruinymyhyre Deuxu rybe ribynymyhyre? ¹⁹Deuxu eryna ibutumy iny-ò riwahinyre. Deuxule tamy riwahinyre. Tai timybo Deuxu raremy tahe tiiboho rierhyymyhyre. Tai Deuxu aòhòkỹmy risỹnymyhyreny. ²⁰Juhuhukỹle heka Deuxu aòmyđỹđnanamy iny robimyhyre idi tii tyhynamy tule riermyhyre itỹnyhỹkỹlemy, irurunahyy wahe. Aòu

aõu kia ibutumy iny rierymyhÿre, Deuxu widÿÿnamy iny robireki wahe. Tai tiu iny ixitxiòdÿÿna. ²¹ Rierymyrenyre tii Deuxumy raremy. Tahe rexiwowydynyõhyyre timybo iny Deuxu dee rexiwowydynymyhÿkemy wahe. Tamy àlànatyhy riwahinyõhyymyhÿre. Idi rōhōtinymyhÿrenyre Deuxu irayky rōhōtinymyhÿre wesemy idi rōhōtinymyhÿre. Irayky tahe reòsamy ratximahāre. ²² Tiibohole bedeerytyhmy ixidi rōhōtinymyhÿrenyre. Tahe itxÿtele roire. ²³ Deuxu rubutere rityhynykenawi tahe tiiboho heka ritxoo deuxuõ ireije riwinymyhÿrenyre tatyhydÿÿnamy. Ibinamy heka mywese riwinymyhÿre, nawii wesemy, iròdu wesemy, iròdu bedemy riradu-wesemy. Rxiòkamy riramy riradu wesemy tahe rityhynymyhÿrenyre.

²⁴ Deuxu heka òraruna-ò riwahinyrenyre, itxÿtenareny òraru-ki. Iny òta òtadu mahādu heka wiwanale aõòta ixÿruna riwinymyhÿrenyre. ²⁵ Deuxu inatyhyna dori tiiboho riwiurònyra ruina-ò. Ritxoo dee rexitòenyrenyre, aõbo Deuxu riwinyre, kia. Deuxule iny reàlàkōmyta ratximyhÿrenyre.

²⁶ Deuxtutyhy tahe rityhynyõhyyre, Deuxu ibutu widÿÿdu tiu riteàlānymy rakonananyōtyhy. Kia òraru-ki òtaòtana nade. Hāwyy, hābu-wana aõkō roimyhÿre wideele heka aõhebo rotÿÿnymyhÿre. Kia heka òbiti aõkō rare. ²⁷ Tule hābu, hāwyy-wana aõkō rōimyhÿre, wiwanale aõhebo rotÿÿnymyhÿre. Òbiti aõkō heka kia rare. Riwyrenykre kia òraru òwydÿÿna, aõhōkÿmy dÿÿnana wahe. Iny sohoji sohoji taaõbina ixÿruna òraru-ki ixidee rimykre.

²⁸ Tōhōti heka Deuxu-txi reaõhyymyhÿre. Tai tahe timybo ixideewimy riwinyrenykre roirenyre Deuxu-ribi. Tahe riwinyrenyre

ibutumy aõbina binahakÿle. ²⁹ Aõimy aõko ratximyhÿre aõbina bina-di roiremyhÿ: òtaòtana-di, aõbina binahakÿ-di, aõikōkō-di, rarekemy ixidee ririmyhÿre, teramy heka rÿira. Ihāru-di rÿira iny rubudÿÿmy dori rōhōtinymyhÿre, rarybehymy ratxirerimy ihÿre, ruidu nihikÿ ihÿre, ujōmo-di rÿira. ³⁰ Aõbinamy inymy rarybemyhÿre, Deuxu derare, ixiluulerenyre, rexityhynymyhÿre, òraru tÿmyra riwinyrenyre, tyby tadi-wana rityhynyõhyyre. ³¹ Irybe sohoji aõkō heka rare. Iluunaõre, ibinatyhyre, inydee iruxetòeõre. ³² Deuxu rarybere: inyõ kia riwinykeki heka ruruke. Tiiboho kia rierymyrenyre. Ihāre tahe aõhebo rotÿÿnyre. Kia sohojile aõkō. Reysarenymyhÿre iny witxira iherenyki aõhe rutÿÿnykreki.

2 Tutyhy-ki aõkōramy rybeõmy. Kai dori tutyhyle òraru tewinymahāòte. Inyõ rybemy ywisidÿÿna ijōmy rarybeke-wana ixilemy ywisidÿÿna-ò rexityhenyke. Tii dori kia ibutumy tule riwinymyhÿre ibinamy wahe. ² Inyõ kia aõbina binahakÿ riwinymyhÿkeki, Deuxu ywisidÿÿna-ò inatyhynalemy tamy kòdòhònykre. ³ Kai tuleke —kiamy biwinykeki, Deuxu ywisidÿÿna-ribi mahenyōtyhy. Kai dori ywisidÿÿdumy texideòsinyte ihāre tahe iòraru wesele tewinymahāte. ⁴ Deuxu ruxetòena sōwemy adi rexiruxetòenanymyhÿre. Kia-di bexirāhikemy adi ratxireri, tiemy ywimy aõna aõna bina riemyhÿre ratximyhÿre, awi heka adee rare. Kai aõbohe iribi òhōti rosakre kia heka arabedeòtiidÿÿnymyhÿre. Arabedewodÿÿnymyhÿre iòraru-ki. Kai aõbohe kia teeryōte? ⁵ Kai arybedÿÿsaeryōre rybe ijohona teeryōte òhōtiōre. Tai tahe Deuxu yarana ixideele tebutunymahāte. Ijōtxu Deuxu yarana txumykreu. Tai Deuxu ywisidÿÿdu òbiti rexitÿnynymy

rÿikre. ⁶Iny sohoji sohoji taaõna aõna myna aõmy rotÿÿnykre, aõhebo rotÿÿnymyhyreki wahe. ⁷Inyõ aõwidÿÿlemy ratximyhyre. Tiiboho heka Deuxu wowydyna, Deuxu wohyna, Deuxu loosõna widÿÿmy rarutaamyhyrenyre. Tule iny rarehykykrena-di rarutaamyhyrenyre. Imyna Deuxu tamyreny riõkre. ⁸Kia ixidile røhõtinymyhyre mahädu tahe, Deuxu woxibrunale, yaranale ritakre. Tiiboho dori inatyhyna rityhynyõhyomyhyrenyre, aõ òbitile aõkõ riwinomyhyrenyre. ⁹Aõhøkÿmydÿÿnana, bedewona kanakre ibutumy aõbina bina widÿÿdu mahädu-ò, judeu mahädu-ò juhuu idi judeukõdu mahädu-ò. ¹⁰Wowydyna, àlàna, ywina tahe kanakre aõwiwihikÿ widÿÿdu mahädu-ò judeu mahädu-ò juhu delemy idi judeukõdu mahädu-ò. ¹¹Deuxu-ò heka ibutumy iny wiwese rare. ¹²⁻¹⁶Tii heka aõhøkÿmy risÿnykre ibutumy iny òrarudu mahädu. Moisesi bede ywina ihoõrehärele tii rurukre. Judeukõdu mahädu heka Moisesi bede ywina rybe ijökõre. Tahe bede ywina iny rieryekeki, idile Deuxu iòraruna riywinykre. Inyõ Deuxu bede ywina rybe roholare tahe rityhynyõre, kia tahe Deuxu dee ibinatyhyre. Ibutumy kia iny rurukre, òtÿÿ iraykywokile aõbo ibinare, aõbo òbitire rierymyhyreki. Deuxu bede ywina wesemy heka iraykywo-ki ratximyhyre. Iraykywydyna rexinohõtinyomyhyre ada dexiòbitidÿÿnymyhyde, Rybe wimy rarybemyhyre Jesuisi Kristu heka häbu aõmydÿÿna ritÿnynykre imyna timy rarekre. Deuxu dori iteradÿÿdure.

¹⁷Kaiboho, judeu mahädu, texinohõtinytenyta ibutumy awiremy aDeuxureny-wana. Tii adeereny bede ywina rybe riwahinyreki, tii abiòwatyhy rareki. ¹⁸Kai heka aõbo Deuxu-ò awire teeryte. Aõbo ibinare, teeryte.

Uladuule ibede ywina rybe teeryte, tai òbitityhyle adeereny awire. ¹⁹Kai Deuxu-ò nonana bitÿnynyke iny ruetä mahädu-ò dori, kia teerytyhytenyteki. Ixi-di tahõtinytenyteki. Iwese, kaiboho loosõna wesemy toitemahä ixi-di tahõtinytenyte. ²⁰Tule kia ixi-di tahõtinyamahäte. Kai bede erydÿÿdukõdu mahädu erydÿÿdumy atxiterimy ixidi tahõtinyamahäte. Uladu erydÿÿdumy atxiterimy ixi-di tahõtinyamahäte. Kai bede ywina rybe tyritiõ dire. Kia adee ibutumy inatyhyna rare bederydÿÿna. ²¹Kai iny erydÿÿdumy atximahäte. Timyrekibo kai texierynanyõmahäte. Kai wasimy aõkõ tòerydÿÿnanymyhyte. Timyrekibo tawasinymahäte. ²²Kai häwy òta aõkõ tetÿnynymahäte. Timyrekibo kai tuu tatÿnynymahäte. Suritxoo dee àlàna deramy iximy tarybemahäte. Aõherekibo erydÿÿ-ribi aõmydÿÿnana tewinymahäte. ²³Kai bede ywina rybe luumy iximy tarybemahäte. Kai Deuxu-di texixiwedenymyhyte. Ihäre tahe bede ywina rybe tetyhynyõte. Kiawese Deuxu texirudÿÿnymyhyte. ²⁴Iwese juhuu riritinyre wese wiji roimyyhyre: —Aòraru-ki tahe bedemy iny rÿira Deuxumy aõna aõnabinamy rarybemyhyre. ²⁵Kai bede ywina rybe bityhynykeki, òtyky resynadike, awire judeu mahädu dori rare. Tahe bede ywina rybe bityhynyõkeki, òtykyresyna adee aõ aõkõre. ²⁶⁻²⁷Iwesetyhylemy iny rare tötÿky resynaõ mahädu. Tiiboho bede ywina rybe rityhynykeki, tötÿky resyna-di mahädu wesemy roirekre. Judeukõdu mahädu heka bede ywina rybe rityhynykeki, kia adee ixÿruna rare. Kaiboho dori Deuxu bede ywina rybe tetyhynyõte òtyky resyna dire härele. Bede ywina rybe dire härele. ²⁸⁻²⁹Inyõ judeu mahädu wesemy ihÿre. Ihäre tahe judeu mahädu inatyhy aõkõ rare. Tötÿky resyna-di judeu

mahādu inatyhy aōkō r̄yira. Judeu mahādu inatyhy tawokihiyale kia idi r̄yira. Iwesele notyky resynad̄ȳna kia r̄yira. Inywokihiyale rare. Aō bede ywina rybekile aōkō tuu r̄yire inyrayky wydynamile kiawesemy inyō r̄yira. Hābu-ribi wowodynamy ritaōtyhy. Deuxu ribile ritake.

3 Tibohe judeu mahādu deewinare. **3** Notyy resynale tamywina. Kia aōbo ibuturatyre awire judeu mahādumy rareki? ²Inatyhy rare, sōwemy, Deuxu dori tamy juhu Ritid̄ȳna riwahinyre. ³Inyō rityhynyōre-wana kia riwiurōnyōhyymyhyre Deuxu heka òbiti rare. ⁴Inatyhy urenanamy Deuxu raremyh̄. Iny mahādu tahe roidumy r̄yiramyh̄. Iwese ritina-ki roire wese Deuxumy rarybereri: —Kai arybe òbitina-di atximahāte urenana wahe. Inyō aaurihikeki, kai inatyhyna-di biòlòd̄ȳnykre. ⁵Inyboho òbiti aōkō roire. Kia tahe Deuxu òbitina riteòsinyre. Timykibo Deuxu inydee aōhōk̄myd̄ȳnana riwahinykre. Mobo heka kia òbitimy aōkō rarybekre. Jiar̄y hābu rayky-di wese rarybereri. ⁶Kia òbiti rare. Kiaweseōkeki timybo Deuxu bede aōhōk̄my d̄ȳnana riwahinykre. ⁷⁻⁸Kai tarybete: —Jiar̄y raruirā. Urile kia Deuxu inatyhyna reteòsinyre. Aōherekibo Deuxu aōhōk̄my riwasinyre. Kiarybe iwitxira rybewesemy rare: —Ibinamy rakatximyhykeki, awihik̄y kia-ribi ròhònykre. Aōkōre, kiamy rybedu mahādu aōhōk̄my d̄ȳnana ritamyh̄kre. Kia riki wamy rarybere, ruimy wahe.

⁹Aōhe aōbohe, inyboho aōbo inywitxira-ribi awityhyrenyire. Aōkōre. Jiar̄y reteòsinyamahāre ibutumy judeu mahādu, judeukōdu mahādu ibutumy òrarudu roire. ¹⁰Kiamy Tyryiti-ki roire: —Tiu heka inyō òbitiōre. ¹¹Inyō heka Deuxu rieryōhyymyhyre. Timy

heka riòryōhyymyhyre. ¹²Ibutumy iny rexiōnomyhyre Deuxu-ribi wahe. Aōmy aōkō tiiboho rexiwinyrenyire. Iny riuheōhyymyhyre aōbo awiré. Sohoji aōkō aōhebo rot̄ȳnyre aōbo awiré. ¹³Ibòtòjìò heka rubuwabede iraymy roimyh̄yre ròwese rare. Tiiboho iny itxenad̄ȳdu rare. Irybe heka hemylalatyhyju wese rare. ¹⁴Aōbina binahak̄yemy heka inymy rarybemyhyre. ¹⁵Iti heka teyrewē rare hālubu txiwimy iny rubud̄ȳmy tule. ¹⁶Titxibo ramyh̄yre-wana heka aōbina binanale riwahinymyhyre, aōhōk̄yle ririmyh̄yre. ¹⁷Tiiboho dori ywimyno rieryōmyhyrenyire. ¹⁸Deuxu lau heka ruberuōtyhymyhyrenyire, Deuxu rityhynyōtyhy.

¹⁹Bede ywina rybe heka tatyhyd̄ȳna mahādu-ò diòde. Kia tahe inyboho rieryrenyire. Tai heka iny rexitxiōnyōtyhy Deuxu-ò. Tai heka ibutu dee aōhōk̄my d̄ȳnana-ò riywinymy r̄yikre. ²⁰Bede ywina rybe-ribi iny ibutumy rieryre ibinamy ratxireri. Inyō heka bede ywina rybe heka rityhynyōhyre. Tai tahe inyō kia-di rexitaōtyhy iywina òraru-ki.

²¹Wiji tahe Deuxu òbitina rat̄ynynymy ih̄yre bede ywina rybe-ribi lahiximy. Ihetxiu rybedu-di kia rit̄ynynymy ih̄yre bede ywina rybe ritina-di. ²²Deuxu riòbitid̄ȳnyra. Ibutumy Jesuisi Kristu tyhyd̄ȳdu kanakre. Deuxu dee dori ibutumy bede bede ludu wiweselere. ²³Ibutumy raòrarunymyhyre. Deuxu òbitina tamy rauhenymyhyre. ²⁴Deuxu taruxetòena-di ibutumy riòbitid̄ȳnyre Jesuisi Kristu tarasadureki. Tii iny-ribi iòwydimy aō rexitòenyōhyre. ²⁵Deuxu Jesuisi-di rubuna iny òraru riixāwidid̄ȳnyre iòwy tii riòwynara, iny kamy rityhynkemy. Kawese-ki Deuxu òbitina rit̄ynryra. Juhuu Deuxu iny òraruna-ò reteheōmyhyre aōnityhymy iywisid̄ȳna direki.

²⁶ Tahe wiji inyòraru-ò retehemyhÿre riixāwididÿnykemy. Tai tahe tii òbitire tule Jesuisi Kristu tyhydÿÿdu òbitidÿÿdure. ²⁷ Mobo Deuxu-ò rarybekre jiarÿ awiremy? Aòkòre, inyò rarybeòthy. Bede ywina rybe tetyhynyòte. Deuxu iny òbiti widÿÿdure, ibede ywina ywidÿÿ aòkòre. Inatyhynadile awityhymy iny rare. ²⁸ Kiamy tahe raraykynyre iny ityhynadile riòbitidÿÿnyke bede ywina rybe ywidÿÿ aòbo? Aòkòre! ²⁹ Deuxu aòbo, judeu mahādu Deuxu sohojile rare? Aòkòre, judeukòdu mahādu-ò tule Deuxu ihÿre. ³⁰ Deuxu sohojile rare. Iny wiwanale riòbitidÿÿnykre judeu mahādu judeukòdu mahādu-wana. Ibutumy ityhyna òraru-ki riòbitidÿÿnyke.

³¹ Ityhyna aòbo bede ywina rybe ri-ixāwididÿÿnyra? Aòkòre, bede ywina ihāre rÿire.

4 Timybo ararybekre inytybyreny Abraomy. ² Aòbo riwinyre aòkò idi rexiòbitidÿÿnyre. Tai tahe rexityhynyke inyko-ò. Tahe Deuxuko-ò aòkò. ³ Kamy heka Ritidÿÿna-ki roire: —Abraò heka Deuxu rityhynyre taile tahe rexiòbitidÿÿnyre. Deuxu dee tii òbitityhy rare tii rityhynyrekile. ⁴ Iny aòmÿsÿdÿÿdu raòwymyhÿke iaòmÿsÿdÿÿna myna. Urimy aòkò dori raòwymyhÿre taaòmÿsÿdÿÿnaòwyle dori ritamyhÿre. ⁵ Inyò rityhynymyhÿkeki, tii òbitina ritamyhÿre Deuxu-ribi. Deuxu dori òrarudu mahādu òbitina widÿÿdu rare. Kia uriòno rare. ⁶ Davi heka juhūu riritinyre iwese teysatyhymy iny rarekremy wahe. Deuxu dori òbiti mahādu dee riraykydÿÿnyre òbitimy roirekemy. Tii ixidee aò riwinyòre. Davi kiawese riritinyre: ⁷ —Teysatyhymy iny rÿirakemy Deuxu iòraru riixāwididÿÿnyreu tōhōti-ribi iòraru rosakeu. ⁸ Teysatyhymy iny rÿirakemy

iòraru-txi Inynyrÿ nohōti ijeraomy ihÿkre. ⁹ Deysana aòbo judeu mahādu sohojile riteysanymyhÿre ida judeukòdu mahādu tule. Tuler! Inyboho dori rarybere: —Abraò tyhynale tamy òbitina diwahinymyhÿde. ¹⁰ Tiubo tahe Abraò òbitina ritare notyky resynako-ki ada ihewo-ki aòbo, ikoure. ¹¹ Juhūu dori rityhynyre idi ta notyky resyna tamy nade kia tyhyna Deuxu-ò riteòsinyreki. Tai tule òbitina Deuxu tamy riwahinyre. Kia butu tyhydÿÿdu tyby wese rare, Judeukò mahādu wahe. ¹² Notyky resynako-ki òbitina ritare. Tòtyky resyna-di mahādu tyby wesemy riki Abraò ratximyhÿre. Tiile tòtyky resynakò-ki Deuxu rityhynytyhymyhÿre. ¹³ Deuxu Abraò-ò rarybere tii ibutu bede bede wedu wesemy ratximyhÿre iriòre iribi rimyky. Tahe bede ywina rybe òraru-ki aòkò tuu ihÿre, ityhyna òbitina òrarukile wahe. ¹⁴ Bede ywina rybe-ribi tybie tahe itarasadumy ratxikre, tai tahe inatyhyna aò aòkò rare. Aòbo Deuxu rarybere aomy aòkò rare. Tahe roirekre. ¹⁵ Bede ywina rybe dori Deuxu aòhòkÿmy dÿÿnana diòde iny ribedeerynykemy. Teysana aòkò wahe. Bede ywina rybekòki, timyki iny aò ityhynyòna. Bede ywina rybe ijōore-wana òraruna ijōore. ¹⁶ Tahe inatyhyna-di sohojile iny aòna aòna wiwihikÿ ritamyhÿke. Tai iruxetòena-ribi nade. Tahe aomybo Deuxu rarybere ibutu riòreriòremy tuu rÿikre. Bede ywina rybe mahādu tule bede ywina rybekòdu mahādu-wana wiwana Deuxu rityhynyre. Abraò riòre wesemy ibutumy tai inyboho roire. ¹⁷ Iwese Ritina-ki roire wese: —Jiarÿ aratare ibutu inytyby wesemy mabekemy. Ibutumy iny rityhynyre-wana, iwese Abraò rityhynyre wese, iwese-ki Deuxu ritake. Deuxu tahe rubu

mahādu riixixanymyhyre rubu-ribi. Tii rarybekeu aō aōkō aōwesele tii aō heka rare. Tii rarybere tule riwinyre. Abraō heka Deuxu rybe rityhynyre. ¹⁸Timy heka rariōrenykemy ixidee rōhōtinyōhyymyhyre. Deuxu dori tamy rarybere: —Kai heka ariōkōreneny sōwemy atximyhykre. Kai hāwā hāwā tybomy mabekre. ¹⁹Abraō tatyhyna ritxiōnyōhyyre. Timy heka 100 beōramy idi ratximyhyre, ixāwire uladu-ribi ramatuarinyreki. Tule ihāwpy Sara iuladu herina-di kōremy rōhōtinyre. ²⁰Timy heka ritxiōnyōhyyre Deuxu Rybe. Rityhynymyhyre Deuxu deālāna riwowodynnyre. ²¹Tii heka rierymyhyre Deuxu irurudire irybe wesemy aō r̄yikemy. ²²Tai tahe Deuxu tamy òbitina tamy diwahinyde. ²³Aō iōraruki aōkō kia ryberitina awimy raeryre, tamy sohojile aōkō dori rarybere. ²⁴Iny òraru-ki tule kia tuu roire. Iny tule inatyhyna-di òbitina ritakre. Inyboho dori rityhynymyhyre, Inynyrȳ Jesuisi rubu-ribi ixixana widȳydu Deuxu raremy. ²⁵Jesuisi iōludu-ò iwahidȳymy rara inyòrarurenny-ki tai rurure. Tahe iny òbitina wahidȳyña-ò diixixanyde rubu-ribi.

5 Jesuisi tyhydȳy òraru-ki Deuxu inyboho rimyrennyre. Idi awimy rokoirekremy tii-wana, Jesuisi Kristu-wana wahe. ²Deuxu ruxetōdenawo-ki inyboho rotamanymyhyrennyre. Jesuisi Kristu tyhydȳyña òraru-ki tamy rotamanymyhyre. Deuxu loosōna worojuxanaō-di rokoirekre. Tai inyboho reysamy ih̄yre. ³Inyboho bedewona-di hyy ih̄yrennyre. Ihārele tahe inyboho teysarennyre. Kia dori iny riwiōhenynymyhyre rarōsōna ijōdikemy ruu inydeereny riwahinykemy. ⁴Inyboho rikijerenyhyykeki, Deuxudeewimy rikiwinyrennyke. Deuxudeewina rikiwinyrennykeki, rarōsōna rikitarennnykre. ⁵Iny rarōsōna

tarasana aōkōkeki, uritere rakabede-woōtyhy, Deuxuluuna dori inywo-ki ratxireri. Deuxu Tytybytyhymy inydeereny wahidȳyña rare. Tii dori inyworeny-ki Deuxuluuna ritidire. ⁶Iruruōmy inyboho roiremyhyre awimy riwinykemy. Tai tahe Kristu inydeereny, inyboho ibinare hāre rurure, Deuxudeewireu. ⁷Isirare inyō hābu òbiti dee ruruke. Tahe hābu wiwihik̄y dee òsana iny rurukre, kia heka irutaōre. ⁸Deuxu tahe luunatyhy inydeereny diteōnyde. Iny òrarudurennyre hāre, Kristu inykireny rurure. Juhuu heka inyboho òrarudu roire. Ihārele Deuxu taluuna nihik̄y inydeereny diteōsinyde. Tai heka Kristu inyòrarurenny-ki rurure. ⁹Irubuna òraru-ki heka Deuxuru-ò inyboho òbitimy ih̄yrennyre. Irubuna tahe kia riwinyreki irumy inonana tahe iratyre rarekre inydeereny wahe. Deuxu ykarana-ribi Kristu dori iny ritamyhyre. ¹⁰Juhuu Deuxu òludu inyboho roire. Tahe wiji ibiōwamy inyboho roire, iriōre iny òrarurenny-ki rurureki, wahe. Wiji tahe rybe òludu mahādu-ribi wiutādānamy r̄yire. Ibutu kia heka Kristu òraru-ki sohojile ture. Tai iny teysamy roire Deuxu rityhynyreki. ¹¹Inyboho heka iwitxira Deuxu-wana ratximyhyrennyre. Tai tahe reysamy ratximyhyre. Inyboho Deuxu biōwamy ratximyhyrennyre. Jesuisi Kristu Inynyrȳ òraru-ki heka ture.

¹²Hābu sohoji òraru-ki òraruna bedeki ralore juhūu, Adaō òraru-ki wahe. Taile tahe rubu nade bedeki. Idi ibutumy iny raòrarunnyre. Adaō òraruna-txi resereu, rubu ibutumy iny-ò resere. ^{13–14}Juhūu Adaō rurure. Iribi tahe ibutumy iny rurure. Moisesi tule rurure. Tahe bede ywina òraru-ki aōkō tiibohe rurure. Bede ywina dori Adaō rubu hewo-ò Deuxu riwahinyre Moisesi-ò. Deuxu heka iny

òrarunamy aòkò rōhōtinyre, tabede ywina dori kiau riwahinyōre. Adaō heka Deuxu rybe rityhynyōre, tai tahe rurure iwese Deuxu rarybere wese. Tule iòraruna òraru-ki ibutumy iny raòrarunymyh̄yreny. Adaō heka Jesuisi-ò rakewesenanykre. ¹⁵Tiiboho wiwanale aō kabede-ò aō diwymh̄ydenyde. Adaō heka rubu diwyde. Jesuisi heka runa diwyde. Adaō heka sōwemy iny-ò rubu riwahinyre. Jesuisi tahe sōwetyhy-ò Deuxu ruxetòena riwahinyre, tarasana tamyreny riwahinyre. Òraruna sohoji-di heka Adaō rubu riwahinyre ibutu iny-ò. Jesuisi tahe ibutumy iny-ò biu-ò hena riwahinykemy ratxireri iòraruna sōwere hārele. Umytuedeōna wahid̄ȳdu tii ratxireri. Kia awityhyre. ¹⁶⁻¹⁷Inatyhymy Adaō wid̄ȳna ibinare. Jesuisi wid̄ȳna heka awityhymy rare inyeereny. Inyboho dori Jesuisi-wana irumy ratxirenyre aōu aōu kowa bede wihik̄y-ki, Deuxu òraru-ki. ¹⁸Aōhōk̄ymy d̄ȳnnana heka Adaō wid̄ȳna diwyde ibutumy iny-ò. Jesuisi tahe òbitina diwyde ibutumy inyeereny. ¹⁹Adaō heka Deuxu rybe rityhynyōre. Tai iny sōwemy òraruna-txi resere. Jesuisi tahe Deuxu rybe rityhynyre. Tai iny sōwemy heka òraruna-ribi ritare. ²⁰Deuxu tabede ywina rybe riwahinyre. Tai tahe iny aōbina rierymh̄yre. Òraruna-di sōwemy ih̄yrek̄i, tai Deuxu ruxetòena sōwetyhymy ih̄yre. ²¹Juhuu òraruna ratximyh̄yre iny umyreny-ki. Inyeereny rubule riwahinyreny. Wijile tahe Deuxu ruxetòena riwahinyre inyumyreny-ò, inraykyreny-ò. Òbitina inyeereny riwahinyre Deuxuko-txi. Jesuisi Kristu Inynyr̄ òraru-ki heka, umytuedeōna inyboho ijōdire.

6 Timykibo Deuxu inydireny rexiruxetòenykeu watxireri Deuxu ire inydireny raruxetòenykemy ire rxiòrarunanymh̄yre hārele. Timyki

tuuōna. ²Aōkōhyre. Inyboho heka òraruna dee rubumy ih̄yreny. Timykibo iny ih̄yymy òraruna-txi rekeseke? Aōkōhyre. ³Jesuisi Kristuni-ki inyboho raratisebenyreu, Tule Jesuisi rubu-my ratisebe-ò rururenyre. Kia teerytenyte. ⁴Tiu inyboho risebenyre Jesuisi òraru-ki, tii-wana inyboho rurure. Tai iru t̄ymyra-di inyboho ih̄yre. Iwese Deuxu taruru-di Jesuisi riixixad̄ȳnyre wese tule inyboho iru t̄ymyra-di rokoireke. ⁵Iwese tii rurure wese, inyboho tule rukurenykre òraruna dee. Iwese Kristu rexixad̄ȳnyhe wese inyboho tule òraru-ribi ixāwira tii-wana rarehykremy. ⁶Iny umy tyby tule rurure Kristu itxè-ki. Tai inyboho heka òraruna deòdumy aōkò ih̄yreny. ⁷Inyō rurukreu, tii òraruna-ribi ixāwimy ih̄yre. ⁸Inyboho Kristu-wana rurukek̄i, tii Kristu-wana irumy ratxikre. ⁹Kristu rexixare tii ixyby ruuōtyhy. Rubu ixyby tamy reaōtyhy. Kia tahe inyboho rieryreny. ¹⁰Jesuisi rurureu, iny òraruna ixāwina rubulemy rurure. Wiji tahe irumy ih̄yre Deuxudeehy. ¹¹Tule kai arumy atximahāte Deuxu dee iny aōbina bina-ò taruteki rubuwesemy arumy tahe Deuxu-ò. Inynyr̄reny Jesuisi Kristu tyhyd̄ȳki. Kiawesele mohōtinyke Deuxu dee, Jesuisi Kristu dee wahe.

¹²Kaiboho dori Jesuisi Kristu-wana atximahātenyte. Òraruna-txi ixyby besekeōtyhy. Ixideewimy aōkò rikiwinyrenyke, aō ibina wahe. ¹³Aumyreny biwahinybenyke Deuxu-ò iwese iny iru t̄ymyra-di ih̄yreny. Tai tahe òbitile biwinybenyke, òraruna-txi beseōtyhy aō iyja aōkò. ¹⁴Òraruna rybe-ò ijohorenyōmy. Tii dori awedu aōkò rare. Deuxu ruxetòena-ò bexiweloromahābenyke.

¹⁵Aōbo tahe awityhyre. Ruxetòena òraru-ki aōbo rekexiòrarunymh̄yke.

Aòkòhyyre. ¹⁶Òraruna rybe-ò heka bityhynybenykeki, òraruna deòdumy atxibenyke, rubu iòwy rare wahe. Deuxu rybe-ò tahe bityhynybenykeki, òbitimy boibenyke. Bexideòdumybenyòtyhyke òraruna bityhynybenykemy. ¹⁷Wowydyna Deuxu-ò kanakemy watxireri. Juhuu kaiboho òraruna deòdumy ahàtenynte. Tahe wiji inatyhyna erydýña tetyhynytyhytenynte. ¹⁸Wiji tahe kaiboho òbitina deòdumy atxitenynte. Tahe Deuxu deòdumy wiji toite, tii ixideewimy timybo adirenykre. ¹⁹Iwese juhuu òrarunawidýña-ò texiwahinymahâte wese, wiji bexiwahinybenyke Deuxu-ò, òbitiwiidýña-ò wahe. Òbitimy rarybemahâre, itýntyhy kaiboho dori òhòtitymy toite aiximynatyhyrenyò òraru-ki. ²⁰Òraruna deòdumy atxitenynte, Deuxu tetyhynyòtenynte. ²¹Kia aòmydýñana wiji ixâruna adeereny rare. Aòbo tahe awimy juhUU tewinytenynte. Kia heka rubule riwahinymyhýre. ²²Òraruna-ribi ixinamy atxitenynte. Kaiboho Deuxu-ò ibutumy texiwahinynte. Tai umytuedeòna tetatenynte. ²³Òraruna òwy heka rubu rare. Inyò òraruna riwinykeki, tii ruruke, kia òraruna òwy rare. Deuxu wahidýña tahe umytuedeòna rare, Jesuísi Inynyrỹ rurureki wahe. Idi tiile-wana tukre.

7 Waityhydýñdu seriòre, kaiboho bede ywinamy teerytenynte. Tai bieryke aomybo ararybekre. Inyò irulemy rariakekile, bede ywina tamy aò rare. ²Arawesenanykre. Hāwyy heka ihābu-wana ihyymy ihýre bede ywina myna. Hābu rurukeki, tahe ixinamy ihýre ijō-wana roikremy. Hābu rurukoeki tahe, ixinamy aòkō ihýre, ijō-wana roikremy. ³Inyò-wana roikeki, hāwyy wedenamy raninikre. Ihābu rurukeki, tii ixinamy rarekre. Ijō-wana roike. ⁴Kia wese rare,

waseriòreboho, ayreny-ki. Kaiboho bede ywina dee tarutenynte. Kaiboho dori ityhydýñdu mahādu atximahātenynte. Kaiboho Deuxu hōrō mahādu atximahātenynte. Rubu-ribi ixixadu mahādu atximahātenynte, Deuxudeewina biwinybenykemy. ⁵Juhuu ixideewile aò tewinymyhýtenynte, rubu aomydýñana wahe. ⁶Wijile tahe bede ywina-ribi ixinamy inyboho roimyhýrenynte. Iwese ihetxiu tytyiti bede ywina rityhynymy aòkō ihýreny, wiji Deuxu Tytybytyhy aomydýñana inyboho rityhynyrenynte.

⁷Timybo? Bede ywina aòbo ibinamy rare. Aòkōre. Ihoòkeki tahe òraruna jiarý arieryòtyhy. Bede ywina rarybere wasiomy. Kiale reeryre aòbo wasimy rare, inyò aò arimykemy watxireriu, kia òraruna wasiweselemy rare. ⁸Timyki, jiarý òraruna waerysyòna bede ywina tuu rarybekòkeki. Bede ywina dori aòbina binamy riwabedeerynyre. ⁹Jiarý juhUU bede ywina reeryòre. Reeryre tahe aomydýñana binale wadee rarerenynte. ¹⁰Deuxu heka bede ywina riwahinyre juhUU. Tamy ruru riwahinyre bede ywina wahe. ¹¹Tahe bede ywina òraru-ki heka òraruna riwahinymy. Tai tahe ònosòna riwarubunyre. ¹²Kia bede ywina tahe awi rare, òbiti rare. Ònosòna awi rare. ¹³Timybo rare. Òbitina aòbohe riwarubunyre. Aòkōre. Òraruna tiire. Tii tahe ibinatyhy rare. Bede ywina òraru-ki iny kia òraruna ibinatyhy reeryrenynte. ¹⁴Bede ywina heka Deuxu Tytybytyhy aomydýñana rare. Jiarý heka inyle rare, òraruna heka wawedu rare. ¹⁵Aòbo warayky dee ibinarele, kiale rewinywāhāre. Aòbo awimy warayky dee rare, kia rewinyòhyyre. Aòherekibo? Reeryòre. ¹⁶Rexierymyhýre aòbo rewinymyhýre. Reeryre kaa bede ywina awi rare. Tai heka rabadewomy watxiwāhāre. Jiarý dori bede ywina bede ywina riti

reerymy watxiwāhāre. ¹⁷Retxiōnymy watxiwāhāre. Waruruōhy heka watxiwāhāre. Aōwi ariwinykeò. Òraru heka iōhōmy waribi ratximyh̄yre waruru ratyre ratximyh̄yre waribi. Tai heka òraru rewinyamahāre. ¹⁸Wau my ehetchina tahe ibinatyhy rare. Aōbo awi rare heka ariwinykemy rewisyñywāhāre ta heka rewinyōhywāhāre. Aōwi rewinyōhyymahāre! ¹⁹Jiar̄y rarurunmahāre heka aōbina ariwinykōkemy. Tahe ihārele heka rewinyamahāre. ²⁰Reeryrehe aōhebo ratȳnymyh̄yre. Jiar̄y ixiòrarud̄y wàðaruna wadi raitx̄yteitx̄tennymyh̄yre. ²¹Deuxudeewimy heka ariwinykemy watxiwāhāre. Tahe araòrarunhyymahāre. ²²Wau myt̄myra raruruntyhymahāre Deuxudeewi wid̄ȳna ariwinyke. Awityhy rare wadee. ²³Ijō tahe wau mywo-ki, waraykywo-ki, ratximyh̄yre, wau myehetchina waki ratximyh̄yre. Wadi rarurunnymyh̄yre riwamymy ratximyh̄yre. Aōbina wid̄ȳmy heka wadi rimymy ratximyh̄yre. Reòludun-yōhyymyh̄yre waraykymy heka rahañnany myh̄yre. Aōwesele heka tuu rahañnany myh̄yre, riòludun-yōmyh̄yreki wahe. Raraykynymahāre warayky-ki, Deuxudeewimy watzikemy. Tule tahe reerymahāre òraruna deòduò jiar̄y rare wahe. Wau myt̄myra tahe wadee rarybemyh̄yre òbitimy aōmyd̄ȳnana ariwinykemy. Wau myehetchina tahe kialemy wadee rarybemyh̄yre —òraru ariwinykelemy. ²⁴⁻²⁵Tai heka urile warayky raleileinymyh̄y. Mobo riwatake wau myehetchina bina bina aōmyd̄ȳnana-ribi? Deuxudeewina-ki, Jesuisi Kristu Inynr̄y heka iximynamy riwatakre. Tii riwateònymy wadi rarekre. Wowydyna tamy ariwahinykre.

8 Tai heka Jesuisi Kristu tyhyd̄ȳdu mahādu rubutyhy-ò heka raōtyhy. Deuxu heka tii ritarenyke tii-wana

rarehyke. ²Deuxu-ò Tytybytyhy dori warurutymyra-di riwarurud̄ȳnytyhyre. Rubu-ribi dori Jesuisi Kristu riwatare ixinamy ararekemy. ³Inyboho heka Deuxu Bede Ywina rierenyre, Moisesi tyritina wahe. Tii heka iny òraruna-ribi iny ixinamy ririrad̄ȳnymyh̄yre. Jesuisi Kristule, aōbo, òraruna ruru rahumyh̄yre. Aōma rakahuren-yōtyhy heka iny rururenydi aōma òraruna ixitawo-di. Rikityhynrenyōtyhy heka aōma ixitawo-di aōbo bede ywina Tahe Deuxu tariòre diteònyde iny umyrenywesemy wahe. Tiu heka iòrarunaòhyre. Tai heka rexiwahinyre iny òrarureny-ki. ⁴Tai rikityhynrenyke aōma Deuxu bede ywina. Iny nohōtirenny rosake aōbo umy ehetchinareny indeereny rarybemyh̄yré. Ijohonarenyōmy ta, irybe-ò, Deuxu Tytybytyhy rybeòle rokoholamyh̄yreny. ⁵Aōbo Deuxudeewimy biwinybenykeki, tai Deuxu Tytybytyhy rybeòle heka iny roholamyh̄yke. Ixideewimy wid̄ȳmy burubenykeki tahe, aōwaxina bohola benyke umyehetchina rybe-ò. ⁶Deuxu Tytybytyhy rybe-ò ijohona heka iny umyt̄myra-ò ridymyh̄yre, umytuedeòna-ò, ywina-ò. Umy ehetchina rybe-ò iny rohola wana, tahe rubu-ò iny ridymyh̄yre. ⁷Umy ehetchina dori aōma rare, Deuxu òludu. Deuxudeewimy aōkō heka riwiny my ih̄yre tiu riwinyōtyhy. ⁸Inyō ibutumy òraruna ixideewimy riwinykeki, tiu heka Deuxudeewina riwinyōtyhy. ⁹⁻¹¹Kaiboho tahe kiawesemy aōkō heka toite. Deuxu Tytybytyhy heka aworeny-ki ras̄nymyh̄yre. Tai heka umyt̄myraò heka kaiboho ijōdirennyre. Deuxu Tytybytyhy heka kaiboho ijōdirennyke. Inyō Deuxu Tytybytyhy ihoōkeki, tiu tii ityhyd̄ȳdu aōkō rare. Aumytyhy heka rurukre aðarunaò direki wahe. Atytyby tahe iruhymy ratxikre, Kristu

dori aòraruna riixāwididỹnyreki wahe, Deuxu araòbitidỹnyre wahe.

¹²Tai waityhydỹdu seriòreboho. Umy ehetsina rybe-ò uritere ijohonarenyömy. ¹³Irybe deradỹna-ò beòbybenykeki, kaiboho heka burubenyke. Aòkòkeki arurenymy mariabenykre, Deuxu Tyytybytyhy-di wahe. ¹⁴Ibutumy Deuxu Tyytybytyhy rybe-ò roholamhỹre mahādu, tiiboho tahe Deuxu riòre roire. ¹⁵Deuxu rybemy bityhynybenyke. Deuxu Riòre wesemy tahe bityhynybenyke, òbitimy atxibenyke, deòdu wesemy aòkò wahe, buberubenyòtyhy. Waha-my tahe marybemyhỹbenykre heka. Deuxu Tyytybytyhydile wahe. ¹⁶Ijoiarenymy rakatxirenykre. Aòmybo Deuxu Tyytybytyhy-di inydeereny roimyhỹreki heka, tuu inatyhymy rakatximyhỹrenykre inyboho iriòre roiremy wahe. ¹⁷Ibutumy aòbo Jesuisi Kristu inydeereny riwahinymhỹke heka, tule inyhòrò reny heka rare. Iwese tii wowydyana iribi rikitaranykeki, tii-wana heka aòhòkỹmy rokotỹnyrenykre.

¹⁸Aòhòkỹmy rokotỹnyrenykre tahe aònihikỹmy aòkò rare, urihimyoòle wahe. Inydeereny dori wowydyanaò kidiwahinykre, sòwetyhymy. ¹⁹Ibutu bede bede aòna aòna riraòmy roimyhỹre, aòma-ò, Deuxu Riòre mahādu ibutumy rubu-ribi ixixana kiditỹnynykreu, rexixamy ibutumy rỹirakre idi biu-ò rirahukre wahe. ²⁰Kiatxu tahe ibutumy bede bede raaòbinanyke. Iwese Deuxu juhūu riwinyre-ribi resere iny òraruna òraru-ki. Deuxu dori tuu bede riywinyre txioinyhe tahe, raròsòna rỹire, riwitxiranyke. ²¹Rekeysarenkykre heka Deuxu riòremy heka rakatxirenykre. Tii ibutumy bede bede-ribi iny ritarenkykre ibutumy òraruna-ribi, rubu-ribi. Ibutumy òraruna aòbina bina deòdu

heka rexihukre. Deuxu ibutumy aòna aòna ritỹmyranykre iwese tariòre itỹmyrare wese. ²²Kaa wiji tahe ibutu aòna aòna aòhòkỹmy rotỹnyymy rỹira iròdu alòbòròna, ibutumy heka uladu ijira dese wese heka riijemy aòna aòna rỹira. Aòma, ixixanatxu dehemyntykòlemy roimyhỹreki wahe. ²³Tiibohole sohojile aòkò, tule inyboho Deuxu Tyytybytyhyre hāre, kia delemy inydeereny rawahinyre hāre, aòhòkỹmy rotỹnyymyhỹrenyre idi tiu Deuxu tariòremy risỹnyrenkykemy riraòmyhỹre. Kia tahe inyboho riraòmyhỹrenyre. ²⁴Inyboho dori tararòsòna-ki kawese awirenyre. Inyò iraròsòna itỹnykeki, aòbo tahe riraòmyhỹke. ²⁵Tai tahe Deuxu rikityhynyrenyke rikiraòrenymy aòma, inydeereny tuu raryberé, rikitaranykré. Rikiyrymy rikiraòmy rokorokomyhỹrenykre.

²⁶Iwesele tahe Deuxu Tyytybytyhy heka iny riwiòhenanyrenkykre. Inyummy aòmydỹnanareny heka aòhebo rotỹnyymyhỹre txuò txuòlemy iny riwiòhenanymyhỹrenkykre. Inyboho riwiòhenanyrenkykre aòma inyboho rierykòreki ixitòedỹ. Deuxu Tyytybytyhy inydeereny dori rexitòenymyhỹre tii inyboho heka aòmy rybe inyboho rierykòmyhỹrenyre inydee risỹnynymy rarybemyhỹre tuu. ²⁷Inytybyreny heka ibutumy inyraykyreny, inyworeny, rierymyhỹre. Tii heka rexitòenymyhỹre inydeereny iny òbitinarenky-di, iny ywinarenky-di iny riixitòedỹnyymyhỹrenyre. ²⁸Ibutumy aòbo inydeereny rabededỹnananymyhỹré heka inydeereny awire. Deuxudeewina heka rikiwinyrenkykre inydireny ratximyhỹre Deuxu dori inyluurenkyre. Tii dori iny ridyke tariòre wesemy. Tii dori kiamy juhūu ròhòtinyre. ²⁹Juhudihikỹle Deuxu ròhòtinyre mobo tamy rakemy. Tahe tiu rierymyhỹre mobo aòma

inyboho tamy kanakré. Tiu heka rierymyhyre timybo widi rarekré, tariòre wesemy idi rarekré. Iriòre heka sòwemy iseriòre relekre. Iriòre tahe juhuule ityhydýdumy iuhe rýire, iseriòre wesemy wahe. ³⁰Tii heka inyboho rihitxinyrenyreny. Tii heka rryrymyhyre tamy, kanakemy. Tii inyboho tamy ritehemynyreny, heka inyboho tamy ritehemynyrenyreny. Iny òraruna-ribi inyboho riixāwididýñny Deuxu, Jesuisi, Deuxu Tyytybytyhy ywina heka inydeereny riwahinyre.

³¹Ywimy rakatxirenykemy heka inydeereny rōhōtinymy ihýre. Wowydyna heka inydeereny riwahinykre. Timybo rakaryberenykre. Awire heka ibutumy. Nihikýre. Deuxu heka inyworeny-ki ratximyhyre. Tii heka inyidinodurenyre. Inyòludurenyòhyhyre ratxirenyke, soho-jiò. ³²Ibutumy inydeereny riwahinykre —inydeereny dori taRiòretyhy dori diwahinyde. Diwahinyde heka inydeereny rurukremy. Deuxu heka iny riixāwididýñnyrenyreny. ³³Inyboho heka òbitimy ratximyhyrenyreny tamy rakatxirenykemy. Tii dori iny riwinyrenyreny òbitimy. Inyò rarybeòtyhy iny òbitimy aòkò ihýre. ³⁴Inyò heka inymyreny rarybeòtyhy rukururenykremy. Jesuisi Kristu dori inydeereny rurure, iny òrarureny-ki. Tii ixityre rubu-ribi rexixare inydeereny. Katahe ronymyhyre Jesuisi heka rexitðenymy ronymyhyre inykireny. Deuxu-ò heka iny riixitðedýñnyremy inydireny ronymyhyre. ³⁵Tiu heka rihitxinyòtyhy, aòma Jesuisi Kristu luureki wahe. Aòhòkýmydýñnana dori rakatxireny. Tii heka iny rirubunyrenyke. Iny rama rirubunyrenyke inieruòmy. Bede brebuwo-ki rakatxirenyke. Inymyreny rarybemyhykre. iny rirubunyrenykre. Ta Deuxu inywanarenyhy ratximy ihýre. Tiu heka Deuxu-ribi aò iny

rihitxinyrenyòtyhy. ³⁶Inyboho heka rubu riraòhyky ratximyhyrenyreny, rexiywinhykyle. Kia rikiwinyrenykre aòma Deuxu luuna-di xiery —iwese budoeni tarubuna riraòmy rýimhyhyre wese. Deuxu rybe inykoreny tuu relyymyhyre. ³⁷Taiki heka imahāduy-ribi rokotarenkyre. Kia òlòna inyhōrōreny rare. Kristu dori inydeereny rurure. Aò heka iny rihitxinyrenyòtyhy Deuxuluuna-ribi. Rubu dori iny rihitxinyrenyòtyhy. Umy tiu iny-ribi rihitxinyòtyhy. Ýju dori tiu iny rihitxinyòtyhy. Aòbinahaký heòty, rubu bina heòty dori tiu Deuxu luuna-ribi rihitxinyòtyhy. ³⁸Aò heka iny rihitxinyòtyhy Deuxuluu-ribi. Bui wenonana dori, beheý ratyre, tiu Deuxu luuna-ribi iny rihitxinyòtyhy. Wiji aòna aòna itòmo rahudi aòna aòna, aòtxi aòna aòna tiu iluuna-ribi rihitxinyòtyhy. ³⁹Kia ibutumy wadee inatyhy rare. Jesuisi heka Deuxu inydeereny ritýmynymyhyre ibutumy iluuna iny òrarureny-ki rurureu.

9 Kaiboho wajoiireny, waityhydýdu seriòre mahādu. Kristu hōrō jiarý rare, inytyhy rare. Deuxu Tyytybytyhy, Jesuisi Kristu-wanale rierymyhyre kia inatyhy rare. ²Rabedewomy heka watxireri wajoi rityhynyòreki. Deuxu Tyytybytyhy kia riere. Txuò txuòlemy, ruò ruòlemy rabedewomy watxihāre. Txiole txiole aòmydýñnanamy adeereny ararybeke kaiboho tarasanaò boibekemy. ³Deuxu riwatxuhoke Kristu-ribi wajoi deròwmy, iwiðhedýñkeki. Jiarý heka ihyy arurukemy wajoi ityhydýðdukòdu mahādu wahe ixi-di tamyreny rahōtinymy watxireri. Kia biu-ò hena ritarenkykemy wahe. Tahe aòkōre heka. ⁴Deuxu heka tamyreny sòwemy diwahinyde. Ihārele tiiboho ijohona deramy rekoamahārenyreny. Aòma, rihitxinyrenyreny heka taijoiireny.

Ridyrenyre heka bederahy-ò loosòna-ki biuwetykywo-ki. Tahe tamyreny rarybere tii iluurenymy. Tamyreny heka sòwemy aò kidiwahinykemy idireny ratximyhÿre. Tule tabede ywina rybe tamy diwahinyde. Tai tahe Deuxudeewina reeryrenyre. ⁵Tamy heka Deuxu wowydynaò riwahinyrenykemy Deuxu teòduò kanake tii tamy rarybere. Tybyreny dori ilahiboho dori rityhynyrenyre, tii Deuxu sòwemy rityhynyrenyre. Kristu tahe tule judeu mahàduò ratximyhÿre, waijoi wahe.

⁶Deuxu rybe inatyhytyhy rare. Sòwemy iny judeu mahàdu wese roire. Ibutumy tahe judeu mahàdutyhy aòkò roire. ⁷Ibutumy judeu Abraò riòre riòre rÿira mahàdu aòkò heka Deuxu riòremy rarekre. Deuxu heka Abraò-ò rarybere: —Ijai riòrele ariòkòre rarekremy ijò aòkò. Ibutumy Abraò riòre, Ijai riòre aoma ityhydÿÿdu aòkò roire. ⁸Ijò iriòrekòna mahàdu tahe ityhydÿÿdu heka roire. Kia Deuxu rybe rityhynymyhÿrele heka ityhydÿÿdu mahàdumy rÿira —judeu mahàdu tyhy wahe. ⁹Juhuu tahe Abraò-ò Deuxu rarybere: —Ahāwyy Sara, iriòredikre ijò beòrau wahe. ¹⁰⁻¹¹Iu tahe Ijai iriòre hāwyy-wana herinanyreu, Rebeka-wana roire tahe inatxi uladumy heka Rebeka tamy kidiwahinykremy riywinyra. Ijau juhutyhy iriòredelamy reakre riywinyra. Ijò tahe Ijaò ini rarekre. Kawese Deuxu rarybere uladu reakòule: —Jiarÿ heka Ijaòmy retamy rarybere Ijau aòkò. Jiarÿ aòna aòna sòwemy tamy adiwahinykre. Deuxu kiamy rarybere Ijau reakòule. Tiu aòwiwihikÿ aòbina bina riwinyke aòkò. Myle roireri. Deuxu riteòsinyre ijò tarasanamy reake-ribi tahe ijòle tuu reare. Aò uladu tuu riwinyreriki aòkò Deuxudeewimy tuu riwinyre. ¹²Juhuutyhy Rebeka-ò rarybere: —Idela taseriòre deòdumy

rarekre. ¹³Iwese tyriti-ki roire wese: —Ijaò iluure tahe Ijau aòkòre.

¹⁴Aòmybo tahòtinyteri? Deuxu aòbo adee ibinare kia riwinyreki? Aòkòre heka. ¹⁵Deuxu rarybere Moisesi-ò: —Jiarÿ heka awimy inyòdee ariwinykre, tahe tuu ariwinykre. Inyòdee ruxetòena ariwahinykeki, tamy ariwahinykre iix-ideewimy. ¹⁶Deuxu ruxetòenale heka rare, iny aòmÿsÿdÿÿ sòwehekÿmyreki aòkò inydee tarasana riwahinykre. ¹⁷Kaheka iny rieryre Faraò (Egito bede iòlò) ijyy dori inydee kia riteòsinyre iwese Deuxu rare wese wahe reteherenyké. Deuxu kiamy rarybere Faraò dee: —Adee kÿny ariwahinyre ruuò kai bonyke iòlòmÿ. Tai tahe ibutumy iny wani wiwihikÿ-ò roholakre. ¹⁸Ibutumy Deuxu ixideewimy tuu riwinyry rÿirakre. Ruxetòena riwahinyke tamywi tahe riwahinyra.

¹⁹Inyò tahe wadee timy rarybeòtyhy: —Aòherekibo kawesemy Deuxu inyò aòhe risÿnykre ada amobohe Deuxu aòwidÿÿna deramy reakre. ²⁰⁻²¹Tiu moò rarybeòtyhy Deuxumy ibinamy. Iu inyò butxi riwinykreu, aoma sudeò rimykreu, riwinykre heka butxiwihikÿò tamywikeki. Ibinaò riwinykeki tasÿ iwesele riwinyke ibinamy tuutyhymy. Bedenamy riwinyke noijaka tamy ridemyhÿkemy. Ijò butxi tamy wikeki. ²²Iwesele heka Deuxu rare. Rebureke heka inyòdee raykarananyke. Ijò-ò tahe awike ta ruxetòena-di riwiòhenanyke iaòna aòna riijemy. ²³Idi tahe ròkòhòtinyreny timybo Deuxu wina, Deuxu loosòna awiremy iruxetòena inydeereny riwahinyhyymyhÿre. ²⁴Judeukòdu mahàdu Deuxu ritare. Judeu mahàdu yribi sohoji aòkò. Inyboho. ²⁵Osea tyriti-ki rybeò kiamy tai roire Deuxu rarybere wahe: —Ijò mahàdumy sÿ aronykre wariòremy. Tahe waijoiy-ribi aòkò waijoiò mahàdu aòkò waijoimy arininikre idi aritakre.

Tuumy ararekre. Tiu heka luuna juhū inyō rewahinyōhyre. ²⁶Deuxu rarybere tiu: —Kaiboho juhū waijoi aōkō toite, tuuōmyta kowa-ki wariōrenenymy boibekre. ²⁷Isaia tule rarybemyh̄yre aōma judeu mahādumy wahe. Sōwemy, sōwemy imahāduō hāre tahe, ibutumy tarasanamy reakre. ²⁸Deuxu ele elemy rot̄ȳnykre timybo rarybere myna. Ijō-ò ruxetōna riwahinykre ijō-ò adehuna riwahinykre riixāwidinyrenykre. ²⁹Ijō Ritid̄ȳna-ki Isaia rarybere: —Deuxu ibutu dinodu heka ruxetōna riwahinyōkeki, ibutumy judeu mahādu riixāwidid̄ȳnykre iwese Sodoma hāwā Komora hāwā-wana riixāwidinyre wesemy wahe.

³⁰⁻³¹Timybo rakaryberenykre kia aōmyd̄ȳnanamy? Kialemy: —Judeukōdu mahādu-ò Deuxu tarasana riwahinyre tiu Deuxu riijeōhyymy h̄yre hārele. Judeu mahādu heka rityhynkemy idi ratximyh̄yre ibede ywid̄ȳna-di tahe tiu heka ritaōhyymyh̄yreny tarasana. ³²Bede ywina rybe riyrubunyekhāre awikehāre tiu tarasana ritaōtyhy. Rityhynytyhykekile heka tuuke. Tai tahe ritaōre tarasana, rityhynytyhyōreny. Tai tahe iwere mana iny riatymyh̄yre were ryd̄ȳnarenymy. ³³Ijōti nihik̄y heka roimyh̄yre. Tiu heka riōhōreōtyhy iweribi-ò. Deuxu rybe-ki kia wesemy roire: —Judeu mahādury-ki mana nihik̄y wese retidim̄y doimyh̄yde. Sōwemy heka iny r̄yira tiu heka ityre-di rariaōtyhy biu-ò hena-ò dehemynydeki wahe. Kia iny rityhynymy Jesuisi Kristu r̄yirale tahe ritakre tarasanaō heka inatyhymy.

10 Waityhyd̄ȳdu seriōre, rexitōenymy wāhāre heka Deuxu-ò ibutumy judeu mahādu biu-ò henamy r̄yikemy. Kiamy tuu rarumahāre. ²Reerymahāre tiiboho ibutumy rityhynmahārenyremy

Deuxu. Tiiboho ityhyd̄ȳnarenymy tahe òbitihyky aōkōre. ³Tiiboho kiamy rōhōtinymahāreny aōma judeu mahādu heka bede ywina rybe rityhynyrenykekile rexiōbitinykemy heka rōhōtinymahāreny Kristu-ò ta rexiwelòròkōlemy Kristu bede-ò rexihumyh̄yre, tai Deuxu iny-di awim̄y rarekemy. ⁴Bede ywina heka Deuxu aōmyd̄ȳna tarasana aōkō heka rare. Kristu rityhynmahārenyke. Kia weseleke heka tii rimyreny rexiōbitinyre. ⁵Moisesi dori rōritid̄ȳre tuu: —Inyō tiu òraru-txi reseōhy rarekeki, taile iny tarasanamy ratxike. ⁶Kiamy heka ityhyd̄ȳna namyh̄yde. Uritere inyō Kristu biu-ribi kōdidykemy ixinohōtid̄ȳōna Kristu kidiwykredi uritere nohōtirenymy, isiratyhyre wahe. Tuu aōkō iny òbitid̄ȳna-ki rahamyh̄yre. ⁷Uritere Kristu ixixana-di mohōtinynyōmyke isiratyhyre dori kia-ribi òbitid̄ȳna kiditakremy. ⁸Tii heka inyboho ribedeerynanymyh̄yre. Iōhōlemy heka iny-ribi ih̄yre warybereny wahe. ⁹Iny taykyrenyke rityhynymyh̄yre inyke. Tai tahe rarybere inywitxira-ò aōma Kristu iny wedureny ih̄yremy wahe. Inyworeny-ribi rikityhynymyh̄yrenykeki. Aōma Kristu heka Deuxu riixixanyre rubu-ribi. ¹⁰Taiki tahe biu-ò hena rakatarenyke. Aworibityhy rikityhynmahāke. Kiamy heka iny òbitim̄y rekelerenyke Deuxu dee wahe. Rarybeke iny-ò rityhynymy ratximyh̄yremy tai tahe tuu relem̄y ratxike. ¹¹Kiamy heka Ritina-ki roimyh̄yre: —Inyō rityhynytyhyhyke heka teysamy ratxike. Tiu heka anabedewoōtyhy tatyhyna-ki. ¹²Judeu mahādu dori judeukōdu mahādu-wana wiwesele rare. Ibutumy heka sohojijhyale iwedure, Inynyry wahe. Ibutu heka inydee riwahinymyh̄yre aōmybo iny rexitōenymyh̄yre wahe.

¹³Iny rexitòeny-wana Inynyr̃ni-di tarasanamy, tai iny-ò riwahinymh̃yre. ¹⁴Teerykòte heka timybo idi ratximh̃yre rexitòenymy. Timybo bieryke inyò tuu relykòh̃are heka rityhynyke. Tamy heka roholaòtyhy inyò tuu relyyòkeki tiu ityhyd̃ỹõna. ¹⁵Inyò heka raòtyhy, inyò biteònyòkeki wahe. Kiamy tahe Tyyriti rarybereri: —Kia Rybewihik̃my rybedu heka awi heka rare, dehemyynna heka awire, deysana rybe dori diwymh̃yde. Deuxu rybena ywina wihik̃ heka diwymh̃yde. Tai tahe iny reysamy heka aõma Deuxu Rybewihik̃ tamy riwymh̃yreki wahe.

¹⁶Ibutumy aõkò tahe rityhynymh̃yre. Iwese Isaia Deuxu rybedu rarybere wese: —Inynyr̃, Rybewihik̃my tamyreny heka rarybemyh̃yreny. Ih̃arele tahe rityhynyòhyymh̃yreny. ¹⁷Ityhyna heka Rybewihik̃-ò iny roholamh̃yre, rityhyd̃ỹmyh̃yre. Kristu ityhyna tamy kedeheymynkre, rybe wihik̃ òraru-ki wahe. ¹⁸D̃ỹraxinaò ariwinykre. Taholatenyòte aõbo Deuxu rybe-ò? Kohe, ibutumy heka roholamh̃yre. Tyyritina-ki roire: —Deuxu rybe t̃myra wihik̃ ibutumy riteònymh̃yre h̃aw̃a h̃aw̃amy. ¹⁹Ijò ar̃ỹraxikre: —Judeu mah̃adu aõbo kia rieryòmyh̃yre? Moisesi tyyriti-ki roire: —Deuxu biu-ò hena judeuk̃ mah̃adu-ò ariwahinykre. Waijoi mah̃adu ariwoxibronykemy. ²⁰Isaia tahe idi tuu rarybere: —Iny wiwana mah̃aduò heka Deuxu rijemyh̃yre. Tii rexit̃ynynyre taòrysdu mah̃adu-ò. Itxi reare. ²¹Isaia rarybere Judeu mah̃adumy kia: —Ih̃arele Deuxu iny ritobinyrerimy ih̃yre iny, iny nohòtibinaki wahe.

11 Kaiboho heka timybo tahòtinymah̃atenyte Deuxumy? Tii aõbo taijoi-ribi nohòti rosaremy —judeu mah̃adu-ribi? Aõkòre. Jiar̃yle,

Paulo, judeu mah̃aduò rare. Jiar̃y heka Abraò riokoreò rare. Benjami ijojì heka jiar̃y rare. ²Deuxu taijoi-ribe nohòti rosaòtyhy. Tii juhoo ritare. Elia juhoo Deuxu-ò taijoimy rarybere. Ryberiti-ki kia roire: ³Tiiboho heka rybedu mah̃adu rirubunyre. Tule axiwenah̃ahid̃ỹna ribòh̃onyre. Jiar̃y sohojile aluure Deuxu. Tule ròrubud̃ỹmy wadi ratxirenyrereri. ⁴Timybo Deuxu heka Elia-ò dirawyònyde: —Aõkòre, kai ihewoludutyhy waluunadu aõkò tate. Waluunadu 7000 inymy r̃yre aribihitximy wahe. Tule Bali suritxoo tiu rityhynyrenyòhyymh̃yre. ⁵Katahe wijile iwesele rare. Iny ibutemy Deuxu h̃orò mah̃adu r̃yre. Tii taruxetòenadile ritarenyre. ⁶Deuxu ruxetòena heka aõ iòwy-di aõkò riòwynymh̃yre Deuxu riwahinymh̃yre. Aõwiwihik̃ diwinymh̃ydenydeki aõkò heka tuu heka ratximh̃yrenyre iòwydikeki tahe aõ ruxetòe aõkò rare. ⁷Deuxu heka judeu mah̃aduò rihitxinyre tarasanamy reakrè. Ijò tahe iwety mah̃adu wesemy ijò r̃yira. Deuxu tamy tarasana-ò rryrereri tiiboho roholaòre. ⁸Tyyritina-ki rarybemyh̃yre ròròmy ratximh̃yrenyremy. Deuxu heka riruberenyre ih̃are ta tòhòtirenny ratòbònyrenyre. Taita rieryòhyrenyre heka Deuxu Tyytybytyhymy rarybemyh̃yrenyreki wahe. Iwesele heka wijina roimyh̃yre. ⁹Ihetxiu Iòlò Davi iwesele rarybere: —Kia heka taworana bedehesina-ki, ramyrenykre, raborenykre, tabonahemy reserenykre idi aõhòk̃my rot̃ỹnykre. ¹⁰Irue idymy releke tiu robiòkemy. Tiumy rarabunykre iaòbinabina-ki.

¹¹Adeereny ar̃ỹraxikre kiamy: judeu mah̃adu resereu ix̃awire aõbo? Aõkòre. Urile tarasana nade judeukòdu mah̃adu-ò tai. Judeu mah̃adu ibinamy tai ròhòtinkyemy. ¹²Judeu mah̃adu òraruna òraru-ki heka sòwemy iny-ò

aõwiihikỹ nade, judeukõdu mahãdu-ò wahe. Tahe awityhymy rarekre ibutumy judeu mahãdu ralokremy. ¹³ Jiarỹ, Paulo wahe, rybe wahidỹỹdu heka jiarỹ rare. Judeukõdu mahãdu-ò tii heka jiarỹ rare. Uritere nohõti losarenyõmy kia waaõmysỹdỹỹna rare. Kia awi heka wadee rare. ¹⁴ Deuxu heka adeereny aõ nihikỹ adeereny riwinyre, kaiboho judeukõdu mahãdu rare. Judeu mahãdu robikre. Tai heka tiiboho biu-ò hena mahãdu-wana ratxikemy riwisỹnykre. Kia wese òsana ijõ tarasanamy rimykeny. ¹⁵ Judeu mahãdu wiji rityhynyõreri. Tai Deuxu ijõ mahãdu-ò biu-ò hena riwahinyre, judeukõdu mahãdu-ò wahe. Iny sõwemy tai ritamy rỹimyhỹre òraruna-ribi. Iwese inyõ rubu-ribi riixixanyre wese kia rare iu judeu mahãdu ralõkreu wahe. ¹⁶ Juhuu paõ ere awimy Deuxu-ò biwahinykeki, ibutumy paõ ihõrõ rare. Òwòru rutysõmo Deuxu-ò biwahinykeki, ibutumy òwòru ihõrõ rare. ¹⁷ Òwòru ere judeu mahãdu wese rare. Tiiboho òwòru-ribi raòrõmy raremyhỹ. Kaiboho judeukõdu mahãdu terõwemy atximahãtenyete. Kia òwòruru wesemy òwòru-ò ralõmy atximahãtenyete, tai tahe arumy atximahãtenyete. ¹⁸ Ixityhymy nohõtirenỹõmy. Kaiboho dori iratyre awimy aõkõ atximahãtenyete. Òwòru rutysõmo aramyre judeu mahãdu tyby wese wahe. Aõkõkeki, kai bedesekre òwòru desede wese. ¹⁹ Kaiboho òsana marybebenykre: Tiiboho òwòru-ribi ritamy raremyhỹ inyboho rikibynyrenykeny. ²⁰ Inatyhy rare. Urile õhõti-ribi losarenyõmy tiiboho iribi ritamy raremyhỹ rityhynyõrenyeki. Tule kaiboho talõmy tatemyhỹ tetyhynymyhỹtenyeki. Tai ixiwededyõrenyete urile bexityhynymy. ²¹ Judeu mahãdu heka òwòru rutyhy wese raremyhỹ. Ihãrele tahe Deuxu òwòru-ribi ritare.

Timybo tahõtinytenyeteri —Deuxu aratarenyõtyhy. Tule aratarenyke timykeki. ²² Deuxu dori ywimy rare ijõ-ò. Tule tii isirare ijõ-ò: —òraruna-txi besebenykeki, tii aratarenyke. ²³ Judeu mahãdu ixbyby rityhynyrenykeki, ixbyby Deuxu ritidikre iherina-ò. Deuxu irurudirare ixbyby ritidikremy —isiraõre Deuxu-ò. ²⁴ Kaiboho heka òwòru bederahy ludu wesemy atxitenyete. Iwese òwòru ludu-ò tii aratidirennyre wese. Judeu mahãdu dori òwòru ludu wesele rare.

²⁵ Waityhydỹỹdu seriòre, inatyhynaõmy adeereny arelyykre. Deuxu rierye tiwesemybo judeukõdu mahãdu rityhynykre. Ikonana kaiboho bityhynybenykreu, judeu mahãdu ixbybyle kanalokre. ²⁶ Tai tahe ibutumy judeu mahãdu ritakremy. Tyyritina-ki heka kiaweselemy roire: —Sia-ò-ribi tarasaduõ kanakre. Ibutumy heka judeu mahãdu òraruna-ribi kòdòðsekre. ²⁷ Kia bedeu heka aritakre iòrarurenny wahe iwese tuu rarybere wese juhuuhukỹle. ²⁸ Katahe rasõwemy roira aõma judeu mahãdu wahe. Tiiboho Rybewihikỹ òludu roire. Tamyreny heka awi aõkõ Rybewihikỹ. Kia heka adeereny awimy ròhònyre. Tetatenyta dori Deuxu-ribi aõma iwahidỹỹna aõna aõnawidỹỹnamy. Deuxu juhuu taluunamy walabiereny-ò rarybere. ²⁹ Deuxu heka tiu riwixiranyõhyymyhỹre. Releke wana heka riwinyymyhỹre tahõrõ mahãdu dee. ³⁰ Judeu mahãdu heka Deuxu rityhynyõmy roimyhỹre wahe. Tai heka Deuxu ruxetòena adeereny diwahinyde. ³¹ Katahe judeu mahãdu heka wiji roire ityhydỹỹmy aõkõ. Aõutxu tahe Deuxu ruxetòena ixbybyle rimykremy rỹira. Deuxu heka iximymy iny riteònyrerimy ihỹre. ³² Deuxu ibutumy òraruro-ò rityhere idi taruxetòena ritỹnynykeny.

³³Iny Deuxureny aõwi dinodu heka rare. Ibedeerytyhytyhy rare. Inyõ ibedeywidỹña rieryõhyymhỹre. ³⁴Tiu rikieryrenyõtyhy irayky, tiu rikibedeeryrenyõtyhy. ³⁵Inyõ tiu Deuxu tadiwidỹdỹdumy isỹnyõna. ³⁶Ibutumy dori Deuxu-ribi hikỹle nade ixidee. Ibutumy iruru namyhỹde. Tai tahe ibutumy wowydyna tamy rikiwahinyrenykemy inyboho ratximyhỹreny.

12 Tahe waityhydỹdũdu seriõreboho, aumyreny heka biwahinybenyke Deuxu-ò. Aramyrenykemy òbiti-hyylemy. Kia wowydynatyhy Deuxu-ò. Tii dori ibutumy aõma inydeereny riwinyre. Kia ibutele rarekre tamy. Tii dori sówemy riwinyre inydeereny. ²Uritere riraõmy bede ludu mahãdu wesemy. Iwitxiramy boibeke. Tai Deuxu dee awimy kia rarekre. Aumy tỹmyramy ibutumy biwinyamahãke. Tai tahe Deuxu ribedeerynanykre aõbo awire.

³Jiarỹ heka Deuxumy rybeduõmy rare adeereny. Tai adeereny ararybekre bexiijebenyke. Òbitimy marybemy aumy-ribi. Deuxu-ribi ityhyna adeereny diwahinydekí heka aõhe botỹnykemy mohõtinyamahãbenyke. ⁴Umy heka sówemy txura txura roire, umy hitxi hitxinamy rỹire. Kristu ityhydỹdũdu mahãdu kia wese rare, Kristu woludu mahãdu wahe. ⁵Tule Kristu mahãdu sówemy aõmysỹdỹña witxira rỹire. Sówemy iny wiribi hitxi rỹire. Iwese umy sohoji wese Kristu wo mahãdu rỹire. Ibutumy wiribi hitximy raaõmysỹdỹmy iwidỹmy rỹimyhỹke. Inyboho heka ibutumy iaõmysỹdỹña Deuxu-ò rikiwinymhỹrenyke. ⁶Deuxu heka aõwidỹña widỹña witxira iny sohoji sohoji-ò riwahinymhỹre. Kai heka tỹnydỹña abrysikeki, awimy bexityhynyke awimy biwinykemy. ⁷Awimy wiõhedỹmy atximahãte wana,

bòwiõhenanyke awimy. Rybedỹdỹdumy atxiteri-wana awimy òbitimy bibedeerydỹmy. ⁸Deuxu rybemy rybedu atxiteri-wana marybeke inydee bexityhynymy. Deuxu sówemy adee nieru riwahinyre-wana, bòwiõhenanyke inywitxira. Inydinodumy atxiteri-wana, òbitimy maaõmysỹdỹ ibutu dee. Kia dohodỹdukeki botohodỹkre inyõ aõ biwahinykeki awowi-di bowahike.

⁹Wiribi ihtixidỹõmy. Tuu luu-di tahe inywitxira hitximy. Uritere rybeõmy urirybele. Uritere rybe òbitikõmy rỹireò noõmy. ¹⁰Kaiboho ityhydỹdũdu seriõre atximahãtenyte. Tai wiluumy atxibenyke. Widee biwowydynybenyke, ixidee aõkõ. ¹¹Aõmysỹdỹña-di boibenyke. Ibutumy Inynyrỹ-ò biwinybenyke eysareny-di. ¹²Beysamy atxibenyke ywina-di aõkõkỹmy dỹñnana-ki. Bexitõenyhyymahãbenyke. ¹³Aityhydỹdũdu seriõrey-ki inyõ aõ ihoõkeki, tamy biwahinyke ahõrõ-ribi. Inyõ ihetoõkeki, bidybenyke aheto-ò. ¹⁴Inyõ ibinamy adeereny riwinykeki, tahe ibinamy aõkõ biõwynyke. Bexitõenyke Deuxu-ò tamy. ¹⁵Inyõ reysakeki, tii-wana beysake. Inyõ rahinykeki, robukeki, tii-wana mahinyke, bobuke. ¹⁶Ywimy ibutumy iny-wana boibebenyke. Ixityhy aõkõ nohõtĩõmy. Kai dori ibutumy aõkõ teeryte, tule aaõmysỹdỹ bina awimy bimbybenyke. ¹⁷Inyõ adeereny ibinamy riwinykeki, ibina-di aõkõ biõwynybenyke aõma uritere ywihyylemy boike. ¹⁸Wiwesehyyle ywimy rỹimyhỹre. ¹⁹Inyõ umy aõma rarybekeki, uritere ixiõwydỹmy nohõtĩõmy. Deuxu-wana birimy. Tii heka riõwynykre iaõhõkỹmydỹñnana-di. Kia tahe roire Tyyritina-ki. ²⁰Aõma aõludu ramamy ruru wana, tamy rỹsỹna biwahiny, bemy tii ruru wana, tamy bee biwahiny. Tai tahe tii raixỹrure aõbo adee riwinyre lau.

²¹ Aōbinahakỹ rỹira-wana, uritere iijiradỹỹomy. Ibutumy aōwiwihikỹle aō biwinymyhỹke. Tai tahe rexihuke aōbina bina.

13 Bityhynyke bede dinodu. Deuxu dori risỹnyre bede dinodumy. Ibutumy dinodu heka Deuxule inydeereny riwahinyre. ²Inyō bededinodu rityhynyōkeki, tii heka Deuxu rityhynyōmyhỹre. Iny òbitimy ratxikeki, tiu bede dinodu rimyōtyhy ròtena-ki aōhōkỹmy dỹynana rotỹynyōtyhy. ³Inyō òbitimy ratxikeki heka tiu bede dinodu lau ruberuōtyhy aōhe risỹnyōtyhy. Urile iny aōðtaðtalemy rotỹynyreu tahe, tiile ruberumyhỹre bede dinodu lau. ⁴Bityhynybenyke ibutumy bede ywina aōbo dinodu mahādu raryberé. Brebuōlemy botỹnybenyke. Deuxu diteðnyde heka bede dinodu iny riwiðhenanykemy. Kai aōhōkỹmy botỹnymyhỹke aōðtaðtamy tatỹnymahāte-wana. Bede dinodu dori tuu nade. ⁵Ibutumy bede dinodu bityhynyke. Tii heka biwinybenyke Deuxu dee kia awire. Tai heka aōhōkỹmy botỹnybenyōtyhy. ⁶Tule iōwy biðwynymahābenyke. Ibutumy heka biðwynymahābenyke aōma tuu dinodu rarybemahāre wesemy. Tai dori riðwynymyhỹre iaōmsỹdỹydu. Tii heka anawiðhenanymyhỹde. ⁷Biðwynymahābenyke aōbo òbitire, ibutumy wahe. Aōma dinodu iðwydỹmy rariðwymahāre-wana biðwynyke ibutumy awedu mahādu wahe. Bityhynyke ibutumy.

⁸Inydee tanadevenymahāte-wana, biðwynyke òbitihyylemy. Inywitzira lumy atximahāke ibutumy iny wahe. Tii dori Deuxu bedeywina-ki bede òtiidỹyna xiery ratximyhỹre. ⁹Ibutumy Deuxudeewire heka kaa rare. Aeryna lumy iwese ixiluure wese, tahe tamy ibinaōre. Kai rubudỹỹomy

aōbo, ada wasimy iribi texiwonyte ada ihāwyy-wana maðtakemy aōbo, texinohōtidỹynnte. Uritere aōbina-di ixinohōtidỹỹomy aeryna-ò. Uritere aōbina widỹỹomy. Aerynalumy mabeke iwese kai ixiluure wese wahe. ¹⁰Luuna inyō-di rarekeki ibina inyōdee riwinyōtyhy rare. Ibutumy Deuxudeewina heka riwinymyhỹre. Tii sohojile heka bede ywina-ki awityhyre.

¹¹Tule heka òbitimy matximahāke. Bededỹynana dori iòhōmy resera. Bede ityre reakremy namyhỹde. Bexixabenyke wa, Inynyrỹ heka iòhōmy ratximyhỹre inonana-ò. Iòhōtyhymy relera juhu rityhynyrenyre-ribi. ¹²Ruu heka ròhònymy rare. Txuu tule iòhōmy wahe. Uritere aōbinahakỹ bedeluruhukỹ aōmydỹynana widỹỹomy. Diabo ijesu bitake aōwiwihikỹ widỹỹ wahe. ¹³Òbitimy biwinymahāke iwese txu rojuxana iny ratximyhỹre wese. Tai ibutumy iny rarybemahāke kai ilumy atximahātemy. Uritere abededỹynana huduōmy —itxỹteōmy, òtaōmy, adeburemy ijiraōmy, ihāruōmy. ¹⁴Bexitðenymyhỹke Inynyrỹ Jesuisi Kristu-ò wahe anawiðhenanykemy. Tai tahe ibutumy òbitimy biwinymahāke. Uritere arayky aōmydỹynabinabina nohōtiōmy.

14 Ijoiō ityhydỹydu mahāduō amahādudỹmy rurukeki, ròtena ixinamy ralòke iityhyna ibuterehāre tii-wana aōna aōnamy widee rybethymy rybeōmyke. Aribi hitximy raraykynyke hāre, bidyke. Ihārele biròtenybenyke. ²Ityhyna irurukōmy ratximyhỹre hāre biròtenybenyke. Tii òsana kiamy raraykynymyhỹre: Iny rexiðwynyke irò-dude riròmyhỹrenyremy ijò rōhòtinyke. Kai tahe òsana mohòtinyke kiamy. Tuu ibinaōre. Ityhynareny urihimiyòle rare. Brebunale sỹny roholamyhỹre. ³Inyō tahe ibutumy riròmyhỹre. Awimy idi

tahōtinymahāte-wana, wiribi hitximy aōkō. Uritere iōhōresedỹrenyōmy. Deuxu dori ridymyhỹre iwesemy iweselemy. ⁴Deuxu deōdumy tii rare. Eōdumy aōkō. Deuxu-ò tii rirawyōnyre aōhebo rotỹnynmyhỹremy. Deuxu rarybeke aōbo òbitire, aōbo teōsare. Deuxu heka tii ritamadỹnynmyhỹre. ⁵Kiamy rakaraykywesenanyrenykre. Txuō aōworana bedehesi heka judeu mahādu riywinymy roimyhỹre. Kia txuule Deuxu-ò reālānanymyhỹre rexinohōtidỹnynmyhỹre. Tahe aōkōre. Ijō ityhydỹdu mahādu tahe aōkōre. Tii iwitxira rexinohōtinymyhỹre. Ibutu txuu tamy awire Deuxu àlāna riwahnymyhỹre. Ixideewimy iny sohoji sohoji raraykywydynanymyhỹre. Ixitawimy Deuxu riwowydnyre. Ibutumy iny òbitimy ixidee raraykynyke. ⁶Kaiboho atxu biywinymyhỹbenykeki, kia tahe awire. Xiwenade rirōkeki, tii tule Deuxudeewire riwinyre. Inyō aōkō riwinyre. Tii tule awimy riwinymyhỹre Deuxudeewina wahe. ⁷Ixideewimy rikiywinyrenyōtyhy inynyrỹ-ò dori inyboho roire. ⁸Inynyrỹdeewimy rikiwinyrenyke. Ihōrō rare, aruruhārele, aōkōhārele. ⁹Jesuisi Kristu rubu-ribi rexixare tai butu wedumy. ¹⁰Inyboho heka ihōrō mahādu roire. Tai uritere inyseriōre rybeōmy ixiradỹōmy. Inyboho dori sohoji sohoji Deuxuru-ò rexideōsinyrenykre. Iu tii ibutumy iny riywisinykre. ¹¹Kiamy heka Ritidỹna-ki roimyhỹre. Inynyrỹ heka rarybere: —Inatyhymy, Ibutumy warue-ò tatiwotim�y resekre. Rarybekre heka wamy Jiarỹ Deuxu raremy. ¹²Iny sohoji sohoji iximy relyykre Deuxuko-ò. ¹³Uritere inywitxira-ò ryberenyōmy tii ibinamy rare uritere aōwidỹōmy, iōraru-ki ixyhỹdỹdu òraruna-txi resehemy. ¹⁴Jiarỹ tahe kiamy rahōtinyre. Kia aōmydỹnana aō aōkō rare Deuxu-ò. Xiwenā rỹsỹna

rirỹsỹkeki aō aōkō rare. Uritere kia nohōtidu dee ibinare. Tiiboho rirōōke. Xiwenā rỹsỹnarỹsỹ òraru-ki aijoiō bibedewonyhenylau irỹsỹōmykre. ¹⁵Aityhydỹdu seriōreō òbitiōmy ratxikeki tahe iru-ki arawidỹōmy atximahā. Tamy dorihe òbitimy aōkō heka idi rōhōtinnye. Tii heka tule riwinykelemy ixidi rōhōtinnye. Timy aōki teōsamy rahaōhyymyhỹre aōma, xiwenā rỹsỹna-ki. Kai aōki awimy aōma awityhy irỹsỹōmykre Deuxu Riōreō dibinadỹnnye lau wahe, Kristu dori iōraru-ki rurure. ¹⁶Kaki awimy òbitimy mahakeki. Biwinykeki inywitxiraru-ki atxikeki, kia tai uritere rieryōmy aki rahake. ¹⁷Riroximyhỹrenyre, riōmyhỹrenyre —kia Deuxu Iōlōna dee aō aōkō rare. Aōmale tahe rōkōhōtinnytyhymyhỹreny: wiōhedỹna, ywina eysana. Deuxu Tytybytyhy inydeereny wahidỹna wahe. ¹⁸Kia wese iny rỹikeki heka Deuxu dee wina rare, inydee tule. ¹⁹Wii rikiwiōhenanymyhỹrenyke ibutumy wiwesehyyle ywina-di. Tai iny tyhynareny rikikyhnanyrenykeny. ²⁰Rỹsỹna òraru-ki aōhe wisỹdỹ renyōmy, butumy dori Deuxu riwinyre. Kia inyō iōraru-ki aōwitxiramy rōhōtinnyekeki tahe ibinare. ²¹Aō dee rỹsỹ vīī momo heka ibinare, tai tii rexiōrarunykeki aōraru-ki urile bexiijōnybenyke. ²²Kaa biwinykeki timybo Deuxu dee òbiti relemyhỹre, urile ibutu-ò tuu rybeōmy iny bedeōby, kia ira-ki aō ibinakōre. ²³Ijō urihim�y tatyhnymy ratximyhỹre heka iximy riatyke. Adeē tahe òbiti heka rare. Aōbo riwinyre heka òraruna rare. Tai iwidỹōmy.

15¹⁻² Iny ixira-di heka rōkōhōtinnyrenyke ibutumy aōbo iny riwinymyhỹredi. Idi rōkōhōtinymyhỹrenyke inywitxira aōlaubo ruberumyhỹré. Iny òbiti

erykō mahādu-di. ³Kristu dori kaki raremyh̄y ixiideewimy aōkō tuu riwiny my raremyh̄y. Wiwana ritid̄ȳdu wesemy riki riritiny myh̄y: nade aōhōk̄myd̄ȳnana-ò tai heka bede-ò nade. Riòludunyre heka aōbo iòludu aōbinabinahāk̄y rarybere heka riwaòludunymy raremy. ⁴Tuheka roimyh̄y ihetxi Tyyritina-ki inywiòhed̄ȳna reny. Iny heka ribedeerydymyh̄yrenyre ywina-di rakatxirenykemy rikiraòrenyke heka Deuxu aomy bede d̄ȳnana wahe. Rahykyu òraru rahykyu wahe rubu. ⁵Tii heka wadee awire wii biwiòhenanyke. Deuxu anawiòhenanykemy adireny watxireri. Iwese Jesuisi Kristu riwinyre wese.

⁶⁻⁷Iluu ratxirenykemy irumy wiluomy matxibenykemy. Iny sohoji sohoji raraykynyke Jesuisi Kristu rayky wese-di. Ityby Deuxu rayky wese-di r̄yike òbitimy. Tai tahe inyboho ywinale rekeal̄amyh̄yre Deuxu-ò, tii Jesuisi Kristu tybyreki wahe. ⁸Deuxu ihetxi mahādu òraru-ki Jesuisi Kristu heka judeu mahādu deòdurenymy ioxis̄nyre. ⁹Iwese rybetyyritityhy rarybere wese: —Idi judeukōdu mahādu Deuxu riwowydynkemy. Tai adee ariwiunykre judeukōdu mahāduy-ki. Jesuisi Kristu heka nade inatyhy riteòsinykemy. Judeu mahādu riwiòhenanykremy Jesuisi Kristu nade. ¹⁰Kiamy heka roire wiuna Ritid̄ȳ-ki kia rarybere. Àlana adee ariwahinykre wiuna-ki judeukōdu mahāduy-ki ani-di arawiunykre. Ijō-ki tulekre: —Tuheka wiuna-ki raritid̄ȳ roimyh̄yre judeukōdu mahādu beysake wa judeu mahādu-wana. ¹¹Ijō-ki kiamy roire: —Àlana heka biwahinykemy Inyryr̄-ò idi watxireri, kaiboho tule judeukōdu mahādu. ¹²Deuxu dee rybeduò, Isaia tuu rarybere: —Rexiriòkōremy heka irybe roimyh̄yre. Ijese riòkōre wahe. Tii

judeukōdu mahādu iòlòm̄y ronykre. Tiile heka riraòm̄y roimyh̄ykre. ¹³Jiar̄y rexitòenyre, Paulo, kaiboho, Deuxu heka arateysanyrenykre sōwemy ywina-di, tyhyd̄ȳna-di. Kiamy heka adireny heka watxireri, waseriòreboho. Jiar̄y heka rexitòenyhy watximyh̄yre Deuxu arawiòhenanykemy adeereny rexiterenymy watxiwāhare. Deuxu Tyytybytyhy ruruna-di raròsōna-di adeereny kidiwahinykemy watxireri.

¹⁴Kaiboho òbitimy ahāteny te waityhyd̄ȳdu seriòreboho. Sōwemy aōna aōna witxira teeryteny te. Iny witxira bibedeerynybenyke dori teeryteny te. ¹⁵Ihārele taheka atxireny wanohōti reare inatyhymy tai warybe rewahiny Deuxu riwatyhynymy kawese riwas̄nyreki. ¹⁶Biwateònyke taheka judeukōdu mahādu-ò. Jesuisi Kristu dori riwatare tadeòdumy idi judeukō mahādudikemy. Iu Deuxu rybe wihik̄my rarybemyh̄yreu, xiwena wahid̄ȳdu wese rare. Kia tahe judeukōdu mahādu Deuxu-ò awike. ¹⁷Tai tahe Jesuisi Kristu-wana rexibedesany myh̄yre Deuxu-ki waaòm̄ys̄d̄ȳna òraru-ki. ¹⁸Jesuisi Kristu Rybewihik̄y t̄myra-di rareri. Rexitòenymy rare adeereny. Tai kaiboho òbitimy teleteny te Deuxu Tyytybytyhy òraru-ki wahe. Wadeysamy heka watxiwāhare. Jesuisi Kristu adeereny riwinyreki wahe. Jiar̄y reerykōre iwitxira mahādu-di. Tahe aōma waaòm̄y d̄ȳnana reeryre. Tiu dori biwawiòhenanyke judeukōdu mahādu aritakemy. Deuxu mahādu judeukōdu rarekemy. Òbitimy ikoreny-ki raremyh̄y. ¹⁹Rybe wihik̄my rybe-di rarewāhā tamyreny. Aōna aōna wiiwihik̄y irureny-ò rewinywāhare. Deuxu Tyytybytyhy-di Jerusalē hāwā-ribi heka rybe-di rare. Iliri bede-ò wahe. Ibutumy bede bedemy rarybere. Jesuisi Rybewihik̄my.

Ibutumy waaõmysÿdÿÿna rewinyre, Deuxu wadee riwahinyre wahe. ²⁰ Ihâre tahe ararybekemy watzireri tiu iny roholakõmyhÿre mahâdu-ò. Ijõò dohodÿÿna iny ritohodÿÿnymyhyre. Tai ikomy ararybekemy ixidi watzireri. ²¹ Isaia dori kia Tyyriti roire: —Tiu iny tamy roholakõmyhÿre tamy ijohonaõmy rarybere. Tai rierymyhyre. Tai tahe roholakre tahe rityhynyke.

²² Tai heka raraõlemy watxiwâhâre —adeereny. ²³ Katahe kaki rexihumy waaõmysÿdÿÿ ratzireri. Katahe arorarenymy arake watzireri beòrakõle arakemy ixidi watzireri. ²⁴ Espanha bedè-ò arakemy watzireri. Arakreu dori Roma-ò aroramy heka arakre. Iribi inyboho ibutumy rakatximyhyreu tahe tako-ò biwaixidÿÿnybenyke. ²⁵ Ikoki taheka wahidÿÿõ ariwykre Jerusalê-ò. Jerusalê hâwâ mahâdu dori aõhõkÿmy rotÿÿnymy rÿiramyhy. ²⁶ Macedonia bedè-ki Akaia bedè-ki tamy nieruõ riwahinykremy ratzireri dohodÿÿna mahâduõ kia rama rahureri mahâdu wahe. ²⁷ Tiiboho riwiòhenanyre deysana-di. Kia òbiti rare. Iribi tahe Deuxu rybe aõmydÿÿnana, Judeu mahâdu-ribi nade. Tai tahe judeukõdu mahâdu, tule judeu mahâdu riwòhenanymyhyke taaõwiwi-di. ²⁸ Kaa nieru-di arakreu, tahe aroramy arehemynyke. Iribi Espanha-ò arakre. ²⁹ Tuu awana watzikreu, tahe teysamy Inynyry-di rakatzikre.

³⁰ Bexitøenyke wadee waõmysÿdÿÿna sòwemy watzireri ariwinykremy. Deuxu Tytybytyhy heka sòwemy wadee nade adeereny ariwahinykremy, luuna sòwemy adeereny ariwahinyke. ³¹ Tule ityhydÿÿdukõdu mahâdu Judeia wadee aõbinahâkÿ wadi ratximyhyre. Wadi bexitøenybenyke jiarÿ iribi arahenyke. Tule kaa nieru rewyreri waribi teysamy rimyrenyke. ³² Tai tahe awanarenny tahe wadeysamy arehemynyke

Deuxudeewikeki. ³³ Deuxudeewikeki wii riki Deuxu ywina adeereny watzireri. Kie.

16 ¹⁻² Fibi hâwy ityhydÿÿdu seriòreõ adee rakre. Tii heka Sekrea hâwâ ludu dohodÿÿna mahâduõ rare. Tii heka dohodÿÿdu mahâdu riwiòhenanymyhyre aõu aõu aityhydÿÿdu seriòre wesemy. Tii kaiboho biwiòhenanykre, tii dori sòwemy riwawiòhenanyre.

³ Birybedÿÿnyke Prisila Akila-wana. Tii riwawiòhenadÿÿdureny. ⁴ Tii wadee sòwemy riwinyre rubu lau ruberuõtyhy. Tai jiarÿ reâlâwâhâre tamy, tule tuu ibutuma Judeukõdu dohodÿÿna mahâdu. Itheto dohodÿÿna mahâduõ warybe wehityhyna biwahenyre. ⁵ Epenetu-ò biwehityhyny. Tii ibutumy ityhydÿÿdu-ribi juhuule rityhynyre Asia bedè-ki. Tii wabiòwa rare. ⁶ Marie adeereny raaõmysÿdÿÿtyhyre. Biwehityhyna wanimy. ⁷ Adroniko, Junia wana biwehityhynanykre. Tiiboho judeu mahâduõ roire. Ròtenawo-ki wawana roiremyhy. Dohodÿÿna mahâdu rierityhyre. Deuxu deòdÿÿna mahâdu heka wakomy rityhynyre. ⁸ Ijõ waityhydÿÿdu biòwa Ampliato inire. Tamy kanarybekre tule. ⁹ Urbano, Estaki-wana tule Kristu dee wawiòhedÿÿdu tule rybe wehityhyna tamy biwahinyke. ¹⁰ Apele heka ityhydÿÿdu tyhy rare. Biwehityhynanyke. Aristabulo-wana heto woludu mahâdu biwehityhynanykre warybe tamy. ¹¹ Tule biwehityhynanykre Herodiaõ —wajioiõ tii rare judeu mahâduõ wahe. Kristu dee dori kia iny òbiti rare. Narciso heto ludu ityhydÿÿduõ heka tule biwehityhynanykre warybe tamy. ¹² Tule Trifena, Trifosa, Peside-wana raaõmysÿdÿÿmy Inynyryreny-ò biwehityhynanykre wary tamy. ¹³ Rufu tule Deuxu dee aõmysÿdÿÿdu rare ise tule. Tii dori nadi

wesemy riwawisinanyre. ¹⁴ Asincrito, Flegonte, Hermes, Paroba, Hermas, tule biwehityhynanykre ityhydÿÿdu mahâdu. ¹⁵ Filologo, Julia-wana, Nereu taseriòre-wana, Olimpa, ityhydÿÿdu mahâdu tii-wana ratxireri ibutu-ò warybe wehityhyna. ¹⁶ Ibutumy aseriòre debò bimyeke biwehityhynanybenykre ibutumy. Ibutumy Kristu tydyÿÿdu mahâdu-ò arawawehityhynanykre. Tule kaki dohodÿÿna irybe wehityhynanyre adeereny riwahinyreri.

¹⁷ Rybeò roire kaa rybe tyryti ixiydynako-ki. Ijõ aõhe dÿÿnana doimyhÿde kia hetowo hitxina-ki. Iwixiramy heka taerydÿÿna mahâdu —iwese inyeereny erydÿÿnamyhÿre wesemy aõkõ kia lau tahe bexiebenyke. ¹⁸ Aõ Jesuisi dee aõkõ raaõmysÿdÿÿnyre. Ixidee tule heka raaõmysÿdÿÿmyhÿre aõ ixidee ritarenykemy rôhõtinyhÿnyre. Tiiboho heka rarybewihikÿmyhÿnyre, aõma, ruikedÿÿmy timy bede erykõ tuu ratximyhÿnyre. ¹⁹ Jiarÿ wadeysamy watxireri kaiboho òbitimy ibutumy toiteki. Araerywâhã jiarÿboho aõbo òbitire uritere aõbina widyyõmy. ²⁰ Deuxu ywisidÿÿna wahidyyna dori Satanasi riixâwididÿÿnyke. Jesuisi Kristu Inynyrÿ wiðhedÿÿna adeereny riwahinykemy idi watxireri.

²¹ Tximòtxi dori wawiðhedÿÿdu rare. Lucio, Ijasõ, Sosipatu, wajudeuijoi-wana tule adeereny irybe wehityhyna riwahinyre. ²² Jiarÿ, heka Tercio, reritinyreri aõbo Paulo rarybere adeereny. Jiarÿ adeereny warybe wehityhyna rewahinyreri. ²³ Jiarÿ heka Kaio heto-ki watxireri, dohodÿÿna rabutunyreki watxireri. Kaio irybe wehityhyna adee riwahinyre. Tule Erasto hãwã nieru rubudÿÿdu rare. Tule Quarto inyseriòreereny rare. Ibutumy heka kaa irybe weityhyna adeereny rewahinyrenyneri. ²⁴ Inynyrÿ Jesuisi Kristu ruxetòena ibutumy adeereny kanakemy idi watxireri. Kie.

²⁵ Deuxu irurutyhy-di rare. Tii heka adi riyrubunykemy adi watxireri. Iwese rybeweityhyna rarybere wesemy, ruru adee riwahinykre. ²⁶ Kaheka Deuxu tarasana rare. Ibutumy iny mahâdu kaa tarasana rare. Katahe wiji ibutumy Deuxu rybemy rybena reamyhÿre. Iwese Deuxu rybedu mahâdu juhûu rarybere wesemy. Deuxu heka ibutu-ò tuu rarybere. Tai tahe ibutumy iny Deuxu Tytybytyhy rierykre tule rityhynykre. ²⁷ Deuxu-ò àlàna biwahinykeki tii dori bedeeryna ratximyhÿre Jesuisi Kristu òraru-ki wowydina tamy biwahinybenykre aõu aõu. Kie, Paulo.

1 Oritxi Mahādu-ò

1 Oritxi Hāwā Dohodỹña Mahādu-ò

1 Paulo jiarỹ Deuxudeewimy deòdumy wāhāre, Jesuisi Kristu deòdỹña-ki wahe. Jiarỹ waityhydỹdu seriøre Sòteni-wana adee warybereny adiwahinyde. ²Oritxi hāwā dohodỹña mahādu-ò heka watyryiti adiwahinyde, Jesuisi Kristu òbitidỹña mahādu-ò, Deuxu hōrō mahādu-ò, hāwyy, hābu-wana, ibutumy Jesuisi Kristu ityhydỹdu mahādu-ò. Tii iny Iòlòrenymy heka ratximyhỹre. ³Ruxetòena, ywina-wana adeeren kanakemyidi watxireri, Deuxu iny tyby-ribi, Jesuisi Kristu iny Iòlò-ribi.

⁴Deuxumy reàlāmy watxiwāhāre, Jesuisi Kristu adeereny ruxetòena diwahinydeki. ⁵Ibutumy dori iribi tòerymy ahāte arybena-di, erysydỹna-di. ⁶Kristu dee rybena akireny roimyhỹre. ⁷Iribi awahidỹña rauhenyōreri, kaiboho dori Kristu deòsidỹñamy teraòmahāte. ⁸Jesuisi arawiohenanyhyy rarekre bededỹñana konana-ò, tatxuu òbitimyy ixiko-ò, rexilamadỹnykemy. ⁹Deuxu òbitihyyra. Tii aratobinyra Tariøre Jesuisi Kristu-wana rarekremy, iny Iòlòrenymy.

¹⁰Jiarỹ adeereny rexitòenyryeri Jesuisi Kristunimyy iny Iòlòrenynimyy wiwese wimyy wimyy bityhynimyy marybebenykemy. Wadee awiøre wiribi hitxi hitxidỹỹ. Wii bitotynityhymy boibekemy adireny watxiwāhāre, araykyreny-ki, aerysynareny-ki. ¹¹Kaiboho waseriøre mahādu, wimyy taujōmotenyteri. Lòe hetowoludu mahādu kia wako relyyra. ¹²Inyō wadee rarybemyhỹre. Ijō mahādu heka Paulo rityhynymyhỹre ihōrō mahādu wahe, ijō heka Apòlo rityhynymyhỹre

ijō tasỹ Pedro rityhynymyhỹre, ijō tahe Kristu rityhynymyhỹre. ¹³Aōherewe, Kristu be iny rihitxihitxinymyhỹre. Paulo be itxeò nihikỹ tyre-ki rurure adeereny. Pauloni-di be rasebere. ¹⁴Inyō he ròratisebenyōre. Krispu, Kaiowanale tahe resebenyrye. Tai tahe wabedesamyy watxireri. ¹⁵Kiamy ta heka inyō rarybeke lau reijōnymahāre: —Jiarỹ Pauloni-di rexisebenyrye. ¹⁶Tefana hetowoludu mahādu adiratisebeninyde. Inyō reratisebeninykeki wanohōti reaōhyrye. ¹⁷Kristu dori aōsebedỹmyy aōkō diwateònyde Rybewihikỹmyy rybemy. Bede erydỹña nihikỹmyy rybemy aōkō diwateònyde, Jesuisi itxeò-ki lamana ariwòkemy aōkō, kia inydeereny rurureki wahe.

¹⁸Kristu itxeò rubumyy ijyy heka ityhydỹdukōdu dee itxỹtena rare. Biu-ò hedu mahādu dee tahe, Deuxu ruru kia rare. ¹⁹Kiamy tahe iritidỹña roire: ierysydu mahādu erysyna-di ariixāwidỹnyke. Bede erydu rayky-di adijjōnykre. ²⁰Titxibo tahe bede erydu rare. Tyryritimyy erydu heka titxibo rare. Titxibo tahe wiji dỹraxidu rare. Kabede ludu bede erysyna heka Deuxu-ò itxỹtedỹña rare. ²¹Bede bede ludu mahādu rōhōtinyrye bedeerytyhymy. Tai tahe Deuxu iximyy riernanyōhyrye. Kia tahe Deuxudeewire. Iny rybewihikỹmyy rybe heka iny witxira-ò itxỹtere. Kia-di tahe Deuxu iny ritarerī iny rityhynyreki. ²²Judeu mahādu aōwiwi rỹikemy aōbo raremyy ratxireri. Judeukōdu mahādu bede erysydỹña-di rarekemy riijemyhỹre. ²³Kristu itxeò-ki lamanamyy iny rarybemyhỹrenyrye. Kia tahe judeu mahādu riojinyrye, judeukōdu mahādu dee itxỹtena kia rare. ²⁴Tahe Deuxu rariròwysyna judeu tule judeukō mahādu-ò heka Kristu erydỹña tule ruruna rare ihedỹñarenymy. ²⁵Deuxu itxỹtedỹñamyy rybe hābu bedeery

ratyre rare. Deuxu iruruòkeki, tii hābu
ruru ratyre iruru rare.

²⁶ Waseriòre mahādu
arariròwysyna-di mohòtinybenybeke.
Betehemy iny ersyna mahādu-ribi
sòweòre, Deuxu rariròwysyna mahādu.
Dinodu mahādu sòweòre, iny Iòlòtyhy
mahādu-ribi sòweòre. ²⁷⁻²⁸ Deuxu heka
aōna aōna itx̄ytena ritare bedeeryhyk̄y
mahādu riix̄yrud̄ȳnykremy. Aōna
aōna ruruò Deuxu ritare aōna aōna
ruru-di riix̄yrud̄ȳnykremy aōna aōna
derare, aō aōkō rare Deuxu ritare aō-di
aō aōkō-ò riyjanykre. ²⁹ Tai dorihe
inyō rexythyhnykōkemy Deuxuko-txi.
³⁰ Kaiboho dori Jesuisi Kristu hōrō
toite. Tii heka inydee ibutumy rare:
ersynamy òbitinamy, tamanamy,
tarasanamy rare biu-ò hena wahe.
Deuxu kia ibutumy diwahinyde
inydeereny. ³¹ Kia dori ritina rybe-ki
roire: —Inyō rexiwowdydynykeki,
Deuxu-ki rexiwowdydynyke.

2 Waseriòreboho aō hābu bede
erynihik̄y wese aōkō adeereny
anade. Deuxu rybetyhyd̄ȳnanamy
ararybekremy. Rybenihik̄y heka
rarybeòre. ² Tii sohojile reeryre
akireny rarewāhāu, Kristu itxeò-ki
lamanale wahe. ³ Akireny rarewāhāu
waruruōmy rarewāhā, ix̄yru brebu tahe
riwamytatad̄ȳnyre. ⁴ Wabedeeryd̄ȳna
erytyhy rybesirahak̄y-di aōkō rarybereri
iny rityhnykemy. Urile tahe Deuxu
Tyytyby ruru-di rarybewāhāre. ⁵ Hābu
erytyhyd̄ȳna aōkō bityhnykemy
adi wāhāre Deuxu ruruna tahe
atyhynarenymy heka idi toite.

⁶ Ityhyd̄ȳdu umy-ò bede eryd̄ȳna-di
rarybemahāre. Kabede aōmyd̄ȳnana
bede ery aōkō rare. ⁷ Kia tahe Deuxu
eryd̄ȳna tyhyre. Kia heka hābu mahādu
lau riwòmyh̄ȳre. Juhu inydeereny
riywinyre. ⁸ Kia bede eryd̄ȳna inyō
wiji Iòlòtyhy mahādu rieryōre. Kia
rierymyh̄ȳkeki, Wanyr̄y wowdydyna-ribi

itxeò-ki ritamad̄ȳnyōhyre inihe.
⁹ Iwese Ritid̄ȳna roireri wese rare:
—Rue lobixiōhyymh̄ȳre, nohōti
heka roholaōhyymh̄ȳre, inywo
rieryōhyymh̄ȳre, aōbo Deuxu
riwinyre taluuna mahādu dee,
tamy riwahinykremy. ¹⁰ Deuxu
Tyytybytyhymy kia inyboho
riteōwarixinyreny. Ityytyby ibutumy
rieryre. Deuxu raykywo-ribi aō
rit̄ynynymh̄ȳre. ¹¹ Inyle heka iny
ixirayky rierykre, kawese tule Deuxu
tytybydyile aōna aōna rierykre.
¹² Bede aōmyd̄ȳnana aōkō inydeereny
wahisid̄ȳdu rare. Deuxu Tyytyby tahe
inydeereny wahisid̄ȳdure. ¹³ Kiadile
Deuxu wahisid̄ȳna iny reeryreny.
Kia iny reeryd̄ȳnanamahāreny hābu
bede eryd̄ȳna-di aōkō, Deuxu Tyytyby
rybe-di tahe reeryd̄ȳnanywāhāre.
Kia iny ret̄ynynmahāre iny Deuxu
Tyytybytyhy-di mahādu-ò. ¹⁴ Iny Deuxu
Tyytybytyhy-di r̄yīōra mahādu dee
Deuxu Tyytybytyhy aōmyd̄ȳna dera.
Tamy itx̄yte rare. Rierykōre. Deuxu
Tyytybytyhydiile iny rierymyh̄ȳre.
¹⁵ Iny heka Deuxu Tyytybytyhydikeki
ibutumy rierymyh̄ȳre. Inyō tahe tuu
aōmy tuu irybeōna. ¹⁶ Ryberiti-ki roire:
—Mobo tahe rieryre Wanyr̄y rayky,
mobo tamy aō rit̄ynynykre inyō aōbo?
Inyboho Kristu rayky ijōdire, iwesele
raraykynymh̄ȳre.

3 Waseriòreboho adeereny
rarybeōhyre hābu Deuxu
Tyytybytyhy-di r̄yīra wesemy. Hābu
òrarudu wesemy r̄yīrawesemy
adeereny ararybeke. Uladu wesemy
Kristutyhyd̄ȳ-ki r̄yīra wesemy
adeereny rarybere. ² Hūsy-di òed̄ȳ
araerynad̄ȳnyrenyreu r̄ys̄ynatere we-
semy aōkō eryd̄ȳnasiramy aōkō rybe.
Kia r̄ys̄yna r̄ys̄my textiywinyōteny.
Wiji tule texihumy aōkō toiteny.
³ Òrarudu wesemy dori ahāteny.
Ihārumy, ijāmy atximyh̄ȳteny. Tai

tahe òrarudu mahādu wesemy ahāte ityhydỹdukōdu mahādu wesemy ahātenyte. ⁴Inyō rarybekeki: —Jiarỹ Paulo erydỹnay-ki rare. Ijō rarybekeki: —Jiarỹ Apòlo erydỹnay-ki rare. Tiiboho ityhydỹdukōdu mahādu wesemy ihỹrenyre. ⁵Aōbohe Apòlo, aōbohe Paulo. Deuxu deòdu heka inyboho roire. Inyribireny tetyhynymy teermahātenyte. Iwese Deuxu iny sohoji sohoji-ò aōmydỹna riwahinyre wese, tai tetyhnytenyte. ⁶Ta jiarỹle rybemy rarybere iny aōty ribòrònymyhỹre wese, Apòlo rybe ritỹnynyre iny alòbòròna ribenymyhỹre wese rituunyre. Deuxule tahe idimyhỹre iwese alòbòròna riumydỹnymyhỹre wese. ⁷Tai tahe tòbòròdỹdu aō aōkō rare; ituudỹdu tule aō aōkō rare. Deuxule aōwedu wedu heka rare. Tiile ityhydỹdu widỹdu nihikỹ rarekre. ⁸Tòbròdỹdu ituudỹdu-wana sohoji wesemy ihỹrenyre. Sohoji sohoji tauri wahisidỹ ritakremy, iwese sohoji sohoji raaōmysdỹmyhỹre wese. Wiwana dori Deuxu dee iny raaōmysdỹmyhỹre. ⁹Inyboho heka Deuxu wiòhedỹdu mahādu roire. Kaiboho tahe Deuxu oworu wese toite. Iwese tahe Deuxu heto wese kaiboho toite.

¹⁰Heto widỹdu deyrewa wese retelenyre. Ibutumy Deuxu ruxetòdenamy kia rewinyre. Juhumana retidire idi tahe itira ityre reòdònyra. Ywimy biwinybenykre. Awimy bitamadỹnykemy. ¹¹Jesuisi Kristu juhumana wese heka rare, inyō tiile tarasadu wahe ijō manaō teròwmy ritidiòtyhy. ¹²Ibutumy juhumanatyre-ki relereri. Ijō womati tỹrỹrỹhỹkỹ, ijō prata-di ijō manatỹny-di, ijō òwòru-di, ijō òteti-di, ijō horeru-di. ¹³Kia txuu Kristu txu wahe riteòsinykre aòdibo sohoji sohoji raaōmysdỹmyhỹre heòty dori riurihixinanykre.

Aōhebo iny rotỹnymyhỹreki. ¹⁴Juhumanatyre-ki iny aōmydỹna rỹikeki, tii uri iwahisidỹnana ritakre. ¹⁵Iny aōmydỹna rasòkeki tii rònodỹkre. Ihāre tahe tarasana ritakre heòtyroobymy wahe.

¹⁶Kaiboho Deuxu heto wesemy toitemahā. Teeryòte aōbo. Deuxu Tyytybytyhy heka aworeny-ki rasỹnymyhỹre. ¹⁷Inyō Deuxu heto wesemy rahukeki, Deuxu tii rihukre, Deuxuheto dori rare. Kia tahe kaiboho toite Deuxu heto lytytyhy rare, ihòròtyhy wahe.

¹⁸Ixi itxenadỹōmy, inyō bedeerymy ixi-di rōhòtinykeki, raitxỹteke tai tahe bedeery inatyhy-ki rareke. ¹⁹Kabede bede eryna tahe Deuxu dee itxỹtena rare. Kia Ritidỹna-ki tahe roire: —Bede erynadu tyhy tabedeerydỹna-ki Deuxu-ò rònodỹkre. ²⁰Ijō Ritidỹna-ki roire: —Wanyrỹ, bede erydu rayky rieryre. Kia raykywi aō aōkō rare, rybetyhy aōkō. ²¹Iny aōmydỹnana-di ixi-wowydydỹōmy, ibutu dori ahòrò rare. ²²Paulo, Apòlo, Pedro, bede, umy, rubu, aōmydỹna wijina, aōmydỹna bede kanakre, ibutumy ahòrò rare. ²³Kaiboho Kristu hòrò toite. Kristu Deuxu hòrò rare.

4 Inyboho Deuxu deòdu roire, ibutumy idi mohòtinybenyke tii inykireny ihỹre. Inyboho dori Deuxu aōmydỹnana erykòdu tỹnydỹdu roire. ²Deuxu tỹnydỹdu òbitihyky rarekemy. ³Wadi rōhòtinykeki awimy aōbo ibinamy aōbo kia tahe wadee aō aōkō rare. Aōbo dohodỹ tỹnydỹdu mahādu wadi rohòtinyke kia wadee aōkòhykyre. Jiarỹ tahe ixi-di dehummy rahòtinyòhyamahāre. ⁴Jiarỹ reeryòre inyō aòbinamy wadee rexiwonyke warayky wadee òbiti rare. Tahe ihārele òbitimy iko-ki rare. Wanyrỹ tahe wadi timy rōhòtinyke. ⁵Kia tahe wiji idi timy nohòtiōmy. Jesuisi nonanako-ki.

Tii tahe kanakreu, ibutumy wasimy aõ rÿira ritÿnynykre, ibutumy iny raykumy rÿira ritÿnynykre. Kia txule ibutumy iny tabedeòby ritakre Deuxu-ribi.

⁶Kia aõna aõna wawese riwawesenanyreri. Apòlo wese tule rewesenanyreri. Kaiboho dori bierybenykemy kia: ierysydÿÿrenyõmy aõbo iritidÿÿnawo-ki ihoõre. Kia wese keki, ijò tÿnydÿÿdu ijò ratyre ryiõtyhy. ⁷Mobo iny wiribi iwitziramy ihÿre. Aõbohe akire Deuxule aõwiwi adee riõre. Ibutumy iribi tetateki tahe aõherekibo axiwedere. ⁸Kaiboho ibutumy aõ ijòdire. Tatyhytenyte, iòlò wesemy taditehemynyte iny arawiòhenanyrenyõre. Wadee awire kaiboho iòlòmý ahàtenyte. Tai jiarÿboho awana ariòlònykre. ⁹Kiamyre òsana. Deuxu dee heka inyboho deòdÿÿna mahàdu rurukrerke mahàdu roire ibutuko-txi, ÿjuko-txi, hãbukò-txi.

¹⁰Kristu òraru-ki itxÿtewesemy jiarÿboho roire. Kaiboho Kristu erydure riki. Jiarÿboho warurukòrenyre. Kaiboho orarudirenyre jiarÿboho inyò waluurenýõre. Kaiboho tahe ibutu luuna toite. ¹¹Ihàre tahe wiji ramamy, bemomomy, tykyõmy rekoamýhÿre. Tule sÿywisidÿÿna rÿiõre. Tule jiarÿboho wahãwã òbiti ihokòre. ¹²Ihàre inyboho naaõmysÿdÿÿmyhÿde iny debò-di irukemy. Inyò inydeereny aõbinamy rarybekeki, awilemy inyboho rirawýònymýhÿre. Inyò aõsirahakÿle inydee riwinykeki, aõmy rybeõmyke. ¹³Rybebinamy inyboho dee reakeki, ihàrele Deuxumy tamy rarybemyhÿre. Rÿnysityby wese inydireny tiiboho retehemýhÿre, ijese ijese wesemy.

¹⁴Kia ròritidÿÿreri aixÿrudÿÿrenymy aõkò, tahe wiòhedÿÿdumy retirÿreri binadÿÿna lau, iwese initybyò tar-iòre rierynanyre wese. ¹⁵Tahe sòwemy Kristu-ki bede erydÿÿdu rÿire. Sòwemy aõkò bobohomy rÿirenyre. Kristumy

heka jiarÿ sohojile borenymy rare. Rybewihikÿ ersyna-di dori borenymy ràire. ¹⁶Kia dori kaiboho wawesemy boibekemy adireny watxireri. ¹⁷Tai Tx-imòtxi reteònyre adeereny. Tii war-iòre luu wesemy ratxire. Tii òbiti rare Wanyrÿ-ò. Tai watxi òhòtirený reake iwese Jesuisi Kristury wese rariamýhÿreki, tule iwese reerynanyre wese ibutu dohodÿÿna hetowo-ki. ¹⁸Inyò ixiwowydumy ixidi ròhòtinymýhÿ iwese arura-ò araòreki. ¹⁹Wanyrÿdeewikeki arakre wylemy arorarený-ò. Tai arierykre ixiwowydumy nohòtidu irýbe sohojile aõkò arierykre, aõhebo rotÿÿnyre tule arierykre. ²⁰Deuxu òlòna heka rybe sohojile aõkò rare, rurutyhy heka rare. ²¹Aõbo tahe awityhyre òhòte-di adehemyny aõbo, ada luuna-di ywina-di adehemyny aõbo?

5 Dohodÿÿna mahàduy-ki òrarutyhy-di riki toite kia tahe rare: hãbuò heka tybyhãwytyby-wana roire. Kia òraru tahe ityhydÿÿdukòdu mahàdu riòludunyòhyymýhÿre. ²Kia hyyle ixi-di aõ aõkò tòhòtinymýhÿte. Aõherekibo bede teòtiinyòtenyte tahinyõmy idi textitòenyòhytytenyte. Hãbu kia riwinyre, ityhydÿÿdu mahàduy-ribi biòlòdÿÿnyke. ³Jiarÿ akýreny-ki watxiòrerihàre, tahe warybetytyby awanarený ratxireri, iwese jiarÿ awana ratximýhÿre wesele. Tahe wadohodÿÿna ariwahinykre kahàbumy ibinamy riwinyremy. Tahe ityhydÿÿdu ributunýkeu, ⁴warybetytyby akirený rÿireu, Jesuisi Kristu ruru akirený rÿireu, kahàbu Satanasi-ò biwahinybenýke. ⁵Tai kahàbu umy Satanasi-ò biwahinybenýke itytytyby tahe rahenykre Wanyrÿ Jesuisi kia nonanatxu-u. ⁶Arybe iximý wydy awi aõkò rare. Taholaòtenyte aõbo kia rybe-ò; iuri ibutere paò widÿÿna sòwemy rauridÿÿra uridÿÿna heka òraru wese heka rare. ⁷Idi behubenýke iuri

hitxina-di, tahe paō iuriōmy r̄yirekre wese boibekemy òbitimy, Kristu tule buddeni xiwed̄ȳna wesemy inydeereny rurure, iny Pascoareny worana bedehesi dorihe rar̄ȳnomy rare. ⁸Tai tahe ixena roxina rikiwinyrenyke. Paō iuri-di ryiōmy rakatximyh̄reny. Kia uri paō òraruihetxina wese rare. Paō t̄myra, òbitire, inatyhyre, tii rikiyrenyke. Kia tahe rare òbiti wid̄ȳna wahe.

⁹Adeereny watyriti rewahinyre òrarudu mahādu roo-ki risiōmy, òtadu mahādu-wana boiōkemy. ¹⁰Ibutumy òrarudu mahādu-ò aōkō adeereny rarybere. Iny ibina mahādu, wasidu mahādu, Deuxutyhy luukōdu mahādu. Kia-wana noōrenymykeki, bederibi ihyyle bexihitxinyke. ¹¹Wiji watyriti kia wese rewahinyre. Ityhyd̄ȳduy-txi ròtedu òrarudu rarehykeki, kia roo-ki risiōmy tule iny ibina mahādu, Deuxutyhy luukōdu, ujōmomy rybedu, wasidu, axaxa momodu, kia mahādu-wana tahe byreōmy. ¹²Ityhyd̄ȳdukōdu mahādu ywisid̄ȳdu aōkō jiar̄ȳ rare. ¹³Deuxu dohod̄ȳdukōdu mahādu hitxid̄ȳdu rarekre. Deuxu Ryberiti-ki roire: —Òrarudu ay-ribi biòlòd̄ȳnyke.

6 Iny ityhyd̄ȳduō wīdee raurenanykeki, aōbohe awire? Erysydu-ò rikidy aōbo ada ityhyd̄ȳdu mahādu-ò rybeke aōbo? Uritere ityhyd̄ȳduòle marybekre. ²Ityhyd̄ȳdu mahādu bedede mahādu ierysyd̄ȳkre. Kia teerytenyōta aōbo. Ityhyd̄ȳdu mahādu bedede mahādu ierysyd̄ȳkeki, aōna aōna iyja tahe teeryōtenyete timy ras̄d̄ȳnykemy. ³Tahe inyboho ȳju aōmyd̄ȳnana rikiyrenyke. Kiakeki iratyre kabede aōmyd̄ȳnana rakiyrenyhyke. ⁴Erysyd̄ȳnana ijōdikeki, aōherekibo erysydu ityhyd̄ȳdukōdu-ò radymh̄ȳre. Ityhyd̄ȳdule aōtxi awire. ⁵Kia heka adeereny ix̄ȳruna rare. Hābu erysydu

ityhyd̄ȳdu mahāduy-ki ratxiōre aōbo ierysyd̄ȳ-ki. ⁶Erysydu ijōdihāre ta ityhyd̄ȳdu seriōre wii ridyke aōbo ityhyd̄ȳdukōdu erysydu-ò, kia awiōre. ⁷Ityhyd̄ȳdu wii ridykeki, kia tahe iaō bedede eryōmy rare. Inyō adeereny aōmy rot̄ȳnykeki, urile tahe aōhōk̄my rot̄ȳnykre. Kia heka Inynyr̄-ò òbitire. ⁸Kaiboho ityhyd̄ȳdu hāre aōhōk̄my wii tes̄ynmahātenyete. ⁹Òrarudu mahādu-ò, Deuxu Iòlōna uri riwahiōtyhy. Kia teeryōtenyete, iny ywimynoduō, Deuxutyhy luukōdu, wiriōrese-ò òtadu, hābu hāwy wese rexiwahinymh̄ȳre ijō hābu-ò. ¹⁰wasidu, ixidee imynomy nohōtidu, axaxamomodu, jei jeimy rybedu, inywitxira aōmyd̄ȳnana wydydu, kia-ò Deuxu Iòlōna uri rawahiōtyhy. ¹¹Kaiboho heka juhu kia wese toite. Wiji tahe iny Iòlò Jesuisi Kristu, anasuhode, anaixāwidinyde anatade Deuxu Tyytybytyhy-di.

¹²Ibutumy ariwinyke ixidee wikeki ibutumy aōmyd̄ȳnana tahe iwid̄ȳ awiōre. Ibutumy arot̄ȳnyke ixidee wikeki, aō aōkō tahe waumy-di rarekemy raremyh̄ȳ. ¹³R̄ys̄naheka weryri-ò ralōmyh̄ȳ kia-ò heka ih̄myh̄ȳre. Kia heka Deuxu wiwanale rahukre ikonana-ò. Umy heka òraru-ò sohojile aōkō r̄ȳre. Deuxu umydikemy dorihe riwinyre. ¹⁴Deuxu Inynyr̄ riixixanyre rubu-ribi. Tule iny kidiixixanykre taruru-di. ¹⁵Iny umy heka Kristu rareasa rare. Kia aōbo teerytenyōte? Kabe Kristu rareasa aderana-wana rabutukre, aōkōrehe. ¹⁶Inyō hābu aderana-wana roikeki, sohoji umyhyyle wiwana roireke. Kia teerytenyōte aōbo? Kia Tyyriti Iritina-ki roimh̄ȳre, hābu hāwy-wana sohoji umyhyyle wiwana roireke. ¹⁷Moo Wanyr̄-wana ributunyekeki, sohoji Deuxu Tyytybyle rareke. ¹⁸Òraru-ribi teòrehemy atximh̄ȳbenyke Ijō òraru

inyò riwinykeki umywo-ribi nodu aòkò rare. Òta òta òraru tahe inyò riwinykeki, kia ixiumy òludu òraru-di reake. ¹⁹Aumy Deuxu Tyytybytyhys̃ rare. Kia aòbo teeryòte? Deuxu rexiwahinyre awo-ki ras̃nyhyymy rarekremy. ²⁰Kaiboho aumy wedu aòkò atxitenyteri. Jesuisi Kristu adee rurureki. Tii òwynihik̃-di anadyde, Kia tahe aumyreny-ki Deuxu-ò beàlàbenyke, òbitimy bexis̃nyke aumyreny-di.

7 Attyriti d̃ỹraxi rerawyònyteri. Kia rare: hàbu h̃awwy-ò aderexiòhyykeki, kia heka awire. ²Hàbu tah̃awwydihyyle rareke, tule h̃awwy tah̃abudihyyle rareke òta òta òraru dori s̃owereki. ³Hàbu tah̃awwy-ò umy wahisid̃ỹna tamy riwahinyke. H̃awwy tah̃abu-ò umy wahisid̃ỹna riwahinyke. ⁴H̃awwy taumywedu aòkò rare, ih̃abu iwedure. Tule hàbu taumywedu aòkò rare. Ih̃awwy iwedure. ⁵Wiòmysad̃ỹỹomy. Urile rexitòenykemy aòutxu-ò wii riòmysanykre. Urile ixideewimy wiwana ratxike. Idi wiwana roikre Satanasi riixiranyheny beded̃ỹnana rijereki. ⁶Kia warybe bede ywina aòkò rare. Urile wadod̃ỹna rare. Adee awikeki, tuu bityhynybenykemy. ⁷Ibutumy hàbu wawese r̃ỹirakeki, awire. Iny sohoji sohoji tahe, Deuxu bede ywisid̃ỹna tamy riwahinyra ijò wiribi lahitxi ih̃yre.

⁸Ixihy mah̃adu-ò wytese mah̃adu-ò wadod̃ỹna rewahinyre: wawese hyy r̃ỹirakeki, awire. ⁹Ixiweduõkeki, tahe boikre, tii arasahyy mabekelau. ¹⁰⁻¹¹Hàbu h̃awwy heridu-ò warybe rewahinyra, tahe warybe aòkò rare, Wanyr̃ rybe. Kia rare: H̃awwy uritere tah̃abu ririòhyyke. H̃awwyò tah̃abu-ribi rexihitxinykeki, ijò-wana roiòke ada tah̃abuwanale ixby roiike. Tule hàbu uritere tah̃awwy risiòmy. ¹²Ijò-ò warybe rewahinyra Wanyr̃

rybemy aòkò: Ityhyd̃ỹdu seriòre ih̃awwy ityhyd̃ỹdukòdukeki, uritere iatysyòmy h̃awwy tii-wana rarekemy ratximyh̃ỹreki. ¹³H̃awwy ityhyd̃ỹdu ih̃abu ityhyd̃ỹdukòdukeki, tule uritere iatysyòmy tah̃awwy-wana rarekemy ratximyh̃ỹreki. ¹⁴H̃awwy dori ta hàbu ityhyd̃ỹdukòdu riòbitinymyh̃ỹre rityhyd̃ỹnymyh̃ỹ tii-wana ratximyh̃ỹreki. H̃awwy ityhyd̃ỹdukòdu iwesele ta hàbu ris̃nyre. Aòkòkeki ariòre ityhyd̃ỹdukòdumy raremyh̃ỹ. Ka tahe rityhynyteri. ¹⁵Ityhyd̃ỹdukòdu resekeki ixinamy rake. Kia wesekeki, ityhyd̃ỹdu ritaamy aòkò ih̃yre. Kaiboho ywina-di boibekemy Deuxu ratximyh̃ỹre. ¹⁶H̃awwy, teeryte ta hàbu rityhynykre aòbo, ada aòkòre aòbo? Aòkò, teeryòte.

¹⁷Iwese Deuxu iny sohoji sohoji rihitxihitxinyre wese, boibemah̃ake. Iwese atximah̃atenyete wese Deuxu anatadenydeu kia wese boibeke. Kiamy heka reerynanymah̃are ibutumy dohod̃ỹna-ki. ¹⁸Inyò notyky resyna-di bityhynykeki, kaweselemy mabeke. Inyò òtyky resyna-di aòkò bityhynykeki, juhuu tatemah̃a wese mabeke, notyky resyd̃ỹỹomy. ¹⁹Notykyresy aò aòkò rare, ityky resỹkò tule aò aòkò rare. Deuxu bede ywina ywid̃ỹna, kia heka aò wihik̃ rare. ²⁰⁻²¹Iwese Deuxu ibutumy iny ditade wese, juhu wid̃ỹnalemy mabeke. Deòdumy aòbo tetyhynyte, tahe tuhyymy mabeke. Awedudeewimy bexihukeki tahe, idi make araokorore-ribi bohonykeki, tahe make. ²²⁻²³Deòduò-ò Deuxu ritakemy rarybekeki, tahe rityhynykeki, tii raòkòrò-ribi rohonyra Deuxu rue-ò òkresyò mah̃adu rityhynyrenykeki, tiiboho deòdu roire. Deuxu aradyra òwyhyk̃-di tai tahe hàbu deòdumy aòkò boibeke. ²⁴Ityhyd̃ỹdu seriòre, iwese atximah̃ate wese adee tarasanamy Deuxu rarybereu, kia wesele boibeke.

²⁵ Ijadòma-ò bede ywinamy Wanyr̃y Deuxu tarybe diwahinyòde. Ihārele wadohodỹna adee ariwahinykre kialemy. Deuxu dori tatdenamy riwaòbitinyre. ²⁶ Aòhebo kowa rotỹnyre, awi aòkò rare. Kia tahe aratohonykre: Iwese iny ratximyhỹre wesehy, boibeke. Tii tahe wadee awire. ²⁷ Kai aòbo hāwyymy heridu tate. Tahe ixihitxidỹmy nohòtiòmy. Kai aòbo hāwyymy heridu aòkò tate. Tahe hāwyymy herimy nohòtiòmy. ²⁸ Tahe hāwyy-wana boikeki. Tii òraruna aòkò rare. Tule ijadòma roikeki tule òraruna aòkò rare. Ibutu iny heridu iaòmydỹ-ki aòhòkỹmy rotỹnyrenyke. Ilau jiarỹ adeereny rarybere inyò aòhòkỹmy rotỹnyheny. ²⁹ Bededỹnana he iòhòre. Tai tahe adee rarybere waseriòreboho, inyò heridu ixihyno wese ratxikemy. ³⁰ Iny bedewomy ratxirerí, ixibedewodỹ-ribi tòhòti rosake. Iny deysamy ratxirerí, deysa-ribi nohòti rosake. Inyò aò riwymhỹré, ihokò wese rotỹnyke. ³¹ Kabede aòna aòna kai bierysynanykeki iwese ierysydỹòmy bisỹnyke. Kia aòna aòna ibutumy ituekre. Bededỹnanahe aòwesele rexihukre. ³² Ixiraòmy ahābenyke, kiamy tahe adee watxiwāhāre. Inyò heridu aòkò Deuxu aòmydỹna riywinymhỹke, iwese Deuxudeewimy ratximyhỹkemy. ³³ Iny heridu heka bede aòmydỹna riywinymhỹre, iwese tahāwyydeewimy ratximyhỹkemy. ³⁴ Kiamy rihitxinyre. Hāwyy tule heridu aòkò Deuxu aòmydỹna riywinymhỹre taumy Deuxu Tyytybytyhy òbitidỹmy. Hāwyy heridu tahe bede aòmydỹna-di rōhōtinymhỹre tahābudeewimy riywinykemy. ³⁵ Kia aratohodỹnyra adeerenywikremy. Kaiboho arataaòtyhy. Urile anaw-iòhenanymahāde Deuxu iòhòmyhỹreki.

Iòkōramy ibutumy arahenyrenykeny watxiwāhāre.

³⁶ Ijadòma tibiedỹdu tatibiena-ò òbitimy aòkò risỹnymy rexino-hōtinymhỹre. Ijadòma tahābumy herina bede-ò rehemynyre. Tahe tatibiedỹna-di inyò-wana roikemy idi ihỹre, ixinamy roike. Kia òraruna aòkò rare. ³⁷ Weryrybò heriòkemy raruronykeki, tii tahe awire. Tii dori irurudire iheridỹnyke heny. Tii ixiumy wedu rare. ³⁸ Tahe riheridỹnykeki, tii awire. Tule riheridỹnyòkeki, iratyretyhy awire.

³⁹ Hāwyy hābu-wana rỹihyyke hābu irumy. Rurukeu tahe hāwyy aòtxile roike. Urile Wanyr̃y Deuxudeewimy. ⁴⁰ Tahe wytesetyhymy ratxihiyykeki, teysamy rỹikre. Tuheka jiarỹ rahōtinyreri. Deuxu Tyytybytyhy wawo-ki ratxirerimy idi rahōtinyreri.

8 Katahe adeereny ararybekre: Suritxoo-ò rỹsỹna xiwedỹnyamy. Inyboho ibutumy bedeery roire. Bede ery iny aōnityhymy rixinohōtinyre. Luuna tahe inywiòhedỹdure. ² Inyò aōerysydumy rexinohōtinyykeki tii aōwihikỹ rieryòre. ³ Inyò tahe Deuxu luukeki, Deuxu tii rierymhỹre. ⁴ Kaa rỹsỹna suritxoo-ò xiwemy rawahimyhỹre. Kia tahe aritỹnynykre. Inyboho rierereny suritxoo aò aòkò rare. Sohojihyy heka Deuxu rare. ⁵ Iny deuxu aò òta òtalemy rininimyhỹre biu-ki, bede-ki. Iwese deuxu sōwemy ihỹre wese wedu sōwe rare. ⁶ Inydeereny Deuxu sohojile rare. Inytybyreny. Tii ibutu aòna aòna riwinyre. Tamy inyboho roire. Tule inydeereny Wanyr̃y sohojile rare, Jesuisi Kristu. Tii ibutu widỹdure. Tii ratximyhỹre xiery inyboho ratximyhỹreny. Tamy inyboho roire.

⁷ Tahe ibutumy kia iny rieryòre. Iny sōwemy suritxoo iny reòwarimy rỹira. Tii riki ixiwenadumy riroxikeki,

tai òraruna tuu relemhyhre. ⁸Rÿsÿna aòkò riwatyhenyrenyra Deuxu-ò. Tai roxiheny rÿire. Rikirÿsÿrenyòkeki, rikiònonyrenyòtyhy. Rikirÿsÿrenykeki, aò rikitarenyòtyhy. ⁹⁻¹⁰Bexiebenyke. Urile ityhydÿÿdu aokòdu ixihe-ki iatysyòmy, aurihixinahe-ki. Suritxoo hetowo-ki inyò умы robikeki teroxiterimy, tii tule ijò rÿsÿmy rexiwonrye, xiwe rÿsÿmy. ¹¹Tai tahe aòraru-ki aseriòre atyhyna-ki òraruna-txi resekre. Tamy Kristu tarasamy rurure. ¹²Kiamy ityhydÿÿdu seriòre-ò taðrarunyteki, tule Kristu-ò texiòrarunyte. ¹³Tai rÿsÿna òraru-ki ityhydÿÿ-ki waseriòre òraruna-txi resekeki, jiarÿ kia rÿsÿna ariroxiòtyhy, waseriòre òraru-ki.

9 Jiarÿ adeereny rexihyymy watxiwähäre. Jesuisi teòdÿÿnamy jiarÿ watxiwähäre. Jesuisimy, Inynyrÿrenymy rabiòremy tahòtinymahätenyte aòkò, Jesuisimy rabire. Waðraru-ki kaiboho ityhydÿÿdumy toite. Deuxu dee waòmÿsÿdÿÿ òraru-ki ayreny-ki. ²Inywitxiraò-ò òsana Deuxu deòdÿÿnakòmy watxiwähäre. Adeereny tahe inatyhymy Deuxu teòdÿÿnamy wähäre kaiboho dori wateòdÿÿna urihixinamy ahätenyte Deuxu dee.

³Kia tahe warawyòdÿÿna rare iny witxiraò-ò: ⁴⁻⁵Jiarÿ ariroxikeki, ariòkeki, tai aòkòhe awilere. Ityhydÿÿdu hāwyyò-wana, wawana aridykekò aòbo awileke. Kawese ibutumy Deuxu teòdÿÿna mahādu rotÿÿmyhÿre, tule Jesuisi seriòre, tule Pedro. ⁶Jiarÿ, Banabewanahyyle raaòmÿsÿdÿÿwähäre iny aòreny tarasanamy. Kia rikirirenykeki, awikeki, aòbo. ⁷Inyò aòbina-ò rakeki, ta aò aòbo riòwynyke? Aòkòre. Inyò oworummy uva bederaty ribrònyke-wana, bederatyò aòbo ritòleke. Inatyhymy inyò teòte asi-ò riyrubunymyhykeki, ihowÿsymy aòbo riòmhyhÿke? Kohe,

riòmhyhÿke. ⁸Kabexe hābu wese aòbo jiarÿ rarybereri? Tule tahe bede ywina tyyriti aòbo riritinymy rÿimhyhÿre. ⁹Moisesi bede ywina ritidÿÿna-ki rÿimhyhÿre: —Broreniry itaaòmhyhÿ maixòmo tyre rariamy risymhyhÿreu. Deuxu aòbo broreni riwotòenymhyhÿre. Aòkòre. ¹⁰Tahe waðrarureny-ki aòbo kia rarybere. Kohe. Inyò ròbròmhyhÿreu, iyremy ritakemy ròhòtinymhyhÿre. Tule inyò riòròmhyhÿreu, ijòò ixidee ritakemy ròhòtinymhyhÿre. ¹¹Deuxu Tyytybytyhy aòmÿdÿÿnanamy adeereny anaernanykeki, idi aòna aòna aribireny aritaleke, aòbo? Kia aònityhyre aòbo? ¹²Iny witxira aò aribi ritake-wana, jiarÿboho iratyre iu aròtarenykemy arotÿÿnyrenyke. Tahe tiu ròtaòhyyre. Deuxu Rybewihikÿ tÿnydÿÿna ariokòròòtyhy. Tai ibutumy aò witxira witxira riòludunywähäre. ¹³Dohodÿÿna heto deòdu irysyna ritamyhÿre dohodÿÿna heto-ribi. Xiwe dinodu aò rÿsÿna ritamyhÿre xiwena-ribi. ¹⁴Kia wese Deuxu rarybere; inyò Rybewihikÿ ritÿnynykeki, ibutumy aòmÿ reamhyhÿre ritamyhÿre, Rybewihikÿ aòmÿsÿdÿÿbro-ribi. ¹⁵Tahe jiarÿ aò aribi retaòhyyre tule kia reritinyreri aò aritakemy aòkò aribireny. Warybe inyò riònonykemy aòkò watxiwähäre iko-ki tahe arurukre. ¹⁶Jiarÿ Rybewihikÿ retÿnynymahäre, rexierymahäre dori aritÿnydÿÿke. Kia heka aòhòkÿ aòkò waloosònadikemy rare. Rybe aritÿnynyòkeki, heka aòbinatyhÿò wadee kanake inyhe. ¹⁷Ixidee wimy Rybe aritÿnynymhyhÿkeki, tai ki aritakre. Ixideewimy aòkò aritÿnynyke-wana, ihārele tahe itÿnydÿÿmy iwahisidÿÿna wadee roire. ¹⁸Kiake-wana, timybo wawahidÿÿna ihÿre. Kia heka rare. Rybewihikÿ tÿnydÿÿ-ò arexiòwynyòtyhy. Aòbo inatyhymy wahòròre, retaòhyywähäre.

¹⁹ Jiarĩ inyeòdumy aòkò rarehyy-wāhā. Tahe iximy rexideòdunyre sòwemy iny òraru-ribi aritakemy.

²⁰ Judeu mahādu-ò judeu wesemy jiarĩ rexisĩnyre, judeu mahāduò dori òraru-ribi aritakemy idi watxireri. Moisesi bede ywina yrubudỹĩdu mahādu dee ixiwesemy rexisĩnyre iòraru-ribi dori aritakemy. Urile jiarĩ kia bede ywiny rubudỹĩna aòkò rare.

²¹ Bede ywina aòkò mahādu dee ixiwesemy rexisĩnyre. Urile Deuxu bede ywina dire jiarĩ Kristu bede ywina yrubudỹĩdu jiarĩ watxiwāhāre. Kia iòraru-ribi aritakemy jiarĩ rexisĩnyre.

²² Irurukòdu mahādu-ò waruru aòkò wesemy rexisĩnyre, irurukòdu mahāduò ritakemy. Ibutu iny deewesemy rexisĩnymy rarewāhā, aòtxile tiibohoò aritakemy iòraruna-ribi. ²³ Ibutumy rewinyre, Rybewihikỹ dee iwiohedỹĩdukemy ixi-di wāhāre.

²⁴ Ijarana ròhònykeu ijaramy ijaranadu sohojile ròhònyra. Tiile wahidỹĩna ritake. Kaiboho mai-jarenybenyke tii bitakemy. ²⁵ Ibutumy ijaradu ixidi rorenymyhỹre aòikòkòmy rexiernanymyhỹre. Kia riwinymyhỹ wahidỹĩna ritakemy. Kia wahidỹĩna retybykre. Inydee wahidỹĩna tahe retybyòtyhy. ²⁶ Jiarĩ kawesemy raijaranyre aò aritakemy. Axiò ijesumy resuwāhāre yhyle rehetenyre wese aòkò. ²⁷ Waumy-di ròrenyhywāhāre. Wadeòdu wesemy waumy resĩnyre. Tai dori resĩnyre. Jiarĩ inyò-ò Rybewihikỹ aritĩnynykeki, ywimy dehudu wesemy aòkò arareke, adehuky-ribi riwata lau.

10 Boholabenyke wesiòre ityhydỹĩdu mahādu. Inybyreny kia biuwetyky nonoe rawo-di roimyhỹ. Tule ahobesòhòkỹ rawo-di reuròrenyre. ² Moisesi, iwedu, ibutumy aho-di nonoe-di rexisebenyre. Tai iwedu inatyhymy rityhynyrenyre.

³ Deuxu Tytytyby rỹsỹna sohojile wiwese wesele ibutumy rirỹsỹre.

⁴⁻⁶ Deuxu Tytytybytyhy mona sohojile ihỹre. Bee manay-ribi nade. Mana tahe Kristuweselemy ihỹmyhỹre. Inynyrỹ kiamy roiremyhỹu. Deuxudeewimy aòkò riwinymyhỹre. Tai rurure bedero-ki. Kia tahe inyeereny bedeery urihixina erysydỹĩnamy ratxireri, inyboho-dori aòbina widỹĩna aòkò rokohotinyrenykemy, iwese tiiboho riwinyre wese aòkò.

⁷ Inyboho suritxoo tyhydỹĩdukòmy rokoireke iwese ijò mahādu tuu rerinanymyhỹre wese kòkremy. Ritina-ki roimyhỹre: —Tiiboho ronymyhỹre riroxikemy, riòkemy. Tahe ritamanyrenyre risinykremy.

⁸ Tule òta òtamy rokotỹĩnyrenyòke iwese tii riwinyre wese —tai 23.000 iny rurure sohojixu-u. ⁹ Deuxu urihixirenyòmyke, iwese tii riwinyre wese. Tai rururenyre hemylala jurutana-ki. ¹⁰ Iburaòmyke iwese tii ribuarenyre wese. Tai rubudỹĩdu rirubunyre, Rubu Yju wahe. ¹¹ Kia tahe bede ery urihixidỹĩna erysina inyeereny ratxireri. Riritinymyhỹre iny bede erylarenymy. Bededỹĩnana konana-ò iòhòmy inyboho roire. ¹² Tahe inyò òbitimy rỹimy ròhòtinykeki, tii rexiiemy ratxike reseke lau.

¹³ Ixirana isirare inydee rehemynyòtyhy rikiòludunyòtyhy. Deuxu awi rare. Riattyòtyhy iòlududỹĩna-txi. Tii inyeereny ixirana-ribi ixitarasana riwahinyre. Iny rurureny wesele ixirana rare. Tai rikiòludunyrenyke.

¹⁴ Waluuna mahādu, kaiboho suritxoo luuna-ribi bexiebeny. ¹⁵ Adeereny rarybere, kaboho dori abederyrenyre kai bedeerywesetyhymy toiteki. Mohòtinybenyke aòmybo rarybereridi.

¹⁶ Deysanamonahyna aòbo ityhydỹĩdu mahādu wowydyna rare Kristu hālubu wesemy tuu riòreki? Iny paò

riyreyrenyreu, Kristu umy wesemy aõbo rare? Inydee aõbo wowodyna rare? ¹⁷Inyboho sõwe roire. Urile tahe paõ sohojihyy rare. Sohoji butunahyymy rare, paõ sohojiribile yre yre rarỹsỹreu, inyboho sohojilemy roire. ¹⁸Judeu ijoi-ò bethebenyke. Kia xiwe rirỹsỹrenyreki, xiweribile ritamyhỹre. Kia aõbo òbitire. ¹⁹Timybo jiarỹ rarybereri? Rỹsỹna aõbo xiwenamy diwahinydeki, kia aõbo aõ rare ada ritxoo aõ aõbo rare. ²⁰Kiamy aõbohe jiarỹ rarybereri? Aõkõre, tuu aõkõ rarybereri. Urile, kia raxiwemyhỹre, diabo tyytyby-ò rare. Deuxu-ò aõkõ raxiwemyhỹre. Kaiboho diabo tyytyby-ò tamy bexiijemy. Tii-wana uritere noõmy. ²¹Wanyrỹ monamy biõkeki, tai diabo monamy tule biõõke. Wanyrỹ roxi-ki biroxikreki, tule tai diabo rỹsỹna rỹsỹõmykre. ²²Deuxu aõbo iny kidihãrudenykre. Inyboho aõbohe ityhyrenyire iratyre?

²³Aõwaxiny tuu botỹỹnyke. aõmydỹnnana awire. Ihãre tahe awiõre. Aõmydỹnnana ixidee wimy botỹỹnyke. Urile aõmydỹnnana riwiõhenanayõhyre. ²⁴Uritere aaõmydỹnnana sohojidile nohõtĩõmy; tule inywitxira aõmydỹña-txi õhõtĩ beake tai aõwiwihikỹmy tamy biwinykre. ²⁵Birõmyhỹke ibutumy aõ rỹimyhỹre meriadu-ki, nohõtĩõmy aõbo raremyhỹmy. ²⁶Ibutu bedede aõmydỹña Wanyrỹ wahidỹña rare inydeereny. ²⁷Ityhydỹỹdukõdu mahãduõ aratobinymy, kai makeki, biroxike ibutumy aõbo adee kidekre. Dỹrãxiõmy araykywydyna òraru-ki. ²⁸Tahe adee rarybekeki; kia ritxoo xiwe rare. Irỹsỹõmy, kia hãbu raykywydyna òraru-ki tamy ibinare wahe. ²⁹Araykywydyna òraru-ki aõkõ jiarỹ rarybere, tahe iwitxira òrariki. Ijõ hãbu witxira rayky-di aõkõ aritõhõtĩnymyhỹke. Kia òsana inyõ rarybekre. ³⁰Dealãnadile

jiarỹ ariroxiwãhãkeki, timybo inyõ ibinamy wamy rarybeke. Deuxu-ò dori rexideylydỹnyra. ³¹⁻³²Tai tahe, biroxibenyke-wana, biõbenykeki, aõmy botỹỹnykeki, ibutumy Deuxu wowodyna-ò botỹỹnyke. Inyõ atyhyna-di iatysyõmy, judeu mahãduõ-ò, judeukõdu mahãdu-ò, tule Deuxu tyhydỹỹduõ-ò. ³³Ibutu dee rarurunywãhãre tamywikemy. Waaõmydỹnnana sohojile aõkõ rahõtĩnywãhãre ibutu iny aõmydỹña dee rahõtĩnymahãre tarasadỹỹmy.

11 Iwese jiarỹ Kristu wesemy watx-
imyhỹre wese kaiboho wawesele
boibekre.

²Ararybekre: —Kaiboho awirenyremy kaiboho dori iwese bedede erna araerynanyre wese ibutumy teyrubunymahãtenyte. ³Tahe ijõmy araerynanykre. Kristu iratiwi ibutu hãbu ratyre rare. Hãbu tahe hãwyyrati ratyre rare. Tule Deuxu tahe Kristu ratiwi ratyre rare. ⁴Hãbu rexitõenyreu, ritỹnynykeu tarahety-di, Kristu rityhynyõre. ⁵Hãwyyõ tahe rexitõenykeu, ritỹnynykeki tarahety-di aõkõ, tii tahãbu rityhynyõre. Tii dori tarade rasymyhỹre wese ratximyhỹre. ⁶Hãwyyõ tarade rihetynyõkeki, tii tarade riorokre. Hãwyy tarasylau raixỹrukeki, tahe tara rihetynykre. ⁷⁻⁹Hãbu tara rihetynyõmyhỹkre dohodỹña heto-ki. Bera-ò tyytyby wesemy Deuxu dee hãbu rare. Deuxu dee hãbu rare. Hãwyy tahe hãbu dee-ki rare. Hãbu heka hãwyy-ribi aõkõ dori iwidỹỹ rare. Hãwyy tahe hãbu umy-ribi iwidỹỹ rare. Hãbu hãwyy dee aõkõ relere. Hãwyy tahe hãbu dee relere. ¹⁰Tai tahe hãwyy tara riwõmyhỹke. Iu tahe hãbu rityhynymyhỹre jỹu òraru-ki. ¹¹Deuxu ityhydỹỹduy-ki wiwesele wiweselemy ratximyhỹre. Hãbu hãwyy-di ratxikemy; hãwyy hãbu-di ratxikemy. ¹²Iwese

hāwyy hābu-ribi relereu wese, hābu hāwyy-ribi reamy raumynymyhÿre. Deuxu ibutumy riwinyre. ¹³ Kaiboho mohotinybenyke: Hāwyy rexitòenyreu, tarade rihetinyke, aōbo ada aōkōre aōbo? ¹⁴ Hābu iraderehem y rÿira, tarati rityhynyōmyhÿre tuu rÿira. Kiamy bede riwaerynanyrenyrye. ¹⁵ Hāwyy tahe irade rehemy rÿira ixiruxeradÿÿmy rÿira, het y wese tamy iō rarekremy wahe. ¹⁶ Inyō iwitxiramy rexinohtinykeki, tamy ararybekre, kia wese: Inyreny-ki kia bede ywina rare ibutumy dohodÿÿna heto-ki.

¹⁷ Aōwesebo botÿÿnykremy adee ararybekre. Wadee awiōre iwese ahātenyete wese kaiboho tebutunyenye-teu, kia arawiōhenanyōhyre urile tahe arabinanytyhyrenyrya. ¹⁸ Juhuu ararybekre timybo raholaremy: kaiboho texihitxinytenyete dohodÿÿnaheto-ki, kia tahe retyhynyriōremy watxireri. ¹⁹ Wiribi bexihitxinybenykeki, tai iny òbiti rÿira bierybenykemy. ²⁰ Bibutunymyhÿbenykeu, Inynyrÿ roxina aōkō terÿsÿmahātenyete. ²¹ Ijō detiteremy taroxina riwymyhÿre inywitxirako-ki. Ijō aō rimyōmyhÿreki rama risamyhÿre. Ijō tahe sōwetyhymy riōmy raitxÿtemyhÿre. ²² Kai aōbo ahetoōre, tai biroximyhÿkemy, biōmahākemy? Kia wese-ki Deuxu dohodÿÿna heto aōbo tetyhynyōhyymahāte. Iaōkō rÿira mahādu tule teixÿrudÿÿnymyhÿtenyete. Aōmybo ararybekre. Arawowydydÿÿnyrenykremy aōbo? Aōkōre. Tai arawowydydÿÿnyrenyōtyhy. ²³ Kia Inynyrÿ-ribi retare, tule aerynamy adeereny rewahinyre. Kia wahisidÿÿnadyna txuu, Jesuisi Inynyrÿ orotxu rimyre. ²⁴ Rexitòenyredi, riòròre, idi tahe rarybera:

—Kia heka waumy rare. Adeereny wahidÿÿmy watxireri. Kia biwinymyhÿkreu, watxi òhōtiren y reakemy.

²⁵ Tule riymyhÿre rahudi, tahe bemona hyna rimyra, idi tahe rarybera:

—Kia heka wadeewimy Deuxu, iny-wana ratximyhÿre. Wahālubu òraru-ki kia riwinyre. Kia biōmahābenykrey, aōu watxi òhōtiren y reakemy.

²⁶ Tiubo paō biymahābenykrey, bemona hyna-ribi biōmahābenykrey, warubu rybe tetÿnynytenyteri idi addòsekrey. ²⁷ Tai inyō òhōtiōmy riykeki-wana, riōkeki-wana, tii Jesuisi umymy hālubumy òraru-ki ratxireri. ²⁸ Sohoji sohoji taaōmydÿÿnana-di rohōtinkyre, idi tahe riymyhÿre, riōmyhÿkre. ²⁹ Inyō Jesuisi umy-di rōhōtinyōkeki, ixidee aōbinahakÿ kidiwinyke. ³⁰ Kia òraru-ki sōwemy binamy òhyyle toite, tule iny sōwemy rurumy rÿira. ³¹ Iny ixi-di rohōtinykeki, aōbinahakÿ rexierykemy, tahe iny rexiōbitinyke. Deuxu tai aōhōkÿmy rotÿÿnyōtyhy. ³² Inynyrÿreny inyboho riōbitinymyhÿre. Kiamy heka bede mahādu-wana aōkōkeki, aōhōkÿmy rotÿÿnyrenykre. ³³ Kiamy, waseriōreboho, roximy bibutunykrey, ijō wii biraōbenykre. ³⁴ Inyō rama risamy rÿikeki, taheto-ki riroxike tai rihuōmy rÿimyhÿkre Deuxu ywisidÿÿna-ki. Adee arehemynykrey, ijō kia aōna aōnamy arðerynanyrenykre.

12 Deuxu Tyytybytyhy bede eryna witxira witxiramy adeereny ararybekre, araerynanyrenykemy. ² Ityhydÿÿdukōdumy toitemahāu, aō ò aradyrenyrye suritxoo rybeōhōkÿ-ò. ³ Tai arabedeerynryeri: Inyō Deuxu Tyytybymy rarybemyhÿkeki, tii rarybeōtyhy: Jesuisi ibina rare. Tule inyō uri rarybeōtyhy: Jesuisi Wanyrÿ rare. Tii Deuxu Tyytybytyhydile tuu rarybekre.

⁴ Deuxu Tyytyby bede eryna witxira witxira sōwemy rÿire. Deuxu sohojile tahe iwahidÿÿdu rare.

⁵ Aòmays̄d̄ȳwi-ribi lahitxi rare, tahe Inynr̄y sohojile rare tamy rakaam̄s̄d̄ȳnyke. ⁶ Aòm̄ȳd̄ȳna wiribi lahitxi rare, tahe Deuxu sohojile ibutud̄ȳdu rare. Tii iny-ò aòm̄s̄d̄ȳna wid̄ȳna riwahinyre. ⁷ Sohoji sohoji tabedeeryna witxira witxira Deuxu Tyytybytyhy-ribi ritamyh̄re ibutu iny wiòhed̄ȳmy. ⁸⁻⁹ Inyò-ò bede eryh̄k̄y wahid̄ȳmy ratxireri, Deuxu Tyytybytyhy iwahid̄ȳdure. Ijò-ò tahe rybe bedeeryd̄ȳ wahid̄ȳmy ratxireri, iwahid̄ȳdu tiile rare. Ijò-ò tahe ityhyd̄ȳtyhy-ki rarekemy. Deuxu Tyytybytyhy iwahid̄ȳdure. Ijò-ò tahe, òhotibedumy rarekemy. Deuxu Tyytybytyhy ris̄nyre rare. ¹⁰ Ijò-ò tahe, bedeòby wid̄ȳdumy rarekemy, ijò-ò rybe-di t̄nyd̄ȳdumy, ijò Tyytyby erydumy, ijò rybewitxiramy rarybekemy, ijò rybe wiuròd̄ȳdumy. ¹¹ Deuxu Tyytybytyhy sohojile tahe iwahid̄ȳdu rare. Tii sohoji sohoji-ò riwahinym̄h̄re ixideewimy. ¹² Iny umy sohojihyy rare. Urile iaòm̄ȳd̄ȳnana s̄were. Kia wese ityhyd̄ȳdu r̄yira ityhyd̄ȳdu mah̄duy-ki, Kristu-ki iny sohojihyyre. ¹³ Sohoji sohoji mah̄du-ribi rabutura, ijò judeu mah̄du-ribi, ijò judeukòdu mah̄du-ribi, ijò deòdu mah̄du-ribi, ijò deòdukòdu mah̄du-ribi. Wiji tahe Deuxu Tyytybytyhy-di sohoji h̄r̄omy iny r̄yire. Idi tahe inyboho t̄ximy r̄yire. ¹⁴ Umy dori sohoji aòm̄ȳd̄ȳnana-di aòk̄ò rare, s̄were tahe. ¹⁵ Inywa rarybekeki kia rarybekre òsana: jiar̄y umy aòm̄ȳd̄ȳnana aòk̄ò watxireri, debò aòk̄ò dori rare. Kia rarybekeki, ih̄are ta umy aòm̄ȳd̄ȳnanaòlemy ratxireri. ¹⁶ Noh̄oti rarybekeki: rue aòk̄ò jiar̄y rare, tai dori umy aòm̄ȳd̄ȳna aòk̄ò rare, Kia rarybekeki, ih̄are ta umy aòm̄ȳd̄ȳnanale ratxireri. ¹⁷ Ibutumy umy ruelemy ratxikeki, timybo rokoholarenkyre. Ibutumy

noh̄otilemy ratxikeki, timybo rue rareke timybo robirenykre. ¹⁸ Deuxu ibutumy aò ritidire, titxibo ixideewimy r̄oh̄otinyre. ¹⁹ Ibutumy aòm̄ȳd̄ȳnana wiweselehek̄ykeki, timybo raaòm̄s̄d̄ȳnyke? ²⁰ Inatyhymy aòm̄ȳd̄ȳnana s̄were. Umy tahe sohojilere. ²¹ Rue debò dee rarybeòtyhy: Kai aò aòk̄ò tate. Tule ratiheka waò rybeòmy: Kaik̄okeki wadee awike. ²² Kia k̄nyhe. Aò aòm̄ȳd̄ȳnana inydeereny iruruòmy aòm̄ȳ aòk̄ò r̄yire wese, tii aòwityhy r̄yire. ²³ Tule aòbo inydee aòm̄ȳ aòk̄ò r̄yira tamyhe woreke r̄ym̄h̄re iruxeramy aòk̄ò rare, iny woreke r̄ym̄h̄re. ²⁴ Aòbo inyumy-ki iruxeramy rare, kia urid̄ȳòmy. Deuxu tahe umy aòm̄ȳd̄ȳnana ibutumy ributunyre. Tii aò ibuturatyre rityhinyre. ²⁵ Kiawese alòreòmy umy-ki ibutumy umy aòm̄ȳd̄ȳnana wiwana raaòm̄s̄d̄ȳnym̄h̄re wii riwiòhenanym̄h̄re. ²⁶ Sohoji aòm̄ȳd̄ȳnana txubererekeki, iuhe rubererenyke. Ijò teysakeki inyò riwowodynykeki iuhe reysake. ²⁷ Boholabenyke, kaiboho Kristu umy mah̄aduò toite. Ityhyd̄ȳdu sohoji sohoji heka umy aòm̄ȳd̄ȳnanaò wese rare. ²⁸ Deuxu ityhyd̄ȳdu mah̄duykile iny rihitxinyre. Juhuu Jesuisi teòd̄ȳdu mah̄du, ihewo-ribi Deuxu rybe t̄nyd̄ȳdu mah̄du, idi ieryd̄ȳdu, aòwiwihik̄y wid̄ȳdu, òhotibedu mah̄du, wiòhed̄ȳdu, dinoduwesed̄ȳnadu, rybewitxira erysydumy. ²⁹ Ibutumy deòdu aòbo roire? Ibutumy t̄nyd̄ȳdu aòbo roire? Ibutumy eryd̄ȳdure aòbo? Ibutumy aòwiwihik̄y wid̄ȳdure aòbo? Aòk̄ore wii ihitxihitxire. ³⁰ Ibutumy ywisid̄ȳ reryre aòbo? Ibutumy rybe witxira rybedu aòbo? Ibutumy rybewitxira wiuròd̄ȳdure aòbo? Aòk̄ore. ³¹ Tahe, eryna wiwihik̄my

mynymy, atximyh̃benyke. Tahe ariteòsynykre tibo ryy.

13 Ibutumy iny rybe witxira witxira arierykeki, ỹju rybe adieryekeki, kia tahe luuna-di aòkòkeki, jiar̃y aòwod̃ỹna wid̃ỹna wesemy ararekre. ²Jiar̃y ibutumy Deuxu rybewahid̃ỹ erna ijòdikeki, ibutumy bedeery ijòdikeki, hāwālò iherina-ribi aritake watyhyd̃ỹna kiadikeki, tahe luuna-di aòkòkeki, aò aòkò watxireri. ³Ibutumy waaòmyd̃ỹna iny aòkò mahādu-ò ariwahinykeki. Waumy Kristu Rybewihik̃y dee òraru-ki wòsikemy ariwahinykeki, tahe luuna ijoòkeki, kia heka aòkòweseleke. ⁴Inyò luunadikeki, ywimy rarekre, awimy rarekre, ihārūkōmy rarekre, luunadikeki, ixityhyd̃ỹdukōmy rarekre. ⁵Inyò luunadikeki ih̃ỹk̃h̃ỹk̃my aòkò rarekre. Ixisohojidile aòkò rōhōtinykre. ⁶Òbitiōna-di deysaōmy, inatyhyle kededsakre. ⁷Moō iluunadireki ibutumy aòhebo rot̃ỹnykre, ibutumy rityhynykre, ibutumy riraòkre, ibutumy riòludunykre. ⁸Luuna tiu itueōtyhy, tahe rybe t̃nyd̃ỹna aòutxumy ituekre, rybewitxiramy rybe ituekre, bede erna ersynamy tule ituekre. ⁹Inyboho iyrelemy rieryrenyre. Tule iyrelemy rit̃ỹnynyre. ¹⁰Aòutxumy tahe kia iyre rexihukre, ibutumy kanaerykre, kia hābu òbiti tyhy kedehemynykeu, Kristu wahe. ¹¹Uladumy rarewāhāu uladu wesemy rarybere, uladu wesemy ixidi rarewāhā, uladu wesemy raykywydynanyra. Hābumy relereu tahe, wauladumy nona rerire. ¹²Wiji tahe inyboho robirenyre, iwese itxerenat̃nykowese-ki, kiatxuu tahe, wiòsanamy rokobirenykre. Katahe iny rieryrenyre txuraò, kiatxu tahe, iwese tii inyboho dierydenyde wese rikierenykre. ¹³Tahe inataò aòmyd̃ỹna r̃yire: ityhyd̃ỹna,

iraròsòna, luuna. Ijò ratyre tahe luuna rare.

14 Luuna-di boibeke ibutu ijò ratyre. Tytybytyhy ersyna biijebynyke. Iratyre biijebynyke Deuxu rybe t̃nyd̃ỹna eryd̃ỹna. ²Inyòheka rybe witxiramy rarybekeki, hābu-ò aòkò rarybereri. Deuxu-ò sohojile rarybere. Inyò irybe rieryòre. Deuxu Tytybytyhy rybe tii erydure. ³Inyò Deuxu rybemy rarybemyh̃reu, iny-ò rarybereri. Tai riwiòhenanymyh̃re, riòbitinymyh̃re, riteysanymyh̃re. ⁴Inyò rybe witxiramy rarybereu, tiilehyy rexiwiòhenanymyh̃re. Inyò tahe rybe rit̃ỹnynyke wana, dohod̃ỹna mahādu riwiòhenanyre. ⁵Ibutumy rybe witxiramy rarybekeki, tii tahe wadee awire. Tahe ibutumy Deuxu Rybewihik̃y rierynanykeki, kia iratyretyhy wadee awire. Deuxu rybe t̃nyd̃ỹna tahe, rybe witxiramy rybedu ratyre rare. Wiuròsòd̃ỹdudile rybe witxiramy rarybeke dohod̃ỹdu mahādu wiòhed̃ỹmy rarekemy. ⁶Jiar̃y adeereny ararybekeki, rybewitxira-di. Tiwesebo arāwiòhenanyrenyke. Urile bede eryt̃myra-di, ernatyhyhyky-di, inatyhyerna-di araernanykeki, kia-di tahe arāwiòhenanykre. ⁷Ka tahe wiud̃ỹna rare. Wyhyhyk̃y jurònawesena ada rerotisòmo wiud̃ỹna kidiwiunykeki, tahe awimy riwiunyòke, timykibo iny rieryke aòbo riwiunyreri. ⁸Tule juròna òbitimy ritxurònyòkeki, timykibo aòbinadu mahādu rierykre aòbina-ò nomy rexiywinykemy. ⁹Kaiboho tule kiawesere. Inyò arybe rieryòkeki, tiwesebo rieryke aòmybo tarybetenyteri. Kiawese dori yhydeele tarybetenyteri wese. ¹⁰Inatyhymy sòwemy rybe witxira r̃yire bede-ki, ibutumy tahe aōna aōnamy rybedu rarybere. ¹¹Aōmybo rarybere arierykòkeki, rybedu dee jiar̃y iny witxira, rybewitxiraò

tamy rare, tule tii wadee rare.
¹²Kaiboho Deuxu Tyytybytyhy eryna
 teijetenyeri. Tai dohodÿÿna mahâdu
 wiòhedÿÿmy marurunybenyke.

¹³Inyò rybe witxiramy rarybekeki,
 iòbitidÿÿnamy rexitòenyke. ¹⁴Rybe
 witxiramy arexitòenykeki, watyytybyle
 rexitòenyneri warakywydyna-ò
 ralòòtyhy. ¹⁵Tai tahe aòhebo

arotÿÿnykre? Watyytyby-di, waraky-di
 arexitòenykre. Idi watyytyby-di
 waraky-di arawiunykre. ¹⁶Kai

atyytybyle-di textitòenymyhÿteu,
 timykibo inyò rierykemy? Idi rarybeke
 aixitòedÿÿna rexihukeu. Tii dori arybe
 rieryòre. ¹⁷Kai tahe inatyhymy awimy
 textitòenye, tai tahe iny aò rierÿòhyre,
 idi riwiòhenanyòtyhy. ¹⁸Deuxumy
 reàlàwâhâre. Jiarÿ dori aratyrereny
 rybe witxiramy rarybemahâre. ¹⁹Tahe
 dohodÿÿna mahâdu-ò iruyre rybe
 eremy ierysynamy ararybeke ada
 sòwemy rybe eremy iwitxira rybemy
 anarybekeki. Juhule wadee awityhyre
 ijò ratyre-ki iny kiawese inatyhymy
 reernanyre.

²⁰Waityhydÿÿdu seriòre uladu
 raykywesemy aòkò bexiraykynymy-
 hÿbenyke. Inyery bedeerhykÿ wese
 maraykynybenyke. Aòibina ersynale
 uladu aòeryò wesemy boibeke. ²¹Bede
 Ywina tyyriti-ki kia rÿire: —Kia inydee,
 hàbu rybe witxira-di anarybekre. Ihâre
 ta warybe dee tiiboho roholarenÿòkre.
 —Kiamy tahe Wanyrÿ rarybere.

²²Inatyhymy tahe iwitxira rybe rybemy
 ityhydÿÿdu mahâdu dee deòsina aòkò
 rare. Kia ityhydÿÿdukòdu mahâdu
 dee deòsina rare. Tule Deuxu rybe
 tÿnydÿÿna ityhydÿÿdu mahâdu-ò rare.

²³Dohodÿÿna mahâdu wii ributunyeu,
 rybewitxiramy rarybemyhÿreki.
 Ityhydÿÿdukòdu mahâdu ralòkeki,
 iny ierykòdu ralòkeki, timybo tii
 ròhòtinyke. taitxÿtetenyterilemy
 idi ròhòtinyke. ²⁴Tahe ixityre

ityhydÿÿdukòdu mahâdu ralòkeki,
 tahe Deuxu rybemy rarybereriò,
 ralòkeu, tii rexierykre òrarudumy
 rare, ibutumy aòwòmy roholare
 tarayky riixixanye. ²⁵Aòbo tawo-ki
 riwòmy rÿimyhÿredi rexierymy ixi-di
 ròhòtinykre. Tai resekre tatiowomy
 Deuxu deàlànamy reàlàkremy. Tule
 rarybekre: —Inatyhymy Deuxu
 ayreny-ki ratxireri.

²⁶Aòhebo dohodÿÿna-ki
 rokotÿÿnyrenykre waseriòreboho
 wii rikibutunyenrenkre. Kia heka
 rare: Inyò wiuòmy kanawiunykre,
 ijò tasÿ Deuxu rybe bede erydÿÿna
 kedeernanykre, ijò itÿnydÿÿnamy
 kanarybekre, ijò rybewitxiramy rybena
 kanarybekre, ijò iwiuròsòdÿÿnamy
 kanarybekre. Aòhebo botÿÿnybenyke
 ityhydÿÿdu wiòhedÿÿnamy rarekemy.

²⁷Inyò rybewitxiramy rybemy ratxire
 riki, inatxi inataòlemy rarybeke,
 wihewomy, tule iwiuròsòdÿÿdulemy
 rarybekre. ²⁸Wiuròsòna ihoòkeki,
 rybeòlemy ronyke dohodÿÿna heto-ki.
 Ixiwanale Deuxu-di ròhòtinyre,
 rexitòenymy. ²⁹Utile inatxi, inataòlemy
 rybe tÿnydÿÿdumy rarybekre wana,
 ijohonadu mahâdu tahe irybe-di
 ròhòtinytyhyke timybo. ³⁰Ijohonadu-ò
 itÿnydÿÿna rybemy ratxikeki, rybedu
 rexihudi rarybekre. ³¹Ibutu dori Deuxu
 rybemy rarybekre, sohoji sohojimy.
 Tai ibutumy rierykre, reysakre.
³²Rybe tÿnydÿÿdu mahâdu rayky, tiile
 rexierymyhÿkre. ³³Deuxu tahe wimy
 uriuridÿÿdu aòkò rare; tii tahe òbitina
 widÿÿdu rare. Ibutu ijò dohodÿÿna
 heto-ki kia wesemy rare.

³⁴Hâwyy tahe dohodÿÿna-ki roho-
 lamy rÿimyhÿre rybeòhykymy tai aòwe-
 dumy aòkò. Ywilemy rÿirake iwese
 judeu bedeywidÿÿna roimyhÿre wese.

³⁵Tÿÿraxinadikeki taheto-ki tahâbu-ò
 rÿÿraxike. Hâwyy dohodÿÿna-ki rarybe-
 myhÿre heka ixÿruna rare. ³⁶Timy-

wese tahõtinytenyete. Deuxu rybe aõbo aykyreny-ki rõhònyre ada kaiboho soho-jile aõbo ijòdire.

³⁷Inyõ rybe tñnydýðdumy ixi-di rõhõtinykeki ada Deuxu Tytybytyhy-ò wiòhedýñnamy rarekeki. Timybo rarybekre. Kia waryberiti heka Deuxu bede ywidýña rierykre. ³⁸Inyõ kia rityhynyòkeki, tii wile ratyhyòdýðòkre.

³⁹Iribi tahe waseriòre tñnydýðdumy boibekemy atxibenyke. Ixinamy rybewitxiramy iny rarybemyhýke. ⁴⁰Ibutumy aõhebo botýñnybenykre. Òbitilemy, ywilemy.

15 Aõtxi òhõtireny arai-jaradýñnykre. Kia tahe rare. Rybewihiký iwese adeereny retýnynyre wese, tetyhynytenyete wese, tule tetyhynyhy ahätenyete. ²Tai tahe tarasanawo-ki ahätenyete rybe teeryhy ahätenyete ki iwese retýnydýñnyre wese. Aòkòkeki aròtenareny aòtyhy aòkò adeereny ihýre. ³Juhuutyhy adeereny retýnynyre iwese raholare wesemy. Kia rare: Kristu iny òrarureny dee rurure. Kiamy heka ritidýña roire. ⁴Tule mana wabede-ò raháluure. Inataõ txu idi rýidi tahe, rubu-ribi rexixare, ritidýña rarybere wese. ⁵Rexideòsinyre Pedro dee, idi tahe waòinatxi mahädu dee. ⁶Idi tahe 500 iny ratyre tuu robire. Kia iny ityhydýðdu seriòre mahädu ibutumy rexibutunymhýre Jesuisimy robire. Ijò rurure kia butudýñnay-ribi, tahe ijò irulemy ihýmyhýre. ⁷Iribi tahe Txiau tuu robire, idi tahe ierydu mahädu ibutumy tuu robire. ⁸Ihewo-ribi tahe jiarý tuu rabire. Iwese uladu ibededýñnanakòmy reare wese tuu rabire. ⁹⁻¹¹Jiarý ierydu hewo ludu rare. Uritere erydumy wanidýðòmy watxiwähäre, raixýrure wahe. Jiarý dori juhuu ityhydýðdu mahädu aòhòkýmydýðdu rare. Deuxu ruxetòenale dori aõmy watxiwähäre. Iruketòena aònihikýmy waki riwinyre.

Jiarý dori ibuturatyre aõmysýdýñna rewinyre. Tahe jiarý aòkò wähäre. Deuxu ruxetòenamy wahäre jiarý aõbo ada tiiboho aõbo adeereny relyyrenyete, idi kaiboho tetyhynyletenyete.

¹²Kristu rubumy roira-ribi rexixara, kiamy heka rarybemahärenyete. Aòherekibo inyõ rarybereri rurumyhyre-ribi inyõ rexixaòkremy.

¹³Inyõ tiu rubu-ribi rexixaòkeki, Kristu tahe rexixaòre tarubu-ribi.

¹⁴Kristu rubu-ribi rexixaòre wana, jiarýboho aõmy waryberenyõna idi aõ atyhydýñnaõna. ¹⁵Kristu inatyhymy rexixaòkeki, inyboho Deuxumy ruimy rybedu mahädumy roire. Kristu ixixana rybemy dori jiarýboho rarybemyhýrenyete. Kiata bohe Deuxu, Kristu riixixanyòlere.

¹⁶Rubumy roimyhýre mahädu rexixaòkeki, taita Kristu rexixaòre. ¹⁷Kristu rexixaòkeki, ainatyhynareny aõ aòkò rare. Aòrarudile ahätenyete. ¹⁸Tule, ityhydýð-di rurure mahädu, biu-ò ròiothy. ¹⁹Kabede-ki sohojile inyboho Kristu riraòmyhýreki, inyboho bedewotyhytyhymy roire.

²⁰Inatyhymy taheka Kristu rubumy roire-ribi rexixare. Tii juhuuludu rubu bede-ribi dòðsede mahädumy roirekemy, tai iny tule rekexixarenkyre. ²¹Iwese häbu sohojiò rubu diwyde wese, tule häbu sohojiò rubu-ribi ixixana diwyde. ²²Iwese Adaò-ki ibutumy iny rurukemy rýimyhýkemy tule Kristu-ki ibutumy ixixana kiditakre. ²³Kristu bededýñnana kedehemyhýkreu, rubu-ribi ixiby ixixana kòdòhònykre. Kristu juhuu rexixare, ihewomy tahe taeryna mahädu kidiixixanykre. ²⁴Tai tahe bede konanakre. Jesuisi ibutu wedu mahädu, bede dinodu mahädu, Iòlò mahädu kanahukre. Tahe ibutumy tyby Deuxu-ò òlòna kidiòkre. ²⁵Jesuisi tahe ibutu ratyre Iòlòmý ratxikemy rarehykyre.

Iòludu mahādu ibutumy iwarawo-ki r̃yikre. ²⁶Iòludu konana heka, rubu rare. Tii tule riixāwidid̃ỹnykre. ²⁷Ryberiti kiawese roire: —Deuxu tahe ibutumy iwarawo-ki ritidireri. Iximy ritidiōtyhy tii dori tidisidu rare. ²⁸Rexihudi tahe tule iRiōre ritidikre. Tai tahe Deuxu ibutu iòlòm̃y rarekre.

²⁹Rubumy r̃yira ixyby kedexixaōkeki aōherekibo iny derōwy teratisebenyteri, rubumy roira mahādu hārehēk̃ỹle wahe. ³⁰Aōherekibo berebunatyhyhyk̃ỹ-txi inyboho iòhārumy ratximahārenyire txuō txuōlemy. ³¹Ibututxu rubu reijemyh̃ỹre. Adeereny wawowydynatyhmy watxireri. Jesuisi Kristu Inynyrỹ òraru-ki. Tai heka kia lau rarybemahāre. ³²Hābu mahādu-ò Efesu hāwā-ki iròdu debure-ò aōbina wese resumahāreki aōtyhybo aritakre? Inatyhmy aōbo? Rubu rexixaōkeki, rikiroxiryrenyke, rikiōrenyke, biurasòm̃y dori rukururenkyre. Aō aōkō inytyhyd̃ỹna. Kia riki ityhyd̃ỹdukōdu mahādu tuu rexirybenyire, abiōwa mahādukeki. ³³Ixi itxenad̃ỹōm̃y: kia biōwa bina dori iny ixihemy riатыmyh̃ỹh̃ỹre. ³⁴Ywityhylemy boibeke, òbitilemy òrarureñōm̃y, sōwemy iny Deuxu rieryōre. Kia heka iny ix̃yrud̃ỹnareñy rare, tai rarybewāhāre.

³⁵Tahe inyō kanarybemyh̃ỹkre: —Timybo rubu kedexixakre. Aōumywesemykre iumy? ³⁶—Itx̃ỹte, juhūu alòborōna rabrōōkeki tiu txuhuōna. ³⁷Telòho iny ribòròñyōtyhy, ityle iny ribòròñyke. Iwese maixōmoty ribòròñyke ada oworuty wese. ³⁸Ibututy-ò Deuxu iraty umy riwahinymyhyre ixideewireki. Deuxu ixideewimy alòbòròna ritxuhud̃ỹñymyhyre timybo? ³⁹Dee ibutumy wiwese wese aōkō rare. Inyde, iròdude, nawiide, uturade ibutumy tahe wiribi hitxi hitxire. ⁴⁰Biumy r̃yira

mahādu tule lahixire, aōwitzira witxira bedemy r̃yira kia wowydynareñy wiribi hitxire. Tii-wana wimy rahitxirananyre. ⁴¹Txuū ahādu, taina, iloosònareñy wiribi hitxire. Taina ijō taina-ribi iruxeratyhyre. ⁴²Tai tahe kia wese rubu-ribi ixixana r̃yimyhyre. Umy rubu su-ò rahālood̃ỹmyhyre rarònyhe txu. Idi tahe irulemy kòdòhòñyke, alòbòròna ruhunymyhyre wese tahe umy tuedeōnaō. Bede luruhuk̃ỹ-ki rahālood̃ỹmyhyre, tahe loosònatyhy-ki kòdòhòñyke. ⁴³Iruruō-di umy heka rahālood̃ỹñymyhyre ibinare, tahe iruxeramy tarurutyhy-di kòdòhòñyke. ⁴⁴Iny umy wesemy rahālood̃ỹmyhyre, tahe tyytyby wese kia umy-di kòdòhòñyke, biuludu mahādu wahe. ⁴⁵Kiamy heka ritid̃ỹna-ki roire. Iny umy riuhemym̃yhyreki, tule tyytyby umy riuhemym̃yhyremy r̃yire: Juhūu inyiru Deuxu riwinyre Adaō heka rare. ⁴⁶Juhu tahe inyumyreny tayry-di riwinyre idi tahe ritytybynyre. ⁴⁷Juhūu ludu hābu suribi ije rare. Ihewo-ribi Hābu biu-ribi ih̃ỹre Kristu wahe. ⁴⁸Juhūu hābuwesemy ibutumy iny bede ludu ih̃ỹre juhūu inytyhy wese wahe. Hābu biuludu wesemy ibutumy biu ludu mahādu ih̃ỹre. ⁴⁹Tai tahe kabede hābu wesemy inyboho r̃yimyhyrenyire wesereki, tule biu ludu Hābu wesemy r̃ỹk̃ỹirenyke.

⁵⁰Waityhyd̃ỹydu Kia heka rarybemahāhyreri, iwese inyboho ih̃ỹmyhyrenyire wesemy tiu Deuxu Òlòna-ò ralòōtyhy. Iny umy heka ruruhyy umy rare, tai tahe Deuxu Òlòna ritaōtyhy, kowa-ò dori iny umy ruruōtyhy. ^{51–52}Tahe aōbo teeryōte adee arit̃yñykyre: Ibutumy iny ruruōkre. Ibutumy ityhyd̃ỹydu iny ruruòle iumy riwitxirat̃myranykre, aōwesele reakre, iny tarue riberenymyhyre wese reakre, ikonana juròna ritxuròñykreu. Juròna ritxuròñyke idi ibutumy

ityhydÿÿdu rubumy rÿira riumy-witxiratÿmyranykre umytuedeòna-di. Inyboho ityhydÿÿdu mahädu tulekre. ⁵³ Tahe rekexiwiurònyrenyke, iny bede umy dori rurumyhyre. Rakaumynykre umy witxira-di taita rukururenyòtyhy. ⁵⁴ Iny umy witxiradikreu, tahe kia rybe rexihumy rÿikre: Ryberitina rarybere: —Rubu ijesu rikitarenykre: ⁵⁵ —Aòherekibo rubu, aijesuna wawana tetaòta? Aòherekibo tiwamytixidÿÿnyòte? ⁵⁶ Òraru rubumytxitxidÿÿdu rare. Bedeywidÿÿ òraru rurudÿÿna rare. ⁵⁷ Deuxu umy rekealàmhyÿkre, tii dori ijesu inybohoreny ritakemy riwiòhenanymyhyre. Jesuisi Kristu Inynyry-di diwiòhenanymyhyde. ⁵⁸ Tahe weseriòre luu mahädu, bityhynyhybenyke, ywihiymy ahäbenyke, Wanyrÿ aòmÿsÿdÿÿna-ò hyy tiemy ahäbenyke. Aaòmÿsÿdÿÿna Wanyrÿ dee, idi inydee awimy rarootinymyhyre.

16 Nierumy ararybekre. Kia bibutunykemy kowa tyhydÿÿdu mahädu-ò, Judeia mahädu wahe. Iwese Alaxia mahädu-ò ròerynanyre wese, kaiboho tule ijò dee bitabenyke. ² Semana juhu ludu txuu, iny sohoji sohoji tiwesebo tòtatenyte jura birarenymahäbenyke rawahikremy. ³ Tai adehemynykreu kia nieru rexihumy rÿikre myiòtyhy tahe ijò rarasamy. Tahe mobo kai tyryiti-di biditakre, tii-wana nieru iny ariteònykre Jerusalè-ò. ⁴ Tahe jiarÿ arakewana iny dee wikeki, tuu wawana kodoikre. ⁵ Macedonia bede-ò arakre rahudi arehemynykreu adeereny watxireri. Macedonia-di delemy arakre. ⁶ Araroorehenykre òsana biubede taile arahukre awanarenhyhyle. Tai ele elemy biwatÿidÿÿnykre titxibo arakemy. ⁷ Deuxudeewikeki urihimÿò aòkò akireny bede arieke

bededÿÿnana arahukre akireny. ⁸ Efesu hāwā-ki Pentecoste woranabedehehi konana-ò ariijekre. Idi tahe arakre. ⁹ Ijòtòbònahakÿ wese irayhyky rÿimhyÿre waaòmÿsÿdÿÿ. Tai waaòmÿsÿdÿÿna irutaòre, ihāre ta wamÿ òludu sòwere. Namÿ sòwehyymy taheka òludu rÿire.

¹⁰ Tahe, Tximòtxi rakeki, iixÿru lau biijemy tii dori Deuxu aòmÿsÿdÿÿna diwinymyhyde wawese. ¹¹ Inyò Tximòtxi-di aòmÿ aòkò ihÿkeki heka wadee awiòre. Wadee itÿina-ò biwiòhenanybenyke ywina-di. Reraòmahāre dori ityhydÿÿdu seriòreboho wana kanakemy. ¹² Inyseriòre Apòlo-ò sòwemy rarybewāhāre arorarenymy rakemy ijò iny seriòreboho-wana. Tahe tii heka Deuxudeewimy aòkò idi rōhōtinymyhyre. Idi tahe rakre ixideewimy tiu txumybo.

¹³ Aōu aōu bexiywinylemy borukubeke. Inatyhymy òbitimy myibenyke, hābu rurutere wesemy bexirurudÿÿnyke. ¹⁴ Aōhebo botÿÿnybenykemy ywina-di luuna-di botÿÿnymy boibemahāke.

¹⁵ Tefana, tasÿ mahädu-wana Akaia bede ludu-ki ityhydÿÿdumy juhūu rare. Kia teerytenyte. Tiiboho ityhydÿÿdu mahädu wiòhedÿÿduhyymy ihÿrenyke.

¹⁶ Tamy bohōlabenyke, ibutumy tamy wityhymy biwinybenyke. Tule kia wese wiòhedÿÿdu biwiòhenanybenyke.

¹⁷ Tefana, Fortunatu, Akaio kaò dithemynydenyde. Taita wadeysamy watxireri. Tiiboho riwawiòhenanyrenyke kaiboho kaki aòkò atximahātenyteki. ¹⁸ Tiiboho wawo-ribi riwateysadÿÿnyre, araykyreny òsÿny tule wahe. Kia mahädu heka ratyhydÿÿmyhyke.

¹⁹ Kaki Asia bede-ki ibutumy dohodÿÿna mahädu tarybe wehityhyna adeereny riwahinyreri. Akila,

Prisila-wana taluuna Wanyrñnimity
rybe adee riwahinyrenyleri taheto-ki
dohodỹñnareny mahādu tule wahe.
²⁰Ibutu seriðre mahādu rybe
wehityhyna adeereny riwahinyleri.
Birybenybenykreu wii bimybennykre
wiwetya-ki seriðrewesemy tamy
luòsòna òbitityhyna-di buòbenykre.

²¹Iroo tahe jiarỹ ariritinykre
wadebò-di wahe. Jiarỹ Paulo warybe

wehityhyna rewahinyre. ²²Inyō
Inynyryỹ luuōkeki, aōbinahakỹbo tamy
kanake, kiamy rexirybenyre: 'Maranata'
kia heka Jesuisi wymy kanake rare.
²³Deuxu luuna adeereny kanakemy
idi watxiwāhāre. ²⁴Ibutu-ò waluuna
Jesuisi Kristumy. Kie.

2 Oritxi Mahādu-ò

2 Oritxi Hāwā Dohodỹña Mahādu-ò

1 Jiarỹ, Paulo, Deuxu deòduò watxireri Deuxudeewireki. Tahe katyriti rewahinyrenyre Oritxi hāwā dohodỹña mahādu-ò. Iny seriòreny Tximòtxi wawana ihỹre. Tule rewahinyrenyre ibutu ityhydỹdu mahādu roholakemy Akaia bedeki. ²Ruxetòena, ywina-wana adeereny kanakemy idi watxireri Deuxu inytybyreny-ribi Jesuisi Kristu Inynyrỹ-ribi.

³⁻⁴ Deuxu heka Jesuisi Kristu tyby rare. Iny wiòhedỹdu ihỹre. Ruxetòena sòwemy inydeereny riwahinymyhỹre. Ibutumy aòmydỹna-di riwiòhenanymyhỹre. Tai tahe iny witxira rikiwiòhenanyrenykre Deuxu wiòhedỹna-di. ⁵Iwese Kristu aòhòkỹmy dỹñana kaiboho teerytenyete wese, Kristu wiòhedỹna bitamy bierybenyke. ⁶Jiarỹboho aòhòkỹmy arotỹnyrenykreu, awiòhenadỹnyrenykreu tuukre. Tai tahe tarasana iribi bitake. Deuxu-ribi wiòhedỹna arimynyrenykeki, kia biu-ò hena iribi bimyke arawiòhenanyrenykreu. Tai tahe kaiboho arururenydikre aòhòkỹmy botỹnybenykreu. ⁷Tahe wararòsòna sòwemy ihỹre akireny. Tiubo aòhòkỹmy dỹñanamy botỹnybenykreu tule wiòhedỹna bitabenyke iwese aritarenkyre wese. ⁸Waityhydỹdu seriòre, Asia bedeki jiarỹboho sòwemy aòhòkỹmy ratỹnyroiremahā. Wadeereny heka isiratyhyre ibede-ki. Tai heka raberumy roiremahā arururenyke lau. ⁹Rahòtinyrenyre tai wakananarenny sana. Kiamy heka wadeereny ditỹnynde bedeernamy: ixi-di inyò nohòtiomy, Deuxudihyyle

wahe. Tii dori rubu-ribi ixixadu rare. ¹⁰Inatyhymy tii riwatarenyre kia brebuna-ribi. Ibutu aòna aòna-ribi riwatarenkyre ixityre. ¹¹Kaiboho dori wadeereny Deuxu-ò texitòenytenyteri. Tahe ibutumy ixitòena-ò Deuxu kodoholakre tai riwiòhenanykre. Tahe ibutumyiny Deuxu riteàlànanykre.

¹²Ibutumy jiarỹboho heka kia Deuxudeewimy rewinymyhỹrenyre. Tai heka wadeysarenyre jiarỹboho. Awanarenny heka tule rarybemahārenyre: òbitinamy, Deuxu rurunamy. Iny raykywydyna-di aòkò wahe, Deuxu raykywydyna-di. ¹³⁻¹⁴Idi mariakele, biritinykele, bierykele, kia reritinyrenyre adeereny. Wiji urihimyõle teerymy toite. Jesuisi txu tahe ibutumy bierybenyke. Jiarỹboho areysarenkyre bierybenykeki wahe. Tule kaiboho beysabenykre.

¹⁵⁻¹⁶Juhuu rahòtinyre kiawesemy: arakemy ixi-di rahòtinyre. Juhuu heka Macedonia hāwā bedeki arakemy ixi-di rahòtinyre. Iule tahe aroramy arakemy heka ixi-di watxiwāhā. Òkeseu tasỹ tule, aroramy adehemynykre. Tai wiòhena inatximy bitake. Jiarỹ ayrenymy areakre, Judeia bedeki arakemy kaiboho biwawiòhenanybenykeny. ¹⁷⁻¹⁸Reòsamy watxirerimy aòbohe wadi tahòtinytenyteri? Ixiòrarukile aòbohe tuuremy adee arayraxikre? Tuu aòbo iximy rarybere kohe, myỹ, iule. Aòkòre, myy rarybere, iule wahe. Inatyhymy aòbohe rarybereri. Aòkòre rarybeòre. Jesuisi Kristu heka warybe rieryre. Kohe, myy, iule. ¹⁹Tai heka raryberenyre: —Inatyhy rare. Myỹ wahe, Deuxudeewinamy. Sila Tximòtxi-wana kia Deuxu rybe-di adeereny ritỹnyrenyre, Jesuisi Kristu iriòremy, jiarỹ tule adeereny kia retỹnyrenyre. ²⁰Inyboho ratximyhỹre Jesuisi Kristu-ò. Kristu heka Deuxu widỹdu ratxireri. Inyummyreny ratximyhỹre. Deuxu heka tuu iny

rierynanyhÿrenyre, tii inatyhy.
²¹⁻²²Tii heka iny ritamyhÿrenyre;
 rihitximyhÿrenyre; tahôrô mahādumy
 riwinyre. Inydeereny riwahinyre Deuxu
 Tytybytyhy inyworeny-ò risÿnyre.
 Tai heka inyboho rôhōtinyrenyre
 inydeereny ibutumy riwahinykremy.

²³Deuxu heka warayky rieryre.
 Tai heka rarybemahāre, inatyhy
 raōre Oritxi hāwā-ò. Tai heka
 adiride ixinamy. ²⁴Araryberenyōtyhy
 jiarÿboho aōbo bityhynybenykemy,
 marybekenykemy. Kaiboho dorihe
 inatyhyna tetyhynytenyte. Urile tahe
 arawiōhenanyrenykre deysana-di
 Deuxu Tytybytyhy dee deysana-di.

2 Tai wawo rerahōrera. Arakemy
 aōkō abedeōtiidÿÿrenymy ixityre.
²Arabedeōtiidÿÿnyrenykeki tahe
 mobo riwateysanykre. Kaibohole toite.
³Tai adeereny reritinyre. Anaōtyhy
 heka abedeōtiidÿÿrenymy. Kaiboho
 dori deysana-di biwasÿnybenyke. Iu
 wadeysamy watxireriu, kaiboho tule
 beysabenykemy. Kia heka reerywiwire
 jiarÿ. ⁴Adeereny reritinyre bedewona-di
 ranywāhāu; warube rytynmahā.
 Bedeōtiidÿÿna-di arasÿnyrenykemy
 aōkō kÿny. Tahe timybo aluurenyremy
 kaiboho bierybenykemy adeereny
 reritinyre.

⁵Bedewonamy relyykeki, tiu inyō wii
 ribedewonyreu, riwabadewonyōtyhy.
 Aōtxi arabedewonyrenyre. Waryberiti
 isirare aōkō ihÿre. ⁶Aōhōkÿmy
 dÿÿnanamy yla aōkō rotÿÿnyre. Tai
 ixinamy rarekre wiji. ⁷Wiji tahe
 iwtixira aōmydÿÿnana biwinyke:
 biwiōhenanyke iixāwididÿÿnadikemy.
 Tai tahe bedewona-di sōwetyhymy
 riatyōtyhy bedewona-ribi wahe. ⁸Tii
 luunatyhy-di bierynanybenyke.

⁹Tai heka adeereny ōnosōna
 rewahinyre. Tai juhuu waritidÿÿna
 adeereny rewahinyre. Jiarÿ heka
 kaiboho rexiwinymy aōbo atxitenyterí

ityhydÿÿna-ò. Kiamy adireny watxireri.
¹⁰Kai biixāwididÿÿnykeki heka, jiarÿ
 tule ariixāwididÿÿnyke. Kia adeereny
 rikiwinyrenyke Kristu òraru-ki. ¹¹Tahe
 Satanasi tiu iny riatyrenyōtyhy.
 Inyboho rieryrenyre tii kia riwinykemy
 riwisÿnymyhÿré.

¹²Jiarÿ heka ròirenyre Troaji-ò
 Rybewihikÿ tÿnydÿÿmy Kristuni-di.
 Tamy retehemynyreu, isiraōlemy
 tai Rybewihikÿ dohodÿÿmy,
 Inynyry riwawiōhenanyre wahe.
¹³Tahe wabadewomy watxiwāhā
 inyseriōrereny Txitu-ki rahaōrekí. Tai
 tahe kia iny mahādu reteōwarinyre
 arakremy Macedonia hāwā-ò rare.

¹⁴Tahe Deuxu deysana! Deuxu-wana
 watxiwāhārenyre. Tahe kia ijesu
 tai ritake. Kristu heka ridykre ijesu
 tarasadu mahādu. Rokoi renykre heka
 ihe-ki. ¹⁵Iwese aderōna lÿnyrehēkÿ
 ibutumy idi riālānymyhÿre wese heka,
 kia wese inyboho roire. Ibutumy iny
 rierykemy heka ityhydÿÿdu mahādu
 rÿirerimy ihÿre. Lÿnyrena wihikÿ
 Kristu ritoonyre wese Deuxu-ò inyboho
 roire. Iny lÿnyrena wese heka rare.
 Ityhydÿÿdu, ityhydÿÿdukōdu mahādu-ò
 ramyhÿre. ¹⁶Kia rityhynyōmyhÿre
 mahādu tahe, tÿnyre rirubunyre.
 Rityhynymyhÿre mahādu tahe tÿnyre
 iruweselemy rare. Kia aōmysÿdÿÿna
 biwinybenyke. Isirare heka iaōmysÿdÿÿ.
¹⁷Inyboho heka sōwemy inywese
 aōkō iny roire. Iwese iny riwymyhÿre
 aōðwyriōre idi ijohomy, kia wese
 karybe rare. Kia Deuxu deōdu
 mahādu heka iōwydimy aōkō rybe
 riwymyhÿre. Tahe inyboho heka
 inatyhymy rarybemyhÿrenyre.
 Deuxu dori inydeereny rarybere
 òbitinamy. Riwideōnyrenyre òbitina-di
 araryberenykemy.

3 Timyre heka tyriti ritididÿÿnamy
 raruōhyymahārenyre jiarÿboho
 awirenyremy. Tahe waribireny tule

aribireny kia Ritidỹyna arihurenyötyhy.

²Kaiboho heka Kristu tyriti wese aõma toite. Riritinymy heka roimyhỹre inywo-ki, inrayky-ki. Idi riramy kaiboho burubenykeki, aõbo kaiboho tewinymahäte heka tamy betehebentyke. Tai tahe rierymy idi rariake ixideele. Idi rariake häre tahe idi rexibedeerynyke.

³Kaiboho heka Kristu tyriti wese heka toite. Inydeereny iwahidỹymy heka tii rare. Kia tyriti wixiramy rare. Aõ ritidỹyna manamy aõkõ riwinyreri. Deuxu Tytybytyhy-di tahe riwinyreri. Aõ manatyre-ki aõkõ ròritidỹryeri inraykyreny-ki, inywo-ki ròritidỹmyhỹre. ⁴Deuxu heka retyhynmahäre, Kristu òraru-ki wahe. Tai tahe tuu raryberenymahäre kiawesemy.

⁵Jiaryboho heka warururenyöhyre kaa aõmysdỹyna widỹyna-ò. Iny ruruna heka Deuxu-ribi sohojile nade. Tii iny wiõhedỹydu, aõ iny rikiwinymyhỹrenyke-ò wahe.

⁶⁻⁸Irybe tỹmyra dohodỹdumy heka inyboho roire. Ihetxiu bede ywina wesemy aõko heka ròritidỹre Deuxu Tytybytyhy ihỹre. Ihetxiu bede ywina heka rubu diwyde. Deuxu Tytybytyhy iruna riwahinyre. Ihetxiu heka manatyre-ki ròritidỹre. Deuxu loosõna tule ròhõnyre, riwahinyreu wahe. Moisesi òsỹny-ribi sõwemy loosõna ròhõnyre. Idi tahe riixawididỹnyre. Tahe judeu mahädu reteheöhyymyhỹre iòsỹny-ò, iòsỹny loosõnadireki. Deuxu Tytybytyhy heka iratyre awimy rare, iny-ò dori Deuxu irutyhy riwahinyre. Tahe bede ywina nade loosõna wiwihikỹ-di bede ywina tỹmyra tahe iratyre awi rare. ⁹Tii heka iny-di ixawikemy ratxireri. ¹⁰Tahe iratyre rybe tỹmyra rare. Iny òraruna-di ixawikemy ratxireri. ¹¹Kia urihimyo rỹire awi rare. Iratyre tahe umytuedeõna rare.

¹²Iny rarõsõna sõwemy ratx-
imyhỹrenyke. Tai tahe inyboho
ruberuöhyymyhỹrenyke.

¹³Moisesi
wesemy aõkõ rakatximyhỹrenyke.
Imahädu rayktxymy dori rỹirenyre.
¹⁴⁻¹⁵Imahäduxtymy dori rỹirenyre.
Moisesi bedeywina-di rariakeki, irayky
ritòbõnyke. Kia rieryõreny iraykyreny
ratxynymyhỹrenyremy.

¹⁶Kristu
rityhynyre xiery, irayky raraymyhỹre.
Iwese Moisesi òsỹnytòbõna iòsỹny-ribi
resere wese kia rare. ¹⁷Kia Tyriti-ki
Inynrỹreny heka Deuxu Tytybytyhy
rare. Tikibo Deuxu Tytybytyhy rỹikeki
kowa ibutumy iny ixinamy rỹike.

¹⁸Tahe ibutumy inyboho heka Deuxu
wowydyna iny òsỹnyreny-ki ijõdire.
Iwese iny òsỹnyreny itxena-ki iny
retehemyhỹ wese, Deuxu wowydyna
ibutumy robimyhỹke iny òsỹnyreny-ki.
Inynrỹ he Deuxu Tytybytyhy
rare. Iribi tahe wowydyna nade.
Kia wese inyboho heka Inynrỹ
wesemy relemyhỹrenyke. Inihikỹmy
delemyhỹdenyde. Tii dori iny woren-ki
raaõõtadõtamyhỹre.

4 Deuxu taruxetõena-di heka
kia aõmysdỹyna inydeereny
diwahinyde. Tai heka ikonanakõdumy
idi rakatximyhỹrenyke. ²⁻³Ibutumy
heka rikiwinymyhỹrenyke aõbo òbiti
rare. Aõbina binahakỹ widỹy-ò heka
rekexiijerenyke aõbo òbitirele heka
rikiwinyrenyke; rikiwiurõnyrenyötyhy
heka Deuxu rarybereriki, tuu. Deuxu-
ruõhyyle rikiwinyrenyke. Inatyhyna
loosõna-ki heka rakatxirenyke.
Ibutumy heka rikiwinyrenyke ibutu
itxerena òbitimy wahe. Inyboho
ritỹnynymyhỹre Rybe tỹmyra wihikỹ.
Inyõ-ribi riwõmy roimyhỹkeki tahe kia
rityhynyömyhỹrele tuu ritidimy roike.
⁴Kiakeki tahe Satanasi iitxeredỹy-ò
riijõnyreri loosõnamy robike lau.
Deuxu binadỹyna rare. Ibinadỹydu
wesemy ratxireri. Kaa loosõna-ò

iny riitxeredj̃nyhyymyhyre aōma Rybewihik̃ t̃myra-ò. Rarybemyhyre dori Kristu heka Deuxu yrubule rare. ⁵Iximy aōkō rarybemahārenyre. Inynyrỹ Jesuisi Kristulemy heka rarybemahārenyre. Inyboho heka deòdumy inyboho ratximyh̃renyre adeereny. Jesuisi òraru-ki kia rewinyamahārenyre. ⁶Juhuu Deuxu rarybere: —Bedeluru-ribi heka loosōna doosomyh̃de. Tii heka loosōna-di inyraykyreny ritoosōnanymyh̃re. Tai heka iny Deuxu erysydj̃yna inyboho rieryrenyre. Kristu òs̃ny-ki sohojile tuu rokobirenyke.

⁷Kia heka aōna aōna wiwi inydeereny heka rare. Ihyna òwy riòre wesemy inyumyreny ratxireri, butxi weselemy wahe. Tai heka Deuxu sohojile irurudire, inyboho aōko irurudire. ⁸Ihārele heka aōbo iny riwinyke rieryōhyymyhyre timybo aō iny riwinyke heka. ⁹Aōhōk̃my d̃j̃ynana heka inydeereny rehemynymyhyre tai inyboho ikyhynamy riemyh̃renyre. Inyboho heka bedewodihyy ratximyh̃renyre, tahe tiemy iny raròsōnarenydihyy inyboho ratximyh̃renyre. ¹⁰Inyboho heka itxi tōhōti reahyy inyboho ratximyh̃renyre, Jesuisi rubuna-txi wahe. Kaki tahe iwese Jesuisi raremyh̃ wese heka rakatxirenyke. Tai iny witxira heka tuu robikre kiamy, Jesuisi rirudj̃ynanamy. ¹¹Jesuisi òraru-ki heka brebunahak̃-ki inyboho roire. Kia wese-ki heka iny Jesuisi runamy robikre inkyreny. ¹²Kia-ki heka iny rubukonanareny inkyreny rare. Tahe iruna akireny tule ratximyh̃re. ¹³Kiamy heka Ritidj̃yna roire: —Jiarj̃ retyhynyre. Taita rarybere: —Kia weselemy roire. Retyhynyrenyreri tai heka jiarj̃boho tule raryberenyreny. ¹⁴Jesuisi ixixadj̃ydu heka rare. Kaa tule inyboho tule riixixanyrenyke.

Rikirònykre heka Deuxuko-txi. Kaiboho tule boibenyke wawanareny. ¹⁵Jiarj̃ wawanareny kia adeereny relere. Tamy Deuxu ruxetòena sōwetyhymy ramyh̃re-wana heka riwahinymyhyre iratyre sōwetyhymy tamy deàlana riwahinymyhyre. Kia heka Deuxu wowydyna-ò tuu ratximyh̃re. Bedewoōmy.

¹⁶Iny bedewonaōhyyre heka. Iny umyreny retybynyre. Txuō txuōlemy heka ratj̃myranyke inywo-ki. Tiie heka aōbo rieryreny inatyhy wahe. ¹⁷Iny bededj̃ynanareny heka urihimyd̃le roimyh̃re. Iny wowydynarenkyo-ki heka aōhōk̃my d̃j̃ynana inyboho ritarenkye inydireny rethemyh̃re. Retyhenyrenyre wowydyna-ò awityhyremy inyboho idi rethemyh̃re iny idi rethōmyh̃redi. ¹⁸Aōbo iny tuu robimyh̃re bede bedemy tuu iny robimyh̃re ibutumy idi reamy. Aōbo iny tuu robiōmyh̃re heka tiu itueōtyhy. Kia-di tahe inyboho rōhōtinymyhyre.

5¹⁻²Inyummy t̃myrahak̃ heka inydeereny kidiwahinykre Deuxu, iwitxira biu bede-ki wahe. Aō hābu wahisidj̃yna-ki aōkō Deuxu-di wahisidj̃yna-ki heka tuukre kia umy t̃myra wahe. Tiu heka itueōtyhy. Rakabedeworenykre heka bede-ki iny telesōreny-ki ras̃nyreki inywo-ki wahe. ³Inyboho heka biubede-ki inys̃reny inumyt̃myra-ki rōkōhōtinymyhyrenyke. Kaa iny umyreny wahe. Rabedewomyh̃renyre. Umy t̃myraō heka rikitarenkyemy inyboho ratximyh̃reny. ⁴Aōherekibo inyboho wiji rabedeworenyre? Inyboho heka Deuxu bedewihik̃-ò aròirenykekō aōbo? Inyreny rikitarenkyemy aōkō wiji. Kaki aōhōk̃my d̃j̃ynana riwawobededj̃ynara. Kia aōbo umy t̃myra tyre tahe rikirutyrenyke ij̃ō wahe. Ij̃ō rikitarenkyre umytuedeōnaō. Tiu itueōtyhy. Kia riwinyre inydeereny

kia wahe. ⁵Deuxu dori tuu rarybereri inydee riwahinykremy. Tatytybytyhy dori diwahinyde diteòsinyde. ⁶Kia iwese juhuu rarybere wese heka tuu rotỹnykre. Tai heka inyboho teysamy ratximyhỹrenyre. Kabede-ki inyboho ratximyhỹre heka inyummyreny ratximyhỹre heka aõ Inynyrỹ-wana aõkõ ratximyhỹre. ⁷Tiu heka rokobirenyõtyhy rikityhynyrenykekile ka idi rakatxirenykre. Inyboho rieriyny timybo rarekre wahe. ⁸Jiarỹ wadee awire kabede-ribi arexitake Deuxu-wana arasỹnyke wahe. ⁹Aõma tamydeewimy heka tuu iny riwinyke wahe iny-wana rasỹnyke. Kaki iny ratximyhỹre tahe aõbo awire heka tamy awire. ¹⁰Inydireny retehemyhỹre. Aõbo inyboho riwinymyhỹrenyre. Aõbina bina rikiwinyrenyke heka aõhõkỹmy dỹnnana inydeereny riwahinykre. Aõwihikỹ riki rikiwinyrenykre wana tasỹ. Aõbo awityhy inydereny kidiwahinykre.

¹¹Inynyrỹ heka inyboho rityhynymyhỹre. Tai inyboho iny witxira-ò tuu sówemy relyymyhỹrenyre. Ibutumy heka Deuxu iny rieriymyhỹrenyre. Kaiboho heka tule tiwaerymahätenyte. ¹²Kia heka reraõmy watximyhỹrenyre biwaerybenyke. Ararybeõtyhy heka adeereny jiarỹ awiremy. Tahe wadee ka awire kaiboho waluurenkye. Hābu iumyle awimy rỹirerimy ihỹremy idi rōhōtinymyhỹre. Tii heka õbiti aõkõ rare. Kia biwỳnybenykemy adireny watxireri. ¹³Juhuu iny rieriemy itelesõ. Inymyreny rarybekeki itxỹtemy inyboho roiremy. Rakaryberenyke heka aõbo inyboho dori Deuxu dee. Aõmysỹdỹrenymyhỹreki inydireny rōhōtinymyhỹre. Inymyreny rarybekeki inyboho awilerenyremy. Iòrarureny-ki tuu rakatxirenyke. ¹⁴Kristu luuna heka kiamy iny riraykydỹnymyhỹre. Tii heka rurure iny ibutudee. Tii

rurureu, ibutumy inyderòwyrenymy rurure. ¹⁵Rurure heka aõma iny ixidee sohojile irumy rareke lau. Kia tako-ò rakreu tamy heka irumy rakre. Tamy dori rurure tai rexixare rubu-ribi. ¹⁶Rakaraykynyrenyke timybo hābu awiré, ibinaré. Kaimy heka rakaraykynyrenyke. Aõ iwese iny witxira raraykynymyhỹre wese aõkõ raraykynyrenyke. Aõma inyboho aõbo Jesuisi Kristu-di raraykynymyhỹre heka. Ixityre aõbo tuukre. ¹⁷Tii heka umy tỹmyra tuedeõna-di ratximyhỹre iwitxira ratximyhỹre. Juhu iaõmydỹnnana iribi ixāwira. Tahe wiji raraykywydynanyre iwitxiramy. Ibutumy iaõna aõna ihetxiu heka rawitxiranyre, awi-ò. ¹⁸Deuxu heka ibutumy kia riwinyre tamy. Inyboho heka iòludu roire, juhuu wahe. Wiji tahe iliinamy ijoi ratximyhỹre. Iny witxira heka iliinamy rarekemy idi watxiwāhāre. ¹⁹Wiji tahe timybo Kristu rarybekremy heka adeereny rarybereri. Aõma Deuxu kia liinamy rarekemy wahe. Ixinamy Deuxu. Ka Deuxu aõ anaumywitxiranydenyke. Kia Kristu òraru-ki tuu ratximyhỹre.

²⁰Jiarỹboho Deuxu deòdu roire. Tai Kristu deròwymy adeereny rarybereri: Iluuna ixidee ixby bimybenyke. Wii biwowixinybenyke. ²¹Deuxu heka iny òraruna ritidire Kristu tyre-ò. Kristu inyòrarunareny riwre. Wiji tahe Deuxu õbitina inydeereny riwahinymyhỹre.

6 Jiarỹboho tahe raaõmysỹdỹnyrenyke
Deuxu dee. Deuxu ruxetòena dori tetatenyte, tai idi mohōtinybenyke, òhōtirenry-ribi losaõmykemy.
²Boholabenkye aõmybo Deuxu rarybereriò. Jiarỹ heka aluurenrye iurenana tahe ka arybe-ò raholareri. Arawiòhenarenrye iu wadee textitòenyteu, wadee taryteu. Boholake wiji heka bitabenkye Deuxu ruxetòena.

Wiji heka biu-ò hena txumy bede r̃yire. ³Inyō iny aōmys̃d̃ỹnarenymy ibinamy rarybekeki, uritere ijō iny bedeworenyōmy, jiar̃yboho òraru-ki. ⁴⁻⁵Jiar̃yboho dori Deuxu deòdutyhy roire. Tai rikiteòsinyrenyke ibutumy aōbo inyboho dori Deuxu deòdu roire. Tai riteòsinyke ibutumy aōbo iny riwinymyh̃yke. Aōna aōna rikiteòsinyrenyke. Òhòte wakireny r̃yimyh̃yke. Ròtenawo-ò ralòmyh̃yrenyke. Bedeweweky-ki aōhòk̃my rat̃ỹnnymyh̃yke. Sōwemy heka reòludunyre aōnana bina binahak̃y reòludunyre. Aō òta òta reòludunyre. Sōwemy heka raaōmys̃d̃ỹnnihik̃yrenyke. Sōwemy heka aōmys̃d̃ỹnnadikre; t̃yikō bede reijerenyke; byreōmy bede reijerenyke; ⁶òbitimy heka rewinyrenyke. Aōma, ywiny-di ròwid̃ỹrenyke bedeeryna-di. Ka roirewāhā iny iwitxira rewiòhenanyre. Ibutumy kia rewiòhenanymy roirewāhā. Deuxu Tyytybytyhy heka wawanahyy roiremyh̃y. Luuna heka inydee reteòsinyrenyke Inatyhyna rybe heka ret̃ynnymahārenyke. Sōwe heka rit̃ynnymy, jiar̃yboho Deuxu deòdu roire wahe. ⁷Òbitina dori wadebōnarenymy wese rare Satanasi itxemy. Jiar̃yboho heka remymahārenyke aritarenymy. Tule iny rexijemyh̃yke òbitina-di. ⁸Ijō heka waluurenymy inyō tas̃y aōbina binahak̃yle wadee riwinymyh̃yke. Ijō heka Rybewihik̃my wadee raryberemyh̃yke. Ijō tas̃y rybe binamy wamyre, raujōmo. Inatyhyna rarybemyh̃yke. Tai wamy ruidu riwaninimyh̃yrenyke. ⁹Ibutumy heka iny riwayreny. Tahe rieryōhyymy heka inatyhy rare. Watxiwāhārenyke rubu wese ihāre tahe warumy watxiwāhārenyke. Tiiboho heka rubu wesemy inydireny ratximyh̃yrenyke. Aōhòk̃my rat̃ỹnnyrenyke hāre

raruōhyylemy watximyh̃yrenyke. ¹⁰Aōna aōna heka bedewonihik̃my ròhònyre. Tiiemy wadeysahyy watxiwāhārenyke. Jiar̃yboho heka urimynodule watxiwāhārenyke. Ibutumy inyboho rityhyd̃ỹnyrenyke. Aōhomy aōkō inyboho ratximyh̃yreny tahe ibutumy inydire roimyh̃yrenyke.

¹¹⁻¹²Tahe kaiboho ityhyd̃ỹdu seriòre mahādu Oritxi hāwā-ki. Jiar̃yboho heka kaa òbiti-my aōna aōnamy rarybemyh̃yke. Kaiboho heka ijohona derarenymy aōmybo rarybemyh̃yrenyreò. Jiar̃yboho heka aluurenymy. ¹³Kai wariòre wesemy adee rarybereri. Umy iwese jiar̃y aluure wese, kai waluurenymy.

¹⁴Boholabenymy waryberenymy-ò ityhyd̃ỹdukōdu mahādu-wana aōmys̃d̃ỹrenyōke. Timybo òbitinaō heka aōbinaō-wana raaōmys̃d̃ỹke. Timybo heka loosōna bedeluru-wana ratxike? Aōkōre! Tiu wiwana rauriōtyhy. ¹⁵Satanasi heka Kristu-wana raaōmys̃d̃ỹnanyōtyhy. Itydỹdu mahādu wiwesehyyle raraykynkemy r̃yira. Ityhyd̃ỹdukōdu mahādu-wana tahe wiraykyweseke aōkōre. ¹⁶Deuxu aōmys̃d̃ỹna heka iwitxi rare, suritxoo aōmyd̃ỹnana-ribi, wahe. Kaiboho heka Deuxu dohod̃ỹna ijoimy toite Deuxu oworeny-ki ratximyh̃yke. Deuxule heka kawesemy rarybere: —Jiar̃y heka was̃y ariwinymy ayreny-ki. Jiar̃y iDeuxumy aronykre tiiboho waijoimy. Rorokurenymy. Tai tahe Inynr̃y rarybere wiribi bihitxinyke. Inybina-ribi bexihitxinybenyke.

¹⁷Bexiebenymy òbitikōre-ribi wahe. Uritere tamy adi rexihumy, ixieryta aramyrenymy ixidee wariòre wese.

¹⁸Warurutyhymy adee rarybere. Boomy heka adireny arekre, jiar̃yle wahe. Deuxu rurutere rare Jiar̃y.

7 ¹⁻²Deuxu ibutumy tuu rarybere: —Kai ityhyd̃ỹdu waseriòre mahādu. Tai tahe rikexiòbitinyke ibutu

aõmydÿñana-ribi. Iny umyreny-ki rokobirenyke inyumyrenyy-ki. Òbitimy heka rakatxirenyke iko-ò, Deuxuko-ò. Aõma waluumy heka atximahãbenykemy rahõtiny-wãhãreny. Iny-ò aõ bina bina rewinyõhywãhãreny. ³Tuhe kaa rarybere tahe ixityre anarybekre. Aluurenyre jiarÿboho ibutuhyye ratximyhÿre iny rumy ratximyhÿre hãre tasÿ rukururenykre tulekre. ⁴Wadee heka awire ibutumy kaiboho ratximyhÿreny. Kai aõwitxira witxira wadereny rÿira umy retyhynyreki. Isirare heka wadee kia ratximyhÿhãrele Wadeysatyhymy heka watxiwãhãre, wiõhedÿÿtyhy òraru-ki, ijy òraru-ki.

⁵Jiarÿboho retehemynyre Macedonia bede. Taita tule elehynaõhyre wadereny. Ibutumy heka aõna aõna, òta òta witxira witxira; bede bede ihymy aõkõre rÿire tai. Aõma bedewonihikÿ heka watelesõreny-ò ralore. ⁶⁻⁷Deuxu riwawiõhenanyreny; Txitu diteõnyde wadereny. Tii rybereny heka awiremy kaiboho. Tai tahe reysarennyre jiarÿboho. Kaiboho tabedewomy atxitenyteri waðraru-ki. Katahe wadeysa nihikÿmy watxireri. ⁸Adeerenny warybetyriti rewahinyreki tabedewomy atxiteny. Tai tahe reysamy watxireri. Ihãrele heka tyyriti adeereny arawahinykre. Kaiboho heka tabedewotenye iribi tahe aõmydÿñna kaiboho tewitxiranytenye teõbitinytenye ibutumy. ⁹Tai tahe jiarÿ reysamy watxireri. Aõbinare dori rewinykõre arawiõhenyreny heka. ¹⁰⁻¹¹Deuxu heka iny ribedeòtiidÿñnymyhÿre iny ywimy riraykydÿñnykemy. Kia kidiwymyhÿke inydee tarasana wahe. Tii heka awire. Ijõ bededeòtiidÿÿ tahe bede ludu bede òtiidÿÿ. Kia tahe rubu diwymyhÿde. Kaiboho heka tabedeòtiidÿñnymyhÿtenye. Deuxu

heka kia riwinyre awiõhedÿñnamy aõma kaiboho awirenyre. Aõ witxira witxira sõwemy akireny rÿireri, aõ òta òtarenny. Kiadile tahe aõma òbitihymy òhò ayrenny-ribi kaiboho heka taykarananytenye. Kaiboho heka waluudumy teletenyte. Kaiboho biwinybenykemy aõbo òbitimy ratximyhÿre iwidÿÿmy tarotenye. Ibutumy heka òbitihymy rarekeny idi tetehtenyte. ¹²Tai kia tyyriti adeereny rewahinyre. Aõ kia rewinyre heka aõ iny iðarudikekile aõkõre rewinyre. Idi aretehekemy heka. Kaiboho waluurenytyhyre aõbo òraru-ki wahe. ¹³Tai heka wadeysamy watxiwãhãre. Aõ inyboho sohojile aõkõre teysa ratximyhÿreny. Txitu tule teysamy ihÿmyhÿre, kaiboho tawiõhenanyteki ¹⁴Tu heka rarybere adeereny kaiboho dori awimy tai tahatenyta awityhy. Adeereny heka inatyhyhy rarybemahãrennyre, inatyhynamy. Tule mobo rarybere Txitxu-ò. Ka tahe inatyhy rarybemy ratximyhÿre. ¹⁵Tai heka Txitu kia luuna heka aõnityhymy akireny rare. Itxi heka tõhõti akireny aõma Deuxu tetyhynmahãte-txi. Kaiboho tedytenyteki. Ihãrele urihimyo ruberumy ratximyhÿ. ¹⁶Reerymahãre jiarÿ kaiboho òbitimy boibekre. Tai wadeysamy watxireri.

8 Deuxu ruxetõena-ki heka sõwemy riwinyre Macedonia dohodÿñna mahãduy-ki wahe. Jiarÿ tuu arelyykemy idi watxireri waseriðreboho. ²Sõwemy heka iaõna aõnarenny iaõðaõtarenny tiiboho. Aõhõkÿmy rotÿñnyreri tiiboho. Ihãrele ka deysamy heka relereny. Reysarenny heka. Tiiboho heka iaõkõrennyre. Aõhohomy aõkõ heka roiremyhÿ. Kiahãrele heka sõwemy riwahinyre tamahãdu wiõhedÿÿmy. ³⁻⁵Riwahinyre heka sõwemy ixideewimy. Sõwemy riwahinykelemy wadee rarybere. Tiiboho heka sõwemy

wiòhedÿÿmy rurumy roiremyhÿ. Tai inyboho ribedeòtiinyre sòwereki. Kia judea bede, dohodÿÿna mahādu, kia wiòhedÿÿmy. Juhu heka tiiboho rexiwahinyreny Inynyrÿreny-ò. Tule Deuxu deewina inydee riwahinyre. Iny wiòhedÿÿnarenymy rexiwahinyre. ⁶Tai tahe jiarÿ rarybereri Txitu-ò: —Kai biwiòhenanykemy iaòmydÿÿnareny-ò. ⁷Kaiboho heka sòwemy tetyhynyteri. Kaiboho heka Deuxumy awimy tarybemyhÿtenyete. Kaiboho heka teerytenyete Deuxu aòmydÿÿnnana. Kiaboho heka waluureny waluurenymy boibeke wawiòhedÿÿdureny. Biwawiòhenanybenyke. Tai heka sòwemy bexiòlòdÿÿnybenyke adireny watxireri. ⁸Aò bede ywinaò heka adeereny rewahinyòhyreri. Arierykemy heka idi watxireri timybo aluuna ratximyhÿremy. Tii riteòsiny heka timybo ijò dowiòhedÿÿmyhÿdemy. Tai tahe iwese tii rotÿÿnyre wese kaiboho tule botÿÿnykre. ⁹Deuxu ruxetòena teerytenyete, Jesuisi Kristu ruxetòena wahe. Tii heka ityhy rare. Tii rikòdÿÿnyre heka aòrarureny-ki. ¹⁰Taihyky tetyhynytenyete Deuxu aòmydÿÿnnana-di. Kiamy heka raraykynyteri. Arawiòhenanykemy heka adireny rahòtynyre kanau bedeu. Tewiòhenanytenyete inatyhmy. Tai tahe bikonananybenyke kia kanau bedeu tewinytenyete heka bikonananybenyke. ¹¹Aòma ireiòno, uriòno biwahinybenykeki, Deuxu heka rimyke. Kia-di ròhòtynyke. ¹²Kia uriònomy idi teywiny atxiteri-di ròhòtynyke. Tamy wahidÿÿmy aòkòhykeki tahe Deuxu aòma raraykynyòtyhy. ¹³⁻¹⁴Jiarÿ heka isiramy adee ariwinyòtyhy aò. Kaiboho heka sòwemy kaa wiji toite, Tai tawowi-di inyò ròòkeki, taaònasòwe myna Deuxu-ò riwahinykre. Iaòkòkeki tai ibinamy Deuxu rahaòtyhy. Tai

biwiòhenanybenyke heka ihoòmy rÿira mahādu. Jiarÿ heka aò retòenyteri aòkò rare, biwahinybenykeny. Kai ihoòmy atxikeki tahe, tule inywitxira anawiòhenanykre. Taita wiwanale wiwesehyyle ròhònykre. ¹⁵Kiamy heka Tyyriti-ki Ritidÿÿna roire: —Hābuò heka sòwemy ributunyre. Tahe aòhe rauhenyòhyre tamy kia ibutuna-ribi wahe. Ijò tahe ibutelemy ributunyre hābuò wahe. Tiile heka aò tamy rasiranyòhyre.

¹⁶Txitu awiòhedÿÿrenymy rurumyhÿre iwese awiòhedÿÿrenymy rurumyhāre wesele wahe. Deuxumy reàlāre tai, Deuxu dori tuu rotÿÿnyre. ¹⁷Taita ixinamy arorarenymy rehemynykemy. ¹⁸Riwiòhenanyrenyteri iwitxira seriòreò. Ibutumy dohodÿÿna mahādu-ribi tii rityhynymyhÿre aòma Rybewihikÿ-di ritÿÿnynymyhÿre awimy. ¹⁹Dohodÿÿna mahādu rihitxinyre wawana kanakemy. Ibutumy Inynyrÿ loosòna heka tuu ratximyhÿre. Tule riteòsiny myhÿre ibutumy iny rikiwiòhenanymyhÿrenykemy. Tai heka inyseriòrereny reteònyrenyteri ityhydÿÿdu mahādu. ²⁰Tai inyò kia nierumy inyò rarybeòtyhy. ²¹Òbityhylemy rikiwinyrenyke ibuturu-ò. ²²Ijò tii-wana rake. Reurihirenyre heka tii wiòhedÿÿmy rakeò, tai heka tii wiòhedÿÿmy ratxireri. ²³Txitu heka waliina rare; wawana raaòmysÿdÿÿnymyhÿre heka rare. Jiarÿboho heka awiòhedÿÿrenymy rarumahāreny. Ijò seriòrerenyò nade dohodÿÿna-ò wiòhedÿÿmy. Tai kaiboho wowydina tamy biwahinybenyke. ²⁴Tai tahe dohodÿÿna mahādu kaki rierykre. Tai rityhynyrenykre aòmybo umyreny rarybere. Tule wiluumy atxiteri.

9 Reerywāhāre jiarÿ wiòhedÿÿmy tarumahātenyete Judeia bede-ki. Tahe kiamy aò aòkò ariritinykre.

²Reerywähäre timybo akireny rare. Jiar̄yboho heka awimy raryberenyre umyreny Macedonia hāwā mahādu-ò. Myheka rarybere: —Akaia bedē seriòre mahādu wiòhedỹmy rexiywinymy ratximahārenyire kau beòrau. Tai tiiboho rexideysananyrenyire. ³Tai heka kaa seriòre mahādu reteònyreri. Tai heka awikre biwiòhenanybenykre dori. Kiamy iwese rarybereri heka inatyhy rare. ⁴Araix̄rukre heka jiar̄y aōma bexiywinymybenyōlemy wiòhedỹna-ò atxibenykre-wana. Tule kaiboho maix̄rubenyke. ⁵Tai heka inyseriòreneny reteònyre akorenymy. Tahe iu arehemynykreu, bexiywinymybenyke. Biwahinybenyke wiòhedỹmy atxitenyteri ixideewimy. Aō jiar̄y adeereny rexitòenyre aōkō wiòhedỹmy.

⁶Kia hābu ibutemy ròbòròmyh̄yre heka ibutelemy tamy aōna aōna ruhunykre. Kia hābu sōwemy ribrònymy h̄yre tahe tamy s̄y sōwemy aōna aōna ruhuny h̄yre tamy riwahinykre bederaty aōmydỹnana. ⁷Tai heka iny sohoji sohoji ixideewimy tiwesebo riwahiny h̄yre. Riwahinyōke tahe aō tuu rurukōreri urenana tuu ratxi. Deuxu dee riwahiny h̄yre mahādu deysana-di riwahiny h̄yre kia iny mahādu Deuxu tuure. ⁸Deuxu heka riwahiny h̄yre sōwemy aōmybo tarumahāte kia inydeereny iratyre. Ibutumy aōmybo tarumahāte heka tule iny witxira biwiòhenanybenyke. ⁹Kiamy Ritidỹna-ki roire: —Tii tawowi-di iaōkō mahādu-ò. Ròwahiny h̄yre. Kia tahe iinydee wobrona tiemy rosaōmy rarekre. Deuxu heka riwahiny h̄yre tibo alòbòròdu-ò. ¹⁰Inydee riwahiny h̄yre paō iny rir̄s̄yke. Tahe tule sohoji sohoji òwòrutumy rurumy h̄yre heka tamy riwahiny h̄yre. Kia ribòrònymy h̄yre tahe Deuxule ritxuhudỹmy h̄yre. Tahe

sōwemy bitakre Deuxu-ribi. ¹¹Kia rimymy h̄yre mahādu tahe Deuxumy reālāmy h̄yre. Kia tewinymahāte heka Deuxudeewimy tewiòhenany mahāte. Deuxu heka sōwemy rimymy h̄yre eālānarenny iòraru-ki. ¹²Kaiboho heka Deuxu mahādu teriwiòhenanyteny. Kia sohojile aōkō. Tule aōraru-ki tiiboho Deuxu-ò wowydina sōwemy riwahinyrenyke. ¹³Kaiboho Rybewihik̄ t̄ymy tetyhynytenyteri, Kia ibutumy rierymy h̄yre kaiboho dori uriòno tewiòhenanytenyteki, tai iny wowydina Deuxu-ò riwahinykre. ¹⁴Adee rexitòenykre aluumy heka relekre Deuxu adee ruxetòena riwahinyreki. ¹⁵Deuxu-ò wowydina iny-ribi kanakemy heka idi watxireri. Wahidỹna wihik̄ dori Deuxu inydeereny riwahinyre.

10 Jiar̄y Paulo heka aōmybo adeereny arexitòenykre. Aōherekibo tamy tarabemahāteny awanarenny watxiwāhāu urihimyo le watyhna watxirerimy wamy tarybemahāteny. Jiar̄y heka awana rybetere-di rarybeōmahāre awanarenny watxireri wana. Tiu rareu, taheka ròritidỹre rybetere-di wahe. ²Ròhòtinywähäre. Rexitòenyre. Awi heka rare. Ywina-di iny ris̄nymy h̄yre. Inyō wamyrenny ibinamy rarybekeki tahe tule ararybeke heka. ³Inatyhymy kabede-ki inyboho ras̄nymy h̄yreny. Rakaaōbinanykeki, inyumyrenny aōbinana wesemy rare. Tebònadirenny. ⁴Tebònadirenny. Aō kadedemy iny r̄yira kia debòna wese aōkō k̄ny. Deuxu debòna heka r̄yira irurule heka rare. ⁵Inyō aōbinamy Deuxumy rarybemy h̄ykeki, tai tahe kia wadebònarenny remymy resewähārennyre kia ixāwididỹnamy wahe. Ibutumy Deuxu òludumy ratximy h̄yre heka remywähārennyre Deuxu rierykemy Kristu rityhynykemy

wahe. Kaiboho heka ibutumy tetyhynmahätenyte. ⁶Kaiboho biatybenykeki, tahe, rexihuhyymy r̃imyh̃yre aõhõk̃my d̃ỹnana-ò. ⁷Kaiboho heka tetehe mahätenyte aõna aõna-ò ahana-ribi wesele wahe. Inyõraraykynykeki ratximyh̃reny ixinamy tuu rayakynyke. Jiar̃yboho heka tule Kristu mahädu hõrõ iny ratxirenryeri. ⁸⁻⁹Deuxu heka ruuõ wadee diwahinyde arawiõhenanykemy tai raixruõmyh̃yre. Tai heka abrebud̃ỹrenymy aõbo kariti rewinyre. Urile tahe aumyd̃ỹreny adireny rewis̃ynwähäre aõ bede aräatyremy aõkõ. ¹⁰⁻¹¹Ityriti rybetere heka ribrebud̃ỹ tahe rehemynyreu heka tii aõkõ rybetere-di rarybemyh̃yre. Awityhymy aõkõ rarybemyh̃yre riritinyreu. Iwese ròritid̃ỹre wesemy aõkõ rarybere. Iu adehemynykreu tahe, iwese ròritid̃ỹre wesele heka anarybekre. ¹²Iny tai ratximyh̃yre heka sówemy ixidi röhötinymyh̃yre tii awiremy. Kia tahe watximyh̃reny kia raryberenyõtyhy. Tii dori raitx̃temy ratximyh̃. ¹³Aõmy iximy rarybemyh̃yre dori tii awimy iximy rarybemyh̃yre heka urile tuu rayakynymyh̃. Timybo Deuxu inydee raryberele rikiraõmyh̃ke. Kiawesele inydeereny awire. ¹⁴Iaõmys̃d̃ỹna heka timybo rikiwinyrenykele iny riijemyh̃reny. Juhu heka Rybe t̃myra wihik̃y heka adeereny adiwykemy idi watxiwähäre. Rewyreny heka juhoo Rybe t̃myra wihik̃y adeereny rewyre. Tai heka tuu raryberenyõhyymahäreny timybo iny witxira aõmys̃d̃ỹna riwinymyh̃reny. ¹⁵Kaiboho heka aityhyd̃ỹnarenny raumynykre. Tii heka wadeereny awire. Jiar̃yboho heka aõmys̃d̃ỹna wihik̃y sówemy ariwinyrenykele watxirenryeri ayreny-ki, Deuxu-deewireki. ¹⁶Idi tahe arõirenkyre rybe-di arit̃nynyrenykre ijbõde-ò,

Rybe t̃myra wihik̃y-di wahe. Aõmy ararybeõtyhy aaõmys̃d̃ỹnarenny iwitxira rewinyremy. Kiamy heka Ritid̃ỹna-ki roire: ¹⁷—Urile tuu rybe r̃yike Inynyrỹ timybo riwinyrelemy. ¹⁸Iny ixidi röhötinymyh̃yre tii awireny. Tahe awi aõkõ rare Deuxu-ò. Deuxu tahe awimy tai rahamyh̃yre tii idile röhötinymyh̃reki.

11 Jiar̃y õsana urihimyo raitx̃temahärenny kaiboho wawana tõiterimy ixi-di atxitenyteri. Ihärele taheka urihimyo reõludunymahäre. Jiar̃y heka okorenyre iwese Deuxu ratximyh̃yre wesele. ²Ywimy atximahābeny adireny watxireri. Kaiboho iwese ijadõma hābumy roikre wese toite. Hābu heka Kristu rare. ³Jiar̃yboho raberu wähärenny kaiboho Kristu-wana atximahābenyke lau wahe. Iwese Eva hemylala riitxenanyre wese wahe. ⁴Inyõ kanakeki röhāleted̃ỹmy Jesuisi witxiramy. Tahe kaiboho bityhynybenykelele jiar̃y heka raberumahäre. ⁵Ijõ dori rit̃nynymyh̃yre iwese inyboho rit̃nynymyh̃reny wese aõkõ iwitxiramy. ⁶Kaiboho heka tahötinymahätenyte t̃nydỹdu wihik̃my inkyreny ratximyh̃yre. Tahe awiremy idi tahötinymahätenyte. Tai iwesele inyboho roire awi heka roire. ⁷Tahe iwese tii awityhymy rarybemyh̃yre wesemy aõkõ inyboho rarybemyh̃reny. Tahe iny rierymyh̃reny inraykyreny-ki. Sówemy heka tuu adeereny rarybemahärenny. Iu jiar̃y rybe rit̃nynymy akireny rarewähāu, kiau heka adeereny rexitõenyõhyre iõwyd̃ỹmy. Iyjamy heka ixidee reijenyreny kaiboho bexiõlõnybenykele. Teõsare õsana iwese rewinyre wese. ⁸Ijõ dohod̃ỹna mahāduõ heka riwāwyny adeereny arit̃nynyrenykele. Iwese iribi rawasinyre wesemy heka rahötinyre.

⁹Iu akireny rybe-di t̃nyd̃ỹmy rarewāhāu tiu rexit̃ōenyōhyre adeereny biwawiōhenanykemy. Macedonia hāwā-ribi dori ityhyd̃ỹdu, mahādu seriōreō aōmybo raruwāhāre wadee diwyde. Tiu heka aō aribireny aritaōtyhy. Tuu rarehy wese heka wiji rarekre. ¹⁰Kristu inatyhynamy wadee rarybereri kia wese tule ararybekre ibutummy Akaia hāwā hāwā-ki. ¹¹Jiar̃y heka aluunihik̃yreny. Taile heka tuu rarybewāhāre Deuxule rieryre. ¹²Kia rybe t̃nyd̃ỹdu heka iwese rewinywāhāreny wesele rōwid̃ỹmyh̃y. Kia heka rewinywāhāreny heka kia rarybereri heka aō wiribi lahitxi aōkōmy rarybereri. ¹³Kahābu heka inatyhy Deuxu deōd̃ỹna aōkō ratximỹh̃y. Ruile heka iaōmys̃d̃ỹna-ki rōhōnymỹh̃y. Rexit̃ynynkemy Kristu deōd̃ỹna mahādu-ò. ¹⁴Tahe aōkōre heka Satanasi tule rexiwixiranymỹh̃y. Ȳju wesemy tii rexideōsinymỹh̃y. Kia hābu teōdu rare. Tai heka irehemy iribi rexiijaranyre òbiti deōdu mahādu ratxireriki wahe. ¹⁵Utile tuu iny idi rōhōtinykelemy heka tuu ratxirerimy ih̃y. Tahe aōkōre. Ikonanau tahe aōhōk̃my d̃ỹnana ritarenkyre aōbo riwinymỹh̃y òraru-ki.

¹⁶Ixityre tuu ararybekre. Inyō raykykōmy jiar̃y itx̃yte raremy. Ararybekre heka waaōmyd̃ỹnanarenymy. ¹⁷Teramy ijirarenymyke aōmybo ararybekre. Deuxu dori tuu arybed̃ỹ-ò riwaijōnymy, tai heka rarybere itx̃yte wesele watximahāremy. ¹⁸Kaiboho heka taholamahāteny itx̃yte mahādu-ò. Katahe bodoholabedenyke aōmybo ararybekre. ¹⁹Inyō kedehe mynykeki kaa biwinybenyke. Tahe tewinymahāteny aōna aōnamy aōkō wahe. ²⁰Inyō araitxenanyrenykeki uritere aōmyd̃ỹrenyōmy tamy. Jiar̃y heka ariwinyōtyhy tuu, wadee

awiōre. ²¹Ijō rarybemyh̃y inyō. Tule jiar̃y ararybekre. Itx̃yte wesemy ratximỹh̃remy. ²²Tii heka Hebreu mahādumy tii rexininire. Jiar̃y tule kia tuu rare. Ijaō mahādumy heka tiiboho rexininirenyre. Jiar̃y tule. Abraō riokoremy rarybemyh̃y. Jiar̃y tuleri. ²³Kristu deōdumy heka tii rexininimyh̃y. Rarybemahāre itx̃yte wesemy. Jiar̃y heka iratyre deōduwimy watxiwāhāre. Jiar̃y raaōmys̃d̃ỹ nihik̃y. Rōtenawo-ò riwarutyreny iratyre. Riwahatenyreny iratyre. Arurure inihe iratyre. ²⁴Judeu mahādu heka 39 hetenamy wamy raōhōtere iruyre sōwemy wahe. ²⁵Roma mahādu tas̃y inataōmy riwahateny. Sohoji ta mana-di watyre rihure. Ijōtxu heka hāwoninihik̃y heka riorore. Aōutxu heka bera-ki rāire ruu ibutummy txuu tule ibutummy rehure. ²⁶Ibutummy reamy rarewāhā aōma wasidu bede aōmyd̃ỹnanamy bera-ki tule arurure inihe. Judeu mahādu warubud̃ỹmy wadi riwis̃nyre. Tule judeukōdu mahādu tulere. Hāwāhāk̃y-ki brebunatyhymy watxiwāhā, bede rahy-ki tule, ahohok̃y-ki tule. Waliinaō inatyhy aōkō tai ih̃ymỹh̃y. Tai heka riwaitxenanyreny. ²⁷Aōmys̃d̃ỹ nihik̃y tai. T̃yikōhyky heka bede reijemy rarewāhā. Rama riwasare; bemy rarowāhāre. Timy heka t̃yinatykyō ihoōhykyre sōwemy wahe. ²⁸Tai tahe rahōtinyre ibutu dohod̃ỹna mahādu-di. ²⁹Urihimyōle taruru-di ratxireri wana jiar̃y tule iheki waruruhohomy aōkō relemahāre. ³⁰Inyō raōrarunymỹh̃y wana jiar̃y rabadewowāhāre iōraru-ki. Jiar̃y rexideōsinywāhāre waaōkōre urityhywāhāre. ³¹Deuxu Jesuisi Kristu tyby dori riwaerymyh̃y aōu aōu heka iny rakanihik̃yreny. ³²Iu Damas hāwā-ki rarewāhāu, Iōlō Areta bede dinodu heka riwamymy riwateōnyre. riwamykemy hāwāhāk̃y

ijò-ò. ³³ Weriri nihikỹwomy riwawòmý riwatidire, Walina mahādu. Tahe heto raro-ribi riwaatyre hāwā ahana-ò. Tai tahe rahenyre iribi.

12 Jiarỹ heka ararybekemy watxireri. Aō aōkō rarehārele heka ararybekemy watxireri. Wiōhedỹña aōkō heka rare. Wanyrỹ wadee riwahinyre aōna aōnamy heka rabire rasina wese jiarỹ sohojile wahe. Kiamy heka arelyykre wiji. ²⁻³ Tahe 14 beòramy heka Deuxu ityhydỹyduò ridyre biu-ò tasỹ-ò wahe. Deuxule rierymyhỹre inatyhy aōbo rare ada aōkōre aōbo. ⁴ Kahābu Deuxu-ribi heka rybeòkemy roholare. Tahe rarybeòtyhy. ⁵ Iximy tahe ararybeòkre kia wadeysarehāre. Waaōhōkỹmy dỹñnanadile areysakre. ⁶ Urile ararybekre timybo releremy. Taile tahe iny tuu rarybekre. Tuheka rabire sōwemy aōwiwihikỹmy. Jiarỹ awiremy iny wamy raraykynyheny. ⁷ Tahe Satanasi aōbinana witxirahakỹbo wadee riwahinyre. Ixidi arōhōtinyòkre. Jiarỹ aōwiwihikỹ jiarỹ raremy wahe. Araraykynyòkemy. ⁸ Inataōmy heka Inynyrỹ-ò rexitòdenyre kiamy waribi ritakemy. ⁹ Tii wadee rarybere: —Waruxetònale heka adee awire. Aōbo kai taaōkōteu heka waruru adee rewahinyre. —Tai tahe jiarỹ reysare, waaōkōreu wahe. ¹⁰ Tahe awire, waōkōna, warurukōna, ibutumy wadee awire. Kristu òraru-ki heka tuure. Tiubo ibinamy wamy riwinykreu warurukōkreu, warurudikre.

¹¹ Rarybere heka hābu itxỹte wesele heka rarybereri. Kaiboho iòrarureny-ki heka kia wesemy rarybereri. Inatyhymy heka jiarỹ kia rybe tỹnydỹydu mahādu bina ratyre watxiwāhāre. Ayreny-ki rarewāhāu heka teerytenyte. ¹² Aōna aōna wiwihikỹ, deytana wihikỹ, bedetiidỹña ayreny-ki rewinyre kia Kristu deòdumy watximyhỹreki wahe.

¹³ Rybe tỹnydỹy òwyō heka aribireny retaōhyre.

¹⁴ Ihewoludu txu tahe aroramy arakemy ixidi watxireri. Inataōmy reywinrya aroramy arakremy wahe. Aribi nieruō aritaōtyhy. Urile arawiòhenanyrenykremy adireny watxireri. Uladu riki heka tyby riyrubunyōtyhy. Tyby tahe uladu riyrubunymyhỹre. ¹⁵ Ibutumy idi watxireri heka arahukre arawiòhenanyrenykremy. Adeereny wylemy arihukre. Jiarỹ heka aluurenyre. Kaiboho aōbo tule waluurenykre? ¹⁶ Waòraru-ki heka adee isiraòkre heka. Ihārele tahe inybina wamy rarybemyhỹre: —Tii itxenadỹydu rare. ¹⁷ Wamahādu tule aribireny ritaōtyhy ijō. ¹⁸ Txitu reteònyraiō ityhydỹydu seriòreō-wana. Tii aōbo aō aribireny ritare? Aōkōre. Txitu wawesele heka tii rare.

¹⁹ Taōmysỹdỹña heka aw-iòhedỹñnarenymy rare. Aō wadi jiarỹ awiremy nohōtirenymy tuheka rarybereri adeereny. Deuxu, Kristudeewinamy heka tuu adeereny rarybereri heka. Deuxu kotxi heka adeereny rarybereri awiòhedỹñrenymy. ²⁰ Raberumahāre heka arehemynykreu, iwitxiramy atxibenybeke lau. Tule wadi iwitxiramy bethebenyke xiweserenymy aōkō. Ihāru, adebure. Aōkemy watxireri. Iny aōbina binamy wimy rarybemyhỹre. Iny ixidile rōhōtinyrerimỹ ihỹre mahādu. Kia arohakeki tahe wadee awiøre. Riyrubunymyhỹre. Riyrubunyōhyymyhỹre. ²¹ Raberuwāhāre heka arahinykre heka akotxireny iòhāru òraru-ki. Aōna aōna witxira witxira òta òtamy rōhōtinymyhỹre, raraykynymyhỹre. Sōwemy heka riwinyre ta xixi-txi tōhōti reaōhyymyhỹre kia riwinyretxi.

13 Tahe ikonana txu roraludu heka jiarỹ rare. Inyō aōbina

binamy wimy rarybemyh̃yreki waribi
ihitxihitximy heka tuu rarybemyh̃yre.
Iny rimymy h̃yre heka tuu robimyh̃yre;
tuu rarybemyh̃yre. Wiweselemy
heka tuu rarybekre. ²Iny iòrarudimy
r̃yikre-wana, ibutumy heka aòhòk̃my
rot̃ỹnykre arehemynykreu. ³Aòmy
Kristu rybemy heka rarybekre. Tai
bierybenykre. Aòmy warurud̃ỹdure
heka bierybenykre Kristu wahe.
⁴Kristu heka itxeò-ki rurure irururenyò
wahe. Jiar̃y warurunarenykò
òraru-ki. Tahe Deuxu ratximyh̃yre,
iruruna-di. Tii-wana heka inyboho
heka ratximyh̃yrenyire iruruòmy. Tai
awanarenyle watxireri, tahe tii-wana
Deuxu ruruna-wana watxireri. ⁵Ixi-di
heka betehibenyke. Bexiurihibenyke
tyhyna-di atxitenyterimy. Jesuisi
Kristu awo-ki ratxireri. ⁶Kia
terytentyte, inatyhy. Tahe jiar̃yboho
inatyhymy aòna aòna riijerenyre.
Kia aòbo teerytenyete. ⁷Jiar̃yboho
rexitòenyreny wāhārenyire. Òraruna
wid̃ỹrenyòmykemy. Kaiboho aòwiwi
biwinybenyke. Kia òbitimy watx-
imyh̃yrenyireki aòkò, kiemy òbitimy
boibenykemy. ⁸Aòbo heka inatyhyna
wiòhed̃ỹnale rikiwinyrenyke.

⁹Kaiboho arurudimy atxitenyteri-wana
heka, jiar̃yboho warurudimy
watxiwāhārenyire, kia wadeereny
awi rare. Rexitòenymahārenyire
kaiboho òbitimy matxibenybekemy,
ywimy ahābenykemy. ¹⁰Tai heka
adeereny ratyryritinyreri kiamy.
Aribireny irehemy watxiwāhāre
taheka arawiòhenanyrenyke.
Arehemynykreu tahe timy heka
aòhòk̃myd̃ỹnanamy aròhòtinyòtyhy,
kia waaòmys̃d̃ỹna rare. Inynyrỹ
dori iny wiòhed̃ỹnananyreny nade. Iny
aòhòk̃myd̃ỹnanamy aòkò.

¹¹Arakre tahe waseriòreboho. Idi
biwis̃nybenyke ibutumy òbitimy
biwinybenykemy. Warybe-ò heka
boholabenyke. Wiwese weselemy
maraykywydynanybenyke wiribihitx-
imy aòkò. Ywina-di matximahābenyke.
Deuxuluuna heka tule akireny
ratxikre. ¹²Wii birybenymyh̃ybenyke
ityhyd̃ỹdu seriòre mahāduò tai
wiluumy atximahābenyke. ¹³Ibutumy
Deuxu ijoi mahādu heka adee rybe
riwehityhynanyreri. ¹⁴Jesuisi Kristu
Inynyrỹ ruxetòena heka akirenykemy
watxireri. Deuxu luuna aki r̃yikre.
Deuxu Tyytybytyhy awana r̃yikre.

Alatxia

Paulo Tyyriti, Alatxia Mahādu-ò

1 Jiar̄y Paulo, rybeōmy nodu rare. Inyō riwateōnyōhyre. Jesuisi Kristule, Deuxu inytyby, Kristu ixixad̄ȳydu-wana riwateōnyre. ²Jiar̄y ityhyd̄ȳydu seriōre-wana. Kaa watyritireny rewahinyreri Alatxia bedeludu mahādu-ò, ibutumu dohod̄ȳna mahādu-ò, ityhyd̄ȳydu mahādu-ò wahe. ³Ruxetōena ywina-wana adeereny kanakemy idi watxireri Jesuisi Kristu-ribi, Deuxu inytybyreny-ribi. ⁴Jesuisi rexiwahinyre iny òrarureny-ribi iny ritarenkyemy. Wiji bede aōmyd̄ȳnabina-ribi iny ritarenkyemy. Kia dori Deuxu-ò inytybydeewimy rare. ⁵Tamy àlàna aōu aōu kanawahimyh̄ke.

⁶⁻⁷Jiar̄y bede reōtiinyra, rybe witxiraō elelemy tetyhynymahāteki. Rybewihik̄y witxira ihoōre. Juhuu Kristu taruxetōena-di bedebina-ribi aratareny. Inyō adee rare. Idi Deuxu Rybewihik̄y riwitxiranykemy. Tai tahe atyhyd̄ȳna ribinad̄ȳnyra. Tai tahe kiamy adee rarybera. ⁸Inyō aōbo, jiar̄y aōbo, ada biuludu ŷju aōbo, adee Rybewihik̄y witxiraō rarybekeki, Deuxu kyarana tamy kedeseekemy idi watxireri. Rybewihik̄y-ò juhu waribi taholateny. Kia sohojile inatyhyre. ⁹Iwese rarybere wese ixityre ararybekre. Inyō Rybewihik̄y riwitxiranykeki, aōmybo juhuu taholateny-ribi, Deuxu kyanamy resekre. ¹⁰Deuxudeewimy taheka watxireri hābudeewimy aōkō. Jiar̄y hābudeewimy aratximyh̄keki Kristu deōdu aōkō jiar̄y rare.

¹¹Aōmybo rarybemyh̄re hābu-ribi rare. Kia Rybewihik̄y tyhy rare. Kia bierybenyke. ¹²Kia tihābuō-ribi adoholaōhyymahāde. Hāburybe-ki aōkō

reeryre Jesuisi Kristule dori kia riwaery-nanyre. ¹³Kaiboho taholateny, iwese jiar̄y judeu mahāduy-ki raremahāu Iu Deuxu ityhyd̄ȳydu mahādu aōbinamy rewinyd̄ȳnanymyh̄re. Idi ariixāwidid̄ȳnykemy rarewāhā. ¹⁴Wamahāduy-ki sōwemy iratyre raremahā judeu mahādu bede ywina ywid̄ȳy-ki. Idi retyhynyhyymahāre wahona mahādu ratyre, byrena er̄ȳd̄ȳna-ki. ¹⁵Iribi tahe Deuxu riwamyre taruxetōena-ki. Ratohouānyōlemy rareò juhu riwahitxinyre. ¹⁶Wadee Deuxu tariōre riteōsinykemy ratximyh̄ judeukōdu mahādu-ò tuu ararybekemy wadi ratximyh̄. Iu inyō dee aōmy rarybeōhyre Jerusalē hāwā-ò raōhyre. ¹⁷Rōtyhyd̄ȳyōmy raremahāu. Deuxu deōd̄ȳna mahādule r̄yiramyh̄. Ihārele tahe tamy rybemy raōra. Iribi tahe rahōnyra Arabia-ò. Idi tahe ixityrele adōōsede Damasū-ò.

¹⁸Inataō beōramy heka kowa-ki reijere. Idi tahe rare Jerusalē-ò Pedro roramy. Tahe bede reijere waiyre txumy tai. ¹⁹Ijōmy heka rabiōhyre deōd̄ȳna mahāduōmy. Txiaulemy heka rabire, Kristu seriōremy. ²⁰Ka heka watyriti inatyhy rare. Deuxuko-txi inatyhy rare. ²¹Idi Siria bedeō-ò rare, tule Silisia bede-ò. ²²Judeia bede-ki Kristu dohod̄ȳydu mahādu wamy lobixidu aōkō r̄yira. ²³Urit̄ȳna roholamyh̄re: —Kia juhu inyhudurenymy inydiireny raremyh̄, wiji tahe tyhyna-di dobedeeryd̄ȳnanymyh̄de. Juhu tahe tii tyhyna rahukemy riwis̄nyre. ²⁴Kia ibutu òraru-ki tahe Deuxu-ò deālāmyh̄de wamy, Paulo wahe.

2 Waōinaubiōwa reurò beōra-di rexihureu, ixyby Jerusalē-ò ròōsere. Banabe, Txitu-wana redyre. ²Rawāhāre heka rasi wese-ki aōmybo rabireki. Ret̄ynynyre iny-ò iwese inywitxira-ò rarybemyh̄remy. Dohod̄ȳydu mahādu ratyre retare tamy rihitxinyre

rarybekemy. Tuu arierykemy watzireri ywimy watxiwāhāremy. ³Txitu wawana ihÿre, tii judeukōdu mahāduō hārele tahe itōtyky resymy rarybeōhyhyrenyre. Tiiboho waki ibinamy rahaōhyhyrenyre. ⁴Idile rōhōtinymyihÿre ityhydÿÿdukōdu mahādu. Tiiboho nalōdenyde waixāwididÿÿnarenre-ò retehekremy, iny Kristu-ki ijōdiwāhāre-ò. Tiiboho ixiwesemy iny-di risÿnykemy ratxirenryeri. Tiiboho ityhydÿÿdu wesemy rexisÿnymyihÿre. ⁵Tamy jiarÿboho raholarenyōhyymahāre inatyhymy Rybewihikÿ aribireny ritaōhyhykemy. ⁶⁻⁹Dohodÿÿdu mahādu ratyre mahādu heka Joaō, Txiau, Pedro-wana rare. Tiiboho ibutu erysina ratyre rÿiraki, kia aō aōkō wadee rare. Tiiboho aō tÿmyra riwabedeerynyōre. Deuxu-ò tahe ibutumy iny wiwesehyhy rare. Deuxu riwateōnyrenyre judeukōdu mahādu-ò Rybewihikÿ wahisidÿÿmy. Kia Joaōboho wiwesehyylemy widi rōhōtinyre riwawehitynanyra jiarÿ Banabe-wana. Tai tahe iwese Pedro judeukōdu mahādu-ò rare. Tiiboho tahe ritÿÿnynymyihÿke judeu mahāduōle wahe. ¹⁰Urile riwatyhenyra iny aōkōdu mahādu ariwiōhenanymahākemy. Kia juhuu ariwinykemy watxiwāhāre.

¹¹⁻¹²Atxiōkia-ò Pedro rehemymÿreu jiarÿ tuu rarybere timybo ibinamy riwinymy ihÿremy rexiitxenanymyihÿreki. Hābuō Txiau-ribi rehemynyōrau, tii judeukōdu mahādu-wana riroxire. Irahudi tahe dehemynydenydeu, riroxiōhyylemy rexitare. Judeu mahādu rybe lau ruberure. ¹³Ijō judeu iwesele rotÿÿnyre. Ihewoludu Banabe tulere. ¹⁴Tuu rabireu, òbitimy aōkō Rybewihikÿ inatyhy wesemy aōkō rotÿÿnymy raremyhÿ tahe rarybere ibuturu-ò, Pedro-ò. Kai judeu mabekeki, tahe judeukōdu mahādu wesemy tanabededÿÿnanamy ahāte. Uritere judeukō mahādu judeu mahādu wesemy

isÿdÿÿōmy. ¹⁵Jiarÿboho tahe judeu mahādumy reamahārenyre. Judeukō mahādumy aōkō watxiwāhārenyre. ¹⁶Iny bedē ywidÿÿna aōkō iny ritamy roire. Kia Kristu iny rityhynymyihÿrele iny ritamy roire. Bedē ywina ywityhydÿÿna iny ritaōtyhy. ¹⁷Iny Kristu-ki tarasana ritamy ratxikeki, tahe òrarudu tyhymy ronykeki, Kristu aōbo òraruna widÿÿna rare? Aōkōre. ¹⁸Jiarÿ bedē ywiny ywidÿÿna-ò aròsekeki, òrarudumy ararekre. Kia jiarÿ idi ariatymy rÿimymÿre ixityre ariwinykeki òrarudumy arareke. ¹⁹Jiarÿ bedē ywina rarumy rāire wese, Kristu-ò warumy ararekremy. Kristu-wana jiarÿ raitxeōkirubudÿÿnanymahāre. ²⁰Jiarÿ ixidee warumy aōkō wahāre. Kristu tahe wawo-ki riwarudÿÿnanymy ihÿre. Warumy watzireriwana Deuxu iriòretyhydÿÿna òrarukile warumy wāhāre. Tii waluumy ratximyihÿre. Tahe wadee rexiwahinyra. ²¹Deuxu ruxetòedÿÿna aribynykemy aōkō watzireri. Bedē ywina tyhydÿÿna òraru-ki ywityhydÿÿna tahe inyō ritakemy ratxireri. Kia-di inatyhymy inyō rexitakeki tahe, Kristu uriòle rurure.

3 Alatxia mahādu timybo tahōtinyteri kaiboho òhōtibede-di rierykōrenyre. Kia-di òsana tahōtinyre. Moòwòru ijeranamy ahātenyte. Jesuisi Kristu itxeò-ki rururedi taholatenytyhyta. Òhōti-ribi aōbo kia rosare. ²Kiale arierykemy watzireri timybo tahōtinytenyteri: Deuxu Tyytybytyhy temytenyta bedē ywina widÿÿnamy aōbo ada inatyhyna tyhydÿÿnamy aōbo. ³Juhu urile tetyhynytenyte idi ixiumykile tadexityhynymy ahātenyte, bedē ywina ywisidÿÿna wahe. ⁴Kaiboho òbitimy tahōtinyōtenyte. Kia aōbo aōhōkÿmy tatÿÿnytenyte uriòhyyòle? ⁵⁻⁶Aōkōre, uriòkele aōkōre òsana tahōtinyteri. Deuxu

Tatyytybytyhy adeereny diwahinyde. Kia aõbo riwinyre bede ywina ywisidỹỹ kaiboho tamahãtenyteki? Aõkõre, tetyhynmahãteki kia riwinyre. Deuxu aõna aõna wiwihikỹ akoreny-ki riwinyre. Kia sohojile iny ritake. Abraõ Deuxu rityhynyre. Tai tahe tamy õbitimy rare Deuxu-ò, iõraru iribi riixãwididỹỹnyraki. ⁷Tai ibutumy rityhynmyhỹre mahãdu Abraõ riõremy rỹira. ⁸Tyriti-ki roimyhỹre kia: —Deuxu heka judeu mahãdu sohojile aõkõ riõbitinykre. Ibutumy iny riõbitinykre ityhydỹỹ ersydyỹna òraru-ki. Rybewihikỹ ersyna Abraõ-ò juhuhu dehemynyde. Kia wese Tyriti doide: —Aòraru-ki ibutumy iny-ò deysana kanakre. ⁹Tahe ityhydỹỹdu mahãdu Abraõ wesemy teysare. Abraõ dori ityhydỹỹdu rare. ¹⁰Inyõ bede ywina rityhynyõkeki, Deuxu txuhòbina kedeake. Jesuisi-ò tyhynale iny kiditakre. Kia Tyritidỹỹna dori roire: —Inyõ ibutumy bede ywina riywinyõkeki, tamy Deuxu txuhòbina kedealeke. ¹¹Õbiti mahãdu rityhynmy ronykre. Kia riki Ritidỹỹna roire. Tahe bede ywina heka inyboho aõkõ riõbitidỹỹnyre. ¹²Bede ywina heka iwitxi rare ityhyna-ribi. Tahe inyõ bede ywina rityhynmy ratxikeki, tii ibutumy rityhynmy rarehyyke. ¹³Inyboho Deuxu bede ywina rikiywinynyõkeki, Deuxu txuhòbina inydeereny kedeakre. Kristu tahe kia-ribi iny ritare. Tule inyòwòruna òraru-ki rexilamadỹỹnyre inydee iòwydỹỹna-ki. Beteheke Tyritidỹỹna roire: —Inyõ òwòru itxèò-ki ritamadỹỹnykeki, tamy txuhòbina kedealekre. ¹⁴Deuxu narybede heka Tatyytybytyhy iny-ò riwahinykemy. Wiji tahe inyõ rityhynykeki, Deuxu Tytybytyhy ritakre. Tai Abraõ deysana inydeereny rehemynyre Jesuisi Kristu òraru-ki.

¹⁵Waseriòreboho, jiarỹ hãbu wesemy ararybekre. Iny inatxi jurasadỹỹna ritina riwinykeki, inireny ritidikeki, inyõ riwitxiranyõtyhy. Tai ijõ witxira riritinyõtyhy. ¹⁶Boholabenyke, Deuxu juhuhu Abraõ dee narybede: —Abraõ riòre hewoluduò Kristumy. Abraõ riòre sòwe dee rarybeòre. Sohojideele rarybere. Tahe tariòre-ò Kristumy rarybere. ¹⁷Tuheka rarybereri: —Deuxu juradỹỹna wese juhuhu rarybere, 430 beòra bede rỹire idi tahe bede ywina nade. Kia Deuxu juradỹỹna riixãwidinyõtyhy. ¹⁸Tarasany bede ywinawidỹỹna òraru-ki kidiwahinykeki, wahisidỹỹna aõkõ heka rare. Tai Deuxu heka Abraõ-ò jurasadỹỹna riwahinyre. Iòwydimy aõkõ juhuhu dori rarybere tii kidiwahinykemy. ¹⁹Aõherekibo heka nade? Kia nade òraruna òraru-ki Kristu nadeule kỹny juhu ludu wese aõkõ roire. Kristu heka Deuxu deòdỹỹna rare. Iwese Deuxu rarybere wese riwahinyre. Tii Abraõ riòre riòre-ribihyy reare. Ýjumy bede ywina nade. Iny itya ludu debò-ki rehemynyra. Moisesi iwahidỹỹdure. ²⁰Boholake, Moisesi sohojile aõkõ itya ludu ratxireri bede ywina riwahinyreu. Deuxu tahe sohojile rare irybe riwahinyreu. ²¹Bede ywina aõbo Deuxu jurasadỹỹna riixãwidinyke? Aõkõre. Bede ywina umy ituedeõna riwahinykeki, õbitidỹỹna inatyhymy bede ywina nade. Tahe aõkõre. ²²Deuxu Tyriti rarybere: ibutumy iny òraruna-di ratxireri. Kristu iny rityhynykeki, Deuxu jurasadỹỹna tamy riwahinyke.

²³Ityhydỹỹna rehemynmynykoki bede ywina iny rityhynmyhỹre ròtenawo-ki inyboho roire wese. Kia-ò iny riraðhymy rỹimyhỹre inatyhydỹỹna kedehemynykemy. ²⁴Uladu bedeerydỹỹdu wese bede ywina rare inydeereny. Kristu rehemynykõu, inyboho bede ywina rityhynyrenyre. Tai

Kristu-ò inyboho òbitimy ronykremy ityhydÿÿna òraru-ki. ²⁵Ityhydÿÿna-ò iny rehemynyreu, uladu bede erydÿÿdu-ribi ixāwimyhÿre. ²⁶Kristu-ki ibutumy Deuxu riòre atximahātenyite ityhydÿÿna-ki. ²⁷Ibutu dori Kristu-ò taratisebenyiteu, Kristu wesemy tatÿÿnyite. ²⁸Kristu tÿnydÿÿna-ki wiribi hitximy aōkō boibe, judeukōdu mahādu, iny-wana, deōdu deōdu aōkō-wana, ijoī hāwy-y-wana ibutumy wiwese wesele Kristu-ki rÿike. ²⁹Kristu-ki mabekeki, Abraō riòre riòrelemy mabeke. Jurasadÿÿna rareasadÿÿdumy atximahātenyite.

4 Ijyō arelyykre —rareasadÿÿduō deōdu wesemy raremyhÿ tii uladumy rareu, ibutu wedu rare hāre wahe. ²Urule tyby rarybere raumynykōule, tii tatibiedÿÿdu rybe rityhynymyhÿre. ³Kia wese iny rare. Uladu wesemy bede aōmydÿÿnana rityhynymyhÿre juhū. ⁴⁻⁵Iribi tahe bededÿÿnana he rehemynyra. Deuxu tahe Tariòre diteōnyde ijadōma ririòredÿÿnykremy. Bede ywina tyhynakremy reare. Tii nade bede ywina tyhydÿÿdu mahādu tarasamy kia tyhyna-ribi ritakemy tariòre wesemy ritibienykemy. ⁶Deuxu Riòre wesemy iny ihÿreki iny-ki ratximyhÿreki, Tatyytybytyhy inywo-ò risÿnyre. Tai inywo-ribi rarybemyhÿre: —Waha, Waha. ⁷Wiji tahe deōdu wese aōkō atxiteri, Deuxu riòretyhy wese atxiteri. Tule Deuxu rareasadÿÿduōle tate.

⁸Juhū Deuxu teeryōtenyite. Kaiboho deuxu witxira wese tetyhynytenyite —deuxu inatyhy aōkō tetyhynytenyite. ⁹Ka tahe Deuxu teerymy ahātenyite tetyhynmahāte. Deuxu anaerynymyhÿdenyde. Ixyby bede aōmydÿÿnana-ò òdsedÿÿōmy, arawiòhenyōreki. Deōdumy aōkō ixyby rÿimy boibeke. ¹⁰Txu yrubudÿÿōmy, ahādu yrubudÿÿōmy,

beōra yrubudÿÿōmy. ¹¹Inatyhymy ada aōkōre aōbo waaōmysÿdÿÿna adeereny reōnonyra?

¹²Wawesehyymy boibeke. Jiarÿ dori tatemahā wese raremahā, waseriòreboho. Kaiboho wadee aōbina tewinyōmahātenyite. ¹³Kia teeryte. Jiarÿ juhū adeereny Deuxu rybemy rarybereu, jiarÿ iu wabinawāhā. ¹⁴Wabinana heka isirare adeereny, ihāre tahe waderaōre tahe wadi arukirenyra, iwese ÿju Deuxu-ribi jiarÿ anade wese kaiboho tiwamytenyite, iwese taheka Jesuisi Kristule jiarÿ rare wese wadi tewisÿnytenyite. ¹⁵Titxibo rare eysanareny juhū adi toite wahe. Kaiboho aruereny wii tesÿnymy toitemyhÿ kaiboho wakyyrenyeki. ¹⁶Jiarÿ aōbohe aōludumy relera, inatyhy rybe adeereny rarybereki? Aōkōhyre. ¹⁷Hābuō arāitxenanymyhÿrenyire. Aluu wese heka ratxirerimy ihÿre. Aōlōnamy dori rarunyeri. Tiiboho wabiōwana-ribi atarasamy adi ihÿrenyire. ¹⁸Aōwihikÿ erysomy marurunyke. Tii tahe awire, awanale watxireriki aōkō. ¹⁹Wariòre wese, adeereny aōhōkÿmy ratÿÿnyre, hāwy reamyhÿre mytxitxi wese jiarÿ rare adeereny Kristu awo-ki rexilamadÿÿnyhykemy. ²⁰Awanareny ararekemy watxireri. Tai tahe warybe witxira-di kia anarybekemy watxireri. Aōhebo adeereny heka arasÿnyre arawiòhenanykemy watxiwāhāre. Timybo reerykōre dori.

²¹Inyō bede ywina tyhydÿÿdumy ratxikeki, wadee manarybeke kiamy: aōmybo bede ywina raryberamy teeryteri? ²²Kia Tyyritidÿÿna-ki roire Abraō riòre inatxire. Juhū ludu teōdu-ribi, Haari-ribi, reare tabireludu-ribi. Ijō, Sara-ribi, ihāwytyhy-ribi reara, deōdu-ribi aōkō. ²³Deōdu riòre ibutu dee wese nade. Abraō hāwy riòre aōkōre

Deuxu rybewahisidỹña xiery reare.
²⁴Kia ijyy-di rawesenanyreri. Inatxi hāwyy inatxi jurasadỹña wese heka rare.
²⁵Ijō Haari inire, deòduni. Iriðre deòdumy rarekemy reare. Sinai Hāwālò wese tii rare. Kowa tyre-ki bede ywina inydee riwahinyre. Jerusalē wesemy roimyhỹre kia mahādu deòdumy dori rỹira, тариðre-wana.
²⁶Jerusalē tyhydỹña mahādu, biu ludu tahe deòdu wese aòkō rare, ixinamy inyboho roire. Abraō hāwytyhy riðre wese inyboho roire.
²⁷Tyritidỹñaō dori roire: —Hāwyy ariðreō beysakre. Birajuakre ariðrekōhārele beysamy ariðredikire heka. Hāwyy risina riðre sōwetyhyre, hāwyy ihābu-di ratyre.
²⁸Waseriðreboho, kaiboho rybe ywisidỹña riðre wesemy ahātenyte, Ijai wesemy.
²⁹Iwese ibutu ludu wesemy reareō aōbina riwidỹñananyhỹre. Deuxu Tytybytyhymy reareō. Wiji, tahe kia weselemyhỹre.
³⁰Tyritidỹ rarybera: —Biteonyke deòdu тариðre-wana. Rareasadỹñdu ibutumy rimykre. Hāwyy deòdu aō aòkō rimykre тариðre-wana.
³¹Waseriðreboho, deòdu riðre wese aòkō inyboho roire. Hāwytyhy riðre tahe iny roire.

5 Kristu inyboho ritare ixinamy inyweduoðuòlemy roirekemy. Kawese rokoirekemy. Deòdu wese ixby rukunynyokre.

²Jiary, Paulo, adeereny rarybereri: inyō notykyresyna-ò ròðsekeki, Kristu riwiðhenanyōhymyhỹre.
³Ixityre ararybeke. Inyō rinotykyresynanykeki, bede ywina ibutumy tii riyrubunyhyke.
⁴Inyō bede ywina rexiðbitinymy ratxikeki, Kristu-ribi rexihitxidỹñnymyhỹre, ruxetòena tyhyna-ribi rexitare.
⁵Deuxu riwaðbitinyrenyre Tatytybytyhy òraru-ki kia retyhynyrenyre. Kia reraðrenyre.
⁶Jesuisi Kristu-ò notyky resyna aō aòkō rare. Notyky resynakō

tule aō aòkō rare. Inatyhynamy luunamy aō rare.
⁷Juhuu awimy tuu tatyynmahāte, inatyhyna-ki ijera wi-hikỹmy teamyhỹte, moō inatyhyna-ribi anaixāwididỹñnyde.
⁸Deuxu aòkō atarasadu juhū ixāwididỹñnyde.
⁹Inyō paō riwinykeu, ibutenode ritxiwikeki ibutumy ratarinyke. Inyō ibinamy urihimyð arabedeerynykeki sōwemy ribinadỹnyke.
¹⁰Jiary Wanyrỹ retyhynyre, kaiboho wawesemy mohòtinybenykemy adireny watxireri.
¹¹Waseriðreboho jiary waòludu dire. Kia tahe riteðsinyre notyky resynamy rarybeðre ijō wamy raryberehāre. Kia ararybekeki sōwemy wahemy kanakre. Itxeð tỹnydỹña rybe rityhynykremy.
¹²Kowa mahādu òte rexihukemy idi watxireri. Adeereny aōbina diwinymyhỹdenyde.

¹³Kaiboho Deuxu arateðnyrenyre, urile òraruōmy boibeke kaiboho bede ywina-ribi ixinamy boibeke. Wii biwiðhenanyhỹbenyke, wiluurenkyemy.
¹⁴Bede ywina ibutumy rexibutunyre rybe-ki kia tahe rare: —Inyluke ixiluure wese.
¹⁵Wiwana bōrenybenykeki, kaiboho widi buruakeki, bexihārūbeny ibutumy wii mahubenyheny.

¹⁶Tai jiary rarybere, Deuxu Tytybytyhy deewimy boibekemy deòbiredỹña iwidỹñomy boibeke.
¹⁷Deòbiredỹña dori Deuxu Tytybytyhy òluduna-ki ramyhỹre. Wimy òludurenyre. Tai aōbo adeereny awire iwidỹñ adeereny isirare.
¹⁸Tahe, Deuxu Tytybytyhy arateðsinyrenykeki, bede ywina ywidỹña aòkō bityhynyke.
¹⁹Deòbiredỹña aōna aōnamy dỹñnana-ki kia roire: aderanadino, aōbinade, raykyōmy, òta òta,
²⁰suritxoomy àlàdỹña, òwòruna wii, òlududỹña, aōbinaluu, ihāru, kyara, wobiredỹña, wiribihitxina,
²¹ibutu aōmydỹña ixixiburedỹñ, axaxaluu,

r̄s̄ȳnaluu byrehek̄y, tule ijō aōna aōnā sōwemy kawesere. Inyō kia aōna aōnawid̄ȳ r̄ieryek̄i, Deuxu òlōna rareasad̄ȳdu aōkō roikre. Tuu rarybere juhuule. ²²Ka heka Deuxu Tyytybytyhy aōmyd̄ȳnanamy rybena roire: iwahid̄ȳna kia r̄ȳire, tii dori inywomy r̄ȳira. Wiluuna, deysana, ywina, ruxetōena, wina, òbitid̄ȳnana, ²³ibutu-ò awina, ixidee inythyina, ixiyryd̄ȳna, tai bede ywina ihoōhyre kia-ò. ²⁴Kristu hōrō mahādu kia itxeò-ki ritidirenyre: deòbired̄ȳna, aōmyd̄ȳnana bina-ribi, deòsana aōmyd̄ȳnana-ribi

²⁵Inyboho Deuxu Tyytybytyhy-di rokoirek̄i Deuxu Tyytybytyhyry-ki rakariarenykre ²⁶Ixi deālānararòsò luukemy aōkō rakatximyh̄renyke. Tai tahe ixihibured̄ȳna-di aōkō, rakatxirenyke. Wiòbired̄ȳna-di rakatxirenyōke.

6 Waseriòreboho. Inyō òraruna-txi resek̄i, kaiboho ywina-di biòbitinybenyke. Bexihārumahābenyke kia òraruna-txi ixēōmy boibekōkemy. Kaiboho dori, Deuxu mahādu toite wahe. ²Wiitxykywydywesemy wii biwiòhenanybenyke ibutu aōmyd̄ȳnana-ki. Iwesekek̄i, Kristu bede ywina tetyhynmahātenyte. ³Inyō ixidee aōlemy rōhōtinyek̄i, tahe tii aōhyy aōkō rare, tii rexiitxenany-myh̄re. ⁴Ixinamy iny sohoji sohoji taaōmyd̄ȳna-ò retehemyh̄yke, aōhebo rot̄ȳnynmyh̄remy wahe. Idi tahe ixi aōmyd̄ȳnale-di kedexityhynmyh̄yke, tabireludu aōmyd̄ȳna-di aōkō. ⁵Iny sohoji sohoji dori taitxyky riwymy h̄yke.

⁶Inyō Deuxurybe eryd̄ȳna ijōdikewana tabedeeryd̄ȳna mahādu-ò ibutummy erysyna wiwihik̄yle-di rirareamahāke. Tule bedeery mahādu heka tohod̄ȳna mahādu-ò aōna aōna wihik̄y riwahinymy h̄yre. ⁷Ixiitxenad̄ȳōmy. Inyō heka Deuxu

itxenad̄ȳōmy alòbòrōna-ò iny ribòrōnyek̄i, tiile tahe raumynyhyomy-h̄yre. ⁸Inyō òraruna ribòrōnyek̄i, rubule taumy-ki ritake. Inyō Deuxu Tyytybytyhy deewimy tuu rot̄ȳnyek̄i umytuedeōna ritake. ⁹Aōwihik̄y wid̄ȳhyomy boibeke. Kia-ki elemy ruburenyōmy. Aōwihik̄y wid̄ȳhy boibekek̄i, adeereny aōwihik̄y wahid̄ȳna wese kanake. ¹⁰Ibutummy inydeereny aōwihik̄y wid̄ȳ-ki inyboho abeded̄ȳnanawikeki ibutummy iny rikiwiòhenanyrenyomy, r̄ȳk̄yirenyke, ityhyd̄ȳdu mahāduò bexiywinyhyy ahābenykemy iwiòhed̄ȳ-ò.

¹¹Tuhe, jiar̄yle ariritinykre, Paulo wahe. Betehebeny inihe ritid̄ȳna nihik̄y reritinyra wadebò-di. ¹²Inyō ayreny-ki wohyna ixidee rymykemy ratxireri, kia adeereny òtyky resynamy adi ratxirerihyomy h̄yre. Kristu itxeōmy tiiboho rit̄ȳnynyrenykeu aōhōk̄my rot̄ȳnyōmykemy rōhōtinymy h̄yre. ¹³Notyky resyna mahādu bede ywina rityhynyōre. Tiile rexityhynmy h̄yre. Kaiboho irybe-ò boholakemy atxiteri. ¹⁴Jiar̄y arexiwowydynanyōhyymahākre, Wanyr̄y Jesuisi Kristu itxeò-di areysakre, biu-ò hena òraru-ki wahe. Bede aōmyd̄ȳnana waki r̄ymy h̄yre, itxeò-ki retamad̄ȳnyra waribi ixāwira. ¹⁵Notyky resynad̄ȳy aō aōkō rare. Notyky resynad̄ȳkō tule aō aōkō rare. Urile biu-ò hena-di boibekele tahe aō rare. ¹⁶Kia bede ywina bityhynybenyomy boibekek̄i, Deuxu-ribi ywina, ruxetōena, adeereny kanakemy idi watxireri. Tule Deuxu mahādu ibutu-ò, judeu mahādu wese dori ratxireri.

¹⁷Karibi tako-ò tahe inyō waixirad̄ȳōmy ararekre. Beyd̄ȳna dori waumy-ki roimyh̄yre, Jesuisi rybe rybemy rybedu òraru-ki.

¹⁸Waseriòreboho, Jesuisi Kristu ruxetōena akireny r̄ykemy watxireri. Kie.

Efesu

Paulo Tyyriti, Efesu Hāwā-ò

1 Paulo, Jesuisi Kristu deòdỹyna jiarỹ rare. Deuxudeewimy tahe kia rare. Efesu hāwā ityhydỹydu mahādu —ò kalemy warybe rewahinyreri. Kaiboho ywimynodu mahādumy toimahāte. ²Ruxetōena adeereny kidiatykemy Deuxu-ribi idi watxireri tule Jesuisi Kristu Inynyrỹ-ribi.

³Deuxu, Inynyrỹ tybyreny, inyboho tuu reālāmyhỹreny. Tii dori inydeereny wihikỹ inywo ywinamy diwahinyde Jesuisi òraru-ki biukihikỹle wahe. ⁴Deuxu inyyreny-ribi rihitxiny my ritare. Inyboho heka tuu roire. Ihetxiu heka inyho aōkōu tii rihitxiny my ritakremy rỹimyhỹre, inyboho wahe. Kristu-ki iny rihitxiny my rỹire. Iny òbitimy rỹirakemy rihitxinyre, ywimy nodumy wahe. Kiamy heka rokoirekre Kristuko-txi luuna-di. ⁵Ihetxiu tamywimy Deuxu rihitxiny my ritare, inyboho wahe. Iriòreny wesemy rokoirekemy. ⁶Kiamy heka Deuxu riwinyre àlàna, wohyna-wana tamy rikiwahinyreny kemy tii dori inyluurekĩ wahe. Kristu hālubu òrarukile biu-ò henareny iny nade. Iny òrarureny riòwinyre taruxetōena wihikỹ òraru-ki. ⁷⁻¹⁰Ruxetōena sōwemy inydeereny diwahinyde tii dori ibutumy aōna aōna erydu rare. Deuxu dee wina rybe wòte wese rare. Tahe inydeereny kidiťnynykemy idi ratxireri. Tamywimy tahe inydeereny riteòsinyre. Iwese tii rōhōtinyre wese. Bededỹynana rexihukreu. Kristu-ki ibutumy aōna aōna biu-ki bedeki rỹikremy ihỹre. Kiamy tahe Deuxu rōhōtinyre. ¹¹⁻¹²Kristu òraru-ki Deuxu juhūu iny mahāduy-ribi inyboho rihitxinyreny. Tii diwahinyde

inydeereny uriōnojura jurana. Tii dori ixideewilemy ibutumy aōhebo rotỹnynmyhỹre Deuxu kia hitxidỹyna mahādu ixidile wowydyna mahāduò rỹirakemy rỹimyhỹre. Inyboho juhūu rityhynyreny Kristu-ò. ¹³Kaiboho kiaō toimahāte. Juhūu rybe inatyhy-ò taholateny teu, tetyhynmyhỹteny te tarasa Rybewihikỹ-ò wahe. Tai tahe Deuxu Tyytybytyhy-di ratidỹyna wesemy iny dee ritidimyhỹre. Deuxu Tyytybytyhy dori tii kidiwahinykemy rarybere, ihetxiu wahe. ¹⁴Uriōno jura jurana Deuxu Tyytybytyhy rare inydeereny. Deuxu tahōrō mahādu ritakreu, tuu reālārenykre tuu, inyboho dori kia mahāduò roire.

¹⁵Tahe jiarỹ, Paulo, tule umy raholamahāre Jesuisi Kristu atyhydỹyna-ò, tule aluuna ityhydỹydu-ò. Tai tahe Deuxu-ò àlàna-di araitōedỹnyreny mahāre. Wanohōti aribireny rosaōhyymyhỹre. ¹⁶⁻¹⁷Deuxu tahe Jesuisi Kristu biu loosōna tyby rare. Tii araykyreny-ò bedeerena kidiwahinykemy watxireri, awolyrana kidiwahinykemy watxireri. ¹⁸Tai tahe araykyrawoni ritỹnynykemy watxireri. Tai kaiboho bierybenykre Deuxu iryne. Tule ityhyna biu loosōna-di bierybeny kemy watxireri. ¹⁹Deuxu taruruna sōwemy diwahiny myhỹde ityhydỹydu mahādu-ò. Iruruna tahe aōni rare inydeereny uriōno jura jurana. Kia tule bierybeny kemy watxireri. ²⁰⁻²¹Kia irurumy inyboho tuu robirenyre, Kristu rubu-ribi rexiixixanyreu, taruruna weribi ronykemy disỹnydeu, biukihikỹle wahe. Kristu tahe ibutu ruruna witxira witxira ratyre rare, ibutu wedu ratyre, ibutu dinodu ratyre, ibutu deòdỹydu ratyre. Ibutuni ratyre tii rare. Wijinani ratyre, tule kanakremy ihỹreni ratyre rare. ²²Deuxu tahe ibutu aōna aōna witxira witxira Kristuwarawo-ò ritidire

tai tii ibutuwedukremy. Tii ibuturati wesemy rare. Kia tii ihÿre dohodÿÿdu mahädu-ò, iwedu wahe. ²³ Dohodÿÿdu mahädu tahe Kristumy wese rare. Kristu dori ibutu aöna aöna ritÿxinyimhÿre.

2 Juhuu kaiboho rubumy täimahäte òraruna òraru-ki. ² Juhuu kaiboho bedeaömydÿÿnana bede-ki toitemahä juhUU Satanasi deòdÿÿna tetyhynymy toitemahä. Tii bedeyhy ruruna dinodu rare. Ityhydÿÿduködu mahädu wiji dori rityhynymy rÿira, itxiòdÿÿdu mahädu wahe. ³ Ityhydÿÿduködu mahäduy-ki juhUU tule inyboho roiremahä —ibutumy ixideerenywimy inyboho riwinyreny; inraykyreny wydyna-deewimy tule inyboho riwinyreny. Ehehewidÿÿdu inyboho roiremyhÿ, tuu ratybienyumy rarehy dori tuu rare. Iwese ijö roiremyhÿ wese. ⁴ Deuxu tahe sòwetyhymy ruxetöna diwahinyimhÿde, inlyuurenyreki. ⁵⁻⁶ Deuxu inyboho rurudÿÿnyre Kristu-wana rubu-ribi riixixanyreny. Kristusÿ-ki biu-ki tii inyboho risÿnyre tai rokonyrenykemy. Iruxetöna òrarukile abiu-ò henareny dire. ⁷ Iruxetöna kiditeòsinykre bededÿÿnana robehemy roireki wahe. Iwese sòwehyummy iruxetöna diwahinyde wesemy. ⁸ Tarasana Deuxu ruxetönaribile nade aityhydÿÿnareny òraru-ki tuu rare. Iny-ribi aökö nade. Deuxu wahidÿÿna rare. ⁹ Iny-ribi rarybekre inyö ixityhydÿÿmy tahe aököre Deuxu ruxetönakile tuu rare. ¹⁰ Tii tahe ibutumy iny riwinyreny. Òbiti aömydÿÿnana widÿÿdukemy iny riwinyre Jesuisi Kristu òraru-ki. Deuxule juhUU röhötinyre òbiti widÿÿdumy aöbo rokoirekemy.

¹¹ Tahe kaiboho uritere nohöti losaömy kaiboho judeuködu mahädu toite juhUU mahä. Kiamy judeu mahädu aräninimhÿreny, notykyresyködu mahädu wahe. Tii dori notyky resydu

mahädu roire, iyresynadireki wahe. ¹² Juhuu tahe aruta wesele toite Kristu-ki aökö. Judeu mahädu-ribi rihitxinyimy nyimyhÿde. Deuxu rybe ywisidÿÿna ludu aökö toite. Araròsöna renyöhyre. Adeuxurenyöhyre bede bedemy. ¹³ Juhu irehemy Deuxu-ribi toite mahä. Tahe wiji Jesuisi Kristu hälubu òraru-ki araòhòdÿÿnymy toite. ¹⁴ Jesuisi Kristu tahe iny ywidÿÿna rare. Kyarana tahe òtity wese itya-ki rÿimyhÿre judeu mahädu aribi kia rihitxinyre. Tahe kia òtity ritxiwire tahe sohoji mahädulemy riwinyre. ¹⁵ Tahe Kristu rurureu tahe ixäwire kia bede ywina. Tahe inatxi wimy òludu mahädu sohoji iny tÿmyrahyylemy riwinyre. Tahe ywina röhönyre wiwana ributunyra tahe Deuxu taluuna tamy riwahinyra. ¹⁶ Jesuisi taitxeò-ki rurureki, ywina rieryreny. Tahe kyarana-ribi riixäwididÿÿnyre. ¹⁷ Jesuisi tahe ywinamy rarybere iöhò ludu kaiboho wahe tule irehe ludu, judeuködu mahädu wahe. ¹⁸ Tahe kaiboho jiarÿboho-wana sohoji Deuxu Tyytybytyhy òrarukile Deuxu-ò rekexitöenyrenyke. ¹⁹ Kawese tahe kaiboho ityhydÿÿdu mahädu-ò talote. Iny-ribi lahixi aökö toite, Deuxusÿ mahäduòle heka toite. ²⁰ Deuxu rybedu, tadeòdu-wana hetoö wesemy kaiboho boibekre. Jesuisi Kristule iko ludu mana wese rare. ²¹ Jesuisi Kristu òraru-ki wiwesehyyle heto awimy rÿire. Tai Inynrÿ hetotyhy relemy rexihumyhÿre. ²² Kaiboho tule matybiénybenykre Deuxu Tyytybytyhy hetoö wese wahe.

3 Tai jiarÿ, Paulo, rotena-ki nodu wesemy rare Jesuisi Kristu òraru-ki. Judeuködu mahädu dee kiamy heka watxiwähäre, adeereny wahe. ² Deuxu ruxetöna wadee riwahinyre. Kaiboho aöbo tuu taholatenyömahäte. ³ Deuxu dori tawötöna diteòsinyde wadee. ⁴⁻⁵ Jiarÿ kiamy juhUU reritinyriòre

katyyritikile wahe. Idi mariabenykeu bierybenykemy idi watxireri, timybo Kristu wòtena rybe reeryremy wahe. Kristu wòtena tahe ihetxiu ibutu inyō riteòsinyōhyyre. Wiji tahe riteòsinymy ihÿre Deuxu Tytybytyhyle tahe deòdu-ò, rybedu-ò ritÿnynymy ihÿre. ⁶⁻⁷Kiamy heka rare: kaiboho, judeukòdu mahādu, wii ributunyre inyboho-wana judeu mahādu wahe. Uriònowi jurawi juramy idi rokoirekre, sohoji mahādulemy wahe. Kristu Rybewihikÿ òraru-ki ityhydÿÿdu mahādu-ò rirònyrenyre. Kia rybe-di rybedumy diwateònyde, ruxetòena wahidÿÿnaò wadee nade Deuxu ruruna sòwe-ribi. Ityhydÿÿdu mahāduy-ribi jiarÿ aò aòkòmy watxiwāhāre retyhynytyhymy aòkò watxiwāhāre. ⁸Ihārele Rybewihikÿ rybedumy ararekre Kristu aomydÿÿnana heka iny raykywydyna ratyre awimy ihÿre. Kiamy judeukòdu mahādu-ò arelyykemy riwahitxinyre. ⁹Ibutu inyō rybe wòtena aritÿnynykemy watxiwāhāre juhū Deuxu Jesuisi-wana ibutumy aōna aōna riwinyre kiau rybewòtena riwòmy roimyhÿre Deuxu-ki. ¹⁰Wijina tahe riteòsinykemy ihÿre dohodÿÿna-ki. Tai tahe ibutumy biu-ribi rurunadu, bedeerydÿÿdu rierykemy timykibo Deuxu bede ersyna-di raremyhÿ ibutumy aōna aōna ersyna-di. ¹¹Iwese Deuxu ibutumy aòhebo rotÿÿnykemy ratximyhÿre wese iny rierykre, Inynyrÿ Jesuisi Kristu òrarukile wahe. ¹²Tai tahe iny rexideòsinymyhÿre brebuòlemy Deuxu ixitòdenadÿÿna-di Kristu dori inyboho rityhynymyhÿre. ¹³Tai kaiboho ixijodÿÿrenyōmy ahāke, jiarÿ aòhòkÿmy ratÿÿnyreki kia dori awowydyna rare, waaòhòkÿmy dÿÿnana wahe.

¹⁴Tai tahe umyreny Deuxu-ò rexitòenyre Inynyrÿ Jesuisi Kristu

tyhy-ò wahe. Ibutu sÿ mahādu tyby Deuxu rare. ¹⁵Ruruna adeereny kidiwahinykemy idi watxireri, tawowydyna sòwe-ribi wahe. ¹⁶Deuxu Tytybytyhy rurutyhy araykywo-ò kidiwahinykemy watxireri. ¹⁷Tai Kristu aworeny-ki kanasÿnymyhÿkemy rahòtynmahāre atyhyna dìreki kaiboho heka wiluutyhymy boibekemy watxireri. ¹⁸Tai ibutu ityhydÿÿdu mahādu-wana Kristu luuna bierybenyke. Inyō Kristu luuna awire rieryòtyhy. Ihārele tahe bierybenyke iwese rare wesemy. ¹⁹Tai Deuxu-di bexilÿxinykemy idi watxireri.

²⁰Deuxu iruruna dìre. Tai iny ixitòena ratyre inydeereny kidiwahinykemy idi ihÿre. Iny irurudireki wahe. ²¹Dohodÿÿdu mahādu wowydyna riwahinykemy tamy watxireri, aōu aōu wahe. Bededÿÿnana konana-ò wahe. Kie.

4 Inynyrÿ deòdu arixidu jiarÿ rare. Arexitòenykre inihe adeereny. Yrubuna-di aòhebo botÿÿnybenykemy adireny watxireri. Tai tahe Deuxu-deewimy boibekre. ²⁻³Tii dori juhū adeereny irydu rare òbitimy boibekemy xiwedeōmy boibeke, ele eleōmy; wii biwiòhenanymy; luuna-di marurunymy boibeke. Ixi wesehyylemy boibekemy. Tai tahe Deuxu Tytybytyhy aratorabutenyrenykre ywimy nodu dori kia diwiòhenanymyhÿde. ⁴Sohoji mahādule rare, sohoji Deuxu Tytybytyhydile. Umy sohoji wese, itytyby sohojilemy wese rare. Kaiboho tule araròsònareny sohojile rare, kaiboho ityhydÿÿdumy terònyteki wahe. ⁵Inynyrÿ sohojile rare inytyhynareny sohojile rare. Tule iny ratisebena sohojile rare. ⁶Deuxu tule sohojilere, ibutu tybymy rare ibutu ratyre rare. Ibutuy-ki tii rare. Tule ibutu rawo-ki ratxireri. Ibutumy aòhebo rotÿÿnykemy iny-di riwisÿnyreri tawowina-di. ⁷Kristu tahe iny sòwemy

rareki sohoji ruxetòena sòwemy sohoji-ò riwahinyre. ⁸ Kiamy heka ritina-ki roire: —Iu Jesuisi raòwònyreu biu-ò ròtena ludu mahàdu ridyre idi wahidỹyna inydeereny diwahinyde. ⁹ Betehebenyke rybeweereò-ò raòwònyremy. Aòmybohe kia rarybereri. Tahe juhuu dori surawo-txi robehere kiakékile tahe idi raòwònyke. ¹⁰ Kia robeherele taheka raòwònyre biuratyremy ibutu aòna aòna-di rexilỹxinykemy. ¹¹ Inyò-ò deòdỹyna mahàdumy rarekemy diwahinyde aòwihikỹ widỹỹ wahidỹyna wahe. Ijò-ò Deuxu rybedumy mahàdu rarekemy diwahinyde. Ijò-ò Rybewihikỹmy rybedu mahàdumy rarekemy diwahinyde. Ijò ityhydỹydu mahàdu yrubudỹydu mahàdumy rarekemy. Ijò bedeerydỹydu mahàdu rarekemy. ¹² Ibutumy kia mahàdu ityhydỹydu riwiòhenanykemy idi ratxireri. Tai ityhydỹydu iaòmỹsỹdỹyna riwinykre. Kristu umy wesemy ritibiedỹnykemy. Ibutu dee diwahinyde. ¹³ Ikonanau tahe ibutumy wiwese wesemy ròkòhòtinyrenyke, iny tyhynareny wahe. Deuxu Riòre rikierityhyrenyke, iny òbitimy rokoireke, Kristu òbiti wesemy rokoireke. ¹⁴ Tohouā wesemy aòkò rokoireke inityhynareny-ki. Uritere witxiradỹyrenyòmy ibutu bedeeryna witxira witxira-di. Iwese yhy tiò tiò aò riwumyhyre wese kia bedeerydỹydu rare. Iwitxira tyhydỹyna-ò kia ityhydỹydu mahàdu ridykemy ratximyhyre. Ijò inatyhy rybe weselemy rarybere. Tahe aòkòre. Kia-ò ijohonarenyòmy. ¹⁵ Tahe luuna-di inatyhymy marybebenyke. Kristu aòmỹdỹynana-di bexilỹxinybenyke idi maumynybenyke. Tii dori iny wedureny rare. ¹⁶ Ityhydỹydu mahàdu heka Kristu umy wese rare. Ityhydỹydu sohoji sohoji wijura jura weselemy rỹira. Kristu ibutumy

riwiòhenanymyhyre iwese umy hona umy wese. Umyjura kia ibutumy iaòmỹsỹdỹy dire. Wiweselemy tahe raaòmỹsỹdỹyneyeki tai tahe umy awim� rariamyhỹke. Ijò widerakeki tahe, Kristu umy raumynyòtyhy.

¹⁷ Katahe Inynrỹnimy adeereny kiamy rarybemyhyre. Ityhydỹydu mahàdu mahàdu wesemy aòkò boibenybeke.

¹⁸ Iraykyreny bedeluru-ki ihỹreny. Ieheherenyre, rierỹorenre. Tai tahe Deuxu biu-ò hena umyuedeòna rierỹorenre. ¹⁹ Ixàruna ihoòhyre. Urile ibutumy òraruna-txi rexiwahinyreny.

²⁰ Kia Jesuisim� aòkò teertyenyte inyribireny wahe. ^{21–22} Jesuisi inatyhyna teertyenyteki, ibutumy aòbina bina ixi-ribi bihitxinyke.

²³ Ibutumy awo arayky-wana bexitỹmyranyke. ²⁴ Deuxu umy tỹmyra wesena-di bexityhynybenyke. Kia heka òbiti rare; inatyhy rare.

²⁵ Tai tahe ruirenyòmy wahe. Inatyhymy iny witxira-ò marybemahābeny. Wiwese hyylemy widi rakatximyhỹrenyke. ²⁶ Makýarananyamahā-wana tahe urile òraru-txi ixeyòmy. Ixi-di txu iròtedỹyòmy awobinana-di ²⁷ Tule Satanasi deradỹyna-ò nokòmy. ²⁸ Inyò juhuu wasidureki, ixityre tii wasiòmy. Tii wiji raaòmỹsỹdỹykre aòna aòna wiihikỹ tebò-di riwinykemy wahe. Tai tahe iaòdikre iny aòkòmy rỹira riwiòhenanyke. ²⁹ Kai uritere rybebinaò ary-ribi iòlòdỹyòmy Rybewiwhikỹlemy marybemahā. Kia rybe-di ijohodu riwiòhenanymyhyrele kynyhetuukre. ³⁰ Bibedeòtiidỹyòmy Deuxu Tyytybytyhy. Tii dori arayrubunymyhyre tarasanatxu-ò. ³¹ Òbina rybemy widi nokòmy, wim� ujòmoòmy, adebure ijà ijàòmy, aòbinam� inym� ijyyòmy, rybebina-di iny ihetedỹyòmy. ³² Tahe ibutu dee ywim� boibekre, awim� wahe ainytyhymy iny-di boibekre. Aòbinam� iny adee rarybe-wana tahe iribi

bexinohōtilosanymy biixāwididỹnyreki Deuxu dori inyòraru riixāwididỹnyreki wahe.

5 Deuxu inytybytyhyreny rare. Tai tahe iwese uladu tyby wesemy rotỹnymyhỹre wese, kaiboho Deuxu wesemy matximahābenyke Deuxu riòre luunadu wesemy matximahābenyke. Wiluurenkye, Kristu dori aluurenkye. ²Tule rexiwahinyre xiwe wesemy iny ritarenkye. Tai tahe Deuxu dee kia lỹnyrena wiwihikỹ wese rare.

³Tahe òta òtarenỹomy. Ibutumy aōna aōna bina bina widỹrenỹomy. Kaiboho dori ityhydỹdu mahādu toite.

⁴Rybebinamy uriteretere rybeōmy. Ixideòsidỹōmy. Kia widỹna tahe ibinare. Tahe aōwihikỹō biwinyke, Deuxu deàlānamy. ⁵Òta òtadu tahe Deuxu òlōna wahidỹna ritaōtyhy, iny binaō aōkō, inywobire aōkō. Kia Deuxu tyhy biukōdu mahādu rare. Bierybenyke kia. ⁶Itxenadỹ rybe-ò ijohonarenỹomy. Ityhydỹdukōdu mahādu Deuxu rybe riywinyōmyhỹre. Tai tahe Deuxu reburemyhỹre tamyreny. ⁷Tiiboho-wana ratxiōhyymyhyreny iaōmydỹnana binareki. ⁸Hỹnau kaiboho bedeluru-ki toitemahā. Tahe wiji Inynyrỹ loosōna-ki toite. Loosōnadỹdu riòre weselemy boibeke. ⁹Aōbo loosōna-ribi nade tahe awire, òbitire, inatyhyre. ¹⁰Tai aōbo Inynyrỹdeewi kia riteòsinyre.

¹¹⁻¹²Iwese bedelurubina widỹdu aōhebo rotỹnyre wese uritere iwidỹrenỹomy tahe teòsaremy tamy marybebenyke. Aōbo tiiboho wasimy aōhebo rotỹnymyhỹre ixỹruna adee rare tuu maryhemahākeki. ¹³Ibutumy aōna aōna loosōna ritỹnynyre. Tai tahe iny aōmydỹnana loosōna ritỹnynykeki, iny rierykre itỹnydỹna dori loosōna rare. ¹⁴Tyritiō kia wesemy rỹire: —Inyō rōrōmy rỹikeki,

rexixake rubuy-ribi rỹike. Kristu tahe araloosōnanykre.

¹⁵Aōhebo botỹnybenykeò bexiije benyke. Itxỹte widỹdu mahādu wesemy aōkō ahabenyke, bedeerydu mahādu wesemy ahābenyke.

¹⁶Iōnodỹōmy abededỹnana. Wiji txu bededỹnana tahe ibinatyhymy rare. ¹⁷Tai tahe itxỹteōmy ahāke. Bierybenyke aōbo Deuxu dee wire. ¹⁸Vĩ mona-di axaxa rubudỹna wesemy aōkō matxibenyke. Kia tahe aōnityhyre, tumodu wahe. Tahe Deuxu Tytybytyhy heka atykymy ralōmy boibeke.

¹⁹Mawinymy bexirybenyke awo-ki. Bexirybenybenyke Inynyrỹ-ò awi-ribi bitxienymy mawiunye. Rybewiumy marybeke. ²⁰Deuxu inytybyreny-ò ibutumy beàlāmahābenyke Jesuisi Kristu Inynyrỹni òraru-ki tahe bexitōenyke. ²¹Kaiboho ibutumy widee bexiwyinyhyymy ahābenyke.

²²⁻²⁴Iwese dohodỹna mahādu Kristu rybe rityhynymyhyre wese, hāwyy tahābu rybe riywinyke, ibutu aōmydỹnana-ki wahe. Hābu dori tahāwyy dinodu wese rare. ²⁵Ibutumy hābu tahāwyy luukemy. Kristu dori dohodỹna mahādu luureki ture. Tamy tii rexiwahinyre rurukemy. ²⁶Tai tahe kia òbitidỹnamy rurure. Iwese bee aō rasuhōmyhyre wese, tarybe risuhōmyhyre. ²⁷Iòraru-ki tahe Jesuisi dohodỹna mahādu wiwihikỹō ixidee rimykre. Òbiti mahādulemy rarekre, aōbina binaō heka tai rỹiōhyymyhyre. Awi mahādu widỹdumy rarekre. ²⁸Kiamy heka hābu tahāwyy-di rỹirake. Iwese hābu taumy luure wese tahāwyy luumy rỹirake. Iny tahāwyy luukeki, kia-di ixiluuke. ²⁹Iny taumyderamy rỹiōhyymyhyre. Tahe aōkōre tule rexiōwenymyhyre rexiwesenanymyhyre. Iwese Kristu dohodỹna mahādu riwisananymyhyre wese. ³⁰Inyboho dori Kristu mahāduò

roire. ³¹ Kiamy heka Ritina roire: —Tai heka hābuō tybyboho heto ririmyhÿre tahāwyy-wana wii ributunymy roirekemy. Inatxi umy ribi sohoji umyhyymy ròhònymyhÿre. ³² Kia aōmydÿñana heka iersysirare. Tahe Kristu tohodÿña mahādu-wana rarybereri. ³³ Ihārele tahe hābu tahāwyy luumy rÿira iwese ixiluumy rÿira wese. Tule hāwyy tahābu rityhynke.

6 Uladu mahādu tybyboho rybe rityhynymyhÿre Inynyrÿ òraru-ki. Kia tahe òbiti rare. ² Boo adi-wana bityhynybenke. Kia tahe bede ywina rybe juhuu rare. Tule Deuxu raròsòna kia bede ywina rybe-wana rare. ³ Kia biywinybenkeki, awimy mabeke, abed-edÿñana irehemy mabeke kabede-ki. ⁴ Uladu tyby, uladuse, ariòrereny adeburehyymy idi iwisÿdÿñrenyōmy. Tahe aōki reòsakeki tii riòbitinykemy tamy marybebenke. Inynyrÿ deòsidÿña-di tamy marybebenke.

⁵ Deòdu mahādu kabede-ki awedureny bityhynybenke. Awo-ribi tyhy tamywimy biwinybenke. Bexijemy ywimy biwinymy. Iwese Kristu dee tewinymahāte wesemy. ⁶ Aō tabiteriki aōkō biwinyke. Iwese Kristu deòdu wesemy mabeke. Deuxu dee wina awo-ribi biwinyke. ⁷ Deysana-di ibutumy òbitimy bisÿdÿñnyke. ⁸ Ibutumy deòdu ada deòdukōdu Inynyrÿ-ribi aōna aōna rimyke. Tamy aōwiwihikÿ riwinykeki. ⁹ Tahe wedu mahādu, kaiboho eòdu mahādu-ò kia weselemy mabeke. Brebudÿÿ rybe-di eòdureny-ò rybeōmy. Awedu dori eòdureny wedu tule biu-ki ratximyhÿre. Tamy dori ibutumy wiwese wesele rare.

¹⁰ Ibutu-ò tahe ikonanamy ararybekre. Inynyrÿ ruruna-di bexirurudÿñnyke. Iruru tahe aōni rare. Tahe ixidee bimyke. ¹¹ Bexityynke aōbinanatyy-di, debòna aōmydÿñana

bimyke. Tai tahe Diabo rybemy nodu biòludunke. ¹² Iny ijesunareny dori moo iny-wana aōkō rare. Iwixira Satanasi ruruna-di rare. Dinodu ruru-di rare, kabede luruhukÿ wedu-di wahe. Tyytybybina ruru-di rare, biukihikÿle. ¹³ Tai tahe ibutumy Deuxu debòna aōna aōna bimyke. Idi txubina-ki biòlòdÿñnyke. Aijesu bitakeu tahe, òraru rÿike. ¹⁴ Inatyhyna-di awereysana birarutxynke. Òbitina-di abreti bitòbònyke. ¹⁵ Bexiywinyke ywina Rybewihikÿ rybena-ò. Tii heka adikre. ¹⁶ Ityhyna tahe awyhyitxenamy ihÿre, idi eorutā bitÿtenyke. Idi tahe Satanasi heòty wyhy biturinyke. ¹⁷ Tarasana tahe arataana wese rare. Deuxu Tyytybytyhy mayrehe heka Deuxu rybe rare. ¹⁸ Deuxu Tyytybytyhy-ki ibutumy ixitòedÿñhyymy atximahābenke. Kia-di tahe biriranymy, boibeke. Ityhydÿÿdu mahādu ibutumy bexitòenyhyymy boibeke. ¹⁹ Tule wadee, bexitòenybenke. Deuxu wadee rybe kidiwahinykemy wahe. Tai brebukòlemy Rybewihikÿ aritÿnynykre, iersy siramy wahe. ²⁰ Jiarÿ Rybewihikÿ deòsidÿÿdu rare wawomati rerotidire hārele wahe. Kristumy arelyykemy watxireri. Tii heka wawidÿñnare.

^{21–22} Txitxiò tahe ityhydÿÿdu seriòreò rare, waluunaduò rare. Inynyrÿ rybe-di òbiti aōmysÿdÿÿdu rare. Tai tahe tii adeereny reteònyre waaōmydÿñana adee ritÿnynykemy. Awo riteysadÿñnykemy.

²³ Ywina ibutumy ityhydÿÿdu mahādu seriòreò kanakemy watxireri. Luuna tyhyna-wana kanakemy Deuxu, inytyby-ribi, Jesuisi Kristu, Inynyrÿ-ribi wahe. ²⁴ Ruxetòena kanakemy watxireri Jesuisi inatyhymy luunadu mahādu-ò wahe. Tii Kristu rare, Inynyrÿreny wahe.

Filiposi

Paulo Tyyriti, Filiposi Hāwā-ò

1 Paulo, Tximòtxi-wana Jesuisi Kristu deòduren roire. Ka tyyriti tahe rewahinyrenyleri Filiposi hāwā-ki ityhydỹdu mahādu-ò. Ityhydỹdu yrubudỹdu mahādu-ò tule rewahinyrenyra dohodỹna wiòhedỹna mahādu-wana. ²Ruxetòena, ywina-wana Deuxu-ribi adeereny kanakemy watxireri tule Jesuisi Kristu Inynryreny-ribi.

³Rexitòenyreu, tiu aribireny wanohòti rosaòhyymhỹre. Deuxumy reàlàwāhare umyreny. ⁴⁻⁵Wadeysamy watxiwāhare Rybe tymyra wihikỹ tewiòhenanymahātenyteki, juhūu, wiji tule ahātenyte. ⁶Deuxu iaòmysỹdỹna wihikỹ inyworeny-ki rexideleny. Tahe Jesuisi Kristu bededỹnana txuu heka rexihumy kia rỹikre. Kia tahe reerythyre. ⁷Kaiboho wawana Deuxu ruxetòena luuna-wana widee inyboho riubỹtỹnyre. Ròtena-ki rarewāhāu, tule ròtenaribiòlòmy rarewāhā. Tule Rybewihikỹ retỹnynymy rarewāhā kiamy heka rahòtinymahāre, wawo-ki adireny rahòtinyhyymahāre. ⁸Sōwemy arawehityynanyleri. Deuxule kia rierymhỹre. Jesuisi Kristu ruxetòena uludumy iny widi roire. ⁹Kia ixitòedỹna tule Deuxu-ò rewahinyre umyreny. Aluunareny sōwemy rỹikemy rexitòenyre. Tule araykywydynareny riixidorudỹnymhỹke. ¹⁰Tibo awityhymy rỹira kaiboho biijebenykemy rexitòenymahāre. Tule inatyhywidỹdumy rarekemy tamy rexitòenymahāre òbitihyylemy rarekemy Jesuisi Kristu bededỹnanatxu-ò.

¹¹Òbitidỹna bederaty wesele rare. Kaiboho oworu taraty-di rỹimhỹre wese tỹxihikỹlemy

òbitidỹna-di matxibenykemy rexitòenymahāre.

¹²Jiarỹ ròtena-ki rāireu, kia tahe Rybewihikỹmy rybe riwiòhenanyra.

¹³Kowa dori ibutumy yrubudỹdu mahādu roholare, dinodu heto itxeredu mahādu wahe. Tai tahe bierybenykemy tuu rarybere. ¹⁴Jesuisi Kristu òraru-ki tahe ròtena-ki rāimy rarewāhā. Ibutumy iny tahe kia rieryre, iòraru-ki. Waròtena òraru-ki tahe ityhydỹdu mahādu Inynryrỹ aòmỹdỹnadile rōhòtinyre, tule Deuxu rybe rarybemyhỹre ruberuòhyylemy ixitòedỹna-di. ¹⁵Ijō heka ixityhydỹmy Rybewihikỹmy rarybemyhỹre. Ijō tahe inatyhymy Rybewihikỹmy rarybemyhỹre.

¹⁶⁻¹⁷Rierymhỹre waròtena Rybewihikỹ òraru-ki rare. Ixityhydỹna mahādu tahe inatyhy òbiti aòkō rare. Aòhòkỹmy adotỹnykemy wadi ihỹre Rybewihikỹ-di. ¹⁸Aòhebohe arotỹnykre? Arabedewomy aòbo ada areysakre aòbo. Areysahymy ararekre. Kristu rybe dori rarybemy rarehymy iny inatyhynadiremy ada aòkòremy. ¹⁹Jiarỹ areysatyhykre ròtenawo-ribi dori aròhònykre. Aixitòedỹna, Jesuisi Kristu Tyytybytyhy riwawìòhenanykreki. Kia tahe reeryre. ²⁰Deuxu aòmỹdỹnana ariwiòhenanykemy watxireri waumy-di. Jiarỹ arurukeki ada aòkòkeki aòbo. Jiarỹ araxỹruòtyhykemy watxireri aòhebo arotỹnykreki. ²¹Kristu dee warumy ararekre. Tahe arurukeki kia tule wadee awire. ²²Tahe ararekeki Kristu dee araaòmysỹdỹmy arareke iny-ò Rybewihikỹmy ararybekre. Tibo awityhyre reerykòre. ²³Tahe ixityre aròhòtiwydynanykeki kiamy heka rahòtinyleri. Arakre Kristuòhyyle heka Kristu-ò arakele awire. Tii heka awityhyre. ²⁴⁻²⁵Atòdenarenykile tahe warumy ararekre. Tai tahe kabede-ki ararikre aityhydỹna-di beysakemy

maumynykemy. Tai tahe kaki ararekre. ²⁶Iu ayreny-ki aralokreu, Deuxumy beàlàbenykemy watzireri, ayreny-ki ixityre watzireriki wahe.

²⁷Biyyrybenykemy adireny watzireri iwese Kristu tyhydÿÿdu mahādu rÿira weselekemy adireny watzireri. Ayreny-ò arakeki aōbo ada araōkeki aōbo ijyy wihikÿ-ò adoholamyhÿkemy watzireri. Kaiboho wiwana wanale inatyhyna rybe-di tarybemahātenyte. ²⁸Uritere brebuōmy aōludu lau Rybewihikÿ òludu lau wahe. Tamyreny tahe kia rubu bina bede urihixina rare. Tahe adeereny biu-ò hena rare. Kia Deuxu-ribi nade. ²⁹Aō Kristu tetyhynytemy sohojile aōkō tahe tamy aōhōkÿmy tatÿÿnytenyte tule. ³⁰Inyboho dori ibutumy wiwana aōhōkÿmy rotÿÿnykre. Jiarÿ sōwemy aōhōkÿmy adotÿÿnymahāde. Kia-ò tahe taholatenyte wamy.

2¹⁻³Kaa aōbohe rÿire wiōhedÿÿna luuna-wana Kristu-ki, biōwana aōbo Deuxu Tyytybytyhy-ki. Kohe, kia ibutumy Jesuisi Kristu kilehekÿ rÿire. Ibutumy tahe wiluumy boibeke, wiwesehyyle mohōtinybenyke, wii bitōrabutenybenyke. Tai tahe areysakre aōrarurenny-ki. ⁴Iximy xiwederenyōmy. Tahe wiribi lahiximy boibeke, aōkōmy ixi-di marāykynybenyke. Iny sohoji sohoji aōna aōnadirenyremy ixi-di nohōtirennyōmy. Tahe hitxihitximy bōwidÿÿke iny sohoji sohoji iny witxira aōmydÿÿnana yrubudÿÿmy marāykywydynanyke. ⁵Iwese Jesuisi Kristu inywitxira aōmydÿÿnana-di rōhōtinymyhyre wesele, kaiboho mohōtinybenyke. ⁶Jesuisi Kristu juhuhyy raremyhÿ, Deuxule rarehāre. Deuxururu tahe rimyōhyre. ⁷Tahe iribi ritare kaò idi kodobehekemy deòdu weselemy. Tahe inyumyō rimyre kaki inylemy rarekemy. ⁸Tamy tahe ibinatyhymy nade itxeò-ki rurukemy wahe. Ibutu aōbo kaki riwinyke heka,

riwinyre. Tai tahe ibutu ratyre Deuxu Jesuisi risÿnyre. Ibutuni ratyre ini rare. ⁹⁻¹¹Kiani-ò tahe ibutumy tatiowomy resekemy rÿire, biu mahādu, bedeludu mahādu, suwomy rÿira mahādu. Tahe ibutu rybe witxira witxiramy iny rarybemyhÿre: —Jesuisi Kristu ibutu wedu rare. Deuxu inytybymy ibutumy reālāmyhÿre. Kiamy waseriōre waluuduboho. Awana watzireriki tule iwitxira bede-ki aratzikre hārele. Deuxukihyyle atximahābenyke. Warybe bityhynyke.

¹²Aityhydÿÿna-di òraru-ribi bexitabenyke, bexiebenyke òraru-txi ixelau. ¹³Deuxu heka adeewina riwahinymyhyre òbiti widÿÿna. Tiile riwiōhenanymyhyre òbitina widÿÿna. ¹⁴Uritere rybe binamy rybeōmy. Adeburemy iny iijeōmy. ¹⁵⁻¹⁶Tai tahe inyō rybe binamy umy rarybeōtyhy. Òbitityhymy boibeke kaiboho dori Deuxu riōremy toite. Kristu kodobehekrey, aōrarurenny-ki areysakre. Retare dori aōmydÿÿnana wihikÿō ayreny-ki. ¹⁷Arurukewana ayreny-ki rybe wihikÿmy rybe òraru-ki, taile areysakre. Deuxu-ò dori rexiwahinyre xiwena wesemy arurukremy wahe. ¹⁸Kaiboho tahe wadi beysahyymy boibekre ixideewimy tahe adeereny arurukremy wāhāre.

¹⁹Aōwesele Tximòtxi ayreny-ò ariteōnykemy idi watxiwāhāre. Jesuisi Inynyrÿ dee wikeki. Tai tahe arierykre timybo kaiboho toite wahe. Tai heka areysakre. ²⁰Tximòtxi tahe arawiōhenanyrennyke iny witxira witxira ratyre wahe. ²¹Ijō dori ixidile rōhōtinymyhyre Jesuisi Kristu aōmydÿÿnana-di aōkō. ²²Tximòtxi tahe teerytenyte iwese riwawiōhenanyre wese Rybewihikÿmy rybe-ki. Iwese tyby iriōre riwiōhenanymyhyre wese Tximòtxi riwawiōhenanyre. ²³Aōbo wadee rōhōnyke arierykre, tai wylemy

ayreny-ò aditeònykremy idi watxireri.
²⁴Jiarỹ òsana tule wylemy Deuxu riwateònykremy wadi ratxireri ayreny-ò.
²⁵⁻²⁶Ijõ hãbuõ iteòdỹỹmy raruwãhãre ayreny-ò, Epafroditu wahe. Tii wawana noduõ rare. Kaiboho juhoo wadee teteònytenyete wawidhedỹỹdumy rarekemy. Tii heka awehityyrenyeny rumumyhyre. Tai tahe reòkesedỹỹnyreri kaiboho iwebinaduna-ò taholatenyete. Tai heka òkesemy riwisỹnyre. ²⁷Inatyhy rare rurure inihe. Tahe Deuxu rirux-etòdenyreki riteytenyete. Jiarỹ tule Deuxu wadi raruxetòere. Tai rabadewoòhyyre aòwitxira witxiramy ratỹỹnymahãreki.
²⁸Tahe aòwesele ariteònykremy watxireri. Kaiboho beysabenykre kia araerymahãrenyete. Jiarỹ tahe urihimy-ò arexielehynykre wanohòti yrena-ribi. ²⁹Tii kedeheynykre, tahe bididybedenykre biwowydynybenykre. Rexiòhãrunyeny rare Kristu òraru-ki riwawidhenanykremy. ³⁰Tahe tii inihe heka rurure iòraru-ki. Arokoreny-ki tii riwawidhenanyre.

3 Ikonanamy tahe ararybekre: —Beysabenyke, Inynyrỹ deysanamy. Jiarỹ heka riwaixiranyòhyymyhyre heka tuu rybe. Awire tahe bohobanykeki. ²Bexiijebyenyke iny ijòròsa wesena-lau tii iixỹruterere aòbinawidỹỹdu mahãdu tahe tii rare. Bexiijebyenyke notykyresydu mahãdu lau. ³Inyboho dori notyky resydu mahãdu òbiti rare. Deuxu Tyytybytyhy deewimy nodu roire. Jesuisi Kristu dee winale inydeereny awire. Inyboho dori aòwiwihikỹwidỹỹ-ò rikityhynyrenyòke. ⁴Jiarỹ, Paulo ariòludunyleke aòbo ixi-wana ariwinyke. Jiarỹ ijõ hãbu ratyre waaòmydỹỹnana diremy arexityhynyke. Jiarỹ dori judeu mahãdu ijoi tyhy-ki tybie rare noty resyna ijoi tyhy rare. Debò inataò reurotxu-di reareu. ⁵Bejami mahãduõ jiarỹ rare. Judeu mahãdu tyhy wãhãboho roire.

Iriòremy jiarỹ rare. Fariseuõ jiarỹ rare. ⁶Tai tahe bedewina rybe retyhynyre. Jiarỹ heka iijaramy raeleemy reamahãre ityhydỹỹdu mahãdu aòhòkỹmy arisỹnykre-ò. ⁷Wabede ywinareny òbitimy rare sana raholamahãre, ibutumy retyhynymy rarewãhã. Ibutumy wahe aòmydỹỹnana reatyra Kristu luuna òraru-ki. ⁸Inatyhymy Kristu wabiu-ò hedu reeryreu, ibutu aòmydỹỹnana-ribi wanohòti rosare. Ibutumy retxiwire iòraru-ki, kia ibutumy aò aòkõ rare, Kristu wabiu-ò hedule arimykere wabiu-ò hedukremy rare. ⁹Waòbitina tahe aò wawidỹỹna aòkõ rare. Jesuisi retyhynyre urenana tahe tii riwaòbitinyre. ¹⁰Kristu arierykemy idi watxiwãhãre. Rubu-ribi ixixana arierykemy, aòhòkỹmy arotỹỹnykre iòrarukile, iwese tii rurure wesemy wahe jiarỹ heka arexiywinykremy watxireri. ¹¹Tai rubu-ribi ixixana mahãdu-wana arexixakre. ¹²Jiarỹ òbitityhy aòkõ rare ada ibutumy òbitina wadee riwahinyòre. Jesuisi riwamyre aòmỹsỹdỹỹnaò ariwinykemy. Tai tahe wako-ò rawãhãre araòbitinykemy watxireri. Tamy tahe araaòmỹsỹdỹỹnykemy watxiwãhãre. ¹³Òbitityhy aòkõ jiarỹ rare. Kia sohojile tahe ariwinykre. ¹⁴Tahe areheynykremy watxireri titxibo Kristu diwateònyde. Kowa bedewihikỹkile uriòno aritakre. ¹⁵Tahe ityhydỹỹdu iumy kia-di mohòtinybenyke. Inyõ aò rieriòkeki Deuxu tamy kia ritỹnynykre. ¹⁶Uritere biijebyenyke inatyhyna bityhynybenykeny wiwese weselemy ròkòhòtinyrenyete.

¹⁷Ityhydỹỹdu seriòre, iwese rewinyeny rarewãhã wese biwinyeny boibeke. Tule ijõ-ò betebebenyke wawese dori riwinymyhyre. ¹⁸Sòwemy dori iny òbiti aòkõ rỹira, Kristu

òludumy wahe, itxeò aõmydÿñana òludu wahe. ¹⁹Kia iny tahe Deuxu rahukre. Rÿsÿnale ta ideuxure. Tiiboho tahe aõbina binaòle awirenyre. Bede aõmydÿñanadile ròhòtìnyre. ²⁰Iny bedereny tahe biu-ki roimyhÿre. Kowa-ribi reraòrenyneri iny tarasadu dehemynyna-ki. Inynyrÿ Jesuisi Kristu wahe. ²¹Tii inyumyreny riwixiranykre. Tii taumywelese iny ritxiennykre, taumy wihikÿtyhy wesemy. Tii rurù dire. Tahe ibutu aõna aõna wedumy ronykre irurudireki.

4 Waluunadu, waseriòreboho, kaiboho wadeysana warataana wesemy toite. Ywihyulemy boibekre, waluunaduboho.

²Warybe rewahinyre inatxi hãwyy-ò Eòdia, Sintxiki-wana. Kialemy wahe Inynyrÿ tyhydÿñna-di wiwesehyulemy maraykynyke. ³Adee tule wawiòhedÿÿdu tyhy waryhe rewahinyre. Kai biwiòhenanykre hãwyy Rybewihikÿ wiòhedÿÿdu mahãdu wahe. Tule Lemetxi riwawiòhenanyre ijò-wana wahe. Ibutumy inireny heka Tyiritina rubuonanakòdu-ki rÿire.

⁴Inynyrÿ-wana beysahyybenyke. Tahe ixityremy ararybekre. Beysabenyke. ⁵Ywina-di bisÿnyke ibutu iny-ò. Inynyrÿ dehemynyna dori iòhòmy ihÿre. ⁶Ibutumy aõmydÿñana heka biyrydÿñnybenyke. Ibutumy bexitòenyke Deuxu-ò, àlàna-wana bexitòenyke. ⁷Deuxu ywina awo-ò bitidikre arayky ibutumy riyrubunyke. Deuxu ywina dori inraykyreny rieriòtyhy timyrekibo awityhyre.

⁸Ikonanau tahe ibutumy aõmybo ararybekre maraykynybenyke ibutu inatyhyna, ibutu aõeryhykÿ, ibutu òbiti, ibutu tihiyyle, ibutu iluuna, ibutu tyhyna awimy tahe roirekeki àlàna-wana rÿikeki, tahe kia-di ibutumy maraykynybenyke. ⁹Araerynanyreny, kaiboho teeryteny, rarybereò tahe

taholatenyta. Timybo watxireri wese kaiboho wamy tabitenyta. Tai iwesemy boibeke, ibutumy wahe. Deuxu heka ywina rare. Tii umywanarenyle rarekre.

¹⁰Jiarÿ heka reysare Wanyrÿ dee. Kaiboho heka ixityre watxi òhòtìreny reare. Tiu waribi òhòtìreny rosaòhyyre urile kaiboho wawiòhedÿÿmy taruteny tahe isirare. ¹¹Kaa tuu rarybereri heka aõmy raruòhyryri. ¹²Jiarÿ dori reeryre aõbo wamy rÿira idi reysamy watxiwähäre. Ibutumy waki rÿimyhÿre-wana tule awilemy rahòtinymahäre. ¹³Reeryre dori awimyno tule ramamy rubu reeryre. Xiwersyna wese reeryre tule aòhòkÿmydÿÿ reeryre rama jubreré. Kia tahe reeryre. Ibutu ariwinyke Kristu dori rurù wadee riwahinyre. ¹⁴Tule umy arealàkemy watxireri tiwawiòhenanyteki. ¹⁵Filiposi hãwã dohodÿñna mahãdu, kaiboho sohojile nieruò wadee tewahinyteny, juhuu Macedonia hãwã-ribi rareu wahe. ¹⁶Tesalonia hãwã-ò wadee nieru tewahinymahàteny, inatxi nonanamy taditeònyteny. Tahe riwamyre wadee rasiranymy idi rewyré. ¹⁷Aò rexitòenyneri aòkò nierumy. Sohojile aõmydÿñnamy aribi aritakemy watxireri. Deuxu aõmydÿñnanale aritakemy rarumahäre. Umyreny Deuxu wehityhynamy arobikemy. ¹⁸Remyre awahidÿñna. Epafroditu aribi riwawahinyre. Tai tahe sòwemy waki rÿireri. Iwese lÿnyrena sòwemy watxi reamyhyre wese awahidÿñna wadee rare. Iwese Deuxu-ò xiwenaò awire wese wadee ihÿre. ¹⁹Aòhere inyDeuxureny ihewoludu atyhyna loosòna adeereny kadiwahinykre, Jesuisi Kristu òraru-ki. Aòbo adeereny rasiranyneri. ²⁰Deuxu kidiwahinykemy adeereny watxireri. Kia tahe inyDeuxureny-ò loosòna kidiwahinykemy watxireri tiemy heka rarehykre. Kie.

²¹Iny sohoji sohojimy warybe-di bi-wehityynanykre Jesuisi Kristu òraru-ki. Kaki ityhydỹỹdu mahādu tarybe wehityyna adeereny diwahinyde. ²²Ibutumy ityhydỹỹdu arārybeweityhynanyre. Iòlò

heto ityhydỹỹdu mahādu yribihyyle adeereny diwahinyde.

²³Inynyrỹ Jesuisi Kristu ruxetòena adeereny kanakemy watxireri.

Òlòsò

Paulo Tyyriti, Òlòsò Hāwā-ò

1 Paulo, Jesuisi Kristu deòdu Deuxu-deewimy rare kia tyyriti rewahinyre. Tule Tximòtxi inyseriòre rybe weityhyna riwahinyre, ibutumy ityhydỹ̃du seriòre-ò Òlòsò hāwā-ki. ² Wiòhedỹ̃na, ywina, Deuxu inytyby-ribi adeereny kanakemy watxireri.

³ Jesuisi Kristu-ò àlàna re-wahinyhyymahāre, tule Deuxu Inynrỹ tyby-ò. Adeereny dori rexitòdenhyymahāre. ⁴ Kaiboho Jesuisi Kristu tetyhynmahātenyte. Tule kowa ityhydỹ̃du mahādu wiluurenre. ⁵ Rybewihikỹ inatyhyò juhūu taholatenyte. Idi tahe araròsòna tetatenyte. Tai tahe biu-ribi kia ibutumy kanakre. ⁶ Iwese Rybewihikỹ bede bedeemy rariamyh̃re wese adeereny tule dehemynde. Rybewihikỹ aōwihikỹ adireny riwahinyre. Iwese òwòru taraty riwahinyhỹre wese, kaiboho inywitxira-ò aōwihikỹbo tewahinyntenyte. ⁷ Epafa jiarỹ wiwana Deuxu deòdurenre. Kia iribi tadoholamahāte. Tii Kristu rybemy rybedu òbiti rare. ⁸ Tule wadee relyyre Deuxu Tyytybytyhyòraru-ki wiluuna-di ahātenyte.

⁹ Kia inyboho roholarenre, adeereny rexitòdenhỹ watxi-wāhärenre. Rexitòdenmyh̃ Deuxu dee wityhymy kaiboho bedierybedenyke. Deuxu Tyytybyerynatyhy-di boibekemy, bedeerydỹ̃na-di. ¹⁰ Deuxudeewihyymy kaiboho atximahātenyte maratynke wesemy aōwihikỹmybo. Biubỹ̃tynmy boibeke Deuxumy bierybenythykre. ¹¹ Ibutumy ruruna-di boibeke Deuxu ruruna wityhy-di texihymy tadonymahāte ibutumy aōhōkỹmy bodotỹ̃nykre deysana-di. ¹² Deuxu

inytybyreny-ò àlàna biwahinybenyke. Tii iny riywidỹ̃nyreny inyura juramy ritakemy. Kia jura jura ityhydỹ̃du mahādu hōrō rare Deuxu loosònawo-ki ratximyh̃nyrenyke.

¹³ Tii bedeluru òlòna-ribi diwatade tahe diwadyde taRiòre luuna òlòna-ò.

¹⁴ Kristu heka iny ritare. Tii iny òrarunareny riòwynre. Ibutumy òraruna riixāwidinare. ¹⁵ Jesuisi heka Deuxu lobixidỹ̃na rare. Deuxu tahe alobixina aōkō rare. Ibutumy widỹ̃na-ribi tii juhūu rāire. ¹⁶ Tii tahe ibutumy bededỹ̃nana widỹ̃dure.

Ibutumy biu-ki bede-ki lobixina lobixiòna-wana riwinyre. Iòlòna wedu tyhydỹ̃na ruruna. Dinodu widỹ̃na. Ibutumy tii riwinyre ixidee. ¹⁷ Tii ibutu aōna aōna-ribi juhūu r̃ire. Ibutumy aōna aōna taruru rimyri tai. ¹⁸ Iwese umyriti umy wedu rare kia wese Jesuisi ityhydỹ̃du mahādu riti rare. Tii juhuna rare. Iwedu rare. Tii rubu-ribi ixixana juhūu ludu rare ibuturatyre dori Deuxu ris̃nyre juhuuludumy ratxikemy.

¹⁹ Jesuisi-ki ibutu wiwihikỹ rarekemy. Kia tahe Deuxu dee wire. ²⁰ Deuxu ywina diwahinyde Jesuisi hālubu-di itxeò-ki. Jesuisi hālubu xiery ibutumy Deuxu riwaaxidỹ̃nyre biu-ki bede-ki.

²¹ Kaiboho Deuxu ery aōkō juhūu toite. Iòludu toite, arayky-ki aōbinahakỹ widỹ̃ tadexinohōtynyntenyte. ²² Jesuisi umy-di Deuxu arainytyhydỹ̃nyre Jesuisi rurureki. Tai Deuxu tako-ò akanatamadỹ̃nykre taòbitidỹ̃nyteki aòraru lyrana-di, aòraru tuedena-di inyò umy ibinamy rarybeòtyhy.

²³ Urile tyhydỹ̃na-ki boibe benyhyke araròsòna-ribi ixihitxidỹ̃ōmy. Araròsòna dori Rybewihikỹ-ribi nodu rare. Tii-ò tahe taholatenyta. Ibutumy iny biurawoludu-ò Rybewihikỹlemy narybede. Iribi jiarỹ, Paulo, Rybe wihikỹmy rybedu ròhònyre.

²⁴Wijile reysamy watzireri adee aòhòkĩmy ratĩĩnyreriki, aò aòhòkĩmy dĩĩnanabo Kristu-ò rauhenyre. Tai jiarĩ aòhòkĩmy arotĩĩnykre waumy-ki hyymy. Kristu-ò rĩira mahādu dee kiamy ratĩĩnyre, dòhòdĩĩna mahādu dee. ²⁵Iribi jiarĩ Rybe wihikĩmy rybedu ròhònyre. Kiamy Deuxu dee wimy diwateònyde tarybemy rybedumy. ²⁶Tii ihetxiu rybe inatyhy ibutu lau rexiwore. Wiji tahe rexitĩnynyre ityhydĩĩdu mahādu dee. ²⁷Kia-ò Deuxu rexitĩnynykemy ratzireri iwese aòwiwihikĩ, taloosòna ratzireri, ibutu iny witzira dee. Kristu inywo-ki, kia tahe iny iraròsòna rare. ²⁸Kia Rybewihikĩmy relymahārenyre ibutumy iny-ki reerydĩĩnanamahāre bederysyna-di. Kia wesele ibutumy ityhydĩĩdu mahādu òbiti Kristu-ò ariteòsinykre. ²⁹Kiaòle tahe rexirurudĩĩnyhyymahāre, Kristu rurudile waki rĩimyhĩre.

2¹⁻²Warayky-ribi ijesu nihikĩmy resumahāre awo umyreny rahòtieremahāre reysakemy Òlòsò hāwā-ki. Laodisia mahādu tule wamy robiòmyhĩre mahādu tule wiluutyhyrenykeny kaiboho ibutumy Deuxu bedeerysynatyhy bierybenykeny adireny watzireri. Kristu-ki tahe bede erysynatyhy-di atxiteri idi watzireri. ³Kristuwo-ki ibutumy bedeerydĩĩna bede erysynatyhy ityhyna wesemy riyrubunumy rĩire. ⁴Kawese rarybera inyò arāitxenanyòmyhĩkeny rybe rayky-ribi ije-di. ⁵Waumy awanareny ratxiòreri, watytyby tahe awanareny ratzireri, riwadeysanyreri, aòwityhy òbiti-di riwaerynanyreri Kristu-ki aityhydĩĩna-di riwaerynanyre.

⁶Iwese Jesuisi Kristu heka Inynyryhyny tetyetynte wese. Tai tii-wana mabehyybenyke. ⁷Iwese oworu irarutiò rimymyhĩre wese

myike. Anaerynadĩĩnymahāde wese maumynyke àlādĩĩnamy.

⁸Bexihārubenyke, inyò anaitxenadĩĩnyke lau. Tarayky-ribi ije rybe-di lahirybe-di anaitxenanykeny ihĩre rybe uritere ije ije-di. Kia rybe iny aòmydĩĩnana-ki rĩire bede tytyby aòmydĩĩnana-ki. Kia Kristu aòmydĩĩnana aòkòhyymy rĩirake. ⁹Kristu umy-ki tahe ibutumy Deuxu ixitĩnydĩĩna rĩire. ¹⁰Tule Kristu-ki kaiboho tyhynamy toite, texihutenyte. Tii heka ibutumy hābu rurudĩĩna ratyre rare, iòlòdĩĩna ratyre rare. ¹¹Iwese uladunotyky riòròre wese Kristu aòraru urarina aribi diorode. Notyy resyna inatyhy aòkò rare. Kristu iwesenalemy riwinyre.

¹²Taratisebenytenyte, Kristu rubu wesemy tewesenatenyte delede. Tule beribi tadòhònytenyte irubu-ribi ixixanamy tewesenanytenyte. Deuxu tyhydĩĩna-di rubu-ribi texixatenyte. ¹³Kaiboho aòraruna-ki tòimyhĩteu rubu wesemy notyynaresy aòkò-di toimyhĩteu, adeereny runa Deuxu diwahinyde, aòrarureny diixāwidinyde. ¹⁴Kristu iny òraruna widĩĩnareny-ribi tòhòti rosara. Kia tyritina-di riixāwididĩĩnyre taitxeò-ò rareu. ¹⁵Rurudĩĩna mahādu ruru dinodu mahādu ruru ritara, ibutumy iitxerenarenymy ibutu-ò riteòsinyre. Kristu taitxeò-ki irurureny ritara.

¹⁶Kaiboho tahe uritere iny rybemy deòbyrenykomy roxina bemomo, ada ahādu herinau ixenamy, ada sabado bededĩĩnanamy. ¹⁷Kaiboho dori aò kanakre wesemy rare. Kristu tahe ibre tuu rare. Kia aòmydĩĩnana aò aòkò. ¹⁸Inyò adeereny rarybekeki: bexitxiònyke yju biteàlānykeny, rasina-ki ierysmy mohòtinkykeny. Tamy ijohonarenymy urile erydĩĩdumy rohòtinyra. Tii tahe Kristu rityhynyòhyymyhĩre. ¹⁹Inyummy wese inyboho ihĩrenyre. Kristu tahe umy

ratiwesere. Umybutule-ribi ibutumy iuk̄ȳna wiwana reare. Ibutumy òhòna tusina-wana umy rabutumyhȳre. Deuxu umyna-di umy raumymyhȳre.

²⁰⁻²² Kai Kristu-wana taruta-wana bede aōmyd̄ȳnana-ribi, aōherekibo wiji bede aōmyd̄ȳnana-wana arumy ahāte. Aōherekibo bede ywina witxira witxira tetyhynymy ahāte: imyny wedeyd̄ȳòmy. Tamy ade rexiòmy, roxina urihixiòmy. Kia wese hābu bede ywina tetyhynymahātenyete. Kia aōmyd̄ȳd̄ȳkeki, rexihuke. ²³ Bede eryd̄ȳna wese ratxireri. Kia dori ixideele rexiyhyd̄ȳnyre iyru bu wesemy rawesenanyreri, taumy ixidee aōhōk̄my rexisynye. Ibutumy kia tahe riwiòhenanyōhyymyhȳre umy òraluna lau.

3 Kaiboho Kristu-wana texixatenyteri wana, biu ludu aōmyd̄ȳnana-di mohōtinybenyke, tai Kristu Deuxu ruruna weribi ras̄nymy ronymyhȳreki. ² Biu ludu aōmyd̄ȳnana-di mohōtinybenyke, kabede ludu aōmyd̄ȳnana-di aōkō. ³ Rubu wesemy dori ahātenyete, aumy tuedeòna runa Kristu-wana rare —Deuxu-ki riyrubunymy ratximyhȳre. ⁴ Kristu rehemynyreu, tule tii-wana rakatxirenyke.

⁵ Tai òhōti bitosanyke bede ludu aōmyd̄ȳnana aki r̄yire: uri uri r̄yira mahāduhemy ijara, òbitiòna, deòsana hemy nodu, iòbi ret̄nyre òbiti-di aōkō rare. Inyō r̄yire-di òtena kia ritxoo àlād̄ȳna wese rare. ⁶ Kia aōna aōna Deuxuwo binana rare, kia-ò Deuxu ykarana kanakre kia òrarudu mahādu-ò. ⁷ Kaiboho kia tewinytenyete aòrarunareny òrarudumy toiteu. ⁸ Wiji tahe ibutumy kia aōmyd̄ȳnana aribi rexihukemy idi watxireri —wobinana, ujòmo, rybe ije ije. ⁹ Iny witxira-ò ruiòmy, araybidinatyby dori aribi dexihude, iwid̄ȳnabina-di. ¹⁰ Araybidina

t̄ymyra-di tahe texiumy d̄ȳnyete tii araijōnyre bedeersynahak̄y-di, Kristu raybidina wesemy araybidina rarekre òbitimy araijōnykre. ¹¹ Kowa-ki wii rikininirenyōkre: judeu mahādumy, judeukōdu mahādumy, notyky resydumy, bedeeryō mahādumy, txiebese wese mahādumy, deòdu mahādumy, deòdu aōkō mahādumy ibutumy Kristu dee wiwese weselemy r̄yire. Kristule tahe ibutumy ihȳre inydeereny. Tii ibutu inywo-di ratximyhȳre.

¹² Kaiboho Deuxu ijesemy anadymyhȳde tahōrō luunana mahādukremy. Tai ruxetòena-di boibekre ixāwidina-di, inytyhyna-di, ywina-di. ¹³ Wii riwiòhenanymy r̄yike. Wii riixāwidid̄ȳnymy r̄yike. Inyō adee aōmy rotyynykeki ixirawomy bijeranyke. Iwese Inyny r̄y araixāwidinyre wese iny biixāwidinyke.

¹⁴ Ibuturatyre wiluurenkemy kiadile kaiboho wiwana ibutumy boibeke iweselemy mohotinybenykemy. ¹⁵ Kristu ywina heka umyy-ki itxeredumy rarekre. Kristu hōrō mahādu sohojilemy mabeke. Tai tahe àlana tamy biwahinybenyke.

¹⁶ Kristu rybe-di awo-ki mabehyymy mabekre idi watxireri. Wii biery-nad̄ȳnymy bitohonymahābenykemy bede ersyna-di. Deuxu-ò àlana biwahinymahāke wiurybe-di, wiu-di Deuxu Tyytybytyhy wina-di. Mawinyke àlana-di aworeny-ribi. ¹⁷ Ibutumy tuu marybekremy, ibutumy tuu bot̄ȳnykre Wanyr̄ni-ò, tuu bot̄ȳnykre Jesuisi Kristuni-ò. Inytyby dee àlana biwahinykre, Deuxu-ò wahe.

¹⁸ Hāwy! Kai ahābu bityhynyke, Deuxu ersyd̄ȳna-di. ¹⁹ Hābu! Kai ahāwy luuke, idi tudòrenyòmy. ²⁰ Uladu! Borybe, adirybe-wana bityhynyke. Kia tahe Inyny r̄y deewire. ²¹ Uladuse, uladutyby! Kai ariòre

ikyaradỹyõmy, bedede wona-di aõkõ ratxikemy. ²²Deòdu mahādu! Kai kabede-ki awedurybe-di ibutumy bityhynyke aõ idi retehererikile aõkõ, awedudeewi sohojilemy aõkõ, awo-ribi tyhy Inynrydeewimy tuu botỹynyke. ²³Aõbo botỹynmahāke ibutu Deuxudeewimy botỹynyke. Hābudeewimy aõkõ. ²⁴Deuxu-ribi aõwidyña kanakre. Kristu-ò dori taaõmysỹdỹnynmahāte. Adeereny rahetoõ riyrubunymy roimyhỹre. ²⁵Inyõ tahe aõbina riwinymyhỹkeki, ihewomy aõbinale ritake. Deuxu dori ibutu dee wiwese weselemy idi rotỹnynmahāre.

4 Wedu mahādu, kai eòdureny dee òbitimy idi ahābenyke. Kai tahe tule awedu dire biu-ki. Kia nohõti losaõmy.

²Bexitõenyhyymahābenyke. Betehehybenyke. Bealāhyymahābenyke. ³Inydeereny kia bedexitõenykre. Deuxu rybe wihikỹ-ò iny dee hāwā wixira-ò kidiraynykre, Kristu inatyhynamy arelyyrenykre. Iòraru-ki womati reroti nihikỹ-di watxiwāhāre. ⁴Kia ritynynykre idi watxiwāhāre. Waaõmysỹdỹña kiemy dori ihỹre. ⁵Biu ludu bedeerydỹña-di boibeke ityhydỹdukõdu mahādüy-ki. Aõwihikỹrybe bexitỹnynykeki, turybelemy idi beake. ⁶Arybe aõwi weselemy biyrubunyke, iwese rỹsỹna juwyrana raurinymyhỹrewi wesemy. Tai arawyõna ijõdikre tỹraxyina-ò.

⁷Txitxiõ ibutumy waaõmydỹñana adeereny relyykre. Tii waityhydỹdu seriõre waluumy rare. Tii rybedu òbiti iny-wana ratxireri. ⁸Adeereny reteõnyreri waaõmydỹñanareny erydỹnamy awo deysadỹmy. ⁹Onesimo heka tii-wana ariteõnykre.

Tii tule òbiti ityhydỹdu seriõre ratxireri. Ahāwāreny yluduõ rare. Tiiboho kedelyydenykre ibutumy timybo wāhāremy.

¹⁰Aristarku wawana ròtenawo-ki wāhāre. Tarybe adeereny diwahinyde. Marku adeereny tarybe tule diwahinyde. Tii Banabe exi rare. Markumy, warybe teeryte, adeereny rybe rewahinyre wahe. Tii adeereny kedeheemyneki, bidiwiõhenanyke.

¹¹Josue-Justu ibutumy eryna rare. Jesuisi inityhy rare. Kaiboho sohojile tahe judeu mahādu-ribi iny-wana raaõmysỹdỹreri Deuxu òlona òraru-ki. Tiiboho riwawiõhenanyhyymy-

hỹreny. ¹²Epafa tule aeryrenyõ rare tarybe adeereny diõde. Tii adeereny rexitõenytyhyhyymyhỹre kaiboho Deuxudeewimy boibehyky. ¹³Jiarỹ reeryre tii adeereny tòemy ratximyhỹre, tule Laodisia mahādu dee tule Ieryopoli mahādu dee. ¹⁴Luka, tarybe diwahinyde. Tii ityhydỹ òhotibedu rare. Dema tule tarybe diõde. ¹⁵Warybe wehityhyna biõke Laodisia ityhydỹdu seriõre. Ninfa-ò tule wehityhyna biwahinyke dohodỹña mahādu taheto-ki rỹreriwana. ¹⁶Watyyriti-di dohodỹñaheto-ki rariakreu, idi tule Laodisia mahādu-ò biõkre tako-ò rariakemy. Tule watyyriti kowa-ò rewahinyre, wimyke amahāduko-ò rariarenkyre. ¹⁷Arikipu-ò warybemy marybeke. Tii aõmysỹdỹñaò ritare Deuxu-ribi. Kia-di tii ratxihykyeyidi watxireri.

¹⁸Kia tyyriti wadebò ritidỹña tyhy rare. Womati reroti-di rataataamy nadoimyhỹderibi õhõtirenny lusarennyõmy. Deuxu wohyna adee kanakemy idi watxiwāhāre. Paulo.

1 Tesalonia Mahādu-ò

*Juhuu Tyyriti Tesalonia
Dohodỹyna Mahādu-ò*

1 Jiarỹboho, Paulo, Sila,
Tximòtxi-wana heka Tesalonia
hāwā ityhydỹydu mahādu-ò tyyriti
ariwinyreny Deuxu ijoimy kaiboho
toiteki. Deuxu wohyna, Deuxu
ruxetdena heka Waha-ribi, Jesuisi
Kristu Iòlò-ribi akirenykemy he wadee
awire.

² Aõu aõu Deuxu deàlānamy adeereny
rexitdenymahāre. ³ Atyhyna tiu
inynohòti-ribi rosaõtyhy. Aluunareki
dori Deuxu dee taaõmysỹdỹmahāte,
Jesuisi Kristu iny Iòlò dehemynyna
teraòteri. ⁴ Kaiboho, Deuxu luuna
mahādu, Deuxu iyrenymy araijere.
⁵ Rybewihikỹ adee retỹnynynmahāre.
Kia heka rybe sohojile aõkò rare. Tii
ruruna rare Deuxu Tyytybytyhymy.
Erynatyhy teeryte. Iwese iny ako-txi
ratỹnyreny wese, kaiboho
teerytenyta. Aluureki dori kawesemy
ratỹnyreny. Tai tahe iwese
inyboho ratỹnyre wese tule kaiboho
tatỹnyteny. Tule Inynrỹ-wesemy
tatỹnyteny. ⁶ Aõhòkỹmydỹnana
hārele heka kaiboho rybe-ò taho-
latenyte. Tii aradeysarenny, aõhòkỹmy
dỹnana-ki hārele. Eysanarenny dori
Deuxu Tyytybytyhyribile namyhỹde.
⁷ Kaiboho tahe ityhydỹydu mahādu
wihikỹ toite. Ibutumy ityhydỹydu
mahādu heka aweserenymy roirekemy
ratxirenyreri Macedonia bedeki, Akaia
hāwādỹyna-ki tule. ⁸ Aeryna ibutumy
hāwā hāwā rieryra Deuxu tetyhynyteki,
Macedonia bedeki tahe tule Grecia
bedeki. Tahe kia-ò ixyby boho-
labenykekò dori rare. ⁹ Iny arora-ribi
dehemynydeu inyko relymyhỹre.
Kaiboho asuritxoo deuxu-di tehuteny

tahe inatyhy Deuxu tetyhynyteny,
Deuxu iru wahe. ¹⁰ Iriòre biu-ribi
kanakremy teraòmahāteny. Kia
heka Deuxu rubu-ribi riixixanyré
rare. Jesuisi sohojile heka Deuxu
debure-ribi riwatarenykre. Deuxu
dori òraruna òraru-ki sòwemy
rakyaranynihikỹmyhỹre. Tule kia umy
inydee relymyhỹreny.

2 Kaiboho teeryteny arora-ò
roirenyreu, jiarỹboho Deuxu
aõmysỹdỹna sòwemy rewinyreny.
² Jiarỹboho aõhòkỹmy ratỹnyreny
Filiposi hāwā-ki. Tai tahe adee
rehemynyre Tesalonia hāwā-ò wahe.
Deuxu taruru diwahinyde. Tai heka
jiarỹboho adeereny roirenyre Deuxu
ijyywihikỹmy arelyrenykeny. Sòwemy
inydeereny òbinadu rỹire. ³ Iny rybe-di
tỹnydỹnarenny inatyhymy rare.
Inyboho òbitimy ròhòtinyreny.
Jiarỹboho anaitxenanyrenyòtyhy.
⁴ Iwese Deuxu inydeereny riwateònyre
wese kialemy heka rarybeke.
Aõbo insòwehekỹ deewimy aõkò
raryberenyre, tahe Deuxudeewimy.
Tiile rieryre aõbo inywo-ki ratximyhỹ.
⁵⁻⁶ Tii rieryre iwese inyboho adeereny
rarybemahārenny wese. Nieru
tarasakemy aõkò inyboho watxirenyre
rui-di raryberenyremy rybewihikỹ adee
rewahinyòhyymy. Awowydyna, arybe
wiwihikỹ heka inydee aõkòhyymy
idi watxirenyre. Ijò iny-ribi tule aõkò
kia rybe idi watxirenyre. ⁷ Jiarỹ tiu
ararybeòmahārenny idi anierurenny
aritakemy. Kia ariwinyrenykeki tahe,
tule awire. Inyboho dori Jesuisi Kristu
deòdỹyna inyboho ratxirenyreri.
Tahe iu jiarỹ ayrenny-ki raremahāu,
aluurenny. Iwese hāwyyò tariòre
riyrubunny wese adireny watximahāre.
⁸ Deuxu Rybewihikỹ sohojile aõkò
adeereny ariwahinykeny aõkò,
tule wabededỹnana tule adeereny
ariwahinykeny watxireri, aruruke

adeereny, jiarỹboho sōwetyhymy aluurenyreki wahe. ⁹Sōwetyhymy jiarỹboho raaōmysỹdỹnymahāre ayreny-ki raremahāu, tai tahe òwyō aōkō teòwynymahātenyete. Rummy raaōmysỹdỹmahārenyete, txumy tule. Tai ixiaōmysỹdỹnadile inyboho rỹimahārenyete. ¹⁰Jiarỹboho ayreny-ki òbitimy roiremahā. Aōhe inatyhy, waityhydỹđu seriòreboho. Kia teerytenyete. Deuxu tule riwaeryete. ¹¹Iwese tybyō tariòre riywinyre wese, jiarỹ araywinyra, wariòre wesemy. ¹²Arāwiòhenanykemy adi watxireri arateysadỹkemy. Warybe dohodỹña-ò bohohabenyke. Tai tahe kaiboho Deuxudeewina-ki atxibenyke. Tule tii-wana masỹnybenyke taòlòna-ki, toosòna-ki.

¹³Tai tahe àlàna sōwemy Deuxu-ò rewahinyrenyete. Ayreny-ki raremahāu, Deuxu rybe tỹnydỹỹmy, kaiboho tetyhynytyhymahātenyete. Deuxurybele taholatenyete. Tii heka inatyhy kia rare, Deuxu ijyytyhy wahe. Waityhydỹđu seriòre, Deuxu ayreny-ki ratximyhỹre. ¹⁴Waseriòreboho, iwese Judeia ityhydỹđu mahādu heka aōhōkỹmy rotỹnyre wese, kaiboho iwesele aōhōkỹmy tatỹnytenyete. Kaiboho aōwitxira witxira aōbina bina teòludunymahāte aōhōkỹmy dỹnnana-ki. Abede ludu mahādu tuu riwinyre. Iwese Judeia mahādu heka judeu mahādu debò-ki aōhōkỹmy rotỹnyre wese, kaiboho tule aōhōkỹmy tatỹnytenyete. ¹⁵Judeu mahādu heka juhuu Deuxu rybedu mahādu rirubunynyete. Jesuisi tule rirubunynyete. Inyboho tule ribinadỹnykemy ratxireri. Deuxumy dòdu tiiboho roire. Ibutumy inymy òludu ratxireri. ¹⁶Tiiboho iny ribinadỹnykemy ratximyhỹre, iny dori rybe tỹnydỹđumy inyboho ratxireri judeukòdu mahādu-ò. Kia-di heka ijō òraruna tiiboho ributunynyete. Deuxu tahe

wiji tiiboho ribinadỹnykre. Ityrereny-ò Deuxu kyarana bededỹnnana kedesekeke. ¹⁷⁻¹⁸Waityhydỹđu seriòre, aribi irehemy watxireri, awehityhyna sōwemy wadi ratxireri. Sōwemy adi aretehekemy watxireri ixityrele. Tiubo aroramy arake, Satanasi riwababinadỹnyra. Tahe aōkōre. Araòke. ¹⁹⁻²⁰Kaiboho dori iny raròsònatyhy, inydeysana, iny biu-ò hena Inynyrỹ Jesuisi òraru-ki atxitenyete. Tii dori kanake. Kaiboho ixityhydỹñaò heka toimahāte.

3 Ikonanau tahe reòludunynyotyhy. Tai tahe ixisohojile Atena hāwā-ki rỹikremy watxireri. ²Tai Tximòtxi adee reteònyre, inyseriòre wahe. Tii heka wawanareny Deuxu aōmysỹdỹña-ki riwiòhenanyre Kristu Rybewihikỹ tỹnydỹỹmy. Adeereny dori reteònyre aityhydỹña wiòhedỹỹmy. ³Tai tahe bede jei jei òraru-ki, kaiboho ahewo-ò booseòtyhy. Kia ibutumy Deuxudeewina inydeereny rare. ⁴Iu ayreny-ki rarewāhāu, kiamy rarybewāhāre aōma adeereny aōhōkỹmy dỹnnana kanake. Kiale tahe inatyhymy nade. ⁵Tai tahe Tximòtxi reteònyre, omy arierykemy timybo aityhydỹña-ki tatỹnytenyete. Satanasi òsana waaōmysỹdỹña ayreny-ki ribinadỹnyre. Aōkōre, tii Deuxu aōmydỹnnana ribinadỹnyotyhy. ⁶Tximòtxi heka Tesalonia hāwā-ribi ròðsera. Ijyy Wiwihikỹ tahe raholara. Aityhydỹña aluuna wana raumynyete. Tule tii relyyete iwese kaiboho awehityhyna dire inyluure wese. Wadeysamy watxireri, waseriòreboho, aòraru-ki. ⁷Waaōhōkỹmy dỹnnana hārele heka wadeysamy watxireri, aityhydỹña awireki wahe. ⁸Kaiboho awimy matxibenykeki, awimy jiarỹ watximahāre, warumy watximahāre. ⁹Aòraru-ki tahe Deuxu-ò àlàna rewahinyete. Deuxu-ki tahe wadeysamy

watxireri. ¹⁰Rumy txu-wana adeereny arexitòenykre arora-ò arake, aityhydÿÿna wiòhedÿÿmy wahe.

¹¹Deuxu Inytyby, Jesuisi Kristu Inynyrÿ-wana riwawiòhenanykemy idi watxireri arora-ò arake. ¹²Wiluummy ibutumy ityhydÿÿdu mahädu luummy idi watxireri. Iwese aluure wese wiluuke. ¹³Tii inydeereny ruruna riwahinykemy idi watxireri. Òbitimy tahe rakatxirenkye Deuxuko-ò, Inytybyko-ò. Inynyrÿ Jesuisi kedeheymynkreu, tamahädu-wana, tai iny imahädule rakatxirenkye.

4 Waityhydÿÿdu seriòre, timybo òbitimy ahäbenykemy rebedeerynre Deuxudeewina wahe. Iratyre tahe arexitòenykre Inynyrÿ Jesuisi òraru-ki, òbitityhymy boibenybekemy. Kia tahe teerytenyte. ²Jesuisi bedede erydÿÿna heka adeereny rewahinyrenyre. Kia teerytenyte. ³⁻⁴Kia tahe rare. Òbitityhymy ahäbenyke, òta òtarenömy. Iny sohoji sohoji òbitimy ahäwyy-wana matxibenyke. ⁵Iwese ityhydÿÿdukòdu mahädu riwinyre wese aòkò idi ahäke. Tii dori Deuxu rierykòrenyre. ⁶Tuleke kia aömydÿÿnana-ki iny sohoji sohoji aityhydÿÿdu seriòre ibinadÿÿömykemy. Iwese rarybere wese ixityre ararybekre. Inyò kia aömydÿÿnana riwinykeki, debure bededÿÿnana tii ralòke. ⁷Òta òta aömydÿÿnana aòkò Deuxudeewire, òbitina aömydÿÿna tamywire. ⁸Inyò kia bedede erydÿÿna rityhynyòkeki, Deuxule heka tii rityhynyòre, häbu bedede erydÿÿna aòkò. Deuxule Tatyytybytyhy inydee riwahinyre.

⁹Kaiboho aityhydÿÿdu seriòre mahädu luurenyre. Tai ixyby kia adeereny ariritinyötyhy. Deuxu dori araernanyrenyre timybo wiluummy boibekemy. ¹⁰Kia luuna-di tahe ibutumy Macedonia häwä häwä mahädu luummy. Ihärele tahe

waseriòreboho iratyre wiluummy. ¹¹⁻¹²Ywina-di wi-ò wi-ò boibeke. Aaömysÿdÿÿna-di iximynamy boibeke. Tai ibutumy ityhydÿÿdukòdu mahädu umyreny robikreu anatyhynyrenkye. Tai tahe ijò iny aaömydÿÿnana ixi-di nokömy. Ixisohojilemyta ixi-di maaömysÿdÿÿnyke.

¹³Waseriòreboho araernanykre rubu mahädu aömydÿÿnanamy. Tai ijò inywese mahinybenyöke, bobubenöke. Tii dori raròsòna-di aòkò ratxirenre ¹⁴Kristu heka rubumy roire ribile rexixare. Kia tahe retyhynyrenyre. Kiawesele tii-wana heka Deuxu taityhydÿÿdu mahädu kididyke, rityhynymy rurure mahädu tule. ¹⁵Inynyrÿ riwabedeerynrenyre kiamy: inyboho irumy ratxikeki kiatxuu juhuummy timy inorenköna. Rubu mahädu tuukre. ¹⁶Tahe ÿju wedu juhuu rarybekre. Deuxu juròna-di ritxurònykre. Idi Inynyrÿ kodobehekre biu-ribi. Juhuu ibutumy ityhydÿÿdu rubumy rÿira riumynykre, riumywitxiratÿmyranykre, riixixanyrenkye. ¹⁷Tahe ibutumy inyboho irumy rÿira mahädu heka Inynyrÿ-wana ributunyrenkye biu-ki. Tai tiiwanahyy roirenre ¹⁸Kia rybe-di wii beysabenyke.

5 Ityhydÿÿdu seriòre, tiubo kia ibutumy aòhebo rotÿÿnykre. Kiamy adeereny ariritinyötyhy. ²Rumy wasidu wesemy kia txu kanakre. Kia teerytenyte. Ibededÿÿnana iny rieryötyhy. ³Inyò rarybekeki: —Ibutumy awire. Ibutumy ywina-di ratxireri. Kiatxuu kedexihukre. Inyò rahenyötyhy. Iwese häwyy txuberere wese, uladu ijera iòhòreu kia rare. ⁴Kaiboho, waseriòreboho, tetyhynytenyte tai kiatxu adeereny bedede òtiidÿÿ aòkò rarekre. Kaiboho dori kia teerytenyte, wasidu wesemy kanakemy wahe. ⁵Inyboho ibutumy

txuu mahādu atxitenyte, loosōna mahādu wahe. Bedeluruhukŷ mahādu aōkō inyboho ratxireri. ⁶Tai tahe rōkōrōnyōtyhy. Bexixabenyeke. Ijō iny wese aōkō atxibenyeke. Betehebenyeke. ⁷Rumy ibutumy iny rōrōmyhŷre. Tule kiau ibutumy riōmyhŷre, axaxaluudu mahādu wahe. ⁸Inyboho tahe iximy rekexiōbitidŷŷnyke ywina-di. Ityhyna, luuna-wana heka iny òrarunareny itxena wesenamy rikitidikre. Tarasana tahe inyratiywina wesena rare, tarasana rarōsōna wahe. ⁹Debure bededŷŷnana-ò aōkō inyboho ralōōtyhy. Deuxu aōhōkŷmy dŷŷnana kia Deuxudeewina aōkō rare inydeereny. Biu-ò hena-ò tahe inyboho ralōrenykre Jesuisi Kristu Inynyrŷ òraru-ki. ¹⁰Tii dori inydeereny rurure. Tai tahe tii-wana rarehyymy rŷikre irumy ada rubumy iny ratxirehāre.

¹¹⁻¹³Kiarybe-di widee beysadŷŷnymahābenyeke. Deuxu rybe tŷnydŷŷdu mahādu biwiōhenanybenyeke, bityhynybenyeke. Kia tahe wadee awire. Tii dori awiōhedŷŷdu ratxireri Inynyrŷ òraru-ki. Ibutumy widee òbitimy atxibenyeke, tii Deuxu deōdu rareki. ¹⁴Tule adeereny ijō dohodŷŷnaō aratohodŷŷnykre. Iehehe mahādu biōbitinybenyeke. Ityhyna kyhynakō mahādu bikyhynanybenyeke. Ibutumy widi atximyhŷbenyeke.

¹⁵Inyō aōbinamy adee rakeki, ixidōwydŷŷōmy. Ywina-di tamy bisŷnyke. ¹⁶Beysahyybenyeke.

¹⁷Ixitōedŷŷhyymy boibehyybenyeke. ¹⁸Ibutumy beālāmahābenyeke. Kaiboho dori Kristu ijoi atxitenyte. Kia adeereny Deuxudeewinare. ¹⁹Deuxu Tyytybytyhy-ò boholake, awo-ki arayky-ki tii ratxire. ²⁰Deuxu dee rybedu mahādu awire irybe awire. Ibinamy aōkō tai marybebenyōtyhy. ²¹Ibutumy biurihibenyeke. Aōbo awirele tahe idi bimyeke. ²²Ibutumy òraruna-ribi irehemy atximahābenyeke.

²³Deuxu heka ywina rare. Tii araōbitidŷŷnytyhyke. Adeereny rexitōenyre. Araykywydyna, ōhōtiwydyna, aumy-wana ibutumy raywidŷŷmy ratxike idi watxireri. Jesuisi dori eleelemy kodobehekre. ²⁴Tii kia ibutumy juhuu rarybere wese, tii adeereny riwinyhykre.

²⁵Waityhydŷŷdu seriōre, inydeereny bexitōenybenyeke.

²⁶Deuxu deysana òlusò-di wii birybebenyeke. ²⁷Wadee boholake Inynyrŷ òraru-ki. Kia watyryiti heka ibutumy ityhydŷŷdu seriōre roholakemy watxireri. Idi mariake.

²⁸Jesuisi Kristu Inynyrŷ ruxetōena heka adeereny ratximyhŷkemy idi watxireri. Kie.

2 Tesalonia Mahādu-ò

2 Paulo Ryberiti Tesalonia Hāwā-ò

1 Paulo, Sila, Tximòtxiboho-wana tyyriti rewahinyrenyre Tesalonia dohodỹna mahādu-ò. Deuxu Inytyby, Jesuisi Kristu Inynyrỹ ijoi toiteò. ²Wiòhedỹna, ywina-wana adeereny kanakemy watrixeri Deuxu Inytybyreny-ribi, Jesuisi Kristu Inynyrỹreny-ribi.

³Inyseriòreny, Deuxu-ò adee reàlāmāhāreny. Kia tahe awi rare. Kaiboho aõu aõu textityhydỹntytyhymy atximahātenyteki, ityhydỹdu seriòre wiluuna-di iluutyhymy teletenyteri. ⁴Tai heka ijò Deuxu dohodỹna heto-ki aõwiwihikỹmy umy rarybemahāre. Kaiboho dori aõwitzira witxira aõbina bina teòludunymyhỹteny, aõhòkỹmy dỹnnana-ki ixiwesehyymy toitemahā ire tetyhynytyhymahāteny. ⁵Kiawesele Deuxu aõna aõna òbitimy riwinymyhỹre. Kaiboho Deuxu teywinynytyteri lòlòna-ò malòbenykremy, aõhòkỹmy tatỹntytytyteri wahe. ⁶Deuxu, tiiboho aõbina bina-di riòwynyrenykre, aõhòkỹmy dỹnnana dori adeereny riwahinyreki. Kia tii òbitimy ròhòtinyre. ⁷Biu-ribi Inynyrỹ Jesuisi tarurunareny ýju-di kodobehekreu, aõhòkỹmy dỹnnana-ribi elehyna adeereny, tule inydeereny Deuxu kidiwahinykre. ⁸Heòtyloona-di tii kanakre riòwynykremy Deuxu rieryõmy rỹira mahādu dee, tule Inynyrỹ Jesuisi Rybewihikỹ riwinyõmy rỹira mahādu dee. ⁹Kia mahādu aõu aõu aõhòkỹmy rotỹnykre Inynyrỹ òsỹnỹ-ribi iteòdỹna-ki taruruloosòna-ribi. ¹⁰Tii kanakre tahe ibutumy iijoi mahādu tamy lāhàna riwahinykremy. Ribedeòtiidỹnyrenykre ibutumy taijoi dee aõmydỹnnana riwinyreki.

Tetyhynymahāteny, Deuxu rybe dori jiarỹboho adeereny rewahinyamahāreki.

¹¹Kaiboho iwese Deuxudeewimy rarekemy boibeke. Tai tahe adeereny rexitòehyymahāreny. Deuxu ruruna-di atyhydỹna-di sòwemy aõwiwihikỹ riwinykemy idi watximahāre. ¹²Tai tahe ibutumy Inynyrỹ Jesuisi Kristu nymy sòwemy beàlāmỹhỹkemy. Tii loosòna adeereny riwahinykemy watrixeri. Kia Deuxu dee, Inynyrỹ Jesuisi dee awi rare. Wiòhedỹna iribi bitabenyeke.

2 Waseriòreboho, Inynyrỹ Kristu òkesenamy iximy iny ritakemy adeereny warybe ariwahinykre. Inyò rarybekeki Inynyrỹ òkesena txumy rehe-mynymy rỹire, kia rybe-di iòtiidỹõmy. ²Inyò rarasinykeki, Deuxu-ribi ijyy ritakeki, urile ityhydỹrenyõmy. Inyò waribi tyyriti itarasamy rarybekeki, ityhydỹrenyõmy. ³Inyò aitenadỹõmy boibeke. Ityhydỹdu atysyna nihikỹ juhū kanakre, idi tahe kia txu kanakre. Juhū hābu ibinatyhy kedexideòsinykre. Heòtybedeluduò tii rare. ⁴Tii ibutu Deuxumy òludunadu rarekre Deuxumy iny rininire mahādu wahe. Ibutumy àlāna aõmydỹnnana riatykre. Deuxu dohodỹna hetowo-ò ralore tahe Deuxu weselemy ronykre. Iximy rarybekre tii Deuxu raremy. ⁵Tuu heka adeereny rarybere, akireny raremahāu, òhòtirenny aõbo itxi rearennyõra? ⁶Ibededỹnnana raòbitikre xiery, kanakre. Deuxu ruru dori rimymyhỹre. Kia tule teeryteny. ⁷Iaõbinahakỹ aõmydỹnnana inyy-ki ratxireri. Tii tyhy wiji kanaòkre. Imynydu iribi rexitare xiery, tahe tii kanakre. ⁸Taile tahe hābu ibinatyhy kedexideòsinykre. Inynyrỹ Jesuisi kanakreu, tii tuu kidirubunykre taryeledile. ⁹Juhū tahe kia hābu Satanasi deòdu tahe iruru-di kedehemyntykre. Aõna aõna wiwihikỹ

widỹmy ròitxenadỹreri. ¹⁰Inyō sōwemy riitxenanykremy bededỹdỹ wesemy. Ityhydỹdukōdu mahādu tii riitxenanytyhykre. Tiiboho dori inatyhyna rybe rityhynyōmyhỹre, tuuōmyhỹre, tai rexirutaōrenyre. ¹¹⁻¹²Deuxu dori rilawere tuu rityhynyrenykremy ibinare hārele. Kia ruina rityhynyrenykre, tai Deuxu rihitxidỹnykre inatyhyna rityhynyōreki, taōrarudỹyna luureki.

¹³Deuxu tahe juhuutyhylemy aratarenyre, waseriōreboho. Biu-ō hena adeereny riwahinyremy inatyhyna tetyhynytenyteki. Deuxu Tytybytyhy aralyradỹnyrenyre. Tai, Inynyrỹ luuna mahādu, Deuxu mahādurenymy belebenykemy atximahātenyte. ¹⁴Deuxu adeereny Rybewihikỹ diteōnyde. Inyboho tahe ijyydumy roire. Iny ōraruren-yki tahe Inynyrỹ Jesuisi Kristu loosōna bitabenykremy idi toite. ¹⁵Kia ibutumy, waseriōreboho, itxi ōhōtirenre reake. Aōmybo araerynanymahāre kowa-ki raremahāu, tule watyyriti-di rebedeerydỹnymahārenyre, idi mohōtinytyhybenyke, ōbitimy idi boibeke.

¹⁶⁻¹⁷Inynyrỹ Jesuisi Kristu Deuxu Inytyby, luuna luuna, wiōhedỹyna, rarōsōna sōwemy inydeereny diwahinyde. Inyboho aōhyymy aōkō roire. Iribirenre raybidina adeereny kanakemy watxireri. Tule umy kanawiōhenanykemy watxireri ibutumy aōhe botynyke, marybemahābenyke.

3 Watyyriti-di konanamy tahe adeereny ararybekre. Waseriōreboho, inydeereny bexitōenyke. Inynyrỹ rybemy araryberenykemy, inywitxira-ko arelyyrenykemy, tule Inynyrỹ rybe-di iwese rybe ayreny-ki aōwiwihikỹmy raremyhỹ wese. ²Tule bexitōenyke kia iny iehehe-ribi arexitarenykemy. Ibutu iny dori

inatyhyna rityhynyōreri. ³⁻⁴Tahe Inynyrỹ ōbiti rare tii arawiōhenanykre. Tii ararurudỹnykre kia reeryre. Satanasi-ribi arayrubunynyrenyre. Tahe, aōmybo reerynadỹnyre wese kaiboho aōhebo tatỹnytenyterimy heka adirenre watximahāre tule kia wesehyyle rakatxirenkye. ⁵Inynyrỹ-ribi Deuxu luuna, Kristu itxōmotxina bede erynahakỹ adeereny kanakemy watximahāre.

⁶Kia Jesuisi Kristu Inynyrỹ bede ywina wese rare adeereny ararybekremy. Waseriōreboho bexiweresynyke iny deoruxere-ribi, ibutumy iny waerysydỹyna roholaōre mahādu-ribi, tii ityhydỹdu mahādu hārele. ⁷Ayreny-ki roiremahāu, raaōmysdỹdỹhyymy roiremyhỹ. Tai kaiboho teerytenyte iwese mabekemy. ⁸Tiu iny witxira rỹsỹna rerỹsỹrenyōhyyre, iōwyōmy. Txuu ruwana raaōmysdỹdỹre waaōna aōna ōwydỹmy. Tai tahe adeereny isiramy aōkō ayreny-ki jiarỹ raremyhỹ. ⁹Inyō-ribi rỹsỹnaō arirỹsỹmahākeki, kia tahe ibinamy aōkō rare, jiarỹ Deuxu rybemy rybedu-ki wahe. Tahe aōkōre urile rexideōsinykemy rerỹsỹmahārenyre. Iwese aōmysdỹdỹna awirewesele umy reerynanyrenyre. ¹⁰Tai rarewāhāu kia bede ywina rewahinyre: —Iny raaōmysdỹdỹōmyhỹre riroxiōtyhy. ¹¹Jiarỹ raholawāhāre iny deoruxeretyhy-ō ayreny-ki ratximyhỹrenyre, tiiboho aōmysdỹdỹ derarenyre, urile raujōmomyhỹrenyre. ¹²Jesuisi Kristu Inynyrỹni-di tamyreny ararybekre rayrubunenykemy, raaōmysdỹdỹrenykemy ixideereny. ¹³Tahe adeereny, waseriōreboho, ararybekre. Aōwiwihikỹ widỹ-ō ixirarenyōmy. ¹⁴Inyō ka waryberiti riywinyōkeki, mobo tii rare bierybenyke tahe kie-ribi irehemy biijeke, tai tii

raix̃rukemy. ¹⁵Utile tii aòludumy aòkō ratxireri. Aseriðre wesemy tamy marybeke. Biijemy idi ahāke.

¹⁶Inynyr̃ ywina wedu rare. Tii adeereny ywina ibutumy aomyd̃ỹnana-ki kidiwahinykemy idi watxireri. Inynyr̃ awanareny ratxikemy idi watxireri.

¹⁷Kia konana warybewehityyna jiar̃le ariritinykre wadebò-di. Ibutumy waryberiti-ki r̃ire wese kawesele wani retidire. Paulo. ¹⁸Jesuisi Kristu Inynyr̃ wiðhena ibutumy adeereny ratximyh̃kemy idi watxireri.

1 Tximòtxi-ò

Paulo Juhuu Tyyriti Tximòtxi-ò

1 Jiarỹ Paulo watxiwähäre. Jesuisi Kristu deòdỹyna watxiwähäre. Deuxu iny tarasadumy riwateònyre, tule Jesuisi Kristu Inynyrỹ riwateònyre. Tii tahe inyaròsònareny rare. ²Katyyriti adee rewahinyreri Tximòtxi. Kai inatyhymy wariòre wesemy atximyhỹte ityhydỹydu mahāduy-ki. Tahe Deuxu-ribi Jesuisi Kristu-ribi luuna, ywina, ruxetòena, adee kanakemy watxireri.

³Jiarỹ Macedonia-ribi rareu, adee warybe rewahinyre kai Efesu hāwā-ki mabekemy. Kia adiwahinyde warybe tamy kia beòbykemy; kowa dori inyò Bede ywina tyyriti witxiramy ròderydỹnanyre riki. ⁴Ihetxiu ijyymy heka rusake kiawesemy heka kai tamyreny marybekre. Talahi talabie òraruòraru-di he ròhòtinyòhyymyhỹkre. Kia aóna aóna tahe rybenatyhytyhyre. Kia aóna aóna iny lahi òraru rybena-di ixinohòtidỹyòmy. Kia ityhydỹynadile kanakre. ⁵Kia wiluuna tahe inywolyrahakỹwo-ribi ròhònymyhỹre, iny raykylyrahakỹ wo-ribi, iny ityhydỹynatyhy-ribi. ⁶Kia aóna aóna wihikỹ-ribi iny rexixāwididỹnyre. Tai tahe aòmybo rarybemyhỹre heka rieryòhyymyhỹre. Aòtyhymy aòkò widee rarybemyhỹreny. ⁷Bede ywina tyyriti erysydỹydu wesekemy rexinohòtinymyhỹre, tahe rieryòhyymyhỹre aòmybo raremy. Aòmy riernanymyhỹreny tahe timybo ihỹremy rieryòlemyhỹreny. ⁸Katahe inyboho rieryreny. Inyò bede ywina tyyriti òbitimy rityhynyekei, Bede ywina tyyriti heka awi rare. ⁹Inywihiikỹ-ò heka tiu bede ywina tyyriti riwahinyòhyymyhỹre. Inybina

binaòle iwahidỹyna rare, iny òrarudu-ò, iny ityhydỹydukodu mahādu-ò, iny aleerydu-ò, iny tadi tyby-wana rirubunymyhỹre mahādu-ò. ¹⁰⁻¹¹Kia iny-ò bede ywina tyyriti rỹimyhỹre. Ibutumy bina bina widỹydu-ò. Bede ywina tyyriti rỹimyhỹre ka mahādu-ò: inydỹywe mahādu dee, taòtaòta witxiramy òtadu mahādu-ò, inywasidỹydu-ò, ruidu mahādu-ò. Deuxu ijyy tỹmyra wihikỹ dee wiòkeki, tii aóna aóna riwinykeki, tamy. Deuxu bede ywina tyyriti roimyhỹre. Deuxu bedeerydỹyna òbiti aòkòreki, Deuxu wiwihikỹ loosònadewimy aòkòreki kia erysydỹynadu jiarỹ rare.

¹²Jesuisi Kristu, iny wedu waruruix-iòlòdỹydu rare. Jiarỹ tamy wawimy raremyhỹ. Tai tarybe-di wiòhedỹyduy riwatare. Kia-ò Jesuisi Kristu heka jiarỹ rewowydyny. ¹³Juhuu jiarỹ tuu rarybere. Ityhydỹydu mahādu-ò wadeburemy rarewỹhỹ. Tule Jesuisi-ò wedeburemy rarewỹhỹ. Tahe wadee raruxetòenyreny. Tahe ibutumy kia reerykòlemy rewinymy raremyhỹ, retyhynyòlemy rewinymy raremyhỹki. ¹⁴Inywedu sòwemy wadee raruxetòere. Tii riwasỹny ixiluuwehikỹkemy, rikityhynymyhỹreny. ¹⁵Jesuisi Kristu kabede-ò dobehede òrarudu ritakemy. Ka rybe heka inatyhy rybe heka rare. Jiarỹ heka òrarudutyhy nihikỹ rare. ¹⁶Iurenany tahe tii riwaruxetòenyre. Tiu heka waki rexiraòre. Tii riwateòsinyre juhUU ityhydỹydu wesemy. Ityhydỹydu mahādu-ò itxerenamy, iwese tii mahādu kidityhynkemy. Tai umy tuedekòdu mahādu-ò ralòkemy. ¹⁷Beàlāmahābenyke Deuxu-ò. Tii heka bededỹynana tuedeòdu hukỹ Iòlò rare. Tii lobixina aòkò rare. Tii sohojile rare. Beàlāmahābenyke aòu aòu, wowydyna tamy biwahinyke. Kie.

¹⁸Ka inatyhymy rybemy adee ararybekre Tximòtxi —kai dori wariòre wesemy tate. Kia rybe heka ihetxinarybe wesele rare. Deuxu aratareu, kia biyrubunywihikÿke. Besuke arurutyhymy aõbo òbitimy ratximyhÿre wihikÿ-ò. ¹⁹Aõhewe òhòtiwydynawimy mabekre. Bityhynymy mabekre. Inyò heka idi ròhòtinenyòra, tai reserenyira ityhydÿÿ-ribi. ²⁰Ijò Imineu inire, Alexÿdre ijòre. Jiarÿ rewahinyre Satanasi-ò, Satanasi bedeburana tamyreny riwahinykre. Tiiboho rybebinamy tii Deuxu-ò rarybeòtyhy.

2 Delemy kamy ararybeke: Alàna sòwemy idi rawahinyke, ibutumy iny-ki bexitòtenykre. ²Iòlò dee, ibutumy dinodu dee tule bexitòenykre. Tamyreny biixitòedÿÿnanymy Deuxu-ò, tule Deuxumy beòbykemy, tai ibutumy iny iworana bedehesimy rÿikre. Deuxumy iny ròkòhòtinenyrenykre idi òbitimy tamy rokoirekemy. ³Kia wese awire Deuxu dee. ⁴Deuxudeewimy ibutumy iny ritakemy raerykemy tibo inatyhy raremy. ⁵Deuxu sohojile rare iny-ki rybedu tule sohojile rare, Deuxu-ò iny mahädu tii sohojile kia riwinyre. Tii häbutyhyhykÿ rare. Tai tahe tii tiò tiò rare, Deuxu, iny mahädu-wana widee ributunykemy, Jesuisi Kristu wahe. ⁶Jesuisi rexiwahinyre ibutumy iny òraruna òwydÿÿmy. Tii heka riòwynyrene sohojihyulemy. Kia heka tiiehyymy deòsidÿÿmy rarekemy. Tiu iny mahädu rahenykemy Deuxu rexinohòtineny. ⁷Jiarÿ heka imynynamy riwamyre kia rybe-di arellykremy. Tule jiarÿ rybe-di dohodÿÿdukremy riwamyre iny witxira bedeerydÿÿmy judeukòdu mahädu wahe. Kia raerykemy tibo inatyhy raremy. Kia dori inatyhy rare.

⁸Ibutumy dohodÿÿna hetowo-ki ibutumy rexitòenyre rexityhynymy. Ujòmomomy ròhòtineny aõkò.

⁹Häwyy uritere ixidi nohòtityhyòmy ixiaòmydÿÿnadÿÿmy urile ywilemy ixidi ròhòtinenykre. Häwyy ityhydÿÿdu ixiywidÿÿna tahe tyywihikÿ aõkò, iradesihodÿÿtyhy aõkò, deorutylududike aõkò. ¹⁰Urile tahe iyrubukemy Deuxu-di ròhòtinenykre tamy aõwiwihikÿ riwinykre. ¹¹Häwyy ityhydÿÿdu mahädu ròeryrenykre yrubu-ki. ¹²Jiarÿle heka häwyy ariwahinyòtyhy häbumy hÿÿnakemy, häbu erydÿÿdukemy tule tuu areònyke aõkòre, häwyy heka urile iyrubumy rÿike. ¹³Adaò heka Deuxu juhule riwinyre idi Eva riwinyre. ¹⁴Tule tahe Satanasi Eva juhuru riitxenanyre, Adaò aõkò tai raòrarunyre. ¹⁵Häwyy uladu reakeule rexitake. Idi ròtyhydÿÿmy. Inyluumy idi rexityhynykreki.

3 Kia rybe inatyhy rybe rare: —Inyò dohodÿÿdu dinodumy rarekeki. Kia heka rexiburemyhÿre aõwihikÿmy ratximyhÿre. ²Tahe rybe-di dohodÿÿ aõmysÿdÿÿdumy ralòkeki, tii heka òbitimy rareke, tahäwyy sohojidile, rexityhynymy rarekemy, iny inatyhy, iny aòraru rarekemy, erynadÿÿdutyhymy rarekemy. ³Tii heka iaxaxa luuòre aõbina luumy aõkò rare tule iyrubure. Tahe tule iaòmy nohòtidu aõkòre. ⁴Tii heka taijoimy reònymyhÿre, tariòre riernanywihikÿmyhÿre ixirybe rityhynykre. ⁵Inyò tahe taijoi reònyòkeki, Deuxu aõmydÿÿna-di òbitimy raaòmysÿdÿÿòtyhy. ⁶Tii ityhydÿÿdu tÿmyra aõkòmy rarekemy. Raxiwedenymy rarekeki tahe urile Satanasi alòsena-txi tii reseke. ⁷Ihärele tahe ityhydÿÿdu mahädu aõkò rare ihÿre, awimy tuu rarybemyhÿre. Tuu heka raujòmorenyòtyhy tule tii Satanasi ireitidisi-txi reseòtyhy. ⁸Tule dohodÿÿdu wiòhedÿÿdu mahädu, kiawesele rarekemy. Tii tule òbitimy rarekemy irybe òkese

òkese aòkò, iaxaxaluu aòkò rare, tule aóna aóna sówemy nohòtidu aòkò rare. ⁹Iny inatyhydýýnareneny òbitimy tuu rotohodýýnananyhýrenyke, tarayky òbiti-di. ¹⁰Tule kia wesele raurihikre. Iribi òbitimy ròhònykeki, tai dohodýýdu wiòhedýýdu mahādu-ò ralokre. ¹¹Ihāwyy tule òbitimy rarekre. Ujòmodumy aòkò rarekre, iyubukemy, urileta rexityhynymy rarekemy. ¹²Tule dohodýýdu wiòhedýýdu mahāduò ihāwyy sohojidilemy rarekre. Tariòre, taijoi-wana reònymyhýkre. ¹³Kia mahāduò Deuxu aòmýsýdýýna òbitimy riwinymyhýreki, inatyhymy tii iny rityhynyke. Tai Deuxu aòmýdýýna tii riòbitinyke ibutumy inydee.

¹⁴⁻¹⁵Aroramy jiarý wylemy arakemy watxireri. Aòkòkeki urile warybe ritina adee rewahinyreri. Kia warybe-di biernanybenyke aòhebo ityhydýýdu mahādu warybe-di rotýýnykemy. Ityhydýýdu mahādu Deuxu ijojì rare. Inatyhy rybe yrubudýýdu rare. ¹⁶Iny tyhydýýnareneny awi tyhytyhy rare. Kia wese rare: —Jesuisi heka hābu wese nade. Tii Deuxu Tyytyby-di òbitimy rityhynyreu, ýjureny tuu robirenyre. Taaòmýdýýnanarenymy ibutu bede bedemy relyyrenyke. Sówemy iny rityhynyrenyke. Roosere biu botorahaký-ò.

4 Deuxu Tyytyby rarybera: —Ihewoladu bededýýnana txuu hābu tyytybybina rybe-ò roholakre. Tai iny tyhydýýnanareneny ririkre. ²⁻³Take ruina rybe rityhynyre, hābu aómy nohòti erykò rybe-ò. Kia heka hābu raerynadýýmyhýre uritere hāwyy my heriòmykremy, ijò rýsýna aòtxi irýsýòkremy. Kia rýsýna iny rirýsýke Deuxu riwahinyre. Juhuu àlàna Deuxu-ò rawahikre. ⁴Kia heka ibutumy Deuxu riwinyre awire. Aò aòkò heka awiòre. Deuxumy beòbyke, kia tahe

ibutumy awike. ⁵Ixitòdedýýna Deuxu rybe kia ibutumy awimy risýnyke.

⁶Kai heka ityhydýýdu mahādu biernanykeki, kai heka Jesuisi Kristu aòmýsýdýýdu mahāduwihikýò tate. Kia inytyhydýýnareneny erydumy mabekre. ⁷Kai ihetxiu nohòtiwidýýna ijyy bityhynyòtyhy. Marurunymy mabeke Deuxu aòmýsýdýýnana-ò.

⁸Aumyruru urihimýòmy idi mohòtinykre, atyytybywi-di tahe kia idi sówemy mohòtinykre kai kabede-ki adeewikre tule tiu bede-ki awikre. ⁹Kia rybe heka òbiti rare. Ibutumy iny rityhynyke. ¹⁰Inyboho raaòmýsýdýýnymyhýre inatyhymy. Deuxu dori iny rityhynyre. Tii ibutumy iny tarasadu ratximyhýre, ityhydýýdule tarasadure. ¹¹Kia warybemy biernanybenyke. ¹²Iny aratyhynyòkeki kai matuari aòkò tateki, tai ityhydýýdu wihiký mabekremy bexityhynyke. Tai tahe arybe-ò aratyhynyke aityhydýýna, aluuna, òbitina òraru-ki wahe. ¹³Adehemynyke kotyre, Deuxu rybe-di mariakre dohodýýna heto-ki, idi belykemy mabekemy tule biernanykemy.

¹⁴Uritere nohòti lusaómy kai erydýýdu wihiký tatemyhý. Dohodýýna matuari mahādu debòtidina-di arateònyrenyreu, wahisidýýna weseò tetate rybe-di týnydýýna òraru-ki. ¹⁵Kia aòmýdýýnanamy mohòtinywityhymyhý. Ixidile bexiwinityhymyhýke bede erydýýnana-di tule bexiwinityhymyhýke. ¹⁶Tai kai òraru-ribi bexitake tule aijohonana-di òraru-ribi bitakre.

5 Matuari ityhydýýdu mahādu-ò ywimy aòki tamý marybemyhýke, bowese idi atximahāke Weryrybò mahādu, aseriòre wesemy bitohodýýnyke. ²Senadu mahādu adi wesele biernanykre. Ijadòma mahādu aseriòre wesere ibutumy òbitilemy biywinyke. ³Inatyhytyhy

wytese mahādu kai bityhynykre iòsŷnŷ biywinykre. ⁴Iriòredikeki, iriòkòredikeki, juhuu iriòre biernanyke imahādule òbitimy biwiòhenanyke idi watxireri. Kia dori Deuxu dee awire. ⁵Wytese mahādu ixisohojilemy rasŷnymyhyre iriòrekòkeki, Deuxu-ribi aōna aōna riraōmyhyre. Deuxu dee sōwemy rexitòdenymyhykemy. ⁶Kia tahe wyteseō òraruna luukeki kia tahe irulemy ratximyhyre hāre rubu rare. ⁷Tximòtxi, kia bede ywina tahe rewahinyreri urile wytese mahādu òwe òweōmykremy bibedeernanykre. ⁸Inyō juhuu tasŷreny dee idi aōna aōna taijoi dee kanawyòkeki, tii ityhydŷŷdukōdu mahādu ratyre rabinare. Tii ityhydŷŷdu mahādu wese aōkō dotŷŷnymyhyde. ⁹Wytese tŷmyrani tyriti-ki iritidŷŷōmykre 60 ibeōraōkeki. Tule tii sohojihyyle roire hābumy. ¹⁰Tule tii aōna aōna wihikŷ riwinymyhyre, tariòre ritybienyre, taroraludu-ò awimy raremyhŷ, ityhydŷŷdu mahāduwa risuhōmy raremyhŷ, aōhōkŷtyhytyhymy rotŷŷnymy rare mahādu riwiòhenanymy raremyhŷ. Aōu aōu heka iny witxira riwiòhenanymy raremyhŷ taworana bedehesi-di. ¹¹Wytese tŷmyrani heka tyriti-ki iritidŷŷōmykre. Hābumy herimy rōhōtinymyhyre wana, tai Kristu-ribi tōhōti rosamyhyre. ¹²Tarybe ywidŷŷna riywinyōlemhyhyre, tai iurenana tahe tuudŷŷdumy Deuxu-ò ratximyhyre. ¹³Hetomy rawerywernymyhyre kia urenana urile raujōmomyhyre aōna aōnalemy. Aō heka riwinyōlemhyhyre. Kia ratyre bina tahe tuu rybenanamy aōkō rybebinamy rarybemyhyre. ¹⁴Kia heka wadee awire wytese tŷmyra hābumy roikre, rariòrerenykemy, tule taheto riywinykemy. Kia wese iòludu inydeereny aōna aōnabinamy rarybeōhŷkŷkre. ¹⁵Wyteseō dori Satanasi hemy roire. ¹⁶Wyteseō

ityhydŷŷduŷ-ki rarekeki, tii heka riwiòhenadŷŷ rŷikre. Kiawese dohodŷŷdu mahādu nieru tamy ritakre. Kia nieru rayrubunykre. Tahe rawahikre ixisohojile ratximyhyre-ò.

¹⁷Matuari ityhydŷŷdu mahādu iny rityhytyhynykre. Dohodŷŷna mahādu aōmydŷŷnana òbitimy retehemy ratximyhykeki, ratyhytyhynykre. Inatyhytyhywityhymy kowa òbitimy relymyhyre tule rybe wihikŷ riernanyamahāre kia heka raōwywikre. ¹⁸Tai tahe raritidŷŷmy roimhyhyre: —Brōreni maixōmotyre iwysydŷŷmy rariamyhŷu, iry ratòbònyōtyhy ibyre lau. Tule ròritidŷŷmy roimhyhyre:

—Mobo raaōmysŷdŷŷmyhyre, tii heka iny riōwynymyhyre.

¹⁹Matuari mahāduō iny tuu raujōmokeki, tuu arityhynyōtyhyke. Tuu lobixidu inatxi ada inataōkekile, aratyhydŷŷkre. ²⁰Tii inatyhymy òraruna-txi resereu, kai tamy marybeke iòrarumy ibutumy inyko-txi. Iurenana tahe ijō iny ruberumy rŷimyhykremy.

²¹Adee ararybekre. Deuxu, ŷjureny, Jesuisi Kristu-wana ibutumy warybe-ò roholareri. Kai warybe biywinykre. Myheka wiratyre widi rōhōtinnyōtyhy. Tiiemy wiwese weselekemy rŷikemy.

²²Uritere rybe-di tŷnydŷŷdu tŷmyra juhu biurihike idi tahe debòtidina-di biteōnyke rybe tŷnydŷŷmy. Kawese aōkōkeki heka hābu òrarunamy tuudŷŷdukremy òsana mabekre. Aōmydŷŷnana tiiey òbitimy biywinyhyhŷ. ²³Bee sohojilemy aōkō biōkre urihimyōmy vŷimy biōkre. Kai dori awo ibinareriki tiiey tuu abinareri. ²⁴Ijō òraru aōwesele iny kanatŷnykre, bedeluura aōwesele kòdòhōnykre. Ijō òraru taheka idile kanatŷnykre.

²⁵Ruxetòdenawihikŷ iwesele rare. Ele tii raeryōtyhy idi tahe iny riernymyhyre.

6 Ibutumy wetxuō tawedu rityhynykre. Tawedu rityhynyōkeki heka Deuxu nibinarybemy iny rarybekre. Tule ityhydỹ̃du eryna binamy rarybekre. ²Weduō ityhydỹ̃dukeki, kia heka ire ratyhydỹ̃myhỹke tule aōnityhymy tamy aōmysỹ̃dỹ̃kre. Tii dori ityhydỹ̃du seriōre wese rare. Kia dori taaōmysỹ̃dỹ̃nyteri ityhydỹ̃du wídee. Kaiboho ixideerenyle wíluukemy. Kia tule bierydỹ̃nykre.

³Inyō erydỹ̃na witxira ròerynanykeki kia òbitimy aōkō Jesuisi Kristu Rybewihikỹ wese aōkō ratxikeki, ⁴kia hābu ixiwede rare, aō rieryōlere. Kia hābu urile dỹ̃raxidỹ̃ luure. Kia dỹ̃raxidỹ̃-ribi ibutumy rybe jei jei ròhònymyhỹre. Iribi tahe tule rexinaanymyhỹre, raujòmomyhỹre, rexiwodohonanymyhỹre. ⁵Raruimyhỹre. Kia ibutumy rotỹ̃nyrerĩ, hābu tòhòtina òwedwere. Inatyhyna-ribi kia hābu tòhòti rosare. Ityhydỹ̃dureki tii ròtakemy ixidi ratximyhỹre. Kiamy heka ròhòtinymyhỹre. ⁶Inatyhymy ibutumy heka tai iny aōtyhydỹ̃du-ki taaō-di teysakreki. ⁷Aō kabede-ò iny ixihemy diwyōhydenyde inatyhymy heka rukururenykreu tule aō ixihemy kabede-ribi rikiwyōtyhyrenykre. ⁸Iny tydydirenkeki, iny rỹsỹnadirenkeki, urile reysarenkykre. ⁹Tahe inyō ityhymy ixidikeki, tii òraruna-txi resekre. Kia heka iny rexiburemy, rexibinanymyhỹre, tule rexiraykyitỹ̃tenymyhỹre. ¹⁰Inyō nieru luukeki, tii aō òta òta òraruna-txi resekre. Kia-di heka iny sōwemy ityhydỹ̃du mahādu-ribi ròhònyra aōhòkỹ̃my rotỹ̃nyrenykre.

¹¹Kai Deuxu ijoi tate. Ibutumy kia-ribi bexiemy mabekre. Uritere ityhymy ixi-di nohòtiōmy tahe awimy mabekremy mohòtinnykre. Deuxu wiwese, ityhydỹ̃dutyhy wese, Deuxuluu wesemy. Tiiemy heka òbitimy atximahāke, ywimy

ainytyhymy atximahāke. ¹²Aōu aōu òbitimy atximyhỹkemy marurunyke, umy tuedekōnahakỹ bitakemy, kai tule inatyhy rybemy tarybete inysōweko-ò, Deuxu dori adee rarybere juhūu. ¹³Inatyhymy adee ararybekre. Deuxu adee ijohonadu rare. Tule Jesuisi Kristu wadee ijohonadu rare. Tii inatyhy rybemy tarybete Ponsiu Pilatoko-txi. ¹⁴Kaheka warybe rare: Kai heka bede ywina bityhynyke aō bede ywina tyryiti òraru-ki aōhe botỹ̃nyōtyhy. Biraōke Inywedū Jesuisi Kristu dehemynyna txuu. ¹⁵Tiutxukremybo Deuxule kedexitỹ̃nynykre, tii deysana wedu rare. Tii sohojile heka lòlòmy rare. Ibutumy lòlòwedū rare. Ibutu wedu wedumy rare. ¹⁶Tii sohojile heka tiu ruuōhy rarekre. Tii irehetyhymy loosònawo-ki rasỹ̃nymyhỹre. Tiimy heka inyō tuu robiōtyhyre. Inyō tiu iòhòmy tamy rehemynyōtyhy. Tamy rikiwodeysanyrenykre. Tiòhe aōu aōu taruru-di ratximyhỹ̃.

¹⁷Kai marybekre iaōdi mahādu-ò uritere ta aōna aōna-di rexiwowodynyōtyhy, iaōna aōna dori rỹiōhykykre. Tahe Deuxule rityhynykre. Tii dori ibutumy aōna aōna wiwihikỹ inydeereny riwahinyre. ¹⁸Tii aōna aōna wihikỹ inydeereny riwahinymyhỹre. Iaōdi mahādu uritere aōwihikỹ-di ijō-ò rawiòhedỹ̃nykre. Aōu aōu ròwirareamyhỹke iny-ò. ¹⁹Kia wese tiiboho ributunynykre. Aōna aōna wihikỹ biu-ki awimy idi rarekre. Tule umytuedekōnahakỹ tiiboho ritarenkykre.

²⁰Kai Tximòtxi, aōbo adee rawahidỹ̃re, kia biyrubunykre. Rybe òwe òwe-ribi irehemy mabekre. Aōbo heka raninireri bedeerydỹ̃ kia heka inatyhy aōkō rare. ²¹Inyō kia aō erydumy ixi-di nohòti-ki, rexitara ityhydỹ̃du mahādu-ribi. Deuxu deysanamy adee ratximyhỹkemy idi watxireri.

2 Tximòtxi-ò

Paulo Inatxina Tyyriti Tximòtxi-ò

1 Paulo jiarỹ rare. Jesuisi Kristu deòdu jiarỹ rare. Kia jiarỹ rare Deuxu-deewireki wahe. Jesuisi Kristu juhoo rarybere, umy tỹmyra tuedeõna inydeereny kidiwahinykre. Tii kia wedu rare. ²Kai Tximòtxi, wariòre waluunadu wesemy atximahäte. Kia tyyriti adee ariwahinykre. Wiòhedỹyna, ruxetòena, ywina, Deuxu Inytyby-ribi, Jesuisi Kristu Inynyry-ribi adee kedehe-mynykemy watxireri.

³Deuxumy reàlàreri iwese wahabohomy reàlàre wese. Wanohòti Deuxu-ò ywile jiarỹ rare. Aõu aõu adee, Tximòtxi, rexitòenymahäre. Txuõ txuõlemy, ruwana Deuxu-ò rexitòenymahäre. ⁴Iu rareu, arube-ribi wanohòti rosaõhyymhỹre. Arora-ò arakemy watximahäre, wadeysatyhymy ararekemy. ⁵Atyhydỹyna-ribi wanohòti rosaõtyhy. Alahi, Lòide, juhoo rityhynymhỹre. Idi adi, Eunisi, tule rityhynymhỹre. Kai tule wiji tetyhynymhỹte inihe. ⁶Kia dorihe itxi òhòti rejjaranyreri. Wadebò tahe aratityre retidireu, arayky-ò Deuxu aõ riwahinyre awahisidỹyna wesekremy. Wiji kia arayky woludu ròròra wana biixixanyke. Kia dori Deuxu wahisidỹyna rare. ⁷Deuxu-wana iny ruberuõtyhy. Tii dori inydee ruru riwahinyra, luuna riwahinyra, tule bederydỹyna riwahinyra. ⁸Tule Deuxu rybemy rybe-ki ixỹruõlemy. Deuxu rybemy rybe-ki wamy maixỹruõtyhy. Deuxu rybemy rybe-ki tahe, ròtenawo-ò riwatidire. Kia tahe awire. Deuxu rybe wityhydỹyna-ò aõhòkỹmy rokotỹnykre. Deuxu dori inydee ruru riwahinymhỹre. ⁹Tii heka iny ritarenyre biu-ò hena riwahinyre

wahe. Tai taaõmysỹdỹyna inydee diwahinyde. Iny awirerimy rareki aõkò inydee diwahinyde. Taruxetòenale-ki inydee diwahinyde ixideewireki. Juhu bedeu Jesuisi Kristu òraru-ki ruxetòena inydee diwahinyde. ¹⁰Kia ruxetòena wijile rehemynyra inydee. Jesuisi Kristu inytarasadu kia diwyde. Tii rubunale riixāwididỹnyre. Biu-ò hena Rybewihikỹmy kia ritỹnynymy diwyde. ¹¹Riwatare tarybemy rybedumy. Rybedumy riwateònyre, tule bederydỹdukemy riwateònyre. ¹²Tai judeukòdu mahādu òraru-ki aõhòkỹmy ratỹnynmahäre. Ihārele tahe raixỹruõlemahäre. Rexieryre dori tii retyhynymahäre. Reeryre dori tii ruru dire waaõmydỹynana tamy retidire iyubudỹmy kiatxu-ò. ¹³Waòbiti rybe biywinyke juhoo kia wamy taholate, ityhydỹyna-di. Biywinyke luuna-wana. Jesuisi-ki tahe luuna tyhy rare. ¹⁴Timybo Deuxu adee diwahinyde, biyrubunye. Deuxu Tyytybytyhy dori inywo-ki ratxireri.

¹⁵Ibutumy kabede ludu Asia ludu riwarira. Fikelu ijõnre. Erimojini tahe ijõre. Kia tahe kai teeryte. ¹⁶Inynyry ruxetòena kidiwahinykemy watxireri Onisiru sỹmahādu-ò. Tii dori aõu aõu riwawiòhenanyre areysakemy. Tiu riixỹrudỹnyõtyhyre wawomati reroti-di jiarỹ ranyreriki. ¹⁷Tai tahe Roma hāwāhākỹ-ò ritehemynyreu, riwaijehyryre; idi tawa-ki rahare. ¹⁸Iny Iòlò ruxetòena tamy kidiwahinykemy watxireri kia txuu. Efesu hāwā-ki dori Onisiru riwawiòhenanytyhyre. Kia teeryte waratyremy.

2 Kai tahe wariòre wese tate. Jesuisi Kristu làhāna-ribi ruruna bitake. ²Aõbo wary-ribi taholatemy iny sòweko-ò relyyreu, kia ijõ iny òbiti-ò tuu belyykre. Iny rexihumy rarekoòle tuu belyykre. Idi tahe tiiboho inywtxira ribedeerynyrenykre.

³Waaòhòkĩmydĩyĩnana wawana tuu botĩyĩnykre. Jesuisi Kristu soldadowihikĩ-wesemy kai mabeke.

⁴Soldadoò tadinodu aomydĩyĩnanale rityhynymyhyre. Tii ixideewimy rarutaaòtyhy. ⁵Ijesudu ijesu ritake òbitimy resukekile. ⁶Oworuwidĩyĩdule juhuu suribi bederaty ritamyhĩ.

⁷Aomybo wiji raryberadi mohotinyke, raweseranyreki. Inyiòlò ibutumy araernanykre. ⁸Jesuisi Kristu rubu-ribi ixixadu-txi òhòti reake. Ihethiu Davi Jesuisi labiemy raremyhĩ, iwese inryrbewihikĩ rarybere wese.

⁹Rybe wihikĩmy relyyrekile dori womati reroti-di rataamy aòhòkĩmy ratĩyĩnyrereri, aòbina widĩyĩdu wesemy. Deuxu rybe tahe, inyò ritaaòtyhy.

¹⁰Ibutumy reòludunymahāre ityhydĩyĩdu mahādu dee, Deuxuhōrō dee. Kiaboho Jesuisi Kristu tarasanamy ritakemy idi watxireri. Tarasana, làhàna aōu aōu ritakemy idi watxireri. ¹¹Rybe inatyhy rare. Jesuisi Kristu-wana iny rurukeki, irumy tii-wana aroireke.

¹²Inyboho rikityhynyhyrenykeki, tii-wana riòlònyrenyke. Inyboho Jesuisi rikitiònyrenykeki. Tii tule iny ritxiònykre. ¹³Iny rikityhynyòrenykeki, ihārele tii ityhyhyumy rarekre. Tii rexitxiònyòtyhy.

¹⁴Iny nohòti kia-txi reakemy biwisĩnyke. Tamy marybeke ujòmohyyòmy rarekemy. Ujòmo tahe wiðhedĩyĩna aòkò rare. Ujòmo-ò ijohonadu urile ujòmodumy relekre.

¹⁵Kai tahe marurunya Deuxudeewimy belekemy. Kai Deuxu deòdu tate. Kia rybe inatyhy-di òbitimy maraykynyke, idi tahe, biernanyke. Tahe bexiixĩrudĩyĩnyòtyhy. ¹⁶Rybe òweòwemy rybedu-ribi irehemy bexieke, rybebina-ribi tule. Kia rybedu urile raòrarunihikĩmyhĩke.

¹⁷Kia erydĩyĩna reuròmhyhyre yjy wese. Imineu, Filetu-wana kia wese

rierydĩyĩnanyre. Kia rybe inatyhy-ribi rexihitxinyre. ¹⁸Tii rarybemyhyre:

—Iny ixixana dorihe reara. Kia rybe-di ityhydĩyĩduò wimy uriurile rityhynyreri.

¹⁹Deuxu hōrō tahe inatyhymy rĩrakre. Kia tahe urihixina rare:

—Deuxu tahōrō mahādu riernymyhyre.

Ijō tahe:

Inynyrĩ ijoimy iximy rybedu, òraruna heka riatykre.

²⁰Ityhy mahādu hetonihikĩwo-ki womati tĩrĩrĩhĩkĩhyna, pratahyna sohojile aòkò rĩire. Òwòruhyna, suhyna tule rĩire. Hynaò tahe rĩsĩnawihikĩ hyna rare. Ijō tahe rĩnysi-di dehuna rare. ²¹Kia hyna wese iny rĩira. Ijō rĩnysihyna wese rĩikeki, idi rexisuhokeki, rĩsĩnalyralyra wesemy reuròke. Tawedu-ò awimy rĩike, tawedudeewimy. Tai tahe aò wihikĩhynamy rexiywinymy rĩire. Kai tahe iwesele mabeke.

²²Kai ijoitĩmyra tate, amahādu òraruna-ribi bexiekemy; ixi-ribi aò-di rōhòtĩnyrereri, kia-ribi mahenyke. Òbitina, ityhyna, luuna, ywina-wana biheludunya. Deuxu-ò rexitòenyke òbiti mahādu-wana. ²³Erysdydĩyĩna itxĩtemy wiribi rybeòmyke. Kiaribile ujòmo rōhònymyhyre. ²⁴Deuxu deòdu raujòmomyòtyhy. Tii tahe iny ibutu dee ywimy risĩnymyhyre, erydĩyĩnamy rexihumy ihĩmyhyre. ²⁵Ywina-di riòbitĩnyrereri iny ixitxiòdĩyĩna mahādu. Tii heka riraòrereri Deuxu worahòresena tamy riwahinykemy. Idi tahe inatyhymy rierykemy. ²⁶Tule itxĩte-ribi ròðsekemy, Satanasi reroti-ribi rexitakemy. Tai tahe Satanasi rimyrau tahe ritaataara teewimy riwinykemy.

3¹⁻²Bededĩyĩnana konanamy bededĩyĩnana sirahakĩ kĩnyikre. Kia tahe bieryke. Iny ixideewimy riwinykemy ixi-di ratxikre. Nieru tarasalemy ixi-di rexinohòtidĩyĩnymy-hĩke. Rybetyhyhykĩlemy iximy

rarybekemy ratxikre. Ixidee awihikýlemy rōhōtynkemy ratxikre. Rybebinalemy rarybemyhýkre. Tyby ise-wana riywinyōhyymyhýkre. Inyō-ò aōmy reālāōhyymyhýkre. Ōbitiry rityhynyōhyymyhýkre. ³Iny-ò tuuna ihoōhyyre. Inyō ibiōwamy rareōtyhy. Aōbina binalemy inymy relyymyhýkre. Rexiywinyōhyymyhýkre. Rebureheký rariamyhýkre. Ōbitimyno ibinahyymy rarekre. ⁴Iny deōsadýdumy rarekre. Ixiluunadumy rarekre. Ywimy aōkō rarekre. Iwisýdýña luuhyymy rarekre. Deuxu tahe tuuōkre. ⁵Ōbitimy risýnymyhýre wese tahe ōbitiruru ritxiōnymyhýkre. Kai, Tximòtxi, kia iny-ribi irehemy mabeke. ⁶Kia hābu tahe hetoō-ò ralōmyhýre. Hāwyuri uri rýira xiwedeō-ò òrarulýxina-di ralōmyhýre. Kia tawisýdýña-di rierynanymyhýre tarybewiuidile, tahe hāwyuri rityhynymyhýre. ⁷Kia hāwyuri aōu aōu ròerykemy ixidi rōhōtynymyhýre, urile tahe inatyhyna tiu rieriōtyhy. ⁸Iwese ihetxiu Ijāni, Ijābri-wana Moisesi òludumy rýire wese. Wiji tule kia hābu inatyhyna òludumy rare. Irayky rawerynyre. Ityhydýña-di deōsanamy rýimyhýre. ⁹Tiu tako-ò raōtyhy, iitxýtereriki, kia iruina òraruna ibutumy iny rierkyre, iwese Ijāni, Ijābri òraruna ibutumy iny raeryre wese. ¹⁰Kai, tahe waerydýña-ò taholahyymahāte. Iwese raremahā wese tiwaheludunymahāte. Watyhyna teermahāte, wadeybina, waywina, waluuna, waixiōlōdýña. ¹¹Aōu aōu inybinahaký wadi riwisýnyreri, tule aōhōkýmy ratýnyreri. Kia ibutumy teermahāte. Kia wade rotýnymy rýire Atxiōkia hāwā-ki, Ionio hāwā-ki, tule Listra hāwā-ki. Aōwitzira witxiramy aōhōkýmy ratýnymahāre. Wanyrý tahe ibutu-ribi riwatate. ¹²Inyō ōbitimy ratxikeki Jesuisi Kristu-ò, tii aōhōkýmy rotýnykre iōraru-ki. ¹³Hābu bina

bina rabinahykymy rarekre, tule hābu inatyhy aōkō rabinahykymy rarekre. Inyō tiiboho riitxenanykre, tule tiiboho inyō kidiitxenanykre. ¹⁴Kai tahe aōbo teeryte, kia-di mohōtynke aōbo tetyhynymahāte-di. Tahe tiribibo teeryte, ōhōtikile idi mabekre. ¹⁵Uladuribile teeryte Deuxu Tyyriti. Kiadile bierykre Jesuisi Kristu tarasadýña idi bimykremy. Kia adee kanake bityhynykekilē kýnyhe. ¹⁶Ibutumy Tyyritityhy Deuxu elewesenamy nade. Bedeerysina urenana heka rare. Ōrarudu ōbitidýña heka rare, ibutumy riōbitynkemy. Tule aōbo awihikýmy raremy rierynanykre. ¹⁷Deuxu deōdu dori ōbitile rýirakemy. Aōwiwihiký widýña aōbo dori rexihulemy rýirakemy.

4 Deuxu, Jesuisi Kristu kiaru-ki arāteōnykre. Jesuisi Kristu dori rubu mahādu iru mahādu-wana wiribi rihitxinykre, tii taōlōna kaō kidiwykre. ²Belyyke Deuxu rybemy, inydee awikeki, tule inydee awiōkeki. Ywina-di iny biōbitynke. Iny biwiōhenanyke. ³Bedeýñnanabina kanakre. Kia txuu erydýđu ōbiti-ò roholāōhyyre. Erydýđu ributunykre tamydeewimy. Iwese iny tōhōti nohōtijuty-ò rotýnymyhýre wese tamy wimy aōna aōnaōle roholamyhýkre. ⁴Inatyhyerydýña-ò roholāōhyymyhýre. Urile ihetxiu ijyyōle roholakemy ixidi ihýre. ⁵Kai tahe ywimy maraykynyke. Ibutumy aōhōkýmy botýnyke. Deuxu Rybewihikýmy belyyke kia tahe aōmysýdýñnare Deuxu adee riwahinyre. Idi hyylemy mabekre. ⁶Iny riwawahinyke xiwena wesemy rubu-ò. Waixituededýñnana heka rehe-mynyre. ⁷Ijesu wihikýwesemy tahe rexiijesudýnyre wese. Rekonananyra heka waumy ijera. Retyhynyhyra tahe ityhyna. ⁸Ōbitiuidýña raheto wese wadee rexihumy roire. Wanyrý,

ywisidÿÿdu òbiti, riwawahinykre kiatxuu. Jiarÿ sohojiòle aòkò. Tahe tule iraròsòdu mahàdu-ò. Jesuisi dehemynyna luumy kia mahàdu roimyhÿre. Tamy tule rataanaò raheto wese riwahinykremy.

⁹Wylemy inihe waroramy manake.

¹⁰Dema riwarira Tesalonia hāwā-ò rara. Tii bede aōmydÿÿnana luure. Kalatxia bede-ò Kresetxi rara. Dalimasia bede-ò Txitu rara. ¹¹Luka-wanale watxireri. Tahe kai Marku bididykre, wawiòhedÿÿdu wihikÿmy rarekemy.

¹²Txitxiò heka Efesu-ò reteònyre.

¹³Kai tahe manakreu warahana bidiwykre. Troaji hāwā-ki Karpu heto-ki tahe warahana rerire. Watyyriti tule bidiwyke tyriti welÿte tule nohōti losaōtyhymy. ¹⁴Alexÿdre womati loresedÿÿdure warybe dibinanymyhÿde. Wanyrÿ iòwydÿÿna tamy kidilidikre riwabinanyreki.

¹⁵Kai bexiekre kowa-ribi, inyrybe dori rityhynyòhyymyhÿre. ¹⁶Juhuu dinodu-ò rewyònyreu inyō riwaw-

iòhenanyòhyyre. Ibutumy rirahure waribi. Aōbo wabinamy riwinyre-ribi Deuxu tōhōti rosamy watxireri.

¹⁷Wanyrÿ tahe, riwawiòhenanyra Deuxu rybemy rybe-ki. Iny witxira dori, judeukōdu mahàdu roholamyhÿre. Leaōry-ò, wadi rehukōra. ¹⁸Wanyrÿ tule riwatakre ibutumy aōmydÿÿnana bina bina-ribi. Kowa bede wihikÿ-ò riwadykre. Tuu rekeàlàkre aōu aōu bededÿÿnana roobymy. Kie.

¹⁹Warybe wehityyna Prisila-ò, Akila-ò biòkre tule Onisiru sÿ mahàdu-ò. ²⁰Erasto, Oritxi hāwā-ki rarire. Trofimo, Miletu hāwā-ki binamy resere. Taile heka rarira ibinamyhÿreki.

²¹Wylemy manake inihe beòrako-ki. Ubulu tarybewehityyna adee riwahinyre. Tu Prudente, Lino, Laujia ijōre. Tule ibutumy ityhydÿÿduseriòre rybe wehityyna adee riwahinyreri.

²²Wanyrÿ awana ratxikemy watxiwāhāre. Tule lāhàna umy-wana ratxikemy watximahāre. Kie. Paulo

Txitu-ò

Paulo Tyyriti Txitu-ò

1 Jiar̄y Paulo rare. Deuxu deòdu rare. Jesuisi Kristu riwamyre inatyhyna arit̄ynynkemy. Kia tyhyd̄ȳna, Deuxu tarasana mahādu hōrō rare. Kia ityhyd̄ȳna dee inyō rierykeki, rityhynykeki, Deuxu deewimy tii rarekre. ²Umytuedeonahak̄y iny riraom̄yh̄re. Deuxu dori tuu rarybere ihetxi bedeu. Deuxu heka tiu raruiōtyhy. ³Ibeded̄ȳnana òbiti dehemynydeu, Deuxu aōmyd̄ȳnana rarybekemy rot̄ȳnyre. Kia aōmys̄d̄ȳna wadee Deuxu riwahinyre, iny tarasadurenymy rybe-ò. ⁴Txitu-ò kia warybe rewahinyra. Kai iny-wana Deuxu tetyhynyteri, kia dori inatyhymy wariòre wesemy tate. Deuxu, iny tyby-ribi, Jesuisi Kristu, iny tarasadu-ribi, Deuxudeysana-di, ywina-wana adee kanakemy watxireri.

⁵Inyaōmyd̄ȳnana biòbitinykemy dori adee adiride. Kreta bede-ribi rōhōnyreu, dori waaōmys̄d̄ȳna rehuōre. Kia-ki dori kowa-di anaride. Ibutumy hāwā hāwā-ki ityhyd̄ȳdu mahāduy-ribi kai matuari mahāduō bimyke. Iwese jiar̄y rarybere wese kai bimyke. ⁶Matuari òbiti bimykre. Matuari ihāwy sohojiō r̄yira bimyke. Inyō ityhyd̄ȳdumy riòrenadule bimyke. Iriòre iòraruluukeki, iehehekeki, kia hābu bimyōke. ⁷Ityhyd̄ȳdu mahādu yrubud̄ȳdu òbitilemy dori ih̄ykemy. Inyō-ki heka ibinamy mahakeki, imynyōmy. Tii dori, Deuxu dee raaōmys̄d̄ȳkre. Ixidile nohōtidu mynyōmy. Hābukyara rybebyby, mynyōmy, vīi luudu aōkō, hābu aōbinaluudu aōkō, hābu ityhymy nohōtidu aōkōre. Kia mynyōmy. ⁸Iny inatyhyle, òbiti luunadule, taroraludu-ò awire mahādu, iny aōwityhy luunadule,

ixiwedule, Deuxu rybe tyhyd̄ȳdu, kiale bimykre. ⁹Deuxu rybe-di kia hābu òbitimy rōhōtinkyre, òbitityhylemy riernanykemy. Inyō ierysyd̄ȳna rityhynyōkeki, eryd̄ȳdu irayky riwinykre tai ihewo-ribi rieryke, rityhynykemy. Tule iny iwitxira eryd̄ȳna-di rarybemyh̄reki, tii riòbitid̄ȳnyke.

¹⁰Iny sōwemy inatyhymy rityhynyōreri. Tii dori aōna aōnalemy rarybemyh̄re, ityhyd̄ȳdu mahādu riitxenanymyh̄ykemy. Kia mahādu-ribi, judeu mahādu ibutu ratyre kia aōna aōnamy rot̄ȳnynmyh̄re. ¹¹Inyō kowa mahādury riirykemy tamy rarybeke. Iny sōwemy heka riitxenanymyh̄re. Òbitimy aōkō heka iny riernanymyh̄re. Nieruòle heka iny riernad̄ȳnynmyh̄re. ¹²Kowa mahāduō, ieryd̄ȳduō rarybera:

—Inyboho, Kreta bedeludu mahādu, ibutumy ruidu roire. Iròdu brebuna wese iny roire. Inyboho heka teoruxere roire. Byrelemy inyboho rōhōtynmyh̄renyre.

^{13–14}Aōmybo kahābu rarybera heka inatyhy rare. Urenana tahe arurumy rityhynykemy. Judeu mahādu ihetxiu ijyy-ribi tōhōtirenny rosakemy kai marybeke. Hābu mahādu bede ywina rityhynyōkemy. Kia hābu dori inatyhyna aōkō rityhynyre.

¹⁵Òbiti mahādu dee ibutu òbitire. Ityhyd̄ȳdukōdu mahādu-ò aō aōkō òbitire. Tōhōtinarenny dori aōbina binalemy rōhōtynmyh̄re. Aōu tii rexieryre aōbinahak̄y riwinykemy. Deuxu-ribi tōhōti rosare. ¹⁶Tiiboho rarybemyh̄renyre:

—Deuxu inyboho reeryrenyre. Tiiboho tahe Deuxu erydu wesemy aōkō aōna aōnamy rot̄ȳnynmyh̄renyre. Tiiboho iny riojinyrenyre rybemy reòbyōlemyh̄renyre. Aōwiwihik̄y wid̄ȳ rieryōrenyre.

2 Kai, Txitu, aõernawihikÿdibo biernanymyhyke. ²Matuari mahädu kai biernanyke häbu ixiwedü mahädülemý roirelemý, ywimy nohöti wydynadu mahädu roirekemy, òbitilemy rityhynykemy, ibutu òbiti luukemy, iixiraterékemy. ³Senadu mahädu tule biernanyke iyrubumy rÿikemy iujömoömy rÿikemy, tule vÿi luuömykemy. Aõernawihikÿdibo biernanybenykemy. ⁴Häwyy tÿmyra häbumy heridu tÿmyra tahäbu luukemy, tariðre luukemy, kia senadu mahädu rierynanykre. ⁵Tuu iyrubumy rÿikemy, òbitimý raraykynimý rÿikemy, taheto riywinimý rÿikemy, awimý rÿikemy, tahäbu rybe riywinimý rÿikemy. Kia wesekeki, Deuxu rybemy inyö ibinamý rarybeötyhy. ⁶Weryrybò mahädu tule biernanyke iyrubumy rÿikemy. ⁷Kai, Txitu, aõna aõna wiwihikÿmy botÿÿnykre, tai tahe ityhydÿÿdu mahädu awesele aõna aõnamý rotÿÿnykre. Kai biernanykeu, òbitilemy inatyhymý biernanykre. ⁸Arybe òbitityhydile biernanykre. Tai tahe aõludu raixÿrukre aõmy dori umý rarybeötyhy. ⁹Kai biernanyke urideòdu mahädu tawedu rityhynykemy. Tamy awimý raaömysÿdÿÿnykemy. Tamy heka ròrawyòdÿÿötyhykemy. ¹⁰Rawasinyke aõköre, ibutumý òbitilemy riwinykemy. Kiawesekeki, ibutumý Deuxu inytarasadu deewimý riwinykemy. ¹¹Deuxu taerydÿÿna-di taluuna ibutumý iny-ò rexideòsinyre. Taluuna tahe inytarasana-ò rehemynimý raremyhÿ. ¹²Kia heka iny tuu robikeu, awimý erydÿÿna rahake. Riwaernanymyhy aõbina bina widÿÿmy tule òbitina-di yrubudÿÿna-di iny rariakemy kabede-ki. ¹³Tule iny riraömyhÿrenykemy iny Deuxu wihikÿ iny tarasadu Jesuisi Kristu loosónatyhywo-ki kedehemynykre.

¹⁴Iny òwymý dexiwahinyde iny òraru òwydÿÿrenymý. Kiawese heka iny riwyre idi riratisebenyre iny ijoi lyrahakÿ ixidee rimyre. Kia ijoi iluure.

¹⁵Kai, Txitu kia aõna aõna inyko be-lyyke. Tai Deuxudeewimý riwinykemy urenana rakatxirenykemy. Iny biernanykre. Iny biòbitinykre. Iny ibutumý rityhynykemy matxibenyke.

3 Kai ityhydÿÿdu mahädu ixi bitòhötiijeranyke ibutumý häwä dinodu, bede dinodu rityhynykemy, tabede ywina rityhynykemy. Tule aõmysÿdÿÿnana wihikÿ riywinykemy. ²Modee heka ibinamý rarybeötyhy, raaöbinanyötyhy ywimý rarekemy, moheka iehehemy riywinyömyhÿre. ³Inyboho heka tule iehehe roiremyhÿ, iitxÿtemý roiremyhÿ, òraruluunamý iny riitxenanimý roiremyhÿ, òtaluumý roiremyhÿ. Aõbina bina luumý iny witxira aõna aõna-di wii risÿnymý roiremyhÿ, wideramý roiremyhÿ. ⁴Tahe Deuxu iny tarasadu luuna, ruxetòena-wana inydeereny dehemynde, tii kia-ribi iny ritarenyre. ⁵Kia aõna aõna wihikÿ iny riwinyrenyreki aõki, iny Deuxu ritarenyre, taluuna-di tahe iny ritarenyre, Jesuisi òraru-ki xiery heka Deuxu riwatÿmyranyre Tatytybytyhy-di. Umytÿmyra riwahinyrenyre, riwasuhòrenyra.

⁶Tatytybyby inydee riwahinyre Jesuisi Kristu iny biu-ò hedureki. ⁷Kiawese iny riwaòbitinyrenyre taluuna-di. Katahe inyboho umytuedeõna ijòdire.

⁸Kia heka inatyhy rare. Ka aõna aõna biernanytyhykeu, tahe wadee awikre. Kia wese Deuxu ityhydÿÿdu mahädu aõwihikÿlemý ròhötinymyhyke tule rewinymyhÿkemy. Kia heka awire. Kia iny riwiòhenanymyhyre.

⁹ÿraxina itxÿte kai rÿÿraxidÿÿömy, iwyòdÿÿömy, rybe jei jei-ribi irehemy mabekre, tule lahi òraru rybe-ribi. Kia rybe aõ aõkö rare. Awi aõkö rare,

iny riwiòhenanyōtyhy. ¹⁰Hābuō rybe òwe òwe-di ityhydỹ̃du rierynanykeki, aruru rybemy tamy marybeke. Kai inatxi rybemy marybekeki, tii rexiòbitinyōkeki, tahe uritere aōna aōnamy tamydỹ̃ōmy. Tii òrarudu dori ratximyhỹre. Hābu òbiti aōkō. ¹¹Tiile rieryre tuudỹ̃dumy ratximyhỹre.

¹²Jiarỹ, Txitxiò, Atema-wana aòrysmy ariteònykre. Niòpòli hāwā-ò wadee manakre. Kowa arasỹnykre ibutumy biu bedeu. ¹³Zena,

bede ywina erydỹ̃du, Apòlo-wana kai itỹinareny-ò biteònylebenyke aōmybo tamy biwahinymyhỹke. ¹⁴Bierynanyke iny aōmysỹdỹ̃ wihikỹkemy rotỹ̃nymyhỹkemy. Kia wese aōbo rauhenyreri tamyreny ijōdikre. Tai riwiòhenanykre.

¹⁵Ibutumy kaki jiarỹ-wana iny rybe weityhyna adee rewahinyrenyreri. Warybe biwahinyke ibutumy inyluudu ityhydỹ̃du mahādu-ò ibutumy adeereny Deuxu deysanamykre. Kie.

Filemo-ò

Paulo Tyyriti Filemo-ò

1¹⁻² Jiarỹ Paulo rare. Jesuisi Kristu òraru-ki ròtena-ki wāhāre. Tximòtxi iny seriòre wese jiarỹ-wana adee Filemo-ò rybe rewahinyrenyre. Kai inyluunareny, iny wiðhenadyỹdu tate. Tule Afia-ò, rewahinyreri, tii iny wyòrenyò rare. Tule Arikipu-ò, rewahinyreri iny rybe tỹnydyỹdu-ki ijoiò rare. Tule ityhydyỹdu mahādu-ò rewahinyreri, aheto dohodỹyna ijoi-ò wahe. ³Ruxetòena ywina-wana Deuxu iny tyby-ribi, Jesuisi Kristu iny iòlò ribi adeereny kanakemy watxireri.

⁴Deuxu-ò rexitòdenyreu, atxi, Filemo, wanohòti reamyhỹre. Tai umy rarybera. ⁵Kai dori Jesuisi tetyhynyte, inyìlò luumy, ityhydyỹdu mahādu luumy atximahāte. Kia-ò raholamyhỹre. ⁶Tule rexitòdenymahāreu kiamy jiarỹ rarybemahāre. Kai iny witxira-ò Deuxu aõmydyỹnanamy belyykeu, Kristudeewimy biernyanke. Kia indeereny rexitòdenyre Deuxu-ò. ⁷Jiarỹ wadeysatyreri, kai dori aluuna iny witxira dee ratximyhỹre. Kia heka deysana nihikỹ ityhydyỹdu mahādu-ò rare, tii riwawowesenymyhỹre.

⁸Jiarỹ timy atxikemy adee ararybekeki, tule ke heka arateranyke. Jiarỹ dori aityhydyỹdu seriòre rare. ⁹Tahe aluudỹyna òraru-ki tahe adee arexitòdenykre. Jiarỹ Paulo rare. Ròtenawo-ki jiarỹ roire Jesuisi Kristuluu òraru-ki. ¹⁰Wariòre wese dee rexitòdenyreri. Onesimo wariòre wesemy redyreri Kristu tyhydyỹna-ò waribi umy wese kaki ròtenawo-ki rare. ¹¹Tiu heka adee riwahinyõmyhỹre tii dori juhūu awiòhedỹdutyhy aõkò rare. Wijile tahe

iny diwiðhenanymyhỹde adee wadee tule. ¹²Tii adee reteònyreri. Ixyby araòkesedyỹnyreri. Kai ixi-ki bimye wawesemy, wadee dori tii awityhy rare. ¹³Jiarỹ dori ixideele remyòre wawiòhedỹỹdu kaki ròtenawo-ki Rybewihikỹ dohodỹỹ òraru-ki. Kia òsỹny adee awire. ¹⁴Urile aõkõmy marybekeki tii arimyõthy. Kai aõ wadee bidiwahinykeki, kai ixi sohojile inihe biwahinykre. Waixitòena-ki aõkò. ¹⁵Onesimo heka aribi irehemy rexijere ijò bededyỹnana witxirau, tahe wijile tiemy abrysimykre. ¹⁶Juhūu wesemy aõkò ihỹre deòdumy wahe, wiji aseriòre wesemy heka rare. Tii heka waluutyhy rare, adee tulekemy ityhydyỹdu wese wiluukemy wadee awire. ¹⁷Kai wabiòwakeki, tii birybenyke iwese tiwarybenymyhỹte wese. ¹⁸Aõ adee rasiranyreki, jiarỹ ariwyònykre teròwmy. Jiarỹ iximyna kaa retyyritinyre: Jiarỹ Paulo ariòwynykre. ¹⁹Kai waòraru-ki ityhydyỹdumy atximahāte. Kia tahe adee tuu ararybeòthy.

²⁰⁻²¹Warybe mynamy ta kai bòwidỹỹkre Kristu òraru-ki, tai ta biwadeysanykre. Jiarỹ warybe rewahinyreri, araeryre, waixitòedỹyna ratyre biwinykre. ²²Ijõmy adee arexitòdenykre: wasỹ wagherina ahetowo-ki biwinykre. Deuxu-ò bexitòdenykreki, tai jiarỹ aõhe-wana adeereny aròðsekre.

²³Epafa wabiòwa ròtenawo-ribi adee riwehityhynanyreri (jiarỹboho kaki watximyhỹrenyre Jesuisi Kristu Rybe òraru-ki), ²⁴tule Marku, Aristarku, Dema, Luka-wana rexiwehityhynanyreri. Kia ibutumy heka Deuxu-ò aõmysdyỹdumy roire.

²⁵Jesuisi Kristu làhàna awo-ki ratximyhỹre.

Hebreu-ò

Tyyriti judeu ityhydÿÿdu mahādu-ò

1 Juhuu Deuxu inytybyreny-ò rarybemy raremyhÿ. Deuxu rybe-ò ijohonadu-di tamy rarybere. Tule sōwemy aōna aōna wixira wixira rarybere tamy. ²Tahe ikonana wiji txuu inydeereny tariòre diteōnykemy rarybera. Tii rarybere tybyderōwymy. Iriòre tahe ibutumy aōna aōna wedu rare. Deuxu iriòre kia rarekemy rarybere. Tii tule juhuu bede widÿÿdu rare. ³Tii Deuxu loosōna tÿnydÿÿdumy ratxireri. Deuxu wesehyymy ihÿmyhÿre. Iriòre, taryberuru-di, ibutumy aōna aōna rimymy roimyhÿre. Iny òrarunareny riixāwididÿÿnymy rahudi, biu-ki Iòlò Deuxu ruruna weribi ronyre. ⁴Iriòre ranire niwihikÿmy. Tii dori ÿjuratyre awityhyre. ⁵Tiu heka ÿju-ò rarybeōhyymyhÿre: —Kai wariòre tate. Bohyymy wiji wāhāre. Ijō ritidÿÿmy rÿire, kawesemy: —Jiarÿ tybymy ararekre. Tii wariòremy rarekre. (Kia tahe ÿju-ò tii rarybeōhyymyhÿre.) ⁶Iriòredela kabede-ki reareu ixityre ijōmy rarybere: —Ibutumy Deuxu ÿju tuu reālākemy. ⁷ÿjumy tahe kawesemy Deuxu rarybere: —Jiarÿ ÿjuboho tahe yhy ele elewesemy retxienyre, wadeòduboho heòtyloosōwesemy retxienyre. ⁸Tahe tariòremy kawese rarybere: —Wariòre, Deuxulemy atxiteri. Kai ibutumy inyiòlōhyymy rare. Aruru tuedeōna debōna dire. Wiwesemy nonana-di ibutu-ò atximahāte, òbitimy. ⁹Òbitinaluumy kai atximahāte òraruna deramy tahe atximahāte. Tai tahe Deuxu, aDeuxu amahādu ratyre awimy teleta adee riwahinyre deysana. ¹⁰Ijōmy Deuxu rarybere tariòremy: —Kai Wanyrÿ juhuu bede widÿÿdu tate. Bede ibutumy tewinyte. Tule

biuludu aōmydÿÿnana tewinyte. ¹¹Kia bede aōmydÿÿnana ludu ibutumy rexihukemy. Kai tahe tiu atuedeōna. Iwese uwōhi retybyre wese, kia aōna aōna retybyke. ¹²Tule wesirahana rawerasemy roimyhÿre wese ibutu ty retybymyhÿre, rawitxiradÿÿmyhÿre. Kai tahe ixiwesehyy ahāte. Abede dÿÿnana tahe tiu itueōtyhy. ¹³ÿju-ò Deuxu tiu rarybeōmyhÿre: —Bodonyke waruruna weribi. Aòludu mahādu ako-txi resemyhÿkemy. Eòdumy rarekemy. Kiamy tahe tariòre-ò rarybere. ¹⁴Ibutumy ÿju mahādu Deuxu deòdu rare tyytyby wesemy rare. Deuxu diteōnyde ityhydÿÿdu mahādu wiòhedÿÿmy tule ibutumy biu-ò hedu mahādu wiòhedÿÿmy.

2 Tai tahe, waseriòreboho, ityhyna rybe-ò rokoholarenyreki, tamy tahe rikimynrenykre rikityhynrenykre. Tai tahe iribi tiu ròkòirenyōtyhy. ²Ibutumy ÿju rybe inatyhymy raremyhÿ. Ibutu òrarudu rimyre aōhōkÿmydÿÿnana-ò irybe riywinyōreki. ³Kia inatyhy rare. Tarasana rybe wityhy-ò rokoholarenyōreki, timybo inyboho rikiòlōnyrenyke. Kia rybe wityhy Wanyrÿ Jesuisile juhuu inydeereny relyyre. Idi tahe, ijohonadu mahādu tuu rarybere tule. ⁴Deuxu irybe myna rotÿÿnyre, ròbedeòbydÿÿnyre tai ròbedeòtiidÿÿnyrenymy tai Deuxu ruru ritÿÿnyre. Tule Deuxu Tatyytybytyhy iaōwidÿÿnamy ixideewimy inymy riubÿÿnyre.

⁵ÿju-dee aōkō bede riwahinyre-kia iòlōmy rarekremy. Jesuisi-ò kia riwahinyre. ⁶Juhuu inyō rybe txiōdÿÿnamy rarybere: —Ritina-ki kia rybe roimyhÿre: —Aōbo heka hābu tyhy riòre rare? Tii aō aōkō rare. ⁷Ijō bededÿÿnanaō Deuxu riòre ÿju-ribi tyhymy aōkō ihÿre. ⁸Tahe wiji wowydyna tamy rawahire iwese iòlò dee iny riwahinyre wese,

tamy rawahire. Tule ibutu wedumy rarekemy. Iny ruereny dee ibutu ihôrô aôkô ôsana rare. Ibutu rurudu wese aôkô iny ruereny-ki rÿire. ⁹Tahe inyboho Jesusimy robirenyre. Tiile tuu ihÿre. Urihimyò bedede aômydÿÿnana bedeu ÿju-ribi tyhymy aôkô Deuxu tii relere aôhökÿmy dÿÿnana rimykremy. Tahe rurure. Rubu riurihire inyderòwyrenymy. Tai tahe rataana raheto wesena Deuxu tamy riwahinyre deàlana-wana. ¹⁰Deuxu riwinyre ibutu aôna aôna ixidee. Tii kôkeki, bedede ihoôhyymy roike. Tii ityhydÿÿdu mahâdu ridymyÿre taloosônasy-ò, taijoimy. Tai tahe Jesusi aôhökÿmy rotÿÿnyre Deuxudeewireki. Tarasana wydudumy heka wityhymy Deuxu delede aôhökÿmy rotÿÿnyreki, tai awityhymy rôhônkyemy tarasadudikemy. ¹¹Ôbiti widÿÿdu tahe ôbitina mahâdu-wana wimahâdu wese roire. Wiwanale sohoji tybyribile doidenyde. Tai tahe raixÿruôlemy Jesusi seriôremy rininire. ¹²Ritina-ki rarybere: —Ani aritÿnynykre waseriôreboho-ò. Dohodÿÿna heto-ki àlânawiu-di adee ariwiunykere. ¹³Ijô Ritidÿÿna-ki rarybere: Tii arityhynyhykre. Ijô: Kakile wahe watxireri, tule roire wariôre Deuxu diwawahinyde. ¹⁴Iwese ibutumy inumy wiwesele roire wese, tule Jesusi umyô rimyre, inumy wesele, tai inywesemy rurukremy. Tai tahe rubu dinodumy rahaananyre, Diabo wahe. ¹⁵Kia rubu mahâdu lau ruberumyÿre mahâdu, ibrebu iribi ritare. Kia mahâdu dori rububrebu deòduhyymy ihÿrenyre. ¹⁶ÿju aôkô ritakemy namyÿÿde, Abraô riôre riôre ritakemy namyÿÿde. Tahe wiji tule ihÿre. ¹⁷Iseriôre wese hyymy roirekemy ihÿrenyre. Tii dori Deuxu Xiwenawidÿÿdumy rarekemy inydeereny tai ruxetôena wahidÿÿdu ôbiti tii ihÿre.

Ibutumy iny ôraru òwydÿÿnamy rÿimyhÿkemy. ¹⁸Ibutumy ixiradÿÿna mahâdu tii riwiôhenanymyÿre, ibutumy ixirana-di aôhökÿmy rotÿÿnymyÿreki.

3 Tai tahe, waityhydÿÿdu seriôreboho, bohولاتyhyke Jesusi rybe-ò: —Kaiboho dori tule bimybennykemy biu bedede aômysÿdÿÿna. Jesusi iny ityhydÿÿna Xiwenawahidÿÿdu wedu tyhy rare tule inatyhyena deòdÿÿna tyhy tii rare. ²Deuxu tii riwinyre Xiwenawahidÿÿdu wedumy. Tai tahe tii ôbitimy riwinyre Moisesi riwinyre wese Deuxu sÿmahâduy-ki raaômysÿdÿÿnymyÿre. ³Jesuisi-ò tahe sôwemy wowydyna rawahikremy. Moisesi wowydyna ratyre rawowydynanykemy. Hetowidÿÿdu iny riwowydynymyÿre, hetoratyremy. ⁴Ibutuheto iwidÿÿdu dire. Ibutu widÿÿdu tahe Deuxu rare. ⁵Moisesi Deuxu heto-ki ôbitimy rybe riwinyimyhÿre teòdu aômysÿdÿÿnanamy. Tai tahe teòsidÿÿna ririre ijesenareki. Deuxu rybe tÿnydÿÿdu tahe Moisesi rare. ⁶Kristu tahe Deuxu sÿmahâdu wedu rare Deuxu riôre rareki. Inyboho Inynyrÿreny-ò rôkôtyhydÿÿrenykeki tuu rokoirekre. Tai iny brebutererenymy iny rarôsônarenynatyhymy rakatximyhÿrenykeki tahe Deuxu ijoi inyboho roire. ⁷Kiawesemy tahe Deuxu Tyytybytyhymy narybede: —Wiji tahe tamy bohobanyke aworeny iðlududÿÿrenyômy. ⁸Judeu mahâdu wesemy aôkô boibeke, tybyboho wesemy aôkô wahe boibeke. Tiiboho dori tamy rajômomyÿre bedero-ki Deuxu riurihirenyre. ⁹Deuxu rarybere: —Aôbede wiwihikÿ rewinyre hâre, alabiereny riwaitxenanyrenyre tamyreny watxireri iny inatxiwaitue beòramy aôbedewiwihikÿ riraòmyÿre. ¹⁰Tahe Deuxu rarybere: —Waky reamy tamy wâhâre. Tiu heka

wawana ratxiôhyymyhÿre ryòbiti tamy retÿnynyre hârele. Tawo-ki teòsahyymy ratximyhÿre. ¹¹Deuxu rarybere: Waky reatyhymy tai tahe ixidee resere, inatyhymy rarybere: —Tiu tiiboho elehyna bede-ò ralòôtyhy. ¹²Bexiijebenymy waseriðreboho uritere awo-ò ròtedÿÿomy raykyitxÿtena. Kia òraru-ki aDeuxutyhy-ribi irehemy bexilòhòrarienyheny aDeuxu tyhy dori irumy ratximyhÿre. Tii inatyhy rare. ¹³Txuò txuòlemy wii biòbitinybenyke. Òraruna dori itxenadÿÿdu nihikÿ rare. Tai tahe wiji kiamy botÿÿnybenyke. ¹⁴Deuxu rikityhynyrenyhyymy rakatxirenyke. Irybe rikiywinynyrenyke rakatxirenyke iwese juhu rityhynyrenyra wese. Kia wesekeki, Kristu leinamy rakatximyhÿrenyke. ¹⁵Kiawesemy tahe Deuxu Tytybytyhymy narybede: —Wiji tahe tamy boholabenyke aworeny iòlududÿÿrenyömy. Iwese ihetxiu mahädu riwinyre wese aòkò boibebenyke. ¹⁶Timahädubohe roholare Deuxu rybe-ò iribi tahe wimy raòludure. Kowa Egito bede-ribi doimyhÿde mahädu roire. Moisesi tamahädu-wana doimyhÿde. ¹⁷Mobohe Deuxu kyaradÿÿdure 40 wyra sòwe. Kia mahädule bederahykile rexihure raòrarunyreki. ¹⁸Moòbo Deuxu rarybere taelehyna bede-ò ralòôtyhymy? Rybe ywisidÿÿdukòdu mahädu-ò rarybere. ¹⁹Inyboho tuu rieryreny. Rirònyrenyöremy rityhynyörenyke.

4 Deuxu juhuu rarybere: —Inyò taelehynabede-ò ralokremy. Inatyhymy heka aömybo rarybere rÿire. Inyò òsana kaibohoò tamy rehe-mynyötyhy rityhynyömyhÿrenyke. Tai tahe bexityhynymyhÿbenyke kia-ò. ²Inydeereny tahe Rybewihikÿ tÿmyra ròhònymy roimyhÿre, iwese Moisesi mahädu-ò ròhònyre wese.

Tamyreny tahe awityhymy aòkò tamy ròhòtinymyhÿre rityhynyöhyymy-hÿreki. ³Deuxu tyhydÿÿdu mahädu ralòke taelehyna bede-ò. Deuxu dori rarybere: —Jiarÿ inatyhymy anarybede. Iny rityhynymyhÿrele tamy ralokre. Deuxu kiamy rarybere: —Taelehynabede tamy rewinyre xiery juhuu bededÿÿnana rewinyroireu. ⁴Inyboho rierymyhÿreny tii riraòmyhÿremy Ritidÿÿna roireki: —Deuxu taelehyna-ki ele rihynyre debòinatxixtu bededÿÿnanamy. Taaömysÿdÿÿna ibutumy rahure aòbo riwinykemy idi raremyhÿ riwinyre. ⁵Ijò rybe tule kia-wana roire: —Tiu ralòôtyhy waelehyna bede-ò. ⁶Tuu heka Deuxu rarybere inatyhy raremy. Ijò mahäduò ralòmyhÿre Ijò mahäduò ralòrenykre. Moisesi mahädu tahe ralòöre Deuxu rybe riywinyöreki. ⁷Wiji bededÿÿnanamy heka Deuxu rarybereri. Kia rybe rare iwese Davi rarybere wese: —Wiji tamy boholabenykeu, aworeny iòlududÿÿrenyömy. ⁸Josue ridyre Moisesi mahädu Suwitxiraò-ò. Kasu tahe kabede aòkò rare Deuxu elehyna bede. Deuxu idihyy tuu rarybemy ihÿre. Wijina ròtena bededÿÿnanamy Deuxu rarybemyhÿre. ⁹Tai tahe Deuxu mahädu dee elehynasu bede roimyhÿre. Deuxu elehynatxu wese heka rare, iwese Deuxu debò inatxixtu-di rexielehynyre wese. ¹⁰Iwese Deuxu raelehynanyre wese raelehynanyre inyboho taaömysÿdÿÿna-ribi, inyboho rukururenykreu. ¹¹Awityhymy rokoireke tamy rikirònyrenykeny tule. Rekeixijerenyke. Deuxu rybe rikiywinynyrenykeki iwese judeu mahädu wese rikirònyrenyötyhy. ¹²Ibutumy Deuxu inydeereny rarybere iruru dire. Iwese mayrehe wiòtxuremy rÿrira wese Deuxu rybe rare. Inyrayky wydyna riòròmyhÿre, òhòti wydyna-wana. Mayrehe rayky

riraynymyhyre aomybo inyrayky Deuxu ibutumy rierkyemy. ¹³Ibutumy Deuxu rierymyhyre inyraykyreny. Iny Deuxureny irumy ihyre. Ibutumy aona aona tamy itynhykye rare. Aõ heka iwasi aõkõ tamy rare. Ikonanau ilau ibutumy aõhebo iny rotynnymyhyreny rikitynnyrenykre.

¹⁴Jesuisi Deuxu riore iny xiwenadydu tyhy rare. Tii rare biu-ò iny wiðhedymy. Tai tii rikityhynyrenyhyymyhyke. ¹⁵Tii iny aõkõnareny rierymyhyre; ixiradyña rierymyhyre tai iny riruxetõenyre. Tii kabede-ki tiu heka raðrarunyõhyre, ixiradyña hãrele. ¹⁶Tai tahe rekexiterenymy rekexitõenyrenyke iny iðlõreny rynana-ò. Tai tahe ruxetõena sõwemy inydeereny kidiwahinykre. Bedeðbyna kidiõkre tuu rokorurenkykre.

5 Hãbuõ Deuxu rimyre xiwena widydu mahadu wedumy rarekemy. Tii ibutu iny derõwymy Deuxu-ò rybedumy raremyhy. Tii iny uriõnosõna Deuxu-ò riwahinyre. Tule òraruna brò-ki xiwena tamy riwahinyre. ²Tii dori hãbu rare tamahaduren-ò dori ywina-di ixi-ki ratxireri iðrarurenny rierymyhyreki. Imahaduõ ibedeeryõre ijõ tahe reðsamyhyre tiemy aona aona bina riwinyhyymyhyre. ³Tai tahe xiwena riwahinyhyymyhyre tamahadu òraru-ki tule ixiðraru-ki. ⁴Inyõ ixideewimy aõkõ xiwenawidydydumy raremyhy Deuxudeewi xiery tahe tuu rareke. Deuxu tamy rarybemyhyrekeile tahe tuu rýike. Iwese Araõ-ò Deuxu rarybere tuu rarekemy. ⁵Tahe Kristu tule reximyõhyre xiwena widydu wedumy rarekemy Deuxu tuu rimymy rarybere: —Kai wariðre tate wijile kai inihe anataru. ⁶Ijõ ritina-ki ijõ rýire: —Kai xiwena wahidydu atximahãte urenana. Xideki xiwena wahidydu wesemy atximahãte.

⁷Jesuisi kaki raremyhyu hãbu wesemy irubertynymy rexitõenymy reålãmyhyre. Rahinymy riauamy Deuxu-ò rarybere. Tii heka Deuxu rityhynyre tai tamy roholare. ⁸Deuxu riore heka tii rarehãrele tahe aõhõkymy rotynnymyhyre. Tai tahe rðeryre rybe ywidymy. ⁹Tii heka raðbitinytyhyre. Tai tarasana widydu rymyhyre iywidydu ityhydýdu mahadu dee. ¹⁰Deuxu dori tii rimyre xiwena wahidydu wedu rýirakremy Xideki wesemy.

¹¹Sõwemy tuu adee ararybekemy watxireri. Urile adee isirare ierysyna, teeryõhyymy taholamahãte. ¹²Kaiboho ihetxiu tetyhynytenyete. Tahe inyõ bibedeerynybenyke. Ihãre tahe teernanyõhyymahãte. Ihyymy textiðkesedynta tai tahe inyõ anaernanykemy adi ratxireri timybo ityhydýdu-ki tatemahãmy. Juhuu erydyña wahe. ¹³Tohouã howýtõdu weselemy atximahãtenyete, ityhydýdu aomydyñana teertyhyõmahãtenyete, rybeerysydu õbiti aõkõ atximahãtenyete. Kaiboho taumynyõmahãtenyete iwese ityhydýdu mahadu rýirawesekemy. ¹⁴Deuxu erysynatyhy inumy rýsýna wesemy roire. Aõbinahaký aõwihiký erysyduðle kia rýsýna roire, tiiboho dori rierymyhyre aõbo awire aõbo ibinare, tuu rotynnyrenyre aõbo awireki.

6 Tikiemy juhau Kristu rybetyhynamy araernanymahãre. Rekexitõmonyrenyke. Iwixira erysyna rikeryrenkykemy. Tai tahe rakaumynyrenyke ityhydýdu tyhymy ityhydýdu rurudyña-di. Inyõ rarybemyhyre. Iny raðbitinymy ratxike xiery iny ratakemy ihyre. Kia aomydyñana reerydyñanyõkre tahe. Iny rityhynymyhykekeile iny ratakemy. ²Ratisebenamy heka anaernanyõkre, tule debõlidišinamy, tule rubu-ribi

ixixanamy, tule bede konana ritxuakre txumy ibutumy heka tuu ararybeòkre. Tii heka juhoo erydÿÿna rare. Kaiboho dori teerytenyte. ³Wanyrÿ dee wikeki tahe iwitxira ersyna heka ariwiuronykre. ⁴⁻⁶Inyò biu-ribi loosòna wàhidÿÿna riurihimy ritakeki. Deuxu Tyytybytyhy aomydÿÿnamy ijò ritake wana, Deuxu rybe riurihike wana, kowa bede wihikÿ ruru rieryke wana. Tii ibutukeki tahe Deuxu-ribi tahewo-ò dòdsede inatyhyna ririre. Isiratyhyhyre ixityre ròte taòraruna Deuxu-ò relyòtyhy. Tii dori Deuxu riòre ixityre itxeònihikÿ-ki ritidire, inyru-ò ritidire ibinamy rarybemyhÿre. ⁷Biu heka suò risebenymhÿre. Òwòruty iribi ritxuhudÿÿnymhÿre tòbòròdÿÿdu-ò. Aòratybo raratynykeki tahe Deuxu bedeòbydÿÿna kia rare. ⁸Tahe edewewēju kidiwahinykeki, awiòre heka inydee kia sumy ibinamy rarybere. Urile roomyhÿre. Kia suu tahe iny ityhyna ririre mahàdu wese rare.

⁹Kiawese jiarÿ urile rarybereri. Ihàrele tuu aòkò umyreny rahòtinyreri. Inatyhymy rahotinyreri kaiboho aò òbiti tewinymahàtenytemy. Iwese tarasana mahàdu wese kemy kaiboho ahàtenyte. ¹⁰Deuxu dori òbitityhy rare. Kaiboho tamy taaòmysÿdÿÿni-hikÿmahàtenyte tai aribireny tòhòti rosaòtyhy. Iwese Deuxu-ò aluunarenny teteòsinyta wese ityhydÿÿdu seriòre tewiòhenanytenyteki ihàre tadiwiòhenanymahàte.

¹¹Wiluu hyymy boibeke bede dÿÿnana konana-ò. Tuu raruhyymahàre. Tule iny raròsònarenny-di mohòtinybenyke. ¹²Tai tahe ityhydÿÿdu aomydÿÿna irisirenyòmy boibeke. Òbiti widÿÿdu iele ele aòkò rare. Rityhynreri Deuxu wahisidÿÿna ritakremy iwese Deuxu rarybereki. Kaiboho òbiti widÿÿdu mahàdu wesemy ahàbenyke.

¹³Deuxu Abraò-ò rarybereu, inatyhymy ixideele rarybere. Inyò dori Deuxu ratyremy ratxiòmyhÿre. ¹⁴Kawesemy rarybere. Deuxu tiemy ixirybe riwinyhyymhÿre Inatyhymy anabedeòbnykre, idi anaixijuradÿÿnykre my tai ariokoreò rasòwekremy. ¹⁵Tahe Abraò riraòmyhÿre, raeleleòmy. Idi Deuxu tarybe myna rotÿÿnyre. ¹⁶Inatyhymy aomy inyò rexirybenykre aomy rarybekre. Kai tahe aò ijyy riixàwididÿÿnymhÿre. ¹⁷Deuxu tule ixidee rexirybedÿÿnyre inatyhy rybe-di. Tai rybe tarasadu mahàdu rierymyhÿre Deuxu rawitxiranyòtyhy. ¹⁸Inatxi aomydÿÿnana iny rieryreny. Deuxu rarybere-wana tiu raruiòtyhy. Tai tahe inyboho inyaròsònarenny rimymhÿre. Iny ixiwòtena-ò ralòmyhÿre tarasana-ò ralòmyhÿre wese. ¹⁹Inywo-ki inyrayky wiòhedÿÿdu ijòdire hāwòjurasa rimymhÿre wese iny roire Jesuisi koludu wesemy inydeereny ralòmyhÿre wesirahana webòrò-ribi, Deuxusÿ wahe. ²⁰Jesuisi juhoo ralore tai. Tai tahe Jesuisi Xiwenā wahidÿÿdu wedu rÿihyykem y Jesuisi tahe Xideki axi weseò xiwenā wahidÿÿdure.

7 Xideki tahe Salē hāwā iòlò rare. Deuxu Tyhydÿÿdu Xiwe wedu rare. Abraò heka aòbina ritara. Xideki ròhònyre itxi reakemy, tahe ribedeòbyrybedÿÿnyre. ²Tai Abraò tamy riwahinyre ibutu aòbina aomydÿÿna-ribi, debòwiò-ribi sohoji riwahinyre, Xidekini tahe òbiti iòlò rare iwitxira rybe-ki. Salē hāwā iòlò tahe ywina nodu rare iwitxira rybe-ki. ³Tybyòre, iseòre, isÿòre. Tii heka itxu ròhònyòhyre tule bedekonanaòhyre. Tii heka Deuxu riòre weselemy ihÿre. Tii Xiwenā wahidÿÿdu urenana ratxihiymhÿre.

⁴Kaiboho mohòtinybenyke timybo tii aònityhymy raremyhÿdi. Abraò

inytybyreny tamy diwahinyde: debòwiò aõmydÿÿna-ribi sohoji tamy riõre. Iòlò taòludu aõbina aõbina aõmydÿÿna-ribi tamy riõre. ⁵Xiwenah wahidÿÿdu mahādu Levi sÿriõre mahādu-ribi doidenyde. Tamy bede ywina riywinymy riteònyre debòwiò-ribi sohojina ritakemy iny-ribi. Taijoityhy-ribi. Tiiboho dori Abraõ sÿijoiluduò tule roire. ⁶Xideki tahe Levi sÿijoiludu aõkõ rare. Ihārele tahe Abraõ tamy debòwiò-ribi sohojina riwahinyre. Xideki tahe bedeòby rybe-di heka Abraõ rirybedÿÿnyre. Abraõ juhū ityhydÿÿdu rare Deuxu dori tamy ityhyna rybe riwahinyre. Xideki tahe ityhytyhy rare. Aõhe inatyhy? ⁷Bedeòbmy rybedÿÿdu aõnityhy rare. Moòbo rarybemyhÿre ratyre aõnityhy rare. Ibutumy kia rierymyhyre. ⁸Levi xiwedÿÿdu mahādu hābumy ituerenyre. Xideki tahe ruuòhy ihÿre. Kia ritina-ki roimyhÿre. ⁹Levi debòwiò-ribi sohojina tarasadu rare. Ihārele tahe Abraõ teròwmy debòwiò-ribi sohojina riwahinyre. ¹⁰Levi dori natibienyòde, ihāre Abraõ-ki ratximyhÿ iu witxi Xideki-wana witxi reareu.

¹¹Bede ywina rybe xiwedÿÿdu mahādu-wana iny rataòtyhy. Tai tahe iwitxira xiwe wahidÿÿdu inyboho rijemāhārenyde. Araõ ijoì ribi aõkõ nade, Xideki nade wese tahe Kristu nade. ¹²Xiwenah aõmydÿÿnana rawitxirakeki, tule rybe bede ywina rawitxirake. ¹³⁻¹⁴Inynry tahe Levi xiwewahidÿÿdu mahādu-ribi aõkõ nade. Tii Juda mahādu-ribi nade. Tiiboho heka tiu xiwewahidÿÿdu mahādu-ki riwiòhedÿÿòhyymyhÿre. Moisesi dori tamy kia aõmysÿdÿÿna riwahinyòre. ¹⁵Kristu iwitxira xiwewahidÿÿduò ròhònyre Xideki wesemy raremyhÿ. Tuu heka teerytenyte. ¹⁶Tii heka bede ywina rarybere wesemy aõkõ nade. Tahe iwitxi rare. Tii umy witxira tuedeòna-di

nade. Kia ruuòraru-ki nade. ¹⁷Rybe riti-ki rÿire, Kristumy rarybereu: Kai xiwewahidÿÿdu mahāduò tate Xideki wesenamy ahāte. ¹⁸Aõmydÿÿna tyby rawitxiradÿÿre awimy aõkõ dori rare. Irurudimy aõkõre dori rÿire tarasana wiòhedÿÿmy aõkõ. ¹⁹Kia iny riòbitidÿÿnyre aõkõ. Wiji tahe raròsòna wihikÿ ròhònyre inydeereny Kristu dori Deuxu-ò inatyhymy iny ridymyhÿre. ²⁰⁻²¹Deuxu rexirybedÿÿnyre inatyhymy Kristu xiwenah wahidÿÿdumy rarekemy. Tahe iwitxira xiwenadÿÿdumy aõkõ kiawese narybede. Kristu-ò tahe Deuxu rarybere: —Deuxu rexirybedÿÿnyre. Tiu rawitxiranyòtyhy arybe. Kai xiwenah wahidÿÿdu atximahāte urenana. ²²Tai tahe Jesuisi riòludunyre wijina aõmydÿÿnana tÿmyra. ²³Xiwedū sòwekemy idi ròhòtinymyhÿre, ijò rurumyhÿreki. Ijò tahe teròwmy ralòmyhÿre. ²⁴Jesuisi tahe xiwenah wahidÿÿdu mahādu-ribi ròhònyòtyhy. Kristu tahe aõu aõu ratxihymy rarekre. Tai ixiwe òlòdÿÿnamy aõu aõu iweselemy rarekre. Ijò-ò tiu raòtyhy. ²⁵Tai tahe moò Deuxu-ò Kristu-di kanakeki, tii tahe Jesuisi ritalekemy ratximyhÿre. Tii dori Deuxu-ò inydeereny rexitòenyhyymyhÿre.

²⁶Tii dori iny deròwmy rarehyymy rareke Deuxu sÿdee. Jesuisi biu-ki ronymyhÿre Deuxu-wana. Sÿwihikÿ worana bedehesina-ki ronymyhÿre urenana. Tai tahe tii xiwenadÿÿdu wedumy inyboho rurumyhÿrenyde. Tii òbiti rare, tyrare, iòraruna-ki aõkõ, òrarudu mahādu-ribi hitximy. ²⁷Xiwenah wedu txuò txuòlemy xiwenah diwinymyhÿde juhū taòraru hetydÿÿnamy riwinymyhÿre idi tahe ibutumy inyòraru hetydÿÿnamy riwinyre. Jesuisi kia Xiwenah wedu wesemy aõkõ ihÿre. Tii xiwenah wahidÿÿdu mahādu-ribi lahitxi rare. Sohojihy dori xiwenah rexiwahinyre

rubu-ò ikonana xiwena wahe. Tii txuò txuòlemy aò rubu xiwe wesemy riwahinyöre, iwese iwitxira xiwedýýdu riwahinyre wese. Juhuu taðraruna òraru-ki raxiwenyire idi iny òraruna òraru-ki raxiwenyire. ²⁸Bede ywina hābule ritidire xiwena wedukremy. Hābu tahe iruruöre idi tahe sohoji rybeötyhy bede ywina hewomy nade. Kia tahe Deuxu riðrele tuu risýnyre, tii òbitityhyreki.

8¹⁻²Kiamy heka jiarý rarybere. Kia awese iny xiwena wedu ijòdire. Iòlò tarynana-ki ronymyhýre. Jesuisi tahe Deuxu ruruna-ribi ronyre. Iheto-di itxeredu tahe Jesuisi rare. Deuxusýle iyubudýýdu rare. Kia hābu aòkò riwinyre Deuxule riwinyre. ³Kristu iheto raroowo-ki Deuxu deewina riwinymyhýre. ⁴Kristu kabede-ki ratxikeki tii xiwena wahidýýduömy aòkò ratximyhýke. Kabede ludu dori bede ywina rybe riritinymyhýre wesemy riwinymyhýre. ⁵Tiiboho biu aömydýýnana wesemy urihimyòlemy aóna aónamy rotyynymyhýrenyire. (Deuxu Moisesi-ò riteòsinyre aówesemybo teàlàna heto-ki raremyhý. Tai tahe Moisesi riwinykemy timybo riteòsinyre wesemy hāwālò ratyy-ki riteòsinyre.) ⁶Kristu tahe iwitxira aòmýsýdýýna iaòmýsýdýýnare. Bede òtiidýýna urenana heka Kristu aömydýýnana ròimyhýre bede ywina widýýdu aömydýýnana ratyremy ihýre. Kristu tahe bede ywidýýna týmyra riwinyre Deuxu iny-wana heka widee rilorore. Deuxule rarybere tahe juhUU-ribi awityhyre irybe. ⁷Juhuu bede ywidýýna awi aòkò rare. Awiikeki tahe ijò týmyraò ròhònyötyhy. ⁸Deuxu dori ihetxina-ki tamy awimy aòkò ihýre. Kawesemy dori rarybere: —Txuò kanakreu tahe, bede ywidýýna týmyra aritobinykremy Juda sýmahādu-wana judeu sýmahādu-wana. ⁹Bede ywidýýna

týmyra ihetxina-ribi iwitxira rarekere. Ihetxina retobinyre tybyreny-ò. Iu Egito-ribi retareu, retobinyre. Tiiboho bede ywidýýna týmyra-ò rieryöre. Tai riywinyöre bede ywidýýna. ¹⁰Kiawese bede ywidýýna týmyra rarekre, Wanyrý Deuxu rarybere: —Wabede ywina iraykywydyna-di ariritinykre iwo-ò aritidikre wabede ywina. Jiarý iDeuxumy ararekre, tule tiiboho wasý ijoimy roirekre. ¹¹Kia txuò rahukredi tahe ibutumy riwaerykre tasòmo-wana, tanihiký-wana. Tiu wii riernanyötyhy Wanyrý Deuxumy. ¹²Ruxetòena tamy ariwahinykre taðrarutedenamy. Iðrarureny ibutumy wanohòti iribi rosakre. ¹³Bede ywidýýna týmyramy Deuxu rarybereu, ihetxina retybyra raseruserunyra. Taita awiöra heka.

9Juhuu bede ywidýýna-ki bede rybe ritina rýimyhýre Deuxu-ò deàlàna timybo rawahinykemy. Tule rýimy raremyhý tykyheto bederahy-ki. ²Iwo-ki inatxi rareamy rýimyhýre. Juhuu irareasana-ki Deuxu iðhònasý heka inire iwo-ki tahe adýý loosòna rýmyhýre. Tule tii paò brebuna deòtena òwòrubesetyre-ki rýimyhýre. ³Tyky ijòtòbòna hewo ludu rareasa tahe Deuxu sýle inire. Òkòsy nihiký rihitxinyre ijò-ribi. Tule tahe òwòruwodýýò rýire womati týrýrýhýkýle ihetyre. Iwo-ki tahe xiwena deòtena. Tai riwosinymyhýre týnyre reakemy. ⁴Òwòrudýýrawo-ki tahe womati týrýrýhýký butxi riðre ibòbese-di rýire, iro-ki ihina rýire mana ta irybereny-ki inire. Tule Araò hoju rýimyhýre tai ruhunymy raremyhý. Tule bede ywidýýna riti mana tyre-ki tai roimyhýre. ⁵Tule iratyy tyre-ki rýimyhý ýju ritxoo inatximy. Teubrordile tahe riwòmyhýre. Òwòru wodýý ratòbòna tikibo Deuxu iny òraruna riixāwidýýnymyhýre wahe. Tahe tuu rýbeönyrenykre kia aömydýýnana

tai r̃yiremy. ⁶Kia ibutumy rexihureu xiwena wahid̃ỹdu mahādu ralòm̃yh̃re juhūu rareasanawo-ki taaòm̃ys̃d̃ỹna tyhy wid̃ỹmy. ⁷Ihewoludu rareasana-ò iwedule ralòm̃yh̃re. Beòra beded̃ỹnana sohojimy sohojile tamy ralòm̃yh̃re. Iròdu riw̃ym̃yh̃re ihālubu ritxiwikemy xiwenamy. Taòraru-ò iny witxira òraru-ò tule. Inyòraru-ki tii mahādu aōna aōnamy rot̃ỹnyreny rexieryenyōhyylemy, kiabro-ki. ⁸Deuxu Tyytybytyhy kia ijyy-di iny ribedeerynym̃yh̃re. Juhūu tyky heto r̃yireu, inybohoò heka Deuxu iòlōnas̃-ò ralòòm̃yh̃re. ⁹Kia heka wijina bedeerynare. Juhūu dori xiwena witxira witxira wahid̃ỹna witxira witxira uriōno rare. Kia urile iwahid̃ỹdu iwo irayky-wana riòbitinyōhyyre. ¹⁰Juhūu ludu aōmyd̃ỹnana bede ywinale rare. Rawitxirakekile tahe ròhònyke. Tii tahe r̃ys̃na bede ywinamy rare, monatyhy bede ywinamy, aōna aōna surona bede ywinamy. Iny kia bede ywina ibutumy rityhynkemy r̃ym̃yh̃re.

¹¹Kristu dehemynydeu, iu tahe rawitxirad̃ỹre. Kristu Xiwena wahid̃ỹdumy ratxim̃yh̃re. Tai tahe ibutumy rawitxirad̃ỹmy roim̃yh̃re. Tii ralòm̃yh̃re tyheto t̃myra-ò. It̃myra tahe biu-ki rare. Kabede-ki aōkō ih̃yre; hābu iwid̃ỹdu aōkō rare. ¹²Kristu ralore Deuxu Tyytyby s̃ynawo-ò tahālubu òrarukile ralore. Sohojihyyle ralore iny tarasanarenymy inydeereny riwahinykremy. Iròdu hālubu-di aōkō ralore, broreni riòre-di aōkō, budoeni hālubu aōkō wahe tahālubudile. Tai iny tarasanareny rimyhyyre. ¹³⁻¹⁴Juhūu buddè broreni Oriòre hālubu-di raxiwenanyreny. Broreni bryby riub̃t̃nyre iny tyre-ki iaòsusu-ribi rahòkemy. Juhūu xiwena iny taòraru-ribi risuhòkeki, iratyre tyhy Kristu hālubu iny risuhòke. Tai iny raykybina bina ritam̃yh̃re tule

inywo aō aōkō rare, ritam̃yh̃re. Idi tahe iny Deuxu irumy ratxim̃yh̃re dee wimyri kiwinyrenykre. Tii òbitimy ih̃yre iny dee rurureki. ¹⁵Kristu tahe bede ywid̃ỹna t̃myra wedu rare. Tai tahe ibutumy bede ywid̃ỹna t̃myra mahādu namyh̃de ibutumy aōmybo rarybere ritakemy. Tii dori rurure iny òrarureny dire-ki ihetxiu bede ywina aōmyd̃ỹnana r̃ym̃yh̃re, tii rubu-ò rexiwahinyre. Tai inyboho òraruna-ribi rexitareny. ¹⁶Inyò rum̃yh̃re-wana tii iny dee ritinaò ririm̃yh̃re kia ritina rarybere: —Moòbo taaōna aōna riwahinymy ririkre. Iny rururem̃yh̃re xiery tahe, ritina awi rare. ¹⁷Kia ritina aō aōkō rare iwid̃ỹdu tyhy irumy ratxikeki, rubumy roim̃yh̃rele ritina aō rare. ¹⁸Tai tahe juhūu bede ywid̃ỹna ijō hālubu txiwixina dire. ¹⁹Moisesi Deuxu bede ywina wahid̃ỹ rahudi, tii bede ywina tyre ritxiwire, iny ratytyre riub̃t̃nyre budoeni hālubu-di broreni riòre hālubu-di bewana riurinymy riub̃t̃nyre. Tule buddè siratykysò-di riub̃t̃nyre. ²⁰Iu tahe tuu rarybere: —Kia bede ywid̃ỹna t̃myra hālubu rare. Deuxu wadee rarybere kaiboho bityhynkemy. ²¹Tule tykyheto-ki hālubu riub̃t̃nyre deàlana aōmyd̃ỹnana-ki ²²Bede ywina rybe dit̃nynde ibutumy hālubu-di risebenyre, hālubu txiwixina ihoòkeki òraruna rexihuòtyhy.

²³Kabede aōmyd̃ỹnana biu aōmyd̃ỹnana wesele rare. Tai tahe Kristu tahālubu-di kia ibutumy risuhore. Tai iratyre tyhymy ih̃yre. ²⁴Kristu heka templo hābu wid̃ỹna-ò ralòòre. Kia tahe inatyhy heto aōkō rare. Biu-ò Kristu ralore Deuxuko-ki kia tahe is̃y-tyhy rare. ²⁵⁻²⁶Tii sohojihyyle heka rare iny òrarureny riixāwidid̃ỹnykemy rubu-ò rexiwahinyre. Xiwena wedu wese my aōkō ralòre. Kia xiwena wedu aōu aōu beòralemy hālubu-di rara xi-

wemyhÿre. Kristu tahe sohoji hyyle rubu-ò rexiwahinyre. ²⁷⁻²⁸Iny rurumy-hÿre sohojihyylemy idi tahe Deuxu ywisidÿÿna hitxinatxu kanakre ibutu iny. Kristu rurure sohojile sôwemy iny òraru ixityre riatykemy. Inyô tamy rete-hemy riraômÿhÿre wana, tamy ixi-tyre kanakre òraru ixâwididÿÿnamy iny tarasanarenymy.

10 Juhu bede ywina rybe urihimÿðle iny ribedeerynyre Kristu aômÿdÿÿnamy. Bede ywina itÿnytyhymy aôkô iny dee roire aômÿbo Kristu inydeereny riwinykre. Ubòròròna wesemy inydeereny dobehede bede ywina. Tai tahe tiu iny riòbitinyôtyhy xiwena-di reamyhÿre beòra ihyymy aôkô. ²Aôkôkeki beòra beòrau idi reaôtyhy. Aôkôkeki sohojihyylemy xiwena riwinykre. Sohoji bede dÿÿnanadile iòrarureny rexihuke. Tahe aôkôre beòra ihyymy aôkô xiwena-di reamyhÿre. ³Tai tiemy òraru-di hyy heka rôhôtinymyhÿre. ⁴Broreni hâlubu, budoeni hâlubu òraruna rahuôtyhy. ⁵Tai Kristu kabede-ò dehemynydeu, rarybere: —Deuxu, broreni hâlubu budôe hâlubu adee awimy aôkô ihÿre. Tai tahe waumy teywinymy ahâte axiwenamy aroikremy. ⁶Kai heka awimy tai tahaôhyte iròdu hâlubu xiwena-ki òraru tuedenamy. ⁷Tahe jiarÿ rarybere: —Betehe inihe waumy rubu-ò rewahinyrað iwese ritidÿÿna rybe roimÿhÿre wesemy, adeewina ibutumy arityhynykre wahe. ⁸Tai Kristu juhuhu rarybere: —Deuxu, broreni hâlubu budôe hâlubu adee awimy aôkô ihÿre. Tai tahe waumy teywinymy ahâte axiwenamy aroikremy. Kai heka awimy tai tahaôhyte iròdu hâlubu xiwena-ki òraru tuedenamy. Kia rarybere bedeywina rybe hârele. ⁹Tahe ixityre rarybere: —Deuxu kakile watxireri adeewimy ariwinykemy. Juhuu bitake xiwena ihewoludu

ritidikemy, Kristu xiwena wahe. ¹⁰Kristu rurure iny òraru-ki. Ixiwena sohojilemy rÿire tuhy ramyÿre Deuxu deewina wahe. Kabede ywidÿÿna tahe itÿmyra ihÿre. Tai tahe iny riòbitidÿÿny hyy rarekre. ¹¹Xiwedÿÿdu txuô txuôlemy rixiwenanymÿhÿre. Tii tahe tiu inyòraruna ritaôtyhy. ¹²Jesuisi tahe sohojihyylemy òraru xiwena riwinyre. Iny òrarunareny riixâwidinymy rahudi Deuxu rurunawe-ribi ronyre, riwowodynmyhÿreki. ¹³Tahe Kristu riraômÿ ronymÿhÿre. Taðludu ruru iribi ritakemy tawarawo-ò Deuxu ritidikemy. ¹⁴Jesuisi dori sohoji xiwehÿy-di, iny riòbitidÿÿnyhyymÿhÿre. ¹⁵Deuxu Tytybytyhy tule kiamy rarybere. Kiawese ritidÿÿna roire: ¹⁶—Kiawese bede ywidÿÿna tÿmyra rarekre. Wanyrÿ Deuxu ijômÿ rarybere: —Wabede ywina irayky wydyna-ki ariritinykre, aritidikre wabedeywina iwo-ò wahe. ¹⁷—Idi ixityre rarybere: Ruxetòena tamy ariwahinykre iòrarutuedenamy. Iòrarureny ibutumy wanohôti-ribi rosakre. ¹⁸Òraru wanohôti-ribi rosareu, idi rehureu, tiu xiwena rÿiôtyhy tuu rahukemy.

¹⁹Katahe, waseriøre, rekexiuware-
semy rikirònyrenykre Deuxusÿ-ò. Tamy rekexitòenyrenykeny Jesuisi hâlubu dejuxuna òraru-ki sohojile rikirònyrenykre. ²⁰Jesuisi dori rytÿmyra riraynyre Deuxu-ò wesirahana yra-di ralòkemy. (Iwese xiwedÿÿdu wedu ralòmÿhÿre wese, inyboho wiji ralorenyke.) ²¹Tule iny xiwe wahidÿÿdu nihikÿ ijòdireny Deuxu heto-ki. ²²Tai rikitehemynyrenykre inraykytyhy ywinakemy inatyhynatyhymy òbitinatyhymy nohòtimy, rati betyhy ixâwina-di sebena-di inyumyreny. ²³Inatyhyna rikiyrubunyrenyke inyararòsònareny wahe. Aôbo Deuxu inydeereny riwahinykemy rikiraròrenyke. Tii dori inatyhy rare. ²⁴Tule widi

rôkôhôtinyrenyke wiluurenymy
rakatxirenykemy wiwiôhedÿÿmy
rakatxirenyke. ²⁵ Uritere ixihitxidÿÿomy
tamy beahyy rakatximahârenyke. Ijô
dori dohodÿÿna-ò noderamy reamyhÿre
kia awi aôkô rare. Inyô ryrîbi
rexidôrarienyhyÿkeki, tamy rakarybe-
myhÿrenyke kôddôsekemy ixby.
Inynyryÿtxu dori iôhomy resera. Tai tahe
sôwemy rôkôteôsîdÿÿnymyhÿke.

²⁶ Iribi inyboho inatyhyna ibutumy
rieryrenymy rahudi, tahe kia hârele
heka ôraruna-di rariamyhÿkeki, ôraruna
xiwena roiômyhÿre inydeereny iny
ôraruna tarasana wahe. ²⁷ Kia-ribi tule
brebu rÿimyhÿre Deuxu ywisidÿÿnatxu
lau. Deuxu heôty ratyradÿÿdu lau
ruberumyhÿre. Kia Deuxu ôludu
rahukemy rÿimyhÿre. ²⁸ Ruxetôena-di
aôkô inyô rurure Moisesi bedede ywina
riywinyôreki. Itxeredu inatxi ada
inataô-di aôbo raryberenykemy.
Tai rirubunyre. ²⁹ Kia-di dori
mohôtinybenyke. Inyô Jesuisi rybe-di
risinykeki, iratyremy ibinatyhymy
rarekre tamy. Tii sôwetyhymy
aôhökÿmy rotÿÿnykre ibutu ratyre.
Inyô Deuxu Tytybytyhy ruxetôena
aô aôkômy idi rôhôtinyre ibinamy
tuu rarybemyhÿre. Jesuisi hâlubu aô
aôkômy idi rôhôtinyre ibinamy tuu
rarybemyhÿre. ³⁰ Deuxu kia rarybere:
—Txîôhe iny ôwydÿÿdu jiarÿ rare.
Inymy jiarÿle arexiôwynykre.

Inyboho rierymyhÿrenyre kiamy
rarybemyhÿre. Tii kiawese rare. Tule
ijômy rarybere: —Inynyryÿle taijoi-di
ywisidÿÿna-di riywisidÿÿnykre.
³¹ Deuxu irumy rare. Tii brebuna-di
tyhy rareke. Iu iny tamy ibinakeki, tii
dori idi rehuke.

³² Juhuu Kristumy teerytenyteu,
awimy heka ahâtenyte. Kia-ribi ôhôtî
losarenyômy. Kristu ôraru-ki aôhökÿmy
tatÿÿnytenyte. Ihârele tahe Kristu-wana
hyy toitemahâ. ³³ Inyô umyreny

robireu, tai akireny rutxuenyke,
tule akireny ôhôte itamadÿÿnyre.
Ityhydÿÿdu seriôre mahâdu inyô
aôhökÿmy risÿnyreu, kaiboho
tewotôenytenyte. ³⁴ Inyô rôtenawo-ò
ridykeki tai tewotôenymahâtenyte.
Inyô ahôrô-di rawasinyreu, urile
teysate. Ahôrô dori iratyre sôwemy
rÿimyhÿre biubede-ki. Tai aôna aôna
tiu rabinaôtyhy. Kia teerymahâtenyte.
³⁵ Uritere ararôsôna-ribi awo
xierysÿomy. Kai dori uriôno nihikÿ
bitakre. ³⁶ Ywinihikÿ-di heka rokoireke
Deuxudeewimy rikiwinyrenykeny.
Tai aôwihikÿmybo Deuxu rarybere,
rikitarenykre. ³⁷ Ritinamy tahe
rÿire: —Txîokre inihe. Urihimyô
biraôke. Kia kanakre inatyhymy. Tii
rarorehenyôtyhy.

³⁸ Waityhydÿÿdu mahâdu ôbiti
iruhyymy rÿirake, riwatyhynyreki.
Inyô tahe rôdsekeki tamy
wadeysaôtyhy.

³⁹ Inyboho heka tahewo-ò ôkôsedu aôkô
roire. Ityhydÿÿdu dori roire, iruhyymy
nodu, biu-ò hena mahâdu wahe.

11 Aôbohe ityhyna rare.
Aôna aônaô iny inatyhymy
riraômyhÿreu, kia tahe ityhyna
rare. Inatyhymy dori kanakre iny
rierymyhÿre, iny tuu robiôlemy.
² Ihetxina mahâdu Deuxudeewimy tuu
ihÿre, rityhynymyhÿreki. ³ Juhuu Deuxu
aôna aôna bedede bedemy riwinyre. Iny
inatyhy hynale kia rierymahârenyke.
Deuxu lobixiôna-di ibutumy aôna
aôna riwinyre. Idi tahe lobixinamy
rôhônnyre iny itxerenarenymy.
Deuxu rarybere. Tai tahe aôna aôna
ritxienyke. ⁴ Taityhydÿÿna ôraru-ki
Abeli Xiweô riwahinyre Deuxu-ò. Kaï
xiwedÿÿna ratyre tamy riwahinyre.
Abeli rityhynyrekile riwahinyre, tai
tahe Deuxu reysare, ôbitimy rareki.
Tai ixiwedÿÿna Deuxu riwyre. Abeli
tahe rurure. Ihârele, iwese tii ityhyna-di

raremyhÿ wese rokoireke. ⁵Enoi tatyhydÿÿna òraru-ki tiu ruuòhyre. Enoi Deuxudeewimy riwinyre tuu Deuxu juhuu rarybere. Aòwesele iòmy reare. Deuxu ridymy reare. ⁶Inyò ityhynaòkeki, tiu Deuxudeewimy aò iwidÿÿòna. Inyò Deuxudee iòhòmy ratxikeki, tii rityhynymyhyke inatyhymy Deuxu-wana ihÿre. Deuxu dori tamy rexideòsinykemy ratxireri. ⁷Noe tule ityhyna dire. Tii hāwò nihikÿtyhy riwinyre. Aòhebo rotÿÿnykremy robiòhyre. Ihārele tahe Deuxu rybe rityhynyre. Tai tahe tasÿ mahādu ritare rubu-ribi. Bedeludu mahādu tahe rurure. Noe tahe Deuxu riòbitidÿÿnyre, ityhyna òraru-ki. ⁸Abraò tule Deuxu rityhynyre. Deuxu ijò bede-ò diteònydeu, Abraò irybe riwinyre, rare taijoi-wana. Deuxu tamy rarybere suò tamy rihitxinykemy isÿmy. Tai Abraò rexitare, rare ihāwā bede ierykōna-ò. ⁹Ityhyna-di rasÿnyre kia bede-ki. Tyky heto-ki rahetonymyhyre iwese ijò bedeludu witxira mahādu rahetonymyhyre wese. Ibede rarehārele tahe ihòròmy aòkò rōhòtimyre idi tuu aòkò rexinohòtinyre. Tariòre Ijai, Ijaò-wana rasÿnyre. Tamy tule Deuxu rarybere iwese tyby-ò narybede wesemy. ¹⁰Abraò tahe hāwāò riraòmyhyre. Deuxu widÿÿna hāwā biu ludu-ki. Kia hāwā Deuxu nohòti-ribi nyide. Kia hāwā dori tiu rabinamy rejuxunyòtyhy ihetotira kyhyna direki. ¹¹Sara ityhyna dire. Tai ruu dire uladusemy ronykemy ibeòra sòwere hārele. Tii tahe rityhynyre tuu raryberemy. ¹²Sara iòhòmy irubu roire rasenadunyreki. Ihārele tahe sòwemy rariòreridrenyire. Iwese taina rudera wese, ÿnyra sòwewese.

¹³Kia heka ibutumy rityhynymyhyre. Idi tahe ituerenyre aò heka rimyòre Deuxu rybe lidisinaò. Ireheribile tuu robirenyre; reysarenyre. Tiiboho rarybe-

myhÿrenyre kabede ludu mahādu aòkò raremy, isÿreny mahādu aòkò raremy. ¹⁴Tii heka rarunymyhyre sÿwihikÿmy tai raerymyhyre tuu rarybereki. ¹⁵Tamy wikeki riòkeserenyra inihe tahe aòkòre, noderare. ¹⁶Wiji tahe tii sÿwihikÿmy biu-ki rarunymyhyre. Tii dori ijò ratyre rare. Deuxu isÿ wihikÿ riwinyre tai tahe inyò iDeuxurenymy rarybekeki, tai Deuxu tiu raixÿruòtyhy.

¹⁷Deuxu Abraò urihixina-di reareu riwahinyre Ijai xiwenamy. Tariòre sohoji riywinymy rÿire xiwenamy rurukremy. Tii Deuxu rybena-ki iriòre rarehāre. ¹⁸Deuxu dori juhuu rarybere: —Ariòre Ijai ariokoretybymy rarekre. ¹⁹Abraò rieryre Deuxu iruru dire rubu-ribi riixixadÿÿnyke, tii Deuxu rityhynyreki. Abraò dori rōhòtinyre rawasenanyre. Ijai juhuu rubu-ribi ixixa wesemy reare, raumynyre. ²⁰Iribi tahe Ijai tyhyna-di rarybere Ijaò dee, Ijau dee aòbo kabede-ò kanakremy aòwihikÿ wahe. ²¹Iribi tahe tule Ijaò rarybere Jyje riòre dee, tariokoreboho-ò. Ityhyna-di rarybere. Ijaò iòhòmy rubu-ò ihÿre, òwòru-ò reximymy rariammyhyre. Tahe òwòru-di rexilamadÿÿnyny rÿire rexitòenykemy Deuxu-ò, riwowydynyremy wahe. ²²Iribi tahe tule Jyje iòhòmy rubu-ò ihÿre. Tule ityhyna-di rarybere judeu ijai Egito bede-ribi kòdòhònykemy. Tule tahe tarybe ririre titxibo itityby rÿikremy. ²³Iribi tahe Moisesi reareu, tybyboho iseboho riwòrenyre inataò ahādumy tatyhynarenny-di ihÿrenyreki. Moisesi itohouā ruxerare. Iòlò rubudÿÿ bede ywina rybemy rarybere. Moisesi tyby-wana kia bede ywina rybe lau ruberuòhyre. ²⁴Moisesi raumynyreu, Faraò riorerioresy noderare tii tatyhydÿÿna òraru-ki. ²⁵Tii heka tamywire Deuxu erydu mahādu-wana aòhòkÿmy rotÿÿnykre. Urihimyò òrarumy reòwarike derare heka rare.

²⁶ Moisesi, Egito bedeki aõna aõna wiihikỹ rỹramyhỹ derare. Iny tamy aõmy rarybehinamyhỹre. Tahe ibinamy rõhõtinyõmyhỹre. Kristu dori riraõmyhỹre, biu-ki uriõno idi rõhõtinymyhỹre. ²⁷ Moisesi Egito bede-ribi rõhõnyre, ityhyna direki wahe. Ruberuõhyymyhỹre heka tii iòlò deburehekỹ lau. Iwese Deuxumy lobixiõnadu iko-txi robire wesemy, rõhõnyre. Tii tahewo-ò ròðseõhyyre. ²⁸ Moisesi heka Deuxu rityhynyre. Tai tahe pascoa worana bedehesi riywinykemy beõra beõramy rarybere. Hålubu ijò-ò ritxiwire. Tai ýju heka iny riòre delareny rirubunyõre. Egito riòre delareny rurure tai. ²⁹ Iwese surubu tyre-di reurore wesele judeu mahádu Ahobesò rawo-di reurore beõlemy. Iu Egito mahádu reuròkemy rareu, urile bee idi raratòbòre. Kia riwinyrenyre ityhydỹñadireki. ³⁰ Ijeriò hãwã mana òtity nihikỹ resere judeu mahádu rityhynyreki. Debò inatxi reurò txuumy hãwã rora-ki rariare tahe resere. ³¹ Raabe heka hãwyy uriuri ixidinodu rare, wedena wahe. Tahe Deuxu tyhydỹñdukòdu mahádu rexihureu, Raabe ruuõre tatyhydỹña-ki. Bede-di itxeredu riwòreki.

³² Timybohe ijõmy ararybekre? Wasirare heka ibutumy tuu ararybekre, sòwereki. Kideõ ijo, Barake, Sansaõ, Ijete, Davi, Samueli, tule Deuxu rybemy rybedu mahádu sòwere. ³³ Kaheka ibutumy riwinyre tyhyna-di. Ijõ iòlòhãwã-di rahỹñanyre. Òbitina riwinyrenyre. Ritarenyre aõmybo Deuxu rarybere. Leaõry dori rirarytxinyre. ³⁴ Rirõnyre heòtywo-txi ihãrele ruuõrenyre. Mayrehe rubudỹña-ribi rexitarenyre. Bina-ribi ixyby rarurunyrenyre. Ijõ aõbina-ki irurudityhymy ratximyhỹre. Tai sòwemy aõbinadu iribi rahenyre. ³⁵ Tasỹõ rubu-ribi riixixanyre

hãwyyõ rityhynyreki. Ijõ maháduõ aõhòkỹmy dỹñnana-ki tamy reare. Ixitarasamy rõhõtinyõhyyre aõhòkỹmy dỹñnana-ribi. Tii dori umytuedeõna wihikỹ-di rubu-ribi rexixakredi rõhõtinymyhỹre. ³⁶ Ijõ ityhydỹñduõ idi rybe jei jeina-ki ratximyhỹre. Tule tai òhòte rỹire reruti òhòte-di. Tule ijõ womati reroti-di rataataare, ihymy idi rehure ròtenawo-ò. ³⁷ Ijõ mana-di riwure. Ijõ sehòtxi-di riwetyaòròre, wiere riatyre. Ijõ mayrehe-di rirubunyre. Ijõ ityhydỹñdu-ò budoeniy-di watxinityy-di idi rexitynyre, rama risarenyre, aõhòkỹmy risỹnymy inyõ tòtxi ririõhyyre. Ijõ heka aõbinalemy tamy reare. ³⁸ Kia ityhydỹñdu maháduõ ibutu iny ratyre Deuxu dee wire. Kabeledudu ityhydỹñdukòdu mahádu wese aòkò tiiboho roire. Hãwãlòmý, bederahymy, hãloomý, kia ibutumy bededi rariamyhỹre iwese iny isỹkõmy rỹire wese. ³⁹ Ibutumy iribi rakaraykynyrenyke tiiboho dori inatyhynarenydireki. Tahe urile Deuxu rybe wahisidỹña ritaõmyhỹrenyre. ⁴⁰ Deuxu dori iny-ò riraõmyhỹre Kristu dehemyynyna wahe. Ihewo-ribi tahe kia inydeereny riwahinykre, wiwanahyye. Tai tahe idi awityhymy iny ibutumy rõhònykremy.

12 Sòwere inydireny itxeredu. Iny robirenylemy rỹirerimy ihỹre. Tai tahe tako-ò rekekoamyhỹrenykre. Deuxu dori inydeereny riwahinyre. Òraru iutxiere inyhireny rỹire. Tai tahe rikiatyrenyke òraru ibutumy inyboho dori rimymyhỹrenyre. ² Jesuisi-ò sohojile reketehemyenye. Tii dori inatyhydỹña deledỹñdu rare tule inatyhydỹña konanadỹñdu rare. Jesuisi deysana kanakredile rõhõtinymyhỹrenyre. Tai tahe rahõtinymyhỹre. Tai tahe aõhòkỹmy rotỹnyre, itxèò nihikỹ-ki rurure. Tai tahe ixỹru tamy reaõhy

rurureu. Wiji tii ronymyhÿre Deuxu ryna ruruweribi-ki. ³Jesuisi dee hābu binahakÿ aōbinamy reare. Tahe rawobinarybenyōhyre. Tai tahe idi rōkōhōtinyrenyke iwese rakatxirenykemy. Uritere bedeworenyōmy bedeworenyōmy. ⁴Boholabenyke, òraru ijesu òraru-ki inyō aribireny ruruōhyimy ihÿre. ⁵Deuxu tariōre dee rybe wesele adeereny rarybemyhÿre. Kia-ribi aōbohe òhōtirenny rosara. Kia wese Deuxu rarybera: —Wariōre, araòbitidÿñnyreu, uritere adebureōmy, alisina aōkō dori rare. Deòsana rybemy adee ararybekeki, uritere bedeworenyōmy. ⁶Deuxu dori aluurekile araòbitidÿñnykre. Deuxu tariōre wesemy inyō rimeyeki, aōhōkÿmy risÿnymyhÿre iòbitidÿñny. ⁷Tybydiō aōbohe uri tariōre-di uri aōbohe tyby idi rÿira tariōre riòbitinyōmy? Aōkōre. ⁸Ibutumy iny òbitidÿñny Deuxu rurumyhÿre. Inyō òbitidÿñnadiòkeki tii iriōre inatyhy wesemy aōkō rare. ⁹Tule inatybyrenny inyeereny retehemyhÿre inyboho riòbitidÿñnymyhÿrenny. Tai tahe iny riywinymyhÿrenny. Deuxu tahe inatybyrenny rare. Inatybyrenny ratyre tahe tuu rikiywinnyrenny, tahe irumy rokoireke iurenana. ¹⁰Iny tybyrenny urihimyo bededÿñnana-di riòbitidÿñny iwese tamiwimy rōhōtinyre wese. Deuxu tahe iny riòbitidÿñny rekexiywinnyrenny. Iwese òbitimny tii raremyhÿ wese rokoirekemy. ¹¹Inyō òbitidÿñnamy deramy reakeki, tii deysamy aōkō rareke. Òbitidÿñna bedewona-di rare. Rexihuredi, tahe wiòhedÿñnamy reamyhÿre modeebo reamyhÿreò, irumy ywina-di rarehyke. ¹²⁻¹³Kai bedewokeki, aumy-di, arayky-di iruruōra, ihārele tahe birurudÿñnymy bimnyke. Ati tule iruruōre ihārele tahe, myike òbitimny. Betehemy, biywinny

ryòbiti-di mariake. Tai tahe ijō iny reyterenykre, raòwenyōtyhy.

¹⁴Ainytyhymy inydee ibutumy ahābenyke tule bexiòbitidÿñnymy ahābenyke. Iny òbitimny rÿiòkeki, tiu Deuxumy robiòtyhy. ¹⁵Inyō tahewo-ò Deuxu ruxetòena-ribi ròðseke lau kaiboho bexiebenyke. Tule amahādurenny-ki alòbòrònahyre wesemy inyō ihÿke lau kaiboho bexiebenyke. Kiakeki, sòwemy iny rahyrenny òraru uri wesemy. ¹⁶Tule bexiebenyke inyō òta òta òraru-txi reseke lau ada Deuxu tòhōti ribi rosake lau. Ijau tahe Deuxu-di rōhōtinyōre. Tyby rurukreu aō tarasana-di tii rohonyre byrena sohoji òwylemy tahelÿña-ò rohonyre. ¹⁷Iribi tahe òhōtirenny losarennyōmy. Tii dori rōhōtinyre taaōwi-di ixyby imynny reare. Tahe aōkōhyre rahinyrehārele. Rabedewomy ronyre Ijau dori rÿsÿna deròwymy taaōwi riwahinyre taexi-ò. Inyboho tahe rekexiywinnyamahārenny itxÿte lau.

¹⁸Deuxu tabede ywina rybe heka judeu mahādu-ò riwahinyreu, tiiboho Sinai hāwālò heòtyko-txi rÿire. Sòwemy heòty bedeluru yhynihikÿ tai reare. Tiiboho rubuerurenny. Kaiboho tiu breburennyōmy ahābenyke iwesereny. ¹⁹Txurònaò rurònyre nihikÿmy. Tule rybeò rarybere. Iny ibinamy tai rōhōtinyre. Tai tahe riixāwidinnykemy Deuxu dee rarybere. ²⁰Iròduò hāwālò-di tawa ritidikeki, iny mana-di tami rehuke irubudÿñny Deuxu rybemnyamy. ²¹Tai tahe iny tahewo-ò rexihejire brebumy. Moisesi tule, rexiòhārunny tuu robireu. Ramytatamy brebumy. ²²⁻²³Kaiboho dori iwitxira hāwālò-ò tetehemnyta, Siaò hāwālò-ò, Deuxu hāwā-ò. Kia biu-ki Jerusalē rare. Sòwetyhymy tai ÿju mahādu rÿire bedewesina-ò. Ibutu butuna rare. Deuxu riòre sohojile butuna-ò

tehemynye, dohodÿÿna mahādu wahe. Ibutumy ityyriti-ki ini roimyhÿre tamy rehemynye. Deuxu-ò tehemynye ibutumy erydumy ratximyhÿreò. Inyhÿkÿna mahādu òbitimy rÿira mahādu-ò tehemynya. ²⁴Tule Jesuisi-ò tehemynye. Tii iny lobitÿmyradÿÿdu rare. Ihālubu-ò tehemynye. Abeli hālubu ratyre awimy ihÿre. Jesuisi hālubu dori inydee aōwiwihikÿ rare iny òrarureny òraru-ki dori ritxiwire iny riòbitidÿÿnykremy. ²⁵Boholabenyke Deuxu rarybemyhÿreu, boholabenyke. Kia Deuxu roholaōmyhÿre mahādu, rexihumyhÿre kabede-ki. Tii biu-ribi narybedeò, rokoholaōrenykeki, tule inyboho rekexihurenyke. Inydeereny aōnityhykre. ²⁶Iu rarybereu, bede ramytatatyhyre. Tahe tii rarybere: —Sohojimy ixityre bede biумы arimytatadÿÿnykre. ²⁷Kiamy heka rarybereri. Aōbo relemy, urile ixāwikre aōbo ixāwidikōnalemy rÿirakre. ²⁸Tai tahe Deuxumy rikiālārenyke. Inyboho dori Iòlōnasÿō rokoirenykre kia rÿihyummy rarekre. Iwese Deuxudeewire wese rikiālārenyke ityhyna-di òhāruna-di. ²⁹Deuxu ykarana dori heòty riworonymyhÿre wese rare.

13 Ityhydÿÿdu seriòre wiluummy ahābenyke. ²Aōtxile aroraluduò bimhyummy ahābenyke. Inyō kawese risÿnykeu, ÿju dori riwiòhenanyre, rieryōhyre mobo rare. ³Ròtenawo-ki rÿire mahādu-ribi nohōti losarenyōmy. Iwese kai tii-wana atximahā wesele, aōhōkÿmy botÿÿnykre. Aōbinahakÿlemy tamy reamyhyre mahādu-ribi nohōtilosaōmy. Iwese inyō adeereny aōbinahakÿ riwinymyhÿre weselemy idi mohōtinybenyke. ⁴Ibutumy bityhynybenyke ahāwymy herina, hābu tahāwyy-wana sohojile roike. Deuxu dori aōhōkÿmy risÿnykre òta òtana nodu tule òbitimy raòdònyōre mahādu ixi-di ròtemy

aōkō boibeki. ⁵Aōnihikÿ nieru tarasamy ixinohōtidÿÿrenyōmy. Aōbo akireny rÿiredile, beysabenyke. Deuxu dori rarybere: —Tiu kaiboho wanohōti aribi rosaōtyhy. Tiu heka araatyrenyōtyhy. ⁶Tai tahe rikityhynymy rakaryberenyke: Inynyrÿ iny wiòhedÿÿdurenre. Tai tahe tiu rukuberurenyōtyhy. Inyō wadee aōbina riwinyōtyhy.

⁷Aerydÿÿdurenre-ribi nohōti losarenyōmy, tii adeereny Deuxu rybe rothodÿÿmyhÿreki. Aōbo iruna konana-ò riwinymyhÿredi, mohōtinybenyke. Iwese inatyhyna-di rÿimyhÿre wese kaiboho inatyhyna-di atximahābenyke. ⁸Kanau, wiji, Jesuisi Kristu wiwesele ratxireri. Tiiemy iwesele rarehykre. ⁹Deuxu ruxetòena ixinamy arayky rirurudÿÿnyke. Roxina bede ywina wiòhena aōkō ratxireri. Kia heka moo tiu riwiòhenanyōhyre. ¹⁰Inyboho xiwena witxiradirenre. Iribi tyby hetowo xiwena widÿÿdu mahādu riroxiōtyhy. ¹¹Iròduò didyde tykyhetoworanora-ki hālubu ritxiwikemy. Xiwena widÿÿdu mahādu wedu tuu ritxiwire òraruna tuedenamy. Uritere iròdu umy hāwā òtity webòr-ribi riwòsinyre. ¹²Tai tahe Jesuisi tule hāwāhākÿ ijò webòr-ribi aōhōkÿmy rotÿÿnyre, iu tahālubu ritxiwireu inydeereny tðemy, iny riòbitidÿÿnykemy. ¹³Rokoirenyke tahe tamy hāwā webòr-ribi rikimynykemy iixÿrunayreò. ¹⁴Inatyhymy inydeereny tiiemy hāwā kabede-ki ihoōre. Tahe inyboho riraðmyhÿrenre biu-ki ijòdikre. ¹⁵Jesuisi òraru-ki tahe Deuxu rikiwowydynyrenyke. Kia iny xiwena wahidÿÿreny rare tamy. Tii iny rityhynyrenymyhÿre, tai tuu rekeālārenyke. ¹⁶Tiu rikiwinyrenyke aōwiwidÿÿ. Tii Deuxudeewire. Tule wii rikiwiòhenanyrenyke.

¹⁷ Aerydỹna mahādu biwinybenyke. Bityhynybenyke. Tiiboho dori aijesedureny ratximyhỹrenyre. Tii idi Deuxu-ò rirawyònymhỹre. Kaiboho bityhynybenykeki, tii teysamy raaòmaysỹdỹkre. Aōkōkeki bedewomy ratxikre. Tai arawiòhenanyōtyhy.

¹⁸ Wakireny bexitòeny-hyymahābenyke. Jiarỹboho wodeysanale-di rahōtinymahāre,

òbitina widỹydu-di rahōtinymahāreki. ¹⁹ Tule Deuxu-ò bexitòenyhyyyke jiarỹ ele elemy adeereny aròðserenykemy.

²⁰ Inynyrỹ Jesuisi Kristu heka Deuxu rubu-ribi riixixadỹnyre. Tii iny-di itxeredureny nihikỹ rare. Budoeni-di itxeredu weselemy inydireny retehemyhỹre. Tii tahālubu ritxiwire iny-wana bede ywina iixihudunakōna

riwinykemy. ²¹ Deuxu adeereny ibutumy riwahinyke tamy wimy kaiboho biwinybenykemy. Kia heka wadeewire. Jesuisi Kristu-ò wowydyna ibutumy rarehyykemy watximahāre. Kie.

²² Waseriòreboho, kia watyyriti nihiỹmy aōkō rewinyre. Tai tahe ywinamy idi boholabenyke rybe wiòhedỹna rybe tahe rare. ²³ Iny seriòrereny Tximòtxi heka ròtena-ribi riteònyrenyre. Ele elemy kanakeki, rakre wawana arorarenymy.

²⁴ Wawehityyna rybe ibutu dohodỹna mahādu-ò biwahinykre, aerydỹydu mahādu-ò tule. Italia bede ludu mahādu irybe wehityhyna adeereny diwahinyde.

²⁵ Deuxu ruxetòena akireny ratxikemy watximahāre.

Txiau

Txiau Ryberiti

1 Jiar̄y Txiau rare. Deuxu Jesuisi Kristu Inynyr̄y-wana deòdu rare. Ròritid̄ȳreri Deuxu mahādu inatyhy-ò. Ub̄ȳt̄my iny r̄yira mahādu-ò. Warybe weityhyna adeereny rewahinyreri.

² Waityhyd̄ȳdu aōna aōnasira seriòre, araurihixinanykeki adeereny kanamyh̄ykeki, beysamahābenyke.

³ Kia-di tahe ityhyd̄ȳdu tyhymy beleke.

⁴ Aurihixina ixinamy rexiòlònyke atyhykemy. Ixinamy kanake araurihikemy. Tai tahe raòbitid̄ȳnykre adee aō rasiranyòtyhy.

⁵ Inyò bedeery ihoòkeki, rexitòenykre Deuxu dee, tii dori ibutu dee riwahinymyh̄yre. Inyò lau dori ritòenyòhyymyhyre.

⁶ Urile tii iseòd̄ȳōmy bexityhynmy tamy bexitòenykre. Riseònykeki yhy òbò-di tiò rehumyhyre wese rare. ⁷⁻⁸ Kia hābu iòreki, awimy aōkō aōhebo rot̄ȳnymyh̄yre ywiòreki, tii Deuxu-ribi aō ritaòtyhy, irybe inatxire.

⁹ Iny aō ijòkōmy r̄ymyhyre, teysamy r̄yirake, aō ijòdikreki Kristu dori rityhynyre. Kia iaòdimy ityhymy r̄yira, tule teysamy r̄yike ityhyd̄ȳdumy. R̄yiraki aō ijòòkre hāre. ¹⁰ Ityhyna heka iny-ribi wylemy ituemyhyre kie iwese noijese ramor̄omyhyre wese. Tahe ityhyd̄ȳdu mahādu dee kia aō aōkō rare. ¹¹ Txutòteetyhy ròhònymyhyre dori alòbòròna rimor̄òd̄ȳnymyhyre. Tahe noijese rejuxunomyhyre. Tahe iruxerana riixāwidinomyhyre. Kia wesele hābu ityhymy r̄yire rexihumyhyre. Aōhebo rot̄ȳnymyh̄yre wetyatxile.

¹² Urihixina inyòdee kanakeu, tahe ijesu binaō wesemy ritakeki. Tai tahe tii reysakre. Tii tahe umytedeōna

heka Deuxu-ribi ritakre. Deuxu dori kia wahid̄ȳnymy rarybere taluunadu mahādu dee. ¹³ Inyò aōbina bina ixirana-di rexirakeki. Tii rarybeòtyhyke Deuxu riixiranomyh̄yremy. Inyò

dori Deuxu tiu riurihiòtyhy. Tule Deuxu riixiranoyòtyhy aōbina bina wid̄ȳ-di. Ixirad̄ȳdu aōkō tii rare.

¹⁴ Kiawese iny ixiribile rexirake, aō-di sōwemy ròhòtinykeki, tii arabònyre, araitxenanyre. ¹⁵ Kia urari-ribi tahe

òraruna ròhònymyhyre. Iribi tahe òraruwid̄ȳna-ribi rubu r̄ymyhyre.

¹⁶ Ixixenad̄ȳōmy waluuna mahādu, waseriòre mahādu. ¹⁷ Wahid̄ȳna

ibutumy bedeeryd̄ȳnatyhy Deuxu biu-ribi diwahinyde kia ibutumy loosònatyby-ribi naderi. Tiu heka rawitxiraòtyhy, tii aōu aōu iweselere.

¹⁸ Tii iny ixityre riwinomyh̄yre rit̄ymyranomyh̄yre tatyhyna rybe-di. Tai ibutumy iwid̄ȳna-ribi inyboho juhuurenyre, awirenyre.

¹⁹⁻²⁰ Idi mohòtinybenyke waluu waseriòre mahādu. Ibutumy

bexiywinymahābenyke iny-ò boholamyh̄ybenyke, tahe aōwimy aōkō marybeke lau, wymy adebureōmy. Hābu debure-ribi Deuxu òbitina rahenyòtyhy.

²¹ Abinamy aōhebo tut̄ȳnymyh̄yte ixi-ribi bitake idi biatyke. Tahe Deuxu rybe-ò boholake, kia dori iruruna dire atytyby kanatakemy.

²² Kaiboho bede ywina wid̄ȳdumy, bede ywina tyhyd̄ȳdumy boibeke. Aō ijohonadu mahādulemy aōkō boibeke.

Kiawesekeki bexiitxenanyke. ²³⁻²⁴ Inyò ijohonadule ronykeki, rybemynamy

nodu aōkō rare. Tii hābu itxerena-di itxerenadu wese rare. Itxerena-di ixidee retehereu, rexieryre iwese

raremy. Tahe rexitareu, aōwesele ixi-ribi tòhòti rosare timybo tii rare

wahe. ²⁵ Inyò tahe bede ywina òbiti-ò retehemyhyreki, rityhynomyh̄yreki tii tahe teysamy ratxikremy ibutumy

aõhebo rotỹnykremy. Tii dori ijohonamy nohõti losadu aõkõ rare. Bede ywina rybe widỹydu rare, ityhydỹyna wahe. ²⁶Inyõ bede ywina rybe widỹyduõmy rõhõtinykeki, tahe tõrõtõ riyrubunyõhyymhỹkeki, tabedeywidỹyna aõ aõkõ rare. Tii tawokile rexiitxenanyhỹre. ²⁷Iny Deuxu, Inytyby-ò kia bede ywina widỹyna òbiti rare. Uladuwyte, wytese-wana riwõhenanykemy. Tule aõbina bina aõmydỹynana widỹyõmy.

2 Waseriõre mahädu, kaiboho Inynyrỹ Jesuisi Kristu, tetyhynnytenyte loosõna wedu tii rare. Tai iny wiribi lahitxiõmy, wiweseweselemy iny-di atximahäbenyke. ²Kie inyõ tahe dohodỹynawo-ò kanalòkeki, womati debo tỹrỹrỹ-di tywihikỹ-di kanalòkeki, tahe tule iny aõkõdu mahäduõ kanalòkeki. ³Kai tywihikỹ dinodu-ò marybekeki: Kaò bodonyke rynawihikỹ-ò. Tahe marybekeki iaõkõ-ò: Kiakile myike lamalemy ada bede-txi aõbo bonyke. ⁴Kia wese wiribi hitxidỹy-ki tatỹynmyhỹtenyte, araykyreny rabinamy kia wese tumahäre. ⁵Boholake, waseriõreboho, kaiboho juhuu iny aõkõ mahädu wese toite. Iribi ityhy ityhydỹydukõdu mahädu iaõrarumy roirekemy, kaiboho Deuxu weselemy tadeletenyte atyhyna òraru-ki. Aratamyhỹrenyre inatyhyna-di ityhydumy boibekemy, tule kaiboho kowa biu-ò hena bitabenykre. Deuxu dori rarybere: —Waluudu mahädu tuu arisỹnykre. ⁶Kiawese, kaiboho urimynodu derarenyre aõhebo tatỹnyteri. Ityhy mahädu tahe ararutỹkỹnmyhỹre tule aradyrenmyhỹre soldadu dohodỹyna heto-ò. ⁷Tiiboho tule Kristunimy aõbinamy rarybemyhỹrenyre. Kaiboho ini-di texininimyhỹtenyte. ⁸Kia bede ywina rybe-ki roire: iwese ixiluure wese, aerykõdu mahädu luuke, wiery mahädu

wahe, abireludu wahe. Kia bede ywina biywynykeki, awimy botỹynmy mabeke. ⁹Tahe iny wiribi lahitxinykeki, taðrarunysteri, teywinyõteri. Bede ywina aõkõ atximahäte. ¹⁰Inyõ tahe bede ywina rybe ibutumy riywynykeki, tahe sohoji aõmydỹyna riywinyõreki, tai tahe bede ywina rybe ywidỹydu aõkõ ratxireri. ¹¹Deuxu tarybe ririre. Kia rarybera: —Òta òta widỹyõmy. Tule rarybera: —Rubudỹyõmy. Tai òta òta biwinyõkeki tahe inyõ terubunyteki, kai bede ywina rybe yrubudỹydu aõkõ atxiteri. Òrarudumy Tate. ¹²Iwese iny bede ywina rybe-di tỹmyra ahäbenyke. Deuxu dori bede ywina-di arararutỹnyrenykre. Taita òbitimy botỹnybenyke, marybebenyke. ¹³Inyõ riwotðenyõmyhỹkeki, tule tamy riwotðenyõleke tawiribihitxinatxu-u. Wotðedỹyna wiribihitxina ratyre rare.

¹⁴Waseriõre mahädu, inyõ rarybekeki: —Jiarỹ watyhyna ijõdire. Tahe iaõmydỹyna wihikỹ-di aõkõ rare. Kia tahe aõ aõkõhyky heka rare tamy. Ityhynale kahäbu ritakekõ aõbo. Tahe reruinyreri. ¹⁵⁻¹⁶Inyseriõreõ tyy, rỹsỹna ihoõke-wana. Tahe inyõ tamy rarybekeki, ywina-di bõhõnyke, aheto-ki biroxiemy. Tahe aõ riwahinyõra tyy, rỹsỹna-wana. Aõbohe irybe rare. Aõkõhykyre irybe. ¹⁷Kiawese taheka kia häbu inatyhyna rare, iaõywidỹyna ihoõkeki kia ityhyna ihoõke wese rare. ¹⁸Inyõ rarybeke-wana: —Kai atyhyna dire. Jiarỹ waõwidỹyna ijõdire. Biteòsinyke wadee atyhyna sohojile tamyreny win-di aõkõ. Tahe jiarỹ tamyreny waywina-di adee ariteòsinykre kia òraru-ki bobike jiarỹ Kristumy retyhynyrenimy. Watyhyna iny idiõre waõwidỹyna ijõõre-wana. ¹⁹Kai bityhynyke Deuxu sohojile raremy. Kia tahe awire urile diabo tyytybybina tule Deuxu rityhynyre.

Tai ilau ruberumyhyre. ²⁰Inatyhyna iaomy widyynana ihookeki, aō aōkō wese rare. Kia tetyhynyōlemahāte aōbo, hābu itxytere. ²¹Inylabiereny Abraō tariōre-di Ijai rixiwenykemy idi ratximyhū, kia-ki Deuxu riōbitinyre. ²²Tabimahāte aōbo. Abraō tatyhyna iwidyyna-wana aōna aōna riwinyre. Ityhyna riwiōhenanyre. ²³Tahe iwese ritidyynamy roire wesemy tuu rotyynye aomybo heka rarybera Abraomy: —Boholake, Abraō heka Deuxu rityhinyre. Tai Deuxu tii riōbitidyynanyre. Tule, Deuxu tabiōwamy rininire. ²⁴Betehebeny ini. Inyō iōbitidyymy ronyke-wana inatyhyna sohojidile aōkō tii ihyke, tahe iwidyyna-di tule wahe. ²⁵Ijōre tahe: Raabe, aderanamy raremyhỹ. Iribi tii Deuxu rybedeōdu mahādu riyrubunyra rubu lau, tahe riteōnyre rywasi witxira-di. Kia widyyna Deuxu Raabe riōbitidyynye. ²⁶Iwese umy tyytyby-di aōkō rubumy rymyhyre wese, tule inatyhyna sohojile aō aōkō rare tamywina-di aōkōreki heka rubu wese rare.

3 Uritere, waseriōreboho, bederydydu mahādumy aōkō ixi-di norenykomyke. Ibede ōnana hitxina txuu dorihe aōnihikykre bederydydu mahādu dee. ²Inyboho ibutumy sōwemy ōruna-txi aōu aōu resemhyreny. Inyō tarybe-ki raōrarunyōkeki, tii iny ōbiti rare. ³Iwese awaru iny riraōmyhyre wese taumy ibutumy riraōmyhyre. Awaruru-ki jurarōsōna rirutyhyhyre, tii irarōsōna-di rare. Tai tahe awaru iny riwinymyhyre iumy ibutumy iny riraōmyhyre. ⁴Betehebenyke iny heōty lawō nihikỹ-ō irarōsōna iyjatyhyre tahe irarōsōdydu idile riraōmyhyre titxibo inonana-ō yhy nihikỹ iwetxi kedeakreki, ihārele irarōsōna riraōmyhyre. ⁵⁻⁶Iwesele iny dōrōtō

rare. Iyjatyhyre ihārele aōnihikỹmy rarybemyhyre. Betehebenyke iny heōty helỹyresi iyjare, ihārele ōtiranihikỹ ritoonymyhyre. Dōrōtō tahe heōty wese rare. Sōwemy heka ōraru riwinymyhyre. Dōrōtō bede aōmydyynanabina dinodu wese rare, inumy susudydu dōrōtō rare. Sōna bede tōtee-ribi diabo mahādu-ribi heka nade. ⁷Ibutumy irōdu brebuna, nawii witxira witxira, irōdu beraludu, utura, riinytyhydyynymyhyre. Iny mahādu iratyre irurudyyna dire. ⁸Inydōrōtō inyō tahe riinytyhydyynōtyhy. Ibinatyhy rare. Rubudyyna uri-di ratxireri. ⁹Inydōrōtō-di Deuxu inytybimy iny reālāmyhyre tule idi inumy raujōmomyhyre. Deuxu ixiwesemy iny riwinyre, ihārele iny wimy raujōmomyhyre. ¹⁰Inyō tary-di Deuxu rirowōwydynmahāre tule idi ujōmomy reamyhyre. Waseriōreboho, kiamy aōkō idi boibeke. ¹¹Bejjirana-ribi ibree ihyre-wana wiule heka rōhōnyōtyhy. ¹²Ōwōru inatxi wiribi lahixire. Ijō aōbo wiraty-di raratyneke aōkōre? (Figueira azetonamy raratynekyhy) Videira figomy raratynekyhy. Juwyrabe hāloo-ribi bebreke rōhōnyōtyhy.

¹³Inyō bederykeki ibedeery-nadikeki, tii ywimy ratximyhỹke. Ibutumy ōbitimy ratxirerimy aō riwinymyhyremy rexityhynmy ixidi rōhōtinyōtyhy tyhymy rabekemy. ¹⁴Kaiboho awo-ki ixiburena ijōdikeki, inywitxira hārosu ijōdikeki tai tii deysamy atxiōke tai tuu marybeōke. Kai ruiwidyōmy. ¹⁵Kia bederyna biu-ribi aōkō nade, bederibile, iny hārosu diaboribile nade. ¹⁶Inywitxira hārosu ijōdike-wana, tai jei jeina rare. Ibutumy aōbina bina. ¹⁷Bedeerydyyna biu ludu juhule ōbiti rare, idi ywina rare, rutaōna rare, wityhyna rare, ruxetōena rare. Awihyymy nodu widyyna rare. ¹⁸Ōbitina aōu aōu

kanakre ywinawidÿÿdu-ò. Iwese aloborodu rehumyÿre wese, tiiboho ywinamy rekoamyÿrenyre.

4 Aòherekibo ayreny-ki jei jei rÿimyhÿre. Awo-ribi namyhÿde araykywydyna ribi. ²Kai sòwemy aòdikemy tahòtinymahâte aòhebo aòkò tetate. Tahe terubunymahâte. Inywixira aòmydÿÿna-di òbire, tahe aòkòre. Tai aòbina tetelenymyhÿte ijei jei-di. Aò ijòore texitòenyòma hàteki. ³Texitòentyeki, tetaòmahàtenyte. Teòsamy dori texitòenymahàtenyte. Ixidee sohoji dehunalemy tahòtinamahàtenyte aumydeewimy behukelemy. ⁴Bede aòmydÿÿnana luudu mahàdu heka Deuxu òludumy ihÿre. Kia aòbo teeryòtenyte, òbitiòna, mahàdu. Inyò bedede aòmydÿÿnana bina biòwamy ratxikeki, Deuxu òludumy rare. ⁵Aò aòkò aòbohe rybe riti kawese roire: Aòhe rare. Deuxu taTytybytyhy inywo-ki heka Deuxu risÿdÿÿnymyhÿre. Tai tahe iny-di riijetyhymy ratximyhÿre. Aòbo heka kia rare? ⁶Tii tahe iny rirurteredÿÿnymyhÿre. Kawesemy ritina rarybere: —Ixiwedu mahàdu heka Deuxu ixi-ribi rirededÿÿnymyhÿre. Tahe ruxetòena sòwemy ixiwedekò mahàdu-ò riwahinymyhÿre. ⁷Deuxudeewi biwinymahàke. Diabo ixi-ribi birehedÿÿnykeki, tahe tii aribi rahenyke. ⁸Deuxu-ò bexiòhòdÿÿnykeki. Deuxu adee rexiòhòdÿÿnykre. Òrarudu mahàdu, ebòmý bexilyraranyke aòraru-ribi bexitake, rybe inatxi mahàdu, araykyworeny biòbitinybenyke. ⁹Mabedewoke, bobuke, mahinyke aòraruna òraru-ki. Ajuedena-ribi arube rytynykre, eysa-ribi mabedewomy atxikemy. ¹⁰Ayrubumy Inynrÿko-txi boibekeki, tii aratamadÿÿnykre; tii ixideewimy riwinykemy.

¹¹Waseriòreboho, uritere aòmý wimy ryberenyòmý. Inyò

taityhydÿÿduseriòremy tuu ibinamy rarybekeki, iaòna aòna riaòkòkeki tii bedede ywina ibinamy rarybereri. Bede ywina rybe riaòkòdÿÿnyreri. Inyò bedede ywina rybe riaòkònykeki, tii bedede ywina ywidÿÿdu aòkò rare. Tii bedede ywina rybe hitxidÿÿdu rare. ¹²Deuxu sohojile dori bedede ywina hitxidÿÿdure. Bede ywina dohodÿÿna dinodu tii rare. Tii itarasadÿÿdu rare ihàre irubudÿÿdure rare. Mobohe kai atxiteri; abireludu hitxidÿÿmy aòbo texinohòtidÿÿnyteri? Aòkòre.

¹³Boholabenyke, tuu tarybetenyteri: wijile aòbo ada biurasòmý aòbo rokoirenykre hāwā-ò. Tai bededÿÿnana sohojimy rikierenykre. Tai nieru tarasamy rakaòmýsÿdÿÿrenykre. ¹⁴Txiòhe rare. Kaiboho dori teeryòlemahàtenyte aòhebo bedede rotÿÿnykre. Timybo mabekre? Iwese biuwetyy yja aòwesele rexihymyhÿre wese heka timybo mabekre? Kiawesemy aòkò marybeke. ¹⁵Kamy heka marybeke: —Inynrÿdeewikeki iny rumy rokoireke, tai tahe kia ada kowa aòbo rikiwinyrenyke. ¹⁶Iwese wiji ratximyhÿre wese. Biurasou aònihikÿ widÿÿmy marybekeki, kia tahe awi aòkò rare. ¹⁷Inyò aòwiwidÿÿ rierykeki, tahe riwinyòmýhÿ-wana kia rexiòrarunanymyhÿre.

5 Boholabenyke warybe-ò ityhy mahàdu. Mahinybenyke, bobubenyke aòhòkÿmy botÿÿnybenykreki. ²Aòmydÿÿnana wiwihikÿ rabinamy rÿire. Atywityhy isibrey tysini riròre. ³Aorotÿrÿÿreny awomatiurareny raruxinyra tabededÿÿnana riònonyrerimy. Anieru susudÿÿna awobiredÿÿnamy kikitÿnynykre. Iwese dee heòty risòmýhÿre wese, kia sudÿÿ anasòmýhÿkre. Aòna aòna sòwemy ixidee tebutunymahâte kia atxukonana-ò. ⁴Abaderòwysydyÿdu òwydÿÿdu aòkò dori kai tate. Kai

ixideele tebutunymahâte iribireny tawasinyamahâte. Tiiboho rahinymy rirajuamihyreny tahe kia wysydÿÿdu mahâdu hina-ò Deuxu roholare. Tii ruru mahâdu wedu rare. ⁵Kaiboho abeòrarenny teònonnytenyteri isikile. Ixideehyyle texideysadÿÿnymyhyte. Ibutumy aòbo adeereny wiwi ixidee temyteny, iwese rubutxudÿÿnatxu broreni riòwenymyhyre wese. Kai ahâte. Deuxu akanarubunykre. ⁶Òbiti mahâdu teteònymahâte terubunymahâte. Tii tiu adee rexiòwynyòtyhy.

⁷Ixieleledÿÿòmy tahe waseriòre-boho. Inynyrÿ kanakreu. Betehe inihe. Òworudu heka taaòwi riraòmyhyre biu bedeu. ⁸Kia wese kaiboho tule eleelemy aòkò biraòmyhyke aworeny-ki beximymyhybenyke, Inynyrÿ nonana dori iòhòrehe. ⁹Waseriòreboho uritere wimy ibinamy ryberenyòmy Deuxu dori arahitxinyreny. Ihitxidÿÿdu nonana tahe iòhòre ijòkiwesele riijemy rÿimymhyre. ¹⁰⁻¹¹Waseriòreboho ihetxiu Deuxu rybemy rybedu mahâdu iyubumy rÿiramymhy. Iwese tiiboho rÿiramymhywese boibeke aòhòkÿmy dÿÿnana-ki rare. Kia aòhò kÿmydÿÿnana-ki òbitimy rotÿÿnymyhyre. Iwese Jòò iyubumy raremyhyre taholamahâteny. Tule iwese ionanau Deuxu riwiòhenanyre wesemy teeryteny. Inynyrÿ dori ruxetòdenatyhy-di rare làhànatyhy-di.

¹²Ibutu ratyre waseriòreboho inatyhymy sohojilemy marybeke ijò rybemy

rybeòmyke Deuxu arybe ritxiònyòtyhy. Aòna aònamydÿÿnanaribike aòkò iximyyhyly marybeke. Kohemy marybekeu kohelemy marybeke. Aòkòmy marybekeu, aòkòlemy marybeke. Kawese-ki inyò aratxiònyòkre.

¹³Inyò aòbo ayreny-ki aòhòkÿmy rotÿÿnyreri. Tahe tai bexitòenykre. Inyò aòbo ayreny-ki teysamy ratxireri. Àlànawi-di tii wana mawinnykre. ¹⁴Inyò aòbo ayreny-ki webinadumy roireri wana. Tahe dohodÿÿna rybedu mahâdu-ò tamy bididybedenyke tamy rexitòenyrenykeny. Adÿÿ ityre ritxiwikemy Inynyrÿni òraru-ki. ¹⁵Ixitòedÿÿna tyhynale webinadu riteytenykre. Inynyrÿle ritamahÿÿnykre. Tii òraru-ò raòrarunymyhyke-wana Deuxu iòraru riixàwidinyke. ¹⁶Iny wiò wiòmy aòna aònarenymy belyybenyke. Wiò wiòmy wii biixitòedÿÿnybenyke, ibutu-ribi beytebenykeny. Inyòbiti ixitòedÿÿna irurudire, aòna aòna sòwemy riwinymyhyke. ¹⁷Eliasi heka inywesereny rare. Tii rexitòenyhyymyhyre biu ròàòtyhykremy bede-ò. Tahe inataò beòra-di biu ròàòhyre. ¹⁸Tahe ixityre rexitòenyre. Tai biu ròare. Tahe oworu-ki ixityre aòwi ruhunyre.

¹⁹⁻²⁰Waseriòreboho, inyò ay-ki inatyhyna-ribi ròhònykeki. Inywitxira tuu rarybekeki, teòsary-ribi ridykeki, tahe itytyby ritara, rubu konana ixàwina lau sòwemy araru-di riixàwidinyre. Kie.

1 Pedro

1 Pedro Tyyriti

1 Jiar̄y, Pedro warybe ritina rewahinyreri ubýt̄y deòd̄ȳna jiar̄y rare. Ibutumy judeu mahādu-ò rewahinyreri Ponto-ò, Alaxia-ò, Apadosia-ò, Asia-ò, Bitinia-ò. ²Kaiboho heka iitxe itxemy toite Deuxu Inytybyreny-ò, Deuxu Tyytybytyhy araòbitinyreny, Jesuisi Kristu bityhynybenykemy tule tahālubu-di arasebenyrenykemy. Wiòhed̄ȳna sōwemy ywina-wana adeereny kanakemy watxireri.

³Ibutumy àlana Deuxu Inynyr̄ tyby-ò rikiwahinyrenyke. Tii dori sōwemy ruxetōena inydeereny diwahinyde. Tai inyboho ixityre reamyh̄renyre ratybiennyrenykemy Deuxu s̄y mahādu wo-ki. Inyboho wijile iraròsōnareny dire, Kristu rubu-ribi rexixareki. ⁴Tii wiòhed̄ȳna wiwihik̄y inydeereny ririre. Biu bedekile riyrubunymy roire. Tiu rasunyōtyhy, retybyōtyhy, iuxerahak̄ylemy lyrahak̄ylemy roire. ⁵Deuxu tarurusōwe-di arayrubun-nyrenyke kia wiòhed̄ȳna bitabenykemy tetyhynyteki. Tarasana heka kia rare. Ikonanatxu Deuxu bedexiteòsinykre. ⁶Tai tahe beysabenyke. Beded̄ȳnana tòbò reakreu, mabedewobenykre òsana aōmyd̄ȳnana sira òraru-ki. ⁷Tii tahe kawese-ki atyhyd̄ȳnareny ityhymy ròhònykre. Atyhyd̄ȳnareny womati t̄yr̄r̄h̄ȳk̄y òwy ratyre iòwy dire. Tiu rabinaōtyhy. Heòtyru-ribi womati t̄yr̄r̄h̄ȳk̄y ròhònyre wese atyhynareny kòdòhònykre àlana, wowydyna, luuna Jesuisi Kristu-ò, tii kedehemynykreu. ⁸Kaiboho tuu tabitenyōte ihārele tuure. Tetyhynytenyteri, tai tahe t̄yxihik̄ylemy deysatyhy-di ahātenyte. ⁹Tai atarasad̄ȳna-di teteheteri,

tetyhynytenyteki. ¹⁰Juhuu Deuxu rybedu mahādu rit̄ȳraxinyra kia tarasanamy. Tule wiòhenad̄ȳmy rarybere adeereny kanakemy. ¹¹⁻¹²Idi tahe dierydenyde ibeded̄ȳnanau kanaōkre urile ihewo-ribi kanakremy. Katahe adeereny reare Deuxu Tyytybytyhy nade òraru-ki. Ȳju mahādu dori tamywimy tuu rieriynykemy ih̄yrenyre. Jesuisi Kristu aòhòk̄ȳmy d̄ȳnany tule toosònad̄ȳnany rarybemyh̄renyre, tiubedemybo kia kanakemy riijemyh̄renyre.

¹³Araky-ki birarutxynybenyke wereysana rara rot̄ȳnymyh̄re wese. Òbitimy maraykynybenyke wiòhed̄ȳna-di bidimybenedykre-ki Kristu kedehemynykreu. ¹⁴Wijile kaiboho ywimy nodu riòre wesemy boibeke. Iwese juhu aykaraòtamy tat̄ȳnymy tatemahā wese noōmy, abedeerykōmy tatemahāu. ¹⁵Iweseōmy. Uritere adee rybedu òbitimy raremyh̄wesemy kaiboho ibutumy tuu bot̄ȳnybenyke kia-ki òbitimy boibeke. ¹⁶Raritinymy dori r̄ȳre: —Òbitityhymy boibeke, jiar̄y dori òbitityhymy raremahā. ¹⁷Deuxu iny wiribi rihitxihtxinyre aòbina bina wid̄ȳ òraru-ki. Deuxu wiwese wesele iny luure tuu rarawetyynyōhyymyh̄re. Iwese bodee textitēnymahāte wese tamy bedeerykō rira wese boibeke. ¹⁸⁻¹⁹Kia teerymahātenyte tuu ararybekre. Ixinamy rexihumyh̄redi aōkō iwese womati t̄yr̄r̄h̄ȳk̄y iurahak̄y-di aōkō atarasanareny riòwynyre. Tahe Kristu hālubu-di aòhebo ibina bot̄ȳnybenyke-ribi textitatenyta aōwid̄ȳnabo booreny-ribi teerytenyaki. Kristu tahe budoeni òbiti lyrahak̄y wesemy rare. ²⁰Tii juhu beded̄ȳnanau taumy rubu-ò riwahinykremy rexieryhyymy raremyh̄, wijile kaò nade rurukremy aluunareny òraru-ki. ²¹Tule Deuxu

tetyhynymahātenyte Kristu òraru-ki, Deuxu rubu-ribi riixixadỹnyre tahe tamy loosòna riwahinyre, tai araròsònareny aityhydỹna Deuxu-ki roimyhỹre.

²² Kaiboho atytyby tesurònanytenyte inatyhyna dori teywinytenyta. Tai tahe wiluuluutyhymy rakatxirenyke. Wiluummy wesenadỹrenyomy atximahātenyte. ²³ Wiji umydỹna juhu wese aòkò iny bòtòdỹna raumydỹre wiji tahe Deuxu Rybe aumydỹnamy ihỹre. Kia tahe ituerenyòtyhy. Umytuedeòna diwahinyde. ²⁴ Iwese ryberiti rarybere wese:

—Ibutu iny asi wese rare. Inyloosòna asi noijesa wese rare. Asi ramoenymyhỹreu tøjesa rejuxunymyhỹre.

²⁵ Deuxu Rybe tahe aõu aõuhyy rỹira. Rexihuòtyhy rỹira. Kia rybemy tahe adeereny rarybemyhỹre, Rybewihikỹ wahe.

2 Ibutumy idi behuke ixi-ribi, aõbinatyhyna-di, rui-di, inywitxira aõmydỹna xibure-di aõ ikòkòmy ujòmo-di ibutumy. ² Tahe iwese tohouā howỹsy luure wese rybe-ò bexiborenanyke. Atytyby howỹsyna wese rare. Idi maumynykemy tarasana inatyhy-ò. ³ Wanyrỹ dori wihikỹ rare. Kia teerytenyte. ⁴ Tamy bodoibedenyke. Tii dori manairuhykỹ wese rare. Heto tira widỹdu kia mana-di rehura. Tahe Deuxu dee kia ixitarasanamy rare. Awimy heka tai rahare. ⁵ Kaiboho tule mana iruhukỹ wesemy tòmahāte heto òbiti wesemy aijòreny-di kanaijedỹnydenykemy. Xiwenā wedu mahādu òbitimy boibeke, Deuxu dee wina xiwedỹna òbiti biwinybenykemy Jesuisi Kristu wowydynamy. ⁶ Kawese dori Ryberitina-ki rỹire: —Betehebeny inihe Siaõ bedeki iny mana heto tiramy iwidỹ wesemy ritidire. Tii aõwihikỹtyhy wadee rare. Kia iny rityhynymyhỹkeki, tiu raixỹruòtyhy

bede òtiidỹ ribedewonyòtyhy. ⁷ Kai-boho ityhydỹdu mahādu, adeereny tii aõwihikỹ rare. Ityhydỹdukòdu mahādu dee tahe kawese tii rare: —Hetotirawidỹdu kia mana-di rehura. Kia mana tahe wiji juhuludu mana ritidimy roire. ⁸ Tule ijò kiamy rare: —Mana idireny kedeseidenyke. Kia mana awi aòkò tamyreny rare. Reserenyke rybe ritxiõnymyhỹrenykeki Deuxu heka rierymyhỹre reserenyke. ⁹ Kaiboho tahe iny iitxese itxesemy aratareny, xiwenā wedu mahādu òbiti boibebenykemy, inyijoi òbiti boibeke, Deuxu hòrò mahādule, iruxeranamy marybebenykemy adee dori bededorohokỹ-ribi anadydenyde taloosòna wiwihikỹ-ò. ¹⁰ Kaiboho juhūu inyijoi aòkò toitemahā tahe wiji Deuxu taijoimy aratara. Juhūu ruxetòena tuu inyò riwahinyòhyre adeereny, wiji tahe tii riwahinyra adeereny.

¹¹ Waluuna mahādu adeereny ararybekre. Kaiboho iwitxira bedeludu mahādu wese atximahātenyteki. Uritere òtaòtarenyomy atytyby òludu dori kia rare. Atytyby aõbina dỹnnana adeereny diwahinyde. ¹² Ahotiludu mahāduy-ki òbitimy boibeke. Tai omy ibinamy rarybekeki, tiiboho aumytuedeònamy robimyhỹkemy tahe Deuxumy kiditoosòdỹnadenykre Deuxu hitxidỹna txuu.

^{13–14} Bede dinodu bede ywina rybe biywinyamahābenyke Wanyrỹ òraru-ki Iòlòrybe, aõbo kai deòdu rybewydydu aõbo ibutumy birarenymybenyke. Iòlò deòdu mynyduhykỹ doidenyde aõbinahakỹ widỹdu aõhòkỹmy risỹnyny rimymy risỹdỹnykemy ritamadỹnykemy tule aõwihikỹ widỹdu ritealādỹnykemy. ¹⁵ Aõwi wihikỹ widỹna-di kaiboho hābu bina biyrydỹnybenyke. Kia Deuxudeewi rare. ¹⁶ Kaiboho hābu ixihyyludumy ahātenyte urile aõbina bina widỹnyomy

boibekre. Deuxu deòduweselemy boibeke. ¹⁷Iny ibutumy iòsana biywinyke. Ityhydÿÿdu seriòre luumy boibeke. Deuxu biwowydnybenyke. Iòlò bede dinodu biwowydnybenyke.

¹⁸Deòdu mahādu, awedu bityhynybenyke awedu wiwihikÿle-ò sohojile aòkō ibina bina-wana dori bityhybenyke uritere bededtiidÿÿmy rÿiòmy. ¹⁹Aòbina riwinyòhyymyhyre deòdu tawedu-ò. Tahe wedu teòdu-ò aòhòkÿmy risÿnyre. Deòdu riòludunymyhyre aòmy rarybeòhyymyhyre, Deuxu rityhynymyhyreki. Kia wese tahe Deuxudeewina rare. ²⁰Iny raòrarunymyhyreki, tai tahe òhòtenamy inyboho ratximyhyrenykeki, aòloosòna widÿÿna bohe kia rare. Inyboho riòludunymyhyreki.

Aòwiwihikÿ widÿÿna-di inyboho ywina-di òhòtenamy riòludunymyhyrenykeki, kia Deuxudeewina rare. ²¹Kaiboho biòludunymyhybenykemy tai iitxemy aratarenyra. Kristu tule dori òrarureny-ki aòhòkÿmy rotÿÿnyre. Iwese timybo tii riwinyre wese kaiboho biwinybenyke. ²²Kristu dori tiu raòrarunyòtyhy, tule aòbinahakÿmy rarybeòtyhy, raruiòtyhy. ²³Tamy adebure iràmy rryryreu wobinamy aòkō dirawyònyde. Rihetenyreu, aòma aòkō dirawyònyde. Urile tii rexiwahinyre Deuxu dee. Deuxu dori òbitina-di rihitxidÿÿnyre. ²⁴Inyòrarureny dori riwyre itxèd nihikÿ tyre-ki. Tai tahe òraruna dee rakarurunyrenykre, tahe òbiti widÿÿna-ò rakatximyhyrenykre. Kristu wotòmomy iny riteytenymyhyre. ²⁵Iwese budoeni reòsamyhyre wese kaiboho toite. Wijile tahe kaiboho tòòsemy atxitenyte aitxeredu-ò attytyby wiòhedÿÿdu-ò.

3¹⁻²Hāwyyreny, ahābureny rybe bityhynybenyke. Tai inyò ihābu ityhydÿÿdu aòkòkeki, tii kidityhynykre tahāwyyhe-ki, aòrybebo

aòkō roholareki ihe-ki robireki. ³⁻⁴Hāwyy ruxerana heka ixidee itidisirenyòmy atximahābenyke aò taumy-ki ritidimyhÿre aòkō hāwyy ruxerana rare. Aò iwo-ribi teysare, Deuxu Tytybytyhy widÿÿna inytyhyna tii tahe hāwyy ruxerana rare. Rade sihodÿÿtyhy ibutu ratyre aòkō rare. Womati tÿrÿrÿ noho tule aòkōre, tyw wiwihikÿ-di rariamyhÿre tule aòkōre. Kia tahe Deuxu dee aòwiwihikÿtyhy aòkō rare. ⁵Tule ihetxiu hāwyy òbiti tuu rotÿÿnyre, tahābu riwinyre, Deuxu rityhynyre. ⁶Sara, Abraò riòrese, tahābu riwinyre. Itxi òhòtirenny beake tawedumy tamy rarybere. Kiaboho hāwyyreny iriòre riòre atximahātenyte. Tai aòwiwihikÿ widÿÿnamy botÿÿnybenyke. Bededÿÿnana jei jei lau brebuòmy.

⁷Hābu mahādu, kaiboho tule asÿreny-ki abedeeryna biyrubunyenye. Ahāwyyreny biywinybenyke hōraòmy idi ahābenyke, tiiboho dori itxòmotxirenny iruruòrenny. Iòsÿny bityhynybenyke. Wiwana Deuxu ruxetòena tarasadÿÿdu atximahātenyte. Tai aixitòedÿÿnamy òbitimny bexitòenybenyke.

⁸Tahe kaiboho ibutumy widi mohòtinenybenyke wiwesewesele. Ityhydÿÿdu seriòre dee tòena luuna-wana biwahinyke. Ruxetòena-di boibeke iny-ò ixityhydÿÿ aòkō. ⁹Inyò aòbinamy adee rakeki, ixidòwydÿÿòmy. Inyò rybe-ki aòbinamy adee rakeki, irawyòdÿÿòmy. Wityhymy tamy marybeke. Kia-ò tahe Deuxu aòwiwhikÿ adee riwahinykre, tai ijòtxu Deuxu wityhynamy adee riwahinykre. ¹⁰Tai inyò tabededÿÿnanaluumy ratxike-wana, tatxuu teysamy ratxikeki, tahe dòròtò rextaake rybe bina lau iry riyryke wobina rybe lau. ¹¹Aòbina bina-ribi bihenybenyke aòwiwihikÿlemy botÿÿnymahābenyke. Ywina

bijjemahābenyke ywina-di ahābenyke.
¹²Deuxurue tahe òbiti mahādu-di rethemyhÿre. Tanohōti tahe ixitōena-ò rijohonanymy ronymyhÿre. Aōbina widÿÿnadu-ò tamyreny rayaranymy idi rethemyhÿre.

¹³Kai aōwiwihikÿ widÿÿlemy tiu matxibekeki aōhe iny adee rotÿÿnyōtyhy. ¹⁴Kai òbitiwiidÿÿ òraru-ki aōhebo bōtÿÿnykeki, deysamy atximahāke. Breburenōmy iwese ilauren yixihārudyÿrenyōmy.

¹⁵Utile Kristu aweduren ywesemy bisÿnybenyke aworeny-ribi. Inyō adeereny aratyÿraxinyke-wana aōherekibo Kristu tetyhynymyhÿtemy, kai bexiywinyhy tamy ixidee rybena bydÿÿna biywinyhyymy idi ahāke. Arawyōdÿÿna ywina-di tamy marybeke iōsÿny bityhynymy arayky òbiti-di marybemahāke.

¹⁶Tai tahe biixÿrudÿÿnyke umy ibinamy rarybekeki, tai dori òbitilemy Kristuko-txi tariamahāte. ¹⁷Tahe Deuxu dee wikeki, aōwiwihikÿwidÿÿ òraru-ki inyō aōhōkÿmy rotÿÿnykeki, kia tahe Deuxu dee awi rare. Aōbinahakÿwidÿÿ òraru-ki aōhōkÿmy rotÿÿnykeki, kia tahe Deuxu dee awi rare. ¹⁸Kristu tahe sohojihyyle rurure iny òraruna òraru-ki. Òbitiwiidÿÿdu tahe rurure òbitiwiidÿÿdu aōkō òraru-ki, kaiboho ruruweselemy atximahātenyete.

Deuxu Tyytybytyhy direki kaiboho iruweselemy atximahātenyete. ¹⁹Kristu Tyytyby rara rotenawo-ò, tyytyby-ò ritÿÿnynymy rarybeke. ²⁰Noe hāwō nihikÿ riwinyreu, Deuxu riraōmy raremyhÿu urile hābu mahādu rityhynyōmyhÿre. Debō inataō reurō inymy rohonyre rubu-ribi bera-ò rabōrōrōre. ²¹Wiji, kia sebedÿÿna ijyy wese heka rare. Tahe aōsebedÿÿna aōkō iny tarasanare. Sebedÿÿna-ki Kristu rubu-ribi iixana inyboho riteōsinyreri iny Deuxu-ò rethemyhÿre tarasana

ritakemy. Bee tahe hālubu surōdu aōkō rare. Rexitōenymyhÿreki inywo rityranymyhÿre risuhōnymyhÿre. ²²Kristu tahe wijile biu bede ronyre Deuxu rununawe-ribi tii ÿjuboho, dinoduboho, rununaduboho wedu Kristu rare.

4 Tahe Kristu taumy-wana aōhōkōmy rotÿÿnyre. Tai tahe iwesemy mohōtinybenyke. Inyō dori aōhōkÿmy rotÿÿnyre. Tai tahe òraruna-ribi ixiixāwididÿÿmy rōhōtinyreri. ²Tai kabede-ki iny bededÿÿnanaren y uhe hābu òta òtawidÿÿ nohōtina wesemy aōkō rakatximyhÿrenyke. Deuxu deewina widÿÿna-ò rakatximyhÿrenyke. ³Juhuu kaiboho sōwemy taōrarunytentye, iwese ityhydÿÿdukōdu mahādu wiji rÿira wese. ⁴Aōraru-ò biōwa mahādu wiji bederiōtiinyre kai tii-wana taōrarunkōmahāteki iwese tiiboho naōrarunymyhÿdenyde wese. Tai adee ibinamy rarybemyhÿrenyre. ⁵Tule tiiboho ywisidÿÿdu Deuxu-ò rirawyōnykre. Idi dori òbiti ywisidÿÿna-di rihitxidÿÿnykre iru mahādu, rubumahādu wana. ⁶Tai tahe inyō ituekre mahādu-ò Rybewihikÿmy rarybemyhÿre iumy dori rihitxidÿÿnykre ibutu hābu wesemy. Tahe ityytyby Deuxumy irumy rarekre.

⁷Boholabeny inyhe, bededÿÿnana konana iōhōra. Tai tahe inatyhymy mohōtinyke Deuxu-ò òbitimy bexitōenykemy. ⁸Ibutu ratyre wiluutyhymy atximahābenyke. Kaiboho dori aluunadirenykeki wiōraruna-di itxerekōmy ahābenyke. Inyō dori iluunadikeki, wiōraruna-di itxerekōmy ihÿke. ⁹Iny witxira dee awimy rÿira, roraludu isÿōmy rÿira aheto-ò bisÿdÿÿnyke. Bitÿhidÿÿnyke roraludu luumy atximahā. ¹⁰Wii biwiōhenanymy ahābeny iwese bede teertyentye wese biwiōhenanybenyke. Deuxu wiōhedÿÿdu wiitxura wahidÿÿdu

wiwihikĩmy boibeke. ¹¹ Inyō rarybekeu, Deuxu rybedile kana rybeke. Inyō reobykeu. Deuxu ruudile kedeobyke. Tai tahe Deuxule loosōna kia-ribi kanatake Jesuisi Kristu òraru-ki ibutumy aōna aōna-di. Aōu aōu ibutumy ruruna, loosōna Jesuisi Kristu hōrō rare. Kie.

¹² Waluuna mahādu, ixibedeoti-idĩyōmy bede aōmydĩynana sira adee kanakreu. Kia tahe aō brebudyyna aōkō rare aōhebo adee kodotĩynkeki.

¹³ Tĩxihikĩlemy deysa-di atximahāke kia aōhōkĩmy dĩynana dori Kristu aōhōkĩmy dĩynana-ò biōwa atximahāte. Idi tahe tule kedeysakre Kristu loosōna òraru-ki. ¹⁴ Inyō adee ibinamy Kristuni òraru-ki rarybekeki beysake. Kiau Deuxu Tyytyby heka loosōna sōwe-di atyre-ki kanakre.

¹⁵ Kaibohoō rubudyĩrenyōmy, wasirenyōmy, aōna aōna bina widĩyōmy, inywitxira aōwysyna-txi ròte. Kiake-wana iōwydĩynamy aōhōkĩmy botĩynbenykre. Tii dori wadee awiōre. ¹⁶ Inyō tahe aōhōkĩmy rotĩynkeki, ityhydĩydu rare òraru-ki tai ixiryōmy mabeke. Urile Kristunimy riwowydynkemy idi rare. Bededĩynanahe rehemynymy roire ityhydĩydu mahādu-di rihitxidĩynanymy riteranykemy. ¹⁷ Tahe inydee ywisidĩyna ritelenykeki, timybohe Deuxu Rybewihikĩ ityhydĩydukodū mahādu-ò kòdòhōnykre. ¹⁸ Ryberiti-ki roimyhĩre kia: —Òbiti mahādu dee tarasana isirakeki, timybohe òrarudu mahādu ròhōnyke. ¹⁹ Tahe inyō Deuxudeewi òraru-ki aōhōkĩmy rotĩynkeki, Tatyytyby Deuxu-ò rawahike tahe aōwihikĩ widĩymy rareke. Deuxu dori aōu aōu iny widĩydureny rare; iny wiòhedĩydureny rare.

5 Ityhydĩydu-ò itxeredu mahādu-ò aritohonykre ararybekre.

Jiarĩ tule itxeredu-ò rare. Kristu aōhōkĩmy rotĩynre, jiarĩ tuu rabire. Taloosōna kiditeòsinykre jiarĩ awana watxire tewebromy rikitarenykre. ²⁻³ Biwisinanyke aityhydĩydu butuna iwese itxeredu budoeni-di retehemyhĩre wese idi beteheke. Ixideewimy kia biwynyke.

Inywitxira deewimy aōkō. Aō nieru tarasa sohojilemy aōkō, ityhydĩydu wiòhedĩymy. Aō ityhydĩydu wedu wesemy aōkō bisĩnybenyke, urile bexideòsinyke iwese ityhydĩydu òbiti rĩira wesemy. ⁴ Tahe itxeredu mahādu wedutyhy kedehemynykeu, tii adee kidiwahinykre loosōna araheto. Tii tiu toosò ixāwiòtyhy. ⁵ Itxeredu mahādu tĩmyra bierybenyke itxeredu mahādu matuari-ribi widee xiwedeōmy ahābenyke. Ixiwede mahādumy dori Deuxu rarawetyynmyhĩre. Ixiwede aōkō mahādu-ò tahe ruxetòena riwahinyke.

⁶ Ywimy ahāke Deuxuru-ò iximy xiwedeōmy. Tii dori bede òbiti kanakeu akanaloosònykre. ⁷ Aōmydĩyna witxira witxira biwahinybenyke Deuxu-ò tii dori arawisinaymyhĩreny. Anawiòhenanykre. ⁸ Bexihārubenyke aòludureny Satanasi-ò. Òbitimy mohòtinybenyke. Tii dori leaò reburemyhĩre wese rare. Tii rariarerimy ihĩre tibo riròkemy. ⁹ Atyhynatyhy-di idi bexiumynyke. Aityhydĩydu seriòre-dori awana aōhōkĩmy rotĩynrereri kia ixiradĩyduhukĩle-wana. ¹⁰⁻¹¹ Iny

Deuxu ruxetòenatyhy rĩire. Kaiboho urihimyo aōhōkĩmy botĩynbenykeu akanawiòhenanykre, akanarurudĩynnykre, akanaòbitidĩynnykre, anaijohonadĩynnykre. Ibutumy ruruna ihōrōmy aōu aōu rarekehymy idi watximahāre.

¹² Kia waryberatiyla Sila-wana adeereny riritinyre. Tii iny seriòreny òbitityhy rare. Jiarĩ rarybereri kia

Deuxu wiðhedỹyna inatyhy rare. mahãdu-ò. Tule wariòre Marku
 Kaiboho idi tyhy mohõtinybenyke. arãrybeweityhynanyrenyre. ¹⁴Widee
¹³Kowa hãwy Babilonia hãwã buðbenyke narybewehityhynanyde.
 ludu tule tarybe weityhyna adee Ywina adeereny kanakemy watxireri
 diwahinyde. Tii tule itarasana Kristu tetyhynmahãtenyteki.

2 Pedro

2 Pedro Tyyriti

1 Jiarỹ, Simaõ Pedro, Jesuisi Kristu deõdu rare. Jesuisi Kristu rybemy rybedu rare. Warybe ritina rewahinyre ityhydỹdu mahãdu-ò, Deuxu ywisidỹna mahãdu-ò, Jesuisi Kristu inyтарасаду òbitina òraru-ki, inatyhyna inyboho ijõdirenyreki. ²Ruxetõena wiõhedỹna-wana adeereny kanakemy watxireri Deuxu erydỹna-ki, Inynyry Jesuisi erydỹna-ki. ³Tahe Deuxu rurutyhy-ribi inydeereny aõna aõna sõwemy riwahiny-myhỹre òbitimy inyboho rokoirekemy iny bededỹnanaren-y-ki. Tii inyboho ridyrenyre taloosõna òbitiwo-ò, tii inyboho rieriynytyhyreki. ⁴Tai inydeereny tuu rarybere, sõwemy aõna aõna kanakremy awityhymy inydeereny kia rybe rare. ⁵Kia rybe bityhynybenykeki, bede aõmydỹnnana bina-ribi bexitabenye, òta òta widỹna-ribi bexiebenye. Tule Deuxu rayky wesena-di urihimyò boibeke. ⁶Tai tahe ibutumy aruru-di marurunya aityhydỹna-ò òbiti widỹna bibutun-yke, kia-ò bedeerydỹna bibutun-yke, kia-ò ixiwedudỹna bibutun-yke, kia-ò widỹnahyyna, kia-ò òbitimy nonana. ⁷Kia-ò ityhydỹdu seriõre luuna, kia-ò wiluuna bibutun-yke. ⁸Kia aõna aõna dori awo-ki ratximyhỹkeki, rexiòlõnykeki, arawiõhenanykre Jesuisi Kristu Inynyry bierybeny-kemy. Tai ityhydỹdu wihikỹmy boibekemy. Iny witxira biwiõhenanybenyke. ⁹Kia aõna aõna inywo-ki ratxiõmyhỹkeki, tii heka iruetãlemy ihỹre. Aõbo iòhõmy ratxirerilemy robimyhỹre. Juhu òraruna iribi risuhoremy idi tõhõti rosare. ¹⁰Tai waseriõreboho marurunya benyke atyhymy boibekemy, aityhydỹna

tyhydỹmy boibekemy. Tai tiu òraruna-txi aixeõna. ¹¹Kia wesekeki tahe deysana-di birõnybenykre Jesuisi Kristu inyтарасаду òlõna bede-ò.

¹²Kia aõna aõna teeryteny-te. Inatyhyna tetyhynyhy atximahãteny-te. Ihãrele tahe itxi arõhõtii-jiradỹny-hyyrenykre. ¹³Tule warumy mahãre, awimy idi rahõtiny-mahãre kia inatyhyna-di akanaixixadỹny-denykremy. ¹⁴Waumy dori kaki ele elelemy aririkre reeryre. Inynyry Jesuisi Kristu dori kia wadee diteõsinyde. ¹⁵Aõu aõu tahe ararurunya tyhymy ararekre kaiboho kia ibutumy òhõt-ribi rosaõtyhykemy. Tule warubuhewo-ribi kia-di mohõtinyhy boibekre. ¹⁶Tahe adeereny Jesuisi Kristu tehemynynamy rarybere, aõ uritere tere ijyymy aõkõ heka relyreri hãbu ijyyna-ribi aõkõ ijyityhymy. Inyboho dori iny iòlõreny loosõnatyhymy robimyhỹreny. ¹⁷Tii dori Deuxu inytyby-ribi loosõna wowydyna-wana ritare. Tuu Deuxu loosõnawo-ribi narybede: Kai heka Wariõre waluu tate. Jiarỹ reysamy watxireri adee. ¹⁸Kia rybe-ò jiarỹboho raholarenyre tii-wana hãwãlò raty tyre-ki roiremyhỹ. ¹⁹Iwese juhu rybemy rybedu mahãdu rarybere wese, kiamy heka wiji inydeereny ritỹnynymy roimyhỹre. Kaiboho tule kia-ò boholamahãbenyke bityhynmahãbenyke. Iwese iny loosõna-di bedeluru-ki, retehemyhỹre wese. Idi tahe Kristu kòdòhõnykre, iwese tainahakỹ ròhõnyre wese. Tahe aworeny-ki kanasỹnykremy ratxikre. ²⁰Kia heka juhuhu bierykre: Tyyritiryeò tiu ixiwanale ritỹndỹnyõtyhy. ²¹Deuxu rybe dori hãbudeewimy aõkõ heka nade juhu Deuxu Tyytybytyhy hãbu dee rybe ritỹnynyre aõmybo rarybekemy.

2 Iwese juhuhu inyy-ki rybedu inatyhyõna rarybere wese,

tule ayreny-ki rybedu inatyhyõna kidierydÿnykremy. Tiiboho kedeerynanykre aõbinabinahäkÿmy. Tiiboho kidiitxenanydenykre. Tule Inynyrÿ kidiseõnykre. Tai tahe aõwesele rexihukre. ²Sõwemy iny iõta õta erydÿÿnyra rityhynykre. Tai iny witxira inatyhyna ery dee ibinamy rarybekre. ³Kia rybedu inatyhyõna adyna-di ratxihyymy roireke tai adeereny raruimyhÿke. Anieru tarasanareny-õ. ⁴Iatysyna heka iõhõmy namahãde tule idi dehuna inatyhymy kòdòhònykremy ihÿre. ÿju mahãdu raðrarunyre Deuxu tõtxi ririõlemy reare tahe idi rehulemy reare bedebina heõty-õ. ⁵Iu bee-di Deuxu suu ritÿmynyreu, òrarudu mahãdu ituere Deuxu tõtxi ririõre. Noe, òbitina rybedule, ritare debò inatxi reurò iny-wana. ⁶Sodoma hãwã Omora hãwã-wana aõwesele Deuxu ritoonyre, raðrarunyreki. Brybymy relere. Tai heka iny ribedeerynymyhÿre òraru lau. ⁷Kia hãwã-ribi heka Lòijoi sohojile ritare. Lòò òbiti rare. Tii heka terare òrarudu mahãdureki. Tõtxi ririõhyre. ⁸Imahãdu-ki Lòò rasÿnyreu, txuõ txuõlemy iwo rabadewotyhyymyhÿre, aõbinawidÿmybo robire idi roholareki. ⁹Tahe òbiti widÿÿdu urihixina-ribi Inynyrÿ ridykemy rierymyhÿre. Tule ibinamy widÿÿdu mahãdu aõhòkÿmy dÿÿnana riraõmyhÿre. Ywisidÿÿnatxu kedehemynykreò. ¹⁰Ibutu ratyre urari õta õta widÿÿdu mahãdu aõhòkÿmy rotÿÿnykre. Tiiboho Deuxu ruru riseõnyrenymyhÿre. Ixi-di xiwededu wesemy rÿirenyre, ixiluudu wesemy rÿirenyre. ¹¹Aõbinahakÿlemy biuludu mahãdumy rarybemyhÿrenyre. Tahe ÿju mahãdu iruruna ratyre-di hãre tamy ibinamy rarybeõmyhÿre, Deuxuko-txi. ¹²Tahe kia iýkaraluu mahãdu iròdu deborehekÿ wesemy ratximyhÿre. Iròdu debore tahe bedehuduna widÿÿmy rare ada ròtenawo-ò rakelemy. Kia hãbu

mahãdu aõmybo ròeryõhyymyhÿre dee ibinamy rarybemyhÿ. ¹³Tiiboho ixi-di dehuna-di ixi dee kedexiixãwinykre. Tiiboho òraru luumyhÿre txumy dori raðrarunrenymyhÿre. Awanareny dori riroximahãre, aõbinahakÿtyhy wesemy ayreny-ki ratximyhÿ iòrarunarenymy rybe luureki. ¹⁴Tiemy iru hãwydyihyy retehemy ihÿre tamy õta òtalemy ròhòtinymyhÿre. Kia hãbu hãwydyÿweduna rierymyhÿre. Hãwyu urihimÿd tÿÿwekeki kia hãbu idyna rybe-di rierymyhÿre hãwyu-di aõbo tai riurarinyumy taòbirenareny rihydÿÿnymyhÿre aõbo tai riurarinyumy idi ratximyhÿre. Tiiboho tuedena nihikÿ-di ituerenykre. ¹⁵Òbitiry ririmyhÿrenyre. Reòsamyhÿrenyre. Balaaõry dori riheludunymyhÿrenyre Balaaõ, Beoro riòre òraruòwydÿÿnamy ritakemy ratxireri iòraru luureki. ¹⁶Aõbinahakÿ riwinyreki rexiòwynyre. Kiamyre heka. Jumenta wesena rybeteremy tamy rarybere inyrybe wesemy iitxÿtena-ribi riixãwidinykemy. ¹⁷Tiiboho bedidehuna wese roire bee ihoõreki. Yhy biuwetyy tiò ridymyhÿre wese kia hãbu mahãdu roire. Tamy bede luruhukÿ bede riyrubunymy rÿire. ¹⁸Tiemy taðrarumy rarybehymy raremyhÿ inyõ aõta õta rybe-di ridykemy. Inyõ deòsary-ribi ròhònykeki, tii ridylemyhÿre ixybyle òraruna-ò. ¹⁹Tamyreny rarybemyhÿre ixideewimy boibekemy. Urile irybedureny òrarunawidÿÿna deòdumy ihÿrenyre. ²⁰Iwese inyõ ijesuna-ribi riatymyhÿkeki, iatysydÿÿdu deòdumy rarekre wesemy. Kiawesele tahe òraruna rare. Inyõ bede aõmydÿÿnana òraru-ribi ròhònykeki, tahe ixybyle ròðsekeki, teleu raremyhÿ ratyre ikonanau ratÿÿnykre. Inynyrÿ Jesuisi Kristu dori tii rierymyhÿre juhuhu tahe idi rexideyresanyre kia aõmydÿÿnana òraru-ò. ²¹Tiiboho

ryòbiti rierymyhÿrenyre. Tahe bede ywina òbiti-ribi rexiòlòdÿÿnyre. Rierÿòhÿykeki tamy wimy tuu raremyhÿ, rytÿmyra erysy-ribi rohonyrenyreki. ²²Tiiboho kia rybedÿÿna hitxina wesemy ihÿrenyre: —Ijòròsa tahylòina-ò ròðsere. Tule ijò rybedÿÿna wesemy: —Ixÿni bedi risuhòkeki, tii tasu burena-di ixybyle rexisunyeke.

3 Kia, waluuna mahādu warybe ritidÿÿna juhuludu aòkò rare ihewoludu rare. Warybe riti wiwanadile anohòti ijiradÿÿmy watxireri anohòti riraixixanykemy. ²Deuxu rybemy rybedu òbitimy rarybemyhÿre òhòti-ribi rosaòkre, tule Inynyrÿ iny tarasadu bede ywina nohòti losaòmy iwese tarybe deòdu adeereny rierynanyre wese. ³Ibutu ratyre, kia-ribi nohòti losaòmy. Ikonana txuu hābu binahakÿ rybe binatyhy-di kòdòidenyke. Kia hābu òta òta widÿÿlemy rōhòtinymyhÿre. ⁴Kiamy hābu rarybekre. Tiubo Jesuisi Kristu nonana kanakre. Juhu inytybyreny ituereu wiji bededÿÿnanau tiu naòhyymyhÿde. Ibutumy heka juhu bedeu ixi wese hyylemy bede roimyhÿre. ⁵Iribi tōhòtirenny rosare ixideewimy Deuxu irybedile biu bede-wana riwinyre. Beribi riwinyre, bedi riwinyre. Iribi tahe bedi bede rahure. ⁶Bedi juhūu bede ibutumy rexihura. ⁷Tule wiji irybedile bede rÿimyhÿre. Tahe ixybyle kanahukre. Heòty-di kanahukre. Kia txuu ibutumy inybinahakÿ ituekre kia-ribi ixideewilemy kia hābu tōhòti rosare.

⁸Tahe aòsohojibo, waseriòreboho, nohòti-ribi loosarenÿomy. Kia heka

rare: Inynyrÿ dee. Txusohoji 1000 beòra wese heka rare. Tule 1000 beòra txusohoji wese rare. Tamy bededÿÿnana aò aòkò rare. ⁹Inynyrÿ tarybewesele aòna aònamy kodotÿÿnykre. Aò raroorehenymyhÿre aòkò rare urile tahe hābu riraòhyymy rÿimyhÿre hābu taòraru-txi tōhòti reakemy. Ibutumy tarasana-ki rÿikemy dori idi ratxireri. ¹⁰Wasidu namyhÿde wasimy Inynyrÿ txuu kòdòhònykre. Biuwetty, bede-wana rexihukre. Ibutu suludu heka ramyijy heòty adÿÿwesemy ritxiennykre. ¹¹Òbitimy rakatxirenyke. Kia ibutumy ròhònyreki. ¹²⁻¹³Inyboho heka riraòmyhÿrenyre biuwetty tÿmyra sutÿmyra-wana. Inynyrÿ dori rarybere kia kidiwahinykre.

¹⁴Tai heka waseriòre waluuboho, òbitimy atximahābenyke kia-ò dori teraòmahātenyete. Tii kanakreu umyreny robikre ywimy, òbitimy, inyò heka umyreny ibinamy rarybeòtyhy. ¹⁵Rexiroorehenymyhÿre ibutumy iny tarasanarenymy. Tule inyseriòre Paulo adeereny ròritidÿÿre ibede eryna Deuxu tamy riwahinyre. ¹⁶Kiamy tule aòna aònamy tii ròritidÿÿre. Tahe iritina-ki aòbo isiratyhyre ierykōnatyhymy roire òbiti mahādu aòkò kia rybe-di aòwitxiramybo rierynanymyhÿre. Iwese ijò Ryberiti-di riwinyre wese. Tai heka tiiboho ituerenyre. ¹⁷Kaiboho tahe waityhydÿÿdu seriòre bexihārubenyke ilau teòsana-di aradyrennyheny. Tai kaiboho beòsabenyke. ¹⁸Inynyrÿ Jesuisi Kristu wiòhedÿÿna-di ibedeerydÿÿna-di maumynybenyke. Wowydina ibutumy tamy kanakemy idi wāhāre wiji tyhymy rareke. Kie.

1 Juaŋ

1 Juaŋ Tyyriti

1 Jiarŋboho akoreny retŋŋnyreri, Jesuisimy. Tii Rybe rininirenyra. Tii juhubeu raremyhŋ. Jiarŋboho rabirenyra, tarybemy aholarenra, tamy reteherenyre, aŋbo riwinyreŋ, tule tamy iny rerimyhŋ. Tii inydeereny umytŋmyra riwahinyreri. ²Umytŋmyra tuedeŋa Deuxu inityby-ribi rehemyryra. Kia umytŋmyra tuedeŋa Jesuisi-di rare. Jiarŋboho tuu rabirenyre. Tii rexideŋsinyre inyrenyko-ŋ. Kia tahe adeereny relyreri iwese raremyhŋ wese. ³Aŋbo iny roholare wese, tuu rabire wese, kia tahe tuu relyreri inyboho wiluurenkemy winohŋtiwesele rŋkŋhŋtinyrenkemy. Inyboho rahŋtinyrenyryeri iwese Deuxu initybyreny, Jesuisi Kristu Deuxu Riŋre-wana wiwese rŋhŋtinyre wese. ⁴Kia tahe waryberiti adee rewahinyreri adeysamy rakatximahārenkemy.

⁵Kiamy tahe Jesuisi inydeereny relyreri: —Deuxu txuloosŋa wese ratximyhŋ. Deuxu-ŋ bedeluru aŋmydŋŋana rehemynyŋtyhy kiamy adeereny relyreri. ⁶Inyŋ rarybekeki: —Jiarŋ Deuxu-wana winohŋtiwesele rahŋtinymahāre. Kia iny bedeluru aŋmydŋŋa-di ratxireriki, kia iny raruimyhŋ. ⁷Tahe inyboho loosŋa waŋmydŋŋa riwinymyhŋrenykeki iwese, Deuxu loosŋawo-ki ratximyhŋ wese, tai inyboho wiwesele rŋhŋtinymyhŋ. Tahe Jesuisi, Deuxu Riŋre hāluu ibutumy iny ŋraru-ribi iny risuhŋmyhŋ. ⁸Inyŋ rarybekeki: —Jiarŋ raŋrarunyŋhywāhāre, kia rybe-di tii ixidee riitxenanyyhŋ. Tii raruire rityhynyŋre. ⁹Iny taŋrarurenymy relyrenykeki, Deuxu tiemy ŋbiti rare, tii iny

ŋrarurenny iny-ribi riixāwididŋnykre. Aŋbo iny iwo-ki isuisumy ihŋre tii rityranyke. ¹⁰Inyŋ ŋrarudikemy aŋkŋ raryberenykeki, inyboho Deuxu ruidumy rarybemahāreny. Kia iny Deuxu rybe rieryŋhyymyhŋre.

2 Kaiboho wariŋre wese atximahāteny. Adeereny waryberiti rewahinyreri, kaiboho ŋrarurennyŋmykemy. Iny ŋraruna-txi resekeki, iny wiŋhedŋŋdurenny dire. Tii Jesuisi Kristu rare. ŋbiti rare ŋraru ijyjdumy rarekemy Waha Deuxuko iny wiŋhedŋŋmy. ²Tii dori itxedihiŋkŋ-ki rurura iny ŋraruŋwydŋŋ-ki. Inysohojile ŋraru aŋkŋ rurura tahe ibutumy iny ŋraruŋwydŋŋ-ki. ³Tiwesebo inyŋ rexierykre Jesuisi rieryrenykeny rityhynymyhŋkeki karybe bede ywina wese rierykre tii rexierykre Jesuisi rityhynyryeri wana. ⁴Inyŋ rarybekeki: —Jiarŋ Jesuisi reeryre. Irybe bede ywina riywinyŋkeki, iny ruidu rare. Inatyhyna rityhynyŋre. ⁵Inyŋ Jesuisi bede ywina riywinykeki, inatyhymy tawo-ki Deuxuluu rare. Kiawese heka iny rierykre Jesuisi mahāduwo-ki ratxireri-wana. ⁶Inyŋ rarybekeki: —Jiarŋ Jesuisi mahāduwo-ki watxireri. Tamy kia wese rŋikeki. Aŋmybo Jesuisi rotŋŋnyre wese, tii tule rotŋŋnyke. ⁷Ityhydŋŋduseriŋre, adee bede ywina tŋmyra aŋkŋ rewahinyreri. Bede ywina tyby kia rare. Kia juhū teeryteny. Inyboho wiluurenkemy, kia bede ywina tyby rare, juhū taholateny. ⁸Kia rybe bede ywina itŋmyra rare. Jiarŋ adee rewahinyreri. Kristu dee inatyhy rare tule adee inatyhy rare. Bedeluru rŋhŋnyra, loosŋa inatyhy bede-ŋ ralŋmyhŋ. ⁹Inyŋ rarybekeki: —Jiarŋ loosŋawo-ki watxireri. Kia iny taityhydŋŋdu seriŋre luuŋkeki, bedeluru-ki ratximyhŋ. ¹⁰Inyŋ taityhydŋŋdu seriŋre luukeki, kia sohojile loosŋawo-ki ratxireri.

Aō aōkō tii riatydyñyra. ¹¹Inyō taityhydyñdu seriōre rexihitxinykeki, bedeluru-ki rariamyhñre. Titxibo rake rieryōhyymyñre. Bedeluru dori ruetāna rare.

¹²Adeereny warybe rewahinyreri wariōre wese aōraru dori, tii riixāwididyñyre Jesuisi òraru-ki.

¹³Iumy mahādu-ò warybe riti rewahinyre adiwahinyde, kaiboho dori tuu teertyentye. Tii hykyle dori juhūu raremyhñ. Ijoityhy-ò waryberiti rewahinyre, Satanasimy tahañnanytenyete. ¹⁴Wariōre, inytyby Deuxu teertyentye. Iumy mahādu, adeereny aratyritinykre, kaiboho dori tuu teertyentye. Tii hykyle dori juhūu raremyhñ. Ijoityhy, adeereny aratyritinykre, Deuxu rybe dori òhōtirenky-ki ratxireri, arurudirenky dori. Satanasimy tahañnanytenyete. ¹⁵Bede aōmydyñnana luurenkyōmy boibeke. Inyō bede aōmydyñnana luukeki, Deuxu inytyby luuna rieryōke. ¹⁶Kia bede aōmydyñna rare: òraruluuna, aōmy robira-wana tuure, aōna aōnamy ixityhydyñna. Kia Deuxu-ribi aōkō nade. Kia bede aōmydyñna-ribi nade. Kia bede aōmydyñna-ribi nade. ¹⁷Kabede ixāwikre taaōmydyñna òta òta-wana. Deuxudeewimy widyñdu tiu ixāwiōtyhy. Tii awimy rñirakre.

¹⁸Wariōre wese. Ikonana bededyñnana iòhōmy roire. Adeereny narybede Kristu òludu kanakemy. Betehe inihe, Kristu òludu sōwemy dehemynyde. Kiawese inyboho rieryrenkyre ikonana bededyñnana iòhōmy roire. ¹⁹Kia Kristu-ò òludu iny mahādu wotyā-ribi ròhōnyrenkyra. Tii ityhydyñdutyhymy aōkō ratximyhñre. Ityhydyñdu mahādu tiu ròhōnyōtyhy. Ròhōnyrenkyreu, ibutumy rieryre, kia iny mahādu aōkō ratximyhñre. ²⁰Kaiboho aōmydyñnana ibutumy teertyentye Deuxu Tytybytyhy direki. ²¹Kia rybe adee

aratyritinyke, kaiboho dori Deuxu rybe inatyhyna teertyentye. Tiu rui Deuxu inatyhyna-ribi ròhōnyōhyymyhñre. Kia tahe teertyentye. ²²Moheka ruidu rare. Inyō rityhynyōkeki Jesuisi Deuxu deòdyñna raremy, tii tahe ruidu rare. Inyō Kristu Deuxu-wana ritxiōnykeki, tii Kristu òludu rare. ²³Inyō Deuxu Riōre ritxiōnykeki, tii Deuxu-wana aōkō ratxieri. Inyō rarybekeki: —Deuxu Riōre retyhynyre, tii Deuxu-wana ratxireri. ²⁴Juhūu aōòbo roholare taholamy toitemyhñ idi mohōtinybenkye. Idi mohōtinyamahābenkyeki, Deuxu, Iriōre-wana aōu sōu matxibenyke. ²⁵Jesuisi Kristule juhūu inydeereny narybede, umy ituedeōna inydeereny kidiwahinykemy. ²⁶Kia waritina jiarñ wiji rehura. Aitxenadyñdu lau adee reritinyra. ²⁷Abedeerydyñna Kristu tatytyby adeereny riwahinyre. Tii tahe awanale ratxireri. Aerydyñdu aōkō adeereny rauhenyrenkyeri. Tii tahe inatyhy bedeerydyñna ibutumy araerynanyeri. Rui aōkō rare. Iwese tii araerynanyreri wese, ibutumy biyrubunymahābenkye. Kia tahe Kristu-ki hykyle bexiemyhñbenkye. ²⁸Wiji, wariōre wese aōu aōu boibekemy Deuxu mahādūy-ki. Tai Jesuisi kaò kedehemynykeu, buberuōtyhy ada maixñruōtyhy ilau. ²⁹Deuxu òbitityhyhy ratximyhñre. Kia teertyentye. Inyō òbitimy rarekeki, Deuxu riōremy rareke. Kia tule teertyentye.

3 Boholake, inytyby Deuxu taluuna nihikñ inydeereny riwahinyre. Inyboho dori tii rininirenkyre Deuxu Riōremy. Inatyhymy inyboho Deuxu Riōremy roire. Kia tahe ityhydyñdukōdu mahādu rieryōre. Tiiboho dori Deuxu inytyby rieryōhyymyhñre. ²Waluuna mahādu, inyboho Deuxu Riōremy roire. Rierykōrenkyre timybo iny rokoirekremy. Kia inyboho rieryrenkyre:

Jesuisi kodobehekreu, inyumy taumy wese risŷnykre. Inyboho dori kodobidenykre iwese rarybemyhŷ wese. ³Inyŏ Jesuisi wesemy rarekemy ratxikeyi, iwese Jesuisi ōbitimy raremyhŷ wese tii rareke. ⁴Inyŏ Deuxu bede ywina rybe rityhynykeki, tii rexiōrarunye. Kia heka ōraruna rare. ⁵Jesuisi dobehede ōraru tarasadumy rarekemy. Kia teerytenyte. Jesuisi inatyhymy raōrarunyōhy raremyhŷ. ⁶Inyŏ Jesuisirykihiy rariake, tii ōraruōmy rareōtyhy. Inyŏ ōrarumy rarehykeki, tii Deuxu rieryōhyumy rareke tuu robiōhyumy rareke. ⁷Wariōre wese, itxenadŷŷdu lau bexiyrubunye iny aōmydŷŷnana ōbitimy riwinykeki, iny ōbitilemy rareke, iwese Jesuisi ōbitimy raremyhŷ wese. ⁸Inyŏ ōrarunadityhy raretyhykeki, tii Diabo mahādu-di rareke, Diabo heka ōrarauna-ki hy nodure. Tai kaō Deuxu riōre nade Diabo aōmydŷŷnana iŷawikemy. ⁹Inyŏ Deuxuŷ riōrekeki tii ōraruna-txi reseōlemy ratximyhŷre Deuxu dori iwo ritymyranyre. Tii reseōhyky rareke. Deuxuŷ dori rare. ¹⁰Kia wese iny rieryrenykre inyboho iriōre Deuxu riōremy roire ada Diabo riōremy aōbo, inyŏ Deuxu deewimy riwinyōkeki, tii Deuxu Riōre aōkō rare. Inyŏ taityhydŷŷdu seriōre luuōkeki, tule Deuxu Riōre aōkō rare. ¹¹Kia bede ywina rybe juhuu taholamy tatemyhŷ iŷare tadoholamahāte. Kia heka rare: iny wiluukemy. ¹²Iwese Kai taserōre rirubunye wese aōkō rikiwinykre. Tii dori Satanasi mahādu rare. Aōherekibo tasewriōre rirubunye. Iaōmydŷŷna Deuxu dee awiōre Iserōre aōmydŷŷna Deuxu dee ōbitire tai tahe rirubunye.

¹³Waseriōreboho, ityhydŷŷdukōdu mahādu eramy ratximyhŷ. Kia-di bedeōtiidŷŷomyke. ¹⁴Inyŏ ityhydŷŷdu seriōre luukeki, tii rubumy rŷire

wese mahādu-ribi rōhōnyre. Kia reerymyhŷrenye. Tahe umytuedōna-ki rahara. Inyŏ luuōkeki, tii rubumy rŷirawese mahādu-ki iŷmyhŷke. ¹⁵Inyŏ taseriōre derakeki, tii rubudŷŷdu wese rare. Boholake, kia teerytenyte. Rubudŷŷdu umytuedeōna-ki rahaōtyhy. ¹⁶Kiawese luuna rikiryrenke dori Kristu rubu-ō rexiwahinyre inydeereny tōemy. Tai tahe inyŏ taseriōre dee rurukeki iluuna sōwereki. Tii tahe awire. ¹⁷Inyŏ ityhydŷŷdu seriōre aōhokŷmy rotŷŷnykeki, rama rahukeki, tuu robike aō ijōdikeki, tahe iny riwiōhenanyōkeki, tii Deuxu luuna-di aōkō ratximyhŷre. ¹⁸Wariōre wese, luuna urile tuu rybena aōkō rare. Aōhebo rotŷŷnykemy iŷre. Kia tahe aluuna inatyhymy biteōsinyke. ¹⁹⁻²⁰Kiawese iny reeryrenye inatyhyna mahāduwo-ki ratximyhŷre. Jiarŷ arahōtinykeki. Jiarŷ aōkobo ityhydŷŷdumy watximahāre. Deuxu warayky riwiōhenanymy ratxireri. Deuxu warayky ratyre raraykywydynanymyhŷre. Tii ibutumy aō rieryre. ²¹Waluuna mahādu, ruberuōhyumyhŷre tahe iny ityhydŷŷdu mahādu-ki ratximyhŷre wana rieryreki Deuxu iny rityhynyre. ²²Tahe aōmy iny rexiōdenykeki tii inydee kidiwahinyke. Iny dori ibede ywina rybe rityhynymyhŷre. Deuxu deewimy iny riwinyumyhŷre. ²³Kia heka Deuxu bede ywina rare. Jesuisi Kristu, iriōrenimy rikityhynykemy. Tule iny wiluuna wiluukemy. Iwese tabede ywina rybe diwahinyde wese rarekemy. ²⁴Inyŏ Deuxu bede ywina rybe rityhynykeki, Deuxu-wana rareke. Tii-wana ratxikemy. Kia wese heka iny rieryrenye Deuxu-wana iny ratxireri. Deuxu Tatytybytyhy dori inydee riwahinyre.

4 Waluuna mahādu, ibutumy rybe bityhynybenyōke inihe

ityhydŷŷrenyōmy. Tai biurihike iny rybe Deuxu-ribi inatyhy aōbo ada aōkōre aōbo. Sōwemy rybedu mahādu rōhōnymyhyre. Tahe inatyhymy Deuxu rybemy rybedu aōkō rare. ²Kiamy Deuxumy rybedu mahādu inatyhymy bierykre, inyō rarybekeki: Jesuisi Kristu hābu wesemy nade, tii inatyhy Deuxu mahaduō ihyre. ³Inyō kiamy rarybeōkeki, tii Deuxu mahādu aōkō ratximyhyre. Kia Kristu ōluduō rare. Tamy taholamahāte kanakreō, tahe, kia ratximyhyre. ⁴Wariōre wese, kaiboho Deuxu mahādumy toite. Rybedu inatyhy aōkō rare, kia ruru tetatenyte. Deuxu dori aworeny-ki ratximyhyre Deuxururu, Diabo ruru ratyre rare. ⁵Inatyhymy rybedu aōkō aōmydŷŷnana binamy relymyhyre. Tii dori ka bede aōmydŷŷnana bina mahādu rare. Tahe ityhydŷŷdukōdu mahādu tamy roholamyhyre. ⁶Inyboho Deuxu mahādu roire. Inyō Deuxu rierykeki, indeereny roholamyhyre. Inyō Deuxu rieryōkeki, indeereny roholaōtyhy. Kiamy rikierymyhyrenyke inatyhyna mahādu inatyhyna aōkō mahādu.

⁷Waluuna mahādu, wiluummy rakatximyhyreny. Luuna dori Deuxu-ribi nade. Inyō luukeki, Deuxu-ribi tibie rare. Iny Deuxu rieryre. ⁸Inyō luuōkeki Deuxu rieryōre. Deuxu dori luuna rare. ⁹Kiawese inyboho rieryrenyry Deuxu inyluuremy ratxire. Deuxu Tariōre sohojile diteōnyde bede-ō inyboho Iriōre-ki umy tŷmyra-ki rahakemy. ¹⁰Kia heka luuna rare. Juhuu Deuxu iny tuu aōkō rare. Tii tahe inyluure. Tule tariōre diteōnyde inyōraru ōwy ōwydŷŷnanykremy. ¹¹Waluuna mahādu, Deuxu inyluurenytyhyreki, tai tahe inyboho wiluummy rokoireke. ¹²Tii Deuxumy inyō robiōhykyre. Inyboho wiluummy rŷikeki, Deuxu inywo-ki ratxike. Tai tahe inatyhymy Deuxu luuna inywo-ki ratximyhyre. ¹³Deuxu

iny-ō Tatytyby riwahinyre. Kiamy tahe inyboho rieryrenyry tamahādu-ki ratximyhyre. Tule rierymyhyreny tii iny-wana ratximyhyrenyry. ¹⁴Deuxu Riōremy inyboho robirenyra Tulobixidumy inyboho roire. Tuu adeereny relyreri. Deuxu Tariōre diteōnyde iny tarasadumy rarekemy. ¹⁵Inyō rityhynykeki idi rarybekeki: Jesuisi Deuxu Riōre rare, tii Deuxu-di tawo-ki ratxireri. Tii Deuxu-wana ratxireri. ¹⁶Inyboho rieryrenyry Deuxu inyluurenyry. Kia iny rityhynyrenyry. Duexu heka luuna rare. Inyō luuna-ki ratxihiykeki Deuxu tii-wana ratxihiyke. Tii Deuxu-wana ratxihiymyhyke. ¹⁷Iny luunareny Deuxu-ō rauhenyōreri. Tai tahe Deuxu wiribi ritxuakre kia txuu inyboho kiatxulau ruberuōtyhy. Iwese tii ratximyhyre wese inyboho kabede-ki ratximyhyrenyry. ¹⁸Inyō luuna-di ratxityhykeki, tii ruberuōtyhy. Luunatyhy brebuna-di rehumyhyre. Aōhōkŷmydŷŷnana brebuna kidiwahinyke. Inyō brebuna-di ratxikeki, tamy aōhŷkŷmy dŷŷnana kanakre. ¹⁹Juhuu Deuxu inyluurenyry, tai tahe inyboho iluurenyry. ²⁰Inyō rarybekeki: —Jiarŷ Deuxuluure. Tai tahe tii ityhydŷŷdu seriōre luuōkeki, tii ruidu rare. Inyō taityhydŷŷduseriōre luuōkeki, timykibo Deuxu luummy rarekemy iximy rōhōtinyke Deuxu dori tiu tuu robiōhyymyhyre, taseriōremy tahe robihyky ihyre. ²¹Kia bede ywina rybe heka Kristu indeereny riwahinyre: Iny Deuxuluummy ratxikeki, tule tii taityhydŷŷdu seriōre luummy ratxikre.

5 Jesuisi inatyhymy Kristu rare, Deuxu deōdŷŷna rare, inyō rityhynykeki, tii inatyhymy Deuxusŷ mahāduwo-ki ratximyhyre. Inyō Deuxu luukeki, tule iriōre luukre. ²Inyboho Deuxuluukeki tarybe ywina rikiywinykeki, tai Deuxu tibiedŷŷna

mahādu luumy rikierenyke. ³Deuxu rybe ywina rikityhynkre, irybe ywina dori isiraōre. Tai inyboho Deuxu luuna riteōsinykre. ⁴Deuxus̄ mahādu bede aōmyd̄ȳnana bina bina ruru ritamyh̄re iny Deuxu rityhynykeriki, kia bede bina bina ruru ritareri. ⁵Mo tahe kia ijesu tarasadre. Inyō Jesuisi Deuxu Riōre raremy rityhynykeki, tii bedebina bina ijesu tarasadu rare. ⁶Jesuisi Kristu nade. Inyō tii riratisenbenyre idi rare rurukremy tahālubu ritxiwikremy. Reriratisenbenykemy sohojile aōkō nade, tule tahālubu ritxiwikemy nade. Kiamy heka Deuxu Tyytyby tuu rarybere. Deuxu Tyytybytyhy tahe inatyhymy rare. ⁷Inataō aōmyd̄ȳnanamy inyeereny rarybere: Deuxu Tyytybytyhy ijōre, Jesuisi ixirati sebed̄ȳna ijōre, Jesuisi rubud̄ȳna ijōre. ⁸Kia inataō aōmyd̄ȳnanamy wiwese wiweselemy rarybereri. ⁹Hābu rybe iny rityhynmyh̄re. Deuxu rybe hābu rybe ratyre rikityhynmy rakatximyh̄renyke. Kiamy Deuxu Tariōremy rarybereri. ¹⁰Inyō Deuxu Riōre rityhynykeki, aōbo inatyhy ixidee rieryre. Inyō rityhynyōkeki, tii Deuxu-di ruidumy rōhōtynrereri. Tii dori rityhynyōrereri timybo Deuxu tariōremy rarybere. ¹¹Kia rybe rare: Deuxu inyeereny umytuedeōna riwahinyre. Tii tiu umy ituedeōna iriōre-ki inyboho rakaharenkye. ¹²Inyō Deuxu Riōredikeki, tii umyt̄myra tuedeōna-ki rahake. Inyō Deuxu Riōre-di aōkōkeki, tii umyt̄myra tuedeōna-ki tahasaōna.

¹³Kia aōna aōna adeereny retyyritinyre kaiboho umytuedeōna-di atxitenyteri bierybenykemy. Deuxu Riōre tetyhynytenyte. ¹⁴Inyboho Deuxudeewimy rexitōenymyh̄renyre, Deuxu iny-ō roholamyh̄re. Kia tahe inatyhymy rybena rare. ¹⁵Inyboho rieryekeki tii inyeereny roholamyh̄re, tai rierymyh̄renyre tii inyeereny riwahinyke aōmybo iny tany rexitōenyereri. ¹⁶Iny ityhyd̄ȳdu seriōre rubu-ō aōkō òraruna-txi resekeki, tany Deuxu-ō rekexitōenrenyke, Deuxu kia riwiōhenanykemy ixby Deuxu-ō ròðsekemy. Tii rubu-ō òraruna-txi resekeki, jiar̄y adee ararybeōkre tany bexitōenkyemy. ¹⁷Ibutumy òbiti aōkōkeki, òraruna rare. Òraruō rubud̄ȳnahyky kidiwahinyōkre.

¹⁸Inyō Deuxu-ribi tybiekeki, òrarunahy-ki rareōtyhy. Kia inyboho reeryrenyre. Deuxu Riōre ryrubunymyh̄re. Diabo iribi ròtaōtyhy. ¹⁹Deuxuhōrō inyboho roire. Kia inyboho rierrenyre. Kabede bina mahādu taaōmyd̄ȳna-wana Diabo hōrō rare. ²⁰Tule inyboho rierrenyre: Deuxu Riōre inatyhymy kaō nade. Tii rierynanyre mobo Deuxu inatyhy raremy. Deuxu-wana inyboho ratximyh̄renyre, inyboho-dori Jesuisi Kristu Deuxu Riōre-wana ratximyh̄renyre. Kia heka inatyhymy Deuxu rare. Kia inatyhymy umytuedeōnamy rare. ²¹Wariōre wese, bexihāruke ibutu bedeòraruna lau.

2 Juaõ

2 Juaõ Ryberiti

1 Jiarỹ dohodỹyna matuari mahãduõ warybe rare. Watyyriti rewahinyreri Deuxu ywisidỹyna hãwyyõ-ò, iriõre-ò. Jiarỹ ibutumy inatyhyerydu mahãdu-wana tiiboho inyluutyhyrenyre. ²Inatyhyna dori inyworeny-ki ratxireri. Ratxityhyhyymy ratxike. ³Kia dori inatyhy inyeereny tate luuna-di. Deuxu deysana, ruxetõena, ywina adeereny kanakemy watximahãre Deuxu Waha-ribi, Jesuisi Kristu, Iriõre-ribi.

⁴Ariõre mahãduy-ribi inatyhymy ijõ ityhydỹdumy ralore. Kia reeryreu, jiarỹ wadeysatyhyre ariõre Deuxu bede ywina rityhynyrieriki. ⁵Adee arexitõenykre hãwyy. Bede ywina rybe tỹmyra rewahinyreri wese aõkõ rare. Juhuu-ribi teeryte. Urile bede ywina hetxina õhõti reijeradỹnyreri. Kia heka rare: iny wiluukemy rakatximyhỹrenykemy. ⁶Bede ywina rybe rikityhynyhyykeki, kia heka inatyhy luuna rare. Kia bede

ywina juhUU Deuxu-ribi taholate. Tuu txuõ txuõlemy biwinyke. ⁷Sõwemy hãbu itxenadỹydu tyhy kabede-ò dòhõnyde. Tiiboho Jesuisi hãbuwesemy nade rityhynyõlemyhỹre. Kia itxenadỹydu tyhy tule Kristu òludutyhymy roire. ⁸Tamyreny bexiebeny, inyaõmydỹynana aõmysdỹynatyhy-di ritaremy iõkõkemy, Deuxu wahidỹynaõwy ibutumy ritakemy. ⁹Inyõ Kristu erydỹynana-ribi ròhõnykeki tule iwitxira erysyna riernanykeki, tii heka Deuxu hõrõ aõkõ rare. Inyõ Kristu erydỹynana-ribi ròhõnyõkeki, tii Deuxu dire iriõre dire. ¹⁰Tai tahe itxenadỹydu Kristu erydỹynana erydỹydu aõkõ aheto-ò rehemynykeki, uritere iròtedỹyõmy, irybedỹyõmy. ¹¹Inyõ rirybenykeki, iaõmydỹynanabina-ò riwiõhenanyreri.

¹²Jiarỹ warybe sõwemy adibutuny-wãhãde. Urile tyyrity-di ariritinyõkre. Arorarenymy dori arakemy watxireri. Kiamy rybe sõwemy ròhõnykre in-ysõwemy reysakremy. ¹³Aseriõre Deuxu ywisidỹyna mahãdu senadu, kia riõre tarybe wehityhyna adee riwahinyreri. Kie.

3 Juaŋ

3 Juaŋ Ryberiti

1 Jiarĩ, dohodĩyĩna matuari mahāduŋ rare. Wabiŋwa-ŋ, Kaio-ŋ watyyriti rewahinyreri. Inatyhymy aluummy watzimahāre.

² Waliina, juhuutyhy Deuxu-ŋ arāix-itŋedĩyĩnyra aaŋmydĩyĩna tule aumy wihikĩhykymy mabekemy, iwese atyytyby awire wesele ratxireri. ³ Inyseriŋre wese aribi rehemynyrenyreu, wako rellyrenyire umy iwese kai ŋbitimy tate wese tule inatyhyna-ki tateri wese. Tai wawo reysamy watzimahāre. ⁴ Jiarĩ raholahamahāreu wariŋre wese Deuxu inatyhyna rityhynyrreriki, kia ibutu ratyre wawo riteysadĩyĩnytyhyre.

⁵ Kai tahe, Kaio, kowa inyseriŋre tule iwitxira ludu seriŋre teeryŋteki, tewiŋhenanyteu aaŋmydĩyĩnana wihikĩ tewinymahāte. ⁶ Inyboho wirotyra-wana, kia hābu iny seriŋre aluunamy rarybera. Ibedetĩnana-ŋ biwiŋhenanykeki, aaŋwihikĩ biwinymahāke. Tuhyykeki Deuxu deewimy atximahāke. Tii dori iny-wana Deuxu inatyhyna-ŋ raaŋmysĩdĩyĩnykre. ⁷ Kia dori kianimy rŋhŋnyre. Ityhydĩyĩdukŋdu mahādu-ribi aaŋritaŋhykre. ⁸ Kia wese tahe tuu

rikiwiŋhenanymyhyke. Tai tahe Deuxu aaŋmydĩyĩnana tĩnydĩyĩna riwiŋhenanymyhyre.

⁹ Ratyyritinymahāre kowa ityhydĩyĩdu mahādu-ŋ. Inyŋ tahe warybe-ŋ roholaŋmyhyre. Tiiboho dori juhuludukemy ratxireri. Diŋtesi inire.

¹⁰ Aŋu arehemynykreu, ararybekre aaŋmybo tii rotĩyĩnyre tule aaŋbinamybo rarybere inymy. Aŋ tiihykyle aaŋkŋ, iny ityhydĩyĩdu seriŋre hāwawitxira ludu ixidee tarora-ŋ rimyŋtyhy. Inyŋ kia seriŋreŋ rimykeki, tii riixāwidinyre idy-ribi tii seriŋredyna-ŋ dohodĩyĩdu mahādu-ribi hitximy riteŋnyre.

¹¹ Waleina, kai Kaio, ŋrarudu mahādu aaŋhebo rotĩyĩnyre wese aaŋ kai tate. Iny wihikĩ wese kai tate. Inyŋ aaŋwihikĩ riwinykeki, Deuxu hŋrŋ tii rare. Aŋkŋkeki Deuxu rieryŋre. ¹² Ibutumy Dimitiu dee inatyhyna-di aaŋwihikĩmy rarybere. Inyboho tule. Kaile teeryte inyboho inatyhy rarybere.

¹³ Sŋwemy rybe adee ariwahinykemy watxireri. Tahe aaŋkŋre tyriti ritina-ki.

¹⁴ Eleelemy arakemy dori watxireri aroramy tai tahe widee rakarybekre.

¹⁵ Deuxu awo-ki riyyrkemy idi watxireri. Abiŋwaboho kaki awehityhy risareri. Wabiŋwaboho sohoji sohoji kowa-ŋ warybe wehityhyna biwahinykre.

Judas

Judas Tyyriti

1 Jiarỹ Juda rare. Jesuisi Kristu deòdu jiarỹ rare, Txiau exi wahe. Deuxu heka aluudu rare. Tii arayrubunymyhỹre òraru-txi reseke lau. Tai òbitimy ahābenyke Kristu nonana-ò. Watyyriti adee rewahinyre. ²Ruxetòena adee kanakemy watzireri Deuxu-ribi. Ywina sòwemy aworeny-ki atxibenykemy adireny watzireri. Wiluuna sòwemy akireny ihỹke, Deuxu-ribi.

³Jiarỹ kaiboho ibutumy aluurenyre. Deuxu ibutumy inyboho ritarenyre. Kia ibutumy ariritinykemy idi rahòtinyra. Inyboho heka ibutumy Deuxu sỹ mahādu roire. Iwese iny rityhynymyhỹre wese tii iny ritỹnynymyhỹre. Iribi tahe iny mahāduò adee nade iny inytyhyna riwixiradỹnykemy adireny ratxireri. Iny heka inatyhyna biyrubunyenyeke òbitimy rarehyyke. ⁴Kia òbitikò mahādu ayreny-ò ralòra. Tiiboho Deuxu rityhynyòre. Deuxu inydeereny awi heka rare òraru-ribi iny ritarenyreki. Kia òbitikò mahādu tahe kia wese rarybere: —Òraru-di atxikeki, kia aò aòkò rare. Deuxu dori iny òraru-ribi ritare. Jesuisi iny wedu rare, iny Iòlò wahe. Tiiboho tule rarybere: —Deuxu bityhynybenyòke. Deuxu ihetxiu rieryre kia wese tiiboho rarybekemy. Tai tahe tii ritỹnynymy ihỹre tiiboho bedehetỹbina-ò riteònyke.

⁵Deuxu inatyhymy riteònykre ritỹnynyraki. Iwese tii ihetxiu iny-di rehure wese, tii wiji iny rehukre. Judeu mahādu heka Deuxu ritare Egito bede-ribi. Idi tahe imahāduò rityhynyòre. Tai tahe imahādu rehurenyre. Kia teerytenyete. Itxi

òhòtirenny reakre. ⁶Ỳju mahāduò tule juhūu Deuxu deòdumy ihỹre. Idi tahe taaòmysỹdỹyna ririre. Tai Deuxu ròtena bedeò-ò riteònyre. Bedelorohokỹ ihỹre. Kabederawo-ki roire. Tiu heka iribi riòlòdỹnyòtyhy. Deuxu bededỹynana riywinymy roimyhỹre aòhòkỹmy isỹdỹynana-ò. Tai tahe Ỳju wesemy kia òbitikò mahādu rỹike, Deuxu itỹnydỹydumy rỹike. ⁷Ijò ijyy teeryte. Inatxi hāwā ihetxiu ibinatyhy rare: Sodoma, Omora-wana. Ijò hāwā tule ibinatyhy rare. Kia hāwā yludu mahādu ibutumy heka òta òtanale riwinymyhỹre. Hābuò dori wiwana rexiòrarunymyhỹre, hāwy tule wiwana wahe. Tai tahe Deuxu ihāwā rahure. Biu-ribi heòty diteònyde. Idi Deuxu dibedeerynyde òraru derare tii. Tiiemy aòhòkỹmy dỹynana riwahinyre. ⁸Kia tule òbitikò mahādu-ò riwahinyre. Tiiboho dori ibinamy riwinymyhỹre. Aòbinalemy raraykynymyhỹreny, taumyreny risurisunymyhỹreny òraru-di. Deuxu rityhynyòre tule Ỳju ruruna-di risinymyhỹreny. ⁹Tiiboho Mieli wesemy aòkò riwinyre Mieli heka Deuxu Ỳju dinoduò rare. Tii Satanasi-wana wiribi òtumy rarybemyhỹreny, Moisesi umy òraru-ki. Mieli heka ritirỹmyhỹre iumy ridyke lau. Iu Mieli Satanasi-ò rarybereu urihimyo rityhynymy rarybere, ixinohòtidile ritehiòtyhy. Urile rarybere: —Deuxule aratehikre. ¹⁰Kia òbitikò erydu mahādu aòbina riwinymyhỹreny. Aòbinalemy tytytyby bede aòmydỹynanamy rarybere kia rieryòmahā hārele. Kabede aòmydỹynanale rierymyhỹre iwese ibutu iròdu mahādu rierymyhỹre wese. Tiiboho heka iròdu aòna aòna nohòtijuranadile aòna aònamy rotỹnynymyhỹre. Tai rexihurenyre. ¹¹Deuxu heka kia mahādu kiditỹnynyke, Kaĩ reòsamy raremyhỹ wese dori reòsareki. Aòbo

Kaĩ ixi-di riwinykemy rōhōtinymyhyré heka riwinymyhyré. Kia mahādu tule Balaaō wesemy riwinymyhyré. Balaaō nieru sōwemy ritakemy ixidi ihymyhy. Tai tahe Deuxudeewimy riwinyōre. Tule kia mahādu Kore wesemy riwinymyhyré. Deuxu òludumy rexisyrye. Tai rexihurenkre iwese Kore mahādu rexihere wesemy.

¹² Kaiboho wiluuna roxina-ò tebutunyteu, kia mahādu tule ayreny-ò ralōra. Aworana bedehesi tiiboho ribinadỹnynmyhyré òbitimyno rieryōreki. Urile rexihydynamyhyré, inywitxira-txi tōhōti reaōhyymyhyré. Iwese yhy debure wese tiiboho roire. Urile yhy biu ridyōtyhy. Ròāōtyhy. Sōwemy taheka relemymyhyré, ihārele aōhomy aōkō namyhyde. Òwòru bederaty wahidỹdy wese tiiboho roire. Iratydikemy ratxireriu, ihārele aōkōlere. Òwòru rubu wese roire tiiboho. Raòròmymyhyré, rurumyhyré. Kia wese heka kia mahādu rare. ¹³ Kia òbitikō erydu mahādu tiu ele risaōhyymyhyré. Ahohokỹ aōwetari òbòhòkỹ idi rehumyhyré wesemy tiiboho inyrenyrye. Iwese òbòbexi-di ròhònymyhyré wese. Iòraruna òraru-ki aōbina bina iribi ròhònymyhyré. Tiiboho dori Deuxu inatyhyna ririrenrye. Iwese taina resemymyhyré wese tiiboho iribi resemymyhyrenrye. Deuxu kia mahādu-di ritỹnynymy riteònyke bedeluruhukỹ-ò. Iribi ròhònnyōtyhy. ¹⁴ Enoi heka Adaō dee yreō rare. Adaō juhuu hābu rare. Debòinatxi riòreky-ribi Enoi rare. Enoi Adaō riòre roko rare. Ihetxiu Enoi rarybere wijinabòdu mahādumy. Iwese òbitikō erydu mahādumy roirekre. Enoi rarybere Kristu nonanamy: —Tii kanakre tamahādu sōwe-wana.

¹⁵ Idi ibutumy iny ritỹnynykemy. Inyō tii taaōhòkỹmyna aōhòkỹmy rotỹnykre òraruna òraru-ki. Ibutumy òrarudu mahādu rehukremy Deuxu-my ralahatxinanymyhyreki.

¹⁶ Tiiboho rexirahemyhyré, tiu reysaōhyymyhyré, aōdibo tamywimy rabinadỹmyhyreki ratxikelemy. Rarybenihikỹmyhyré. Riwiòhenanymyhyré aō ritamymyhyré xiery.

¹⁷ Waluuna mahādu, òhōtirenry reake aōmybo Wanyrỹ Jesuisi Kristu teòdỹyna mahādu juhuu raryberé. ¹⁸ Tiiboho adeereny rarybere: —Bedeỹynana roomy tahe ijesu kòdòhònykre, ixidee wilemy tuu rotỹnynmyhyré.

¹⁹ Kia hābu iny wiribihitximy risỹnykemy, bedel aōmydỹynana luudu mahādu. Deuxu Tytybytyhy-di aōkō ratximyhyré.

²⁰ Kaiboho waluuna mahādu aityhydỹyna-di arurumy bitỹnynyke, Deuxu Tytybytyhyhyna-di bexitòenyberihyy. Deuxu luunay-ki iximy boibeke. ²¹ Wanyrỹ Jesuisi Kristu ruxetòena biraòbenyke. Tii heka umytuedeōna kidiwahinykre.

²² Biwiòhenanymyhyke ka ritxiònymy rỹira mahādu. ²³ Kia mahādu iworonawe-ribi wese bitake. Ijō-ò ywina-di brebuna-di bisỹnykemy taòraruna deramy bekowabenyke. Iòraruna aōna aōna-ò akyreny reake.

²⁴ Òraruna lau taruru-di Deuxu arayrubunymy ratximyhyré. Tii arateòsinykre yramy, tako-ò wowydyna-wana.

²⁵ Wowydyna, àlàdỹyna, ruruna, Iòlòtyhydỹyna, iny Deuxu sohoji-ò kanakemy watxireri tule Inynrỹ Jesuisi Kristu iny tarasadu-ò. Kata juhuuna-ribi, wiji aōu aōu-ò rahyykre. Kie.

Apocalipse

Deuxu heka Joaō-ò bede ritÿnnyre

1 Katyyriti-ki tahe bede aōmydÿÿnana roire. Kia heka Deuxu Jesuisi-ò ritÿnnyre. Idi Kristu Joaō-ò ritÿnnyre. Aōhebo ele elemy rotÿÿnykre heka inydeereny riteòsinyreri, teòdu mahādu wahe. Ýjuò heka Kristu riteònyre Joaō-ò ibutumy relyykemy, ritÿnnykemy. ²Iribi tahe Joaō ibutumy relyyre. Kaki heka riritinyre. Kia heka ijyy rare. Jesuisi Kristu inatyhyna rare. ³Inyò katyyriti-di rariakeki, eysamy ratxireri. Inyò kiamy roholakeki, eysamy ratxireri. Inyò kia rityhynykeki, eysamy ratxireri. Bededÿÿnana dori iòhòmy ratxireri. Kia ibutumy rotÿÿnyke.

⁴Jiarÿ heka, Joaō wahe, dohodÿÿna mahādu-ò watyyriti rewahinyreri. Debò inatxi reurò mahādu Asia bede-ki watyyriti rewahinyreri. Ruxetòena, ywina-wana adeereny kanakemy idi watxireri. Deuxu-ribi dori ratxireri, ihetxiu rare, tule tiemy rarekre. Tii dori ruxetòena adee riwahinykre, tule irynana tytyby riwahinyke, debò inatxi reurò mahādu wahe. ⁵Jesuisi Kristu tule adee kia riwahinykre. Tii tahe inatyhyna ijyydu rare. Tii juhuhu rubu-ribi ixixadu rare. Tii ibutu iòlò dinodu heka tii rare. Tii inyluure. Inyòraru iny-ribi tii riwatarenyre tahālubu òraru-ki. ⁶Tii Xiwe wahidÿÿdu mahāduò ixidee riwinyre, inyboho wahe. Ibutumy ityhydÿÿdu heka xiwe wahidÿÿdu mahādu wese rare, iòlò mahādu wese wahe. Deuxu rekeàlāmyhÿke. Ibutumy wowydyna, ruu-wana heka Jesuisi Kristu-ò rawahidÿÿmy rarekre ihyy hyymy. Kie ⁷Beteheke, tii biuwetykywo-ki naderi. Ibutumy iny tuu robikre. Irubudÿÿdu

tule tuu robikre. Ibutumy iny rahinykre, robukre iòraru-ki. Inatyhy rare. Kie.

⁸Jiarÿ AA rare YY rare. Juhuu ludu rare, tule ikonana ludu rare. Deuxu jiarÿ rare ibutu ruu wahòrò rare. Aōu aōu jiarÿ watxiwāhāre.

⁹Jiarÿ Joaō rare, aityhydÿÿdu seriòre wahe. Jiarÿ tule awese aōhebo ratÿÿnyre. Jesuisi iòlòna òraru-ki. Patmos bedebute-ki jiarÿ ratxire, ròtena wese heka tai ratxire. Jesuisi inatyhyna dori retÿnnyre. ¹⁰Nobiutxuò heka jiarÿ aōma Deuxu Tytybytyhy wadee dobehede. Iu tahe rybeò-ò raholare, juròna wodÿÿ wese heka rare. ¹¹Tahe wadee rarybere: —Biritinyke aōma ibutumy aōbo kai bobikre. Ibutumy dohodÿÿna mahādu-ò kia tyriti biwahinyke. Ka tyriti tahe biteònyke heka debò inatxi reurò hāwā-ò: Efesu hāwā-ò, Esmirna hāwā-ò, Pergamo hāwā-ò, Txiatira hāwā-ò, Sardesi hāwā-ò, Filadelfia hāwā-ò, Laodisia hāwā-ò. ¹²Retehera wahewo-ò mobo wadee rarybereò. Tahe debò inatxi reurò loosòna mynynalemy rabira, womati tÿrÿrÿÿle wahe. ¹³Itya-ki tahe hābuò wese rare. Ityky urarehe heka ratxire. Iwereysana heka womati tÿrÿrÿÿ heka rare wyò wòtena-ki roire. ¹⁴Irade iurahakÿ ratximyhÿre. Irue heka heòty wese rare. ¹⁵Iwa tahe bronze womati wese rare. Irybe wodÿÿ heka bee ijiranahakÿ wese heka rare. ¹⁶Iruruwe-ribi debò-ki heka taina debò inatxi reurò sòwe rimyre. Irybe mayrehe wiòtxu wese iry-ribi ròhònymyhÿre. Iòsÿny tahe txu tòtee wese heka rare, itÿnytyhyre. ¹⁷Kia ibutumy rabireu, jiarÿ resera bede-ò rubu wesemy. Tii ruuwe-ribi debò watyre-ki ritidire, rarybere: —Buberuòtyhy! Jiarÿ juhuludu rare, ihewoludu rare. ¹⁸Jiarÿ rurure, iribi tahe rexixare rubu-ribi, aōu aōu tahe jiarÿ watxireri. Tiu aruruòtyhy.

Rububede dinodu heka jiarĩ watxireri, ityre waruru rare. ¹⁹Biritinyke ibutumy tuu tabita wiji. Tule aõbo idi kanakemy biritinyke. ²⁰Adee aritĩnynyke aõbo kia ibutumy rare. Debò inatxi reurò taina heka wadebò-ki rare. Kia taina heka dohodỹña mahādu ŷju wese rare. Loosõna mynyna heka dohodỹña mahādu wese rare.

2 Kia heka biritinyke Efesu dohodỹña ŷju-ò: —Kaa heka inyò rybe rare. Tii taina debò inatxi reurò rimymy idi rĩmyhỹ iruruwe-ribi debò wahe. Tii loosõna mynyna yky-ki rariareri. Kia womati tĩrĩrĩhỹkĩ-di relere wahe. ²Aaõmysỹdỹña wiwihikỹ reeryre, awoxierysytere tule. Hābu bina tiu aitxerenaõna toite. Inyò Deuxu deòdumy iximy uritere rybedu, teurihitenyte. Kia irui rybe teerytenyte. ³Kaiboho tawoxieryterenytente. Tule aõhõkỹmy tatỹnytenyte waòraru-ki, wijile tule wahe. ⁴Kiarem y tahe sohojile wadee ibinare. Iwese juhuu waluu wesemy aõkõ wiji ahātenyte. ⁵Kaiboho heka atyhyna-ribi ahewo-ò taddòsetenyte. Kiarem y ta idi bexinohõtintymy bexirāhĩbenyke. Iwese juhuu atximahāte wese, ixityre boibekemy. Kiamy aõkõkeki, aloosõna mynyna ay-ribi aritakre. ⁶Kiarem y ta akireny sohojile awire wadee. Kaiboho heka Nikolaita mahādu iaõaõna widỹ deraren yre wawesemy. ⁷Iny rybeò ijohona mahādu bohola benyke Deuxu Tyytybytyhy rybe-ò timybo Ityhydỹdu mahādu-ò rarybemyhỹre: —Inyò òraruna ijesu ritakeki, tamy jiarĩ umytuedeõna ariwahinykre. Kia tahe Deuxu bederaty ritokre, Deuxu oworu-ki rĩmyhỹre wahe. Kia bederaty inyru wahidỹdu rare.

⁸Kia heka biritinyke Esmirna dohodỹña ŷju-ò: —Kia heka Juhuuludu rybe rare, Ihewoludu rybe rare. Tii rururibile rexixare. ⁹Aõhõkỹmy dỹ-

nana reerymyhỹre. Uriterenodu wesemy toite. Ihāre tahe aõna aõnawiiwii ahõrõreny rare. Aòludu mahādu umy rarybereri ibinamy. Tiiboho Satanasi mahādu roire. Judeu mahādu aõkõ roire tiiboho tuu raryberehāre. ¹⁰Buberuòtyhy kaiboho! Aõhõkỹmy dỹñnanaõ kanakre debò wiò txumy wahe. Tahe buberuòtyhyke. Ròtenawo-ki boiben ykre. Buruben yke hārele heka òbitimy biwatyhynybenyke. Iribi tahe irudỹña rataana adee ariwahinykre. ¹¹Kaiboho nohõti-di mahādu, bohola ke timybo Deuxu Tyytybytyhy heka ityhydỹdu mahādu-ò rarybemyhỹre.

¹²Kia heka biritinyke Pergamo dohodỹña ŷju-ò: —Kia inyò rybe rare. Tii mayrehe wiòtxuree dire:

¹³—Jiarĩ reeryre asỹ, ahāwā wahe. Kaiboho Satanasisỹ-ki tasỹnyteri, irynana rareri wahe. Tahe Kaiboho aityhydỹña teriòtenyte. Tai tiiboho warybedu Antipasi òbiti rirubunyrehārele.

¹⁴Ihāre tahe akireny sohojile wadee ibinare. Ayreny-ki inyò Balaaõ erydỹña rityhynyre. Tii ihetxiu Balake òraruna-txi aatysydỹmy ribedeerydỹnyre resedỹkemy. Tii Israeli mahādu-ò rarybere:

—Xiwen aõma ide tahe biròbenyke tule òta tahe urihim yò tahe ibinare.

¹⁵Tule ayreny-ki tahe Niolaita tohodỹña ijõreny rityhynyre, timybo rexiòrarunanykemy. Kia ibinare wadee.

¹⁶Tai marybeke tiiboho rexirahikemy idi iribi rexixāwidỹnykemy. Tukõkeki, anakre warymayrehe wiòtxuree-di iòludumy areakre wou-ki. ¹⁷Iny nohõti-di mahādu, bohola ke Deuxu Tyytybytyhy rybe-ò timybo Ityhydỹdu mahādu-ò rarybemyhỹre: —Inyò òraruna ijesu ritakeki, tamy biu-ribi rỹsỹna rỹikre. Manauratyre-ki heka nii tĩmyra raritim y roire. Òmo nii rieri yõre. Tunidukrele rieri yre.

¹⁸ Kia heka biritinyke Txiatira dohodŷŷna ŷju-ò: —Kaa heka Deuxu Riòre Rybe rare. Irue heka heòty wese rare. Iwa bronze womati wese rare. ¹⁹ Aaòmysŷdŷŷna reeryeri, luuna, ywina, tyhydŷŷna, juhuu ratyre wiji aaòmysŷdŷŷna. ²⁰ Kiaremy tahe sohojile wadee ibinare: Kaiboho heka Jezabel teijemahātenyete. Kia hāwyy dori Deuxumy rybedu ixi-di rare. Ihāre tahe òtaòtamy, xiwe rŷsŷmy rotohodŷŷmyhŷre, ritxoo hōrō wahe. ²¹ Jiarŷ tule txiò reijere òtaòta-ribi ixāwikemy. Tahe tuuòhyyre. ²² Idi herina-ò arilidikre ihābu mahādu-wana. Tai aòhōkŷmy rotŷŷnyrenykre. Tiiboho kia rexirāhīnyōrenyeki, tuu ele elemy ariwinykre. ²³ Iriòre bina arirubunykre. Tai ibutumy aòwidŷŷnamyna ityhydŷŷdu mahādu riwaerykremy. Jiarŷ heka inywo erydu dori rare. Kiaremyta iny sohoji sohoji ariòwynykre. ²⁴ Ayreny-ki tahe inyō rŷire. Tiiboho bedeeryna bina rityhynyrenyōre. Tiiboho bedeeryna bina rieryōhyyre. Txioinihe, bede ywina sira aōkō adeereny ariwahinykre. ²⁵ Iwese kaiboho tetyhynyte wese wiji bityhynybenyhyke. Ele ele dori arehemynykre. ^{26–28} Kaiboho heka òraruna ijesu bitakeki, adeereny ruru ariwahinykre. Kaiboho ihyymy wadeewimy biwinybenyeki, bede bede dinodu mahādumy boibebenyke, iwese ruru Waha-ribi remyra wese wahe. Tamywikeki womati òhòte-di bede bede mahādu rihukre, iwese butxi ribòhònyre wese wahe. Tule adeereny ariwahinykre aōma biurasò taina wahe. ²⁹ Iny nohōti-di mahādu, boholake Deuxu Tyytybytyhy rybe-ò, timybo tii ityhydŷŷdu mahādu-ò rarybemyhŷre.

3 Kia heka biritinyke Sardesi dohodŷŷna ŷju-ò: —Deuxu Tyytybytyhy debò inatxi reurò dinodu, taina debò inatxi reurò dinodu kia rybe

rare: —Aòhebo tatŷŷnymahātenyete reerymyhŷre. Arumy anireny ratŷnymyhyre ihāre tahe tarumy ahātenyete. ² Bexirawahatebenyke ainatyhydŷŷna-ki, urikō-ribi kiemy ixāwiheny. Deuxuko-ki awityhymy aōkō ixi-di texiemyhŷtenyete. Kia reerymyhŷre aòmysŷdŷŷnareny tewinymahāte. ³ Inatyhyna juhu taholatenytedi, bexinohōtinybenyke. Idi bityhynybenyke aōnanabina-ribi bexirāhihe. Tukōkreki wasidu wese ierykōmy adeereny anakre. ⁴ Ihāre tahe Sardesi hāwā-ki inyō reximymy òbitimy rarekremy ihŷre. Tiiboho wahe-ki tyky lyra urahakŷ-di kanariarenkyre kiemy dori òbitimy reximynyre. ⁵ Mobo ròtarenkyre, tyurahakŷ-di rexytyynyrenykre. Inireny Rutyyriti-ribi aritaòtyhy. Idi Wahakō-ò wahōrōrenymy aritŷnykre tule iŷjuko-ki. ⁶ Kaiboho nohōti-di mahādu, boholake timybo Deuxu Tyytybytyhy heka, ityhydŷŷdu mahādu-ò rarybemyhŷre.

⁷ Kia heka Filadelfia dohodŷŷna ŷju-ò biritinyke: —Kaheka inatyhymy Deuxu deòdŷŷna rybe rare, òbitimy nodu wahe. Tii Davi ijò rayna dinodu rare. Tii ijò riraynykeki tiu inyō riratòbònyòtyhy. Tii riratòbònykeki tiu iny riraynyòtyhy. ⁸ Aòhebo tatŷŷnymahātenyete reeryre. Akyhynakōmy atximahātenytemy rieryre warybe dori tetyhynymyhytenyete. Tai ijò adeereny reraynyra. Tii inyō riratòbònyòtyhy. ⁹ Bodoholabenykre. Satanasi mahādu heka Judeumy rexininimyhŷre tukōdu hārele. Idi adidydenykre akoreny-ò tatiowotimy kedesekeke. Iu aluurenymy riwaeryrenykre. ¹⁰ Aòhōkŷmy dŷŷnana kanake ibutumy iny urihidŷŷmy. Kaiboho warybe tetyhynyta, ywina-di tetyhynyta. Tai ilau arayrubunyrenyke. ¹¹ Ele elemy dori adehemynykre.

Ahōrōreny biyrubunye inyō aribi rawasinyheny arudỹna rataana wahe. ¹²Oraruna ijesu inyō ritakeki. Tii ixyby rubumy ruruōkre. Tii Deuxu heto-ki rasỹnyihyykre. Deuxuni ityre raritinykre tule Kristuni tỹmyra wahe. Jerusalēni tỹmyra tule ityre raritidỹmy rỹikre, biu-ribi dobehede wahe. ¹³—Iny nohōti-di mahādu, boholake Deuxu Tyytybytyhy rybe-ò timybo ityhydỹdu mahādu-ò rarybemyhỹre.

¹⁴Laodisia hāwā dohodỹna mahādu jỹ-ò heka biritinyke: —Kie rybe kaa rare. Tii inatyhyna inatyhy rybe rare. Tii Deuxu-wana bedede relereu, ratximyhỹ. ¹⁵Aōhebo tatỹnynymhỹtenyete ibutumy reeryre. Ainatyhyna-ki inatyhymy aōkō, txiōlemy aōkō toite tule. ¹⁶Tai tahe iòraru-ki ixi-ribi aratarenykremy rexinohōtinyre. ¹⁷Kai-boho tarybetenyte: —Waaōwiwi-di roire. Awityhymy watxirenryeri. Wadeereny aō rasiranyōhyreri. Idi urile texibōnytenyteri. Kaiboho dori abina, iaōkō mahādu, adehekỹ, aruety toite. ¹⁸Kia aratohonykre: —Waribi womati tỹrỹrỹhỹkỹ aworibityhy biōbranykre, aityhynamy wiwihikỹ. Tasỹse tyurahakỹ tule, ade wōtenamy. Tasỹse rueluahina tule, arue ywinamy. ¹⁹Waluuna mahādu òhòte-di aribedeernymyhỹre warybemy tule. Tahe eryrewemy aōsusu-ribi bexitabenykre wadee. ²⁰Bodoholabenyke. Ijò-ki rarymy watxireri. Inyō roholakeki ihetowo-ò aralokre. Tai tii-wana ariroxikre. ²¹Òraruna ijesu inyō ritakeki, tii wawana waryna-txi ronykre iwese jiarỹ waha-wana nadonymhỹde wese. Ròtare dori wawouna-ki. ²²Iny nohōti-di mahādu, boholake Deuxu Tyytybytyhy rybe-ò, timybo tii ityhydỹdu mahādu-ò rarybemyhỹre.

4 Iribi tahe biu-ki ijòmỹ rabira rasina wese. Rybeō raholare, jurònajurò

wesemy. Iwese wadee rarybere wese. Kiamy narybede: —Mana òwònyke, aōhebo itxòmo rahudi rotỹnykre ini ariteòsinykre. ²Iule tahe Deuxu Tyytybytyhy riwamyre. Iu, inyō rynanamy rabira biu-ki. ³Iòsỹny heka roosònymhỹre womatiwiwihikỹ rỹsỹ wese, Jaspe wesena, Sadonio wese. Uwajiò witxira tỹre heka rare iryna rirurawonyre. ⁴Tahe 24 ryna iryna rirurawonyre. Ityre tahe 24my wedu mahādu ronyre tyurahakỹ-di. Irati-ki womati tỹrỹrỹhỹkỹ-di rarataanany. ⁵Biudelaa, biumyta, irynana-ribi dohonyde. Heòtyloo heka debo inatxi reuròmỹ sòwe iko-ki rỹire. Kia heka Deuxu Tyytybytyhy tuu sòwedu rare. ⁶Tule iko-ki mana aho roire iuramy raurananyre. Irurawona-ki wiòwiò-ki aōni inaubiòwa rāire, irue sòwe ihewo-ki, iko-ki. ⁷Aōni delena heka hālòhehekỹ wese rare. Ijò heka karòtihikỹ wese rare. Ijò tahe hābu òsỹny wese rare. Ikonanareny tahe nawiihikỹ dowòmỹ nade wese rare. ⁸Ibutumy tiiboho debò sohoji reuròmỹ tesòwereny. Ta tiiboho tetya wirawyò rawyò irue dire. Tahe tiiboho rexielehynyōhyylemy txumy rummy rawiunymyhỹ: —Òbitityhy tate, Òbitityhy tate, Òbitityhy tate Inynyrỹ Deuxu rurutere. Kai tate, tule kai mabekre. ⁹Kia heka inaubiòwa boho rawiunyre: —Wowydyna, àlàna-wana rynana-ki rỹdu-ò, iki kiemy nodu-ò wahe. ¹⁰Iu tahe 24 wedu mahādu heka tatiowotimỹ taòsỹny sutxi ritidimỹ riwowydynymhỹreny resemy iko-ò. Tamy tarataana-di rehummy raryberenyre. ¹¹—Wadinodureny, waDeuxureny adee sohojile heka wowydyna, loosòna, àlàna rawahike. Ibutumy dori aōna aōna tewinyte. Adeewimỹ rỹimyhỹre idi rariamyhỹreny.

5 Ryna-ki rýdu ruruna debò-ki heka tyyriti werywery wesemy rabira. Tyyriti tahe wirawyò rawyò-ki iriti dire, tii debò inatxi reurò iratòbòna sòwe. ²Ýju ruu ruruhuký-my ryrmy dýýraxi-di: —Mobo ityhykre tyyriti ratòbòna aresydýýdukre iraydýý-ki tule. ³Tai tahe inyò ijòhyyre: —Biu-ki, bede-ki, surawo-ki ijoòhyyre. ⁴Inyò ityhyòre iraydýý-ki tamy itxere-ki. Iòraru-ki ta urile jiarý rahinymyhýre. ⁵Iule tahe matuariò wadee narybede: —Hiòmyke, betehe ta inihe Juda mahādu hālòheheký-ò, Iòlò Davi iriòre riòre wahe. Tii dori tyyriti ratòbòna riorokre idi riraynykre, tii sohojile dori wou-ribi ròtare. ⁶Kiamy tahe rabira, Budoeni Riòre wahe. Tii rynana ubey-ki rýimyhý. Aòni inaubiòwa ijòre. Tiiboho-wana tahe matuari mahādu rýire. Budoeni rurure wesemy rýire. Iò tahe debò inatxi reurò rare. Iruue tahe tule. Kia rare Deuxu Tyytybyò rare, tii bede bedemy nodu mahādu. ⁷Budoeni riòre tahe rynana-ki rýdu ruu debò-ribi ditade, aòma tyyriti wahe. ⁸Iule ta aòni inaubiòwa, 24 matuari boho-wana tatiowotimy rejujure buddeni riòreko-ò. Tii sohoji sohoji wiuna-di, womati týrýrýhýký hyna-di ratximyhýreny. Sohoji sohojiro-ki tahe òwòrusò wydysilýnywi-di wese rare. Kia Deuxu tyhydýýdu mahādu ixitòdedýýna violào wese tule ratximyhýreny. ⁹Tiiboho wiutýmyramy rawiunymyhýreny kamy wahe:

—Kai atyhy tate Tyyriti raydýý-ò, iratòbòna eresydu tule. Arubumy heka Deuxu-ò Ixýju ixýju teòbranyte. Irybe witxira witxira, ibede witxira witxira iixýjuna tule.

¹⁰Iòlòmý tewasynytenyete Deuxu dee tule xiwena wahidýýny mahādu wahe. Idi hāwā hāwā ariwedunyrenykre.

¹¹Ýju sòwetyhymy rabira rynana werora-ki, aòniboho matuarioboho tule.

Miliaò hòkýmy rasòwerenyre. ¹²Tiiboho rirajuahakýmy rawiunymyhýreny: —Wowydyna, ruruna, deysana, àlàna, loosòna tamy sohojile rawahinyrenyke buddeni riòre-ò. Tii dori rurure ityhymy ¹³Tai tahe ibutumy biu iròdu iròdu, suityre iròdu, bera iròdu iròdu ibutumy aòna tule rawiunymyhýreny rynana-ki rýdu-ò. Budoeni riòre-ò tule kia rawiunymyhýre. Rarehykyle, rarehykyle heka rarekre. Kie. ¹⁴Aòni inaubiòwa rirawyònyre: —Kie, Matuari 24 tahe reserenyre iko, kiemy noduko-ò.

6 Tahe Budoeni riòre heka tyyriti ratòbònaò riòròre. Kiamy rabire. Tule aòni inaubiòwa mahādu-ò narybede rybenihikýmy biumyta wodýý wese. Mana ini itxeremy. ²Tai retehere awaru urahakýmy rabire. Tairýdu iwaxiwahate dire. Tamy irudýýna rataana riwahinyreny. Tahe rare wou ròtakremy.

³Tahe ijò ratòbòna riorore. Ijò aòni tahe narybede inatxina wahe: —Mana ini itxeremy. ⁴Idi awaru sòhòký ròhònyre. Inyò ityre rýdu-ò ruruna riwahinyre, wou ritelenykemy bede bedemy. Tai hābu mahādu wii rahukremy. Tule inyò mayrehe ityre rýdu-ò riwahinyre.

⁵Tahe inataòna ratòbòna riraynyre. Ixyby inataòna aòni rybe-ò raholare: —Mana ini itxeremy. Tai retehere. Awaru lybmy rabire, ityre rýdu urihina-di tebò-ki. ⁶Tahe aòniy-ribi rybeò-ò raholare: —Womati nieru sohoji-di heka urihina sohojile heka trigo rawykre, txu-sohoji aòmýsýdýýna òwy wahe. Tule inataò urihina sevada rawykre, txuso-hoji aòmýsýdýýna òwy. Uritere ta uva-ò, adýý-ò aòhe isýdýýòmykre.

⁷Tahe inaubiòwana ratòbòna riraynyre, Budoeni riòre wahe. Ixyby inataòna aòni rybe-ò raholare: —Mana ini itxeremy. ⁸Tai retehere. Awaru bisamadòbòlýre wesemy rabire. Ityre-ki

r̃ydu heka Rubu inire, heòty bede rubunana iheludumy. Inyō ityre r̃ydu-ò ruru riwahinyre. Tai ròhònyre iny rirubunykremy. Inaubiòwa iny-ribi heka, sohoji rirubunykremy. Wou-ki, rama desemy, rubutyhy-di, iròdu debure-di heka iny rurure.

⁹Tahe iruyrena ratòbòna riraynyre. Tahe Xiwena wahedỹyna rawo-ki iny mahādu rabire Deuxu rybe òraru-ki, tatyhydỹyna òraru-ki rururenyre mahādu wahe. ¹⁰Tiiboho rirajuamyhỹre: —Deuxu Inynyr̃hỹkỹ, kai tyhy tate, òbiti tule. Tiu wexi waòwyreny bilidikre, warubudỹdureny-ò? ¹¹Tahe iximynamynamy tyurahakỹ-di rexitnyrenyreny. Tahe tamyreny rarybere urihimyo rexielehnyrenykre. Ijoiireny iwesereny rurukreu riraòrenykremy. Isòwereny rexihureu wahe.

¹²Tahe debò sohoji reuròna ratòbòna riraynyre. Kiata idi suu ramytytare inihikỹmy. Txuu urile rurunyre, ahādu isòmy relere, halubusò wese. ¹³Taina tahe sutxi dejujude iwese bederaty yhydebore ritxiwimyhỹre wese. ¹⁴Biu titxibo ikòre, iwese tyyriti rarasemyhỹre wese. Ibutumy hāwālò bedebute tule taherina-ribi ratate. ¹⁵Iu tahe ibutumy iny rexiwore hāloohokỹwo-ò, manahakỹ hewo-ò tule. Tii roire lòlò mahādu, bededinodu mahādu, soldado dinodu mahādu, ityhy mahādu irurutere mahādu, ibutumy ijò mahādu rexiwore. ¹⁶Tahe taixiwotena-ribi rirajuamyhỹreny: —Watxireny mana heka bedesede ryanana-ki r̃ydu lau rekexiwòrenykemy. Budoeni riòre debure lau tule. ¹⁷Deburena txu, kyarana txu heka reare tamy, mobo riijekre.

7 Idi tahe inaubiòwa ỹjumy heka tuu rabire. Tiiboho heka inaubiòwa bedehitxihitxi bedemy r̃yire. Tahe rimyreny yhyhykỹ tebò-ki heka

rimyreny. Tiu heka òwòru radeò raykỹhyky roire. Bede-ki aòkò, aho-ki aòkò rebònyra? ²⁻³Tule ijòmy rabire ỹjuòmy ibryra-ribi rarerimy. Deuxu irumy nonadu hāletena nihikỹ widỹyna heka diwymy idi nade. Iribi tahe inaubiòwa ỹju-ò tii rryre: —Txioke inihe. Iwotòmodỹyòmyke wa suu, bee, òwòru. (Kia ỹju mahādu dori, bede, bero, wotòmodỹyò mahādu ihỹre.) Biraòriòreke heka Deuxu hāletena deòdu òru-ò aritidikre. ⁴⁻⁸Tiwesebo kia ritidỹyna rimymy idi rare. Tahe raholare heka jiar̃y tiweserebo. Ta 144.000 iny ibutumy. Israeli ijoi waòinatxi reurò kia ijoimy heka ixidee rimyre. Sohoji sohoji ijoi-ribi 12.000 inymy heka rimyre: Juda ijoi-ribi, Gade ijoi-ribi, Asser ijoi-ribi, Naftali ijoi-ribi, Manases ijoi-ribi, Simeaò ijoi-ribi, Levi ijoi-ribi, Issacar ijoi-ribi, Zebulò ijoi-ribi, Jyje ijoi-ribi, Benjami ijoi-ribi, Kia ibutu ijoi-ribi heka 12000 inymy rimyre.

⁹Iribi tahe sòwemy inymy rabire. Timy heka idi wariramahāduòkre. Ibutu 12.000 hāwā hāwā-ribi wirotyre. Bede ibutu rybe witxira witxira rybedu ibutu ijoi witxira wahe. Tai tahe Budoeniube-ò tiiboho rotamanyreny. Budoeniko-txi ryanako-txi wirotyre. Ibutumy tiiboho ityyurahakỹlemy roiremy. Horeni iru-di heka roiremyhỹ. ¹⁰Tahe rryreny —irariemy rryreny: —Biu-ò hena waDeuxu-ribi nade ryanana nihikỹ-ki ronyreri. Tule Budoeni-ribi nade. ¹¹⁻¹²Tahe ỹju ibutumy heka widotyde ryanawerora-ò, tule matuari mahādu tule iwo-ki. Inaubiòwa aòni ibutumy resereny ryanana nihikỹko-txi resere taòsana sutxi ritidimy Deuxu kia wowydynamy relere. Kie, myheka rarybere: —Wowydyna, Bedeerydỹyna, deàlana, loosòna, aruru, aixiòlòdỹyna. Ibutumy heka kia kanakre inyDeuxu-ò.

Rarehykyle, rarehykyle heka rarekre. Kie. ¹³Tahe wawiò inaubiòwa matuari mahāduò wadee r̃ỹraxire: —Kai aòbo teerymahāte kia tykyurahak̃y-di ratxirenyrerìò, tule tiribibo ròirerì? ¹⁴Tahe rarybere: —Aòkòre wanyr̃y, reerykòre. Bedelyyke wako. Tahe wako tuu delyyde. Kia heka dòhònyde heka aòhòkymy d̃ỹnana-ribi dòhònyde rare. Ityky rityranyre heka Budoeni riòre hālubu-di. ¹⁵Taiki heka rynana nihik̃yko-ki ratxirenyrerì Deuxuko-ki. Kaheka ruu, txuu-wana heka rāāhimy ratximyh̃yrenyre taheto beded̃ỹnana-ki. Kia rynana-ki r̃ỹdu tahe riyrubunyrenykre. ¹⁶Tiu rama rirubud̃ỹrenyòmy heka bemomo boho. Tiu txutòteehek̃y-wana wiris̃ỹnyòtyhy ybòtò boho-wana, txutye boho-wana. ¹⁷Budoeni riòre dori rynana nihik̃yko-ki ratximyh̃y. Tii heka arỹna adee riwahinymyh̃ykre. Tii heka adi itxeredukre heka aradykre heka Umyituedeòna ube-ò. Deuxu irube rirubud̃ỹnykre.

8 Budoeni riòre debò inatxi reurò hāletenamy ribòhònyreu, aòdee biu-ki roholaòhyyre heka byy, myle roire: aòwod̃ỹy wod̃ỹyhomy aòkò. Wadee meia hora txumy bedemy bedewyre. ²Debò inatxi reurò ỹjummy tuu rabire Deuxuko-ki nyidemy. Tahe inyò tamy riòremy idi retehere debò inatxi reurò ajurònamy.

³⁻⁴Tahe iwitxira ỹju nade. Tii womati t̃ỹr̃ỹh̃ỹk̃y atara nihik̃y. Tahe xiwenatyre orarade r̃ỹny wihik̃y ritoonyre. Inyò riwahinyre ỹju-dee sòwemy. Riurinykemy Deuxu ijoj ixitòed̃ỹna-wana xiwenatyre-ò risòkemy aderòna r̃ỹnyrehek̃y heka womati t̃ỹr̃ỹ xiwenatyre-ki ritxiwire Deuxu ryanako-txi. Ỹju iribi tahe kia ibutumy raòwònyre Deuxu-ò. ⁵Tahe heòty-di heka ỹju atara rit̃ỹxinyra idi heòty-di rehure biu-ribi bede-ò. Tai tahe biummytxi ramytxynihik̃ynyre heka

suu biu tawe rihetenyre rybe wese wod̃ỹy ramytatare.

⁶Tahe debò inatxi reurò ỹjummy heka rexiywinymy r̃ỹire ajuròna-di jurònykremy.

⁷Juhu ỹju heka rurònyre. Iribi tahe bedejutytyhyk̃y heòty hālubu-wana raurinymy bede-ò rejuxunyre. Bedejura tahe roomyh̃y asirade, bedero-wana inataò-ribi, sohoji roomyh̃y.

⁸⁻⁹Iribi ihewoludu txuròna-di rurònyre. Tahe berahak̃y-ò resere hāwālò nihik̃y wesemy. Tai ibutumy heòtylawò txuramy ituere. Iyre bee tahe hālubuhuk̃ylemy relere. Iyre utura tahe ituere.

¹⁰Tahe ihewoluduhe txuròna-di rurònyre. Iribi tahe tainahak̃yò berohok̃yire-txi resere berayre-txi tule.

¹¹Tainahak̃y heka ihyre inire. Tahe sòwemy iny ituere ihyre bee riurinyreki.

¹²Tahe ihewotyhy tyaludu txuròna-di rurònyre. Tahe aòwesele txutyemy txuu roosòòhyyre. Tahe ahādu tawekremy turutyhy inihe relere taina tule. Tahe bederurunutyhyre heka.

¹³Tahe idi retehemy jiar̃y rāiwāhā. Tahe tuu rabire nawii nihik̃yò ruòm̃y ratxirerìò. Tii iryru-di heka rarybemyh̃y: —Bede heka rabinakre. Bede heka rabinakre. Suludu bede iny-ò rryrymyh̃y: —Txioinihe sòwemy aòbina binahak̃y rexiòt̃ỹmyranykre. Tahe hewotyhylyudu ỹju txuròna-di kudurònykreu heka bede rabinatyhykre.

9 Ijò ỹju tajuròna rurònyre. Tii heka iruyre hewoludu rare. Tahe ijò inymy rabire. Biu-ribi suò taina resere wese tii resere. Tamy ijò raynaò diwahinyde, hāloo nihik̃y ratòbòna rayna wahe. Hāloo nihik̃y heka irehehek̃y rare. ²Tahe riraynyre. Wādasi iribi tahe dòhònyde. Iwese tahe bede rurunyre wawerorareny-di. Txuu, ibutumy rurunyre wādasi lybyhyk̃y òraru-ki. ³Tahe seihik̃ylyby wese heka

wàdày-ribi dònònyde tahe desede suò. Seihe heka itytibòròhòkÿ wese heka ihe rare. ⁴Asi rubudÿÿòmykre bederaradeò tule, òwòru tule. Inyò Deuxu kia ritidÿÿna iòru-ki rÿiòkeki, tahe tule tamy ijira rÿikre. ⁵Iny rubudÿÿmy aòkòre. Tahe iny aòhòkÿmy rotÿÿnykemyre heka iruyre ahàdumy. Aòhòkÿmy rotÿÿnymyhyre kia ihe juberereri riijererimy ihÿre. ⁶Kia txuu tahe ixirubudÿÿmy reamyhyre. Tahe aòkòre heka timyhe ixirubudÿÿkòmy tamyhe rubu dehemynyòhyymyhyde. Tukemy heka riwisÿnymyhyre. Tahe aòkòre rubu iribi rahenymyhyre. ⁷Seihikÿ heka awaru wese rare. Iwese awaru rexiywinymy wou-ki ralòkremy rÿimymyhyre wese heka rare. Irati-ki rÿire womati tÿrÿÿhÿkÿle irataana wahe. Iòsana heka iny òsana wese rare. ⁸Irade irehehekÿre hāwyy radehekÿ wesele. Txuu tahe leaò juhukÿ wesele rare. ⁹Wyhy itxena ibreti-ki roimymyhyre. Womatile ibreti rare. Bede heka urile rawodÿÿnyhÿkÿmyhyre. Iwese tewe awaru-di nodu sòwe iwodÿÿ rare. Iwese aòbina-ò raijaramyhyre wodÿÿ wese wahe. ¹⁰Seihikÿ heka bòròhywe nihikÿ wese heka rare. Tahe iruru-di rare. Iny riwotòmonymyhykemy iruyre ahàdumyhyre. Iherona ramytxytxyre iruyre ahàdumyhyre. ¹¹Iiòlò heka hāloo rahejihikÿ wedu heka rare. Ini heka hebreu rybe, Abadu rare. Grego rybe heka, Apoliò heka rare. Iny rybe heka iny hàdu hàduhukÿ rare.

¹²Juhuu bedebinahakÿ ituera ròhònyra. Katahe ijò iwitxira kòdòhònykre inatximyhyre wahe.

¹³Ijò ÿju tajuròna-di rurònyre. Tii heka debò sohoji hewoludu rare. Raholare heka rybeò-ò. Womati xiwenaò-ribi ròhònyre. Xiwena-ò heka inaubiòwa sòwe. Kia womati tÿrÿÿrÿ xiwena heka Deuxu rynanako rÿire. ¹⁴Kia ÿju-ò heka rarybere

ijuròna dinodu wahe: —Inaubiòwa ÿju besedÿÿnyke ixinamy ròhònyke. Tii heka Bero nihikÿ ròtena-ki, bero Eufatesi-ki. ¹⁵Tii heka ròtena-ki ratximyhyre kia bededÿÿnanau, kia txuu, kia ahāduu kia beòrau. Iribi tahe riòlòdÿÿnyrenyire. Iribi tahe ihewoludu iny ibutumy rahure. Iyeyre inataò hāwā jurajuramy heka rahure. Inataò jura-ribi sohoji sohoji rirubunyire. ¹⁶Tahe jiarÿ raholare tiweserebo aòbinadumy rÿire. Iny 200.000.000 inymy rÿire. ¹⁷Tahe aòbinadumy rabira awaru tyre ronyreri. Awaru tyre ludu tahe iwyhy itxena dire. Ibutumy wako-ki rÿire. Ibutumy rabire. Womatihikÿle, heòtyhykÿwesele heka rare. Ijò heka tÿreura rare safira wese. Ijò tahe tÿre raramadòbò wesele. Awaru rati heka leaò ratihikÿ wesele rare. Heòtyle iry-ribi ròhònyreri wādàsi enxofre-wana wahe. ¹⁸Kia heòty heka inataò jura-ribi sohoji jura iny rahure. ¹⁹Tule awaru nohewòru heka iruru dire. Iryribile tahe iheòty ròhònyre. Taile iruru rare. Hemylala rati wese dire ruròmy heka inatxi hemylala juwesele. ²⁰Iny ituere sÿtybymy tahe rarònyre. Deuxu deàlāna dee heka reòbyòhyre. Diabo mahādu luulemy ratximyhyrenyire. Aòma rityhynyrenyire womati tÿrÿÿrÿhÿkÿ ritxoo, òwòru ritxoo suritxoo, mana ritxoo. Kia ritxoo heka aòki robiòhyymyhyre, aò roholahyymyhyre. Rariaòhyymyhyre. ²¹Iòraru-ribi roxirāhiòtyhy iribi tahe rahòtinyrenyire aò òtaòtamy, rubudÿÿnamy, wasinamy, òwòrumy. Kiale ròhòtinymyhyrenyire.

10 Tahe iwitxira ÿjuhukÿ rabira biu-ribi suò robehererimy. Biuwetykywesehekÿle iweroramy rÿireri. Tahe owaji wese iratikile roireri. Iòsÿny tahe txuwewehekÿle, iwaube tasÿ heòtyhykÿwesele roosòm. ²Tii heka tÿyritinadile debò

ritÿtenymy ratximyhÿ. Tahe itÿte heka deboube-ki roimyhÿre. Tahe tawaube ruruludu heka betye ritidimy idi rÿire. Tawahyweludu tasÿ ityti-ò ridemy idi rÿire. ³Tii rryyre heka tarurumy. Leaò iràhàkÿwesele rryyre. Iu tii rarybereu, debò inatxi reuròmÿ heka ramytxynymy dirawyònyde. ⁴Tahe riritinyre heka aòmÿbo timykira raryberenÿré wahe. Tahe rybeò-ò raholare: —Kia widÿÿòmÿ. Kia rybe hewa ierysyna aòkò rare ixinamy tahe tuu roike. Biritinyòke aòmÿbo ramytxyna rarybere? ⁵Tahe ÿju suki ratxireri, beki ratxireri ruru ludu debò biu-ò riteòsinyre: ⁶—Deuxu-ribi heka tuu raryberé, warybemy inatyhmy. Deuxu heka tiemy rarehyyle rare. Ibutumy heka riwinyre biu-ki rÿira bede-ki rÿira-wana. Tai heka warybe inatyhmy rare. Ararybekre heka raroorehenÿòtyhy kaki. ⁷Debò inatxi reuròna ÿju tajuròna ritxurònykreu heka, Deuxu ibutumy relemÿ rÿikre iwese rarybere wese. ⁸Iribi tahe rybe biu-ribi wadee nade. Wadee rarybere: —Biòryke hewa tyritina ÿjudebò-ki naderí suki bera-ki kia rÿireri. ⁹Tai tahe tamy rehemynyre iòhòmÿ tyriti tamy rexitòenyre. Tahe wadee rarybere: —Biwyke. Birÿsÿke. Juhuu tahe bidi wesemy ary-ò bidekre. Birÿsÿkreu tahe ibutumy rahyrenykre awo-ki. ¹⁰Iribi rewya rerÿsÿra. Iwese tii juhUU rarybera wese rare. Ibreere juhUU. Iribi rerÿsÿreu tahe, wawe rubererenyre. ¹¹Tahe wadee rarybere: —Kai heka dohodÿÿmy makre ixityre ibutumy inywitxiramy heka botohodÿÿkre. Ibutumy inywitxira witxira-my botoho. Ibutumy rybewitxira witxira botohomy. Ibutumy iòlòmÿ botohodÿÿkre.

11 Iribi tahe inyò wadee diwahinyde urihixinaò. Wadee rarybere: —Biurihikesÿ titxibo Deuxusÿ rÿimyhÿré. Iwo tule xiwena wahidÿÿna

biurihike. Idi mariake tiwesebo iny iwo-ki rÿirémÿ. ²Tahe ahana-ki iube idi riraòmÿke. Tii dori ityhydÿÿdukòdu mahàdu dee wahisidÿÿna rare. Tiiboho dori 42 ahàdumy idi rariakre. ³Jiarÿ dori inatxi rybedu idi watxiwāhāre. Tamy ruru ariwahinykre. Tii heka saumytykyle rariakre. Tii heka rybe ritÿnynykre beòra inataò weeremy. ⁴Rybedu inatxi heka bederaty òwòru inatxi wese rare. Tahe tule inatxi loosòna mynydu wese heka rare. Kia Deuxuko-txi rÿire wese heka rare. ⁵Inyò idi ibinamy riwisÿnykeki, tahe ixirubudÿÿmy rorukumyhÿre. Heòty iryribihikÿle ròhònyke heka iny rirubunyke. ⁶Tii heka irurudire biu dejuxu lau riekemy. Tahe tiu biu reseòtyhy heka inataò beòra weeremy wahe tii Deuxu rybemy rarybereriu wahe. Ihāre tahe tii rexirahòreke bero nihikÿmy aho nihikÿmy hālubumy rexirahòreke. Ihāre tahe ibutudee bina riwahinyke, rubuna riwahinyke tiiboho awimy tai raharenÿkeki. ⁷Kia heka inataò beòra weere rikonananykeu, rybe tÿnydÿÿdu inatxi rikonananykeu, hāloo rehe nihikÿwo-ribi aòni kòdòhònykreu, tahe aòbina nihikÿ-ki heka iu rÿikre. Tahe inatxi rybedu rirubunykre. ⁸Iumy rubu tahe hāwāry-ki roikre, tibo inyry rirubunyrele. Rawesenanyre, kia hāwā arinikre Sòdòma ada Egito wese. ⁹Inataò txuu weere riwydi hāwā ube-ki iumy rubu roikre. Inyò heka tiu rituunyòtyhy. Ibutu iny hāwā hāwā-ribi ibutu rybe witxira-ribi heka tamy itxeremy rehemynykre. ¹⁰Ibutumy heka iny teysamy rÿikre urile iny widee aòna aònamy riwahinymyhÿkre. Tiiemy inyò raaòmÿsÿdÿÿòtyhy kiatsu. Tai heka tahòti heka itxi reakre kia inatxi rybedu rurure tahòti itxi reakre. Lisini heka rÿikre, worana bedehesi. ¹¹Kia txu inataò txuweere-di, iumyreny iruna kòdòòsekre tamy Deuxu-ribi.

Tiiboho lamamy rotamanykre. Iny rarokonykre heka ruberu nihikŷmy rŷikre heka. ¹²Inatxi rybedu-ò heka rybetereò biu-ribi nade: —Kaiboho bòdòibedenyke kaò. Tahe biuwetyky raòwònyrenykre kia iòludu mahādu idi retehemy rŷireri yrubule. ¹³Kiaule tahe bede ramytatakre. Debò wiò heto jura jura-ribi heka sohoji resere. Tahe 7000 inymy rurure. Tahe iny rarokonykre tahe iuhe ruberu nihikŷmy rŷikre. Tahe wowydyna riwahinykre Deuxu biu-ki ratximyhŷreò.

¹⁴Inatxina bede dŷŷnana bina tahe ròhònyre. Tahe ijò kanakre.

¹⁵Debò inatxi reurò ŷjummy heka juròna rurònyre. Tahe sòwemyhe iny rarybemy rŷimyhŷ, ryrymy rŷimyhŷ: —Kia bede dŷŷnana, iòlòna, inynrŷ hōrō rare. Kristu hōrō rare. Aōu aōu tii ibutu ibutu iòlòmy ronykre. ¹⁶Wawiò inaubiòwa matuari tahe, rynana-ki ronyrenyleri Deuxuko-txi. Tahe Deuxuko-txi reserenyire. Wowydyna tamy riwahinyrenyire:

¹⁷—Kai Deuxu, tuu tate ihyymy, ibutururu ratyre aruru rare. Aruruteremy bonykre bede dinodumy. Umy reālāmy kia-ò.

¹⁸Iny heka ibutumy alau ruberumy-hŷre ibutumy òludumy rŷire, adee deburemy rŷimyhŷre. Rubu hitx-idŷŷna heka bede reamy heka roire. Eòdurenyle heka riòwynykre, aijoi riòwynykre, rybedu mahādu wahe. Ibutumy ani rityhynymy rŷira, nihikŷ iyja-wana, kia bede huduhukŷ rare. Ibodedŷŷnana reamy heka roire.

¹⁹Biuwetyy riraynyre Deuxu heto. Ibutumy heka lobidŷŷna tyriti hyna iwo-ò iny robimy rŷire. Iu tahe biumytxi, biudelaa ibutu yhynihikŷ, ibutumy bede ramytatamy rŷire, berahakŷ tule resere.

12 Iribi tahe ròhònyre warasina-ki aōbo. Aōhebo bede

ritŷŷnykremy, biuwetyy-ribi hāwyyōmy rabire. Txuu wese tahe itykyra. Tii lamamy rŷire ahādu tyre. Tarati tyre-ki tahe tainahakŷ rataana idi rŷire, waòinatxi taina wahe. ²Tii heka bòtòmy ihŷmyhŷ. Ryrymy heka txubrere riijemy tabededŷŷnana-ò resera uladu reakremy. ³Iribi tahe aōna aōna biu-ki rexisŷnymy, aōni hemylalasò nihikŷ wese wahe. Irati tahe debò inatxi reurò sòwe iratimy. Debòwiò sòwe heka iòmy. Irataana heka iratimyna myna rŷimyhŷre. ⁴Tii tahe tòhewòru-di taina ributunymy ridyre. Bede tyre-ki idi rehure, taina jurāò. Tii hāwyyko-txi rŷire. Uladu reakreule tahe uladu riròkremy. ⁵Tahe tohouā reare, hābumy heka reare. Tii iòlòmy heka ronykre, ibutu bede bede iòlòteremy wahe. Ihāre tahe Deuxu ridyre. Raòwònyre heka Deuxu rynana-ò. ⁶Hāwyy tahe rahenyre bederahy-ò. Tii 1260 txumy heka tii bederahy-ki bede riekremy. Deuxule heka tii riywinyre.

⁷Biu-ki heka aōbina nihikŷ rŷire. Mieli, ŷju dinodu heka, taijoi-wana raaōbinanyre aōni-wana taijoi-wana.

⁸Aōni tahe resera taijoi-wana. Ròtara. Biu-ribi ròhònykemy tahe idi ratxireri.

⁹Riteònyre biu-ribi, aōni nihikŷ heka ròhònyra. Tii heka hemylala nihikŷ wese rare. Satanasi inire, Diabo wahe. Itxenadŷŷdu heka rare ibutumy iny. Suki resera, taijoi-wana. ¹⁰Raholare tahe biu-ribi rybeò-ò: —Deuxu tarasana heka rehemynyre. Tii taruru riteòsinyre iòlòthy raremy. Kristu taruru riteòsinyre. Aōbina bina rybedu tahe Deuxu-ò rarybehyymy ratxireri, txu-wana, ruwana. Tii tahe ròhònyra biu-ribi. ¹¹Waityhydŷŷdu seriòre mahādu heka ròtara Budoeni hālubu-di, inatyhyna hāletena-wana. Rurukemy ratxireri tiiboho tamydeewikeki.

¹²Beysabenyke biu mahādu. Koityhyxe tahe ahohokŷ, bede-wana. Diabo

dori adee rehemynyre. Tii reburere, ibededÿÿnana dori iòhòmy reare.

¹³Iu hemylala aõni heka bedekile ratxirerimy rieryeu, tahe hāwyy tohouā-wana kia-ò aõhòkÿmy rotÿÿnykemy risÿnykemy idi ratxireri. ¹⁴Tahe hāwyy heka nawiihikÿ-ribi ide i rihuòtera, tahe idi ruòra bederahy-ò, tasÿ-ò. ¹⁵Hemylala aõni tahe bee sòwemy tary-ribi rarybexinyre hāwyy ribòròbòròdÿÿkemy. ¹⁶Tahe aòkòre. Suu tary riraynyre tahe ibutumy bee riòre. ¹⁷Hemylala aõni tahe reburemy reare hāwyy dee. Ibutumy hāwyy ijoy mahādu rirubunykemy idi ratxireri. Kia mahādu tahe Deuxu bede ywina rityhynyre, iwese Jesuusi tuu ritÿnynyre wese. ¹⁸Tai hemylala aõni ÿnyrakile rÿire.

13 Iribi tahe aõnimy rabire berawo-ribi ròhònyre warasina-ki. Tii heka debò inatxi reurò iratimy tahe debò wiò iòm y ijòdire. Rataanaò tahe sohoji sohoji iò-ki rÿire. Irati-ki tahe nibinamy heka rÿire. ²Tii heka hālòe wesetyhymy rare. Iwa heka ursowa wesele heka rare. Iry heka hālòery wese rare. Aõni heka tamy ruru sòwemy riwahinyre, irynana wahe. ³Iribi heka rabire iratiò, sohoji heka wotòmonahakÿ dire. Tahe reytereri. Ibutumy iny riòtiinyre. Aõni riheludynyre. ⁴Aõni hemylala heka taruru riwahinyre aõni-ò. Tai tahe ibutmy iny heka aõni riwowydynyre. Iny rarybere: —Mobo heka aõni wese rare? Mobo ijesedukre? ⁵Aõni heka aõbina bina rarybere. Inyò ribyrenyòtyhy. Ahādu 42 tii heka kiawesemy rÿikre. ⁶Tii Deuxu dee heka aõbinamy rarybere, Deuxusÿ dee, ibutumy biuludu mahādu tule rybebina-di ribinabinadÿÿnyre. ⁷Inyò tamy ruru sòwemy riwahinyre Deuxu ijoy mahādu-wana raaõbinadÿÿkemy. Tuu rahaÿnanykemy heka ibutumy iny

witxira witxira, ibutumy rybe witxira mahādu, ibutumy bede bede mahādu. ⁸Ibutumy iny ityhydÿÿdukòdu mahādu tamy wowydyna riwahinyke. Budoeni Riòre ijoy mahādu tahe aòkòre, kia dori ini rÿirenyre tyriti-ki. Juhu bededÿÿnana inireny iwo-ki roire. ⁹Tahe inyò roholakeki heka, bohohake. ¹⁰Inyò ridyke. Riròtenyke ròtenawo-ki. Ijò tahe rirubunykemy. Deuxu ijoy mahādu tahe rexityhynyke idi òbitimy roirenyrekremy. Kie.

¹¹Tahe ijò aõnimy rabira. Tii rò-tuòreri bede-ribi. Iò heka inatxire. Budoeni wese heka rare. Ihāre tahe aõni wesele rarybere. ¹²Tii juhu aõni wese rare, iruru. Rarybere: —Juhuludu aõni biwowydynyke. Kia ratiwotomona-di. ¹³Budoeni aõni heka aõna aõna wiwi-hikÿmy riwinyre. Tii heòty biu-ribi re-sekemy tii rotÿÿnyre. Ibutumy iny tuu robire. ¹⁴Tii ibutumy iny riitxenanyre kia aõna aõna wiwihikÿ òraruki. Iny ibutu-ò rarybere: —Suritxooò nihikÿ biwinyke aõni dee. Tii mayrehe-di rawotòmore hārele ruuòre. ¹⁵Tahe ihe-woludu aõni heka rabunya suritxoo-ò tahe irumy rÿire. Idi suritxoo rarybere. Inyò tamy wowydyna riwahinykeki, tii tahe rirubunykemy. ¹⁶Tii rarybera ibutumy iny-ò: —Kaiboho waritina bitidike aòru-txi, eboreny-txi, ruruweludu wahe. ¹⁷Aòkòkeki tahe aòhoho aòkò riwyke. Iny kia ritina ijòdiòkeki aòhoho aòkò rohonykre. ¹⁸Kai erydÿÿna sòwekek-ile, aòhebo tatÿÿnytemy kaiboho biery-benykre. Kai erydÿÿnadikeki, aõni heka rieryke. Ini heka iritina raròsòna wese rare 666 ihÿre.

14 Idi tahe budoenimy rabire lamamy nyidemy Jerusalē hāwā-ki. Aõma Siaò hāwālòkile rÿiremy. Tii-wana heka rÿire 144.000 kia inymy heka tii-wana rÿire. Ibutumy tiiboho heka tybynimy, inymy heka ibutumy iòru-ki raritinymy rÿire ibutu

òru-ki. Tahe tuu rabire rasinaõmy.
²Biuwodÿÿ nihikÿmy raholare, tule biuwodÿÿhÿkÿ ada benihikÿ lesetere wese iwodÿÿ rare. Tahe sôwemy iny rawiunymy rare violaô-wana, kia wodÿÿ wesehekÿle wahe. ³Kia heka wiu tÿmyra riryrymy ròirenyre kia iny tÿmyra rirahura mahâdu. Kia Deuxu rynana nihikÿko-txi heka rotÿÿnyrenyrya. Kia inaubiôwa aônityhy heka waitue inaubiôwa matuarimymy tahe ijômy rÿire. Tahe 144.000 kia inyle heka rawiunyekeki, awimymy rÿike. Tii dori aôma tarasadumy ratximyhÿrenyrye. ⁴Tiiboho heka tyra roire, tiiboho heka ôbiti roire iwese ijadôma ratxirerimymy ihÿre wese ôtadu mahâdu aôkôhÿyrye. Tahe budoeni riðrehemy heka rare titxibo tii rare hemy. Tii dori wydynamy rare. Kia hâbuy-ribi. Bede ywisidÿÿna juradÿÿna kia dinodumy heka rare. Deuxu heka Budoeni Riðre-wana wahidÿÿnamy heka roiremy. ⁵Tiiboho heka raryberenyôtyhy tiiboho ruidu roiremy. Ôbiti heka tiiboho roire. Tiiboho heka rahitxirenymy Deuxu dee.

⁶Tasÿ ijômy rabire ÿjuômy aôma biuwetyky kiako-txi raramy ruômy rabirerimymy. Tii heka Rybewihikÿ tÿmyra rimymy idi rara aô inywitxira-ò ritÿÿnynkremy. Ibutu bede bede inywitxira-ò ritÿÿnynkremy. Ibutu rybe-di ritÿÿnynkremy, Rybewihikÿ tÿmyra wahe. ⁷Kiamy heka rryryre: —Deuxu bityhynyke. Marybebenyke tii awi raremy nihikÿ raremy. Bededÿÿnana rehemynymy roire ihitxidÿÿdu bede-ò. Bityhynybenyke tii dori bede ibutumymy riwinyre bee, biu ibutumymy riwinyre.

⁸Tahe ÿjuô heka ihewomy ruômy ratximyhÿre. Babilonia hâwâ nihikÿ rex-ihura. Ibutu iny dori ôraruna-txi resera. Kia hâwâ mahâdu dori ibutumymy iôrarudÿÿnyrya.

⁹Iribi tasÿ iwitxira ÿjusÿ tamy nade iheto-ò. Tii tahe rryrymy nade: —Inyô aônimymy ada iritxoomy rityhynykeki, iribi riwykeki iwotômona iôru-ribi tebô-ribi riwykeki iritidÿÿna, tii tahe Deuxu ykarana heka iribi riwykre. ¹⁰⁻¹¹Tiiboho heka aôhökÿmy rotÿÿnyrenyrye ÿjuko-txi. Budoeni Riðreko-txi aôhökÿmy rotÿÿnyrenyrye. Heôty kia bede dÿÿnana tyhy tiemymy raôwônyhy rarakre. Tiiboho dori tiemymy aônityhy nihikÿle, iritxoo-wana rityhynymyhÿrenyrye, tiiboho heka iritidÿÿnale ixi-ki riwymyhÿrenyrye. ¹²Tai tahe ibutumymy iDeuxuhe ywina-di heka iwitxira iny ronykemy heka ratximyhÿre. Ibutu aô ôta ibina bina biôludunymybenyky, tiiboho dori aijoi ôbitihy boibekemy ikonana-ò. Jesuisi bityhynykemy.

¹³Iribi tasÿ ixityre ijô rybe-ò raholare watyry-ki. Rarybere: —Kiahe bir-itinyke: Aô roorehemymy aôkô heka dehemyndymy deade. Kia Jesuisi-ò rurure heka uriôno heka tamy dehemyndymy deade. Iribi tahe tule rarybere: atyytyby reysamymy ratxireri. Myle. Tahe rexielehynymymy heka rorukumyhÿrenyrye aôhökÿmy dÿÿnana-ribi. Tii dori aôwiwihikÿle riwinyrerimymy ihÿre. Reeryre heka.

¹⁴Idi tahe iwitxiramymy aômybo rabire wiribi hitxiramymy. Nonoe wetyky urahakÿle wese heka rare. Inyô ityry-ki ronymyhÿ. Hâbuô wesehekÿlemymy heka rare. Irataanadihikÿlemymy ronymymy heka tarati-ki heka idi ronymyhÿ. Womati tÿÿrÿhÿkÿle wesehekÿle irataana rare. Tahe ijô heka itieresynaô-di heka tebôkihikÿle heka rÿire. ¹⁵Ijô heka Deuxusÿ-ribi nade, ÿjuô. Tamyhe rryryre: —Bexitÿmyranyke, itieresyna-di tasÿ bexitÿmyranykre. Bededÿÿnana rehemynymymy roire adee aô biôrôðrôkemy. ¹⁶Tahe kia nonoe wetyky tyry-ki ronyreri tahe

rexidelenyre riòròrerihe. Riwyrehe ibutumyhe aōna aōna riwyre tahe ributunyre.

¹⁷Kia ijō Deuxusy-ki ratxireri tasỹ tule debōnadimy ratximyhỹ kia tieresynadile ratxireri. ¹⁸⁻¹⁹Kia yju aōma heōty kia loo-di ratxireri tahe dyryde heka tieresynadile tamy rehemynykemy. Tieresynadile biorobeke idi atxibeke. Ibutumyhe bede bede kia biorobeke. Ceifale dori biorobeke. Rubumy dori rỹire hitxidỹyna-ò. Iribi tahe reare. Tiò tiò idi reamy tahyna-ò rabutumy reare kia Deuxu ykarana-ò. ²⁰Tai tahe bederatyhe risorunynrenyre hāwā-ribi hitximy. Sōwemy hālubu ròhònyre. Kia urihixina heka sohoji metro weere heka rare. Irehere heka bero wese 300 quilometros irehemy. Awarulomy heka rabeheōmy roire ibero.

15 Ijō aōna aōnamy rabire biu-ki ihewo-ribi riteòsinyreri. Debò inatxi reuròmy yjummy heka rimyra kaa aōmysydyỹna. Kidiwydenykre heka debò inatxi reurò aōhòkỹmy dỹynanamy. Idi tahe Deuxu ykaranamy rexikonanamyhe roikre.

²Iribi tahe bero nihikỹmy rabire wako-txi aōma heōty wese, womati tỹrỹrỹ wese. Sōwemy heka inymy rabire kia sutyre-ki nyidemy bero iòhòmy. Ibutumy heka aōni debure deburehekỹ kia rubu-ribi ritamy nyide. Iu heka aōni tai roiōhykyre heka, aritidyỹna roiōhykyre heka. Tahe aōma aōnimy rahaỹnanyrenymy ratximyhỹre iritxoomy tule violaò oworuwodỹkỹhe tai rỹire, Deuxu rawiunynrenyreri riryreri. ³Moisesi Inynrỹ deòdu wiu riryrinyreri. Tule Budoeni Riòre wiu riryrinyreri. Kiamy heka rare: —Oi Deuxu, Kai heka aruru-di tate. Aōni tewinymahāte. Ibutu tarasana tewinymahāte. Ibutu heka ary òbiti rare. Awi heka rare. Kai heka ibutu iòlò tate. ⁴Iòlòhyky tanamahāte. Tiiemy

heka rityhynymy hyky hyky tanamahāte Inynrỹbohomy. Wowydyna heka adee riwahinymahāke. Kai sohojile heka òbitityhymy atximahāte. Ibutu bede bede ludu heka anatyhynykremy kedeade. Ibutumy aōbo tewinyte. Ibutumy bede òbitidyỹnymahāte heka rieryre.

⁵Kia bedeō heka Deuxu hetomy roimyhỹre ierykōnamy roimyhỹre. Iwòte ierykōna. Tii heka riraynynrenyre heka kia bede. ⁶Kia debò inatxi reurò kia yjuhe ròhònyre Deuxu heto-ribi. Diwydehe debò inatxi reurò aōhòkỹmy dỹynana. Aōma itykyrenyre, linho urahakỹ itykyrenyre. Irawo-di ibreti wereysanamy tahe womati tỹrỹrỹhỹkỹ reare. ⁷Sohoji aōniō aōma Deuxu ykarana hyna sohoji sohoji-ò tamy diwahinyde. ⁸Deuxu hetowo heka aōma wàdàhàkỹlemy reare. Loosòna dori iruru dori sōwemy rỹimyhỹ. Tai heka urile roosòhòkỹmy ratỹrỹrỹhỹkỹmy. Inyō heka iròteōna. Debò inatxi reurò yjummy. Kia ritxiwimy rexihudile tahe iny ralòke.

16 Deuxu hetowo-ribi ijōmy raholare rybeterē-ò. Rarybereri yju mahādu-ò: Boibenyeke hewa abede-ò. Debò inatxi reurò hyna bitxiwibenyeke kia Deuxu ykarana hynamy. Tahe yjummy dòhònymy deade tahyna-di ditxiwide bede-ò.

²Iribi tahe rexidelenymy reare aōma juhū yju ihyna ritxiwire bede-ò. Yju binahakỹmy ròhònyre ibutu inymyhe robỹtỹmy reare. Kia aōma aōni kia ritina iòru-ki rỹirele kỹnyhe tuu rỹiximy. Tule suritxoo rityhynymyhỹrele kia mahād-ule heka yyy ròhònyre.

³Tahe ihewoludu heka tahyna-di dòhònymy deade. Betyre ritxiwire. Bee hālubu hukỹlemy reare. Ibutumy bera-ki raremyhỹre ituere.

⁴Juhu ludu hewoludu tahe ritxiwire berohokỹ tyre heka ritxiwire. Bee ibu-

tumy bewydysyna rihōrōnyre. Ibutumy hālubu hukȳlemy relere. ⁵ Tahe ȳju rybe raholare aōhebo bera-ki rotȳnyrerid: — Kai Deuxu, Kai awi tate. Kai òbiti tate. Tuhyy ahāte ihāre tahe tuhyy ahāte. ⁶ Rybe tȳnydȳȳdu mahādu heka ituere, rurure. Deuxu ijoi hālubu ritxiwire suð. Katahe rubudȳȳdu kaihe iðwydȳȳdukre. Hālubu tetxiwiteriki tule iðwydȳȳdukre. ⁷ Tahe raholare ijō ȳju rarybereri-ð, Xiwena-ribi heka rōhōnymy: —Kia Iny-Deuxu heka ibutumy ruru dire. Ibutumy tewinyte òbitimy awimy.

⁸ Tahe ihewotyhy konana ludu tahe ritxiwire hyna txutyre-ki. Tahe txuu ratōteenyre itōtee nihikȳmy relere. Sōwemy heka iny risōre bedetōtee. ⁹ Tai tahe rirajuamȳhȳre Deuxu nibinahakȳmy rirajuarerimy ihȳre Deuxu dori diteðnyde heka bededȳȳnana binahakȳ. Tahe inyō heka tōhōti rawitxiranyōhyyre iraykywydyna. Kiamy ixiwesehyy rōhōtinyrenyre. Kia iny heka aōhe rotȳnyyōhyyre wowydyna loosōnabo.

¹⁰ Iwixira ȳju tahe aōma ritxiwire tahyna aōni ryna tyre. Kia heka aōni beludu rare. Tarynana tyre ronymȳhȳ. Tahe ibutu irynanareny torohokȳlemy reare. Ibutu iðlōna torohokȳlemy reare. Tahe tōrōtō-ki ruruare taaōhȳkȳhȳkȳnareny-di. ¹¹ Tiiboho heka Deuxu nibinahakȳmy ryryre webinadumy roireki taaōhȳkȳhȳkȳnareny-di. Timy heka rexinohōtilosanyōhyymȳhȳre aōbina binahakȳ riwinymy roiremyȳhȳ-ribi.

¹² Tahe iwixira ȳju tahyna ditxiwide. Eufatesi berohokȳ tyre ritxiwire. Tahe ibutumy heka ruȳre. Oriente iðlō mahādu dee tahe ryy kia riraynyre. ¹³ Tuu rabire heka inataō tȳtyby binahakȳ. Rexitykynyre òrō tykyhykȳ wese rexitykynyre. Aōni heka hemylala aōni inire tahe iry-ribi rexiðlōdȳȳnyrenyre. Tule

aōnibina witxirary-ribi, tule aōni rybedubina-ribi. ¹⁴ Iribi heka aōni bina tȳtyby kia tȳtyby ibutumy heka bede dinodu iðlō ributunyre. Raaōbinanykemy heka dirahude Deuxu kia mahādu-ð. Deuxu ihitxidȳȳnatxumy rȳikemy heka anade tii dori ibutu ratyre aōna aōna-ki. ¹⁵ Kristu rarybere: —Tahe boholabenyke. Aōwesele heka anakre. Wasidu wesemy heka adehemynymy adeakre. Ibutumy iny wararōsōdu mahādu teysamy rȳikre. Atyky heka biywinymahābenyke tai timyki maixȳrubenyōtyhy adehemynykreu. ¹⁶ Kristu rarybere: —Ibutumy heka widotyde aōbinakedu Mikidu hāwā-ki wahe. Hebreu rybe-ki tahe Armagedom inire.

¹⁷ Tai tahe ikonanatȳhy ȳju tahyna ritxiwire yhykile. Tahe raholare biumȳtxihikȳ raholare Deuxusȳ-ki. Deuxu rynana-ribi dōhōnyde: —Ibutumyhe rakonanamy roire. ¹⁸ Tahe biumȳtxihikȳle ibutumy rawodȳȳnyre. Tule biu relaanyra. Biu ramytataōmȳhȳre idi tahe ramytatare. Tii heka lahityhy rare. ¹⁹ Tai tahe Babilonia hāwā rabōhōre inataō jura juramȳhȳmy. Ibutumy hāwā nihikȳ-ribi hetohokȳ rejuxunyre. Tai tahe kia Babilonia kia òraru-txi tahe Deuxu tōhōti reare. Tai tahe aōhōkȳmy risȳnymȳhȳ ibutumy aōbede binahakȳ tamy riwahinyre. ²⁰ Bedebute ibutumy rexiwore. Iribi tahe hāwālō tytyhykȳlemy reare bedero wesehekȳle. ²¹ Idi inytyre resemȳhȳre bera ere erewesele resererimy ihȳre. Ijō iutxie tahe 40 quilo bede heka iutxie rare. Kia tahe iny sumy rȳire nibinahakȳmy Deuxumy rarybemy.

17 Tahe ȳju monahyna-ki wadee rybemy nade: —Adee aritȳnynykre aōbo Hāwā Bero sōwe aōhebo rotȳnykré heka. Kia hāwā adee ariteòsinykre timybo rare. Wedena

wese aõhõkõmy rotõõnykremy. Deuxu heka aõhõkõmy dõõnana riwahinyke kia hãwã-ò. ²Bede iòlò dinodu tamyhe iòraruna tamy rexiòrarunyre. Tule iny bedemy rõira mahãdu ralòre tamy òtaòtamy. ³Tai ta kia õju tamy riwadyre bederahy-ò. Deuxu Tyytyby wadee dobehede? (Riwayatytamy watyytyby heka ridyre). Tai tahe tuu rabire heka hãwyy aõma iròdutyre-ki ronyrerimy. Iròdu heka isòhòkõlemy roire. Debò inatxi reurò irati rõire, tahe iò debò ituemy sòwe. Iritina heka aõkõre rarõõnymyhõre. Deuxudee heka aõbina binahakõlemy tai iritidõõna rõimyhõre. ⁴Hãwyy heka isòhòkõ ityky rare, iwihiõ rare. Ityky tyre heka womati tõrõhõkõ roire. Mana rõsõ wiwihiõ, woumana-wana. Bemonawo-ki idi rare. Iwo-ki tahe bemonawo-ki tahe aõna bina nibina tai roire. ⁵Tai tasõ iòru-ki tule rõire iniõ. Aõbo rare tahe iny rieriõtyhy. Babilonia Nihikõ rare. Ibutu wedenase tii rare. Ibutu inyinase tii rare. Kia luunadu ibutumy bedede-ki. ⁶Iribi tahe rabire hãwyy ixityre. Tii iny hãlubu riõre. Ityhydõõdu mahãdu hãlubu-di rexiòdewarinomy heka rare. Tiiboho rurure, òbitimy Jesuisimy rityhinyreki wahe. Kia hãwyy tahe rabireu, rexiòtiidõõnyre. ⁷Tai tahe õju wadee rarybera: —Aõherekibo bedede teòtiiny tõite. Adee arelyyke aõbo rare —kia hãwyy iròdu-wana, aritõnynykre tiiboho aõbo raré. ⁸Iròdu tuu tabita, irumy rare tahe rurukre ele elemy. Tii hãloorehehekeõ-ribi kòdòhònykre. Iribi tahe rexihukre. Tii rurure idi ixiby dòòsede. Bede iny mahãdu bedede riòtiinykre idi heka iròdu debure binamy robirenykreu, bedede riòtiinykre idi. Tiiboho dori ini ihoõre iru tyritiwo-ki. Tai tahe iròdu deburebina lau ruberure. Iròdu dori ihetxiu irumy rare tahe wiji aõkõre.

Idi tii irumy kanankre ixibyale. ⁹Kia ibutumy adee aritõnynykre: Debò inataò rati tahe iròdule rare. Kia hãwyy ityre ronyre kia hãwãlò wesere. Iròdu rati tule iòlò mahãduò rare, debò inatxi reurò sòwe. ¹⁰Iruyre iòlò tahe reserenyre. Sohoji iòlò tahe ratximyhõre. Ihewotyhy ikonanaludu tahe, kanakre wijina. Tai ibededõõnana iòhòlere. ¹¹Iòlò debòinataò ludu tahe iròdu rare —kia irumy juhuu rare tahe wiji rurumy rare wahe —tii juhuuu iòlò mahãduò rare. Tii tule ituekre. ¹²Debò itue òmy tuu tabitam y wahe tule iòlò mahãdu rare. Tiiboho kanakre iòlòwesemy. Iròdu-wana tiiboho hãwã wedumy ronyrenykre iròdu aõni-wana sohoji horamy. Tii tyytyby bina rare. ¹³Tyritiò riwinykre idi tahe ibutumy ruruna iròdu bina-ò riwahinykre. ¹⁴Raaõbinanyrenykre heka Budoeni Riòre-wana. Tahe Budoeni Riòre aõbina-ki hãnadukre. Tahe õju wadee rarybere: —Tii dori butu iòlò, ibutu iòlòna ratximyhõre. Ibutu inynyre ratximyhõre. Ijoi heka kia ywimy tii-wana roire itarasaò-ki. Kia rityhinykre rirerimy ihõre. ¹⁵Tahe kia ahohokõ, berohokõ tai kia hãwyy ronymyhõre. Tiiboho iny rare ibutu rybe-ribi, bedede-ribi wahe. ¹⁶Debòwiò òmy tuu tabita iròdu-wana heka hãwyy derarenyre. Tii irurawonykre. Tii heka heòty-ò risõmy, riròrenykre wiò wiò. Ityky iribi ritara idi. ¹⁷Ibutumy inywese rare. Bedede iny ibutumy rybe òta òta rarybemyhõre. Tahe Deuxu heka riwahinyre aõbo ixideewimy riwinykre. Tai tahe aõwaxiny aõ tamywi heka riwinykre. Tai tahe ibutumy iròdu sòhòkõ taru riwahinykre, Deuxu Rybemyna bedede rõidi. ¹⁸Hãwãhãkõ nihikõ tabite heka wedena wesemy roire. Kia Hãwãhãkõ heka ibutu wedu iòlò rare.

18 Tai tahe ijōmy rabire ŷjūmy rabire biu-ribi rōhōnyreri. Tii sōwemy iruru rare. Tii sōwemy iloosōna rare. Ibutumy bedē ritoosōnyre.²⁻³ Ta rryryre tarurumy tii rryryre: —Babilonia nihikŷ resera! Resera! Katahe aōma wedumy, bedē bedē iōlō heka tii-wana ōta riwinyre. Ibutu iny-ō tamona riwahinyre iōtaōta boho boho. Nawii wixira wixira ibinahakŷ tai rasŷnymyhyre, tytybybina-wana. Ijohodu mahādu idi nieru sōwemy ributunyre. Idi rexityhynyre.

⁴Iribi tahe raholare ixityre rybeō biu-ribi rarerī. Manake hewa, Bōdōhōnyke wa kia hāwyy-ribi. Kai heka waijoi toite. Tii-wana bexiōrarunyenkyemy aōkō! Bexiōrarunyenkeki tii-wana, tai tii-wana aōhōkŷmy botŷŷnykre.⁵ Tii heka iōraru sōwe nihikŷmy ratximyhyre. Deuxu heka aōhōkŷmy dŷŷnana tamy riwinyriny ratximyhyre iōraru-ki.⁶ Biwinyrinyhyre heka iwese tii riwinyrinyhyre wese. Aō ibinamy ibinatyhmy tamy relekre.⁷ Aō ibinamy rōhōnyke inatxi bededŷŷnanamy tamy rōhōnykre. Ibutumy aōbo tamywimy idi raremyhŷ heka riwinyrinyhyre ixideewimy. Katahe iwese aōhōkŷmy rotŷŷnykre tahe rabadewokre. Hāwyy tahe ixidee rarybere: —Jikarŷ ikōlō rare. Wytēse anokō jikarŷ rare. Tiku heka rabadewokōtyhy anohōkŷmy ratykŷnykōtyhy.⁸ Tai taheka aōwesele heka tamy bedēōtidŷŷdu kedehemynymy bedēakre: rubu, aōdese, rama uritereribile tamy kedehemynykre. Heōty ibutumy ritoonykre. Deuxu urihixina-di dehuđu ratximyhyre. Tii ruru-di ratximyhyre.⁹ Kia bedē dinodu mahādu rahinykre itōenamy. Tii-wana dori ōta ōta riwinyrenyra. Tiiboho robikre wādā iribi rōhōnyreriō wahe.¹⁰ Irehemy iribi rŷire. Ruberureri iaōhōkŷmy

dŷŷnana lau. Tahe raryberenyre: —Babilonia hāwā, kai hāwā nihikŷ rare. Tahe wiji ituera atximahāte. Kobelāhaxe.¹¹ Ibutumy aōna-ribi ijohodu rahinykre itōenamy. Inyō dorihe iaō tamy riwydyōmy tamy ijohonamy aōkō.¹² Juhuu heka raaōbradŷŷmy aōma iny mahādu ratyre. Womati tŷrŷrŷ riōbranyōre. Tule woumana riwyrerimy ihŷre juhuu. Tykyisōwihikŷ wixira wixira heka riwyrerimy ihŷre. Tule ōwōrulŷnyre, irōdu nohōmy riwinyrerimy ihŷre. Bedē ritxoo ibutumy aōna iōwyhykŷre. Womati ōta ōta wiwihikŷ riwyrerimy ihŷre.¹³ Aōma rŷŷna uri wiwihikŷ tule aderōna wiwihikŷ, tule vīi riwyre, paō widŷŷna, adŷŷ-wana riwyrerimy ihŷre. Tule maixōmo, broreni, budoeni, awaru, tewe, ityti heōty, tule iny deōdu iōwydimy.¹⁴ Tahe ijohodu mahādu rarybere hāwā-ō: —Ibutumy aōna aōna wiwihikŷ ituera, kia kaiboho riwyrerimy ihŷre. Tiu ixityre aōna aōna riwyōtyhy, ixāwira.¹⁵ Tahe aōna-di ijohodu mahādu rabadewokre, rahinykre tiiboho dori iōraru-ki raityhynyrenyre. Irehe-ribi retehere. Ruberurenyre. Rryryreri:¹⁶ —Kobelāhaxe hāwā wihikŷ. Ibutumy atykysō ituera, awomati wiwihikŷ ituera, woumana, manawiwihikŷ ibutumy ixāwire.¹⁷ Sohoji ōraule ibutumy iaōna aōna ixāwira. Ibutumy hāwōhōkŷ dinodu urile, iwiōhenadŷŷdu mahādu tule suludu mahādu retehereri irehe-ribi. Tii dori nieru ritamyhyre iaōna-di.¹⁸ Iu hāwā wādāsims robirenyreu tahe, rryryre: —Kia hāwā wihikŷ rare. Ijō hāwā iwese ihoōhyre.¹⁹ Tahe brybysi ityreneny rehurerimy ihŷre. Rahinyreri, rryryreri: —Bobrekŷ, bobrekŷ hāwā wihikŷ. Aōwesele heka ixāwira. Ibutumy ityhy mahādu, iaōna rexihura.²⁰ Tahe kaiboho beysabenye biu ludu mahādu. Hāwā nihikŷ dori

ituera. Deuxu hōrō mahādu, Deuxu deōdŷŷna mahādu, Deuxu dee rybedu mahādu ibutumy beysabenyke. Deuxu dori iaōhōkŷmy dŷŷnana tamy riwahinyre aōrauru-ki.

²¹ Tahe ŷju nihikŷ heka manaō rymyre, mana nihikŷō, iwese maixōmosyna mana wese wahe. Idi rehure ahobero-ki rehure. Tahe rryre: Kia wese heka Babilonia hāwā-di arehukemy watzireri waruru-di. Ixāwikre. ²² Tahe wiu wodŷŷ kia hāwā-ki roholaōtyhyke, harpa wodŷŷ aōkō, flauta wodŷŷ aōkō, jurōna wodŷŷ aōkō. Aaōmysŷdŷŷdu aōkō kia hāwā-ki raaōmysŷdŷŷōtyhy. Mai rŷŷna, manasyna iny heka iwodŷŷ roholaōtyhy. ²³ Loosōna ay-ki ritoosōnyōtyhy. Herina mahādu rybe ay-ki iny roholaōtyhy. Iaōna ijohodu mahādu ibutu hāwā-ribi ityhy rare. Tule ibutumy iny riitxenanyre aōtaōta-di, bedede iny wahe. ²⁴ Babilonia hāwā heka aōhōkŷmy dŷŷnana rotŷŷnyre. Deuxu rybedu mahādu hālubu dori kai tetata tule Deuxu hōrō mahādu. Rirubunyre mahādu wahe.

19 Iribi tahe ijoi nihikŷmy roholare. Rryrmy heka rŷimyhŷ sōwemy iny rŷimyhŷ biu-ki. Deuxu deysanamy heka rryreri: —Wowydynamy Inynyrŷ-ō. Tarasana dori inyDeuxu-ribi rare. Wowydyna, ruruna ibutumy ihōrōle rare. Aōbo tii riwinyré, òbiti rare. ² Aōhōkŷmy dŷŷnana òbiti rare. Aōhōkŷmy rotŷŷnyre heka kia aderana-ki heka rare. Tii aōhōkŷmy dŷŷnana ritare. Bede iny heka riōrarudŷŷnyre. Tahe Deuxu riōwynyre teōdu rubudŷŷna heka riōwynyre. ³ Ixityre ijoi rryrnyre, rawiunyre: —Wowydyna Inynyrŷ-ō. Wādà raōwōnyreri tai rawōsi-ribi. Ihyy my raōwōnykre, hāwā nihikŷ-ribi wahe. ⁴ Tahe ibutumy rejuxunyre Deuxu luukemy. Wawiō inaubiōwa

matuari rare. Tule inaubiōwa aōni rare. Deuxu tahe rynana nihikŷ-ki ronyre. Tamy rirajuare: —Kia, Kia, wowydyna deysana Deuxu-ō. ⁵ Iribi heka rōhōnyre Deuxu rynana nihikŷ-ribi heka rybeunimy rōhōnyre: —Biwowydnybenyke Deuxu-ō ibutumy deōdu mahādu, ibutumy iny rityhynymyhŷre mahādu, iyja ta nihikŷ-wana. ⁶ Tahe ixityre ijoi-ō raholare. Rryrmy rŷimyhŷre. Tahe benihikŷlesetere wese heka iwodŷŷ rŷireri, biumytxi wesehekŷle heka iwodŷŷ rŷireri: —Wowydyna Inynyrŷ-ō biwahinyke. Tii iruru dire. Tii heka iōlō rare. ⁷ Ibutumy iny rekeysarenyke. Tamy wowydyna rikiwahinyrenyke. Tii dori inihikŷre. Iōhōra dori kia Budoeni Riōre kia hāwyy my herina kia bededŷŷnana-ō. Worana bedehesi kŷnykre. Ihāwyy heka rexiywinymy ratxireri. ⁸ Tyurahakŷle-di rexi-tyynykre. Awityhymy ity doimyhŷde wahe. Deuxu dee awihikŷ widŷŷna wese heka kia ratxireri. ⁹ Kiamy heka ŷju wadee rarybere: —Kia biritinyke. Ibutumy lobidŷŷna mahādu reysamy ratxireri. ŷju wadee rarybere ijō: —Kia heka Deuxule tuu rarybere. Inatyhy rare! ¹⁰ Tahe jiarŷ resere ŷjuko-txi ariwowydnykemy. Tahe tii wadee rarybere: —Kia widŷŷōmyke hewa. Jiarŷ tule Deuxu deōdule heka jiarŷ rare, awesele wahe. Aityhydŷŷdu seriōre tule awesele rare. Rarybemyhŷre dori Jesuisi tyhydŷŷnamy. Deuxule biwowydnyke! Ibutumy Jesuisi relyyre heka tuu rybedu mahādu ritŷnnyre.

¹¹ Iribi tahe tuu rabire awaruurahakŷō biuwetyky-ki. Inyō ityre-ki ronymyhŷ. Ini heka Òbiti rare, Inatyhy rare. Tii heka aōbinanymyhŷle rare. ¹² Irue heka heōty wesele rare. Irati heka sōwemy raheto rŷire. Iō-ribi heka nii roire, ini wahe. Urile inyō rieryōtyhy mobo ini rare, tyyriti witxira dori tiile heka

rieryre. ¹³Ihety heka hālubuhukȳle-di ityre rare. Deuxu Rybe heka inire, hābu wahe. ¹⁴Sōwemy iny heka awarutye-ki rȳire, biu-ribi dōidenyde Deuxu Rybe hewomy, soldado wese wahe. Iny ibutummy ittyura-di rexitynyre, ityratyhy wahe. ¹⁵Tii heka mayrehe rabuhukȳle iry-ribi rōhōnyrerimy ihȳre. Idi tii heka iny rirubunykemy ibutu bede bede-ò. Iribi tahe tii rōhōnyre iòlōtyhy tii rare. Aōhōkȳmy dȳynana tamy riwahinyre, ibinatyhymy heka riwahinyre, Deuxu iwona, Deuxu ruruwedu wahe. ¹⁶Ihety-ki heka iti-ki rȳire iniō: Iòlò iòlò wedu tii rare, ibutu wedu wahe.

¹⁷Iribi tahe ȳjummy rabire, txu-ki rȳire. Nawii ibutu-ò ryrymyhȳ: —Bòdòibedenyke heka, Deuxu worana bedehesina-ò bòdòike rȳsȳna birȳsȳbenykemy. ¹⁸Aōmade biròbenyke, iòlòde, soldadu wedude, iawarude, ibutummy inyde biròbenyke, ixihy mahādu, deòdu mahādu, nihikȳ iyja-wana.

¹⁹Iribi heka tuu rabire aōni binahakȳ, iòlò mahādu, tasoldado mahādu wana. Wii ributunyre aōbinamy. Awaru tyre-ki ronyrerimy kia mahādu-wana tiiboho raaōbinanykremy. ²⁰Tahe aōni bina rimyrenyre, rybedu bina-wana. Terōwmy tii aōna aōna witxirawi riwinyre. Iribi ridyrenyre heka heòtyaho-txi idi rehurenykremy, enxofre-di riworonyre wahe. ²¹Ibutummy isoldado heka ituemy rȳimyhȳre rurumy. Mayrehe-di rurumyhȳre, kia awaru ura tyre-ki ratxireri kia ryribi rōhōnyreri kia-di rurure. Tahe rararesa deadeade ide riròkremy.

20 Iribi tahe ȳju nademy biu-ribi. Irayna heka debò-ki idi rȳire. Hāloonihikȳ rayna wahe. Tule womati rerotihikȳle iruty-ki roire. ²Kia aōni rimyre, Diabo wahe, Satanasi wahe. Inyō tule hemylala raninire. Tahe 1000 beōra

riekre ritaataare womati reroti-di. ³Idi heka rehure hāloo nihikȳ-ò tahe rirratòbōnyre, rirarytxynyre. Tai tahe tii ririxenanyōtyhy bede bede iny. Kia 1000 beōramy bede reakreule, tahe rexihummy iròtena. Urihimyò bededȳynana bede ririjekre, ixihyyle tai ixbyle ròbòdȳȳkre.

⁴Iribi tahe rynana sōwemy rabire. Iny ityre ronyreri mahādu ywisidȳȳdu mahādu heka rare. Iribi heka tuu rabire Jesuisi dee rurure mahādu. Inatyhyna rybe tȳnydȳȳ òraru-ki heka rurure. Aōni rityhynyōre, iritxoo rityhynyōre, iritina òraru iòru-ki ritidiōtyhy, deboreny-ki ritidiōtyhy. Rubu-ribi tiiboho rexixarenyre. Kristu-wana ratxireri 1000 beōramy. ⁵Kia heka juhuludu ixixana heka rare. Ijō rubu mahādu heka wiji rexixaōkre. Tahe 1000 beōramy reareu, tahe rexixarenyre. ⁶Juhuludu ixixana mahādu heka reysatyhymy rarekre. Ixyby rubunamy heka ruruōkre, inatxina rubunamy wahe. Deuxu dee, Kristu dee heka tiiboho Xiwena wahidȳȳdumy roirekre. Tii-wana 1000 beōramy riwryrenyre, iòlò mahādu wesemy heka ratxirenyre.

⁷Kia 1000 beōra reareu heka Satanasi ixihyymy rōhōnykre bede-ki. ⁸Tii itxenadȳȳdumy rōhōnykre ibutu iny riitxenanykremy. Kia Kòke bede, tule Makòke bede rare. Satanasi heka sōwemy iny ributunyre raaōbinanykremy. Tiiboho sōwemy ihȳre ȳnyra sōwe wese. ⁹Tiiboho tahe ibutu bede-ò rariarenyre ityhydȳȳdu hāwā rirurawonyrenyre kia Deuxu hāwā Deuxudeewi wahe. Idi heòty biu-ribi isōrenymy desede. Idi wewòsimy rururenyre, Deuxu iny mahādu òludu wahe. ¹⁰Tahe diabo iitxenadȳȳdurenre heka Deuxu rehure heòty aho-ò. Tai aōnibina, ruimy rybedu-wana juhu delemy tamy reserenyre. Tai txummy aō rotȳȳnyrenyhykyre.

¹¹Iribi tahe ryanaurahōkŷmy rabire ityre rŷdu-wana. Suu biu-wana iribi rexitare, titxibo iōrenyre. ¹²Tahe iny rubumy rabire, iny ibutumy iko-ki rŷirenyre. Tyyriti rarayre. Ijō tahe rarayre, irutyriti wahe. Tyyriti-ribi Deuxu iaōna aōna rierymy aōhebo risŷnykre. ¹³Ahohokŷ-ribi tahe rubu mahādu dōhōnyde. Rubunahakŷ bede-ribi iludu mahādu dōhōnyde. Idi iaōna aōnamyna Deuxu timybo rexinohōtinykremy idi rare. ¹⁴Idi rubunahakŷ, rubuna-wana heōtyaho-txi idi adehu rŷikre. Kia ixyby rubu rare. ¹⁵Iru ityyriti-ki inyniō roiōkeki, tii tule heōtyaho-txi adehu rŷikre.

21 Idi biu tŷmyra sutŷmyramy rabire. Juhusu juhubiū titxibo ikōrenyre, ahohokŷ tule. ²Deuxu hāwā wihikŷ tŷmyra desemy nade biu-ribi. Iwese ijadōma tŷmyrawesemy ramyhŷre wese kia hāwā nade. Deuxu-ribi nade. ³Tahe rybehekŷ biurynana rŷdu-ribi nade-ō roholare kiamy: —Kahe Deuxu sŷ heka akireny rare. Deuxu ikyreny-ki rarekre. Tii iwedurenykre. Tiiboho Deuxu dee roirekre. ⁴Idi Deuxu irubereny risuhokre. Tai rubu, hii, ibru, txuberere ijōōkre. Bede tyby dori rexihura. ⁵Idi ryanana-ki rŷdu narybede: —Wiji itŷmyramy ibutumy aōna aōna ariwinykre. Wadee tule narybede: —Kia bityyritinyke. Kaa rybe dori rybetyhy rare, ibutumy iny ratyhykremy. ⁶Kia ixyby narybede: —Ibutumy relera. Jiarŷ dori AA rare YY rare Juhuludu rare ikonanaludu rare. Inyō bemomo risakeki, tamy iōwykōlemy ariōkre, beōlōnaberu-ribi wahe. ⁷Inyō tarasadu heka ibutumy waribi rimykre. Jiarŷ iDeuxukre. Tii wariōkrekre. ⁸Idi kamahādu heōty aōho enxofre-ō rekoarenyre kamahādu wahe: —Iny brebu, watyhydŷŷkōdu, òrarudu, maleerudu mahādu, òta òta mahādu, iny rubudŷŷdu mahādu, hāri mahādu,

ritxoo tyhydŷŷdu, ruidu mahādu. Kaboho rubunatyhy-ò rururenykre. Kia tahe inatxina rubuna rare.

⁹Tahe ŷjuō wadee nade, debò inatxi reurò mahādu-ò. Tii hyna-di ryireri. Hynawo-ki tahe aōna aōnabina debò inatxi mahādu-di. Kiamy narybede: —Mana ini, Budoeni hāwyy ini adee ariteōsinykre, hāwyy wese wahe. ¹⁰Deuxu Tyytybytyhy wamy reare. ŷju tahe riwadyre hāwālōnora-ò. Jerusalē hāwā tŷmyra awityhy wadee riteōsinyre. Tii biu-ribi desemy nade. ¹¹Deuxu loosōna-di yla aōkō. Tii tahe manawiwihikŷ wese rarŷŷnynmyhŷre. Jaspe wese, womati wese mana wiwihikŷ wese rare. ¹²Tii ijòtòbòna irariere, waòinatxi reuròmŷ ijòtòbòna, iitxedu ŷju tule. Ijò-ki tahe waòinatxi reuròmŷ Judeusŷ mahāduni wahe. ¹³Inataō ijòtòbòna sōwe, iraro-ò, ibòò, biura-ò, beà-ò. ¹⁴Hāwā rurawona tahe waòinatxi reurò mana tyre-ki rŷimyhŷ. Mana sohoji sohoji-ki budoeni deòdu mahāduni rŷire. ¹⁵ŷju wadee rybedu tebò-ki womati tŷrŷrŷhŷkŷ deòho-di nade idi hāwā, hāwā ijò, hāwā rurawona iurihinamy. ¹⁶Hāwā tahe iurihina wiwesele rare. Tahe 2.200 iurihixina rimyre teòho-di tuu riwinyre. ¹⁷Rurawona raru tahe ŷju taurihixinamy riurihixinanyre idi 64my rimyre. ¹⁸Rurawona tahe jaspe mana-di relere. Hāwā tahe womati tŷrŷrŷhŷkŷ-di relere. ¹⁹Rurawo òraru heka mana wiwihikŷ-di juhumana heka jaspe rare. Inatxina safira rare. Inataōna, agata rare. Inaubiò-wana esmeralda rare. ²⁰Iruyrena sardonio rare. Debò sohoji reuròna sardio rare. Debò inatxi reuròna trisolito rare. Debò inataō reuròna berilo rare. Debò inaubiò-wana topazio debò ituena crisoprazo rare. Wasohoji reuròna jasinto rare. Wainatxi reuròna ametista rare. ²¹Woumanahakŷ sohoji-di heka ijò sohoji sohoji

relera, 12my ijò wahe. Ryy heka womati tÿrÿrÿhÿkÿhyky-di relera. ²²Tohodÿÿna heto tahe ihoòhyyre. Deuxule dori tuu rare, Budoeni-wana. Tai ihoøre. ²³Txuu ahâdu-wana tai ijòøre Deuxu loosòna, budoeni loosòna dori itxuuxaranarenyre. ²⁴Bede bede mahâdu iloosòna-di rÿikre. Bede bede mahâdu heka taaòna aòna wiwi-di tamy kidirahukre. ²⁵Tahe ijò raratòbòòhyikre, tai dori ruu ihoòhyyre. ²⁶Bede bede iòlò mahâdu heka wowdyna-di tamy kidirahukre. ²⁷Inybina bina, iny òrarudu mahâdu tamy ralòòtyhy, ruidu mahâdu tule. Inyni heka Budoeni tyriti irumy rÿimyhÿre mahâdu sohojile wahe.

22 Idi ÿju wadee riteòsinyre, iru wahidÿÿna berohokÿ. Ibelyramy Deuxu rynana, Budoeni rynana-ribi òlòdu wahe. ²Ryrohokÿ tya-di kaa bera namyhÿde iwyòwyò-ki iruwahidÿÿna bederarade rÿimyhÿ. Tii bederarade waò inatxi reuròmÿ raratynyre. Kia ta ahâdu ahâdu-di sohojile raratynyre. Otxirarade tahe bede bede mahâdu deytana rare. ³Kia hâwâ-ki ihetxi txuhòbina tai ijòòkre, Deuxu aò ritxuhònyòra tai. Deuxu ryanahakÿ itya-ki rÿikre. Kia teòdu mahâdu riwowdynykre. ⁴Tiiboho iòsÿnymy robikre inireny iòru-ki rÿikre. ⁵Tai ruu ijòòkre. Tai txuloosòna ijòòkre. Deuxu dori itxurenykre. Tiiboho tai ihyymy rÿikre iwese iòlò mahâdu.

⁶⁻⁷Kia tahe ÿju wadee rarybere: —Kaa rybe tahe inatyhy rybe rare. Bityhynybenyke. Jesuisi rarybere: —Analekre heka tule adehemynylekre heka. Deuxu heka taÿju deòdu adee kanarybekre. Kaheka wylemy ibed-edÿÿnana kedeakre. Deuxu rarybehyy ratximyhÿre tÿnydÿÿdu mahâdu-ò, aòhebo bede rotÿÿnymyhÿkremy roimyhÿré. Ibutumy kia tyhydÿÿdu mahâdu heka reysamy rÿikremy rÿira.

⁸Jiarÿ tahe Joaò rare. Rabirahe, ibutumy kia raholare. Rabimy rexihuraa tahe, jiarÿ watiowotimÿ resere ÿjuko-txi. ⁹Ixityre wadee rarybere: —Iwidÿÿòmÿ hewa, Jiarÿ heka Jesuisi deòdu tÿnydÿÿduòle jiarÿ watxireri. Ibutumy Deuxu tyriti ityhydÿÿdu biòwa jiarÿ rare. Deuxule bityhynyke.

¹⁰Tahe ÿju ijòmÿ wadee rarybere: —Aòbo teritidÿÿnyteri ibutumy iny-ò rybe bitÿnynyke. Kia bededÿÿnana iòhòlemÿ ratxireri. ¹¹Kia bededÿÿnana kedehemynykreu, aòbina bina widÿÿdu heka aòbinale riwinykre. Iny binabina heka, ibinamy rÿikre iu. Inywiwihikÿ tasÿ awimÿ rÿikre iu. Kia òbitimÿ rÿira tahe, awityhymÿ relekre, òbitityhymÿ rÿira. ¹²Boholake warybe-ò, aòwesele heka anakre. Uriòno heka adiwymÿ wadi anawâhâde. Aòbo wadee aò riwinymyhÿre wahe iwese aòbo riwinymÿ raremyhÿwesemy heka araòwynykre. ¹³Jiarÿ heka AA jiarÿ rare. YY tule jiarÿ rare. Tyriti juhuu rare. Tyriti konana rare. Jiarÿ heka juhuludu rare. Ihewoludu tule jiarÿ rare, ibutumy wahe. ¹⁴Ibutumy tatyytyramy rÿira —teysamy rÿira. Tiiemy teysahyyhy rare. Iru òwòru wahidÿÿna bederaty heka ritokre. Tule rarònyrenykre kia hâwâhakÿ-ò. ¹⁵Ibutumy òrarudu mahâdu tule òwòru widÿÿdu tahe irehemÿ Deuxu hâwâ-ribi nyimyhÿde. Tule iny rirubunymyhÿre mahâdu, tule suritxoo luunadu mahâdu, tule ibutumy ruidu mahâdu. Ibutumy irehemÿ hâwâhakÿ-ribi roimyhÿre.

¹⁶Jesuisi heka jiarÿ rare. Waÿju reteònyre adeerenÿ kia aònaaòna bededÿÿnana relyykemy. Kaiboho heka dohodÿÿna heto mahâdu-ò relyyrenyke. Jiarÿ iòlò Davi juhu rare, tule Davi riokore rare. Biurasò taina Jiarÿ rare, loosòna rare.

¹⁷Deuxu Tytytytytyhy rarybere: —Manake! Tule hâwymÿ hâbumÿ heridu

tule rarybere: —Manke! Ibutumy ijo-
 hodu tule marybeke: Jiarỹ, Juaõ, tule
 rarybere: —Manake! Ibutumy iny bemy
 rurumyhỹre mahādu tule manake irube
 biõke. Iõwy-di aõkõ heka rare.

¹⁸ Jiarỹ, Juaõ, rarybere ibutumy iny
 katyyriti rariamyhỹre mahādu-ò. ¹⁹ Iny
 ributunyekei aõmybo kaki ritydỹỹna
 roiré, Deuxu tamy bededỹỹna binahakỹõ
 riwahinykre karitidỹỹna roireki. Inyõ
 karitidỹỹna-ribi ritakeki, Deuxu òwõru

runa ijuraõ wahe heka iribi ritakre tule
 Hāwāhākỹtyhy-ribi nadedi wahe. Tai
 rỹire tyriti-ki.

²⁰ Tule aõmybo narybede inatyhymy
 tule rarybekre (Jesuisi wahe): —
 Analekre hewa idi. Araroorehenyõtyhy.
 Juaõ, tule rarybere: —Kie, Manake
 Wanyrỹ Jesuisi.

²¹ Deuxu deysana, Inynyrỹ Jesuisi
 Kristu kia deysana ibutumy adee
 kanakremy watxiwahāre.